

ს მ გ ე წ ს მ ლ ე წ ი

# ქან - კრისტოფო



წიგნი მესხი, მეათე



» ნ ა ქ ა ლ ყ მ ი «  
თ ბ ი ლ ი ს ი

1979

И (ФР)  
84—31 т 78

© „ნაკადული“ 1979

P  $\frac{70304\ 106}{M603\ (08)}$ —79 117—79

წიგნი  
მეცხე



სა  
მე  
წი  
გნი  
მე  
ცხე

აღმასივით მტკიცე ვარ და მავარი;  
 ჩაქუჩითაც ვერ დამაკლებ ვერას,  
 ბასრზე ბასრი მახვილიც რომ დამკრა  
 სიანი არ მომადგება, მჯერა, —  
 თუ გსურს დამკარ, — ვერ მოკვდები. ეერა.  
 ზღაპრულ ფენიქს წავაგავარ, იცოდე,  
 ფრინველს, მკედარიც ადვილად რომ ცოცხლდება,  
 ფენიქსს ვგავარ, ფერფლიდან რომ ღორბინობს,  
 დამკარ, თუ გსურს, არა და არ მოხდება, —  
 მწამს ვერასგზით; ეერა და ვერ მოკვდები!

(ბაიფი, „რიტმული სიმღერა“,  
 რომლის მუსიკაც უკე მოდიუმი დაწერა).

Le diamant, dur je suis,  
 qui ne se rompt de rien,  
 Ni de la hache ni de la scie.  
 Fripa, fripa, fripa-voez,  
 Pour cela ne mourez.

Comme la Fenix je suis,  
 qui de la mort reprend vie,  
 qui de la cendre naît.  
 Tria, tria, tria-voez,  
 Pour cela ne mourez.

მუსიკალური ნიმუში, რომელიც შეესაბამება ლექსის რიტმს.

Baf | Chansonnette, mes amis,  
 mes amis en moi que par  
 fripa, tria-voez

სიმშვიდემ დაისადგურა გულში. ქარები ჩადგნენ. გაქვევდა ჰაერი...

კრისტოფიც დამშვიდდა; მშვიდობამ მოიცივა მისი სული. ეამაყებოდა კიდევ, რომ მოიპოვა ეს სიმშვიდე. თუმც გულის სიღრმეში დანადგლიანებულ იყო ამ ამბით. აკვირებდა ეს სიჩუმე. მის ვნებებს ეძინათ; კრისტოფს კი გულწრფელად ეგონა, აწი აღარც უწერიათო გავლიძება.

მისი ვეება, ოდნავ უხეში ძალა თვლემდა, უსაგნოდ დარჩენილი. სულ ღრმად კი ფარული სიცარიელე სუფევდა, „რა აზრი აქვსო“, — ამის ფიქრი; იქნებ ბედნიერების გრძობაც, რომელიც ვერ იქნა და ვერ მოიხელთა. — ახლა არც თავის თავთან უხდებოდა ბრძოლა და არც სხვასთან. უკვე მუშაობაც აღარ უმძიმდა. ერთი ეტაბი დასრულდა მისთვის; უხვად იმკიდა უწინდელ დღეთა შრომის ნაყოფს; არხეინად სწურავდა მისგან მინაგნებ მუსიკალურ ძარღვს, და სანამ მსმენელი რის დაგვიანებით აღმოაჩენდა და მოიწონებდა მის ძველ ნაწარმოებთ, თვითონ ისე გაემიჯნებოდა მათ, რომ არც კი უწყოდა, წინ თუ წავიდოდა კიდევ. თხზავდა და ტკებებოდა ნირუცკელი ბედნიერებით. ცხოვრების ამ მონაკვეთში ხელოვნება მისთვის მხოლოდღა ლამაზი ინსტრუმენტი იყო, რომელზედაც ვირტუოზულად უკრავდა. გრძნობდა, რომ დილეტანტი ხდებოდა და ერცხვინებოდა საკუთარი თავის.

„ხელოვნებაში რომ წარმატება შეგერჩეს, ღვთივ მომადლებული ნიჭის გარდა სხვა რამაც უნდა გაგაჩნდეს: მწუხარება, ვნებები, რომლებიც ავსებენ სიცოცხლესა და აზრს ანიჭებენ. თუ არა და, კი აღარ ჰქმნი, წიგნებს წერო“ — უთქვამს იბსენს.

კრისტოფიც წიგნებსა წერდა. ამას კი არ გახლდათ ჩვეული. მისი წიგნები მშვენიერი იყო. ოღონდ ერჩია, ნაკლებ წარმტაცი გამოსვლოდა და უფრო ცოცხალი. ეს მოსვენებას თავმიცემული გოლიათი, რომელმაც არ იცოდა რა ექნა საკუთარი მუსკულებისათვის, მოწყენილი ნადირივით, მთქნარებით უტკებროდა წლებს, მშვიდი მუშაობის წლებს, მას რომ ელო წინ. და რაკი ძველთაძველი გერმანული ოპტიმიზმი ძვალსა და რბილში ჰქონდა გამჯდარი, თავს ირწმუნებდა ყველაფერი უკეთესობისაკენ მიდისო და, ეტყობა, ბედმა მე ასეთი. საზღვარი დამისაზღვრაო. უხაროდა კიდევ, რომ ტანჯვას დააღწია თავი, ბატონად გაუხდა. დიდად საზარბიელო აქ არა იყო რა, მაგრამ რას იზამ!.. განაგებ იმას რაც გაბადია; ხარ ის, რაც ძალგიძს იყო... ეგონა, უკვე ნავსაყუდელს მივალწიეთ.

მეგობრები ერთად როდი ცხოვრობდნენ: ჟაკლინი რომ გაიქცა, კრისტოფ-მა იფიქრა, ოლივიე ისევ ჩემთან გადმობარგდებაო. მაგრამ ოლივიეს ეს აღარ შეეძლო. თუმცა კი სჭირდებოდა კვლავ დაახლოვებოდა კრისტოფს, გრძნობდა, წინანდებურად ველარ იცხოვრებდა მასთან. ჟაკლინთან გატარებული წლების შემდეგ აუტანლად კი არა და, პირდაპირ მკრეხელობად მიაჩნდა სხვა ვინმე შეეყვანა თავის ინტიმურ ცხოვრებაში, თუნდაც ამ სხვას ჟაკლინიზე მეტადაც ჰყვარებოდა და თავადაც მეტად ყოფილიყო მისი მოყვარული. გონებით ამას ვერ მიხვდება კაცი.

კრისტოფსაც გაუჭირდა გაგება. ემუღარებოდა, უკვირდა, სწყინდა, ბრაზობდა... ბოლოს ინსტინქტმა, გონებაზე მეტად რამ უჭირდა, ამცნო ყოველი. მიხვდა, რომ ოლივიე მართალი იყო და აღარ ჩასციებია.

ისე ყოველდღე ნახულობდნენ ერთმანეთს და არასოდეს ყოფილან ასეთის თანხმობით. თუმცა საუბრისას მთლად საგულისგულო ფიქრს არ უმხელდნენ ერთმანეთს. არც სჭირდებოდათ. ერთუერთის ხეაშიაღს უსიტყვოდაც ხვდებოდნენ, მოსიყვარულე გულების წყალობით...

ორთავ სიტყვაძენი გახდა: ერთი თავის ხელოვნებაში იყო გადავარდნილი, მეორე — მოგონებებში. ოლივიეს გულს ცოტა გადაეყარა ნალველი. მაგრამ საამისოდ არაფერი უღონია, თითქოს ტკებოდა კიდეც ამ თავის დარდით, აკი დიდხანს მხოლოდ ამ კაეშნით ედგა სული. უყვარდა თავისი შვილი, მაგრამ ბაღლი — მჩხავანა ჩვილი — დიდ ადგილს ხომ ვერ დაიჭერდა მის ცხოვრებაში. კაცთა შორის ბევრი მიჯნური უფროა, ვინემ მამა. ამაზე გაბრაზება არ ღირს, ბუნება ერთგვაროვანი როდია და სისულელე იქნებოდა ყველასათვის გულის ერთნაირი კანონები დაგვეწესებინა. არავისა აქვს ნება თავისი მოვალეობანი გულს მოუტანოს მსხვერპლად; მაგრამ გულსაც უნდა დაერთოთ ნება, ბედნიერი არ იყოს, როს ვალის აღსრულებას შეუდგება. ოლივიეს ყველაზე მეტად უყვარდა შვილში სწორედ ის ქალი, ვისი სისხლი და ხორციც ბიჭუნა იყო.

ღღეს აქამომდე დიდ ყურადღებას არ აქცევდა სხვათა ტანჯვას. ის ინტელიგენტი გახლდათ, თავის თავში ჩაეკეტილი ინტელიგენტი. ამას არ ეთქმოდა ეგოიზმი, ეს ოცნების ავადმყოფური ჩვევა იყო. ჟაკლინმა კიდე უფრო გაზარდა მის ირგვლივ სიყვარული: მისმა სიყვარულმა ოლივიესა და დანარჩენ მოკვდავთა შორის მაგიური ზღუდე აღმართა და ეს ზღუდე ახლაც, სიყვარულის გაქრობის შემდეგაც განაგრძობდა არსებობას. თანაც ოლივიე ბუნებით იყო არისტოკრატი. ბრბოსგან, თუმცა კი გული მოსიყვარულე ჰქონდა, სიყრმიდანვე მუდამ შორს ეჭირა თავი. ეს იყო სულისა და სხეულის ინსტინქტური სიფაქიზე. საზოგადოების ქუნი და აზრი მუდამ ზიზღს გვრიდა.

მაგრამ ყველაფერი შეიცვალა ერთი მეტად ბანალური შემთხვევის შემდეგ, რომლის მომსწრეც უნებურად შეიქმნა.

საკმაოდ ღარიბული ბინა ჰქონდა ნაქირავეები მონრუჟის წვერში, კრისტოფისა და სესილის გვერდით. მღაბითა უბანი იყო: აქ ბინადრობდნენ წვრილ-წვრილი რანტიეები და მოხელეები, მუშათა ოჯახები. სხვა დროს გაუჭირდებოდა: ამგვარ გარემოში გაძლება, თავს უცხოდ იგრძნობდა, მაგრამ ახლა მისთვის სულერთი იყო, აქ იღებოდა თუ სხვაგან: მაინც ყველასაგან იყო განაკიდი. არ იცოდა, ვინ ჰყავდა მეზობლად და არც სურდა სცოდნოდა. სამსახურიდან რომ დაბრუნდებოდა — (ერთ გამოცემლობაში მოეწყო, სამუშაოდ) — ჩაიკეტებოდა ხოლმე თავის მოგონებებთან და მხოლოდ მაშინ თუ გამოდიოდა გარეთ, როცა შვილის, ანდა კრისტოფის ნახვა მოუხდებოდა. მის ბინას ეკრა არ ეთქმოდა: ეს გახლდათ ბნელი ოთახი, სადაც წარსულის სურათები მქლავდებოდა; რაც უფრო ბნელი იყო ოთახი და რაც უფრო შიშველი, მით უფრო მკაფიოდ იკვეთებოდა სურათები. კიბეზე რომ ხალხს ხვდებოდა, ძლივს ამჩნევდა. მაგრამ მისდაუნებურად ზოგიერთის სახე მაინც აღებეჭდა გონებაში. ზოგს ისე აქვს გონება მომართული, რომ მხოლოდ მაშინლა აღიქვამს კარგად საგნებს, როცა ისინი თვალს მიეფარებიან. მაშინ კი არაფერი გამოეპარებათ, თვით უმცირესი წვრილმანიც კი საჭრეთლითა აქვთ ამოტივფრული. ასეთი იყო ოლივიეც: ცოცხალთა აჩრდილებით დასახლებული. თუ რამ ანაზღვეული აამღეღვარებდა, ეს აჩრდილები ცოცხლდებოდნენ და ოლივიეც ცნობდა მათ, თუმც უწინ არასოდეს სცნობებია; ხანდახან ხელსაც იწვდიდა მათ დასაჭერად... მაგრამ გვიანლა იყო!...

ერთხელ, შინიდან რომ გამოვიდა, დაინახა, მისი სახლის წინ ხალხი შეჯგუფულიყო; კონსიერჟე ქალს შემოხვეოდა, რომელიც გამწარებით ჰყვებოდა რალაცას. ცნობისწადილი არ აღძვრია და ამბის გამოკითხვასაც არ ცდილა, ისე უნდოდა ჩავლა; მაგრამ კონსიერჟეს, ეტყობა, სურდა, რაც შეიძლება მეტი მსმენელი შემოეკრიბა, დაუძახა და ჰკითხა, იცით, იმ საწყალ რუსელებს რა დაემართათ. ოლივიემ ისიც კი არ იცოდა, „ის საწყალი რუსელები“ ვინ იყვნენ, და მხოლოდ ზრდილობის გულისთვის მიუგლო ყური. როცა შეიტყო, რომ სიღარიბით სასოწარკვეთილმა ერთმა მუშის ოჯახმა: მამამ, დედამ და ხუთმა ბავშვმა თავი მოიკლეს თავიანთ ბინაში, სხვებსავით მანაც კედლებს დაუწყო ცქერა და თან ყურს უვადებდა მთხრობელს, რომელიც ენის დაუყენებლად ჰყვებოდა და ჰყვებოდა. სანამ ქალი ლაპარაკობდა, მეხსიერებაში გაუცოცხლდა მეზობელთა სახეები და მიხვდა, რომ ადრეც ენახა ეს ხალხი; დაიწყო გამოკითხვა... დიახ, იცნობდა: კაცი (თითქოს კიბეზე ამომავალის ხენეშაც ესმოდა) ხაბაზი იყო, ღუმელის ცეცხლისაგან სისხლგამშრალი, სახეჩატეტკილი, მიწყვი გაუპარსავი, ლოყებჩაცვივებული... წლევუს ფილტვების ანთება გადაიტანა და ზამთრის პირს ხელახლა შეუდგა მუშაობას, თუმც კი მთლად ფეხზე არ იყო დამდგარი; სენმა ისევ დაივლო; სამი კვირის განმავლობაში არც სამუშაო ჰქონდა და არც ილაჯი. ქალი გამუდმებით ორსულად იყო, რევმატიზმებისაგან გატანჯულ-დადამბლავებული; მაინც ქანცს იწყვეტდა კარდაკარ დამლაგებლად მუშაობით, მთელ ღღებებს სასყიდლებზე სირბილში ატარებდა, ცდილობდა საზოგადოებრივი

ქველმოქმედების უწყებათაგან დანშარების მიღებას, მაგრამ დანშარება მცირედი იყო და მოსვლასაც არ ჩქარობდა. სამაგიეროდ ბავშვები მოდიოდნენ ერთიმეორის მიყოლებით და არ კი იღლებოდნენ: ერთი თერთმეტი წლისა იყო, მეორე — შვიდი წლისა, მესამე — სამის, თუ სათვალავში არ ჩავადებთ ორ დანარჩენს, ჩვილობაშივე რომ დაჰკარგეს. და ბოლოს ორი ტყუპიც გაჩნდა, ორი ნამცეცა; საუცხოო დრო კი შეარჩიეს ამქვეყნად. მოსასვლელად: გასულ თვეს დაიბადნენ.

— მათი დაბადების დღეს ჰყვებოდა მეზობლის ქალი, — უფროსმა, თერთმეტი წლის ეიუსტინმა — საწყალი გოგო! — ცხარე ცრემლებით იტირა, ორთავ ერთად როგორ ვატარო.

ოლივიეს მყისვე თვალწინ დაუდგა გოგონას სახე, ამობურცული შუბლი, გადატყეცილი, ჩალისფერი თმა, მღვრიე ნაცრისფერი, დიდრონი თვალები ხშირად ხედებოდა ხან სანოვავის ჩანთით, ხან უმცროსი დით ხელში; ზოგჯერ შვიდი წლის ძმა მოჰყავდა ზელჩაყიდებული. ტანწვრილი, სუსტი ბიჭი იყო, ცალთვალდაშრეტილი, ნატიფი სახისა. როცა კიბეზე გადაეყრებოდა გოგონას, ოლივიე მისთვის ჩვეული, დაბნეული ზრდილობით ეტყოდა:

— ბოდიში, ქალიშვილო.

ბავშვი არ პასუხობდა; გვერდით ჩაუვლიდა სარგადაყლაპულივით; ოდნავ თუ უტევდა გზას. მაგრამ ეს მოჩვენებითი ზრდილობიანობა იღუმალ სიხარულს გვრიდა. წუხელ საღამოს, ექვს საათზე, ოლივიე კიბეზე რომ ჩადიოდა, მაშინ შემოხვდა უკანასკნელად. მთელი სათლი ნახშირი მიჰქონდა. ტვირთი მეტისმეტად მძიმე ჩანდა მისთვის, მაგრამ ლატაკთა ბავშვები მძიმე ტვირთის ტარებას ჩვეულნი არიან. ოლივიე უწინდებურად მიესალმა, ისე, რომ სახეში არც შეუხედავს. რამდენიმე საფეხური რომ ჩაიარა, ანგარიშმიუცემლად ასწია თავი და დაინახა — მოაჩირზე გადმოხრილი სიმწრისგან დამანჭული სახე გადმოსცქეროდა ზევიდან. გოგონამ მაშინვე განაგრძო გზა. იცოდა კია, რას უქაღდა ეს გზა? — ოლივიე აღარ ეჭვობდა ამაში და არ ასვენებდა ფიქრი ამ ბავშვზე, რომელსაც თავისი მძიმე სათლით სიკვდილი მიჰქონდა — შვება მიჰქონდა... უბედური პატარები, მათთვის ხომ არყოფნა წამების დასასრულს უდრიდა! სასიეროდ გულმა აღარ გაუწია. თავის ოთახში დაბრუნდა. მაგრამ იქაც ზარავდა ფიქრი იმისა, რომ სულ ახლოს, ზევით, ის მკვდრები ესვენა... რამდენიმე ტიხარი თუ ჰყოფდა მათგან... თურმე ამდენ ხანს ამ ბედკრულთა გვერდით ცხოვრობდა და არ კი უწყოდა!

ისევე კრისტოფისაკენ გასწია. გული უკენსოდა; თავს ეუბნებოდა, სიმხეცეა ასე თავის ნაჭუჭში ჩაკეტვა, სიყვარულის ფუჭ სინანულს მიეცემივარ, როცა აგერ ამდენ ხალხს ათასჯერ უფრო უარესი უბედურება სჭირს და შეიძლებაო მათი გადარჩენა. მის მღელვარებას საზღვარი არ ჰქონდა. ამ მღელვარების გადაღება ძნელი არ იყო და კრისტოფისაც ადვილად გადაედო. ოლივიეს ნაამბოზი რომ მოისმინა, დახია იმ დღეს დაწერილი გვერდი, ეგოისტი ვარ, ბავშვური



თამაშობებით ვიქცევ თავსო... მაგრამ შემდეგ აკრიფა ნაფხრეწები. ერთობ შეპყრობილი იყო თავისი მუსიკით; ინსტინქტივ უკარნახებდა, ერთი ხელოვნების ნაწარმოებით ნაკლები ერთით მეტ კაცს არ გააბედნიერებსო. სილატაკის ეს ტრაგედია მისთვის არავითარ სიახლეს არ შეიცავდა; სიყრმიდანვე შეჩვეული იყო ასეთი უფსკრულების პირას სიარულს და არ გადახატრულა. გულისწყრომასაც აღუძრავდა თვითმკვლელობა იმჟამად, როცა თავად ჯან-ლონით საესე იყო და ვერ მიმხვდარიყო, რა ტანჯვაც არ უნდა გრგებოდა წილად. როგორ იქნებოდა ფარხმალი დაგეყარა და ბრძოლაზე გეთქვა უარი: ტანჯვა და ბრძოლა, რა შეიძლება იყოს ამაზე ნორმალური? ესაა სამყაროს ხერხემალი.

ოლივიესაც მსგავსი განსაცდელი გამოეწო: მაგრამ თავის დღეში ვერ შეირიგებოდა ხედრას; სხვისი სილატაკე ისევე აღაშფოთებდა, როგორც საკუთარი. აძრწუნებდა. ეს სილატაკე, მისი საყვარელი ანტუანეტას სიცოცხლე რომ შეიწირა. მას შემდეგ, რაც ქაქლინი შეირთო ცოლად, სიმიდრესა და სიყვარულს თავი ისე გაანახებინა, სულ იმის ცდაში იყო, გულიდან გადაეგდო იმ მძიმე წლების მოგონებანი, როცა ისა და მისი და დღეისმარე ჭანცს იწყვეტდნენ, რათა მეორე დღეს ცხოვრების უფლება მოეპოვებინათ, თანაც ისე, რომ არ უწყოდნენ, ეწეოდნენ თუ არა საწადელს. ეს სურათები ხელახლა უდგებოდა თვალწინ ახლა, როცა გადასარჩენი სიყვარულის ეგოიზმით აღარ იყო მოცული. ნაცვლად იმისა, რომ ტანჯვისაგან პირი ებრუნებინა, სატანჯველს აქეთ დაუწყო მებნა. დიდი გზის გავლა არ დასჭირვებია მის საპოვნელად. მისებრ გონება მომართულ კაცს გაჭირვება ყოველ ფეხის ნაბიჯზე ხვდებოდა. მთელი ქვეყანა გაჭირვებული იყო. ქვეყანა ლაზარეთს მოჰკავდა!.. პოი, მწუხარებაჲ! პოი, სულის ხდომავ! წამებაჲ ღონემიხდილი, დაჭრილი ხორცისა, ცოცხლად რომ იხრწნება! ჩუმო ტანჯვაჲ გულებისა, რომელთაც შავი ნაღველი ფლეთს! აღერსს, მოკლებულო ბავშვებო, უიმედოდ შეთნილო ქალიშვილებო, შეცდენილო და მიტოვებულო ქალებო, მეგობრის ღალატით გულმოკლულო მამაკაცებო — თქვენი სიყვარული და თქვენი რწმენა — ესაა საბრალდებელი კორტეჲი უბედურთა, რომელთაც ცხოვრებამ გაჰკრა მსახვრალი ხელი!.. ყველაზე საზარელი გაჭირვება და ავადმყოფობა როდია; ყველაზე აუტანელი კაცთ სისასტიკეა ერთუთრის მიმართ. აუწია თუ არა ყური ოლივიემ სარქველს, რომელიც კაცთა ჯოჯოხეთს ფარავდა, ერთბაშად შემოესმა ყველა ჩაგრულის ძახილი, ექსპლოატირებულნი პლორეტარებისა, დევნილი ხალხებისა, სისხლდანთხეული სომხეთისა, მოგუდული ფინეთისა, შაყანაკრავი პოლონეთისა, გვემული რუსეთისა, ევროპელ მგელთა საჯიჯგნად მიგდებული აფრიკისა, კაცთ შოდგმის ყველა უბედურთა ხმა; სული კინაღამ შეეხუთა; ეს ხმა ჩაესმოდა ყველგან, ველარც წარმოედგინა, რომ ფიქრი სხვა რამეზედაც შეიძლებოდა. სულ ამ სატიკვარზე ელაპარაკებოდა კრისტოფს. აღელვებული კრისტოფი ეუბნებოდა:

— გაჩუმდი! მუშაობა მაკალე.

და რადგან უქირდა წონასწორობის კვლავ აღდგენა, ბრახობდა და ილან-ძღებოდა:

— ჯანდაბას ყველაფერი! ეს ერთი დღეც დაკარგულია ჩემთვის! ხედავ, რას გამოძრჩი.

ოლივიე ბოდიშს უხდიდა.

— ძმაო, — ეუბნებოდა კრისტოფი, — მუდამ უფსკრულში კი არ უნდა იცქირო. ასე ვერაკაცი ვერ იცხოვრებს.

— ხელი უნდა გაუწოდოთ იმათ, ვინც უფსკრულში ჩავარდნილა.

— ცხადია. მაგრამ როგორ? ჩვენც რომ შიგ ჩავცვივდეთ, იმით? შენ სწორედ აქეთკენ მიისწრაფვი. საერთოდაც გჩვევია, ცხოვრებაში მხოლოდ ის დაინახო, რაც სამწუხაროა. ღმერთი იყოს შენი მფარველი! ეგ პესიმიზმი გულმოწყალება, თქმა არ უნდა, მაგრამ გულის მომწყვლელიც. ბედნიერების მოტანა გინდა? ჯერ თავად გაბედნიერდი!

— გავბედნიერდე? გულდამშვიდებით როგორ მივეცე ბედნიერებას, როცა ირგვლივ ამდენ ტანჯვასა ვხედავ? ბედნიერება ახლა ისღაა, რომ ტანჯულთ ტვირთი შევეუმსუბუქოთ.

— კეთილი და პატიოსანი. მაგრამ ასე ცა და ქვეყანასთან ბრძოლით ვერ შევეწევი უბედურებს. ერთი უხეირო ჯარისკაცით მეტი გინდ ყოფილა, გინდა არა. სამაგიეროდ მე შემიძლია დავამშვიდო ხალხი ჩემი ხელოვნებით, მივმადლო ძალა და სიხარული. იცი, რამდენი უპოვრისათვის უშველია გაჭირვებაში ფრთიანი სიმღერის სიმშვენიერეს? ყველას თავისი ხელობა აქვს! თქვენ, ფრანგები, როგორც სულდიდ შლეგებს სჩვევიათ, მუდამ პირველნი იმალელებთ ხმას ყველა ჯურის უსამართლობის წინააღმდეგ, ესპანეთსა და რუსეთში რომ ხდებოდა, ისე, რომ ზუსტად არც კი უწყით, სად რა ტრიალებს. სწორედ ამისთვის მიყვარხართ. მაგრამ გგონიათ, საქმეს შველით? თავგამეტებით ებმებით ომში და შედეგს კი ვერ აღწევთ, თუ მთლად არ აუარესებთ საქმეს!.. აბა უცქირე, ხელოვნება თავის დღეში არ ყოფილა ისეთი უსახური, როგორც ახლა, როცა თქვენი ხელოვანნი ცდილობენ ჩაებან მსოფლიო საქმეებში. საოცარია, რამდენი უხეირო და გაქნილი დილეტანტი ჩემულობს მოციქულობას. ბევრად უკეთესი იქნებოდა ნაკლებად ამძარბული ღვინო ჩამოესხათ ხალხისათვის. ჩემი უპირველესი ვალაა გავაკეთო ის, რასაც ვაკეთებ, დაგიწეროთ ჯანსაღი მუსიკა, რომელიც სისხლს აგიჩქროლებთ და მზეს ჩაგისხამთ ძარღვებში.

სხვებს რომ უწილადო მზე, თავად უნდა გაგაჩნდეს იგი. ოლივიე მზენაკლი იყო, როგორც დღევანდელთა შორის საუკეთესონი. იმდენი ძალა არ შესწევდა, რომ მართოს, თავისით გაეთბო ირგვლივ მყოფნი. ამას მხოლოდ სხვასთან შეამხანაგებული თუ შეძლებდა. მაგრამ ვის უნდა შეამხანაგებოდა? ეს თავისუფლად მოაზროვნე და თანაც გულით მორწმუნე კაცი განდევნილი იყო ყველა პოლიტიკური და რელიგიური პარტიიდან. პარტიები ხომ ყველა ერთმანეთს ეჯიბრე-

ბოდა შეუწყნარებლობასა და გონებაშეზღუდულობაში. როგორც კი ძალა-  
უფლებას იგდებდნენ ხელთ, იმწამსვე ბოროტად იყენებდნენ. მხოლოდ  
ჩაგრულებსაიკენ მიუხედავად ოლივიეს გული: ამაში მაინც იზიარებდა  
კრისტოფის აზრს: სანამ შორეულ უსამართლობას შევებმოლეთ, ჩვენს  
ირგვლივ მყოფთა უბედურებას უნდა ვეუწამლოთ, გარს რომ გვაკრავს და  
ნაწილობრივ ჩვენც გვბრალდებაო. ბევრი კაცი გმობს სხვათა მიერ ჩადენილ  
ბოროტებას და არ კი ფიქრობს თავის ნამოქმედარ სიავეზე.

ოლივიემ ჯერ ღარიბთა შემწეობას მიჰყო ხელი. მისი მეგობარი ქალი,  
ქალბატონი არნო მონაწილეობდა საქველმოქმედო საქმეებში. ოლივიემ ჩაე-  
წერა მის დასში. პირველ ხანებში სულ იმედი უცრუვდებოდა: ღარიბები, მას  
რომ ერგო წილად, ყველა არ გამოდგა თანაგრძნობის ღირსი; მის სიყვარულს  
საკადრისს არ მიუზღავდნენ, გულს არ უხსნიდნენ, არ ენდობოდნენ. კაცმა რომ  
თქვას, ინტელიგენტს უჭირს კიდევ, მარტოოდენ მოწყალეების გაცემას დასჯერ-  
დეს: ეს მოწყალეობა ლატაკთა ქვეყნის ისე მცირე მიდამოსა რწყავს! მისი მოქმედე-  
ბა თითქმის ყოველთვის კნინი და უღლეურია! თითქოს ალაღებელზე მავალი, მხო-  
ლოდ იმ პრილობებს წამლობს, რომელთაც გადაეყრება. საერთოდაც მეტად  
უღონოა და ანაჩქარები, რომ სატკივარს ფესვებამდე ჩასდიოს. ოლივიეს გონება  
კი სულ ამ საფიქრალს უჭრიალებდა.

მერე სოციალური სილატაკის პრობლემათა შესწავლას მოჰკიდა ხელი.  
მეგზურად მრავლად ჰყავდა. იმხანად სოციალური საკითხი მთელი საზოგადო-  
ების საკითხად იყო ქცეული. ამაზე საუბრობდნენ სალონებში, რომანებში, სცე-  
ნაზე. ყველა მის ცოდნას ჩემულობდა. ახალგაზრდობის ნაწილი მის გადაწყვე-  
ტას ახმარდა ყოველივეს, რაც რამ გააჩნდა კარგი და კეთილი.

ყოველ ახალ თაობას სჭირდება თავისი მშვენიერი სიგიჟე. ჰაბუკთა შორის  
ყველაზე ეგოისტებსაც კი გააჩნიათ ჰარბი ენერჯია, ძალ-ღონის მარაგი, რომელ-  
საც უმოქმედოდ გაჩერება უჭირს. ისინი ცდილობენ დახარჯონ ეს ძალა მოქმედე-  
ბაში, ანდა (რაც ნაკლებ საფრთხილოა) — თეორიებში. ავიაციის ან რევოლუციის.  
მუსკულების სპორტი ანდა სპორტი იდეებისა. ახალგაზრდებს არ მოესვენებათ,  
თუ თავი არ დაირწმუნეს, რომ მონაწილეობენ კაცობრიობის დიდ მოძრაობაში,  
რომ ანახლებენ ქვეყნიერებას. მათი გრძნობებიც თრთიან და ცახცახებენ სამ-  
ყაროს ყოველ ამოსუნთქვაზე, ისეთი თავისუფალნი და მსუბუქნი არიან! ოჯა-  
ხური უღელი ჯერ არ დაუღდამთ ქედზე, არაფერი აბადიათ და არც არაფერი  
აქვთ დასაკარგი. სულდიდნი არიან, როცა შეუძლიათ უარი თქვან იმაზე, რა-  
იც ჯერ არ უბყრიათ ხელთ. თანაც რა სჯობია გიყვარდეს და გძულდეს, და გწამ-  
დეს, რომ გარდაქმნი დედამიწას ოცნებებითა და ყვირილით! ახალგაზრდები სმე-  
ნაგადარაჯებულ ძაღლებს გვანან: თრთიან და ქარს უყეფენ. ქვეყნის დასალიერ-  
ში ჩადენილი უსამართლობა აშმაგებთ...

ეს ღამეული ყეფა იყო. ერთი ფერმიდან მეორემდე, ვეება ტყეში განუ-

წყვეტილზე გაისმრდა იგი. შფოთიანი ღამე იდგა. ადვილი როდი იყო დაძინება მამნი! ქარს ამდენი უსამართლობის გამოძახილი მოჰქონდა ჰაერში!.. უსამართლობათ ხომ რიცხვი არა აქვს; ერთს რომ უწამლო, შეიძლება სხვების ჩადენა მოგიხდეს. რა არის უსამართლობა? — ერთისთვის ეს სამარცხვინო მშვიდობაა — დაქუცმაცებული სამშობლო. მეორისათვის — ომი. ერთისთვის — დანგრეული წარსული, გაძევებული უფლისწული; სხვებისთვის — გაძარცვული ეკლესია; მესამისათვის — გაცუდებული მომავალი, საფრთხეში მყოფი თავისუფლება. ხალხისთვის ესაა უთანასწორობა; ელიტისათვის — თანასწორობა. იმდენი სხვადასხვა უსამართლობაა, რომ ყოველი თაობა თავისას ირჩევს, — ერთს იმას, რომელსაც ებრძვის და მეორეს იმას, რომელსაც აფუძნებს.

იმხანად ყველაზე გამამეტებით სოციალურ უსამართლობას უტევდნენ და შეუცნობლად სხვა, ახალ უსამართლობათ ამზადებდნენ.

ცხადია, ეს უსამართლობა მძიმე იყო და თვალში საცემი; მეტადრე მას შემდეგ, რაც მუშათა კლასი გაიზარდა რიცხობრივად და ღონეც მეტი მოიკა, რაც სახელმწიფოს ერთ-ერთი ძირითადი მამოძრავებელი ძალა გახდა. მაგრამ მისი ბელადებისა და მეხოტბეთა განცხადებების მიუხედავად, ამ კლასის მდგომარეობა არ გაუარესებულა; წარსულისაზე უკეთესიც კი იყო; შეცვლით იმიტომ კი არ შეიცვალა, რომ მეტად იტანჯებოდა, არამედ იმიტომ, რომ თავად იყო უფრო ძლიერი, ძალმოცემული თავისი მტრის — კაპიტალის ძლიერებით, ეკონომიური და ინდუსტრიული განვითარების ფატალურებით, განვითარებისა, რომელმაც ეს დღიური მუშები საბრძოლველად მომზადებულ არმიად შეადუღა და მანქანური წარმოების დანერგვით ხელში იარაღი მისცა, ყოველი შეგირდი ოსტატად აქცია, რომელიც მბრძანებლობს მესხა და სინათლეს, განაგებს მსოფლიო ენერჯიას; ელემენტარულ ძალთა ამ უზარმაზარი მასისაგან, რომლის დარაზმვასაც ბელადები ეს ერთი ხანია ცდილობდნენ, არმურის მცხუნვარება, ელექტრონული ტალღები მომდინარეობდა და ტანში უვლიდა მთელ საზოგადოებას.

ამ ხალხის საქმემ თავისი სიმართლით, სიახლითა და ძალით როდი შესძრა ბურჟუაზიული ინტელიგენცია, თუმც თვითონ ასე წარმოედგინათ. თუ მოაჯა, დოჯა, მხოლოდ და მხოლოდ თავისი სასიცოცხლო ძალით.

მისი სიმართლე? სხვა, ათასი სიმართლე ამქვეყნად ფეხქვეშ იყო გათელილი ისე, რომ ქვეყანა არ შეწუხებულა. მისი იდეები? ჭეშმარიტების ნამუსრევი გახლდათ, აქა-იქ შეკრებილი, სხვა კლასების ხარჯზე ერთი კლასის ტანს მორგებულნი. აბსურდული კრედოები იყო ყველა სხვა კრედოთა მსგავსად, — მეფეთა საღვთო უფლების, პაპების შეუცდომლობის, პროლეტარიატის მეფობის, საყოველთაო არჩევნების, კაცთ თანასწორობისა, — ერთნაირად აბსურდული, თუ მხედველობაში მხოლოდ მათ იდეურ ღირებულებას მივიღებთ და არა ძალას, რომელსაც იგი მოძრაობაში მოჰყავს. მერე რა, რომ კნინნი არიან? იდეები როდი იპყრობენ ქვეყანას, ისინი ვერაფერს გახდებიან, თუ ძალში არ გან-

სხეულდნენ. ადამიანთა გულებს ისინი თავიანთი ინტელექტუალური შინაარსით როდი ინადირებენ, არამედ იმ სასიცოცხლო სხივებით, ისტორიის ზოგ საათებში რომ აფრქვევენ. თითქოსდა სუნი ასდით: ყნოსვა ყველაზე ნაკლებ რომ უჭირთ, ისინიც კი მონუსხულნი არიან. ყველაზე ზეაღმტაცი იდეაც კი მომხრეთ ვერ შემოიკრებს იმ წუთამდე. სანამ გადამდები არ გახდება; თავისი საკუთარი ღირსებით კი არა, ადამიანთა იმ ჯგუფის ღირსებებით, რომელიც მას განასხეულებს და თავის სისხლს ჩაუსხამს ძარღვებში. მაშინ გამხმარი მცენარე — ვარდი ერიქონისა უეცრად აყვავდება, იზრდება, მძაფრი სუნით ავსებს მიდამოს. ეს აზრები, რომელთა მოელვარე დროშასაც მუშათა კლასი იერიშით მიჰყავდა ბურჟუაზიულ ციტადელზე, ბურჟუა მეოცნებეთა თავებიდან იყო გამოსული. სანამ ბურჟუათა წიგნებში იყვნენ ჩაკეტილნი, მკვდრებს მოჰკავდნენ: სამუზეუმო ნივთებს, ვიტრინებში გამოდებულ, ჩვრებში შეხვეულ მუმებიებს, რომელთაც არავინ უტკერს. მაგრამ როგორც კი ხალხმა გაითავისა, დაიჩემა და დაუმატა თავისი ცხელებიანი სინამდვილე, ასე რომ ასახიჩრებს და სულს უდგამს ყოველივეს, რაც მის განყენებულ იდეებში ჩააწნა თავისი ჰალუცინაციური იმედები — ჰიჭრის ხორშაყი ქარი, ერთმა მეორეს გადასდო, მეორემ — მესამეს... ყველას გულებში ჩაუვარდა, თუმც კი არ უწყოდნენ, ვისგან და როდის იქნა შემოტანილი. პიროვნებანი სათვალავში აღარ იყვნენ ჩასადგებნი. მორალური ეპიდემია კვლავ იზრდებოდა; და შეიძლებოდა გონებაშეზღუდულ ხალხს გადაედო სენი რჩეულთათვის. ყველა თავის თავში ატარებდა მას ისე, რომ თავად არ იცოდა.

ამგვარი ინტელექტუალური ეპიდემია ყოველ დროსა და ყოველ ქვეყანაში ყოფილა; მათ თავი უჩენიათ არისტოკრატიულ სახელმწიფოებშიც, სადაც დახურული კასტები ცდილობენ დღე გაიხანგრძლიონ. მაგრამ არსად არ არიან ისეთი ელვისებურნი, როგორც დემოკრატებში, საცა აღარავითარი სანიტარული ბარიერი აღარ დარჩენილა ელიტასა და ბრბოს შორის. ბრბოს ერთბაშად მოეძალება სენი. მისთვის ჩვეული სიამაყისა და გამპკრიახობის მიუხედავად მას არ ძალუძს თავი დაიძვრინოს, რადგან ბევრად უფრო სუსტია, ვიდრე თავად ჰგონია. ჰუა-გონება კუნძულია, რომელსაც კაცთ მოქცევა ღრღნის, ფიტავს და ფარავს. იგი მხოლოდ მაშინ წამოსწევს თავს, როცა წყალი იკლებს. ზოგი აღტაცებულია ფრანგი დიდგვაროვნების საქციელით, ოთხ აკვისტოს, ღამით, ხელი რომ აიღეს თავიანთ პრივილეგიებზე. ყველაზე ღირსშესანიშნავი კი ისაა, რომ სხვაგვარად მოქცევა არ შეეძლოთ. წარმომიღგენია, მათმა უმრავლესობამ, შინ რომ დაბრუნდა, თქვა: ეს რა ჩავიდინე, მთვრალი ვიყავიო.. საუცხოო სიმთვრალე კი იყო! ღმერთმა აკურთხოს კარგი ღვინო და ვაზი, რომლისგანაც დაწურულა იგი! ვაზი, რომლის სისხლმაც დაათრო ძველი საფრანგეთის დიდებულები, მათი დარგული არ ყოფილა. ღვინო ამოხაპული იყო და დაღვევალა აკლდა. ვინც კი დალია, ყველას თავბრუ დაესხა; იმათაც კი, ვინც მარტო როფიდან იყნოსა სუნი!.. რევოლუციის რთველი!.. დღესდღეობით 89 წლის ღვინო რამდენიმე ბოთლის მეტი აღარ დარჩენილა ჩვენს სარ-

დაფებში, მაგრამ ჩვენს ბაღიშებს ემახსოვრებათ, რომ მათი პაპის პაპები დამთვრალან ამ ღვინით.

ის ღვინო, თავში რომ უვარდებოდათ ოლივიეს თაობის ყმაწვილ ბურჯუებს, უფრო მძაფრი იყო, მაგრამ ნაკლებ ძლიერი. ისინი თავიანთ კლასს მსხვერპლად სწირავდნენ ახალ ღვთაებას — Deo ignoto-ს ხალხს<sup>1</sup>.

ცხადია, ყველა ერთნაირად გულწრფელი არ ყოფილა. ზოგს თავის კლასის მოძულედ მოჰქონდა თავი და მისგან გამორჩევის წყურვილი ამოძრავებდა. უმეტესობისათვის ეს ინტელექტუალური დროსტარება იყო, ორატორული ჟინი, რომელსაც თავადაც მთლად სერიოზულად არ ღებულობდა. საამუშრია გეგონოს, რომ რაღაც საქმისა გწამს, რომ იბრძვი, ანდა იბრძობლებდი მისი გულისათვის. ურიგო არაა იმის ფიქრიც, რაღაც რისკსა ვწევო. თეატრალური ემოციებია და მეტი არაფერი.

საკმაოდ უწყინარადაც გამოიყურებიან, როცა გულუბრყვილოდ აპყობხარ და არაფერს გამოელი მათგან. მაგრამ სხვებს, უფრო გამოცდილებს, მხოლოდ ანგარება ამოძრავებდათ; სახალხო მოძრაობის წყალობით სურდათ წარმატებისათვის მიეღწიათ. ასე ნორმანთა<sup>2</sup> ურდოები სარგებლობდნენ ზღვის მოქცევით, რომ თავიანთი კატარღებით ღრმად შეჭრილიყვნენ ხმელეთში, დიდ-დიდი მდინარეების შესართავებიდან ზემოწელისაკენ ევლოთ და დაპყრობილ ქალაქებში გაშავებულიყვნენ, სანამ ზღვის მოქცევა დაიწყებოდა. გასასელელი ყელი ვიწრო იყო, ტალღა — მუხანათი; მოხერხება მართებდათ მეზღვაურებს, მაგრამ დემაგოგის ორმა თუ სამმა თაობამ შვა მოდგმა კორსარებისა, რომლებიც ხელობის ყველა საიდუმლოს იყენენ ნაზიარებნი, თავად მოხერხებულად გადიოდნენ და ცალი თვალითაც კი არ გადახედავდნენ იმას, ვისაც ტალღა შთანთქავდა.

ასეთი ვიგინდარები ყოველ პარტიაში არიან; ღვთის მადლით ეს არც ერთი პარტიის ბრალი არაა. მაგრამ ზიზღმა, ეს ავანტიურისტები რომ აღუძრავდნენ გულწრფელსა და ერთგულ ადამიანებს, ზოგიერთს სულ წარუხნოცა თავიანთი კლასის რწმენა. ოლივიე ხედავდა მდიდარსა და განათლებულ ახალგაზრდა ბურჯუებს, ბურჯუაზიისა და თავიანთ უსარგებლობას რომ ხვდებოდნენ. გულით ეწადა მათთან დაახლოება. მას შემდეგ, რაც გადაწყვიტეს, სახალხო რევოლუცია ელიტამ უნდა მოახდინოსო, მას შემდეგ, რაც სახალხო უნივერსიტეტები გახსნეს, რომელთაც ბევრი დრო და ფული შეალიეს, მიხვდნენ, რომ ამაოდ დაშვრენ; იმედი უსაზომოდ დიდი იყო; იმედის გაცრუება — მით უმეტეს. ხალხი არ მოვიდა მათ ძახილზე, ანდა მოვიდა და მსწრაფლ დაიფანტა. მოსულსაც ყველაფერი უკუღმართად ესმოდა, ბურჯუაზიული კულტურიდან მხო-

<sup>1</sup> უხილავი ღმერთი (ლათ.).

<sup>2</sup> ნორმანები — ძველი სკანდინავიის მკვიდრნი.

ლოდ მანკს გადაიღებდა ხოლმე. ბოლოს და ბოლოს, ერთ ქეციან ცხვარზე მეტი გადავიდა ბურჯუაზიულ მოციქულთა ბანაკში და მათ სახელი გაუტეხა, რაჟი ერთსა და იმავე დროს ექსპლუატაციას უწევდა ხალხსაც და ბურჯუაზიასაც. მაშინ კეთილი ნების ადამიანებს ეჩვენებოდათ, რომ ბურჯუაზია განწირული იყო; რომ მას შეეძლო მხოლოდ სენი გადაედო ხალხისათვის, რომ ხალხს, რაღაც უნდა დაჯდომოდა, უნდა გათავისუფლებულიყო მისგან და თავისით გაეკვლია გზა და სავალი. ერთი სიტყვით, სხვა აღარაფერი დარჩენოდათ, გარდა იმისა, რომ ემცნოთ ყველასათვის მოძრაობა, რომელიც უმათოდ და მათ წინააღმდეგ წარიმართებოდა. ზოგი ამაში უარის თქმის სიხარულს ჰპოვებდა, ადამიანურ თანაგრძნობას, ღრმასა და უანგაროს, რომელიც თავისივე მსხვერპლით იკვებება. სიყვარული, თავის მტლად დადებდა! სრუტაზე აურაცხელ სიმდიდრესა ფლობს და სამაგიეროს გარეშეც შეუძლია იოლას გასვლა, შიში არა აქვს, განძარცვული დავრჩებით. სხვები გონებას ანიჭებდნენ უპირატესობას, მბრძანებლურ ლოგიკას; ადამიანებს კი არ სწირავდნენ თავს; არამედ — იღებენ. ესენი ყველაზე მეტად უშიშარნი და შეუპოვარნი იყვნენ. ზვიადურ ტკობას განიცდიდნენ, როცა თავიანთი მსჯელობით საბედისწერო განაჩენი გამოჰქონდათ საკუთარი კლასისათვის. მათთვის უფრო სამძიმო იქნებოდა ამ წინასწარმეტყველების გაცუდება, ვიდრე მისი სიმძიმის ქვეშ დატნევა. თავიანთ ინტელექტუალურ სიმთვრალეში გარეთ დარჩენილებს უყვიროდნენ: „უფრო მაგრად დაგვცხეთ! დე, ჩვენგან აღარაფერი დარჩეს!“ ერთი სიტყვით, ძალმომრეობის თეორეტიკოსებად იქცნენ.

სხვათა ძალმომრეობის, რადგან ეს უხეში ძალის ქადაგნი ჩვეულებრივ თითქმის მუდამ სუსტნი და დახვეწილნი იყვნენ. ზოგიერთი იმ მთავრობის მოხელეც გახლდათ, რომლის დამხობაზედაც ლაპარაკობდა, თანაც გულმოდგინე მოხელე, კეთილსინდისიერი და მორჩილი. მათი თეორიული ძალმომრეობა რევანში იყო მათი სისუსტისა, მათი ბოღმის და ბედით განჩინებული ტვირთმძიმობის. მაგრამ, პირველ ყოვლისა, ეს ნიშანი იყო ქარიშხლებისა, მათ ირგვლივ რომ გრვინავდა. თეორეტიკოსები მეტეოროლოგისტებს მოჰგვანან: მეცნიერული ტერმინებით ამბობენ მომავლის კი არა და, დღეის დღის ამინდს. ფლუგერები იყვნენ, აღმნიშვნელნი იმისა, თუ საიდან უბერავს ქარი და რაჟი ტრიალებენ, ლამის იფიქრონ, ქარს მიმართულებას ვაძლევთო.

ქარმა სხვა მხრისაჲც ჰქნა პარი.

იღებენ მალე გაუღის ყავლი დემოკრატიაში: მით უფრო, თუ მსწრაფლ არიან გავრცელებულნი. რამდენი რესპუბლიკელი იყო საფრანგეთში, ვისაც ორმოცდაათი წლის მანძილზე გული გაუტყდა რესპუბლიკაზე, საყოველთაო არჩევნებზე და სიშმაგით მოპოვებულ ამდენ თავისუფლებაზე! რიცხვის ფეტიშისტური კულტის, ნეტარი ოპტიმიზმის შემდეგ, რომელსაც წმინდა უმრავლესობისა სწამდა და კაცობრიობის პროგრესს ელოდა, ძალმომრეობამ წამოჰყო თავი, უმრავლესობის უუნარობა თავი ემართათ, მათი გამყიდ-

ველობა, მათი სიძაბუნე, მათი მდაბალი, მხდალი შუღლი, ამალღებულ-ლისადმი მტრობა, მათი აგრესიული სიმხდალე 'ჯანყს იწვევდა; ენერგიული უმცირესობანი — ყველა ჯურის უმცირესობა — ძალას უხმობდა საშველად. უცნაური და მაინც ფატალური დაახლოება ხდებოდა აკსიონ ფრანსეზის<sup>1</sup> როიალისტებსა და შრომის გენერალური კონფედერაციის სინდიკალისტებს შორის. ბალზაკი ერთგან ლაპარაკობს თავისი დროის ადამიანებზე, რომლებიც „არისტოკრატები არიან თავიანთი მიდრეკილებებით და რესპუბლიკელები კი ხდებიან ჯავრისაგან, მხოლოდ იმიტომ, მეტი დაბლა მდგომი ჰპოვონ თანასწორობა შორის“... მკლე სიამოვნება! უნდა აიძულო შენზე უარესნი აღიარონ, შენა გვკობიხარო; ამისთვის სხვა საშუალება არა არის 'რა, გარდა ავტორიტეტისა, ელიტის უპირატესობას რომ შთააგონებს ხალხს სიმრავლეს, რომელსაც ჩაგრავს (მუშურისას თუ ბურჟუაზიულისას). ყმაწვილი ინტელიგენტები, ყოყოჩა წვრილი ბურჟუები, როიალისტები ან რევოლუციონერები ხდებოდნენ შელახული თავმოყვარეობის ან დემოკრატიული თანასწორობის სიძულვილით. პირუთვნელი თეორეტიკოსები კი, ძალმომრეობის ფილოსოფოსნი, კარგი აფქიოსავით, ქარიშხალის ბიარადებივით აღმართულიყვნენ მათ თავსზემოთ.

იყო შთაგონების მაძიებელ ლიტერატორთა დასიც — იმათაგანნი, ვინაც იცოდა წერა, მაგრამ არ იცოდა, რა დაეწერა: როგორც ავლიდში ზღვის სიმშვიდით გარემოცული ბერძნები, წინ წასვლა რომ არ შეეძლოთ, ესენიც მოუთმენლად ელოდნენ მხსნელ ქარს და აღარ დაეჭებდნენ, საიდან დაუქროლებდა იგი, ოღონდ კი აფრები დაებერა. აქ სახელგანთქმულებიც იყვნენ; იმათაგანნი, ვინც დრეიდუსის საქმემ მოულოდნელად მოსწყვიტა სტილზე მუშაობასა და სახალხო კრებებში უკრა თავი. ზღვევით მათა ზღვეს და მერე ბევრი მიმბაძველიც გაუჩნდათ. ახლა ლიტერატორთა მთელი ჯარი ერთგან პოლიტიკაში და სახელმწიფოს საქმეთა წარმართველად მოჰქონდა თავი. ყველაფერი საბაბად უჩნდათ ლიგების შესაქმნელად, მანიფესტების გამოსაცემად, კაპიტოლიუმის გადასარჩენად. ავანგარდის ინტელექტუალებს მებოლოგეებიც მოჰყვებოდნენ; ერთიმეორეს კი არაფრით სჯობდნენ, ორ პარტიაფაგან თითოეული მეორეს ინტელექტუალურს ეძახდა, თავს კი — გონიერს. ისინი, ვისაც ბედმა გაუღიმა და ძარღვებში რამდენიმე წვეთი ხალხის სისხლი უდიოდა, უზომოდ ამაყობდა ამით. ამ სისხლში აწებდნენ თავიანთ კალამს. ყველანი ბურჟუები იყვნენ, მაინც უკმაყოფილონი და ხელისუფლების კვლავ ხელში ჩაგდების მსურველნი, ხელისუფლებისა, ბურჟუაზიამ თავისი ეგოიზმის წყალობით სამუდამოდ რომ დაკარგა. ეს მოციქულები დიდხანს ძვირად თუ ინარჩუნებდნენ, სამოციქულო გულმოდგინებას. თავში საქმეს მათთვის მოჰქონდა წარმატება-

<sup>1</sup> რეპტული მონარქიულ-კათოლიკური ორგანიზაცია, დაარსებული 1905 წელს.



ნი, რომლებიც, როგორც ჩანს, მათი ორატორული ნიჭის წყალობა სულაც არ იყო. ამით უჩვეულოდ ეთნებოდათ გული. მერე და მერე ნაკლები დიდება ხედებოდათ წილად და იღუმალ შიში ეპარებოდათ გულში, სასაცილონი ზომ არ ვჩანვართო. ბოლოს ეს უკანასკნელი გრძნობა სძლედა, ამას ზედ ერთვოდა დაღლილობა და შეგნება იმისა, რომ მათსავით სკეპტიკოსებისა და გაფაქიზებული გემოვნების პატრონთათვის მძიმე როლი ჰქონდათ გასათამაშებელი. ზურგის ქარს და თავიანთ ამაღას უცდიდნენ, რომ უკუქცეულიყვნენ, რაკი ერთის ტყვეებიც იყვნენ და მეორისაც... ახალ დროების ეს ვოლტერები და ეოზეფ დე მესტრები თავიანთ თამამ ნაწერებში მფრთხალ ეჭვს მალავდნენ, ფრთხილად რომ სინჯავს ნიადაგს, ეშინია სახელი არ გაუტყდეს ახალგაზრდობის თვალში. ყოველი ღონით ცდილობდნენ მოეწონებინათ მისთვის თავი, ყმაწვილკაცობას ჩემულობდნენ. რევოლუციონერები თუ კონტრრევოლუციონერები მორჩილად მიჰყვებოდნენ ლიტერატურულ მოდას, რომლის დაფუძნებასაც თავად შეუწყვეს ხელი.

ყველაზე უფრო საინტერესო ტიპი, ოლივიეს რომ შეხვდა რევოლუციის ამ პატარა ბურჟუაზიულ ავანგარდში, იყო კაცი, რომელიც მორცხვობას გაეხადა რევოლუციონერად.

ხორცშესხმულ ნიმუშს, თვალთა წინარე რომ ედგა, პიერ კანე ერქვა სახელიად. ეს იყო მდიდარი ბურჟუა, ახალი იდეების არმცნობი, საოცრად კონსერვატიული ოჯახის შვილი. მის გვარში მრავლად იყვნენ მოსამართლენი და მსხვილი მოხელეები, რომლებმაც სახელი გაითქვეს იმით, რომ ოპოზიციაში ედგნენ ხელისუფლებას, ანდა მის მესვეურებს შეაკლეს თავი: მარეის<sup>1</sup> მსხვილი ბურჟუები იყვნენ, ფლირტი რომ გაემართათ ეკლესიასთან და ცოტას, მაგრამ მართებულად ფიქრობდნენ. უსაქმურობამ პიერ კანეს ერთი არისტოკრატი ქალი მოაყვანინა ცოლად, რომელიც მასზე არც ნაკლებ მართებულად და არც მეტს არ ფიქრობდა. ამ ფარისევლურმა, შეზღუდულმა და ჩამორჩენილმა საყვარომ, გამუდმებით რომ ცოხნის თავის ქადმადლობას და ნაღველს, ბოლოს საოწარკვეთილებებში ჩააგდო ახალგაზრდა ბატონი, მით უფრო, რომ მისი ცოლი უშნო და თავმომამებზრებელი ქალი გამოდგა. თავად საშუალო ნიჭის პატრონი გახლდათ, მაგრამ საკმაოდ გონებაგახსნილი იყო და ლიბერალობას ჩემულობდა. თუმცე კი ზუსტად არ უწყოდა, რაში გამოიხატებოდა ლიბერალიზმი. თავის წრეში ზომ ვერ შეიტყობდა, რა იყო თავისუფლება. მხოლოდ ის იცოდა, რომ თავისუფლებას იქ ბინა არ ედო; და ეგონა, საკმარისია, ჩემს წრეს გავცდე, რომ ვიპოვნო. მაგრამ მარტო სიარული არ შეეძლო. გადგა თუ არა ფეხი გარეთ, სიხარულით ცას ეწია, რაკი კოლეჯის ამხანაგებს გადააწყდა, რომელთაგანაც ზოგი სინდიკალისტური იდეებით იყო გატაცებული. აქ უფრო უთვისტომოდ

<sup>1</sup> რაიონი პარიზის ცენტრში, სადაც ჯერ კიდევ XVIII საუკუნიდან მსხვილი ბურჟუები მოსახლობენ.

გრძნობდა თავს, ვიდრე იმ სამყაროში, საიდანაც მოვიდა; მაგრამ თავს არ უტყუდებოდა ამაში; სადღაც ხომ უნდა ეცხოვრა; მისი ჭურის ხალხი კი (ე. ი. უთვისებო) ვერსად ეპოვა. ღმერთმა ხომ უწყის, ამგვარი თესლი უცხო არაა საფრანგეთში! მაგრამ ერცხვინებათ თავისი თავისა: იმალებიან ან იღებებიან მოღურის პოლიტიკის ფერად; ზოგჯერ ერთბაშად რამდენიმე ფერსაც კი იცხებენ.

როგორც ჩვეულებრივ ხდება ხოლმე, ისიც თავის ახალ ამხანაგთაგან უფრო იმათ შეეთვისა, ვინც მეტად განსხვავდებოდა მისგან. ეს ფრანგი, ფრანგი ბურჟუა და სულის სიღრმეში პროვინციელი კაცი, ახალგაზრდა ებრაელი ექიმის მანუს ჰეიმანის ერთგულ აქატად<sup>1</sup> ქცეულიყო, ერთი გადმობეჭვილი რუსისა, ვისაც ბევრი მისი თანამემამულის დარად ორმაგი ნიჭი ჰქონდა სხვაგან ისე მოწყობილიყო, როგორც საკუთარ სახლში და ისე კარგად ეგრძნო თავი ყველა ჭურის რევოლუციაში, რომ ძალაუვნებურად კითხვა იზადებოდა, თამაში აინტერესებს, თუ ამ რევოლუციის მიზანით. საკუთარი თუ სხვისი განსაცდელი გართობად უჩნდა. გულწრფელად რევოლუციონერი იყო, ოღონდ მეცნიერული გონება იმგვარად ჰქონდა მომართული, რომ რევოლუციონერებს (მისივე თავის ჩათვლით) როგორც შეშლილებს ისე უტკებოდა. აკვირდებოდა ამ შეშლილობას და თან ნერგავდა ხალხში. მისი მგზნებარე დილეტანტიზმი და გონების უკიდურესი ცვალებადობა სულ ურთიერთსაწინააღმდეგო გარემოს აძებნინებდა. მეგობრები ჰყავდა ხელისუფალთ შორის, პოლიციელთა წრეებშიაც; ყველგან დაძვრებოდა იმ საეჭვო ცნობისმოყვარეობით, ბევრ რუს რევოლუციონერს ორმაგი თამაშის მოყვარულს რომ ამსგავსებს და ხშირად მსგავსებიდან რეალობად იტყევა ხოლმე. ეს ლალატი როდია, ეს — მერყეობაა და ხშირად უანგაროც. რამდენია ქმედების კაცი, ვისთვისაც მოქმედება თეატრია, სადაც მიაქვთ ჩინებული მსახიობური ნიჭი, პატიოსნებაც არ აკლიათ, მაგრამ მუდამ მზად არიან როლის შესაცვლელად! მანუსიც, რამდენადაც შეეძლო, რევოლუციონერის როლის ერთგული იყო: ეს როლი ყველაზე უკეთ ჰფერობდა მის ბუნებრივ ანარქიულობასა და წყურვილს — გაეცამტვერებინა იმ ქვეყნის კანონები, საცა კი გაივლიდა. და მაინც ეს როლი გახლდათ და მეტი არაფერი. კაცმა არ იცოდა, რა იყო მონაპორი და რა მართალი მის ნალაპარაკეში; ბოლოს თვითონაც კარგად არ უწყოდა ხოლმე ეს ამბავი.

ჰკვიანი იყო და დამცინავი; რუს-ებრაელთა რასისათვის დამახასიათებელი ფსიქოლოგიური წვდომის უნარით დაჯილდოებულს ადვილად შეეძლო გამოეცნო სხვათა და თავისი სუსტი მხარეები და ამით მოხერხებულად სარგებლობდა. ამიტომაც არ ვასკირვებია კანეს დამორჩილება. სასიეროდ მიიჩნდა ჩაება ეს სანჩო პანსა დონ კიხოტის საკადრის ფათერაკებში. უბოდიშოდ განაგებდა კანეს, მის ნებისყოფას; მის დროსა და შემოსავალს — გამორჩენის მიზნით კი

<sup>1</sup> ენოსის თანამგზავრი, ვერგილიუსის „ენეიდას“ მოქმედი პირი.

არა (თავად არაფერი უნდოდა, გაჭირვება არ აღგა, თუმცა კაცმა არ იცოდა, თავს რითი ირჩენდა) — ისე აქეზებდა, საქმისათვის ყველაზე უფრო სახელის გამტეხი გამოხდომებისათვის. კანე არ ეურჩებოდა; ცდილობდა დაერწმუნებინა თავი, მეც მანუსივით ვფიქრობო. მაგრამ შესანიშნავად იცოდა, რომ ეს სიცრუე იყო: მანუსის იღებები თავზარსა სცემდა. ეწინააღმდეგებოდა მის საღაზრს. მერე ის იყო, რომ ხალხი არ უყვარდა. არც მამაცი ეთქმოდა. ეს სქელ-სქელი, მაღალი, ბრგე და დაკუნთული მამაკაცი, პირწმინდად გაპარსული სახე მანეკენისას რომ მიუგავდა, ტკბილმოუბარი, პომპეზურად და ბავშვურად მოლაპარაკე, ჩინებული მოკრივე და ჩხუბისთავი, მხარ-ბეჭით ფარნეზის ჰერკულესსაც რომ არ დაუვარდებოდა, ადამის ძეთა შორის უმორცხვესი კაცი იყო. თავისიანებისთვის შიშის ზარი სურდა დაეცა, თუმცა იღუმალ გული უსკდებოდა მეგობრების სითამამით დამფრთხალს. ცხადია, ეს პატარა შიში საამუროც კი იყო, მანამ საქმე მხოლოდ თამაშს შეეხებოდა. მაგრამ თამაშიც რომ სახიფათო სახეს იღებდა ეს პირუტყვები აგრესიულნი ხდებოდნენ, მათი პრეტენზიებიც იზრდებოდა; მათი მოთხოვნები აღმფოთებდნენ კანეს, მის ძვალსა და რბილში გამჯდარ ეგოიზმს, მასში ფესვგამდგარ მესაკუთრულ გრძნობას, მის ბურჯუაზიულ სულმოკლეობას. ვერ ბედავდა ეკითხა, საით მიგყვართო, მაგრამ იღუმალ წყევლიდა იმ ხალხს, ვისაც თამაშად უჩნს კისრის მოტეხა და თავსაც კი არ იწუხებს იმის ფიქრით, ვაითუ სხვებსაც მოგტეხო კისერიო. ვინ აიძულებდა მათ გაპყოლოდა? განა მისი ნება არ იყო რევოლუციონერებს ჩამოსცილებოდა? მაგრამ გამბედაობა არ ჰყოფნიდა. ეშინოდა მარტო დარჩენისა, როგორც ბავშვს, გზად უკან რომ ჩამოიტოვებენ და ტირილს მორთავს. ის ბევრ იმათგანს ჰგავდა, არავითარი აზრი რომ არ გააჩნიათ და მარტოდენ სხვათა მგზნებარე აზრებს კიცხავენ; მაგრამ დამოუკიდებელი რომ იყო, მარტო უნდა დარჩე; მერედა რამდენს ძალუძს ეს? რამდენს, თუნდა ნათელმხედველთაგანს ჰყოფნის სითამამე დაიხსნას თავი იმ ცრურწმენათა და პოსტულატებისაგან, რომლებიც ერთი და იგივე თაობის ყველა კაცს აწევს? ეს ნიშნავს კედელი აღმართო შენსა და სხვებს შორის. ერთის მხრივთა თავისუფლება უდაბნოში; მეორეს მხრივ — ცხოვრება კაცთა შორის. ისინიც როდი ყოყმანობდნენ: ხალხს, ჯოგს ამჯობინებდნენ. ჯოგი უარს, მაგრამ ჯოგში თბილა. მაშინ თავს ისე აჩვენებდნენ, თითქოს ფიქრობდნენ იმას, რაც წამითაც არ გაუვლიათ გულში. ეს ძალიან არც კი უჭირდათ: აკი ძალზე ცოტა წარმოდგენა აქვთ იმაზე, რასაც ფიქრობენ!.. „შეიცან თავი თვისი!“ როგორ მოეხერხებინათ ეს იმათ, ვისაც საკუთარი მე ძლივს გააჩნდა? ყველა კოლექტიურ რწმენაში, რელიგიური იქნება თუ სოციალური, იშვიათნი არიან ისინი, ვისაც სწამს, რადგან იშვიათნი არიან ისინი, ვისაც კაცობა ეთქმის. რწმენა გმირული ძალაა; მისი ცეცხლი მხოლოდ რამდენიმე ადამიანურ ჩირაღდანს აგიზგივებს. ისინიც ხშირად მერყეობენ. მოციქულები, წინასწარმეტყველები, თვით იესოც კი დაექვებულან. დანარჩენები მხოლოდ ანარეკლები

არიან — გარდა იმ იშვიათი წუთებისა, როს სულის გოლვა სჭირთ, და დიდი ჩირაღდნიდან გამომავალი რამდენიმე ნაპეწკალი მთელს ველს ალაღ ააბრაილებს; შემდეგ ხანძარი ქრება და მხოლოდ რამდენიმე მუგუზალია ღვივის ფერფლქვეშ. რამდენიმე ასეულ ქრისტიანს თუ სწამს ჭეშმარიტის რწმენით ქრისტე. სხვებსა ჰგონიათ, გეწამსო, ან უნდათ, რომ სწამდეთ.

ასე იყო ბევრი რევოლუციონერის საქმეც. კეთილ კანეს სურდა რევოლუციონერი ყოფილიყო: სწამდა კიდეც, ვარო და საკუთარი სითამამე თავდაც აძრწუნებდა.

ყველა ეს ბურჟუა განსხვავებულ ზნეობრივ წესებს მოითხოვდა: ერთნი გულის, მეორენი გონების კარნახით, სხვები კიდეც გამორჩენის იმედით; ზოგი თავის ნაზრევს სახარებას უკავშირებდა, ზოგი—ბერგსონს, სხვები კიდეც—ქარლ მარქსს ან პრუდონს, ზოგიც — ჟოზეფ დე მესტრს, ნიცშეს ან ჟოზე სორელს. ზოგი — მოდას, სნობიზმს გაეხადა რევოლუციონერად, ზოგი — ველურობას; ზოგს მოქმედება სწყუროდა, გმირობის ცეცხლი სწვავდა; ზოგი ქედმოხრილობას ექცია მუამბოზედ, ფარის ინსტინქტს. მაგრამ ყველას, იცოდნენ მათ ეს თუ არა, ერთნაირად მიერეკებოდა ქარი. მტერის კორიანტელი იდგა, შორით რომ ჰკიდებენ თვალს დიდ, თეთრ გზებზე და გრიგალის მოახლოებას რომ გვამცნობს.

ოლივიე და კრისტოფიე გრძნობდნენ ქარიშხალის მოახლოებას. ორთავეს კარგად უჭირდა თვალი, მაგრამ ერთნაირად როდი ხედავდნენ. ოლივიე ნათელმხედველივით სვერეტდა ხალხის იდუმალ ზრახვებს და დამწუხრებულად იყო მათი სიკენით; მაგრამ კარგად ხედავდა დამალულ ძალას, სამოქმედოდ რომ იწევდა და საქმის ტრაგიკული მხარე მეტად აშფოთებდა. კრისტოფს უფრო კომიკურად ესახებოდა ყოველი. იღებებს არ დაგიდევდათ, ადამიანები უფრო აინტერესებდა. სასაცილოდ არ ჰყოფნიდა სოციალური უტოპიები. წინააღმდეგობის გრძნობით ატანილი ანგარიშიუცემლად უმხედრდებოდა სნებიან ჰუმანიტარიზმს. ფარზე რომ ჰყავდათ აყვანილი და უფრო ეგოისტად აჩვენებდა თავს, ვინემ სინამდვილეში იყო; კაცი, რომელმაც თავად გაიკაფა გზა, თავისი მუსკულებითა და ნებისყოფით გაამაყებული მძლავრი პარვენიუ, ცოტას კიდევაც აპარებდა და უსაქმურებად ნათლავდა ყველას, ვისაც მისავით ღონე არ მოსდევდა. თვითონ მარტოღმარტომ, უბოვარმა გაიმარჯვა; დე, სხვებიც გარჯილიყვნენ! სოციალური საკითხიო?! რა საკითხი? სილატაკე?

— სილატაკის ამბავს მე ვერ მასწავლით, — ამბობდა იგი, — მამაჩემს, დედას, მე, ჩემიანებს მაგის მეტი რა გვინახავს. მაგრამ სილატაკეს ხელიდან უნდა დაუსხლტე.

— ყველას არ შეუძლია ეგ, — ეტყოდა ოლივიე, — ბედუკულმართებს, სნეულებს.

— დაე, მათ დაეხმარონ, მაგაზე იოლი რაა. მაგრამ მათ განდიდებას კი ნუ მოვყვებით, დღეს რომ ჩვევიათ; ეგ არ ივარგებს. ამ ცოტა ხნის წინათ უფრო

ძლიერის ბინძურ უფლებას აღიარებდნენ. ღმერთმანი, არც კი ვიცი, უფრო სუსტის უფლება უფრო საზიზღარი ხომ არაა: ის დღევანდულობის აზრს ამღვრევს; შიშის ზარს სცემს და ექსპლოატაციას უწევს ძლიერთ. კაცი იფიქრებს, რომ დღეს ღირსებაა სნებიანი, უტკუო, გაჭირვებული, ხელმოცარული იყო; მანკია, ძლიერი, ჯანმრთელი და გამარჯვებული თუ ხარ. თან ყველაზე სასაცილო ისაა, რომ პირველ რიგში ძლიერებს სწამთ აგრე... კარგი სიუჟეტია კომედიისათვის, ოლივიე ჩემო!

— მე მირჩენია სასაცილოდ ვჩანდე, ვიდრე ვატირო ვინმე.

— ვიცი ეგ სიკეთე, — ეტყოდა კრისტოფი, — ეშმაკმა დალახვროს! ვინ გაგამტყუნოს? როცა კუზიანს ვხედავ, ზურგი მეც ამტკივა ხოლმე. კომედიას ჩვენ ვთამაშობთ, დაწერიოთ კი სხვა წერს.

არაფრის დიდებით არ სურდა აპყოლოდა სიცოცხლურ სამართლიანობაზე ოცნებებს. ხალხის წიაღიდან გამოსულს საღი აზრი არწმუნებდა, რაც უწინ იყო, მომავალშიც ის იქნებოდა.

— ხელოვნებაზე რომ ვითხრან ამგვარი რამ, იცოცხლე, გადაირეოდი! — პირში ეცემოდა ოლივიე.

— შეიძლება. ასეა თუ ისე, მე მარტო ხელოვნებისა გამეგება. მეცა და შენც. მე ვერ ვენდობი ადამიანებს, რომლებიც იმაზე ლაპარაკობენ, რაც არ იციან.

ვერც ოლივიე ენდობოდა. ორი მეგობარი ცრტას აჭარბებდა კიდევ ამ უნდობლობაში. პოლიტიკაში თავის დღეში არ გარეულან. ოლივიე აღიარებდა, თუმცა ცოტათი რცხვენოდა კიდევ, რომ აღარც ახსოვდა, არჩენებში თუ მიელო ოდესმე მონაწილეობა; უკვე ათი წელი იყო, საამომრჩეველო ბარათი არ გამოეტანა მერიიდან.

— რად ჩავერიო კომედიაში, უსარგებლოდ რომ მესახება? ხმა მივცე? შერედა ვის? ვერავის მივცემ უპირატესობას კანდიდატებიდან, ერთნაირად უცხონი რომ არიან ჩემთვის და დარწმუნებული ვარ, არჩენების მეორე დღესვე უღალატებენ თავიანთ რწმენას. თვალყური ვადევნოთ? მოვალეობის შესრულებებისაკენ მოუწოდოთ? ეს ჩემს ცხოვრებას შეიწირავს და ნაყოფს კი არ გამოიტანს. მე არც დრო მაქვს და არც ძალი შემწვევს, არც ორატორული ნიჭი მომდგამს, არც იმდენად უსირცხვილო ვარ, არც მოქმედებისაკენ მიმიწვევს გული. მიჯობს განვერიდო. მე ყაბულსა ვარ ავიტანო სიავე, მაგრამ თანამონაწილედ კი არ მსურს გავუხდე ავის მომქმედო, — ამბობდა იგი.

მაგრამ მიუხედავად უკიდურესი შორსმჭვრეტელობისა, ეს კაცი, ვისაც ზიზღს გვრიდა პოლიტიკური ხრიკები, რევოლუციის ქიმერულ იმედს ებლაუშებოდა. თავადაც იცოდა, რომ ფუჭი იმედი იყო; მაგრამ მაინც ვერ ელეოდა. ასეთი გახლდათ რასის მისტიციზმი. დაუსჯელად ვერ იქნები დასავლეთის დიდი დამანგრეველი ერის შვილი, ერისა, რომელიც ანგრევს, რათა აშენოს და აშენებს, რათა დაანგრეოს; რომელიც თამაშობს იდეებითა და სიცოცხლით,

სულ პირწმინდად გვის ყველაფერს, რომ უკეთ დაიწყოს თავიდან თამაში და გასათამაშებელიც საკუთარი სისხლის მეტი არა აქვს რა.

კრისტოფს არა ეცხო რა ამ მემკვიდრეობითი მესიანიზმისა. ის ერთობ გერმანელი იყო საიმისოდ, რომ რევოლუციის იდეა ჭეროვნად შეეტკბო. დარწმუნებული გახლდათ, ქვეყანა არ გასწორდებაო. ფუჟია თეორიები, ამაო სიტყვები და ამაო ლაქლაქი!

— მე არად მინდა რევოლუცია, არც რევოლუციებზე ენის მოტყაყება, თავი რომ დავიწმუნო ჩემს ძალაში. თქვენებური მამაცი ყმაწვილკაცებივით სულაც არ მჭირდება შევარყო მთავრობა, რათა აღვადგინო მეფე ან საზოგადოებრივი ხსნის კომიტეტი<sup>1</sup>, რომელმაც უნდა დამიცვას. საოცარი გამოვლინებაა ძალისა! თავს მე თვითონაც კარგად დავიცავ. ანარქისტი როდი ვარ, მიყვარს აუცილებელი წესრიგი და პატივისა ვცემ კანონებს, სამყაროს რომ მართავენ. მაგრამ მათსა და ჩემს შორის შუამავალი არა მჭირდება. ჩემს ნებისყოფას ძალუძს მბრძანებლობაცა და ქედის მოდრეკაც. თქვენ, წარამარა ენაზე თქვენი კლასიკოსები რომ გაკერიათ, გაიხსენეთ, რა თქვა კორნელმა: მარტო მე ვარ და ვკმარი კიდევო. თქვენი წყურვილი ბატონი გყავდეთ, ნიღბავს თქვენს სისუსტეს. ძალა სინათლესა ჰგავს: ბრმაა, ვინც მას უარსა ჰყოფს! იყავით ძლიერნი მშვიდად, უთეორიებოდ, ძალმომრეობის გარეშე და როგორც მცენარეები სინათლისაკენ, სუსტთა სულებიც ისე შემობრუნდებიან თქვენკენ...

მაგრამ თუმც კი უარობდა, პოლიტიკურ დისკუსიებში დასაკარგი დწო არა მაქვსო, ნაკლებ გაკიდებანებული გახლდათ, ვინემ თავს აჩვენებდა. სოციალური უქიფივობით ისევე იტანჯებოდა, როგორც ყოველი ხელოვანი. ვნებათა წამიერ შიმშილობაში მიმოიხედავდა ირგვლივ და თავს ეკითხებოდა, ვისთვის ვწერო. მაშინ ხედავდა თანამედროვე ხელოვნების დუხჭირ კლიენტურას, ამ დადლილ ელიტას, ამ დილეტანტ ბურჟუებს და ფიქრობდა:

— რა აზრი აქვს ამ ხალხისთვის შრომას?

ცხადია, გამორჩეული გონების ხალხიც მოიძევეებოდა, განათლებული, საქმის მცოდნე, სიახლით, ანდა (რაც იგივეა) რაფინირებულ გრძნობათა ანარქიულობით დატკობის უნარიც რომ შესწევდა. მაგრამ მათაც მოყირტებოდათ ყოველი, ერთობ ინტელექტუალები იყვნენ, თავად ძლივს ედგათ სული და როგორღა ერწმუნათ ხელოვნების რეალურობა? მათ მხოლოდ თამაში აინტერესებდათ — თანხმობანება ანდა იდეები. უმეტესობა სხვა, მაღალი წრის ინტერესებით გახლდათ ვართული, შეჩვეული იყო ერთდროულად მრავალი საქმის კეთებას, რომელთა შორისაც „აუცილებელი“ არც ერთს არ ეთქმოდა. სად შესწევდათ უნარი, ხელოვნების ქერქს მიღმა მის გულსაც ჩასწვდომოდნენ; ხელოვნება მათთვის სისხლისა და ხორცისგან როდი იყო შეთხზული: ის

<sup>1</sup> 1793—95 წლებში ეს იყო საფრანგეთის კონვენტის უმაღლესი აღმსრულებელი ორგანო, ინტერვენციისა და შინაური კონტრარევოლუციის დათრეუნვის ორგანიზატორი.

ლიტერატურას წარმოადგენდა. მათი კრიტიკოსები შეუმცდარ თეორიად სახავდნენ საკუთარ უძღურობას — გაქცეოდნენ დილექტანტიზმს. თუკი შემთხვევით ვინმე ისეთი გულისხმიერი გამოჩნდებოდა, რომ აეტაცნა ხელოვნების მძლავრი აკორდები, ვეღარ უძღებდა. და სამისდღემჩიოდ მოშლილი რჩებოდა. ნევროზი სჭირდათ თუ დადამბლავებულებიყვნენ. რა ესაქმებოდა ხელოვნებას ამ ლაზარეთში? და მაინც, კრისტოფს არ შეეძლო თანამედროვე საზოგადოებაში ამ უცნაური ხალხის უმისოდ გაძლება, რაკი. მათ ხელში იყო ფული და გაზეთები; მხოლოდ მათ შეეძლოთ მიეპყრათ ლუკმაპური ხელოვანისათვის. მაშასადამე, მოუხდებოდა ამგვარად თავის დამციარება: მაღალი წრის საღამოებზე სნობებისა და დაქანცულ ინტელექტუალთა კრებულისათვის როგორც გასართობი რამ, მოწყენილობის გამაქარვებელი წამალი ან ახალი მოწყენილობა, ისე მიერთმია თავისი ხელოვნების მთრთოლვარე სხეული, მუსიკა, რომელშიც მისი შინაგანი ცხოვრების საიდუმლო იყო ჩაქსოვილი.

კრისტოფი დაეძებდა ნამდვილ მსმენელებს, იმათ, რომელთაც სწამთ ხელოვნების ემოციებისა ისევე, როგორც სიცოცხლისა და რომელნიც მას უბიწო სულით გრძნობენ. ამიტომაც მოხდა, რომ იღუმალ იზიდავდა ახალი აღთქმული ქვეყანა — ხალხი. ბავშვობის მოგონებანი, გოტფრიდი და სხვა დაბეჩავებულნი, რომელთაც ღრმად ჩაახედეს ცხოვრებაში და მასთან გაიზიარეს მუსიკის წმიდათაწმიდა პური, აფიქრებინებდნენ, რომ მისი ჰეშმარიტი მეგობრები ამ მხარეს იყვნენ. სხვა გულუბრყვილო ახალგაზრდებისა არ იყოს, ისიც ელოლიავებოდა სახალხო ხელოვნების დიად გეგმებს, სახალხო კონცერტებსა და თეატრებს, თუმც კი გაუჭირდებოდა აეხსნა, როგორ უნდა მოწყობილიყვნენ ისინი. რევოლუციიდან ხელოვნების განახლებას მოელოდა და გაიძახოდა, სოციალური მოძრაობა მარტო ამით თუ მაინტერესებსო. მაგრამ ტყუევდებოდა. ის ერთობ ცოცხალი იყო და არ შეიძლებოდა ყველაზე უფრო. ცხოველ მოძრაობას არ მიეზიდა.

წარმოდგენაში ყველაზე ნაკლებად ბურჟუა თეორეტიკოსები აინტერესებდა. ხილი, რომელსაც ეს ხეები ისხამენ, ჩირადაც არა ღირს: ცხოვრების მთელი წვენი მათში იდებდალ გაქვავებულა. ამ იდეათა შორის კრისტოფი განსხვავებას ვერ პოულობდა. თავისი იდეებიც არაფრად ეპიტანავებოდა, როცა მათ სისტემებალ ჩამოყალიბებულს ხვდებოდა. უბოროტო ზიზლით აქცევდა ზურგს ძალის თეორეტიკოსებსაცა და სიძაბუნის თეორეტიკოსებსაც. კომედიაში ყველაზე უმადური პეიტრის როლია. მაყურებელს მის თავს მარტო დადებითი გმირები კი არა და, უარყოფითნიც ურჩვენია. კრისტოფიც მაყურებელი იყო ამ დარგში. სოციალურ საკითხზე მოლაყბენი მოწყენილობას გვრიდნენ. მაგრამ ართობდა სხვათა ხილვა: იმათი, რომელთაც სურდათ ერწმუნათ, ტყუევდებოდნენ და ცდილობდნენ მოტყუებულებიყვნენ; ახალისებდა კეთილი ყაჩაღების ცქერაც, თავიანთ მტაცებლურ ზელობას რომ მისდევდნენ და ცხვრებისაც, გასაკრეპად რომ იყვნენ შობილნი. გულმოწყალედ ეკიდებოდა ახირებულ, კეთილ

ადამიანებს, იმგვარებს, როგორც სქელ-სქელი კანი იყო. მათი კნინე ბუნება ისე არ ზარავდა, როგორც ოლივიეს. ყველას მოყვარული და დამცინავი ინტერესით უცქეროდა; ეგონა, მე გამოკლებული ვარ პიესას, ესენი რომ თამაშობენო. და მოგვიანებითა ამჩნევდა, რომ თვითონაც ითრევენენ. ფიქრობდა, მაყურებელი ვარ, მეტი არაფერი და ქარის გადავლას ველოდებო. მაგრამ ქარმა უკვე შეახო ფრთა და მტერის კორიანტელში დააბზრიალა.

სოციალური პიესა ბრმხრივი იყო. ის, რომელსაც ინტელექტუალები თამაშობდნენ, კომედია გახლდათ კომედიაში: ხალხი მას არ უსმენდა. ნამდვილი პიესა მას ეკუთვნოდა. ადვილი როდი იყო მისთვის თვალის მიდევნება; თავდაც ზედმიწევნით როდი ესმოდა. ამიტომაც იყო იგი მოულოდნელობებით აღსავსე.

არ კი იფიქროთ, აქ ლაპარაკი გაცილებით არ სჭარბობდაო მოქმედებას. ბურჟუა იქნება თუ ხალხის შვილი, პურზე მეტად სიტყვებით იკვებება. მაგრამ ყველა ერთნაირ პურს როდი მიირთმევს. არის რაფინირებული სიტყვა აზიზი პირისათვის და უფრო მაწიერი — დამშეული ხახებისათვის. სიტყვები თუ იგივეა, ერთნაირად როდია მოცემული; გემო და სუნის განსხვავებული აქვთ.

როცა ოლივიე პირველად დაესწრო სახალხო კრებას, როცა პირველად იგემა ეს პური, კრიკა შეეკრა; ლუკმა ყელში გაეჩხირა. გული აურია აზრთა კინობამ, გამოთქმათა უსახურობამ და სიმძიმემ; ბუნდოვანმა განზოგადოებებმა, ბალღურმა ლოგიკამ, აბსტრაქციებისა და შეუხაწვევრებელი ამბების ამ ცუდად ათქვეფილმა მაიონეზმა. ენის უვარგისობა ხალხურ, ფრთიან სიტყვას არ გამოუსყიდავს. იყო მხოლოდ გაზეთის ლექსიკონი, დამპყნარი ზიზილ-პიპილები, ბურჟუაზიული რიტორიკის ნაბდისძველა. ოლივიეს ყველაზე მეტად ის აკვირვებდა, რომ სისადავის ნიშანწყალიც არსად ჩანდა. ავიწყდებოდა, რომ ლიტერატურული სისადავე თანდაყოლილი კი არ არის, არამედ — შექმნილი. იგი ელიტის მონაპოვარია. უბირ ქალაქელებს არ შეუძლიათ იყვნენ უბრალონი; ხალხი ყოველთვის ამჯობინებს და დაეძებს მაღალფარდოვან გამოთქმებს. ოლივიეს არ ესმოდა, რა ზეგავლენა უნდა მოეხდინა ამ ღვარკნილ ფრაზეებს მსმენელზე. საამისო გასაღები არ გააჩნდა. უცხო ენას ეძახიან სხვა ერის ენას, მაგრამ ერთ ერთშიც თითქმის იმდენი ენაა, რამდენიც — სოციალური ფენა. მხოლოდ მცირეოდენ რჩეულთათვისაა სიტყვები მრავალსაუკუნოვანი გამოცდილების მოწმე და გამოძახილი. სხვებისთვის მხოლოდ მათი და მათი კასტის გამოცდილების ხორცშესხმას წარმოადგენს. ელიტისაგან ნათრევი და მისგან მოძულელებული ზოგი სიტყვა ცარიელ სახლს დამგვანებია, სადაც პატრონის წასვლის შემდეგ ახალ ძალებს დაუდევს ბინა. თუ გსურთ, მასპინძელს გაუგოთ, შინ შებრძანდით.

კრისტოფიც სწორედ ასე მოიქცა.



მეზობლის შემწეობით რამდენიმე მუშა გაიცნო. მეზობლად სახელმწიფო რკინიგზის მოხელე ჰყავდა. ორმოცდახუთი წლის კაცი იყო, ვაგლახად გამელოტებული, კაფანდარა, უდროოდ დაბერებული; ლოყები ჩავარდნილი ჰქონდა, თვალები — ამოღამებული, ყურები — სახიჩარი, ცხვირი — ვეება და მოკაკეული. გადაგვარებულ სახეზე ტუჩებიდა შერჩენოდა მეტყველი. ხალხის წილიდან როდი იყო გამოსული, საშუალო ბურჟუაზიას ეკუთვნოდა, რიგიან ოჯახს, ერთადერთი შვილის აღზრდაზე რომ დახარჯა რაც რამ ებადა და უსხსრობის გამო მაინც ვერ შეძლო თავის ერისათვის სწავლა გაესრულებინებინა. სრულიად ახალგაზრდამ სახელმწიფო დაწესებულებაში ერთი თანამდებობა იშოვა, მასავით ლატაკ ბურჟუებს ნავსაყუდელი რომ ჰგონიათ და სინამდვილეში სიკვდილია — თავის ცოცხლად დამარხვა. რაკი ერთხელ შედგა შიგ ფეხი, მერე ვეღარაფრით დააღწია თავი, თანაც შეცდომა დაუშვა (ეს შეცდომაა თანამედროვე საზოგადოებაში) — სიყვარულით შეერთო ლამაზი მუშა ქალი, რომლის თანდაყოლილმა ვულგარულობამაც სულ მალე იჩინა თავი. სამი შვილი შეეძინა. ამათ ყველას ხომ ჰამა უნდოდათ. კაცი ნიჭიერი იყო და რაც ძალი და ღონე ჰქონდა, ცდილობდა სწავლა გაესრულებინა; გაჭირვებამ შეუბოროკა ხელ-ფეხი. გრძნობდა თავის თავში ფარულ ძალას, რომელსაც დუხჭირი ცხოვრება ახრობდა; ხვედრს ვერ იქნა და ვერ შეურიგდა. თავის დღეში არ ყოფილა მარტო. ბულალტერიის მოხელე იყო და ყოველ ცისმარე დღეს უაზრო მუშაობაში აღამებდა, ოთახში, სადაც სხვა თანამშრომლებიც იხსდნენ, უხამსნი და ლაყბობის მოყვარულნი; ლაპარაკობდნენ კნინ საგნებზე და თითქოს ჯავრს იყრიდნენ თავიანთი ყოფის აბსურდულობაზე, რაკი დაღანძღავდნენ უფროსობას, დასცინებდნენ გოტიესაც, მის ცოდნის წყურვილს, რომლის დასამალავადაც ჰკუა არ იყო. შინ დაბრუნებულს ხედებოდა უშნო, აქოთებული ბინა, მყვიარალა და ანჩხლი ცოლი, რომელსაც არ ესმოდა მისი გულის დუდილი და სულ უქნარასა და გიყს ეძახდა. ბავშვებს მამისა არაფერი ეცხოთ, სულ დედას გამოემგვანენ. სამართლიანი იყო ეს? სამართლიანი იყო? ამდენი სიმწარე, ამდენი ტანჯვა, მუდმივი ხელმოკლეობა, ქანცგამცლები სამუშაო, რომელსაც მაგრად ჩაებლუჯა დილიდან საღამომდე. თავის დღეში ერთი საათითაც ვერ განმარტოვებოდა, ვერ ჩაუღრმავებოდა თავს სიმყუდროვეში. ყოველივე ამან ერთიანად გამოფიტა და გააბოროტა. რომ დაევიწყებინა ყველაფერი, ამ ბოლო დროს სმას მიჰყო ხელი, რაც მთლად ულებდა ბოლოს. კრისტოფი გააკვირვა ამ კაცის ტრავიკულმა ბედმა: ამ საქმაო განათლებასა და არტიტულ გემოვნებას მოკლებულმა ნატურამ, დიდი საქმეებისათვის რომ იყო გაჩენილი, მაგრამ ბედის უქულმართობამ ქვეშ დაიტნიბ. გოტიე მყისვე მოებლუჯა კრისტოფს, როგორც უღონო წყალწალებულბემა იციან ხოლმე, როცა მათი ხელი გამოცდილი მოცურავის ხელს წააწყდება. კრისტოფს სიმპათითა და თან შურიით უმზერდა. სახალხო კრებებზე ატარებდა და რევოლუციონერთა პარტიების რამდენიმე მეთაურიც უჩვენა, რომელთაც თავად არ უერთდებოდა, რადგან

საზოგადოებას გახლდათ შემომწყვარი. ხელმოცარულ არისტოკრატად მიაჩნდა თავი და მწარედ იტანჯებოდა, ხალხში რომ იყო ათქვეფილი.

კრისტოფი ბევრად უფრო ღვიძლი იყო ხალხისა — მით უმეტეს, რომ ძალას არაეინ ატანდა — და მოეწონა ამ მიტინგებზე სიარული. ორატორთა სიტყვები ართობდა, ოლივიესავით ზიზღს კი არ აღუძრავდა გულში. არ აღიზიანებდა მათი სასაცილო სიტყვა-პასუხი. მისთვის ერთი მოლაყებ მეორეს არაფრით სჯობდა და არც დაუეარდებოდა. თავს იკატუნებდა, თითქოს საერთოდ სძულდა მკვერმეტყველება, მაგრამ თუმც არ ცდილობდა კარგად გაეგო ეს რიტორიკა, მოლაპარაკისა და მსმენელთ მიღმა გუმანით გრძნობდა მის მუსიკას. ორატორის ძალა მსმენელთა გულეში გამოძახილით ასკეცდებოდა. კრისტოფმა ჯერ მხოლოდ ამ ორატორებს მიაქცია ყურადღება და ზოგიერთი მათგანის გაცნობა მოისურვა.

მას, ვისაც ბრბოზე ყველაზე მეტი გავლენა ჰქონდა მოპოვებული, კაზიმირ ჟუსიე ერქვა. ტანად დაბალი კაცი იყო, წაბლისფერთმიანი და ფერმკრთალი, ასე, ოცდაათი თუ ოცდათხუთმეტი წლისა; სახე მონღოლისას მიუგავდა, გამზდარი, ავადმყოფური; თვალები მგზნებარე ჰქონდა და თან ცივი, თმა — მეჩხერი, წვერი — წაწვეტებული. მისი ძლიერება სახის მეტყველებიდან არ მომდინარეობდა; მიმიკა ღარიბი ჰქონდა, იშვიათად ეთანხმებოდა სიტყვას, კიდევ უფრო ნაკლებად მის ხრინწიან ხმას, მღელვარებით, ნაწყვეტ-ნაწყვეტად რომ წამოისროდა წინადადებებს. მსმენელთ ატყვევებდა მისი პიროვნება, მისი სიშმაგე და თავდაჯერებულობა. თითქოს არავის აძლედა ნებას, მისებურად არ ეფიქრა; და რაკი მისი ნაფიქრ-ნაზრევი გახლდათ ის, რაც მის მსმენელთა გულეხს ესალბუნებოდა, მტკმელსა და გამგონეთ კარგად ესმოდათ ერთმანეთისა. სამჯერ, ოთხჯერ, ათჯერ უმეორებდა ხალხს ისეთ რასმე, რასაც გამოელოდნენ მისგან და არ კი იღლებოდა შლეგური სიმტკიცით ერთსა და იმავე ლურსმანზე უროს ცემით; ყველა მისი მსმენელიც უროს ავლებდა ხელს და სცემდა და სცემდა მისი მაგალითით წაქეზებული. მანამ ურტყამდნენ, სანამ ლურსმანი ხორცში ბოლომდე არ ჩაესობოდა. ამ პიროვნულ მომხიბვლელობას ემატებოდა ნდობა, რომელსაც იმსახურებდა მისი წარსული, რაკი პოლიტიკური მოღვაწეობისათვის ბევრჯერ იყო ნასამართლვეი. თითქოს არაფერს ძალუძდა მისი ენერგიის დაოკება, მაგრამ ვისაც თვალნი ესხდნენ ხედვად, შეეძლო გაერჩია ძირში დაღეკილი მძიმე დაღლილობა, ზიზღი ამოდენა ძალისხმევისადმი და ბედისწერის მიმართ ამბოხი. ის ერთი იმათგანი იყო, ვინც ყოველდღე ხარჯავს იმაზე მეტს, ვიდრე მთელი სიცოცხლის მანძილზე იღებს ხოლმე. ბავშვობიდანვე მუშაობა და სიდატაკე აცლიდა სიქას. რა ხელობა არ გამოეცვალა: იყო მეშუშეც, წყალსადენის ოსტატიც, ასოთამწყობიც; ჯანი გაუტყდა, ჭლექი აღნობდა; მწარე სასოწარკვეთილებამი ავდებდა, ხელს აქნევიებდა თავის მიზანზე და თავის თავზე; ხან კი უფრორე აღაგზნებდა. გამიზნული თუ ავადმყოფური ძალმომრეობა, პოლიტიკა და თავდავიწყებული სიფიცხე ძვალსა და რბილში

ჰქონდა გამჯდარი. ავად თუ კარგად, განათლება მიეღო; ზოგი რამ ძალიან კარგად იცოდა მეცნიერებაზე, სოციოლოგიაზე, სხვადასხვა ხელობაზე, ზოგი კი — ძალიან ცუდად; მაგრამ ერთშიაც და მეორეშიაც ერთნაირად იყო დარწმუნებული. მასაც ჰქონდა თავისი უტოპიები, მართებული წარმოდგენები, პრაქტიკული ჰქუა, ცრურწმენანი, გამოცდილება, უვიცობა, ეჭვიანი სიძულვილი ბურჟუაზიული საზოგადოების მიმართ. ამას მისთვის ხელი არ შეუშლია კარგად მიეღო კრიტიკა. გულს ეთნებოდა, რაკი ასეთი განთქმული ხელოვანი დაეძებდა მასთან ნაცნობობას. ის მეთაურთა მოდგმისა იყო და რაც უნდა ექნა, მუშებს მაინც ცოტა ამპარტავნულად უცქეროდა; თუმცა კი გულწრფელად სწადა სრული თანასწორობა, ამ თანასწორობას უფრო იოლად ამყარებდა მათთან, ვინც მის ზემოთ იდგა, ვიდრე მათთან, ვინც ქვემოთ იყო დარჩენილი.

კრიტიკა მუშათა მოძრაობის სხვა მესვეურებსაც შეხვდა. მათ ერთმანეთი მაინცდამაინც გულზე არ ეხატებოდით. თუკი საერთო ბრძოლა გაჭირვებით, მაგრამ მაინც ბადებდა საერთო მოქმედებას, გულთა ერთობას ვერ წარმოშობდა. ცხადად მოჩანდა, თუ რა გარეგნული და უხანო გახლდათ კლასთა შორის განსხვავება. ძველი წინააღმდეგობანი დროებით იყო მივიწყებული, ანდა შენიღბული; მაგრამ არც ერთი არ გამქრალა. აქ ნახავდით ჩრდილოელ და სამხრეთელ ადამიანებს, ერთიმეორისადმი თანდაყოლილი ზიზღი რომ ღრღნიდათ. სხვადასხვა ხელობის ხალხს ერთმანეთის ხელფასი შურდა, აშკარად ქედმაღლურად უცქერდა სხვებს და ხეაშიადის დამალვა აზრდაც არ მოსდიოდა. მაგრამ ყველაზე უფრო განასხვავებდა და მუდამაც განასხვავებს ხალხს სხვაობა ტემპერამენტთა შორის მელიები და მგლები, კბილაღესილი მტაცებლები და ბალახიჭამია რქოსანი საქონელი, ისინი, ვინც გაჩენილა, რომ ჰამოს და ისინი, ვინც სხვის ლუკმად გაუჩენია განგებას, ერთმანეთს ყნოსავდნენ გზადაგზა ამ ჯოგში, კლასის შემთხვევითობამ და საერთო ინტერესმა რომ წარმოშვა, სცნობდნენ ერთმანეთს და ჯაგარი ყალყზე უდგებოდით.

კრიტიკა პატარა კაფე-რესტორანში სადილობას დაეჩვია, გოტიეს ყოფილი კოლეგა, გაფიცვაში მონაწილეობისათვის დათხოვნილი რკინიგზის მოხელე სიმონი რომ განაგებდა. ამ სასადილოში სინდიკალისტები ხშირი სტუმრები იყვნენ. ხუთი თუ ექვსი კაცი იყრიდა თავს ერთ უკანა ოთახში, რომელიც ბნელსა და ვიწრო შიდა ეზოში გადიოდა. იქიდან გამუდმებით მოისმოდა გალიაში გამოძვრული, სინათლეს დანატრებული ორი იადონის გალობა. ყუსიე აქ თავის საყვარელთან ერთად მოდიოდა, ლამაზ ბერტასთან, წარმოსადგე და კეკლუც, ალისფერთმიან, ფერმკრთალ, მიბნედილ და თვალუფუნა ქალთან. ჯაბის კალთაზე ერთი ლამაზი ბიჭი ჰყავდა გამობმული, ლეოპოლდ გრაიო — ცოტა ქარაფშუტა, ჰკვიანი და პოზიორი მუშა მექანიკოსი! ათლეტი ამ დასისა. ამ კაცს, თუმცა ანარქისტობას ჩემულობდა და თავი ბურჟუაზიის დაუძინებელ მტრად მოჰქონდა, უარესი ბურჟუას სული ედგა. ყოველ დილით წლების განმავლობაში ნთქავდა ერთ სულ ღირებულ ლიტერატურული გაზეთების ერო-

ტიკულსა და დეკადენტურ ნოველებს. ამ კითხვამ ცოტა უცნაურად მოუქცია გონება. სიამოვნების მისეულ წარმოსახვაში გონებრივი დახვეწილობა შერწყმული იყო ფიზიკური სინატიფის უქონლობასთან, სიბინძურესთან, მისი ცხოვრების უხეშობასთან. მან შეიყვარა ეს პაწია ჭიქა ყალბი, ინტელექტუალური და საფუფუნო ალკოჰოლისა — ბიწიერ მდიდართა ბიწიერი აღვზნება. რაკი ხორციელად მათგვარ ტუბობას ვერ განიცდიდა, ტვინში ინერგავდა. ეს ცუდ გემოს გიტოვებს პირში, მუხლებს გვეთს, მაგრამ მდიდრებს უტოლდები და გადაეს ისინი.

კრისტოფს ეს კაცი ჭირის დღესავით ეჯავრებოდა. ელექტრიკოსი სებასტიან კოკარი უფრო მოსწონდა, რომელიც უსიყვარულ არ იყოს, ხალხის ყველაზე საყვარელი ორატორი გახლდათ. იგი თეორიებით როდი იტენიდა თავს. ყოველთვის თავადაც არ უწყობდა, სად მიდიოდა, მაგრამ წინ ჭიქურ კი მიიწევდა. ნამდვილი ფრანგი იყო, ძალ-ღონით სავსე ვაჟკაცი, რომელიცოდვე წლისა. ცოტა გატყაპული სახე ჰქონდა, ფეროვანი; მრგვალი თავი და ხშირი, მწითლური თმაწვერი. ხმა და კისერი ხარისას მიუგავდა. უსიყვარულ ოსტატობით არ დაუვარდებოდა, მაგრამ უყვარდა სიცილი და სმა. უღონო უსიყვარულ შურით უცქეროდა ამ საოცრად ჭანიან კაცს და თუმცა მეგობრები იყვნენ, მათ შორის ფარულ მტრობას დაეუბლებინა.

სასადილოს მებატრონე ქალი — ორელი — ორმოცდახუთი წლის კეთილრდედაკაცი, რომლის ოდნავ მომჭკნარ სახეზე ახლაც მოჩანდა უწინდელი სილამაზის კვალი, გვერდში მიუჭდებოდა სტუმრებს თავისი ზელსაქმით, გულითადი ღიმილით უსმენდა მათ საუბარს და თან ტუჩებს აცმაცუნებდა; თუ შემთხვევამიეცემოდა, თავის სიტყვასაც ჩაურთავდა კამათში და ნათქვამის ტაქტს თავს აყოლებდა ისე, რომ მუშაობას წამითაც არ წყვეტდა. მას გათხოვილი ქალი ჰყავდა და კიდევ ორი ბავშვი: შვიდი წლის გოგონა და ათი წლის ბიჭი; დაჰმა სასკოლო დავალებებს გაქონილი მაგიდის კუთხეში აკეთებდა; მონდომებისაგან ენა გამოეყოთ და მათთვის შეუფერებელი საუბრის ნაწყვეტები ჩაესმოდათ ყურში.

ოლივიემ ორჯერ-სამჯერ სცადა კრისტოფს გაჰყოლოდა. მაგრამ თავს უხეზულად გრძნობდა ამ ხალხში. როცა ამ მუშებს არ აკავებთ საამქროების მკაცრი განაწესი, როცა არ უხმობთ ქარხნის საყვირი, ვერც კი წარმოიდგენთ. რამდენი დრო აქვთ დასაყარგი სამუშაოს შემდეგ, ან მუშაობასა და მუშაობას შორის, ან სახეტიალოდ, ან უმუშევრობის გამო. კრისტოფს, რომელსაც ერთერთი თავისი უსაქმო თავისუფლების ჟამი დასდგომოდა, რაკი გონებას მოეთავებინა ერთი ნაწარმოები და მეორის ჩასახვას ელოდა, მათზე მეტად როდით ეჩქარებოდა; სიამოვნებით ეწეოდა, ჭიქას ჭიქაზე სცლიდა და საუბრობდა. მაგიდაზე იდაყვებდაყარდნობილი, მაგრამ ოლივიეს ბურჯუაზიული ინსტინქტები ამბოხს იწყებდა, რაკი არად უღირდათ მისთვის სანუკვარი გონებრივი დისციპლინა, საგულდაგულოდ დაზოგილი დროით რეგულარულ მუშაობას რომ

იყო ჩვეული; დროის ასეთი ფლანგვა საძრახისად მიაჩნდა. არც საუბარი იცოდა და არც სმა ემარჯვებოდა. დაბოლოს, ბუნებრივი სიმორცხვე, ფარული ანტიპათია, განსხვავებული მოდგმის ხალხში რომ იჩენს თავს, გრძნობათ სხვაობა ეუბრჩებოდა მათს სულთა ერთობას; ხორცი გულს უმხედრებდა. როცა ოლივიე მარტო იყო კრისტოფთან, დიდის მღელვარებით ელაპარაკებოდა. ხალხთან დამძობილების აუცილებლობაზე; მაგრამ როცა ხალხში გაერეოდა, ველარაფერს ახერხებდა. კრისტოფი კი, თუმცა დასცინოდა მის იდეებს, სულ ადვილად უძმაკაცდებოდა პირველ შემხვედრ მუშას ქუჩაში. ოლივიეს ძალიან სწყუდებოდა გული, ხალხისგან ასე რომ იყო გარიყული. ცდილობდა მათ დამგვანებოდა, მათებურად ეფიქრა, მათებურად ელაპარაკა, მაგრამ არ შეეძლო. მისი ხმა ყრუ იყო და მათ ხმებსავით არა სქექდა. როცა შეეცდებოდა ზოგიერთ გამოთქმას ხალხს დასესხებოდა, სიტყვები ყელში ეჩხირებოდა, ანდა საოცრად ყალბად უღერდა. უკვირდებოდა თავის თავს, წუხდებოდა და სხვა-საც აწუხებდა. თვითონაც გრძნობდა ამას. იცოდა, რომ მათთვის უცხო იყო და საეჭვო, რომ არავინ უტყვევრდა სიყვარულით და როდესაც წამოვიდოდა, ყველა თავისუფლად ამოიხუნთქავდა. ყოველ წუთს აწყდებოდა კუშტ, ცივ მზერას, მტრულ გამოხედვას, სილატაკით განაწამები მუშები რომ ესვრიან ხოლმე ბურჯუებს. ცოტას იქნებ კრისტოფსაც უბღვერდნენ, მაგრამ ის ვერაფერს ხვდებოდა.

მთელი ამ კრებულიდან ერთადერთი, ვისაც ოლივიესაკენ მიუწევდა გული, ორელის შვილები იყვნენ. მათ, ცხადია, ბურჯუას ზიზი არ იცოდნენ. პატარა ბიჭი მოჯადოებული იყო აზრთა ბურჯუაზიული მდინარებით; ის საკმაოდ ჭკვიანი გახლდათ, რომ ჰყვარებოდა იგი, მაგრამ რომ გაეგო კიდევ, საამისოდ გონი არ შესწევდა. გოგონა ძალიან ლამაზი იყო. ერთხელ ოლივიემ ქალბატონ არნოსთან წაიყვანა სტუმრად და პატარა უზომოდ მოიხიბლა სიმდიდრით. ალტაცებისგან ენა ებმოდა, როცა ლამაზ სავარძლებში ჯდებოდა, ხელს ავლებდა ლამაზ კაბებს. მას პაწია როსკიბის ინსტინქტები ჰქონდა, ქარაფშუტა გოგონასი; რომელიც ოცნებობს გაექცეს ხალხს და ბურჯუაზიული კომფორტის სამოთხეში ამოჰყოს თავი. ოლივიეს სულაც არ სურდა ამ მიდრეკილებათა გაღვივება; და ეს გულუბრყვილო ალტაცება, მის კლასს რომ მიუპყრობდნენ, სულაც არ ანუგეშებდა, სხვა დანარჩენთა მტრული მზერისაგან აშლილ დარდებს ვერ უქარვებდა. ოლივიეს სტანჯავდა მათი მტრული გამოხედვა, მას ხომ ისე მგზნებარედ სწადდა ამ ხალხს შეთვისებოდა! სინამდვილეში კიდევაც ესმოდა მათი, ძალიან კარგადაც ესმოდა, ოღონდ ეს იყო, ჩაციებით აკვირდებოდა ყველას და მით აღიზიანებდა. უტიფარი ცნობისწადილი როდი ამოძრავებდა, სულთა ანალიზი ჩვევად ჰქონდა გადაქცეული.

მაღე შენიშნა ყუსიეს ცხოვრების იღუმალი დრამა: ძლიერი სენი და მისი საყვარლის სასტიკი თამაში. ქალს უყვარდა ყუსიე, ეამაყებოდა; მაგრამ თავად იყო ძალზე ცოცხალი; კაცმა იცოდა, რომ ქალი ხელიდან გაუსწლტებოდა და

ეპვი უფლეთდა გულს. ქალი ერთობოდა ამით; იწვევდა მამაკაცებს, თვალებს უჭუჭუნებდა, ახელებდა: ნამდვილი შეითანი იყო; იქნებ ლალატობდა კიდევ გრაიოსთან. იქნებ სიამოვნებდა, ჟუსიეს ეფიქრა, მატყუებდა. დღეს თუ არა, ხვალ ხომ ნამდვილად მოატყუებდა. ჟუსიე ვერ ბედავდა აეკრძალა მისთვის ჰყვარებოდა ის, ვინც მოსწონდა. განა ქალისათვის, ისევე, როგორც კაცისათვის, თვითონვე სრულ თავისუფლებას არ მოითხოვდა? ეს კიდევაც შეახსენა სატრფომ ცბიერი უტიფრობით ერთ დღეს, როცა ჟუსიე ლალატს სწამებდა. მტანჯველი ბრძოლა მიმდინარეობდა კაცის გულში მის თავისუფალ თეორიებსა და შმაგ ინსტიქტებს შორის. გულით ისევე წინანდელი მამრი იყო, დესპოტური და ეჭვიანი; გონებით — მომავლის ადამიანი, უტოპიის კაცი. ქალი კი გუშინდელიც იყო და დღევანდელიც — მარადიული. და ოლივიეს, ამ ფარულ ორთაბრძოლას რომ ესწრებოდა, ბრძოლას, რომლის სისასტიკეც გამოცდილებით იცოდა, მთელი სულითა და გულით ებრალებოდა ჟუსიე, რაკი მის სისუსტეს ხედავდა. მაგრამ ჟუსიეც ხედავდა, ოლივიე ჩემს გულში კითხულობსო და სულაც არ ემაღლიერებოდა.

სხვაც ადევნებდა თვალს, ღმობიერად ამ მიძულვილ-სიყვარულის თამაშს. ეს სხვა კაფეს პატრონი ორელი გახლდათ. ისიც ყველაფერს ხედავდა, მაგრამ არაფერს იმჩნევდა. ცხოვრებას კარგად იცნობდა. ამ კეთილ, მშვიდსა და თავდაპირილ ქალს ბობოქარი ახალგაზრდობა ჰქონდა გამოვლილი. მეყვავილე იყო და ერთი ბურჟუა გაიჩინა საყვარლად; სხვებიც ჰყოლია. შემდეგ მუშას გაჰყვა ცოლად და კარგი ოჯახის დედა დადგა: მაგრამ ესმოდა გულის ყველა სიგიჟე, ჟუსიეს ეჭვიანობაცა და ამ „ახალგაზრდობისაც“, გართობას რომ იყო დახარბებული. თითო-ოროლა აღერსიანი სიტყვით ცდილობდა თანხმობის ჩამოგდებას.

— უნდა დაუთმოთ ერთმანეთს! ასეთი ცოტა რამის გულისათვის სისხლის ამღვრევა არ ღირს...

და არ უკვირდა, რომ მისი სიტყვები სულ არა სჭრიდა.

— სიტყვები არასოდეს სჭრის... ყოველთვის უნდა იტანჯონ...

ამას ხალხური უდარდელობა ათქმევინებდა, ძველ-რბილში რომ ჰქონდა გამჯდარი; უდარდელობა, რომელსაც უბედურება დიდხანს ვერ ეკარება. ბედი მასაც მკაცრად მოექცა. სამი თვის წინ თხუთმეტი წლის ვაჟი მოუკვდა. კინაღამ გაგჟდა დარდისაგან. ახლა ისევე ძველებურად პირმლიმარი დაფუსფუსებდა. ამბობდა ხოლმე:

— ფიქრს რომ დაუდო თავი, ვეღარ იცხოვრებ.

და აღარ ფიქრობდა. ეს ეგოიზმი როდი იყო. სხვაგვარად არ შეეძლო, მისი სიცოცხლისუნარიანობა იმდენად ძლიერი იყო, აწმყო მთლიანად ნთქავდა: სად შესწევდა ძალი წარსულზე ფიქრს გადაჰყოლოდა. ეგუებოდა იმას, რაც იყო, შეეგუებოდა იმასაც, რაც იქნებოდა. თუ რევოლუცია მოხდებოდა და თავდაყირა დააყენებდა იმას, რაც ფეხზე იდგა და ფეხზე წამოაყენებდა იმას, რაც თავდაყირა იყო მოქცეული, ქალი მუდამ მოახერხებდა ფეხზე დადგომას, გაა-

კეთებდა იმას, რაც ჰქონდა გასაკეთებელი, ყველგან თავის ადგილას იქნებოდა, საცა დააყენებდნენ. კაცმა რომ თქვას, რევოლუციისა მიანიცდამინც როდი სჯეროდა. რწმენა უკვე აღარაფრისა ჰქონდა. ზედმეტია დავსძინოთ, რომ გაჭირვებაში ჩავარდნილი კარტზე ამარჩიელებინებდა, თავის დღეში არ ავიწყდებოდა პირველის გადაწერა, როცა მკვდარს ჩაატარებდნენ. ძალიან თავისუფალი და შემწყნარებელი ეს ქალი პარიზელი ხალხის ჯანსაღი სექტიციზმით უცქეროდა ყველაფერს, ხალხისა, რომელიც ეჭვობს ისევე, როგორც სუნთქავს, ლაღად და თავისუფლად. თუმცა კი რევოლუციონერის ცოლი იყო, მაინც დედობრივი ირონიით უცქეროდა ქმრისა და მისი პარტიის იდეებს: და სხვა პარტიების იდეებსაც მეტის მოწიწებით როდი ეპყრობოდა. მათ უყურებდა ისე, როგორც ახალგაზრდობის სიშლეგეს და მოწიფულობის ხნისასაც. ბევრად არაფერს ნაღვლობდა, მაგრამ ყველაფერი აინტერესებდა. ბედნიერებისა და უბედურებისათვის ერთნაირად მზად იყო. მოკლედ, ოპტიმისტი გახლდათ.

— გულს ნუ გაიხეთქ!.. ყველაფერი მოგვარდება, ოღონდ ჯანმრთელობა იყოს...

ეს ქალი კარვად უნდა შეწყობოდა კრისტოფს. მათ ბევრი სიტყვები არ დასჭირვებიათ, რომ დაენახათ, ერთი მოდგმისა ვართო. დროდადრო დამცინავად, კეთილად შეპლიმილებდნენ ერთმანეთს, როცა-სხვები ვაცხარებით კამათობდნენ და გაპყვიროდნენ. მაგრამ უფრო ხშირად ქალი მარტო იცინოდა, რაკი ხედავდა, რომ კრისტოფიც ჩაეთრია კამათს და შიგ კიდევ უფრო მეტ მგზნებარებას აქსოვდა, ვიდრე დანაჩენები.

კრისტოფი ვერ ამჩნევდა ოლივიეს მარტობასა და უხერხულობას. ის არც ცდილობდა ამოეკითხა, სხვათა გულეში რა ხდებოდა. მაღიანად ჭამდა და სვამდა მათთან ერთად, მათთან ერთად იცინოდა და ჯავრობდა. ისინიც არ უფროსობდნენ, თუმცა კი ცხარედ ეკამათებოდნენ ხოლმე. კრისტოფი მათ პირდაპირ ეუბნებოდა სათქმელს, როდი ერიდებოდა. კაცმა რომ თქვას, გაუჭირდებოდა კიდევ ეთქვა, მათი მომხრე იყო თუ წინააღმდეგი. ამას არც ეკითხებოდა თავის თავს. რომ დაეძალბინა ვინმეს, უეჭველია, სინდიკალისტობას ირჩევდა და სოციალიზმსა და ყოველგვარ სახელმწიფოებრივ დოქტრინას გადაუდგებოდა. სახელმწიფო ნამდვილ ურჩხულად მიაჩნდა, მრავლად რომ წარმოშობს მოხელეებს — ადამიან-მანქანებს. მის გონებას საქებურად უჩნდა ძლიერი ძალისხმევა კორპორაციული დაჯგუფებებისა, რომლის ორლესული ხანჯალიც ერთნაირის ძალით სცემს სოციალისტური სახელმწიფოს მკვდარ აბსტრაქციასა და ბერწ ინდივიდუალიზმს — ენერჯის ამ დაქუცმაცებას, სახალხო ძალის დანამცეცებას ცალკეულთა სისუსტედ—დღეისდღეობის დიდ უბედურებას, რომლის გაჩენაშიც ნაწილობრივ ფრანგულ რევოლუციას ედება ბრალი.

მაგრამ ბუნება უფრო ძლიერია, ვიდრე გონება. როცა კრისტოფს შეხვედრა უწევდა სინდიკალისტებთან — სუსტთა ამ საშინელ დაჯგუფებასთან —

ნისი მძლავრი ინდივიდუალიზმი ყალბზე დგებოდა. მას არ შეეძლო არ შეზი-  
ზლებოდა ეს ადამიანები, რომლებიც ერთმანეთს უნდა მობლაუჭებოდნენ იმი-  
სათვის, რომ საბრძოლველად წასულიყვნენ; და თუ ამ კანონს მათთვის მაინც  
ვარგისად მიიჩნევდა, აღიარებდა, ეს საჩემო კანონი არააო. ამას ზედ ისიც  
დაუტოვებდა, რომ თუ ჩაგრულნი თავიანთ სისუსტეში შესაბრალოსნი არიან,  
გულმისასვლელნი აღარ ეთქმით, როცა თავად იქცევიან მჩაგვრელებად. კრის-  
ტოფს, წინათ კეთილი ნების ეულ ადამიანებს რომ უყვიროდა: „შეერთდითო!“  
ტანში უსიამოდ გასტრა, როცა პირველად მოხვდა ამ ხალხის კრებაზე; ნახა,  
რომ ხალხი, ვარს რომ ეხვია, ნაკლებ კეთილი აღმოჩნდა; ყველა თავის უფლე-  
ბებს აფუძნებდა, ძალას აჩენდა და მზად იყო ბოროტად გამოეყენებინა იგი.  
საუკეთესონი, ისინი, რომლებიც კრისტოფს უყვარდა, რომელთაც „შინ“ შეხვ-  
და ყველა სართულზე მაცხოვრებელთ, ახლოსაც არ ეკარებოდნენ ამ საბრძო-  
ლო კავშირებს. გულით ერთობ აზიზნი და მორცხვები იყვნენ საამისოდ. ისინი  
შობილიყვნენ იმისათვის, რომ პირველები გაეწყლიტათ ამ ასოციაციებს. მუშა-  
თა მოძრაობას ისევე უცქეროდნენ, როგორც ოლივიე. კრისტოფის სიმპათი-  
ა კი იხრებოდა მშრომლებისაკენ, რომლებიც ირანზიმებოდნენ. მაგრამ თავად  
სიყმდმდინავე თავისუფლების კულტს მონებდა, რევოლუციონერები კი დიდად არ  
დარდობდნენ ამ თავისუფლებაზე. კაცმა რომ თქვას, დღეს ვილა ზრუნავს თავი-  
სუფლებაზე? ელიტა, რომელსაც არავითარი გავლენა არა აქვს საზოგადოება-  
ზე. თავისუფლებას შავი დღე ადგას. რომის პაპები დევნიან გონების სინათლეს.  
პარიზის პაპები ცათა შუქს აქრობენ! ბატონი პატო კი — ქუჩებისას. ყველგან  
იმპერიალიზმს გაუმარჯვნია. რომის ეკლესიის თეოკრატიულ იმპერიალიზმს,  
მერკანტილური და მისტიკური მონარქიების სამხედრო იმპერიალიზმს, კაპი-  
ტალისტური რესპუბლიკების ბიუროკრატიულ იმპერიალიზმს, რევოლუციუ-  
რი კომიტეტების დიქტატორულ იმპერიალიზმს. საბრალო თავისუფლებაც, შენ  
საამქვეყნოდ არა ხარ შობილი!.. უფლებათა ბოროტად გამოყენება, რევოლუციო-  
ნერები რომ ქადაგებდნენ და არც საქმით თავილობდნენ, აცოფებდა კრისტოფსა  
და ოლივიეს. ისინი პატივს არა სცემდნენ ისეთ მუშებს, რომელთაც არ სურ-  
დათ გატანჯულიყვნენ საერთო საქმისათვის, მაგრამ მათზე ძალდატანებაც შემ-  
ძრწუნებლად მიიჩნდათ. მაინც მოუწევდათ არჩევანის გაკეთება. სინამდვილე-  
ში დღეს იმპერიალიზმსა და თავისუფლებას შორის როდი გვიწევს ამორჩევა.  
არჩევანი გვიხდება იმპერიალიზმსა და იმპერიალიზმს შორის.

ოლივიე ამბობდა:

— არც ერთი მინდა და არც მეორე. მე ჩაგრულთა მხარეს ვარ.

კრისტოფს ნაკლებად როდი სძულდა მჩაგვრელთა ტირანია. მაგრამ ის  
ძალის ტალღას გაეტაცნა აჯანყებულ მშრომელთა ლაშქრის კვალდაკვალ.

<sup>1</sup> მინიშნება ენაწულიან ვივიანის მიერ პალატაში წარმოთქმულ სასაილო სიტყვაზე  
(ავტორის შენიშვნა).



თვითონ ვერაფერს ხედებოდა. თანამეინახეთ უცხადებდა, მე ჩემი გზა მაქვსო.

— სანამ მხოლოდ მატერიალური ინტერესები გამოძრავებთ, მხარს ვერ ავიბამთ. იმ დღეს კი, როცა რწმენისათვის აღსდგებით, მეც თქვენად მივლეთ. თორემ რა მესაქმება ორ სტომაქს შორის? მე ხელოვანი ვარ და ხელოვნების დაცვა მევალება. რომელიმე პარტიას მსახურად ვერ გავუხდები. ვიცი, რომ ამ ბოლო ხანებში პოპულარობის ანგარებიანი წყურვილით ანთებულმა პატივ-მოყვარე მწერლებმა ცუდი მაგალითი მოგვცეს, თუმცა დიდი სარგებლობა არ უნდა მოეტანოთ საქმისათვის, ამგვარად რომ იცავდნენ; მაგრამ ხელოვნებას კი უღალატეს. ჩვენ გონიერების სხივის გადარჩენა გვაწევს ვალად. აი ჩვენი ვალი. დე, ამას თქვენს ბრმა ბრძოლებში ნუ გაურუვენ! ვილა დაიჭერს სინათლეს, ჩვენც რომ გავადგოთ ხელიდან? თქვენც გეამებათ, ხლეუხლეუხელს რომ ჩაგაბარებთ ბრძოლის შემდეგ. მუდამ უნდა არსებობდნენ მუშები, რომელთა ვალიც იქნება თვალყური მიაღვენონ, ლუმელში ცეცხლი არ ჩაქრეს, სანამ გემბანზე ბრძოლაა გამართული. ყველაფრის გაგება გემართებს, არ უნდა გვძულდეს არაფერი. ხელოვანი კომპასია, რომელიც ქარიშხლის დროსაც მუდამ ჩრდილოეთს უჩვენებს...

კრისტოფს ფრაზიორად ნათლავდნენ; ამბობდნენ, საკუთარი კომპასი დაუკარგავსო და თავს ნებას აძლევდნენ ცოტა ქედმაღლურად ეცქირათ მისთვის. მათთვის ხელოვანი გაქნილი კაცი იყო, რომელსაც ისე მოეწყო ცხოვრება, რომ რაც შეიძლება ნაკლებად და სასიამოვნოდ ემუშავა.

კრისტოფი პასუხობდა, მეც თქვენდენს ვმუშაობ, თქვენზე მეტსაცო და თქვენზე ნაკლებად: მეშინია შრომისო. არაფერი ურევდა გულს ისე, როგორც საბოტაჟი, სამუშაოს წახდენა, პრინციპად გამხდარი უსაქმურობა.

— რა საცოდავები არიან ეს ადამიანები, — ამბობდა იგი, — ასე რომ უფროსილდებიან თავიანთ ძვირფას ტყავს!.. ღმერთო ჩემო! მე ათი წლიდან მუხლჩაუხრელად ვმუშაობ. თქვენ არ გიყვართ მუშაობა, თქვენ არსებითად ბურჟუები ხართ... ის მაინც შეგეძლოთ. — დაანგრით ძველი სამყარო. მაგრამ ძალა არ შეგწევთ. არც კი გინდათ. დიახ, არა გსურთ. ტყუილად ბლავით, იმუქრებით, თავი ყველაფრის გამანადგურებლად მოგაქვთ. მარტო ერთი აზრი გიტრიალებთ თავში: ხელთ იგდოთ და ჩაწვეთ ბურჟუათა ჯერ კიდევ თბილ საწოლებში. მხოლოდ რამდენიმე ასეული საწყალი ყმაწვილი მიწის მთხრელია მუდამ მზად, დასთხოოს საკუთარი ან სხვათა სისხლი, თავადაც რომ არ უწყის, რატომ: სიამოვნებისათვის, ტანჯვისათვის, ასწლოვანი ტანჯვისათვის. სხვები მხოლოდ იმაზე ფიქრობენ, წიხლი ჰკრან თავიანთ ბანაკს, როგორმე შეძვრნენ ბურჟუაზიის რიგებში პირველ შესაძლებლობისთანავე. სოციალისტობას, ჟურნალისტობას, კონფერანსექტორობას, მინისტრობას ჩემულობენ... ეჰ! იმათ რას უყვიენებთ! თქვენ მათ როდი სჯობიხართ. ამან და ამან გვიღალატაო, ამბობთ?.. კეთილი. ახლა ვისი ჯერია? ყველანი მაგ გზას დაადგებით. ვერც ერთი თქვენგანი ვერ გაუძლებს, მისატყუებელი.. საკენკი თუ დაუყარეს. როგორ

შეიძლება? არც ერთ თქვენგანს არ სჯერა სულის უკვდავებისა. ცარიელა სტომაქები ხართ და მეტი არაფერი; პირშიაც გეუბნებით, ცარიელა სტომაქები ხართ; ამოყორვას რომ ცდილობენ-მეთქი.

ამაზე ისინი ჯავრდებოდნენ და ყველანი ერთბაშად იწყებდნენ ყვირილს. კამათს ისე შეპყვებოდნენ, რომ ვნებით ატანილი კრისტოფი უფრო რევოლუციონერი გამოდიოდა, ვინემ დანარჩენები. ამოდ უარობდა: მისი ინტელექტუალური სიამაყე, მისი შემწყნარებლური თვალთახედვა წმინდად ესთეტიკური საწყაროსი, რომელიც სულ სიხარულისა და გონებისაგან იქნებოდა შეთხზული, მიწის ქვეშ ინთქმებოდა უსამართლობის შემხედვარე. რაა ესთეტიკა იმ ქვეყანაში, სადაც ათიდან რვა კაცი სილატაკეში ცხოვრობს ან ხელმოკლეობას განიცდის, ნივთიერსა თუ მორალურ სილატაკეს? კარგით ერთი! წინდაუხედავი ბედის ნებიერი უნდა იყო, ეს რომ ინატრო. კრისტოფისთანა ხელოვანს გულის სიღრმეში არ შეეძლო მშრომელთა მხარეს არ ყოფილიყო. გონების მუშაქზე მეტად ვინ გატანჯულა სოციალური გარემოს იმორალურობით, ბედთა აღმავლობით? უთანასწორობით? ხელოვანს შიმშილით სული ამოსდის, ანდა მილიონერი ხდება და საამისოდ სხვა მიზეზი არ არსებობს, თუ არ მოდისა და მათი კაპრიზი, ვინც სპეკულაციას ეწევა ამ მოდით. საზოგადოება, რომელიც დასაღუბად სწირავს თავის რჩეულ შვილებს, ან გასამრჯელოს ისე მიუზღავს, როგორც მოეპრიანება, ურჩხულია: ის უნდა განადგურდეს. ყოველ კაცს, მუშაობს თუ არა, აქვს უფლება დღიური ლუკმა ჰქონდეს. ყოველი სამუშაო, კარგია თუ საშუალო, უნდა ნაზღაურდებოდეს არა მისი რეალური ღირებულებით (ვინა ამის შეუმცდარი მსაჯული?), არამედ მშრომელი კაცის კანონიერი მოთხოვნილებით. ხელოვანს, მეცნიერს, გამომგონებელს, ვინც საზოგადოებას ასახელებს, საზოგადოებამ უნდა გაუჩინოს საკმარისი სახსარი, რომ მისცეს დრო და საშუალება თავის ხალხს კიდევ უფრო მეტად გაუთქვას სახელი. ეს იკმარებს მათთვის. „ჯოკონდა“ არ ღირს ერთ მილიონად. არაფერი საერთო არაა რაღაც თანხასა და ხელოვნების ნაწარმოებს შორის; ხელოვნების ნაწარმოები არც უფრო მაღლა მდგომია და არც უფრო დაბლა მდგომი; ის მას გარეთაა; მის ანაზღაურებაში როდია საქმე; საქმე ისაა, ხელოვანმა იცხოვროს. მიეცი თუ საზრდო და მშვიდად მუშაობის უფლება! სიმდიდრე ზედმეტი ბარგია: ეს სხვების გაქურდვას უდრის. პირდაპირ უნდა ითქვას: ყოველი კაცი, ვისაც იმაზე მეტი აქვს, ვიდრე მისი და მისიანების არსებობასა და წორმალურ გონებრივ განვითარებას სჭირდება, ქურდია. რაც მას ზედმეტი აქვს, სხვებს აკლიათ. ჩვენ მწარედ ვიღივებით, როცა საფრანგეთის ამოუწურავ სიმდიდრეზე, ქონებათა სიუხვეზე ლაპარაკი გვემისი; ჩვენ, მშრომელი ხალხი, მუშები, ინტელიგენცია, კაცები და ქალები, ვინც ბავშვობიდანვე მუშაობით სიქას ვიცლით. შიმშილით სული რომ არ ამოგვხდეს და ზმირად ვხედავთ, რომ საუკეთესონი ტვირთს ვერ უძლებენ; ჩვენ, რომლებიც ვრის ცოცხალი ძალა ვართ თქვენ, კი, ვისაც ქვეყნის სიმდიდრე ყელში ამოვლით, ჩვენი ტანჯვისა და აგონიის ფა-

სად ხართ მდიდრები. ეს თქვენ არ გაღვლეხვებთ, თქვენ თავის დღეში არ მოგაკლდებით გულის გამაყვებელი სოფიზმები: ეს საკუთრების წმიდათაწმიდა უფლებათა, ჯანსაღი ბრძოლაო სიცოცხლისათვის, ეს პროგრესის უზემთაესი ინტერესებო; ლეგენდარული ურჩხული, ეს სათუო უკეთესობა, რომელსაც მსხვერპლად სწირავენ კეთილდღეობას — სხვათა კეთილდღეობას! მაგრამ მართო ეს როდია. ჩვენ სამყოფიც არ გაგვაჩნია. თქვენ თავზე გადაგდით საბადებელი. თანაც ჩვენ გკობივართ. თუ უთანასწორობა მოგწონთ, უფრთხილდით, ხვალ თქვენცენ არ მოიბრუნოს კეხი!

ერთი სიტყვით, ვენებები, გარს რომ ერთყა, კრისტოფსაც თავბრუს ახვევდა ხოლმე. მერე თავადაც უკვირდა, ამდენს რა მალაპარაკებდაო. მაგრამ თავს მაინცდამაინც როდი იტყვიებდა ფიქრით. ერთობოდა ამ ალგზნებითა და ღვინოს აბრალებდა ყველაფერს. მხოლოდ იმას ნანობდა, ღვინო რომ უკეთესი არ იყო და რაინული ღვინოების ქებას იწყებდა. კიდევაც სჯეროდა, რევოლუციურ იდეებს ჩემთან ხელი არა აქვსო. მაგრამ ხდებოდა უცნაური რამ: კრისტოფი კამათში სწორედ მაშინ აქსოვდა მეტ ვენებას, როცა თანამეინახეთ გზნება აკლდებოდათ.

მათ კრისტოფზე ნაკლები ილუზიები ჰქონდათ. თვით მძვინვარე წინამძღოლებიც კი, რომლებიც შიშის ზარს სცემდნენ ბურჟუაზიას, გულის სიღრმეში მერყევენი და უკიდურესი ბურჟუები იყვნენ. კოკარს, საჯიშე ულაყვიით რომ ჭინჭინებდა, ხმას იბოხებდა და გააფთრებით იქნევდა ხელებს, მხოლოდ სანახევროდ სჯეროდა იმისა, რასაც ქადაგებდა: ის ძალმომრეობის ბაქია მქადაგებელი იყო. დღის სინათლეზე გამოჰქონდა ბურჟუათა სილაჩრე, მათი შიშით იტყვევდა თავს, თან უფრო ძლიერად სურდა გამოჩენილიყო, ვინემ სინამდვილეში გახლდათ; დიდი დაძალებაც არ უნდოდა, ამეებს თვითონ აღიარებდა სიცილით კრისტოფთან. გრაიო ყველაფერს აკრიტიკებდა, რის გაკეთებასაც აპირებდნენ: ყველა გეგმას ფუშავდა. უუსიე საკუთარ ნათქვამს არ გადავიდოდა, თავის დღეში არ სურდა მტყუანი გამოსულიყო. ძალიან კარგად ხედავდა, რა ნაკლიც სჭირდა მის საბუთებს და მით უფრო ჭიუტად ადგა თავის აზრს, თავისი საქმის გამარჯვებასაც კი მსხვერპლად შესწირავდა, ოღონდ სხვებს არ ეფიქრათ, საკუთარ სიმართლეში ეჭვი შეეპარაო. მაგრამ ჭიუტი რწმენიდან ირონიულ პესიმიზმში იცოდა ჩავარდნა; მწარედ კიცხავდა იდეოლოგიათა სიცრუესა და ჩიოდა ყველა ძალისხმევის ამაოებაზე.

მუშათა უმეტესობაც მათ ჰგავდა. ერთ წუთს სიტყვებით მთვრალნი რომ იყვნენ, მეორე წუთს გული უცრუვდებოდათ ყველაფერზე. უსაზღვრო იმედები ჰქონდათ, მაგრამ ეს იმედები არაფერზე არ იყო დაფუძნებული; ეს ილუზიები თავად არ მოუპოვებოდათ და არ შეუქმნიათ; მზამზარეული მიიღეს, რაც შეიძლება ნაკლები ძალის დახარჯვის კანონით, მოცალოების ეამს, სხვა დროს სამიკიტნოებისაკენ რომ მიჰყავდა ისინი. ეს გახლდათ ფიქრის უკურნებელი

სიზარმაცე, რომელსაც ზომაზე მეტი ჰქონდა საპატიო: ღონემიხდილი პირუტყვი იმასლა ცდილობს, მიეგდოს სადმე, რომ მშვიდად გადაცოხნოს საჭმელი და თავისი ოცნებანი. მაგრამ ნაოცნებარს აღარაფერი რჩებოდათ უარესი დალილობისა და პირში მწკლარტე გემოს მეტი. აირჩევდნენ და ეთაყვანებოდნენ რომელიმე მეთაურს, მაგრამ სულ მალე ეჭვით უწყებდნენ ცქერას და ზურგს აქცევდნენ. ყველაზე სამწუხარო კი ის იყო, რომ ვერც ვერავინ გაამტყუნებდა: მეთაურები ერთიმეორის მიყოლებით ეხარბებოდნენ ზოგი — წარმატებას, ზოგი — სიმდიდრეს, ზოგიც — პატივმოყვარეობას. ყუსიეს ცთუნებისაგან იცავდა ჭლექი, ძალ-ღონეს რომ აცლიდა და თავს წამომდგარი სიკვდილი; სხვები კი ღალატსა რჩებოდნენ, ან ფარ-ხმალს ყრიდნენ დაქანცულები. ისინი მსხვერპლად უხდებოდნენ იარას, რომელიც იმხანად ყველა პარტიის პოლიტიკურ მოღვაწეთ ღრღნიდა. ცთუნებას ქალით თუ ფულით, ფულით და ქალით (ეს ორი სენი არსებითად მხოლოდ ერთია) ყველგან გაედგა ფესვი. მთავრობაშიც და ოპოზიციაშიც მრავლად იყვნენ უნიჭიერესი ადამიანები, რომლებსაც დიდ სახელმწიფო მოღვაწეებად შეეძლოთ გახდომა და სხვა დრო რომ ყოფილიყო, შეიძლება, გამხდარიყვნენ კიდევ, მაგრამ რწმენა არა ჰქონდათ; არც ხასიათი მოსდევდათ. გაჭირვებამ, ჩვეულებამ, დალილობამ, ტყბობის წყურვილმა. ისინი გაანერვიულა; ტყბობის წყურვილი გახლდათ, ბევრ მათგანს ვრცელი გეგმებისათვის რომ შეაქცევინა ზურგი და ხელი უთავბოლო საქმეებისათვის მოაკიდებინა; დაავიწყდათ სამშობლო და მათი საქმე, რომ დაესვენათ და განცხრომას მისცემოდნენ. საკმაოდ ყოჩაღნი იყვნენ საიმისოდ, რომ ბრძოლაში გაეწირათ თავი, მაგრამ ამ მეთაურთაგან ცოტა თუ გამოჩნდებოდა ისეთი, ვისაც შეეძლო საქმის კეთებისას მომკვდარიყო ფუჭი ბაქიაობის გარეშე, საჭეზე ხელჩავლებული და თავის პოსტზე უძრავად მდგარი.

ამ დედის მუცლით დაყოლილი სისუსტის შეგნება ხერხეშალში ხსნიდა რევოლუციას. მუშები მთელ დროს იმაში ატარებდნენ, რომ ერთმანეთს სდებდნენ ბრალს. მათი-გაფიცვები მუდამ წარუმატებლად მთავრებოდა, რაკი მეთაურები, ან თვით გაფიცულნი ერთმანეთში ვერ რიგდებოდნენ; აზრთა სხვადასხვაობა იყო რეფორმისტებსა და რევოლუციონერებს შორის, მონობას ჩვეულთ შიშით გული ელეოდათ და მთავრობის პირველსავე მოთხოვნაზე კვლავ უღელს იდგამდნენ ქედზე; მარცხდებოდნენ მხდალი ეგოიზმისა და იმათი სიმაბღლის წყალობით, ვინც სარგებლობდა სხვათა ამბოხით და პატრონებს ეკედლებოდა, რომ ძვირად დაესვა მათთვის თავიანთი ანგარებიანი ერთგულება. ამას დაუმატეთ ბრბოთა დამახასიათებელი უწყსრიგობა, მათი ანარქიული ბუნება. მათ დიადაც რომ სურდათ კორპორაციული გაფიცვები მოეწყოთ, რომელთაც რევოლუციური ხასიათი ექნებოდათ; მაგრამ არ სურდათ რევოლუციონერთა სახელი დარქმეოდათ. ხიშტები სულაც არ ხიბლავდათ. უნდოდათ ისე მოეწვათ ერბო-კვერცხი, რომ კვერცხი არ გაეტეხათ. ყოველ შემთხვევაში, ერჩიათ, გატეხილი კვერცხი მეზობლისა ყოფილიყო.

ოლივიე უცქერდა, აკვირდებოდა და აღარ უკვირდა. იგი მიხვდა, თუ რაოდენ კინინი იყენენ ეს ადამიანები იმ საქმესთან შედარებით, რომელსაც შესჭიდებოდნენ; მაგრამ დაინახა ის ფატალური ძალაც, ისინი რომ ჩაეთრია; ამჩნევდა იმასაც, რომ კრისტოფი შეუგნებლად მიჰყვებოდა მდინარებას. თვითონ კი, ვისაც სანატრელი მხოლოდ ის ჰქონდა — ტალღამ მეც გამიტაცოსო, ნაკადს გამოერიყა. ნაპირზე რჩებოდა და უცქეროდა, წყალი როგორ მიდიოდა.

ძლიერი ნაკადი კი იყო: ვნებათა, ინტერესთა და რწმენის ქარიშხალი ამოეგდო; მძლავრად აწყდებოდნენ ერთმანეთს, ერთიმეორეში ინთქმებოდნენ აღქაფებულნი. მეთაურები თავში იდგნენ, ყველაზე ნაკლებ. თავისუფალნი, რადგან მათაც აწევებოდნენ, იქნებ ყველაზე მეტადაც, თუმც კი აზრადაც არ მოსდიოდათ ეს ამბავი. წინათ თვითონაც სწამდათ, იმ მღვდლებს მოჰგვანდნენ, უწინ რომ მასხრად იგდებდნენ, თავიანთ რწმენაში ჩაკეტილან და ბოლომდე მისი ქადაგება უწერიათო. ახლა ამ დღეში თავად იყენენ. უკან ფარა მოჰყვებოდათ, უმეტესწილად მძვინვარე, არასანდო და მოკლე თვალთახედვის პატრონი. უმეტესობას წამხედურობით სჯეროდა, ფეხის ხმას იყო აყოლილი, რადგან ნაკადი ახლა ამ უტოპიების მხარეს მიჰქროდა; საღამოთი კი რწმენა გაუქრებოდათ; რაკი ქარი შეიცვლებოდა. ბევრს იმიტომ სჯეროდა, რომ მოქმედება სწყუროდა, სურდა თავს რამე გარდახდენოდა. სხვებს — საღ აზრს მოკლებული პეიტრული ლოგიკის გამო. ზოგს — სიკეთის წყალობით. წინდახედულები მხოლოდ საომარ იზრალად იყენებდნენ იდეებს; ისინი ხელფასის მომატებისათვის იბრძოდნენ, სამუშაო დღის შემცირებისათვის. ღიდი მადის მქონენი იღუპულ იმედოვნებდნენ, სამუდამოდ ჩამოვეხსნებით ლტაკურ ცხოვრებას და წილს ერთიასად ამოვიგებთო.

მაგრამ ნაკადი, მათ რომ მიაქანებდა, ყველა მათგანზე ჰკვიანი იყო; მან იცოდა, საღ მიდიოდა, რა ვუყოთ მერე, რომ სულ მალე შეეღეწებოდა ძველი სამყაროს კაშხალებს! ოლივიე ხვდებოდა, რომ სოციალურ რევოლუციას დღეს გამარჯვება არ ეწერა. მაგრამ ისიც იცოდა, რომ თავის მიზანს დამარცხებითაც ისევე შეიღწევდა, როგორც გამარჯვებით, რადგან მჩაგვრელები მხოლოდ მაშინ სცნობენ ჩაგრულთა მოთხოვნებს, როცა ჩაგრულებისა ეშინიათ. ამიტომ რევოლუციის უსამართლო ძალმომრეობა ნაკლებ სამსახურს როდი უწევს მათ საქმეს, ვიდრე მათი საქმის სამართლიანობა. ერთიცა და მეორეც ნაწილი იყო ბრმა და თავის თავში დარწმუნებული ძალის გეგმისა, კაცთა ფარას რომ მიერეკება...

„რამეთუ იხილეთ-ლა ჩინებულებამ ეგე თქუენი, ძმანო: არა მრავალნი ბრძენ არიან გორციელად; არა მრავალნი ძლიერ არიან, არა მრავალნი აზნაურ არიან, არამედ სულელნი იგი სოფლისანი გამოირჩინა ღმერთმან, რამთა არცხვნოს ბრძენთა, და უძლურნი იგი სოფლისანი გამოირჩინა ღმერთმან,

რამათა არცხვნოს ძლიერთა. და უაზნონი იგი სოფლისანი და შეურაცხნი გა-  
ზიორჩინა ღმერთმან და არაარსნი იგი, რამათა არსნი იგი განაქარვნეს“<sup>1</sup>.

და მაინც, ვინც არ უნდა ყოფილიყო მეუფე, ქვეყნის განმგებლად რომ  
მოვიდოდა — გონიერება თუ უგუნურება — როგორი პროგრესიც არ უნდა  
ყოფილიყო სინდიკალიზმის მიერ მომავლისათვის მომზადებული სოციალური  
ორგანიზაცია, ოლივიე ფიქრობდა, მე და კრისტოფს არ გვიღირს მთელი ჩვენი  
იმედები ჩავაქსოვით და მსხვერპლიც 'გავიღოთ ამ მიწიერი ბრძოლისათვის,  
ახალ ქვეყანას რომ ვერ შობსო. რევოლუციის მისტიური იმედი გაუტარუვდა.  
ხალხი უკეთესი როდი გამოდგა და არც 'უფრო გულწრფელი ჩანდა, ვიდრე  
სხვა კლასები იყვნენ; მეტადრე ის აღონებდა, რომ სხვათაგან ბევრად არაფრით  
განსხვავდებოდა. ინტერესთა და ვნებათა მღვრიე ნაკადს შუა ოლივიეს მზერა  
და გული მიიზიდეს დამოუკიდებელმა კუნძულებმა, კუმმარიტ მორწმუნეთა  
პატარ-პატარა ჯგუფებმა, როგორც ყვაილები წყლიდან, აქა-იქ ისე რომ ამო-  
ზიდულიყვნენ. ელიტა ტყუილად ცდილობს ბრბოს შეერიოს: ის მუდამ  
რჩეულთ მივლტვის — ყველა კლასისა და ყველა პარტიის რჩეულთ, იმათ,  
ვისაც ცეცხლი უპყრია ხელთ. და წმიდათაწმიდა ვალად აძევს უღარაჯოს, რომ  
ცეცხლი არ ჩაქრეს.

ოლივიემ უკვე გააკეთა არჩევანი.

მისი სახლიდან რამდენიმე სახლს იქით ერთი მეკლანის ფარდული იდგა.  
ეს გახლდათ ერთმანეთს მიჭედებული რამდენიმე ფიცარი, სანახევროდ შემო-  
ნული, სანახევროდ ქალაღებაწებებული. შიგ სამი კიბით ჩადიოდით და წელ-  
ში უნდა მოხრილიყავით, ფეხზე დადგომა რომ მოგეხერხებინათ. იქ მარტო  
ჯღანების თაროსა და ორი ტაბურეტის ადგილი იყო. ყოველ ცისმარე დღეს,  
როგორც საზოგადოდ მეკლანეებს სჩვევიათ, ფარდულის პატრონიც სიმღერაში  
აღამებდა. სტვენდა, ფეხსაცმლის ლანჩებს აბაკუნებდა, ჩახლეჩილი ხმით  
გაპყვიროდა სახუმარო და რევოლუციურ სიმღერებს, ანდა თავის სამყოფელი-  
დან გამვლელ-გამომვლელს ეხმიანებოდა. ფრთამოტეხილი კაჭკაჭი, ქვაფენილ-  
ზე რომ სეირნობდა, კონსიერჟის ლოყიდან ხტუნვა-ხტუნვით მოდირდა მას-  
თან სტუმრად. პირველ საფეხურზე ჯდებოდა, ფარდულის კარში და მეკლანეს  
აქტერდებოდა. მოხუცი წამით წყვეტდა მუშაობას, რომ შეღლაბუტებოდა,  
დათაფლული ენით უხამსობა რამ ეთქვა, ან სტვენით ჩაერაკრაკები-  
ნა ინტერნაციონალი. კაჭკაჭიც ჩერდებოდა ნისკარტაწეული და სერიო-  
ზულად უსმენდა; დროდადრო ასე ნისკარტაწეული ჩაჯდებოდა, თითქოს  
სასალამოდ და უხერხულად სცემდა ფრთებს, წონასწორობა რომ შეენარჩუ-  
ნებინა; მერე უეცრად მობრუნდებოდა, შუა სიტყვაზე მიატოვებდა თანამოსაუ-  
ბრეს, რის ვაივავლახით აფრინდებოდა ძელსკამის ზურგზე და უბნის ძაღლების

<sup>1</sup> კორ., 1, 26 — 28.

გამოჯავრებას იწყებდა. მაშინ მეჭლანეც კვლავ უბრუნდებოდა თავის საკერებელს. მსმენელის გაქცევა ხელს როდი უშლიდა გაწყვეტილი საუბარი გაეგრძელებინა.<sup>1</sup>

მეწაღე ორმოცდათექვსმეტი წლისა იყო, სიცოცხლით სავეს და შუბლ-დაღარული. პატარა, მომცინარე თვალები დაფანჩული წარბების ქვეშ უელავდნენ, კინკრისო გამელოტებოდა და თმების ბუდიდან კვერცხივით ჰქონდა ამოჩრილი; ყურები ბანჯგვლიანი ესხა, პირი კბილებშთამუსრული ჰქონდა. ხახას რომ დააფრენდა, გეგონებოდათ, ჰა არისო. ბინძური წვერი აბურძგნოდა. სულ მის ფხანაში იყო; იქექებოდა შიგ თავისი ვეება, ვაქსით ჩაშავებული მარწუხებით. უბანში მაპილო ფეიეს, ფეიეტის, ან უკეთ, ლა ფეიეტის სახელით იცნობდნენ. გამოსაჯავრებლად ლა ფაიეტსაც<sup>1</sup> ეძახდნენ, რადგან მოხუცი უკიდურესად მემარცხენე შეხედულებებისა გახლდათ; სულ ახალგაზრდა ჩაბმულიყო კომუნაში, სიკვდილი მიესაჯათ, მერე გადაესახლებინათ; ამაყობდა ამ თავისი წარსულით და გულჯავრიანი ერთნაირად ლანძლავდა ბადენგეს<sup>2</sup>, გალიფესა<sup>3</sup> და ფუტრიეს<sup>4</sup>. რევოლუციონერთა მიტინგს თავის დღეში არ გამოაკლებოდა, უყვარდა კოკარი, რაკი სულ შურისძიებას ქადაგებდა. მოსწონდა. მისი წვერი და ხმა, მების გავარდნას რომ ედარებოდა. არც ერთი მისი სძტყვა არ გამოუტოვებია, ხარბად ეწაფებოდა მის ნათქვამს, ხარხარებდა მის ყოველ ხუმრობაზე, დულდა, როცა ის ლანძლავ-გინებას იწყებდა, ცას სწვდებოდა სიხარულით, როცა მომავალ ბრძოლებსა და აღთქმულ სამოთხეს წარმოიდგენდა. მეორე დღეს თავის ფარდულში ხელახლა კითხულობდა წარმოთქმული სიტყვების მოკლე ანგარიშებს; ხმამალა კითხულობდა, თავისთვის და თავის შეგირდის გასაგონად; უკეთ რომ დამტკბარიყო, შეგირდსაც აკითხებდა და თავში ჩაუტყაპუნებდა, თუ ბიჭი ერთ ხაზს მაინც ვადაახტებოდა. ამიტომ ხშირად დროზე ვერ აბარებდა სამუშაოს, სამაგიეროდ, რასაც აკეთებდა, საგულდაგულოდ აკეთებდა. კაცს ფეხს მოსტეხდა, თვითონ კი არ გაცვდებოდა მისი ფეხსაცმელი.

მოხუცს თავისთან ჰყავდა ცამეტი წლის შვილიშვილი, კუზიანი, უღონო და რაჭტიანი ბიჭი, რომელიც შეგირდობას უწყევდა. დედამისი ჩვიდმეტი წლისა გაიქცა სახლიდან. ერთ უხვირო მუშას ტაეკიდა. ამაშად რომ იქცა და მალეც დაიჭირეს. გაასამართლეს და მერე აღარავის უნახავს. ბავშვით ხელში მართოდ დაარჩენილმა, თავისიანებისაგან უარყოფილმა ყმაწვილმა ქალმა გამოხარდა პატარა ემანუელი. მასზე გადაიტანა მთელი ის სიყვარული და

<sup>1</sup> „ფეიეტი“ დენის კასრსა ნიშნავს, მარკიზ დე ლა ფაიეტი (1757—1834) კი ფრანგული რევოლუციისდრონდელი სახელმწიფო მოღვაწე იყო, ტიპიური ბურჟუაზიული ლიბერალი.

<sup>2</sup> ნაპოლეონ-III-ის ზედმეტი სახელი.

<sup>3</sup> გასტონ გალიფე (1830—1909) ფრანგი გენერალი იყო; თავი შეირცხენია კომუნარების სიკვალეთით.

<sup>4</sup> ტიერის სალანძლავი სახელი.

სიძულვილი, საყვარელისადმი რომ ჰქონდა. ანჩხლი, ავადმყოფურად ექვიანი ქალი იყო. გაგიყვებით უყვარდა შვილი და შავ ღღეს ათევდა; მერე, როცა ბიჭი ავად ხდებოდა, სასოწარკვეთილებისაგან სიგიჟემდე მიდიოდა ხოლმე. ზოგჯერ, როცა ცუდ გუნებაზე იყო, უქმელს აძინებდა, ლუკმა პურსაც კი არ მისცემდა. როცა ხელჩაიკიდებულ მიათრევდა ქუჩაში, ხოლო ბავშვს დალილიობისაგან ფეხის წადგმა არ შეეძლო და მიწაზე ვარდებოდა, წიხლის კვრით წამოაგდებდა ფეხზე. უთავბოლო ლაპარაკი იცოდა და ცრემლიდან უეცრად ისტერიულ სიცილზე გადადიოდა ხოლმე. მოკვდა და ისევ ბაბუამ შეიფარა პატარა, რომელიც მაშინ ექვისი წლისა იყო. შვილიშვილი ძალიან უყვარდა მოხუცს, მაგრამ ერთობ ახირებულად, უხეშად ექცეოდა ბიჭს. ლანძღავდა და თათხავდა, ყურებს უწევდა, უტყაპუნებდა დიდიდან საღამომდე, თავის ხელობა რომ ესწავლებინა; თან თავის სოციალურსა და ანტიკლერიკალურ კატეხიზმოს ჩასჩინებდა.

ემანუელმა იცოდა, რომ ბაბუამისი ბოროტი არ იყო, მაგრამ მუდამ მზად ჰქონდა ხელი; სახეზე რომ აეფარებინა სიღის ასაცდენად; მოხუცი აშინებდა, განსაკუთრებით თუ საღამოთი მთვრალი დაბრუნდებოდა შინ. დიან, მამილო ლა ფეიეტს როდი მოუპარავს თავისი ზედმეტი. სახელი: თვეში ორჯერ ან სამჯერ უექველად გამოთვრებოდა ხოლმე. მაშინ უთავბოლოდ იწყებდა ლაპარაკს, მოჰყვებოდა ტრაბახს და ბოლოს შვილიშვილსაც ერთ-ორს. წაუთაქუნებდა ხოლმე. ისე არ წვიმდა, როგორადაც ქუხდა, მაგრამ ბიჭი მშისმარა გახლდათ; ავადმყოფობა კიდევ უფრო მგრძობიარეს ხდიდა. ადრე მოუმწიფდა გონება და დედასავით მძვინვარე და ლაგამწაყრილი გახდა. პაპის საქციელიც ისე აფრთხობდა, როგორც მისი რევოლუციური ტირადები. გარედან მოსულ შთაბეჭდილებათაგან ყველაფერი ისე ათრთოლებდა მის გულის სიმებს, როგორც მათი ფარდული თრთოდა და ცახცახებდა მძიმე ომნიბუსის ჩავლისას. მის შეძრწუნებულ წარმოსახვაში სამრეკლოს ზართა გადაძახილ-გადმოდახილივით ერთმანეთს ერეოდა ყოველდღიური შთაბეჭდილებანი, მისი ბავშვური დიდი განცდები, მწარე სამსალა ნაადრევი გამოცდილებისა, კომუნის ამბები, საღამოს სკოლა, გაზეთების ფელეტონები, მიტინგებზე წარმოთქმული სიტყვები და სექსუალური ინსტინქტები, ბუნდოვანი და ბოზოქარნი — მისიანებისაგან რომ ჰქონდა ნაანდერძევი. ყველაფერი ეს სიზმარეულ სამყაროს ჰქმნიდა, საზარელსა და ღამის ჰანჭრობის სადარს, საიდანაც უამიდანეამს იმედის დამაბრმავებელი შადრევნები ჩქეფდა.

მეჯღანე თავის შეგირდს კაბარეში დაათრევდა ორელისთან. სწორედ აქ შენიშნა ოლივიემ პატარა კუზიანი, მერცხალივით წკრიალა ხმა რომ ჰქონდა. ამ მუშებს შორის, რომელთაც ის თითქმის არც ელაპარაკებოდა, დრო თავზე საყრელი ჰქონდა, რომ გულდასმით დაკვირვებოდა ბავშვის სნებთან სახეს, გამობურცულ, შუბლს, დაჩაგრულსა და ველურ გამოხედვას. შესწრებია, მხიარულად როგორ ეტყოდნენ უხამსობას; პატარა ხუმრობას უსიტყვოდ იტანდა,



მაგრამ სახე მოექცეოდა ხოლმე. ისიც შენიშნა, რომ როცა იქ მყოფნი რევოლუციონაზე მრავალსიტყვაობას მოჰყვებოდნენ, მისი წაბლისფერი, ხავერდოვანი თვალები მომავალი ბედნიერების ჭიმერული ექსტაზით ენთებოდნენ — იმ ბედნიერებისა, რომელიც ოდესმე ცხადადაც რომ ქექულიყო, ბევრს ვერაფერს შესცვლიდა მის დუხჭირ ყოფაში. ამ წუთებში თვალები უცისკროვნებდა უმარაილო სახეს და მნახველს მის სიგონჯეს ავიწყებდა. ლამაზი ბერტაკი კი გაციებული იყო ამით; ერთ მშვენიერ დღეს არც აცივა, არც აცხელა, პირდაპირ უთხრა ესა და შიგ ტუჩებში აკოცა. ბავშვი შეკრთა, გაფითრდა მოულოდნელობისაგან და გაკვირვებისაგან და ზიზღით უკან გადავარდა. ქალიშვილს სად ეცალა ეს შენიშნა: უკვე უსიესთან ჩხუბით იყო გართული. მხოლოდ ოლივიემ შენიშნა ემანუელის შეცბუნება: თვალი მიაღდენა პატარას, ჩრდილში რომ მიიყუთა ხელბაქანკალბული, თავდახრილი, ქვეშ-ქვეშ მომზირალი; ქალიშვილს მგზნებარე და გაღიზიანებულ თვალთა ისარს სტყორცნიდა. მოუახლოვდა, დაუყვავა, გულითადი საუბარი გაუბა, მიიჩვია... რა სიკეთის მოტანა შეუძლია ზრდილობიან მოპყრობას ალერსმონატრებული გულისათვის. ეს წვეთი ცვარია, რომელსაც წყურვილით სასაგამშრალი მიწა ხარბად ისრუტავს. მხოლოდ რამდენიმე სიტყვა, ღიმილი შეიქნა საკმარისი იმისათვის, რომ პატარა ემანუელი მთელის არსებით შეთვისებოდა ოლივიეს და ოლივიეც თავისად ეგულვა. შემდეგ, როცა ქუჩაში შეხვდა და აღმოაჩინა, მეზობლები ვყოფილვართო, ეს ბედისწერის იდუმალ ნიშნად ჩათვალა და არც შემცდარა. თავის ფარდულიდან უთვალთვალებდა, როდის ჩავივლიდა ოლივიე, რომ სალამი ეთქვა; და თუ ისე მოხდებოდა, რომ დაბნეული ოლივიე არ მოიხედავდა მისკენ, ბიჭი შეურაცხყოფილი რჩებოდა.

ემანუელის ბედნიერებას საზღვარი არ ჰქონდა იმ დღეს, როცა ოლივიე მამილო ფეიერთან შევიდა და შეკვეთა მისცა. მეჯღანე საქმეს რომ მორჩა, ემანუელმა წაულო ფეხსაცმელები ოლივიეს; დაუდარაჯდა, როდის დაბრუნდებოდა, რომ დაბეჯითებით სტონონდა, შინ დამხვდებოა. ოლივიე თავის ფიქრებში იყო გართული და ყურადღება არ მიუქცევია მოსულისათვის, ანგარიში გაუსწორა და არც კი გამოლაპარაკებია; ბავშვი კი თითქოს ელოდა, ხან მარჯვნივ გაიხედავდა, ხან — მარცხნივ და წასვლა ვერ გადაეწყვიტა. ოლივიე თავისი კეთილი გულის კარნახით მიხვდა, რა ხდებოდა მის სულში; გაუღიმა და შეეცადა საუბარი გაება მასთან, თუმცა მუდამ უჭირდა უბირ ხალხთან მასლაათი. ამჯერად მოახერხა უბრალო და გულში ჩამწვდომი სიტყვების პოვნა. ტანჯვას ნაჩვევი ქვეცნობიერი ბუნება ბავშვს წარმოუდგენდა (ძალიან გამარტივებულად) მასავით ცხოვრებისაგან გატეხილ პატარა ჩიტუნიად, რომელიც ნუგუშს იმაში ჰპოვებს, რომ თავი ფრთისქვეშ ამოუღდეს და ქანდარაზე მოკუნტული სინათლეში გიჟურ გაფრენაზე ოცნებობს. ინსტინქტური ნდობა აახლოებდა მასთან ამ ბავშვს. ფი დაატყვევა ამ მღუმარე სულის მიზიდულობის ძალამ, სულისა, რომელიც არ ყვიროდა, არც უხეშ სიტყვებს წარმოთქვამდა და ვის

სიახლოვესაც ქუჩის სისასტიკე ვერას დაგაკლებდა. წიგნებით სავსე ოთახი, საუკუნეთა მაგიური ხმა საღვთო მოწიწებას შთააგონებდა; ხალისით პასუხობდა ოლივიეს შეკითხვებზე, ხან უეცრად მოეძალებოდა ველური სიამაყე, მაგრამ სიტყვა არ ჰყოფნიდა სათქმელის გამოსახატავად. ოლივიე ფრთხილად ხსნიდა არტახებს ამ ბნელით მოცულსა და ენაბრგვილ სულს; თანდათანობით ეჩვეოდა შიგ კითხვას, ხედავდა მის სასაცილო და გულუბრყვილო რწმენას სამყაროს განახლებისა. სურვილი არ აღძვრია გაეცინა, თუმც კი იცოდა, რომ ბალლი შეუძლებელზე ოცნებობდა და რომ ადამიანს ვერაფერი შეეცვლიდა. ქრისტიანებიც შეუძლებელზე ოცნებობდნენ; და მათაც ვერ შეეცვალეს ადამიანის ბუნება. პერიკლეს! ხნიდან მოკიდებული ბ-ნ ფალიერის? ხანაშდე რა მორალური პროგრესი მოხდა?.. მაგრამ ყოველი რწმენა წარმტაცია; და როცა ხუნდებიან ისინი, რომელთაც ყავლი გასვლიათ, უნდა მივესალმოთ სხვების დაბადებას, ახლა რომ ბრწყინდებიან: ზედშეტნი თავის დღეში არ იქნებიან. ოლივიე გრძნობამორეული ცნობისმოყვარეობით უცქეროდა ბუნდოვან სხივს, ბავშვის გონებაში რომ კიაფობდა. რა საოცრად ჰქონდა ამ ბიჭს გონება მომართული!.. ოლივიე თვალს ვერ ადევნებდა მის აზრთა მდინარებას, ერთ საკითხზე დახანება რომ არ ძალუდდა, სკუპ-სკუპით მიიწევდა წინ და როცა ელაპარაკებოდით, უკან, შორს მოგჩანჩალებდათ, წყლან ნათქვამი სიტყვისგან უეცრად მოვლენილი ხილვით დატყვევებული; მერე უეცრად გეწეოდათ, ერთი ნახტომით წინ გისწრებდათ, სრულიად უბრალო, ფრთხილი, ბურჟუაზიული სიტყვისაგან მთელ მომაჯადოებელ სამყაროს გამოსნობდა, გმირულსა და შლეგურ რწმენას აღანთებდა. ამ მთვლემარე სულს, მხოლოდ უეცრად რომ გამოიღვიძებდა, გულუბრყვილო ნდომა და მომავლის უსაზღვრო რწმენა ასაზრდოებდა; ყველაფერს, რასაც უჩვენებდნენ, ხელოვნება იქნებოდა თუ მეცნიერება, ზელოდრამის სასიკეთო ბოლოს გამოაბამდა, რომელიც მისი ქიმერების წყურვილს აოკებდა.

ოლივიეს ცნობისწაიღიმა სძლია და რაღაც-რაღაცები წააკითხა კვირა დღეს პატარას. ეგონა, დაინტერესებდა რეალისტური და სანიდაგო ამბებით; წაუკითხა ტოლსტოის „ბავშვობა“. პატარა ალტაცებული არ დარჩა განაგონით. კარგი, ეგ ხომ ცნობილიაო, გაიძახოდა.

არ ესმოდა, რად უნდა აეტკივებინათ თავი იმისათვის, რომ ჩვეულებრივი ამბები აღეწერათ.

— ჩვეულებრივი ბიჭია, — ამბობდა ამრეზით.

ისტორიისადმიც შეტ ინტერესს როდი იჩენდა; მეცნიერება მოსაწყენად ეჩვენებოდა; ეს მისთვის მოსაბეზრებელი შესავალი იყო ფერიათა ზღაპრისა:

<sup>1</sup> პერიკლე (499—429 წ. ვრამდე) — ძველი ათენის გმირი და სახელმწიფოს უბაღლო პეტაურო.

<sup>2</sup> არმან ფალიერი (1841—1931) — ფრანგი პოლიტიკური მოღვაწე; 1906—1913 წლებში ეკირა პრეზიდენტის პოსტი.

უხილავი ძალები გახლდათ, კაცის სამსახურში მდგარი, საშინელი და დათრგუნული გენიების მსგავსი... რა საჭიროა ამდენი ახსნა-განმარტებანი? როცა რაიმეს იპოვი, რა სათქმელია, როგორ მიაგენი, თქვი, რა იპოვე. ფიქრთა ანალიზი ბურჟუაზიული ფუფუნებაა. მდაბიოთა სულეს მხოლოდ სინთეზი სჭირდებათ, მზამზარეული იდეები, ავად თუ კარგად შეკოწიწებული, თან უმალ ავად, ვინემ კარგად, მაგრამ ისეთნი, სამოქმედოდ რომ აღძრავს ადამიანს; მათ ცხოვრებით მაკე, დაელექტროვებული სინამდვილე თუ ხიბლავთ; ლიტერატურიდან, რაც ემანუელს წაეკითხა, ყველაზე მეტად ვიქტორ ჰიუგოს ეპიურმა პათოსმა და რევოლუციონერ ორატორთა მღვრიე რიტორიკამ შესძრა, რომელიც კარგად არ ესმოდა; თუმც რაღა ემანუელს, ჰიუგოსი არ იყოს, ამ რევოლუციონერებს თვითონაც ყოველთვის კარგად არ ესმოდათ თავიანთი თავისა. სამყარო მისთვის, ისევე, როგორც მისთანებისთვის, გონებისა და ფაქტების დაწყობილ-შემჭიდროებული ნაერთი კი არ იყო, არამედ უსასრულო სივრცე — ჩრდილით მოცული და სინათლით აცემიციმებული, სადაც ლამლამობით მზით გაჩახჩახებული ვეება ფრინველი გადაიფრენდა. ოლივიე ამოდ ცდილობდა საკუთარი ბურჟუაზიული ლოგიკა მოეხვია თავს ბიჭისათვის. მოჯანყე და გაბეზრებული სული ხელიდან უსხლტებოდა; მოსწონდა კიდევ ეს თავისი ბუნდოვანი და მორკინალი პალუცინაციური გრძნობები, როგორც სიყვარულით ატანილ ქალს, სატრფოს თვალდახუჭული რომ ნებდება.

ოლივიეს იზიდავდა კიდევ და უკმაყოფილებასაც ვეროდა ის, რასაც ბავშვში მისთვის ასე მახლობელს ხედავდა: სიმარტოვის სიყვარული, ზვიადური სისუსტე, იდეალისტური მგზნებარება; მოსწონდა და არც მოსწონდა მისი ბუნებრივად ესოდენ განსხვავებული ეს მერყეობაც, ეს ბრმა და ლაგამწყარილი ვნებანიც, ეს გრძნობადი ველურობა, რომელმაც არ უწყოდა კეთილისა და ბოროტის გარჩევა და არად უჩნდა ჩვეულებრივი შორალი. ის მხოლოდ ამ ველურობის ერთ ნაწილს აჩენდა. თავის დღეში არ დაექვებულა მღვრიე ვნებათა იმ ქაოსზე, რომელიც დღულდა მისი პატარა მეგობრის გულში. ჩვენმა ბურჟუაზიულმა ატავიზმმა ერთობ დაგვაძაბუნა. ჩვენ ჩვენს სულშიაც კი ვერ ჩაგვიხედავს. იმ სიზმართა მემსედიც რომ გამოვიტანოთ სამზეოზე, ნამუსიან კაცს რომ ესიზმრება, ან ვთქვათ, უბიწო ქალის სხეულს რა უცნაური მგზნებარება შემოენთება ზოლზე, ყიჟინას დაგვემენ. დაჩუმიდით, ურჩხულებო! დავხუროთ გლია. მაგრამ ვიცოდეთ, რომ ისინი არსებობენ და ყმაწვილთა სულეაიდან ნიადგ ლამობენ გამოსვლას. პატარას ყველა ეროტიული სურვილი ჰქონდა, ჩვეულებრივად გარყვნილს რომ ვეძახით. თავს დახვეოდნენ და საშველს არ აძლევდნენ. სასოწარკვეთილნი იყვნენ მათი პატრონის სიმახინჯით, იგი რომ გაენაპირებინა. ოლივიემ ამის შესახებ არა იცოდა რა. ემანუელს რცხვენოდა მისი. თავადაც გადაედებოდა უფროსი მეგობრის სიმშვიდე. მისი ცხოვრება მაგალითი იყო ყმაწვილისათვის. ბავშვს გაგიყებით შეჰყვარებოდა ოლივიე. მისი შეკავებული გრძნობები ბობოქარ სიზმრებში ცხადდებოდა.

ხორცს ისხამდა ადამიანური ბუნდნიერება, სოციალური ძმობა, მეცნიერების სასწაულები, ფანტასტიკური ავიაცია, ბავშვური და ბარბაროსული პოეზია, გამირულ ქმედებათა, წვრილმანობის, ავხორცობის, მსხვერპლის მთელი სამყარო, სადაც მისი სიცხეში ჩაძირული, მთვრალი ნებისყოფა მიმოიტაცებოდა.

პაპამისის ფარდულში ბევრი დრო არცა ჰქონდა, რომ გულს ჩაჰკვირებოდა. მამილო ფეიეტმა ხომ წამითაც არ იცოდა გაყუჩება, სტვენდა, ფეხებს აბაკუნებდა და ენის დაუყენებლივ ქაქანებდა დილიდან საღამომდე. მაგრამ ოცნებისათვის მუდამ მოიძებნება ადგილი. დღისითაც რამდენი სიზმრის ხილვა შეიძლება ზეზეურად, თვალისა! მუშის შრომა ადვილად იგუებს წვეტელა ფიქრს. მის გონებას გაუქირდებოდა ნებისყოფის დაძაბვის გარეშე აზროვნების გრძელი ჯაჭვისათვის თვალის მიდევნება; თუ მოახერხა ამის გაცეცება, აქა-იქ ჯაჭვის რამდენიმე რგოლი მაინც ჩაუცვივავ; მაგრამ რიტმულ მოძრაობას აყოლილს რამდენი იდეა მოუვა თავში, რამდენი სახე გაუცოცხლდება; მუშაობს და უცნაურ ნატებს ისე გაიყრებიან, როგორც გრდემლიდან ნაპერწკლები. ხალხის ფიქრი! ძნაა ცეცხლისა და კვამლისაგან შექმანხილი, შადრევანი ნაპერწკლებისა, რომლებიც ქრებიან, ხელახლა ენთებიან და ისევ ქრებიან! მაგრამ ხანდახან ერთ მათგანს ქარი წარიტაცებს და ბურჟუნაზის ვეება ზვინებს ალაღაბრილებს...

ოლივიემ მოახერხა და სტამბაში მოაწყო ემანუელი. ეს ბავშვის წადილი იყო; პაპაც წინ არ აღსდგომია: უხაროდა კიდევ, რომ შვილიშვილი მასზე განსწავლული გამოვიდოდა; მოწინებით ეკიდებოდა სტამბის საღებავს. ახალი ხელობა ძველზე მეტად დამქანცველი იყო, მაგრამ მუშათა ჯარში უფრო თავისუფლად ახერხებდა ფიქრს, ვიდრე ფარდულში, პაპასთან პირისპირ დაჩქინილი.

ყველაზე მეტად საუზმობის საათი უყვარდა. განერიდებოდა მუშათა ტალღას, ქვაფენილზე მდგარ პატარ-პატარა მაგიდებს და უბნის ღვინის ფარდულებს რომ მოედებოდა ხოლმე, კოჭლობით გაძვრებოდა მუზობელ სკვერში და აქ, ძელსკამზე მხედრულ გადაძვარადი, ყურძნის მტევენებიანი მოცეკვავე ფავნის ქვეშ, თავკარავიანი წაბლის ჩეროში გაქონილი ქალაღიდან პურსა და ძეხვს ამოლაგებდა; ნელა, მაღიანად ილუქებოდა, ბელურების გუნდით გარემოცული. მწვანე გზონებს პატარ-პატარა შადრევნები წვრილ წვიმად დასდიოდა, მზით გამძლარ ხის ტოტებში თეთრმორეული ცისფერი, გრიფელის მძივებივით მრგვალთვალეა მტრედები ღულუნებდნენ. ირგვლივ პარიზის გუგუნი იდგა, მანქანების გრიალი, შფოთიანი ხმა ზღვა ნაბიჯებისა, ქუჩის ჩვეული გადაძახილგადმოძახილი, ქაშანურის ჭურჭლის ოსტატის ხალისიანი სიმღერა, ქვისმთლელის უროს ცემის ხმა ფილაქანზე, შადრევნის კეთილშობილური მუსიკა; პარიზული ოცნების სიცხიანი და ოქრონაყარი გარსი. პატარა კუზიანიც, თავის ძელსკამზე მხედრულ გადაძვარადი და პირგამოტენილი, როდი ჩქარობდა ლუკმის გადაყლაპვას, ითენთებოდა ენაჩავარდნილი, სულ ველარ გრძნობდა თავის

მტკივან ხერხემალს და სულის სისუსტეს; ასე ცურავდა ბედნიერების გაურკვეველსა და დამატობელ ტალღებში...

„თბილო ნათელო, შზევ სიმართლისა, ხვალ ჩვენთვის რომ უნდა აღმო-  
ბრწყინდე, უკვე არ ნათობ განა? ყველაფერი ისე კარგია, ისეთი მშვენიერი!  
მდიდარი ხარ, ძლიერი, ჩანმრთელი, მოყვარული... მე მიყვარს, მიყვარს ყვე-  
ლა და ყველას ვუყვარვარ... ო, რა კარგია! ხვალ მთლად საუცხოო იქნება!..“

ქარხნის საყვირები სტვენდნენ; ბავშვი იღვიძებდა, ყლაპავდა ლუქმას,  
ხარბად სვამდა ერთ ყლუბ წყალს მეზობელი შადრევნიდან და თავის კუზიან  
ნაჭუჭში შემძვრალი ხტუნვა-ხტუნვით მიკელანობდა, მიჩენილი ადგილი რომ  
დაეპირა საასოთამწყობოში, ჯადოსნური ასობის ყუთთან, ასობისა, რომელ-  
ნიც ერთ მშვენიერ დღეს დაწერდნენ Mane Thecel Pharés-ს<sup>1</sup> რევოლუციისას.

მამილო ფეიეს ჰყავდა ერთი ძველი მეგობარი — მექალაღდე ტრუიო, მისი  
საქალაღდე-საწვრილმანო ქუჩის მეორე მხარეს იდგა; ვიტრინაში სირჩებში  
ჩაწყობილი ვარდისფერი და მწვანე კამფეტები და უხელფეხო მუყაოს თოჯი-  
ნები იყო გამოდებული: მექალაღდეს უყვარდა პარმალზე დგომა, აქედან უპა-  
ჭუნებდა თვალებს ფარდულში მჯდომ ლა ფეიეტს; თავის გადაქან-გადმოქანე-  
ბით რაღაცას ანიშნებდნენ ერთმანეთს. ზოგჯერ, როცა მეჭლანე დაიღლებოდა  
ჩაჭუჩის კაკუნით და როცა, მისივე სიტყვებით რომ ვთქვათ, უქანალი დაუ-  
ბრუყდებოდა, ერთმანეთს გადაუძახ-გადმოუძახებდნენ: ლა ფეიეტი თავისი  
წივანა, გამყინავი ხმით, ტრუიო ხარისებური ბლავილითა და მეზობელ დუქან-  
ში გასწევდნენ გადასაყლურწად. დაბრუნებას როდი ჩქარობდნენ. ლაყბობაში  
დრო ნელა გადიოდა. თითქმის ნახევარი საუკუნე იყო, რაც ერთმანეთს იცნო-  
დნენ. მექალაღდესაც ეთამაშა თავისი პატარა როლი 1871 წლის დიდ მელო-  
დრამაში. ამას ვერც შეატყობდით, თუ შეხედავდით ამ ჩაგოდრებულ, თავდა-  
ჭერილ კაცს, თავზე შალალი, შავი ცილინდრი რომ ეხურა, გაქათქათებული  
პერანგი ეცვა და ძველი ჯარისკაცისვით ჭალარა უღვაშები დაემშვენებინა. ლო-  
ყები მუდამ გაოფლილი და აპრიალებული ჰქონდა, დაბინდული, ღია ცისფერი  
ფვალეები, რომელთა დამძიმებული უბეებიც ჩამოჰკიდებოდა, ჩასისხლიანებოდა.  
ფეხს მიათრევდა ნიკრისით დადამბლავებული, ქოშინებდა და ენას უკიდებდა.  
მაგრამ წინანდელი ილუზიები მაინც შემორჩენოდა. რამდენიმე წლით შევიცა-  
რიაში იყო გადახვეწილი. იქ შეხვედროდა სხვადასხვა ეროვნების ამხანაგებს,  
უპირატესად — რუსებს, რომელთაც ძმური ანარქიის სიმშვენიერეს აზიარეს.

<sup>1</sup> აღრიცხულია, აწონილია, გაზომილია. — სიტყვები, რომლებიც ბიბლიური თქმულების  
თანახმად განვების ხელმა დაწერა ბაბილონის ძლევამოსილი მეფის — ბალთაზარის სასახლის  
კედელზე. მეორე დღეს კი სპარსები შემოეწყყენენ ქალაქს, მიწასთან გაასწორეს და ბაბილონის  
სამეფოც დაამხეს.

ამეგებში არ ეთანხმებოდა ლა ფეიეტს — ძველი ფრანგი იყო, თავისუფლებაში აბსოლუტიზმისა და ძალის პოლიტიკის მომხრე. სხვაფრივ ორთავეს მტკიცედ სჯეროდა სოციალური რევოლუციისა და მომავლისათვის მუშური საღანტის<sup>1</sup> დამყარებას ელოდნენ. თითოეულს ერთი მეთაური დაესახა კერადა, რომელშიაც ხორცშესხმულს ხედავდა იმ იდეალს, სათავისოდ რომ ენატრებოდა. ტრუიო ჟუსიეს ეთაყვანებოდა. ლა ფეიეტი — კოკარს. გამუდმებით კამათობდნენ იმაზე, რაც ერთმანეთს აშორებდათ, რაშიაც თანხმდებოდნენ ის აზრები დამტკიცებულად მიაჩნდათ და წყალი არ გაუვიდოდა. რა დასამალია და, ნამსურევს ზოგჯერ განხორციელებულადაც ესახებოდათ. ორთაგან უფრო რეზონანორი მეჯღანე იყო. მას გონებით სჯეროდა: ყოველ შემთხვევაში, ასე ამბობდა, რადგან ღმერთმა ხომ უწყოდა, რომ გონება უცნაურად ჰქონდა მონარათული! მარტო თავის ფეხს თუ მთარგებდა წულას და თუმც მეჯღანობაში უფრო იყო გაწაფული, ვიდრე გონებრივ ვარჯიშში, მოითხოვდა, სხვებმაც ჩემნაირი ფეხსაცმელი ჩაიცვანო. მექალაღღე უფრო ზარმაცი იყო და თავს არ იწუხებდა თავისი რწმენის დასაცავად. მხოლოდ იმას ამტკიცებენ, რაშიაც ეჭვი შეაქვთ. ის კი არ ეჭვობდა. მისი თანდაყოლილი ოპტიმიზმი საგნებს ისე ხედავდა, როგორადაც თავად სურდა დაენახა და სულ ვერ ამჩნევდა, თუ სხვაგვარად შემობრუნდებოდა საქმე, ანდა ყველაფერს ივიწყებდა. თავს დამტყდარი ჰირი მულამ სხლტებოდა მის ტყავზე და კვალსაც კი არ ამჩნევდა. ეს ბერიკაცები რომანტიული ბაღლები იყვნენ, რეალობის შეცნობის უნარს მოკლებული ბაღლები; რევოლუცია, რომლის მარტოდენ სახელიც კი ათრობდათ, მათთვის კარგი ამბავი იყო მხოლოდ, სამბობლად საამური; ისეთი რამ, რომელზედაც არ იციან, ოდესმე თუ მოხდება, ან თუ მოხდა უკვე. შინც ორთავეს სწამდა ღმერთ-კაცობრიობისა, ამ თაყვანისცემაში, გადაზრდილიყო რწმენა მათი მამა-პაპებისა, საუკუნეთა მანძილზე ძე კაცისა რომ გაეხადათ კერადა. საჭირო აღარაა იმის დამატება, რომ ორივე ანტიკლერიკალი იყო.

სასიერო ის გახლდათ, რომ კეთილი მექალაღღე ძალიან მორწმუნე ძმის-შვილთან ცხოვრობდა, რომელიც ისე ატრიალებდა, როგორადაც მოეპრიანებოდა, ეს თვალციმიციმა კუბრივით შავთმიანი, ენაწყლიანად მოუბარი, ჩასუქებული ქალი, ლაპარაკში ცოტას მარსელურად რომ უქცევდა, კომერციული სამინისტროს მოხელის ქვრივი გახლდათ. მარტოდმარტო, პატარა გოგონათი ხელში უსახსროდ დარჩენილი ბიძამ შეიფარა. ქალს ბურჯუად მოჰქონდა თავი და საცაა, იმასაც იფიქრებდა, რომ თავის მედუქნე ბიძას დიდ მადლს უშვრებოდა, მის დუქანში საქონელს რომ ყიდდა; იჯდა ტახტწართმეული დედოფალივით და ეს საწუხარი ბიძამისის საქმეებისა და მისი მუშტრების საბედნიეროდ დიდად ანელებდა მის ბუნებრივ ენაწყლიანობას. ქალბატონი ალექსანდრინი როია-

<sup>1</sup> აღილური სხელმწიფო, რომელიც ფენელონსა (1651—1715) აქვს აღწერილი თავის რომანში „ტელემაქეს თავგადასავალი“ (1699).

ლისტი და ღვთისმოსავი გახლდათ, როგორადაც ჰფერობდა მის მაღალ წარმომობას; უტიფრად ჰყენდა სააშკარაოზე თავის გრძნობებს, რომ გაეხელებინა ბებერი უღვთო, რომლის პურსაც სჭამდა და მით ეგემნა ეშმაკური სიაშოვნება. სახლს ბატონ-პატრონად გაუხდა, მთელი სახლობის სინდის-ნაშუსის დამცველად იქცა. თუ ბიძამისი ვერ მოაქცია (იფიცებოდა კი, in extremis<sup>1</sup> დროს ვუნახავო), ეშმაკს ნაკურთხ წყალს სიხარულით აპყურებდა. ლურდის ღვთისმშობლისა<sup>2</sup> და წმინდა ანტუან<sup>3</sup> პადუელის<sup>3</sup> სურათებს აკრავდა კედლებზე: ბუნხარს ფერად-ფერად მოხატული მინის 'ავგაროზებით რთავდა და ღღესასწაულებზე თავისი შვილის საძინებელში ღვთისმშობლის საკურთხეველს პატარა, ცისფერი სანთლებით ამკობდა. არავინ იცოდა აგრერივად რა აქეზებდა ამ აგრესიულ ღვთისმოსაობაში, სიყვარული ბიძისა, რომლის მოქცევაც სურდა. თუ მისი გახელების სიხარული.

კეთილ, დამყოლსა და ცოტა ყრუჩუნა ბერიკაცს თავი მოედრიკა; ვერ ბედავდა საშიშარი ძმისწულის გამოწვევას: ისეთი ენამოტყუებელი ქალი იყო, რომ კაცი ვერ მოუგებდა სიტყვას; მოხუცს კი უწინარეს ყოვლისა სიმშვიდე სურდა. ერთხელ გაბრაზდა, როცა პატარა წმ. იოსები შეეცადა მოტყუებით შემძვრალიყო მის ოთახში და მისი საწოლის თავითი მოეკალათებინა: მაშინ კიდევაც გაიმარჯვა, რადგან კინაღამ სისხლი ჩაექცა და ძმისწული დაფრთხა: მეტი აღარც შემოუტევია. ყველა დანარჩენში კაცმა დაუთმო, ოღონდ თავს ისე აჩვენებდა, ვერაფერს ვხედავო; ირგვლივ ღვთის სუნი რომ ტრიალებდა, უქეიფოთ ხდიდა, მაგრამ ამეებზე ფიქრს თავიდან იშორებდა. გულის სიღრმეში ალტაცებული იყო ძმისწულით და სიაშოვნებდა კიდევ, ქალი რომ დაეჯახნა. თან ორთავ თანხმობით ანებივრებდნენ გოგონას, პატარა რენს — რენეტ-ღედოფალს<sup>4</sup>.

გოგონა ცამეტი წლისა იყო და სულ ავადმყოფობდა. მენჯისა და ბარძაყის სასწრის ანთება თევობით ლოგინს მიაჯაჭვავდა ხოლმე: ცალი მხარე არტაშნებით ჰქონდა შეკრული და ისე იყო შიგ ჩაკირული, როგორც პატარა დაფნა<sup>5</sup> ხის ტანში. დაჭრილი ნუკრის თვალები ჰქონდა და უმზეობით გატანჯული მცენარის ფერი; თავი ერთობ დიდი ება და ძალიან წმინდა, მქრქალი ქერა და გადასლექილი თმა კიდევ უფრო დიდს უჩენდა; მაგრამ სახე მოძრავი და სანდომია-

<sup>1</sup> სიკვდილის წინ (ლათ.).

<sup>2</sup> საფრანგეთის სამხრეთ-დასავლეთით მდებარე ქალაქი ლურდი კათოლიკებისათვის უსაყვარლესი მოსლოცი ადგილია. იქაურ ღვთისმშობელს ყოველგვარი სენის განმკურნებლად თვლიან.

<sup>3</sup> წმ. ანტუან პადუელი (1195—1231) — პორტუგალიელი ბერი, რომელიც სიკვდილის შემდეგ წმინდანად იქნა შერაცხული.

<sup>4</sup> აქ სიტყვის თამაშია; ფრანგულად „რენი“ ღედოფალს ნიშნავს.

<sup>5</sup> მშვენიერი ნიშმა, რომელსაც აპოლონი გაუმეიჯნურდა. მაგრამ დაფნა არ დაჰყავდა მის ნებას, გაეჭედა ღმერთს და ზედ იქცა. სწორედ ამის შემდეგ შეიყვარა მზისა და ხელოვნების ღმერთმა დაფნის ფოთოლი, ხეც მარად უქანობ მცენარედ აქცია.

ნი ჰქონდა, კობტა, პატარა ცხვირი და კეთილი, ბალღური ღიმილი ამკობდა. დედამისის ღვთისმოსაობამ სწეულსა და უსაქმობით გაბეზრებულ ბავშვში ეგზალტირებული ხასიათი მიიღო, საათობით მარცვლავდა მარჯნის კრიალოსანს, რონელიც თვით რომის პაპის მიერ იყო ნაკურთხი. ხან გატაცებით დაეკონებოდა ზედ ბაგეებით. მთელი დღის განმავლობაში თითქმის არაფერს აკეთებდა: ქარგვა ღლიდა, ქალბატონმა ალექსანდრინმა ვერ ჩაუნერგა ხელსაქმისადმი სიყვარული. რამდენიმე უნიჭო რელიგიურ ბროშურას თუ გადაავლებდა თვალს, რამდენიმე უმარბილო სასწაულმოქმედების ამბავს, რომელთა ღვარჰნილი და უგერგილო სტილი თავად პოეზიად ესახებოდა. ანდა დანაშაულობათა ანბების კითხვით იქცეოდა თავს, ფერადი ილუსტრაციებით რომ იბეჭდებოდა საკვირაო გაზეთებში და ჰკუთამოკლე დედამისი ხელში აჩეჩებდა. ყაისნალით რამდენიმე თვალს თუ ამოიყვანდა ტუჩების ცმატუნით; თავის ხელსაქმეს ნაკლები ყურადღებით ეკიდებოდა, ვიდრე იმ საუბარს, ერთ-ერთ თავის მეგობარ წმინდანთან, ანდა თავად ფუფალასთან რომ ჰქონდა გამართული. ტყუილად გვგონია, რომ უეპველად ჟანა დ'არკი უნდა იყო, ხილვები რომ გეწვიოს: ხილვები ვის არა გექონია. ოღონდ ჩვეულებრივ ციური სტუმრები მარტო ჩვენ გვალაპარაკებენ ჩვენ-ჩვენს კერიასთან მიმსხდართ, თავად კი კრინტსაც არ სძრავენ. რენეტს საწყენად არ რჩებოდა ეს ამბავი... დუმილი ხომ თანხმობის ნიშანია. თან იმდენი ჰქონდა მათთვის სათქმელი, რომ ლამის დროსაც არ აძლეოდა საპასუხოდ: თავადვე პასუხობდა მათ მაგივრად. უტყვი მოლაყბე იყო; დედისგან დაპყლოდა ენაწყლიანობა, მაგრამ ეს ნიაღვარი სულში ეღვრებოდა სიტყვებად, როგორც ნაქადული, მიწის ქვეშ რომ უჩინარდება. ცხადია, ისიც მონაწილეობდა ბიძის წინააღმდეგ გამართულ შეთქმულებაში, სურდა მოექცია მოხუცი; ახარებდა ყოველი გოჯი სახლში, ბნელეთის სულს რომ სტაბებდნენ ნათლის სულები; მოხუცს სარჩულში უკერებდა ავგაროზებს, ანდა ჯიბეში მალულად უდებდა კრიალოსანის მარცვლებს, რომელთაც მოხუცი, ბალღისათვის რომ ეამებინა, ვითომ ვერც ამჩნევდა. ამ ორი ღვთისმოსავი ქალის გამარჯვება მღვდლების ფეხის მკვნეტელზე მეტლანის აღშფოთებასა და დაცივნას იწვევდა. ხუმრობით წამდაუწუმ წაუქილიკებდა ხოლმე, სიტყვას უკრავდა ქალებზე, ოჯახში თავი ვაჟკაცებივით რომ უჭირავთ და დასცილოდა მამაკაცებს, ქალი თავის ჰკუთაზე რომ დაატარებდა. თუმც, კაცმა რომ თქვას, არაფერი ჰქონდა საბაქიბუქო, რადგან თვითონაც ოცი წლის მანძილზე გაბეზრებული ჰყავდა ანჩხლსა და აშარ ცოლს, რომელიც გამუდმებით ლოთს ეძახდა და რომლის უნებურსაც ვერაფერს ჩაიდენდა. ეს ამბავი თითქოს დავიწყებოდა. ოდნავ დარცხვენილი მექალაქე უნდილად იმართლებდა თავს და ენის კიდებით კრაპოტკინისებურ შემწყვანარებლობას ქადაგებდა.

რენეტი და ემანუელი მეგობრები იყვნენ. პატარაობიდანვე ყოველდღე ხედავდნენ ერთმანეთს. ემანუელი იშვიათად ბედავდა მათ სახლში შესვლას. ქალბატონი ალექსანდრინი ცუდი თვალით უყურებდა ურწმუნო, პატარა, ბინ-



ძურ მეჯღანეს. მაგრამ რენეტი მთელ დღეებს შეზღონგზე ატარებდა ფანჯარასთან, პირველ სართულზე და ემანუელიც მიუკავუნებდა ხოლმე, როცა ჩაივლიდა ცხვირს მიაჰყვებოდა მინას და გამარჯობას ეტყოდა. ზაფხულობით, როცა ფანჯარა ღია იყო, ჩერდებოდა ფანჯრის ცხაურზე ჩაფრენილი (ეგონა ბუნებრივად ზეაწეული მხრები ჩემს სახიჩრობას მალავსო). რენეტი სტუმრიანობით განებივრებული არ გახლდათ და უკვე ვეღარ ამჩნევდა. რომ ემანუელი კუზიანი იყო. ემანუელს ეშინოდა გოგონებისა, ეშინოდა და ეზიზღებოდა: მართო რენეტი გახლდათ გამონაკლისი. ეს პატარა, ნახევრად გახვევებული ავადმყოფი მისთვის რაღაც ხელშეუხებელი და შორეული იყო. მხოლოდ იმ საღამოს, როცა ლამაზმა ბერტამ ტუჩებში აკოცა და მეორე დღეს განერიდა რენეტს, არ შეჩერებულა მის სარკმელთან, თავდახრილმა ჩაუთარა; მოშორებით დაძრწოდა. უნდობლად, როგორც უპატრონო ძაღლი. შემდეგ დაბრუნდა. რენეტი ისე ცოტათი მოჰგავდა ქალს!.. სახელოსნოდან გამოსვლისას, როცა გვერდით ჩაუვლიდა გრძელხალათიან ამკინძველ ქალიშვილებს, ხალათები ღამის პერანგებს რომ მიუგავდათ, ცდილობდა, რაც შეიძლება დაპატარავებულიყო, დასხლტომოდა ამ დიდ, კისკისა გოგოებს, რომელთა დამშეული თვალები თითქოს ტანთ ხდიდნენ და რენტის ფანჯრისაკენ მოუსვამდა ხოლმე, მადლიერი იყო თავისი მეგობრისა, რაკი ისიც სახიჩარი გახლდათ: შეეძლო მისთვის თავის უპირატესობა ეჩვენებინა და კიდევაც დეცვა დობილი. უამბობდა ქუჩაში მომხდარ ამბებს; თავის სასარგებლოდ გადახრიდა ნაამბობს. ხანდახან, როცა მეგობრის ამბება ეწადა, ზამთრობით მისთვის მოხარული წაბლი მოჰქონდა, ზაფხულობით — ალუბლის კუნწულა. რენეტიც არ რჩებოდა ვალში, სთავაზობდა ნაირფერ კანფეტებს, ორი სავსე სირჩით რომ იყო გამოდგმული ვიტრინაში; მერე ერთად ათვალერებდნენ სურათებიან საფოსტო ბარათებს. რა ბედნიერი წუთები იყო; ორთავეს ავიწყდებოდა საბრალობელი სხეული. რომელშიაც მათი ბავშვური სული იყო ჩაკირული.

მაგრამ ისეც ხდებოდა, რომ დიდებით წაქამათდებოდნენ პოლიტიკურ და რელიგიურ საკითხებზე. მაშინ დიდებით ბრიყვები ჩანდნენ ორთავე. აიშლებოდნენ: გოგონა სასწაულებზე, ცხრადლიან სალოცავ აღთქმაზე, ქალაქადის მაქმანებშემოვლებულ ხატებზე ან ცოდვათა შენდობის დღეებზე ელაპარაკებოდა. ბიჭი ეუბნებოდა, ეგ ყოველივე სისულელე და თვალთმაქცობააო, როგორც პაპამისისაგან ჰქონდა განაგონი. მაგრამ როცა თვითონ დააპირებდა სახალხო კრებებზე მოეთხრო, გოგონა ზიზღით აწყვეტინებდა სიტყვას, და გაიძახოდა, იქ მართო ლოთები დაიარებიანო. კამათი ცხარდებოდა. მერე მშობლებსაც გადასწვდებოდნენ ხოლმე; ერთი დედას გაულანძლავდა, მეორე პაპის აუტს ეტყოდა, როგორც დედისა და პაპისაგან ჰქონდათ ჩაწვეთებული. მერე ერთმანეთს მოდგებოდნენ. ცდილობდნენ, რაც შეიძლება მეტი საწყენი ეთქვათ ერთმანეთისათვის. ადვილდაც აღწევდნენ მიზანს. ბიჭი მეტ უხეშობას იჩენდა. მაგრამ გოგონა მეტად გესლავდა. მაშინ ბიჭი მიდიოდა და როცა ბრუნდებოდა,

უამბობდა, სხვა გოგონებთან ვიყავი, ლამაზები არიან, ბევრი ვიცინეთ და მომავალ კვირას ისევ შევხვდებით ერთმანეთსო. გოგონა არას ამბობდა; თავს ისე აჩვენებდა, თითქოს სულაც არ ანალვლებდა მისი მონაყოლი; მერე ერთბაშად მოუვლიდა ბრაზი, თავში ესროდა ყაისნაღს. და უყვიროდა: წადი, გამშორდი, მეჭაერებო და ხელებში მალავდა სახეს. ბიჭი მიდიოდა და სულაც არ ეამაყებოდა ეს გამარჯვება. უნდოდა გაეხსნა პაწია, გამხდარი ხელები, ეთქვა რენე-ტისათვის, რაც გითხარი, სულ ტყუილიაო, მაგრამ თავმოყვარეობა ნებას არ აძლევდა უკან მობრუნებულობა.

ერთ დღეს რენეტის ნაცვლად სხვამ იძია შური. ემანუელი სახელოსნოს მუშებში იყო ჩამდგარი. ამხანაგებს არ უყვარდათ, რაკი განაპირებდას ცდილობდა და არ ლაპარაკობდა, ან უკეთ, ძალიან კარგად ლაპარაკობდა: გულუბრყვილოდ და მალაღფაროვნად, როგორც წიგნი, ან უფრო ზუსტად — საგაზეთო სტატია (აქი გაზეთს წაუკითხავს არ გაუშვებდა). იმ დღეს რევოლუციანზე და მყობაღზე დაიწყეს საუბარი. ემანუელი აენთო და სასაცილო შეიქნა. ერთმა ამხანაგმა უხეშად შეუძახა:

— ჯერ ერთი, შენ რევოლუციას არა სჭირდები, ერთობ გონჯი ხარ. მომავალ საზოგადოებაში კუზიანები არ იქნებიან. დაბადებისთანავე წყალში გადაუძახებენ სუყველას.

ამან ფრთა შეაპრა ყმაწვილის მჭევრმეტყველებას. დანარჩენები სიცილით იტყუებოდნენ. სალამომდე კრიჭა არ გახსნია. სალამოს შინ დაბრუნდა; ეშურებოდა დაბრუნებას, რომ მიმალულიყო თავის კუთხეში და მარტოს ეტანჯა. გზად ოლივიე შემოხვდა; გაუკვირდა, ბიჭს მიწისფერი რომ ედო.

— შენ რალაც გკირს; რა მოგივიდა?

ემანუელს არ სურდა გამხელა. ოლივიემ დაუყვავა, აღარ მოეშვა. პატარა მაინც ჩიუტობდა; მაგრამ ყბა უკანკალებდა, თითქოს საცაა, უნდა ატირდესო. ოლივიემ მკლავში ჩაავლო ხელი და თავისთან, წაიყვანა, თუმცა თვითონაც განიცდიდა სიმანინჯისა და სნეულების მიმართ იმ უნებურსა და სასტიკ ზიზლს, მოწყალების დის ბუნებას მოკლებულ ხალხს რომ სჩვევია.

— გაწყენინეს?

— ღიახ.

— რა გიყვეს?

პატარამ გული გადაუხსნა. უთხრა, გონჯი ვარ, ამხანაგები მეუბნებიან, ჩვენი რევოლუცია შენ არაფერს მოგიტანსო.

— არც მათთვის იქნება, პატარავ; არც ჩვენთვის. ეს ერთი დღის საქმე როდია. იმათთვის ვიღწვით, ვინც ჩვენს შემდეგ მოვლენ.

ბიჭს იმედის ვაცრუება დაეტყო, რაკი უთხრეს, რევოლუცია დიდი ხნის შემდეგ მოხდებაო.

— განა არ გახარებს ფიქრი იმისა, რომ ათასობით შენისთანა ბიჭის, მილიონობით სულდგმულის საბედნიეროდ ვიბრძვით?

ემანუელმა ამოიოხრა და უთხრა:

— კარგი იქნებოდა ჩვენც გვრგებოდა პატარა ბედნიერება.

— უმადური არ უნდა იყო, პატარავ. შენ საუკეთესო ქალაქში ცხოვრობ, საოკრებებით ყველაზე მდიდარ ხანაში; უკუყო არა ხარ. თვალიც გიჭრის. იფიქრე, რომ ბევრი რამაა შენს ირგვლივ დასანახი და სიყვარულის ღირსი.

და რალაც-რალაცეები უჩვენა კიდევ.

ბავშვმა უსმინა, უსმინა, მერე თავი გააქნია და უთხრა:

— კი მაგრამ, სულ ხომ ამ ტყავში ვიქნები გამოხვეული!

— არა, განთავისუფლდები მაგ ტყავიდანაც...

— მაშინ ყველაფერი დამთავრდება.

— შენ რა იცი მაგისა?

პატარას გაუკვირდა. პაპამისი წმინდა წყლის მატერიალისტი იყო. ემანუელიც ფიქრობდა, მხოლოდ ხუცებს სწამთ მარადიული ცხოვრებაო. ისიც კარგად მოეხსენებოდა, რომ მისი მეგობარი მღვდელი არ იყო და თავს ეკითხებოდა, ნეტა სერიოზულად თუ მელაპარაკებო. მაგრამ ოლივიეს ხელი ჩაველო მისთვის; დიდხანს ელაპარაკა თავის იდეალისტურ რწმენაზე, უკიდევანო სიცოცხლის ერთიანობაზე, რომელსაც არც თავი აქვს, არც ბოლო, რომლისთვისაც მილიონობით სულდგმული და მილიარდობით წამები მხოლოდ ერთადერთი მზის სხივებია. მაგრამ ამას ასე განყენებული ფორმით როდი ეუბნებოდა. ქვე-შეცნეულად ბავშვთან საუბრისას მის ფიქრს უსადაგებდა თავისას; ანტიკური ლეგენდები, ძველ კოსმოგონიათა მატერიალური და ღრმა წარმოსახვანი გაახსენდა; ნახევრად ხუმრობით, ნახევრად სერიოზულად ელაპარაკებოდა სულთა გადასახლებაზე, უამრავ ფორმათა ურთიერთმონაცვლეობაზე, რომლებშიაც სული გადადის და იფილტრება, როგორც წყარო ერთი აუზიდან მეორეში გადასვლისას. ერთმანეთში ურევდა ქრისტიანულ, ბუნდოვან მოგონებებსა და ზაფხულის საღამოს სურათებს, ორთავეს რომ უალერსებდა; ოლივიე ღია ფანჯარასთან იჯდა; ბიჭი თავს წამოსდგომოდა; ხელიხელჩაკიდებულნი იყვნენ. შაბათი საღამო იყო. ზარები რეკდნენ. თბილი ქვეყნებიდან ახლახან დაბრუნებული მერცხლები სახლების კედლებთან მიმოქროდნენ. შორეული ცა დაპლიმოდა ზემოდან ქალაქს, რომელიც ჩრდილით იმოსებოდა. ბავშვი სუნთქვაშეკარული უსმენდა ფერიათა ზღაპარს, მისი უფროსი მეგობარი რომ უამბობდა; ოლივიესაც ცეცხლი ედებოდა პატარა მსმენელის ყურადღებით და თავადაც სწამდა საკუთარი ნაამბობისა.

ცხოვრებაში არის გადამჭრელი წუთები, როცა ღამის წყვილიაღმი დან-ტქმული დიდი ქალაქის ელნათურებივით ერთბაშად ინთება ბნელ სულში მარადიული ცეცხლი. საკმარისია ერთი ნაპერწკალი დააკვესოს შერე სულმა და მყის ააბრიალებს იმას, ცინც პრომეთეოსის ცეცხლს ელოდება. გაზაფხულის ამ საღამოს ოლივიეს მშვიდმა საუბარმა სულში, დაუეეილი ფანრის დარად რომ მოსავდა პატარა, სახიჩარი სხეული, აანთო სინათლე, რომელსაც ჩაქრობა არ

უწერია. ოლივიეს მსჯელობისა არაფერი ესმოდა, სიტყვები ძლივს სწვდებოდა მის ყურს. მაგრამ ეს ლეგენდები, ეს სახეები, რაიც ოლივიესათვის ლამაზი ზღაპრები. პარაბოლები იყო ოდენ, მისთვის ხორცს ისხამდნენ, რეალობად იქცეოდნენ. ფერიათა ზღაპარი ცოცხლდებოდა, დაქროდა ყმაწვილის ირგვლივ. და სახილველი, რომელსაც ჩარჩოდ შემოსდგომოდა ოთახის ფანჯარა, ადამიანები, ქუჩაში რომ მიმოდრიოდნენ, შდიდრები, ლარიბები, მერცხლები — კედლებს ფრთას რომ გაჰკრავდნენ, ილაჯგაწყვეტილი ცხენები, ტვირთს რომ ეზიდებოდნენ, შენობათა ქვეები, ბინდბუნდის ჩრდილს რომ დასწაფებოდნენ, ფერნამკრთალევი ზეცა, მთელი ეს გარე სამყარო მეყვსეულად აღიბეჭდა მასში, როგორც კოცნა რომ მწველი. ერთი გაიელვა მხოლოდ. შემდეგ ჩაქრა ყველაფერი. რენეტი გაახსენდა და იკითხა:

— მაშ. ისინი, ვინც წირვაზე დადიან და სჯერათ ღმერთის არსებობა, მაინც დამთხვეულები არიან?

ოლივიეს გაელიმა.

— მათაც ჩვენსავით სწამთ. — უთხრა. — ყველა ერთსა და იმავეს ვფიქრობთ. ოლონდ მათ ჩვენზე ნაკლებადა სწამთ; ეს ის ხალხია, ვისაც სინათლის დასანახად დარაბების დახურვა და ლამპის ანთება სჭირდება. ისინი ღმერთს კაცში ასახლებენ. ჩვენ უკეთ გვიჭრის თვალი... მაგრამ მაინც ერთი და იგივე სინათლე გვიყვარს.

პატარა შინ დაბრუნდა ბნელი ქუჩებით, სადაც გაზის ფანრები ჭერ კიდევ არ იყო ანთებული. ოლივიეს სიტყვები უტრიალებდა თავში. თავს ამუნათებდა, ისეთივე სისასტიკეა ცული თვალთახედვისათვის დასცინო კაცს, როგორც უძრახო. კუზიანი რადა. ხარო. რენეტის ლამაზი თვალები გაახსენდა; გაიფიქრა, რამდენი ცრემლი მიღვრეკინებიაო და გული შეეკუმშა. ველარ გაუძლო, უკან გამობრუნდა და მექალაქის სახლს მიადგა. ფანჯარა ჭერ კიდევ ღრიჭოდ იყო დარჩენილი: ფრთხილად შეჰყო შიგ თავი და ხმადაბლა დაუძახა:

— რენეტ!

გოგონამ ხმა არ გასცა.

— მაპატიე, რენეტ!

ბნელიდან რენეტის ხმა გამოეპასუხა:

— საზიზღარო! მეჯავრები.

— მაპატიე, — გაიმეორა ბიჭმა და გაყუჩდა; მერე უცებ. ერთბაშად, ერთის ამოსუნთქვით, კიდევ უფრო ხმადაბლა, აღელვებულმა და ოდნავ დარცხვენილმა უთხრა: — რენეტ, იცი, მეც შენსავით მწამს ღმერთი.

— მართლა?

— მართლა.

უფრო სულგრძელობა სძალავდა ამის სათქმელად. მაგრამ როცა თქვა, ცოტათი იწამა კიდევც.

ერთხანს მღუმარედ იყვნენ. ერთმანეთს ვერ ხედავდნენ. გარეთ საუცხოო ლამე იდგა. პატარა ხეიბარმა წაიჩურჩულა:

—რა კარგი იქნება, როცა დავიხოცებით!..

რენეტის მსუბუქი სუნთქვა ისმოდა.

ბიჭმა გასძახა:

— ლამე ნებისა, პაწია ვასაკავ!

— ძილი ნებისა, — გამოვასუსხა გოგონას მოღმობიერებული ხმა.

უფრო მსუბუქად წავიდა შინისაკენ. კმაყოფილი იყო, რენეტმა რომ აპატია; მაგრამ გულის სიღრმეში ამ საცოდავს სიამოვნებდა კიდევ, სხვა რომ ეწამა მისთვის.

ოლივიე თავის ბინაში განმარტოვდა. მალე კრისტოფიც მასთან გაჩნდა. მათი ადგილი სოციალურ-რევოლუციურ მოძრაობაში აშკარად არ იყო. ოლივიე ვერაფრით შეეთვისა თანამებრძოლებს. კრისტოფს კი არ სურდა შეგუება. ოლივიე განზე დგებოდა სუსტებისა და ჩაგრულთ სახელით. კრისტოფი კი — ძლიერთა და დამოუკიდებელთა სახელით. მაგრამ ტყუილად გაიწიეს ერთმა — ცხვირისაკენ, მეორემ — კიჩოსაკენ, მაინც ერთ გემზე ისხდნენ, რომელსაც მუშათა არმია და მთელი საზოგადოება მიჰყავდა. თავისუფალი და თავის ნებისყოფის მოიმედე კრისტოფი გამომწვევი ცნობისმოყვარეობით აღევნებდა თვალყურს პროლეტართა დარაზმვას; მოსწონდა ხალხში ტრიალი: ეს ასვენებდა; იქიდან უფრო გაჯანსაღებული და ძალმოცემული გამოდიოდა. კვლავ ხვდებოდა კოკარს და დროგამოშვებით ორელისთანაც სადილობდა. იქ რომ მოხვდებოდა, თავს კონტროლს არ უწევდა, ერთბაშად მიწებდებოდა-ხოლომე თავის ახირებულ ხასიათს. პარადოქსი არ აფრთხობდა; და ეშმაკური სიამოვნება ეუფლებოდა, როცა თანამოსაუბრეთ მათი პრინციპების უკიდურეს — აბსურდულსა და შლეგურ შედეგებამდე მიიყვანდა. კაცი ვერასდროს გაუგებდა, სერიოზულად ლაპარაკობდა თუ არა რადგან ლაპარაკი ისეთის გატაცებით იყო-და, თვითონვე ავიწყლებოდა თავისი თავდაპირველი ახირება. ხელოვანი თვრებოდა სხვათა სიმთვრალით. ერთი ასეთი ესთეტიკური მღელვარების ჟამს იყო, რომ ორელის დუქნის უკანა ოთახში რევოლუციური სიმღერა შეთხზა, რომელიც მეორე დღესვე აიტაცეს და გაიმეორეს მუშათა ჯგუფებმა. ასე გაიტეხა სახელი. პოლიციამ თვალყურის დევნება დაუწყო. მანუსს ნაცნობები ჰყავდა შიგ მტრის ბანაკში, სწორედ ის გააფრთხილა ერთმა შეგობარმა — პოლიციის პრეფექტის ახალგაზრდა თანამშრომელმა ჰესავიე ბერნარმა, რომელიც ლიტერატორობას ჩემულობდა და იმასაც ამბობდა, კრისტოფის მუსიკაზე ჰკუთას ვკარგავო (რამეთუ დილეტანტიზმი და ანარქიული სულისკვეთება თვით მესამე რესპუბლიკის მცველ ნაგავებს შორისაც შეიპარა).

— თქვენი კრაფტი ცულ თამაშს შესდგომია, — უთხრა მანუსს ბერნარმა, — სულ წაიყარა ლავამი. ჩვენ კი ვიცით, რა უნდა ვიფიქროთ ამეებზე, მაგ-

რამ ზემოთ საწყენად არ დარჩებათ, თუ უცხოელს, და თანაც ვის? გერმანელს ჩაავლეს ამ რევოლუციურ ბნელ საქმეებში. ამაზე უკეთესი ხერხი არ არსებობს საიმისოდ, სახელი რომ გავუტეხოთ პარტიასა და თითოთ საჩვენებელი გავხადოთ მისი წევრები. თუ ეგ სიბრძნევე არ დაიშალა, იძულებული გავხდებით, დაგაკავოთ. ეს კი სამწუხარო იქნება. გააფრთხილეთ!

მანუსმა გააფრთხილა კრისტოფი; ოლივიეც ბევრს ემუდარა, ფრთხილად იყავიო. კრისტოფს სერიოზულად არც კი მიუღია ეს ამბავი.

— განა ყველამ არ იცის, რომ საშიში არა ვარ? ზომ მაქვს უფლება გავერთო! მე მიყვარს ეს ხალხი; ისინი ჩემსავით მუშაობენ და მათაცა აქვთ რწმენა, ჩემი არ იყოს. სინამდვილეში ჩვენი რწმენა ერთი როდია, ჩვენ ერთ ბანაკს არ ვეკუთვნით... კეთილი და პატიოსანი! მაშ, ვიბრძოლებთ. ბრძოლას არ შეეუშინდები. რას იზამ? მე არ შემიძლია შენსავით საკუთარ ნიჟარაში დავრჩე შეეკტილი. სული მეხუთება ბურჟუებთან.

ოლივიეს ასეთი მომთხოვნი ფილტვები არ ჰქონდა, ამიტომ თავს კარგად გრძნობდა თავის ვიწრო ბინაში, ორ წყნარ ქალს შორის, მით უფრო, რომ ერთი მათგანი — ქალბატონი არნო ქველმოქმედების გზას დაადგა, მეორე კი — სესილი, მთლად ბავშვზე იყო გადაგებული; მხოლოდ ჩვილზე ლაპარაკობდა და ეტიტინებოდა კიდევ იმ მოჟღერტულე კილოთი, რომელიც ათაყვანებს ყველას. ვისაც სურს მიჰბადოს ჩიტის გალობასა და კაცთა ენაზე გადმოიტანოს იგი.

მუშათა წრიდან ორი ნაცნობილა შერჩა: ორთავ მასავით დამოუკიდებელი. ერთი — გერენი, ხალიჩების მქსოველი იყო. თავის გუნებისად მუშაობდა, როგორც მოეპრიანებოდა, მაგრამ მარჯვედ და ოსტატურად. უყვარდა თავისი ხელობა, სიყრმიდანვე გატაცებული იყო ხელოვნების საგნებით; დაკვირვებამ, შრომამ და მუზეუმებში სიარულმა ეს ნიჭი კიდევ უფრო გაუცხოველა. ოლივიემ ძველი ავეჯი შეაკეთებინა: ძნელი საქმე იყო, მაგრამ ოსტატმა ჩინებულად გაართვა თავი; დრო და ენერჯია არ დაუზოგავს, საფასური კი ცოტა ითხოვა, იმდენად იყო გახარებული, რომ გამოუვიდა ნახელავი. ოლივიე დაინტერესდა მისით, როგორ ცხოვრობო, გამოჰკითხა, შეეცადა გაეგო, რას ფიქრობდა მუშათა მოძრაობაზე. გერენი არაფერსაც არ ფიქრობდა. არც ენაღვლებოდა. ის მუშათა კლასს არ ეკუთვნოდა. ის არც ერთ კლასს არ ეკუთვნოდა. მარტო იყო, თავისთვის. ცოტას კითხულობდა. მთელი მისი ინტელექტუალური ალლო გრძნობათა, თვალის, ხელის, პარიზელთა თანდაყოლილი გემოვნების საქმე იყო. ბედნიერი კაცი გახლდათ. ასეთი ჯურის კაცი იშვიათი როდია მუშათა წვრილ ბურჟუაზიას შორის, რომელიც ერის ერთ ყველაზე უფრო გონიერ ნაწილს შეადგენს, რადგან ახორციელებს სანუკვარ წონასწორობას ხელოსნის შრომასა და გონების საღ მუშაობას შორის.

მეორე ნაცნობობა უფრო ორიგინალური გახლდათ. იმ კაცს ურტელუ ერქვა და ფოსტალიონად მსახურობდა. ლამაზი ვაჟკაცი იყო, მაღალი, ცის-

ფერთვალება: მოკლე წვერი და ქერა უღვაშები ამშვენებდა; გულრა და მხიარული იერთ წაშში მოინადირებდა მნახველს. ერთ დღეს, როცა დაზღვეული წერილი მოიტანა, ოლივიეს ოთახში შემოვიდა. სანამ ოლივიე ხელს მოუწერდა, მთელი ბიბლიოთეკა გადაათვალიერა, ცხვირი დაასო ტომების სათაურებს:

— სულ კლასიკოსები გქონიათ... — ჩაილაპარაკა და დასძინა, — მე კი ბურგუნდიის ისტორიაზე ვაგროვებ წიგნებს.

ვარ ეშხიანი ბურგუნდიელი,  
ფოლადი მიეღერს ხმაში,  
წვერი მაშშვენებს, ძალოსანი ვარ,  
დავიარები დაშნით.—

მიუგო სიცილით ფოსტალიონმა. — მე ავალონის მხრიდანა ვარ. წინაპართა ქაღალდები მაქვს, 1200-იანი წლებით დათარიღებული...

ოლივიეს ცნობის წადილი აღეძრა და დაწვრილებით დაუწყო გამოკითხვა. ურტელუსაც მეტი რა უნდოდა. მართლაც ბურგუნდიის ერთ-ერთი უძველესი ოჯახიდან ყოფილიყო გამოსული. ერთ მის წინაპარს ფილიპ ავგუსტის<sup>1</sup> ჯვაროსნულ ლაშქრობაშიაც მიეღო მონაწილეობა. მეორე ამრი II-ის<sup>2</sup> დროს მკვდარა სახელმწიფო მდივნად. გვარის დაცემა XVII საუკუნიდან დაიწყო. რევოლუციის დროს გაპარტახებული და დაკნინებული ოჯახი ხალხის ქაობში ჩაძირულა. ახლა ისევ ამოტივტივდა ზევით ფოსტალიონ ურტელუს პატიოსანი შრომის, ფიზიკური და მორალური ძალისა და თავისი გვარისადმი უსახლგრო ერთგულების წყალობით. ყოველგვარ დროსტარებას იმ ისტორიული და საგვარტომო საბუთების შეგროვება ერჩია, მისიანებსა და მის შშობელ მხარეს რომ შეეხებოდა. უქმე დღეებში არჩევში მიდიოდა ძველი ქაღალდების გადმოსაწერად. როცა არ ესმოდა წაკითხულის შინაარსი, ერთ თავის კლიენტს — ქარტისტ<sup>3</sup> თუ სოაზონდამთავრებულ კაცს ეკითხებოდა. საუცხოო წარმომავლობა თავბრუს არ ახვევდა; სიცილით ჰყვებოდა, ერთხელაც არ დაიჩივლებდა ბედის უკულმართობაზე. ისეთი ლალი და მხიარული იყო, მის ნახვას არაფერი სჯობდა. მისი შემხედდებარე ოლივიეც ფიქრობდა, რასათა საიდუმლოებით მოცული ნაკადი, მთელი ძალით რომ ჩქეფდა ზაუკუნეთა მანძილზე, მთელი საუკუნეებით მიწის ქვეშ იკარგება, მერე ისევ ზედაპირზე ამოვა მას შემდეგ, რაც ამოკრებას მიწის წიაღიდან ახალ ძალებსო. ხალხი ესახებოდა უზარმაზარ წყალსატევად, სადაც იკარგებოდნენ მომავლის მდინარეები, რომლებიც მერე სახელს კი იცვლიან, მაგრამ თავად არ იცვლებიან.

<sup>1</sup> ფილიპ ავგუსტი — საფრანგეთის მეფე 1180 წლიდან 1223 წლამდე.

<sup>2</sup> ანრი მეორე — საფრანგეთის მეფე 1547 წლიდან 1559 წლამდე.

<sup>3</sup> ქარტისტებს ეძახდნენ იმ პირთ, ვისაც პარიზის საარქივო და საბიბლიოთეკო ინსტიტუტი ჰქონდათ დამთავრებული.

გერენიცა და ურტელუც ძალიან მოსწონდა ოლივიეს; მაგრამ ისინი მეგობრობას ვერ გაუწევდნენ; ცოტა რამ ჰქონდათ ერთმანეთისათვის სათქმელი. პატარა ემანუელს მეტ დროს ახმარდა; ბიჭი თითქმის ყოველ საღამოს მოდიოდა მასთან. იმ ჯაღოსნური საუბრის შემდეგ ბავშვი მთლად გამოიცივალა. ცოდნის წყურვილით ატანილი უჩვეულო სიხარბით დაეწაფა წიგნებს. თავს მანამ არ აიღებდა წიგნიდან, სანამ არ გამოთაყვანდებოდა. წინანდელზე ნაკლებ გონიერი კი ჩანდა: ლაპარაკსაც გადაეჩვია. ოლივიე ჰოსა და არას ძლიეს ამოგლეჯდა პირიდან; თუ რამეს ჰკითხავდა, ბრიყვულ პასუხს ლებულობდა. მასწავლებელი იმედს ჰკარგავდა; ცდილობდა ბიჭისათვის არაფერი 'ეგრძნობინებინა, მაგრამ ფიქრობდა, შეეცდი, ეს ბიჭი მთლად ტუტუციაო. იგი ვერ ამჩნევდა იმ უზარმაზარ მუშაობას, ამ ცხელებიან სულში რომ მიმდინარეობდა. ცუდი მასწავლებელი იყო; მინდორში ალაღბედზე საუცხოო მარცვლის პოვნა უფრო ემარჯვებოდა, ვიდრე მიწის გამარგვლა და კვლების გავლება. კრისტოფის სტუმრობა კიდევ უფრო ახდენდა საქმეს: ოლივიეს უჭირდა თავისი პატარა შეგირდის ჩვენება; რცხენოდა ემანუელის სიბრიყვისა, კრისტოფის წინაშე უფრო თვალში საცემი რომ ხდებოდა ხოლმე. ბიჭი იბღვირებოდა და ღუმდა. სძულდა კრისტოფი, რადგან ილივიეს უყვარდა იგი; ვერ აეტანა, რომ მისი მასწავლებლის გულში სხვასაც დაედო ბინა. არც კრისტოფსა და არც ოლივიეს წარმოდგენაც კი არ ჰქონდათ სიყვარულისა და ექვიანობის იმ ქარიშხალზე, ბავშვის გულში რომ ტრიალებდა. თუმცა კრისტოფს ასეთი რამ წინათ გამოვლილი ჰქონდა. მაგრამ თავს ველარ სცნობდა ამ არსებაში, სულ სხვა მასალისაგან რომ იყო შეთხზული. ამ სნებიანი შემკვიდრების ნაშიერში ყველაფერი — სიყვარულიცა და სიძულვილიც, ფარული ნიჭიც სხვაგვარ ხმას გამოსცემდა.

პირველი მაისი ახლოვდებოდა.

პარიზი შფოთავდა და გუგუნებდა. ამ გუგუნს შრომის ეროვნული კონფედერაციის მატამორები კიდევ უფრო აძლიერებდნენ. მათი გაზეთები ყველას ამცნობდნენ, გადამწყვეტი დღე დადგაო. იწვევდნენ სახალხო! მილიციას და თავზარდამცემ სიტყვას ისროდნენ, ბურჟუების ყველაზე უფრო მგრძნობიარე ადგილას — შიგ მუცელში რომ ადწევდა... *Feri ventrem!*<sup>1</sup> ბურჟუებს საყოველთაო გაფიცვით ემუქრებოდნენ. დამფრთხალი პარიზელები სოფლებში იხიზნებოდნენ, ან სარჩოს იმარაგებდნენ, თითქოსდა ალყისათვის ემზადებინო. კრისტოფი შეხვდა თავის მანქანაში მკდარ კანეს, ვეება ლორის ნაჭერი და ტომარა კარტოფილი რომ მიჰქონდა; თავის ჰკუაზე აღარ იყო საწყალი; უკვე აღარ იცოდა, რომელ პარტიას ეკუთვნოდა; ხან ძველი რესპუბლიკელი იყო, ხან — როიალისტი; ხან — რევოლუციონერი. ძალმომრეობას თაყვანსა სცემდა, თავგზააბნეული კომპასი იყო,

<sup>1</sup> ჰა ზეგ მუცელში (ლათ.).



რომლის ისარიც ჩრდილოეთიდან სამხრეთზე. სამხრეთიდან კვლავ ჩრდილოეთზე ხტებოდა. ხალხში კვლავ თავისი მეგობრების ბაქაობას უბამდა მხარს. მაგრამ in peit<sup>1</sup> პირველსავე მოსულ დიქტატორს მიემხრობოდა. თუკი ის წითლებს გარეკავდა.

კრისტოფი იცინოდა ამ საყოველთაო სიმხდალეზე. დარწმუნებული იყო, არაფერი მოხდებოდა. ოლივიე ნაკლებად გახლდათ დარწმუნებული. ბურჟუაზიული ოჯახისშვილობიდან კიდევ შერჩენოდა ის პატარა, მარადიული ცხრო, რევოლუციის მოგონება და მოლოდინი რომ იწვევს ბურჟუაზიაში.

— კარგი, თუ კაცი ხარ! — ეუბნებოდა კრისტოფი, — შეგიძლია მშვიდად იძინო. შენი რევოლუცია ხვალ არ მოხდება! თქვენ ყველას გეშინიათ მისი. დარტყმებისა გეშინიათ... ყველა შეუპყრია ამ შიშს: ბურჟუებიც, უბირი ხალხიც, მთელი ერიც, დასავლეთის ყველა ერებიც. სისხლი დაგვწრებთა და ვშიშობთ, არ დავთხოთ ოგი. უკვე ორმოცი წელია, რაც სიტყვებით მთავრდება ყველაფერი. დახე ერთი თქვენს დიად საქმეს! საქმარისად იყვირეთ: „სიკვდილი... სისხლი... ხოცვა-ჟლეტაო!“<sup>2</sup> ოი, გასკონიის კადეტებო!<sup>3</sup> რამდენი ნერწყვი და მელანია! რამდენი ცვარი სისხლი?!

— ნუ მიენდობი, — არწმუნებდა ოლივიე, — სისხლის ეგ შიში საიდუმლო ინსტინქტი და, პირველსავე დაღვრილ სისხლზე ნადირი გააფთრდება; ცივილიზებული სილაბი მოსძვრება, გამოაჩენს ვეება, უშველებელ ხახას და ღმერთმა იცი, ვინ მოახერხებს მაშინ მისთვის პირის აკერას! ომის წინ ყველა ყოყმანობს; მაგრამ ომი თუ ატყდა, სასტიკი იქნება...

კრისტოფი მხრებს იჩიხდა და ამბობდა, ტყუილად როდია, რომ დღეს დღეს გმირად გაუხდიათ ენაწყლიანი სირანო და მკეეხარა ყვინჩილა — შანტეკლერიო<sup>3</sup>. გმირები, რომლებიც ტყუილად მოჰკეეხნო.

ოლივიე თავს აქნევდა. მან იცოდა, რომ საფრანგეთში ლაქლაქი მოქმედების დასაწყისია. მაგრამ სიმათლეთ თუ გნებავთ, კრისტოფზე მეტად არც მას სჯეროდა საპირველმაისოდ რევოლუციის დაწყებისა; რევოლუცია ბევრჯერ გამოაცხადეს და მთავრობას თადარიგი ჰქონდა დაჭერილი. საფოქრებელი იყო, რომ აჯანყების მოთავენი ბრძოლას უფრო მარჯვე დროისათვის გადასდებნენ.

აპრილის მეორე ნახევარში ოლივიეს გრიბი შეხვდა: გრიბი ყოველ ზამთარს ემართებოდა თითქმის ერთსა და იმავე დროს და ძველ ბრონქიტს უღიზიანებდა. კრისტოფი ორი თუ სამი დღით მასთან გადავიდა. სენი მძიმე არ ყოფილა და სწრაფად ჩაიარა. მაგრამ, როგორც ყოველთვის, ოლივიეს გაუცხოველა

<sup>1</sup> გულში (იტალ.).

<sup>2</sup> იმ გვარდიის ჯარისკაცები, რომელშიაც სირანო დე ბერვერაკი მსახურობდა — როსტანის ამავე სახელწოდების პიესის გმირი, დუელიანტები და მკეეხარა ხალხი.

<sup>3</sup> როსტანის ამავე სახელწოდების ალეგორიული პიესის გმირი მამალი (1910).

მორალური და ფიზიკური დაღლილობა, რომელიც მას შემდეგაც გაჰყვა, რაც სიტყვებმა დაუწია. ლოგინში იწვა გულაღმა, საათობით გაშოტილი და განძრვის სურვილი არ ჰქონდა; ხედავდა კრისტოფს, ზურგი რომ შეექცია მისთვის და თავის მაგიდაზე დაყრდნობილი მუშაობდა.

იგი მთლად გაეტაცა სამუშაოს. როცა წერით დაიღლებოდა, წამოხტებოდა და მივარდებოდა პიანინოს; უკრავდა იმას კი არა, რაც დაწერა, რაც თითებზე მოადგებოდა. მაშინ უცნაური რამ ხდებოდა. რასაც წერდა, მის ძველ ნაწარმოებებს მოავიწყებდა კაცს, რასაც უკრავდა, სულ სხვის დაწერილს ჰგავდა. ეს გახლდათ ხმამყივანი, სუნთქვაწყვეტილი სამყარო. შიგ შეუსაბამობაც ბევრი იყო, მძლავრი და დამსხვრეული არათანამიმედებობაც და არაფრით გვაგონებდა ლოგიკურ სიძლიერეს, მთელ მის ადრინდელ მუსიკაში რომ სუფევდა. რტყოდით, ეს დაუფიქრებელი იმპროვიზაციები, ცნობიერების თვალს რომ ეპარება და ნადირის ყვირილისა არ იყოს, ხორციდან უფრო წარმოსდინდება, ვინემ აზრიდან, ფარდას ხდის სულის წრტიალს, ქარიშხალს, მომავლის წიაღში რომ უნდა დაიდოსო ბინა. კრისტოფი ამას ვერ ამჩნევდა; მაგრამ ოლივიე უსმენდა, უტყერდა მეგობარს და იღუმალი ნალველი იპყრობდა. სუსტსა და უღონოს უცნაური მიხვედრის უნარი გააჩნდა; შორს გამჟვრეტი. ისეთ რასმე ხედავდა, რასაც ვერავინ ამჩნევდა.

კრისტოფი უკანასკნელ აკორდს მოსწყდა, გაოფლიანებული, გახელებული. შედგა, ირგვლივ მოავლო ჯერ კიდევ ამღვრეული მზერა, ოლივიეს თვალებს შეეფეთა, გაიცინა და თავის მაგიდას მიუბრუნდა. ოლივიემ ჰკითხა:

— რასა წერ, კრისტოფ?

— არაფერს, — მიუგო კრისტოფმა, — წყალს ვამღვრე, თევზი რომ მოვიზიდო.

— ამეებს დაწერ?

— ამას? რას ამას?

— რასაც წედან უკრავდი.

— რას ვუკრავდი? მე აღარც კი მახსოვს.

— მაშ, რაზე ფიქრობდი?

— არ ვიცი, — მიუგო კრისტოფმა და შუბლზე გადაისევა ხელი.

მერე კვლავ წერას შეუდგა. ისევ სიჩუმე ჩამოყარდა ოთახში. ოლივიე კრისტოფს შესტყეროდა. კრისტოფი გრძნობდა ამ მზერას; შემობრუნდა. ოლივიეს თვალები ისეთი ცნობისმოყვარეობით შემოპყურებდნენ!

— ზარმაცო! — უთხრა ხუმრობით.

ოლივიემ ამოიხზრა.

— რა მოგივიდა? — ჰკითხა კრისტოფმა.

— ო, კრისტოფ! ვფიქრობ იმაზე, თუ რამდენი რამაა შენში, აქ, ჩემს გვერდით; აურაცხელი განძი გაგაჩნია, რომელთაც სხვას დაურიგებ, მე კი წილი არ შემხვდება!..

— რა ეშმაკი შეგიჩნდა, გაგიედი?!

— როგორი იქნება შენი ცხოვრება? კიდევ რა ხიფათებს, რა განსაცდელს გაივლი?.. მეც შენთან ყოფნა მეწადა... მაგრამ ველარაფერს ვნახავ. მე სულელურად გავრჩები გზაზე.

— მართლაც სულელი ხარ. ხომ არა გგონია, შემთხვევით, კიდევაც რომ ინდომო, გზაში მიგატოვებ?

— შენ დამივიწყებ, — უთხრა ოლივიემ.

კრისტოფი ადგა, მივიდა ოლივიეს საწოლთან, ზედ ჩამოჯდა; მაჯები დაუჭირა, სისუსტის თვლით დაცვარული მაჯები. საკინძე ჩახსნოდა ავადმყოფს, მოუჩანდა გამხდარი მკერდი, როგორც იალქანი, ქარი რომ შემოუბერავს და საცაა, გაიხვევა. კრისტოფის ღონიერმა თითებმა შეუკრა საკინძე. ოლივიე უსიტყვოდ მინებდა.

— ძვირფასო კრისტოფ, — უთხრა სიყვარულით, — მე დიდი ბედნიერება მაინც განვიცადე ამ წუთისოფელში!

— ეს რა აზრები მოგდის? — შეუწყრა კრისტოფი, — შენ ჩემსავით განმრთელი ხარ.

— ჰო, — ჩაიდულუნა ოლივიემ.

— მაშ, სისულელეებს რაღად ამბობ?

— მომიტყევე, — მიუგო ღიმილით დარცხვენილმა ოლივიემ, — გრიპმა დამიგლო.

— თავს უნდა შოერიო; აბა, ადექი!

— ჯერ არა. ცოტა ხნის მერე.

იწვა და ოცნებობდა. მეორე დღეს ადგა, მაგრამ ცეცხლაპირას მიჯდა და კვლავ ოცნებას მისცა თავი: აპრილი წყნარი და ნისლიანი დაიჭირა. ნისლის ვერცხლისფერ და თბილ ფარდის უკან პაწია მწვანე კვირტები სკდებოდნენ; უხილავი ჩიტები დამალულ მზეს უგალობდნენ. ოლივიე აპირქვევებდა თავის მოგონებათა სკივრს. ხედავდა თავს პატარაობისას მატარებელში, რომელსაც პატარა, მშობლიური ქალაქიდან ნისლში მიჰყავდა იგი ატარებულ დედასთან ერთად. ანტუანეტა მარტო მიყუყულოყო ვაგონის მეორე კუთხეში... ნატიფი პროფილები, ამო სანახები ეხატებოდა გონების თვალწინ. ლამაზი ლექსები თავისით ეწყობოდნენ მარცვალ-მარცვალ, სასიმღერო რიტმებად. მაგიდას მისჯდომოდა, მხოლოდ ხელი უნდა გაეწვდინა და კალამს მისწვდებოდა პოეტური ფიქრების ჩასაწერად. მაგრამ ნებისყოფა არ მოსდევდა; დაღლილი იყო; იცოდა, რომ მისი ნაოცნებარის სურნელი მაშინვე განქარდებოდა, როგორც კი ჩაწერას დააპირებდა. მუდამ ასე იყო: საუკეთესო რაც ჰქონდა, ენით არ ითქმოდა; მისი გონება ყვავილებით მოქარგული ხევი იყო, მაგრამ იქამდე ვერაფერ აღწევდა. მოკრეფდნენ ყვავილებს და ისინიც მაშინვე ჭკნებოდნენ. მხოლოდ რამდენიმე სუსტი და მიზნედილი ნოველა გადაურჩა, რამდენიმე ლექსი, სასიამოვნო, ნაზი და მომაკვდავი სუნი რომ სდიოდა. ეს ხელოვნებისეული უძლეობა დიდხანს ყველაზე უფრო სამძიმო დარდად უჩნდა ოლივიეს. ამდენ

სიცოცხლეს გრძობდნენ შენს გულში და არ კი შეგეძლოს მათი გადარჩენა!.. ახლა შეურიგდა ბედს. ყვავილებმა რომ იყვავილონ, მეთვალყურე არა სჭირიათ. კიდევ უფრო წარმტაცნი არიან ველზე. სადაც არა კაცის ხელი არ ეტანებათ მოსაწყვეტად. ბედნიერი არიან აყვავილებული ველ-მინდვრები, მზეზე რომ ოცნებობენ! მზე აღარ ჩანდა, მაგრამ ოლივიეს ოცნებანი კიდევ უფრო ყვავილობდნენ. რამდენი ნაღვლიანი, მოსიყვარულე, სასწაულებრივი ამბავი უამბო თავის თავს იმ დღეებში!... კაცმა არ იცის, საიდან მოდიოდნენ ეს ამბები, როგორც თეთრი ღრუბლები ზაფხულის ცაზე; ჰაერში იბნეოდნენ, განიმქროდნენ მზის სხივებით ნაბანნი; მათ ადგილას კი სხვები ჩნდებოდნენ. ოლივიე პირთამდე სავსე იყო ამ ამბებზე. ხანდახან ცა ცარიელდებოდა და ოლივიეც ინტემბოდა მის სილურჯეში, სანამ ამ სიჩუმეში ოცნების იალქნები ფარფატი იხევდნენ არ გამოჩნდებოდნენ.

სალამოს პატარა კუზიანი მოვიდა. ოლივიე ისე სავსე იყო თავისი ამბებით, რომ ფიქრით გატაცებულმა და 'შომლიმარმა ერთი მათგანი კიდევაც უამბო. რამდენჯერ ულაპარაკია ასე, როცა ბავშვი სიტყვას არ ძრავდა! ბოლოს ავიწყდებოდა კიდევ ემანუელის იქ ყოფნა. კრისტოფი მოთხრობის შუაში შემოესწროთ და გააკვირვა მისმა სილამაზემ. ოლივიეს სთხოვა, თავიდან მიაშველ. ოლივიემ უარი უთხრა.

— მეც შენსავით ვარ; აღარ მახსოვს.

— სტყუი, — უთხრა კრისტოფმა, — შენ ეშმაკი ფრანგი ხარ, რომელმაც მუდამ იცის, რასაც ამბობს და აკეთებს; შენ თავის დღეში არაფერი გავიწყდება.

— ვაი, რომ ეგრეა! — ამოიხრა ოლივიემ.

— მაშ, გაიმეორე.

— დამლის: ან კი რა საჭიროა?

კრისტოფი გაწყრა.

— ეგრე არ იქნება, — უთხრა მეგობარს, — მაშ, რაში გარგია ეგ შენი ფიქრი? რაცა გაქვს, ყრი და სამუდამოდ კარგავ.

— არაფერი არ იკარგება, — შიუგო ოლივიემ.

პატარა კუზიანი გამოერკვა გარინდებიდან, ოლივიეს ნაამბობმა თავს რომ მოახვია. ფანჯრისთვის მიეპყრო მონისლული მზერა, სახე შეჭმუხვნოდა, მტრულად იცქირებოდა ისე, რომ ვერ გამოიცინობდით, გულში რა ედო, რას ფიქრობდა. მერე ადგა და თქვა:

— ხვალ კარგი დარი იქნება.

— სანამდღოს ვდებ, — უთხრა კრისტოფმა ოლივიეს, — ყურსაც არ გიგდებდა.

— ხვალ პირველი მაისია, — განაგრძო ემანუელმა და მოქუფრული სახე გაუცისკროვნდა.

— ეგ უკვე მისი ზღაპარი გახლავთ, — თქვა ოლივიემ და — ხვალ მიამბობო, ბიჭს უთხრა.

— სისულელეა! — ჩაილაპარაკა კრისტოფმა.

მეორე დღეს კრისტოფმა გამოუარა ოლივიეს, პარიზში რომ გაცეცირნათ. ოლივიე მორჩა, მაგრამ ისევ უცნაურ დაღლილობას უჩიოდა; კარში გასვლა არ უნდოდა, ბუნდოვან შიშს გრძნობდა, არ სურდა ბრბოში გარეუღიყო. გული და გონება მამაცი ჰქონდა, მაგრამ ხორციით იყო სუსტი. ეშინოდა ზედახოცვის, მუშტიკრივის, ძალმომრეობის: ძალზე კარგად უწყოდა, რომ მსხვერპლად იყო დაბადებული, მაგრამ არც შეეძლო და არც სურდა თავი დაეცვა, რადგან აძრწუნებდა ფიქრი იმისა, ვაითუ ტანჯვა მიეაყენო ვინმესო. ავადმყოფურ არსებებს სხვაზე მეტად სძრავთ ფიზიკური ტანჯვა, იმიტომ რომ უკეთ იცნობენ მას: წარმოსახვა უხატავთ ამ ტანჯვას უფრო ხელშესახებად და სისხლმდინარედ. ოლივიეს აწითლებდა საკუთარი სხეულის სიძაბუნე, მისი ნებისყოფის სტოიციზმს რომ არ ეთანხმებოდა და ცდილობდა ჩაეხშო შიში. მაგრამ ამ დილით ძე ხორციელის ნახვა არ სურდა; უნდოდა შინ დარჩენილიყო, მთელი დღით ჩაკეტილიყო თავის ფიქრებთან ერთად. კრისტოფმა დატუქსა, დასცინა, კარში გაყვანა მოუნდომა, რომ გარინდებიდან როგორმე დაეღწევინებინა თავი: ათი დღე იყო, რაც ოლივიეს ჰაერი არ ჩაეყლაპა. ოლივიე ყურს არ იბერტყავდა. კრისტოფმა უთხრა:

— კარგი, უშენოდ წავალ. მათ პირველ მაისსაც ვნახავ. ამ საღამოს თუ არ დავბრუნდი, იცოდე, რომ საპრობილეში მიკრეს თავი.

და წავიდა. კიბეზე ოლივიეც დაეწია. არ უნდოდა მარტო გაეშვა მეგობარი.

ქუჩაში ცოტა ხალხი იყო. რამდენიმე ახალგაზრდა მუშა ქალიც შემოხვდათ, კაბაზე შრომანის ყვავილი რომ დაემაგრებინათ. საუქმოდ გამოწყობილი მუშები უსაქმურად დაეხეტებოდნენ. ქუჩების კუთხეებში, მეტროს სადგურებთან, ჯგუფ-ჯგუფად, მალულად ტრიალებდნენ აგენტები. ლუქსემბურგის ბალი დაკეტილი იყო. დარი ისევ, ნისლიანი და თბილი იდგა. უკვე იმდენი ხანი იყო, რაც მზე არ ენახათ!.. ორი მეგობარი ხელიხელგაყრილი მიდიოდა. ცოტას ლაპარაკობდნენ: ძლიერ უყვარდათ ერთმანეთი... რამდენიმე სიტყვით აცოცხლებდნენ ინტიმურ, გარდასულ ამბებს. მერიის წინ შედგნენ და ბარომეტრს შეხედეს, აწევას რომ აპირებდა.

— ხვალ მზეს ვნახავ, — თქვა ოლივიემ.

სულ ახლოს იყვნენ სესილის სახლიდან. იფიქრეს, შეეალთ, ბავშვს ვაკოცებთო.

— არა; რომ დავბრუნდებით, მერე.

წყალს გაღმა უკვე შეტ ხალხს ხედებოდნენ. მშვიდობიანი მოსიერნეები იყვნენ, საუქმო ტანსაცმელში გამოწყობილები, მხიარულნი და ხალისიანი: უსაქმურები თავიანთი ბავშვებით, მოხეტიალე მუშები. ორსა თუ სამს სალილეში წითელი ასკილი გაერჭო. მშვიდობიანი იერი ჰქონდათ მათაც. ესენი რევოლუციონერები იყვნენ, უკეთ, ისინი, რევოლუციონერობას რომ ჩემუ-

ლობდნენ; იგრძნობოდა მათი ოპტიმისტური გული, მცირეოდენი ბედნიერებითაც ზომ კმაყოფილდება: კარგი დარი იქნებოდა თუ ასატანი, ამ გამოსაშვები დღის მაინც მადლიერები იყვნენ... არც კი იცოდნენ ვისი... ყველაფრისა, რაც გარს ერტყათ. ტატიო მიმოდრიდნენ გალაღებულნი; ტკბებოდნენ ხეთა კვირტების მზერით, გოგონათა კაბებით და ამაყად ამბობდნენ: .

— მხოლოდ პარიზში ნახავთ ასე გამოწყობილ ბავშვებს...

კრისტოფი იცინოდა, აკი სადღეისოდ ამბოხს გვპირდებოდნენ პარიზელებიო. კეთილყო ხალხო! მას უყვარდა ისინი, ოღონდ ცოტა ზიზღიც ერია ამ სიყვარულში.

რაც უფრო მიიწევდნენ წინ, ბრბოც მატულობდა. მიწისფერი, საეპკო სახეები, ბილწი სიფათები ჩნდებოდნენ ნაკადში. გადაარაჯებულნი ელოდნენ მარჯვე წუთსა და მსხვერპლს, რომ ხელი ეტაცათ მისთვის. შლაში აირია. ყოველ ნაბიჯზე მდინარე სულ უფრო მღვრიე ხდებოდა. ახლა მიედინებოდა ქუქყიანი და გაუმჟვირი. მდინარის გაზინთულ ზედაპირზე სიღრმიდან ამოსროლილი ბუშტულების მსგავსად გადაძახილ-გადმოძახილი, სტვენა, მეწვრილმანეთა ყვირილი აპობდა ნაკადის ყრუ გუგუნს და საცნაურს ხდიდა მის მრავალშრიანობას. ქუჩის ბოლოს, ორელის ღუქანთან, რაბების ხმაური იდგა. ბრბოს ტალღა იმსხვრეოდა პოლიციელთა და ჯარის ნაწილების ჯებირზე. დაბრკოლების წინ ბრბო ტორტმანობდა განქარებულნი. ისმოდა სტვენა, არეული სიმღერა, სიცილი. ხალხის სიცილი ერთადერთი საშუალებაა ათასობით ბნელი გრძნობის გამოსახატავად, რომელთაც ვერ უპოვიათ, ვერ გაურღვევიათ სიტყვის ჯებირი!..

ბრბო როდი იყო მტრულად განწყობილი. მან თავადაც არ უწყოდა, რა სურდა. სანამ გაიგებდა, თავს იქცევა თავისებურად აღგზნებული, უხეში, მაგრამ ჯერაც უბოროტო. აწვებოდა და მასაც აწვებოდნენ, ლანძღავდა პოლიციელებს ან თავისიანებს ეხმიანებოდა. მაგრამ თანდათან გაეხარდა. უკან დარჩენილებს მოუსვენრობა დაეტყობ, რაკი ვერაფერს ხედავდნენ: და მით უფრო გამომწვევად ეპირათ თავი, რაც უფრო ნაკლები ჰქონდათ საშიშარი ხალხის ჯავშანს ამოფარებულთ. წინ წასულები იჭყლიტებოდნენ მათ შორის, ვინც აქედან აწვებოდა და ვინც იგვრიებდა; მოთმინებიდან გამოდიოდნენ მით უფრო, რომ მათი მდგომარეობა აუტანელი შექმნილიყო: ნაკადი, უკნიდან რომ აწვებოდათ, ძალას უასკეცებდათ და რაც უფრო მისრესილები იყვნენ ერთიმეორეს პირუტყვებივით, მით უფრო გრძნობდნენ ფარის სითბოს, მკერდსა და ფილტვებში რომ უვლიდათ; ეჩვენებოდათ, ერთხორც ვიქეციოთ; თითოეული ყველა იყო და სუყველა გოლიათ ბრიარევისად<sup>1</sup> ქცეულიყო; დროდადრო სისხლის ტალღა აწვებოდა ათასთავიანი ბრბოს გულს; მზერაში სიძულვილი გამოკრთოდა. ჰაერს

<sup>1</sup> ბერძნულ მითოლოგიაში ასხელიანი გოლიათი, ერთი იმათგანი, ვინც ტიტანებთან ბრძოლაში მხარს უმაგრებდა ზევსს.

მკვლელთა ყვირილი ფლეთდა. ზოგზოგებმა, მესამე თუ მეოთხე რიგში რომ იმალებოდნენ, ქეების სროლა იწყეს. სახლების ფანჯრებიდან ოჯახები დედაწულიანად იმზირებოდნენ; თავი წარმოდგენაზე თუ ეგონათ, აქეზებდნენ ბრბოს და იღუმალი კანკალით მოუთმენლად ელოდნენ ჯარის იერიშზე გადმოსვლას.

ხალხის კედელში კრისტოფი იდაყვებითა და მუხლებით მიიკვლევდა გზას. ოლივიე უკან მისდევდა. ცოცხალი კედელი წამით იპობოდა, ისინი რომ გაეტარებინა და მაშინვე პირს კრავდა. კრისტოფი ცას ეწეოდა სიხარულით. დავიწყებოდა, რომ სულ ხუთი წუთის წინ გაიძახოდა, ხალხი გამოსვლას ვერ გაბედავსო. ფეხი შედგა თუ არა ნაკადში, მაშინვე ჩაითრიეს. თუმც უცხო იყო ამ ფრანგულ ბრბოში და მისი გულისთქმის უცოდინარი, მაშინვე გაითქვიფა; აღარ დაგიდევდათ, რა სურდა ამ ბრბოს: მას თავად სურდა! აღარ დაეძებდა, სად მიდიოდა; მიიწევდა წინ და ამ სიშლეგის ჰაერს ყლაპავდა...

ოლივიე უკან მისდევდა ნებაუნებლიედ, მაგრამ უსიხარულოდ — ყველაფრის ნათლად მხედი. თავი წამითაც არ დაუკარგავს, კრისტოფზე ათასჯერ უცხოდ გრძნობდა თავს ამ თავისი მშობელი ხალხისაგან, ვნებასაყოლილი ნაფოტით რომ მიაქროლებდა. სენმა დააძაბუნა და ცხოვრებასთან კავშირი შეუსუსტა. არა, არაფერი ჰქონდა საერთო ამ ხალხთან. აღბორებულნი არ ეთქმოდა. რა თავისუფალი იყო მისი გონება, საგანთა თვით უმციარესი დეტალებიც კი ცხადლივ აღიბეჭდებოდა მასში. ალტაცებით შესცქეროდა მის წინ მღვარი ქალიშვილის ოქროსფერ თმას, მის ფერმკრთალსა და ნატიფ კისერს. თან მკახე სუნი, ამ შეკრულ სხეულებს, რომ ასდიოდა, გულს ურევდა.

— კრისტოფ!.. — შეევედრა მეგობარს.

კრისტოფი არ უსმენდა.

— კრისტოფ!

— რა იყო?

— დავბრუნდეთ.

— გეშინია? — ჰკითხა კრისტოფმა.

და გზა განაგრძო. ოლივიე ნალვლიანი ღიმილით მიჰყვა.

რამდენიმე რიგით წინ, სახიფათო ზონაში, სადაც გახელებულ ხალხს თითქოს ჯებირი აღემართა, საგაზეთო ჯიხურის თავზე შესკუბული თავისი პატარა კუზიანი მეგობარი შენიშნა. ორთავ ხელით ჩაბლაუჭებოდა რაღაცას და უხერხულად ჩაცუცქული, სიცილით გადმოჰყურებდა ხალხის კედელს; ბრბოს უმზერდა გამარჯვებული სახით. უცებ შენიშნა ოლივიე და თვალები გაუბრწყინდა. მერე ისევ თვალთვალი დაუწყო, რა ხდებოდა ძირს, მოედნის მხარეს. იცქირებოდა იმედით გაფართოებული, მომლოდინე თვალებით... რას ელოდა? რაც უნდა მომხდარიყო... მარტო როდი გახლდათ გადაარაჯებული, ბევრი სხვაც მის გარშემო სასწაულს ელოდა! ოლივიემ შეხედა კრისტოფს და დიანახა, რომ ისიც მოლოდინში იყო.

ბავშვს შეეხმინა, დაუძახა, ჩამოდიო. ემანუელმა ანიშნა, არ მესმისო და

აქეთ აღარც გამოუხვდავს. ოლივიეს გვერდით კრისტოფს მოჰკრა თვალი. სურდა შეტაკებაში ჩაბმულიყო, ძალად ჩაეგდო თავი საფრთხეში, ნაწილობრივ იმიტომ, რომ თავის სიმაძაყე ეჩვენებინა ოლივიესათვის, ნაწილობრივ იმიტომ, რომ დაესაჯა, კრისტოფთან რაღა ხარო.

ცოტაც და ბრბოში რამდენიმე მეგობარიც შემოხვდათ: ოქროსფერწყურებიანი კოკარი, მარტო პატარა შეხლა-შემოხლას. რომ ელოდა და გამოცდილი თვალით უცდიდა მომენტს, შლაში როდის წალეკავდა ნაპირებს. უფრო მოშორებით ლამაზი ბერტაც იდგა, გაცხარებით ედავებოდა თავის მეზობლებს და აინუნშიც არ ადებდა, ხელებს რომ უფათურებდნენ. პირველ რიგში გაძრომა მოეხერხებინა და ხმის ჩახლეჩამდე ავინებდა აგენტებს. კოკარი მიუახლოვდა კრისტოფს. კრისტოფმა დაინახა თუ არა, კვლავ წაიქილია:

— აკი ვამბობდი, არაფერიც არ მოხდება-მეთქი.

— ვინ იცის! — მიუგო კოკარმა, — დიდხანს ნუ დარჩებით აქ. სულ მალე წახდება საქმე.

— ხუმრობთ! — უთხრა კრისტოფმა.

ამასობაში კირასირებს მოსწყინდათ, ქვევს რომ უშენდნენ და მოედნის მისადგომების გასათავისუფლებლად წამოიწიეს; წინ ცენტრალური რაზმები მოდიოდნენ სირბილით. ხალხი წამსვე უკუიქცა და სახარების სიტყვებით რომ ვთქვათ, „წინანი უკანანი შეიქნენ“. მაგრამ რაც ძალი და ღონე ჰქონდათ კი ცდილობდნენ სხვების გადასწრებას. ჯავრი რომ ეყარათ, გაქცეულები გაავევებით უსტვენდნენ მღევართ და „მკვლელებო“, დასძახოდნენ ჯერ-კიდევ მანამ, სანამ თოფი დაიქექებდა. ბერტა უკანა რიგებში გაძვრა გველთევეზასავით და გამყინავი ხმით გაჰკიოდა. ისევ თავის მეგობრებს მიეჭრა; კოკარის ფართე ზურგს უკან მოითქვა სული, კრისტოფს მიეკრა, მკლავზე უჩქმიტა — შიშით თუ სხვა რამ მოსაზრებით, ოლივიეს თვალი ჩაუკრა და მტერს ქვეირილით მუშტი უჩვენა. კოკარმა მკლავში ჩაავლო ხელი კრისტოფს და უთხრა:

— შევიდეთ ორელისთან.

მხოლოდ რამდენიმე ნაბიჯი ჰქონდათ გადასადგმელი. გრაიომა და ბერტამ წინ უსწრით. კრისტოფიც შესვლას აპირებდა ოლივიეს თანხლებით. ქუჩა შეღმართზე იყო. დუქანში რომ შესულიყვნენ, ხუთი თუ ექვსი საფეხური ჰქონდათ ასავლელი. ოლივიე სულს ძლევს ითქვამდა ხალხის ტალღიდან თავდაღწეული. გული ვერეოდა იმის გაფიქრებაზე, რომ კაბარეს მოწამლულ ჰაერში მოუხდებოდა ჯდომა და დამრბევი რაზმის ღრიალი უნდა ესმინა.

— მე შინ მივდივარ, — უთხრა კრისტოფს.

— წადი, გენაცვალე, — მიუგო კრისტოფმა, — ერთ საათში მეც შენთან ვაგჩნდები.

— თავს ხიფათში ნუ ჩაიდებ, კრისტოფ!

— ლაჩარო! — გაეცინა კრისტოფს და სასაუზმეში შევიდა.

ოლივიემ ჯიხურს შემოუარა. კიდევ რამდენიმე ნაბიჯი და გადამკვეთ ქუ-



ჩაზე გავიდოდა, განერიდებოდა შეხლა-შემოხლას. უეცრად თავისი პატარა მეგობარი მოაგონდა. შემობრუნდა და თვალებით დაუწყო ძებნა. მაშინლა შენიშნა, როცა თავის სათვალთვალ პოსტიდან ჩამოგდებული ემანუელი მიწაზე გორავდა და ბრბო ფეხით ქელავდა; გაქცეულები ზედ გადადიოდნენ; პოლიციელები საცაა, თავს წამოადგებოდნენ. ოლივიეს ბევრი აღარ უფიქრია, კიბეებიდან ისკუბა და მისაშველებლად გაიქცა. ერთმა მიწის მთხრელმა იგრძნო საფრთხე, დაინახა ამოწვდილი ხმლები, ოლივიე, ბავშვისაყენ რომ გაეწვდინა ხელი წამოსაყენებლად, პოლიციელთა სასტიკი ტალდა, ორთავეს გადაქელვას რომ უქალდა. ერთი შეპყვირა და თვითონაც მიეჭრა. ამხანაგებიც სირბილით მიპყვენენ. კაბარეს ზღურბლზე მდგომნიც წამოეშველნენ. მათ ძახილზე წასულელებიც უკან მობრუნდნენ. ორი რაზმი ძაღლებივით ყელში სწვდა ერთმანეთს. კიბის თავზე დარჩენილი ქალები სტვენით უქსევდნენ მოჩხუბართ. ამრიგად პატარა არისტოკრატი ბურჟუა შეიქნა საბაბი ბრძოლისა, რომლის ატეხვაც მასზე ნაკლებ არავის სურდა.

კრისტოფი გაიტაცა მუშათა ტალღამ და ისე გადაეშვა ჩხუბში, რომ არც კი იცოდა, ვინ გამოიწვია იგი. წამითაც არ გაუვლია გულში, რომ ამ საქმეში ოლივიე იქნებოდა გარეული. ეგონა, უკვე შორსაა აქედან, სამშვიდობოსაა გასული. ბრძოლისას ვერაფერს დაინახავდა. თითოეული მარტო იმას თუ ხედავდა, ვინ უტევდა. ოლივიე გაუჩინარდა ამ ორომტრიალში ნავივით, ფსკერისაყენ რომ იძირება... მუშტი, მისთვის რომ არ იყო გამიზნული, მარცხენა საფეთქელში მოხვდა; დაეცა; ბრბო ფეხით თელავდა. კრისტოფი მოჩხუბართა ტალღამ ბრძოლის ველის მეორე კიდისაკენ მიაგდო. გულში მტრობა არ ელო; აწვებოდნენ და ისიც ხალისით აწვებოდა ისე, როგორც სოფლის ბაზრობაზე: აქ დატრიალებული ამბები სერიოზულად არ ეჩვენებოდა და მასხრობის გუნებაზე დამდგარს აზრად მოუვიდა მხარბეჭიანი ჟანდარმისათვის, ხელჩართული ბრძოლა რომ გაუმართა, წელზე მოეხვია ხელი და ეკითხა:

— ვალსის საცეკვაოდ ხომ არ გამომყვებით, ქალიშვილო?

მაგრამ მეორე ჟანდარმი ზურგზე მოახტა; კრისტოფი ველური ტახივით შეიბერტყა და ორთავეს რაც ძალი და ღონე ჰქონდა, მუშტები დააყარა; ამით როგორ უნდა დამიჭირონო. ერთმა მომხდურთაგანმა, იმან, რომელიც უკნიდან ეკვთა, ქვაფენილზე მოიღო ზღართან. მეორემ, გამძვინვარებულმა, ხმალი იშიშვლა. კრისტოფმა დაინახა ხმლის წვერი, მისი მკერდიდან ორი გოჭის დაცილებაზე რომ იყო. დარტყმა აიციდინა და ჟანდარმს მაჯა გადაუგრიხა, შეეცადა იარაღი გაეგდებინებინა ხელიდან. აღარაფერი ესმოდა; ამ წუთამდე თამაშობა ეგონა ყოველი... მაგრამ ახლა პირისპირ იდგა მტერთან, სახეში აორთქლებდნენ ერთმანეთს. მოფიქრების დრო აღარ ჰქონდა. სისხლის წყურვილი შენიშნა მომხდურის თვალეში და თავდაც სისხლი მოსწყურდა. მიხვდა, რომ ბატკანივით გამოლაღრავდნენ ყელს. ელვისებური სისწრაფით შეაბრუნა მაჯა და ხმალი იმ კაცის მკერდისაკენ... ჩაასო და იგრძნო, რომ კლავდა, რომ მოკლა... და უეც-

რად ყველაფერი შეიცვალა მის თვალში. მთვრალი იყო, ნადირივით შებღვალა.

მისმა ყვირილმა წარმოუდგენელი შთაბეჭდილება მოახდინა. ბრბომ სისხლის სუნნი იკრა და წამში მძვინვარე ზროვად იქცა. ყოველი მხრიდან ისროდნენ. ფანჯრებში წითელი ღრწები აფრიალდა და პარიზული რევოლუციების ძველმა ატავიზმმა ხალხს ბარიკადა აღამართინა. ქვაფენილი აყარეს, გაზის ნათურათა ბოძები გადმოაწვინეს, ხეები აკაფეს, ომნიბუსი გადააყირავეს. სანგრად თვეების უკან მეტროპოლიტენისათვის გაჭრილი თხრილი იხმარეს. ხეებს ირგვლივ რომ თუჯის ცხაურები იყო, დაღეწეს და ნამსხვრევები სატყორცნად გამოიყენეს. ჭიბე-უბეებიდან იარაღს აძვრენდნენ, სახლებიდანაც გამოჰქონდათ. ერთი საათიც არ გასულა და აჯანყებამ ზენიტს მიაღწია: მთელი უბანი ალყაში იყო მოქცეული. ბარიკაღზე კი კრისტოფი, რომლის ცნობაც კაცს<sup>1</sup> გაუჭირდებოდა, თავის რევოლუციურ სიმღერას გაჰკიოდა. ოცამდე ხმა ბანს აძლევდა.

ოლივიე ორელისთან მიახვეწეს. გრძობაზე აღარ იყო. უკანა ბნელ ოთახში დააწვინეს, საწოლზე... ფერხთით პატარა კუზიანი ედგა სახეგამტანარებული. ბერტას ჭერ დიდი ზაფრა მოუვიდა, შორიდან ეგონა, რომ კრიაო იყო დაჭრილი და ოლივიე რომ იცნო, აღმოხდა:

— მადლობა ღმერთს! მე მეგონა, ლეოპოლდინა-მეთქი.

ახლა სიბრალულით კოცნიდა და ეხეოდა ოლივიეს. თან თავს უსწორებდა სასთუმალზე. ორელმ მისთვის ჩვეული სიმშვიდით გაუხსნა საკინძე, დაეყვილი შეუხვია; ბედად მანუს ჰეიმანიც შეესწროთ თავის განუყრელ კანესთან ერთად. კრისტოფივით ცნობისმოყვარეობას მოეყვანა დემონსტრაციის საყურებლად; შეესწრნენ შეტაკებას და ნახეს, როგორ დაეცა ოლივიე. კანე ხბოსავით ბლაოდა. თან ფიქრობდა:

— რა ჯანდაბა მინდოდა ამ გემზე?!

მანუსმა გულდაგულ დაათვალიერა დაჭრილი; იმწამსვე იფიქრა, საამქვეყნო პირი არა აქვსო. ოლივიე მოსწონდა, მაგრამ ისეთი კაცი არ იყო, გული აეჩვილებინა იმგვარ რამეზე, რასაც აღარაფერი ეშველებოდა; მომაკვდავს თავი ანება და კრისტოფზე დაიწყო ფიქრი. კრისტოფი პათოლოგიურ ტიპად მიაჩნდა და აღტაცებული იყო მისით. იცოდა, რა აზრისა გახლდათ რევოლუციებზე და უნდოდა გამოეგლიჯა სულელური განსაცდელიდან, კრისტოფი ძალად რომ იტეხდა თავს იმ საქმისათვის, მის გულს რომ არ ეკარებოდა. ჭერ ერთი, სულ ადვილად შეიძლო თავი წაეგო უგვან შეტაკებაში; შეიძლებოდა მერეც მწარედ დასაჯილიყო. უკვე დიდი ხანია, გაეფრთხილებინათ: პოლიცია თვალყურს ადევნებდა; მართო თავის ცოდვეს კი არ აჰკიდებდნენ, სხეებისასაც ზედ დაურთავდნენ. ქსავიე ბერნარი ბრბოში დაძრწოდა თავშესაქცევადაც და თან სამსახუ-

<sup>1</sup> პერიფრაზა ძენწი ვერონტის სიტყვებისა მოლიერის კომედიიდან „სკაპენის ცულუტრობა“ — „რა ჯანდაბა უნდოდა იმ გემზე?“

რებრივ მოვალეობასაც ასრულებდა. წელან რომ შეხვდა მანუსს, გააჩერა და უთხრა:

— თქვენი კრავტი ნამდვილი იდიოტია. წარმოგიდგენიათ, ახლა ბარიკადებზე ამძვრალა და ძალგულოვნებას იჩენს! ამჯერად ველარ დაგვიძვრება ხელიდან. ღვთის გულისათვის, გააქციეთ.

ეს სათქმელად უფრო ადვილი იყო, ვიდრე საქმნელად. კრისტოფს რომ გაეგო, ოლივიე კვდებოო, დასაბმელი გახდებოდა, მოჰკლავდა ვინმეს და თავსაც შეაკლავდა.

მანუსმა უთხრა ბერნარს:

— ახლავე თუ არ გაიქცა, დაიღუპება; მე გავიტაცებ.

— როგორ?

— კანეს ავტომობილით... აქვე დგას, ქუჩის კუთხეში.

— კი მაგრამ... — თქვა გაბრაზებით კანემ.

— ლაროშს მიიყვან, — განაგრძო მანუსმა, — დროზე ჩაუსწრებთ პონტარლიეს ექსპრესს<sup>1</sup>. შეეიცარიაში გაამგზავრებ.

— თავის ღღეში არ დათანხმდება.

— დათანხმდება. ვეტყვი, რომ ჟანენიც იქ ჩავა, რომ წასულია უკვე.

მანუსმა ყური აღარ ათხოვა კანეს და კრისტოფის მოსანახად წავიდა ბარიკადებზე. დიდი მამაცი არ ეთქმოდა, გასროლის ხმას რომ გაიგონებდა, წელში იკუნტებოდა; ითვლიდა ფილაქანზე დაგებულ ქვებს, წყვილია თუ კენტიო და ასე მარჩიელობდა, მომკლავენ თუ არაო. მაგრამ უკან არ დაუხევია, ბოლომდე მივიდა. როცა მიზნამდე მიადწია, დაინახა გადამბრუნებული ომნიბუსის ბორბალზე შემომკდარი კრისტოფი, ჰაერში რომ ისროდა რევოლვერს. ბარიკადის ირგვლივ პარიზის ქვაფენილიდან ამონთხეული ბრბო ისე გაზრდილიყო, როგორც ჩასადენი ღარის ბინძური წყალი დიდწვიმობის შემდეგ. პირველი მეომრები წაელეკათ. მანუსმა დაუძახა კრისტოფს. მაგრამ კრისტოფი ზურგით იდგა და არაფერი გაუგონია. მანუსი აძვრა მასთან, სახელოზე მოჰქაჩა. კრისტოფმა ხელი ჰკრა და კინაღამ გადმოავდო. მანუსი არ შეეპუა, ისევ მიუტოცდა და დაუყვია:

— ჟანენი...

ხმაურში ფრაზის დანარჩენი ჩაიკარგა. კრისტოფი უეცრად დადუმდა, ხელიდან გაავდო რევოლვერი, ელვის სისწრაფით ჩამოვიდა ომნიბუსიდან, მანუსს ჩააფრინდა და უკან გაჰყვა.

— უნდა გაიქცეთ, — უთხრა მანუსმა.

— ოლივიე სადაა?

— უნდა გაიქცეთ, — გაუმეორა მანუსმა.

— რატომ, რისთვის? — კითხულობდა კრისტოფი.

<sup>1</sup> ლაროში და პონტარლიე საფრანგეთ-შვეიცარიის საზღვართან მდებარე ქალაქებია.

- ერთ საათში ბარიკადას აიღებენ. ამ საღამოს კი დაგაპატიმრებენ.
- რა ჩავიდინე ისეთი?
- დახეთ თქვენს ხელებს... დიახ, ყველამ დაინახა, რაც ჰქენით. თავზე ხელს არ გადაგისვამენ. ავერტებმა გიცნეს. წამიც კი არა გაქვთ დასაკარგი.
- ოლივიე სადაა?
- შინ.
- მეც მასთან მივალ.
- არ იქნება. პოლიცია კართან გელოდებათ. თვითონ ოლივიემ გამომგზავნა თქვენს გასაფრთხილებლად. გაიქეცით.
- სად უნდა გავიქეცე?
- შვეიცარიაში. კანე წაგიყვანთ თავისი მანქანით.
- მერე ოლივიე?
- სალაპარაკო დრო აღარა გვაქვს...
- მისი უნახავი არ წავალ.
- იქ ნახავთ. ხვალვე ჩამოგაყოთხავთ. პირველსავე მატარებელს გამოჰყვება. იჩქარეთ! მერე ავიხსნით ყველაფერს.

მან ხელი ჩასჭიდა კრისტოფს. ხმაურითა და სიშმაგით გაბრუებული კრისტოფი, კვლავ ბრძოლის ჟინით რომ იყო ატანალი და უნარი არ შესწევდა გაეგო, რა ჩაიდინა, რას სთხოვდნენ, მანუსს მორჩილად გაჰყვა. მანუსმა მკლავში მოჰკიდა ხელი, მერე ხელი კანეს ჩაავლო, რომელიც სულ არ ვახლდათ აღტაცებული იმ როლით, ამ საქმეში რომ გამოუყვეს და ორთავე მანქანაში ჩასხბ: კეთილ კანეს ღრმად დაამწუხრებდა კრისტოფის დაქერის ამბავი, მაგრამ ამჯობინებდა, სხვას გადაერჩინა იგი. მანუსი იცნობდა მეგობარს, და რაკი მისი სილაჩრე ექვს აღუძრავდა, განშორებისას, როცა მანქანა ის იყო, უნდა დაძრულიყო, გადაიფიქრა დარჩენა და მათთან ერთად ჩაჯდა მანქანაში.

ოლივიეს ცნობა არ დაბრუნებია. ოთახში ახლა მარტო ორელი და პატარა კუზიანი იყვნენ. ვიწრო ოთახი, უჰაერო და უსინათლო!.. თითქმის ბნელოდა... ოლივიემ წამით ამოიყურაყუმალავა უფსკრულიდან. ხელზე ემანუელის ტუჩები და ცრემლი იგრძნო. უღონოდ გაიღიმა და გაკირვებით დააღო ბავშვს თავზე ხელი. რა მძიმე იყო ეს ხელი!.. მერე ისევ წაერთვა გონი.

მომაკვდავის თავთან, სასათუშალზე, ორელიმ პირველი მაისის ჰაწია თაიგული დაღო, შროშანის რამდენიმე ღერი. ცუდად დაკეტილი ონკანიდან ეზოში წყალი წვეთავდა, წანწკარით ეცემოდა მიწაზე. სურათები წამით კრთებოდნენ ტვინში, როგორც ჩასაქრობად მიწურვილი სინათლის სხივი... პროვინციის სახლი ეზმანებოდა; კედლებზე ასული გლიცინიები; ბაღში ბავშვი თამაშობდა, გაზონზე იყო გაწოლილი; წყლის ჩქერი ნელა იღვრებოდა ქვის აუზში. პატარა გოგონა იცინოდა...

## ნ ა წ ი ლ ი მ ე ო რ ი

პარიზიდან გავიდნენ. ნისლში ჩაძირული ვრცელი ველები გადაკვეთეს. ასეთივე საღამო იდგა, ათი წლის წინათ რომ კრისტოფი პარიზში ჩამოვიდა. მაშინაც ისე გამოზობდა, როგორც დღეს. მაგრამ მაშინ მეგობარი ცოცხალი ჰყავდა, მისი მოყვარული მეგობარი, და კრისტოფიც ქვეშეუცნობლად მისკენ მოიჩქაროდა...

პირველ ხანებში იგი ისევე ბრძოლის ცეცხლით იყო ატანილი; ბევრს და ხმამაღლა ლაპარაკობდა; ნაწყვეტ-ნაწყვეტად ჰყვებოდა რა ენაზა და რა ჩაედინა; ამყობდა თავისი ეპყაცობით. მანუსი და კანეც მხარს უბამდნენ, რომ შეეყოლიებიანათ. თანდათანობით სიცხემ დაუწია და კრისტოფიც გაყუჩდა; ახლა მისი ორი თანამგზავრიც ლაპარაკობდა. იმ დღეს მომხდარ ამბავს გავოგნებინა კრისტოფი, მაგრამ ვერ გაეტეხა. გაახსენდა ის დრო, გერმანიიდან რომ გამოიქცა. სულ გაქცევა და გაქცევა წერებია ბედად... გაიცინა, ეტყობა, ასეთი ხვედრი დამყვანო! პარიზიდან წამოსვლა არ ანაღვლებდა: ქვეყანა დიდია, ხალხი ყველგან ერთნაირიაო. სადაც უნდა ყოფილიყო, არ დაეძებდა, ოღონდ მეგობარი ჰყოლოდა გვერდში. იმედოვნებდა, ოლივიე ხვალე ჩამომაკითხავსო...

ლაროშს ჩავიდნენ. მანუსი და კანე გვერდიდან არ მოსცილებიან, სანამ მატარებელში არ ჩასვებს და არ გაამგზავრეს. კრისტოფმა გაამეორებინა სადგურის სახელი, სადაც უნდა ჩამომხტარიყო, სასტუმროს მისამართი ჩაიწერა და ფოსტისა, სადაც წერილისათვის უნდა მიეკითხა. გამცილებლებს მათდაუნებურად გამოთხოვებისას ნაღვლიანი სახეები ჰქონდათ. კრისტოფმა კი მხიარულად ჩამოართვა ხელი.

— პანაშვილზე ხომ არა ხართ, რა სახეები ჩამოგტირით. ეშმაკმა დალაზვროს, კიდევ შევხვდებით ერთმანეთს! ამგვარი ქცევა არ გეკადრებათ. ხვალვე მოგწერთ.

მატარებელი დაიძრა. მანუსი და კანე მანამდე გაჰყურებდნენ, სანამ კრისტოფი თვალს არ მიეთვარა.

— საწყალი კაცი! — ამოიხსრა მანუსმა.

ისევე მანქანაში ჩასხდნენ. ხმას არც ერთი არ იღებდა. ცოტა ხნის შემდეგ კანემ დაარღვია სიჩუმე:

— მე მგონი, დანაშაული ჩავიდინეთ...

მანუსმა ჭერ არაფერი უბასუხა, მერე უთხრა:

— ეჰ! მკვდრებს აღარა ეშველებათ რა. ცოცხლების გადარჩენა გვმართებს.

მოვიდა ღამე და კრისტოფის აღგზნებაც ერთბაშად დაცხრა. კუპის კუთხეში მიყუთული ფიქრს მისცემოდა, გამოფხიზლებული და გათოწილი. ხელებზე

დაიხედა და სისხლი შენიშნა, სხვისი სისხლი. გული აერია, შეაერყოლა. მკვლელობის სურათი დაუდგა თვალწინ. გაახსენდა, რომ კაცი შემოაკვდა და არ კი იცოდა, რატომ. შეეცადა გაეტოცხლებინა ბრძოლის ამბავი; მაგრამ ამჯერად უკვე სხვა თვალთ უცქეროდა ყველაფერს. ახლა აღარ ესმოდა, რად გაერია ამ ბრძოლაში. გაიხსენა მთელი ის დღე, იმ წუთიდან, როცა ისა და ოლივიე ქუჩაში გამოვიდნენ; მასთან ერთად ხელახლა გაიარა პარიზის ქუჩები, სანამ ქარიშხალმა არ გაიტაცა. ამ წუთიდან უკვე აღარაფერი ესმოდა; აზრთა ჯაჭვი უწყდებოდა; როგორ შეეძლო ყვირილი, დარტყმა, როგორ აპყვა ამ ხალხს, რომლის რწმენასაც არ იზიარებდა? არა, ეს მე როდი ვიყავი, ფიქრობდა... გონთ დაუბნელდა. ნებისყოფამ უმტყუნა!.. თავზარდაცემული და დარცხვენილი იყო ამ აზრით. მაშ, თავის თავის ბატონი არა ყოფილა. ან კი, ვინ იყო თავის ბატონი?.. ექსპრესი დამის წყვილიაში მიაქროლებდა; ის წყვილიადაც, მის სულში რომ დაებუდებინა, ნაკლებ გულისშემძვრელი 'როდი გახლდათ, უცხო ძალასაც ნაკლებ თავბრუდამხვევი არ ეთქმოდა... შეეცადა ძალი მოეცა, მაგრამ ახალი სადარდებელი აეშალა მხოლოდ. რაც უფრო უახლოვდებოდა მიხანს, მით უფრო მეტს ფიქრობდა ოლივიეზე და რატომღაც შიში იპყრობდა.

ჩასვლისას კარიდან გაიხედა, ბაქანზე ძვირფასი სახე ხომ არ გამოჩნდებოდა, მაგრამ არავინ იყო... ვაგონიდან ჩამოვიდა, სულ გარშემო იყურებოდა. ერთხელ თუ ორჯერ მოეჩვენა, რომ... არა, ეს „ის“ არ ყოფილა. რომ მიასწავლეს, იმ სასტუმროში მივიდა. ოლივიე არც იქ დახვდა. კრისტოფს არ უნდა გააკვირვებოდა ეს ამბავი: აბა, ოლივიე როგორ ჩამოასწრებდა?.. მაგრამ მას შემდეგ მოლოდინმა გატანჯა.

უკვე გათენებულიყო. კრისტოფი თავის ოთახში ავიდა. მერე ჩამოვიდა და ისაუბრა. ქუჩებშიც გაიარა, თავს იტყუებდა, არაფერი მაქვს სადარდებელიო. უცქეროდა ტბას, დუქნებში გამოფენილ საქონელს; ოფიციალტ ქალიშვილსაც გაეზუმრა, ილუსტრირებულ გაზეთებს ფურცლავდა... არაფერი არ აინტერესებდა. დღე ზღაზვნით მიიწვედა წინ, ზანტი და მძიმე. სალამოს შვიდი საათისათვის კრისტოფმა აღარ იცოდა, დრო რაში მოეკლა. აღრე ისაილა, უმადლოდ, თავის ოთახში ავიდა და დაიბარა, ჩემი შეგობარი თუ მოვიდეს, მაშინვე ამომიყვანეთო. მაგიდას მიუჯდა კარისკენ ზურგმიტყეული. არაფერი ჰქონდა, თავი რომ შეეყოლებინა, არც ბარგი რამე, არც წიგნი; მარტო ერთი გაზეთი აღმოაჩნდა, წელან რომ იყიდა; შეეცადა წაეკითხა; მაგრამ სხვას უტრიალებდა მისი გონება; დერეფანშივე ფეხის ხმას აყურადებდა. მთელი დღის მოლოდინით და უძილობით გატანჯულს ნერვები სულ ერთიანად დაკუწული ჰქონდა.

უეცრად კარის ჰრიალი გაიგონა. უცნაურმა გრძნობამ მოიცვა, არ შემობრუნებულა. იგრძნო, როგორ დაადო ვიდაცამ მხარზე ხელი. შემობრუნდა და მომღიბარი ოლივიე დაინახა. არ გააკვირვებია: აა, როგორც იქნა, მოხველიო, უთხრა მხოლოდ.

მოჩვენება გაქრა...

კრისტოფი ფეთიანივით წამოიჭრა, ხელი ჰკრა მაგიდასა და სკამს; სკამი ძირს დაეარდა. თმა ყალყზე დაუდგა. ერთხანს მკვდრისფერი ედო და კბილები უკაწკაწებდა...

ამ წუთიდან (თუმც კი არაფერი შეეცყო და იმეორებდა, არაფერი ვიციო), — უკვე ყველაფერი იცოდა. დარწმუნებული იყო, რაც მოხდებოდა.

ოთახში ველარ დადგა. ქუჩაში გამოვიდა, მთელ საათს იბორიალა. რომ დაბრუნდა, სასტუმროს მეკარემ წერილი მიაწოდა. წერილი. დარწმუნებული იყო, დაახვედრებდნენ. ხელები უკანკალებდა, როცა ართმევდა. თავის ოთახში შეიკეტა წასაქითხად. გახსნა, ნახა, რომ ოლივიე მკვდარი იყო და გული შეუღონდა.

წერილს მანუსი სწერდა. ატყობინებდა, გუშინ იმიტომ დაგიმალეთ, ოლივიეს ნებას ვასრულებდითო. ოლივიეს სურდა მეგობარი გადაერჩინა, თქვენი დარჩენა მას არ უშველიდა, თქვენ კი დაგლუპავდათო... თავს უნდა გაუფრთხილდეთ მეგობრის ხსოვნის გულისათვის, სხვა მეგობრებისათვის, საკუთარი დიდებისთვისო... და სხვა ამგვარი... ორელისაც მიეწერა სამიოდ სტრიქონი, მსხვილი, აკანკალებული ხელით: საწყალ ახალგაზრდა ბატონს მე მიგიხედავთო.

გონს რომ მოეგო, კრისტოფს საშინელი ბრაზი შემოენთო. უნდოდა მოეკლა მანუსი. სადგურისაკენ გაიქცა. სასტუმროს წინკარი ცარიელი იყო, ქუჩებში კაცი არ ჰაჰანებდა; ღამის იშვიათ, დაგვიანებულ გამვლელებს არ შეუნიშნავთ კაცი, გლევივით რომ აბრიალებდა თვალებს და ქოშინებდა. ისე ჩაფრენოდა თავის აკვიტებულ აზრს, როგორც ბულდოგი, რამეს რომ ჩაასობს კბილს: „მანუსი უნდა მოვკლა! მანუსი უნდა მოვკლა!“.. პარიზში უნდოდა დაბრუნება. ღამის ექსპრესი უკვე ერთი საათის გასული იყო. ხვალ დილაზე უნდა ეცადა. მოცდა კი არ შეეძლო. პარიზის მხრისაკენ მიმავალ პირველსავე მატარებელში ჩაჯდა, მატარებელში, ყოველ სადგურში რომ ჩერდებოდა. მარტო იჯდა ვაგონში და გაპყვიროდა:

— ტყუილია! ტყუილია!

საფრანგეთის საზღვრამდე ერთი სადგური რომ იყო დარჩენილი, მატარებელი სულ დადგა; იქით აღარ მიდიოდა. გაცოფებული კრისტოფი ჩამოვიდა, მეორე მატარებელი მოიკითხა, ნახევრად დაძინებული სადგურის მოხელეების გულგრილობამ ნერვები აუწყწა. რაც უნდა ეღონა, მაინც ვერ ჩაუსწრებდა; ოლივიეს უმისოდ მიაბარებდნენ მიწას. მანუსთანაც ვერ მიაღწევდა. მანამდე დაიქერდნენ. რა ექნა? რა წყალში ჩავარდნილიყო? გზა გაეგრძელებინა? უკან დაბრუნებულიყო? მერედა რისთვის? რისთვის?.. გვერდით უანდარმმა ჩაუარა და გაიფიქრა, მოდი, ჩავბარდებო. იღუმალმა სასიცოცხლო ინსტინქტმა დააკავა, ურჩია, შეეცადარაში დაბრუნებულიყო. მაგრამ ორ თუ სამ საათამდე არც იქით მიდიოდა მატარებელი და არც აქეთ. კრისტოფი მოსაცდელ დარბაზში დაჯდა, ველარ გაძლო, სადგურიდან გამოვიდა და ალაღბედზე გაუყვა გზას სიბნელეში. უდაბურ ველზე ამოჰყო თავი, — ირგვლივ ტრიალი ველი ეკრა,

მხოლოდ აქა-იქ ამოზიდულიყო თითო-ოროლა ნაძვი, მაცნენი იმისა, რომ სად-  
ღაც, მოშორებით, ტყეც იწყებოდა. კრისტოფი იქით ეცა. რამდენიმე ნაბიჯიც  
არ ჰქონდა გადადგმული, რომ მიწაზე დავარდა და შესძახა:

— ოლივიე!

მერე შუა გზაზე დავარდა და აქვითინდა.

როდის როდის გამოარკვია შორიდან მონადენმა მატარებლის სასტევენის  
ხმამ; წამოდგა, სადგურში დაბრუნება უნდოდა, მაგრამ გზა ველარ გაიგნო.  
მთელ ღამეს იარა. აქეთ წავიდოდა თუ იქით, განა სულერთი არ იყო? ოლონდ  
უნდა ევლო, რომ არ ეფიქრა, ევლო, სანამ ფიქრის ძაფი გაუწყდებოდა, სანამ  
მკვდარი დაეცემოდა მიწაზე. ო, ნეტავ ყი შეძლებოდა სიკვდილი!..

განთიადისას ფრანგულ სოფელში ამოყო თავი, საზღვრიდან ძალიან შორს.  
მთელ ღამეს შორდებოდა თურმე საზღვარს. ღუქანში შევიდა, ხარბად ისაუზმა  
და კვლავ გზა განაგრძო. მანამ იარა, სანამ მოცელილივით არ დაეცა მიწაზე;  
სალამომდე იქ დარჩა მძინარე. როცა გაიღვიძა, მეორე ღამე იწყებოდა. რისხვა  
დაუცხრა. მარტო სასტიკი, სულის შემხუთველი მწუხარებაღა შერჩა. ფერმამდე  
მიჩანჩალდა, პურის ნატეხი და ჩალა ითხოვა დასაძინებლად. ფერმერმა აათვა-  
ლიერ- ჩათვალიერა, მოუჭრა პური, ბაგაში წაიყვანა და ჩაკეტა. შმორის სუნ-  
ში, ძროხების გვერდით მიგდებულმა კრისტოფმა ხარბად შეჭამა პური. ცრემ-  
ლები დაპაღუპით ჩამოსდიოდა სახეზე. შიშშილი და მწუხარება ვერაფრით  
დაიცხრო. ამ ღამითაც ძილი მოეგლინა მხსნელად; რამდენიმე საათით განარიდა  
სატანჯველს. დილით კარის გაღების ხმამ გამოალვიძა. მანაც არ წამომდგარა,  
არ შერხეულა. სიცოცხლე აღარ უნდოდა. ფერმერი თავს წამოადგა და დიდხანს  
დაკვირვებით უცქირა; ხელში ქალაღლი ეჭირა (კრისტოფს იქით გაეჭყა მზერა)  
და ჩასცქეროდა. ბოლოს კრისტოფს ცხვირწინ აუფრიალა გაზეთი, რომლის  
პირველ გვერდზედაც მისი სურათი იყო დაბეჭდილი.

— ეს მე ვარ, — უთხრა კრისტოფმა, — დამაბეზღეთ!

— აღექით, — უთხრა ფერმერმა.

კრისტოფი ადგა; კაცმა ანიშნა, მომყეო. კალოს მოუარეს და ბილიკს დაადგ-  
ნენ, ხეხილს შორის რომ უხვევდა. ჯვრამდე რომ მიალწიეს, ფერმერმა ერთი  
გზა უჩვენა კრისტოფს და უთხრა:

— საზღვარი იქითკენაა.

კრისტოფმა ანგარიშმიუცემლად განაგრძო გზა. არ კი იცოდა, რად მიდი-  
ოდა. სულიან-ხორციანა დამსხვრეული იყო; ყოველ ნაბიჯზე ლამობდა შეჩე-  
რებას, მაგრამ გრძნობდა, ერთხელ თუ გაეჩერდი, მერე ადგილიდან ველარაფე-  
რი დამძრავსო. კიდევ მთელ დღეს იარა. ერთი სუც აღარ ჰქონდა, რომ პური  
ეყიდა. თუმცა სიმართლე თუ გნებავთ, სოფლებში შესვლასაც უფრთხოდა.  
რაღაც უცნაური გრძნობის ძალით, თვითონ გონებით რომ ვერ სწვდებოდა, ამ  
კაცს, რომელსაც ასე სწყუროდა სიკვდილი, დაჰერისა ეშინოდა; მისი სხეული  
ღვენილ ნადირს ჰგავდა, გაქცევით რომ ლამობს თავის გადარჩენას. ფიზი-



კური სატკივარი: დალილობა, შიმშილი, იღუპალი შიში, მის ქანცგამწყდარ არსებაში რომ ჩაებუდებინა, წამით აყუჩებდა სულის საღმობას. მარტო იმას-  
ლა ნატრობდა, ერთი თავშესაფარი მაპოვნინა, მიმავლო კუთხეში ჩემს დარდ-  
თან ერთად და ამ დარდით გამძღო.

სახლვარი გადაიარა. შორს ქალაქს მოჰკრა თვალი. წვერწამახული სამ-  
რეკლოიანი კოშკები და ქარხნის მილები გააჩნია. მილებიდან ამომავალი კვამ-  
ლი შავ, მდორე მდინარეებივით ერთსა და იმავე მიმართულებით მიედინებოდა  
წვიმის ქვეშ. ცოტაც და, დაეცემოდა მგზავრი. უეცრად გაახსენდა, რომ ამ  
ქალაქში თანამემამულე ჰყავდა, ხელობით ექიმი, ვინმე ერის ბრალუნი, რომელ-  
მაც ამ ერთი წლის უკან წერილი მოსწერა; მორიგ წარმატებას ულოცავდა, თან  
თავიც უნდოდა შეეხსენებინა. თუმცა ბრალუნი ერთი უჩინარი კაცი იყო და  
კრისტოფის ცხოვრებასთანაც ცოტა რამ აკავშირებდა, ლტოლვილმა დაჭრილი  
ნადირის ინსტინქტით მთელი ძალ-ღონე დაძაბა, რომ იმასთან დაცემულიყო,  
ვინც მისთვის მთლად უცხო არ იქნებოდა.

ნისლისა და წვიმის საბურველის ქვეშ შევიდა მორუხო-მოწითალო ფერის  
ქალაქში. აღმა-დაღმა იარა, ვერაფერს ხედავდა, გზას ეკითხებოდა გამვლელებს,  
ეშლებოდა, უკან ბრუნდებოდა, ალაღბედზე მიდიოდა. ქანცგაწყვეტილი იყო.  
ნებისყოფის უყანასკნელი დაძაბვით ციცაბო ქუჩების აღმართს შეუყვავა, კიბეების  
ავლა მოუხნდა, პატარა გორაკის წვერზე რომ მიდიოდა, რომლის თავზედაც პირქუ-  
ში ეკლესიის გარშემო მკიდროდ ჩაირიგებული სახლები მოჩანდნენ. სამოცი წითე-  
ლი აგურის საფეხური იყო, სამ-სამად, თუ ექვს-ექვსად დაჯგუფული. ყოველ  
ჯგუფს მომცრო ბაქანი მოსდევდა, სახლის კარებისათვის რომ იყო განკუთვნი-  
ლი. სანამ ახალ საფეხურებს შეუდგებოდა, კრისტოფი ბარბაცით ითქვამდა  
სულს. ზევით, კოშკის თავზე, ყვავები ტრიალებდნენ.

ბოლოს ერთ კარზე ამოიკითხა სახელი, რომელსაც ეძებდა. დააკაკუნა.  
ქუჩა ჩაბნელებული იყო. დალილობისაგან თვალები ეხუქებოდა. გულშიაც  
წყვილიანი ედგა... ბევრმა საუკუნემ განვლო...

ვიწრო კარი ოდნავ გაიღო. ზღურბლზე ქალი გამოჩნდა. სახე ჩრდილში  
ჰქონდა, მაგრამ მისი სილუეტი კარვად იხატებოდა პატარა, ნათელი ბალის ფონ-  
ზე, გრძელი დერეფნის ბოლოს დამავალ მზის სხივებში რომ მოჩანდა. მალა-  
ლი ქალი იყო, თავი ზეაწეული ჰქონდა. სიტყვას არ ეუბნებოდა კრისტოფს,  
ელოდა, თავად როდის ამოიღებსო ხმას. მოსული მის თვალგზს ვერ ხედავდა,  
მათ მზერას კი გრძნობდა. ექიმი ერის ბრალუნი იკითხა და თავის ვინაობაც  
უთხრა. ძლივს ამოსთქვამდა სიტყვებს. დალილობისგან, წყურვილისა და  
შიმშილისაგან სიქა ჰქონდა გაცლილი. ქალი უსიტყვოდ შებრუნდა შინ; კრის-  
ტოფიც მიჰყვა დარბაზარაზულ ოთახში. ბნელში შეეჩინა, მუხლებითა და  
მეტყლით მიაწყდა ამ მღუმარე სხეულს. ქალი გავიდა და კარი გაიხურა, მოსული  
უსინათლოდ დასტოვა, მარტო. კრისტოფი იდგა გაუნძრევლად, კედელს მიყრ-

დნობილი; ეშინოდა, რამე არ გადავაცირაყო. შუბლი გაპრიალებული ტიხარისათვის მიეკრა. ყურები უშხუოდა; თვლებში წყვილიანი უროკავდა.

მეორე სართულიდან სკამის გაჩოჩების ხმა და გაკვირვების შეძახილები მოისმა; ხმაურით დაიხურა კარი, ვილაც მძიმე ნაბიჯებით ჩამოდროდა კიბეზე.

— სად არის? — იკითხა ნაცნობმა ხმამ.

ხელახლა გაიღო ოთახის კარი.

— როგორ! სიბნელეში დატოვეთ?! ანა! დალახვროს ეშმაქმა სანთელი! კრისტოფი ისეთი დასუსტებული იყო, თავს ისე მიტოვებულად გრძნობდა, რომ ამ როხროხა, მაგრამ გულითადი ხმის გაგონებამ ჭირში ცოტადენი შეგება მოჰგვარა. მაგრად ჩაბლუჯა მარჯვენა, მასპინძელი რომ უწვდიდა. სანთელი მოიტანეს. ორი კაცი ერთმანეთს უმზერდა. ბრაუნი ტანად დაბალი იყო; დაედო-ეა სახე და შავი, ჯაგარა წვერი ჰქონდა. სათვალის შუშებს უკან თვალეები კეთილად უცინოდნენ. ფართო, ამობურცული, დაღარული შუბლისა და ქალაზე გადაგლესილი, კეფაზე შუამდე გადაყოფილი თმის პატრონზე კაცი ვერ იტყოდა, მარილიანი სახე აქვსო. საოცრად უშნო იყო, მაგრამ კრისტოფი ნეტარებდა, რომ უცქერდა და ხელს ართმევდა. ბრაუნი გაოცებას არ მალავდა:

— ღმერთო ჩემო! როგორ შეცვლილხართ! რა დღეში ხართ!..

— პარიზიდან მოვდივარ, — უთხრა კრისტოფმა, — გამოვიქციე.

— ვიცი, ვიცი; გაზთებში წავიკითხეთ: ეწერა, თითქოს დაიჭირესო. მადლობა ღმერთს, გადარჩენილხართ! მე და ანამ ბევრი ვიფიქრეთ თქვენზე.

სიტყვა გაწყვიტა და კრისტოფს მღუმარე ქალზე მიუთითა, სტუმარი შინ რომ შემოიყვანა.

— ჩემი ცოლია.

ქალი კარის ზღურბლთან გაჩერებულიყო ლამპით ხელში. წინ წამოწვდილი ნიკაპი და უსანდომო სახე ჰქონდა. სინათლე ეცემოდა მის ფერმკრთალ ნაკეთებს და წაბლისფერ თმას, ცოტა მოწითალო ფერი რომ გადაჰკრავდა. დიასახლისმა ხელი გაუწოდა კრისტოფს; გაშეშებული იდგა, იდაყვი არ მოუცილებია ტანისათვის. კრისტოფმა ისე ჩამოართვა ხელი, ზედაც არ შეუხედავს. გული უღონდებოდა.

— მე მოვედი, — შეეცადა აეხსნა, — ვიფიქრე, იქნებ... თუ ძალიან არ შეგაწუხებთ, ღამის გასათევი მომცეთ... ერთ დღეს...

ბრაუნმა სიტყვის დამთავრება არ აცალა.

— ერთი დღეა?! ოცი დღე იყოს, ორმოცდაათი, სანამ არ მოგწყინდებათ. სანამ ამ ქვეყანაში ხართ, ჩვენს სახლში იცხოვრებთ; ვიმედოვნებ, დიდხანს დაჰყოფთ აქ. ჩვენთვის ეს დიდი პატივი და ბედნიერება იქნება.

ამ მგრძნობიარე სიტყვებმა ერთობ ააღელვეს კრისტოფი. ბრაუნს მივარდა და გადაეხვია.

— ჩემო კარგო კრისტოფ, ჩემო კარგო კრისტოფ, — ამბობდა ბრაუნი, — ტირის?... ღმერთო, რა მოსდის?... ანა! ანა! ჩქარა! ხედავ, გული უღონდება...

კრისტოფი მასპინძლის მკლავებში ჩაიკეცა. რამდენიმე საათი იყო გულის შეღონებას ელოდა, ახლა უსწრო და კიდევაც მოცლა.

თვალი რომ გაახილა, ფართო საწოლზე იწვა. სველი მიწის სურნელი შემოდინოდა ღია ფანჯრიდან. ბრაუნის მის თავთან გადმოხრჩილიყო.

— მაპატიეთ, — წაიდუღუნა კრისტოფმა და შეეცადა წამომდგარიყო.

— ეს თურმე შიმშილით კვდება! — დაიყვირა ბრაუნმა.

ქალი გავიდა; ფიჩნით რძე შემოიტანა, დააღვინა კრისტოფს. ბრაუნს მისი თავი ეჭირა. კრისტოფი თითქოს მოცოცხლდა, მაგრამ დაღლილობა შიმშილზე ძლიერი გამოდგა; თავი ბალიშზე მიდო თუ არა, მაშინვე ჩაეძინა. ბრაუნი და მისი ცოლი ღამეს უთევდნენ, შემდეგ, რაკი დარწმუნდნენ, მოსვენების მეტი არა უნდა რაო, მარტო დატოვეს.

ეს იყო ერთი იმ ძილთაგანი, თითქოსდა წლობით რომ გრძელდება, ტბის ფსკერისაკენ მიმავალ ტყვისასვით მძიმე და მძიმედ ასატანი. კაცი ტყვედ გახდომია შენივთულ დაღლილობასა და საზარელ პალუცინაციებს, გამუდმებით ნებისყოფის ზღურბლთან რომ დაძრწიან. უნდოდა გაეღვიძა სიცხით გათანგულს, დამსხვრეულ-დამტვრეულს, ამ უცნობ ღამეში ჩაქარგულს; ესმოდა, საათები ყოველ ოცდაათ წუთში ერთხელ როგორ რეკდნენ; სუნთქვა უმძიმდა, არც ფიქრის თავი ჰქონდა, აღარც განძრევისა; შეკრული იყო, შებოჭილი, როგორც კაცი, რომელსაც აღრჩობენ; უნდოდა გაებრძოლა და ფსკერისაკენ კი მიდიოდა. ბოლოს ინათლა. გვიანი, წვიმიანი დღის მოლუშული დილა გათენდა. აუტანელი სიცხე რომ აწვალბდა, დაუტხრა; მაგრამ ეგონა, ტანზე მთელი მთა დამწოლიაო. გაეღვიძა. საშინელი იყო ეს გავლიძება..

— რად გავახილო კიდევ თვალი? რად გავიღვიძო? სჯობს ვიწვე ჩემი მეგობარივით, მიწის ქვეშ რომ განისვენებს...

პირაღამე გამოტილიყო და არ ინძრეოდა, თუმცა უხერხულად გრძნობდა თავს; ხელ-ფეხი დამძიმებოდა. საფლავეში იდო. ზედ მოლურჯო სინათლე ეღვრებოდა. წვიმის წვეთები ხამუშ-ხამუშ ეცემოდა ფანჯრის მინებს. ბაღში რომელიღაც ჩიტის საბრალობლად წიოდა. ჰოი, დუხჭირი, უსარგებლო, სასტიკო სიცოცხლე!..

რამდენიმე საათმა გაიარა. ბრაუნი შემოვიდა. კრისტოფს თავი არ მიუბრუნებია მისკენ. მასპინძელმა შენიშნა, რომ სტუმარს თვალები ღია ჰქონდა და მხიარულად შეეხმინა; და რაკი კრისტოფი ჰერს არ აცილებდა კუშტ მზერას, გადაწყვიტა ნაღველი გაქარვებინა მისთვის; ლოგინზე ჩამოუჯდა და ხმამაღალი საუბარი გაუბა. ეს ხმაური აუტანელი ეჩვენებოდა კრისტოფს. თავს ძალა დაატანა, შეადამიანური ეჩვენა ეს ძალდატანებაც, და უთხრა:

— გემუდარებით, თავი დამანებოთ.

ბრაუნმა უმაღვე შესცვალა კილო:

— მარტო დარჩენა გნებავთ? ბატონი ბრძანდებით. მშვიდად იყავით. დაი-

სვენეთ; ნუ ილაპარაკებთ. საქმელს ოთახში მოგართმევენ. საუბრით არავინ შეგაწყენთ თავს.

მაგრამ მოკლესიტყვაობა არ გამოუვიდა. იქაქანა, იქოთქოთა და როგორც იქნა, გავიდა ოთახიდან უხეში ფეხსაცმლის წვერებზე, იატაკს რომ აზანზარებდა. კრისტოფი კვლავ მარტო დარჩა საშინელ დალილობაში ჩაძირული. მისი ფიქრი ტანჯათა ბურუსში მიმოიძვროდა. თავს იწამებდა, რომ გავგო: „რატომ გავიცან? რად შევიყვარე? რა შედეგი გამოიღო ანტუანეტას თავდადებაზე? რა აზრი ჰქონდა ამდენ სიცოცხლეს, მთელ თაობებს, ამდენ განსაცდელსა და იმედს, ოღვიემდელ რომ მოატანა და მასთან ერთად არყოფნის უფსკრულში გადაიხაფრა?“ სიცოცხლე უაზროა. უაზროა სიკვდილიც. გაქრა არსებობა, უკვალოდ გაქრა მთელი მოდგმა. კაცმა არ იცის, ამაში საზარელი მეტია, თუ სასაცილო. ავი სიცილი უტყდებოდა სასოწარკვეთილებისა და სიძულვილისაგან. ასეთი მწუხარების ატანა არ ძალუძდა, აქეთ კიდევ საკუთარი უმწყობა ამწუხარებდა, კლავდა. გული გასკდომაზე ჰქონდა...

სახლში ჩამიჩუმე არ ისმოდა; მხოლოდ ავადმყოფებთან მიმავალი ექიმის ნაბიჯების ხმა თუ გაკრთებოდა. კრისტოფს უკვე დროის ანგარიში ჰქონდა დაკარგული, როცა ანა გამოჩნდა. ლანგარზე სადილი მოჰქონდა. კრისტოფი გაუძძრევლად უტყუროდა, ტუჩებიც არ შეუტოკებია მდლობის ნიშნად; მაგრამ მის გაშტერებულ თვალებში, რომლებიც თითქოს ვერაფერს ამჩნევდნენ, ყმაწვილი ქალის სახე ფოტოგრაფიული სიცხადით აღიბეჭდა. დიდი ხნის შემდეგ, როცა უკეთ გავიცნო, მაინც ასეთად ხედავდა; მომდევნო სურათებმა პირველი შთაბეჭდილების ხსოვნა ვერ ამოშანთეს მისი გონებიდან. ქალს სქელი თმა ჰქონდა. კეფაზე მძიმედ შემოგრანნილი, ამობურცული შუბლი, ფართო ლოყები, მოკლე და სწორი ცხვირი; თვალები მუდამ ჯიუტად ჰქონდა დახრილი, ან უკეთ, სხვის მზერას რომ წააწყდებოდა, თვალს არიდებდა ნაკლებ გულწრფელი, სიკეთეს მოკლებული გამომეტყველებით. ტუჩები დიდრონი ჰქონდა, მომუწული, იერი — კერპი, თითქმის უხეში. დიდი ქალი იყო, ღონიერი და კარგად მოყვანილიც ჩანდა, მაგრამ ტანთ კაბა უშნოდ ჰქონდა შემოსალტული და მიხრამოხრასაც უღაზათოს უჩენდა. უსიტყვოდ და უხმაუროდ მოვიდა, ლანგარი საწოლის თავით მდგარ მაგიდაზე დადო და უკანვე გაბრუნდა თავდახრილი, ჩამოშვებული, ტანზე მიკრული ხელებით. კრისტოფს აზრად არ მოსვლია გაკვირვებოდა ეს უცნაური და ცოტა არ იყოს, სასაცილო სტუმრობა; სადილს პირი არ დააკარა. უსიტყვოდ იტანჯებოდა.

დღე მიიწურა. ისევ მოსალამოვდა. ანაც ისევ მოვიდა ახალი კერძებით ხელში. რაც უწინ მოეტანა დილით, ხელუხლებელი დახედა და უსიტყვოდ აალაგა ყველაფერი. ერთი გულითადი სიტყვაც არ მოადგა პირზე, ყველა ქალი რომ პოულოზს ინსტინქტურად, ავადმყოფს რომ ელაპარაკება. თითქოს კრისტოფი არც არსებობდა მისთვის, ანდა თავად ძლივს ედგა სული. კრისტოფი ყრუ მტრობას განიცდიდა მისდამი, როცა მოუთმენლად აღევნებდა თვალს მის მოუ-

ხერხებელსა და ზვიადურ ქცევას. მაინც მადლიერი იყო, რომ ანა გამოლაპარაკებას არ ცდილა. — მადლიერების გრძნობა გაუორკვეცდა, როცა მისი წასვლის შემდეგ იძულებული შეიქნა ექიმის შემოტევა გადაეტანა. ბრაუნმა ვერ მოითმინა, რომ კრისტოფს დილანდელი კერძისთვის პირიც არ დაეკარებინა; ბრაზობდა თავის ცოლზე, ძალით როგორ ვერ აჭამაო და ახლა თვითონ ატანდა ძალას. სიმშვიდე რომ მოეპოვებინა, კრისტოფი იძულებული გახდა, რამდენიმე ყლუპი რძე მოესვა. მერე მასპინძელს ზურგი უბრუნა.

მეორე დამე უფრო მშვიდი გამოდგა. მძიმე ძილმა არყოფნის უფსკრულში ჩააგდო კრისტოფი. საზარელი სიცოცხლის კვალიც კი არ დარჩა. მაგრამ გარდაღვიძება კიდევ უფრო სულისშემძვრელი იყო. ისევ გაიხსენა საბედისწერო დღის ყველა წვრილმანი, მოაოხნდა, რომ ოლივიეს ზარავდა შინიდან გასვლა, წამდაუშუშებ ემუდარებოდა, დავბრუნდეთო და სასოწარკვეთით შესძახა: . .

— მე მოვკალი, მე...

შეუძლებელი იყო ასე მარტო დარჩენა, უძრავად, ჩაკეტილში, როცა თვალებმრისხანე სფინქსი კლანჭებით ჩაფრენოდა, სახეში ასუნთქავდა თავის კითხვების ქარაშოტსა და ცხედრის სუნთქვას. წამოდგა სიციხიანი; ოთახიდან გალასლასდა, კიბე ჩაიარა; და როგორც კი სხვისი ხმა შემოესმა, გაქცევა დააპირა.

ბრაუნი სასადილო ოთახში იჯდა. ჩვეული გულითადობით მიიღო კრისტოფი. მაშინვე პარისული ამბების გამოკითხვა დაუწყო. კრისტოფმა ხელზე მოჰკიდა ხელი და უთხრა:

— ნურათფერს მკითხავთ. შემდეგ გაიბზობთ... ნუ დამემღურებთ ამაზე. არ შემიძლია. დავიღალე...

— ვიცო, ვიცო, — უთხრა გრძნობამორევით ბრაუნმა, — ნერვები აგვეწვით. წინა დღეების მღელვარებამ დაგმართათ ეგ ამბავი. ნურათფერს მეტყვიით. თავს ნურათფერში დაატანთ ძალას. თავისუფალი ხართ, შინა ხართ. აღარავინ შეგაწუხებთ.

თქვა და კიდევაც შეასრულა სიტყვა. სტუმარი რომ არ დაეღალა, მეორე უკიდურესობაში გადავარდა: მისი თანდასწრებით ცოლთან გამოლაპარაკებასაც ვეღარ ბედავდა; ხმადაბლა საუბრობდნენ, თითის წვეკრებზე დადიოდნენ, სახლი დამუნჯებულიყო. ბოლოს ამ ნაძალადევი სიჩუმითა და ჩურჩულით გაბეზრებულმა კრისტოფმა ბრაუნს სთხოვა, ცხოვრების ნირს ნუ კი შეიცვლით, უწინდებურად იცხოვრეთო.

მომდევნო დღეებში კრისტოფი თავის ანაბარა იყო მიტოვებული. საათობით იჯდა ოთახის კუთხეში, ან არადა, სახლში დაძრწოდა, როგორც ოცნებაში დანთქმული კაცი. რაზე ფიქრობდა? თავადაც ვერ გაგვემდათ პასუხს. იმის ძალაც ძლივს შემორჩა, რომ ეტანჯა. მთლად განადგურებული იყო. საკუთარი გულცივობა აძრწუნებდა. მარტო ერთი სურვილია ჰქონდა: „მასთან“ ერთად დამარხულიყო და ბოლო მოღებოდა ყველაფერს. ერთხელ ბაღის კარი ღია დახვდა და გარეთ გავიდა. მაგრამ ისე ემძიმა სინათლეში ყოფნა, რომ მსწრაფლ

უკუიქცა, თავის ოთახში შეიკეტა და დარაბებიც დარაზა. დარიანი დღეები უზომო ტანჯვას გვრიდა. სძულდა მზე. ბუნება თავზარსა სცემდა თავისი უხეში უშფოთველობით სუფრასთან უსიტყვოდ, თავდახრილი დასჩერებოდა თეფშს, ყლაპავდა, რასაც ბრაუნი აწოდებდა და ხმას არ იღებდა. ერთ დღეს ბრაუნმა სასტუმრო ოთახში მღვარ პიანინოზე მიუთითა; კრისტოფმა ძრწოლით აქცია ზურგი. ყოველგვარი ხმაური აღიზიანებდა. სიჩუმე სწყუროდა; სიჩუმე და ღამის წყვილია!.. მხოლოდ სიცარიელე და სიცარიელის წყურვილი შერჩნოდა. მშვიდობით, სიცოცხლის სიხარულო, სიხარულის მძლე ფრინველო, უწინ გატაცებით, სიმღერით რომ დაჰქროდი ლაქვარდში! მთელი დღეები თავის ოთახში იჯდა და სიცოცხლის მაჯისცემას მხოლოდ მეზობელი ოთახის საათის კანტიკუნტი რეკითდა გრძნობდა; ეგონა, შიგ ჩემს ტვინში რეკენო. და მაინც, სიხარულის ველური ფრინველი ჯერ კიდევ გულში ეჯდა, ანაზღუელად გაშლიდა ფრთებს და ცხაურს ეხეთქებოდა; მაშინ სულის სიღრმეში ფრთონას იწყებდა საღმობის საშინელი ქარიშხალი — „მარტოდმარტო თვალუწვდენელ ველზე დარჩენილი კაცის სასოწარკვეთილი ძახილი“...

ამ სოფლის უბედურება ისაა, რომ თითქმის თავის დღეში არა გვეყავს მეგობარი. თანამგზავრები კი შეიძლება გაგვიჩნდეს და შემთხვევითი ამხანაგებიც. მეგობრის სახელს გულუხვად ვფანტავთ: სინამდვილეში კი მხოლოდ ერთი მეგობარი თუ გვეძლევა მთელი სიცოცხლის მანძილზე, თან იშვიათია კაცი, ვისაც ამგვარად გაუღიძვებს ბედი. მაგრამ ეს იმოდენა ბედნიერებაა, რომ კაცმა აღარ იცის, როგორ იცხოვროს, როცა მეგობარი გამოეცლება ხელიდან. მეგობარი უვსებდა სიცოცხლეს, თუმც კი თავადაც ვერ გრძნობდა ამას. ოლივიე წავიდა და სიცოცხლაც დატარებდა. მარტო საყვარელი ადამიანი კი არ დაიკარგა, სიყვარულის აზრიც გაქრა, აწინდელი და უწინდელი სიყვარულის აზრი. რატომ ცხოვრობდა? ჩვენ რაღად ვცხოვრობთ?

ამ სიკვდილით გამოწვეული ზაფრა მით უფრო საშინელი იყო კრისტოფისათვის, რომ იმ დროს უწია, როცა მთელი მისი არსება თვითონაც იღუმალი იყო შერყეული. ცხოვრებაში გვეწვევა ხანი, როცა ორგანიზმში უხილავი, ყრუ ცვლილებები მიმდინარეობს; მაშინ სულიც და ხორციც უფრო სათუთნი არიან, გარეგან შემოტევის ვერ უმკლავდებიან. გონება დასუსტებულია, იღუმალი მწუნხარება ღრუნის, ფიტავს საგანთ სიმძღვრე; რაც გაკეთებული აქვს, იმას გამიჯვნია და ვეღარ შესწევს უნარი დაინახოს კიდევ რა შეიძლება გააკეთოს. იმ წლებში, როცა ასეთი კრიზისი გვეწვევა, ადამიანთა უმრავლესობას კისრად აწევს ოჯახური მოვალეობანი: ეს მათთვის ხსნაა, საფარველი, ურომლისოდაც თავის განსჯა, გზის გაკვლევა შეუძლებელია, შინაგან ახალ ცხოვრებას ვერ შეიქმნი. რამდენი მწუნხარებაა დამალული, რამდენს მწარედ აყრია გული.. იარე! იარე! უნდა წახვიდე.. იძულებითი ტვირთი, ოჯახური საზრუნავი ისე იჭერს ადამიანს, როგორც ცხენს, ზეზეულად რომ სძინავს. და მაინც წინ მიიწევს ჯალამბრებს შორის. მაგრამ სულ თავისუფალ კაცს არაფერი აკავებს,

არაფერი აიძულებს წინ იაროს, როცა მის სულში არყოფნა იმზირება. ჩვეულებების ძალით მიიბიჯებს; არ კი იცის, სად და რისთვის. ძალები შემდგრველია, გონთ უბნელდება. ვაი მას, თუ ამ წუთს, როცა თვლებამ წაართვა. თავი, მეხი დაატყდა და შეაწყვეტინა ეს მთვარეული სვლა! სულ ნადგურდება...

პარიზიდან გამოგზავნილმა რამდენიმე წერილმა, ბოლოს და ბოლოს რომ მოაღწია კრისტოფამდე, წამით მოსწყვიტა იგი სასოწარკვეთასა და აპათიას. წერილები სესილისა და ქ-ნ არნოსგან იყო გამოგზავნილი. მათ ნუგეში მოუტანეს კრისტოფს. კნინი ნუგეში! უსარგებლო ნუგეშის სიტყვები... ისინი, ვინც მწუხარებაზე ლაპარაკობენ, როდი იტანჯებიან... მთავარი ის იყო, რომ ამ წერილებს კრისტოფისათვის მოჰქონდათ მიმქრალი ხმის ექო... ვერ გაბედა პასუხის გაცემა; წერილებიც აღარ განახლებულა. უგუნებოდ მყოფი ცდილობდა თავისი კვალი წაეშალა, გამქრალიყო... მწუხარება უსამართლოა: ყველანი, ვინც მას უყვარდა, ამ ქვეყნიდან წასულიყვნენ. მთელი კვირეები გახარჯა, რა არ იღონა, რომ გაეცოცხლებინა მეგობარი. ესაუბრებოდა, სწერდა:

„სულო ჩემო!

დღეს შენი წერილი არ მიმიღია. სადა ხარ? მოდი, დამიბრუნდი, ხმა გამეც, მომწერე რამე!“

მაგრამ ღამით, თუმც კი ძალიან ცდილობდა, ერთხელაც ვერ ნახა სიზმარში. სიზმრად იწვითად ვნახულობთ იმათ, ვინც დავკარგეთ, მანამ, სანამ მათი დაკარგვა გვაწამებს. ისინი მოგვიანებით გამოჩნდებიან, როცა დაეიწყება შოვა.

მაგრამ სიცოცხლე თანდათანობით მაინც აღწევდა ამ სამარედ ქცეულ სულში. კრისტოფს ახლა ისევ ესმოდა სახლის სხვადანსხვა ხმაური და ინტერესით აყურადებდა, თუმც თავად არ შეუნიშნავს ეს ამბავი. იცოდა, რომელ საათზე იღებოდა და იხურებოდა კარი, დღეში რამდენჯერ და რანაირად იმისდა მიხედვით, თუ ვინ მოვიდოდა. უკვე ბრაუნის ფეხის ხმასაც სცნობდა; თითქოს თავისი თვალით ხედავდა როგორ ბრუნდებოდა ექიმი შინ მას შემდეგ, რაც ავადმყოფებს მონიხულებდა, როგორ ჩერდებოდა წინკარში, ქუდსა და პალტოს როგორ ჰკიდებდა საკიდარზე, მუდამ უცვლელი, მანიაკალური გულმოდგინებით. და როცა ჩვეულ დროს ჩვეული ჩქამი არ მოისმოდა, ქვეშეცნეულად ცდილობდა ეპოვა ცვლილების მიზეზი. სუფრასთანაც ანგარიშმიუცემლად აყურადებდა საუბარს. შენიშნა, რომ ბრაუნი თითქმის ყოველთვის მარტო ლაპარაკობდა. ცოლი ჰოსა და არას თუ ეტყოდა მხოლოდ. ბრაუნს, ეტყობა, არ აწუხებდა თანამოსაუბრეთა არყოლა. გულლიდ ლაყობდა, ჰყვებოდა თავისი ავადმყოფების ამბავს. ყურმოკრულ ჭორებს. ერთხელ ისე მოხდა, რომ კრისტოფმა შეხედა მასპინძელს, როცა ის ჰყვებოდა: ბრაუნის ბედნიერებას საზღვარი არ ჰქონდა, როგორც იქნა, მოახერხა დაეინტერესებინა სტუმარი.

კრისტოფი შეეცადა დაბრუნებოდა სიცოცხლეს... რა მომქანცველი იყო ეს ამბავი. თავს მოხუცებულად, დედამიწასავით მოხუცებულად გრძნობდა!..

დლით, როცა დგებოდა, როცა სარკეში იცქირებოდა, უზომოდ ღლიდა საკუთარი სხეული, მიმოხრა, სულელური აღნაგობა. რად უნდა ამდგარიყო? რად უნდა ჩაეცვა?.. უზომო ძალდატანება მოუხდა თავზე, რომ ემუშავა: გული ერეოდა! რისთვის შეეთხზა რამე, თუკი ყველაფერი არყოფნაში უნდა დანთქმულიყო? მუსიკა აუტანელი შეიქნა მისთვის. ხელოვნებაზე (და სხვა რამეებზეც) მართებულად მხოლოდ უბედურების ჟამს ვმსჯელობთ. უბედურება სასინჯი ქვაა. მხოლოდ ქირში გამოვარჩევთ იმ ადამიანებს, სიკვდილზე ძლიერნი საუკუნეებს რომ გაჰყვებიან. ძალიან ცოტა უძლებს ამ გამოცდას. გვაკვირვებს იმათი სულების სიკნინე, ვისზედაც იმედს ვამყარებდით (საყვარელი ხელოვანი იქნებიან, თუ მეგობრები). ვინ ამოტივტივდება? რა ფუჭი რამ არის ამა სოფლის სიმშენიერე, როს კაცის გულისათვის ტანჯვას შეუხია მსახვრალი ხელი!

მაგრამ ტანჯვასაც გასდის ყავლი; მისი ხელიც მძიმდება. კრისტოფის ნერვებს შვება მიეცა. მას ეძინა, ეძინა გამუდმებით. იტყოდით, თავის ღლეში ვერ გაძლება ძილითო.

ერთ ღამეს მაინც ისე ღრმად ჩაეძინა, რომ მეორე ღლის საღამოსღა გამოეღვიძა. სახლში არავინ იყო. ბრაუნის და მისი ცოლი საღამოც წასულიყვნენ. ფანჯარა ღია დარჩენოდათ. ღიმილს აფრქვევდა სხივოსანი ჰაერი. კრისტოფს თითქოს უზარმაზარი ტვირთი მოეხსნა მხრებიდან. ადგა და ბაღში ჩავიდა. მონასტრის ბაღს ჰგავდა ეს მაღალი კედლებით შემოზღუდული ვიწრო მართკუთხედი, რამდენიმე ხრეშმოყრილი ხეივანი ორ ოთხკუთხა გაზონს შორის და ბურჯუთა საყვარელი ყვავილები; ფანჯატურში ერთმანეთს ეშმახნებოდა ვაზი და ვარდები. წყლის ერთი ბეწო ნაკადი მოწანწკარებდა გამოქვაბულიდან; კედელზე ასული აკაცია სურნელოვან ტოტებს ჰფენდა მეზობელ ბაღს. იქით წითელი ქვიშაქვისაგან ნაგები ძველი ეკლესიის კოშკი აღმართულიყო. ნაშუადღევის ოთხმა საათმა დაჰკრა. ბაღს უკვე ბინდი ეფინებოდა. მზის სხივებში ბანაობდა ხის კენწეროები და წითელი სამრეკლო. კრისტოფი ფანჯატურის ქვეშ დაჯდა კედლისაკენ ზურგშექცეული; თავი უკან გადაეგდო და ერთმანეთში გადახლართულ ვაზსა და ვარდებს შორის გამომწვიკრალ კამკამა ზეცას უყურებდა. ეგონა, კომმარინიდან გამომღვიძიო. ირგვლივ უძრავი მღუშარება გამეფებულიყო. ვარდების ღიანა მიბნედილად გადმოკიდებულიყო მის თავს ზემოთ. უეცრად ყველაზე ღამაში ყვავილი დაიფურცლა, სული დალია; მისი ფურცლების თოვლი ჰაერში განიშქრა. თითქოს ღამაზე, უცოდველ სიცოცხლეს მოეღო ბოლო. ისე უბრალოდ!.. კრისტოფს გული მოუწყალა ამ ამბავმა. სული შეეხუთა, სახე ხელის გულებში ჩარგო და აქვითინდა...

სამრეკლოზე ზარებმა ჩამოჰკრეს. მათ სხვა ეკლესიების ზარებმაც მისცეს ბანი... კრისტოფს წარმოდგენაც არ ჰქონდა, რამდენმა ხანმა განვლო. თავი რომ აიღო, ზარები დადუმებულიყვნენ, მზე გამქრალიყო. გულს მოუფონა ტრემლებმა, გონება დაეწმინდა. ესმოდა, გულიდან როგორ ამოსჩქეფდა მუსი-



კის ნაკადი და ღამის ცაში მოცურავე ნამგალა მთვარეს შესცქეროდა. ფეხის ხმამ გამოაფხიზლა, თავის ოთახში ავიდა, მაგრად ჩაიკეტა და მუსიკის შადრევანი გადმოღვარა ქალღღმურს. ბრაუნმა დაუძახა, სადილად უხმობდა, კარზეც მიუკაკუნა, შეეცადა გაეღო. კრისტოფმა ხმა არ გასცა. შეშფოთებულმა ბრაუნმა ჭურჭრებიდან შეუჭვრიტინა და დამშვილდა, რაკი დაინახა, რომ კრისტოფი მაგიდაზე გადამხობილიყო ქალღღმურის გროვანზე და რაღაცას იწერდა.

ჩამდენიმე საათის შემდეგ ღონემიხილი კრისტოფი ძირს ჩავიდა; სასტუმრო ოთახში ექიმი იჭდა, რაღაცას კითხულობდა და მოთმინებით ელოდა: კრისტოფი გადაეხვია, ბოდიში მოუხადა, ჩამოსვლის დღიდან საძაგლად მიჰიარავს თავიო და თუმცა ბრაუნი არ ეკითხებოდა, უამბო უკანასკნელი კვირების საშინელი ამბები. მხოლოდ ამ ერთხელ ელაპარაკა გარდასულზე; მაინც დარწმუნებული არ იყო, რომ ბრაუნმა კარგად გაუგო, რადგან კრისტოფი უთავბოლოდ ჰყვებოდა; შუალაშე გადასული იყო და თუმცა მასპინძელს ცნობისწადილი დიდი ჰქონდა, ძილი მაინც ყველაფერს ერჩია. ბოლოს, ორმა საათმა რომ ჩამოჰკრა, კრისტოფმა შენიშნა ეს და ერთმანეთს ღამე ნებისა უსურვეს.

ამ ხნიდან მოკიდებული კრისტოფის ცხოვრება ერთიანად გამოიცივალა. საღარდებელს აღარ დაუღო თავი; მწუხარება არ დასცხრობია, მაგრამ ნორმალური სახე მიიღო და ცხოვრებაში ზელს არ უშლიდა. სიცოცხლე კი აუცილებელი იყო! ამ კაცს, რომელმაც ახლახან დაკარგა მეგობარი, ვინც ყველაზე მეტად უყვარდა, კაცს, რომელსაც მწუხარება ღრღნიდა და სიკვდილი დაჰქონდა გულით, ნაყოფიერი ცხოვრების ისეთი ტირანული ძალა გააჩნდა; ეს ძალა ისე ჩქეფდა მის მწუხარე სიტყვებში, მის თვალთაგან, მის ბაგეთაგან ასხივებდა, გამოსჰქვივოდა მის მიხრა-მოხრაში. მაგრამ ამ ძალის გულში მღრღნელი ჭია მოკალათებულიყო. კრისტოფს ხანდახან მთლად წარეკვეთებოდა სასო. უეცრად დაუვლიდა ხოლმე ტკივილი. მშვიდი იყო, თავს ძალას ატანდა, რომ ეკითხა, ანდა სასეირნოდ გასწევდა ხოლმე. ანაზღად ოლივიეს ღიმილი, მისი სახე მოელანდებოდა, დალილი, ალერსიანი... თითქოს შიგ გულში აძგერეს დანაო, ისე შეტორტმანდებოდა... გულთან მიიტანდა ხელს და კენესოდა. ერთხელ პიანინოს უჭდა, ბეთჰოვენის რომელიღაც ნაწარმოებს უკრავდა უწინდებურის მგზნებარებით... უეცრად შეჩერდა, მერე დაეარდა, თავი სავარძლის ბალიშებში ჩარგო და შეჰყვირა:

— ჩემო პატარავ!..

ყველაზე უარესი „უკვე განცდილის“ შთაბეჭდილება იყო. დაუსრულებელი აწყდებოდა იმავე ქსიტებს, იმავე სიტყვებს; თავს ისევე ის უნდა გარდახდებოდა, რაც უკვე ჰქონდა განცდილი. ყველაფერი ნაცნობი იყო მისთვის, ყველაფერი წინასწარ ჰქონდა განჭვრეტილი. ეს კაცი, უწინ ნანახს რომ მოაგონებდა, იმავეს ეტყოდა, რაც უწინ სხვისგან მოესმინა, ამაში წინასწარ იყო დარწმუნებული; ერთიმეორის მსგავსი სულდგმულები ერთმანეთის მინამცვან ფაზებს გადიოდნენ, იმავე დაბრკოლებებს ეჯახებოდნენ, და მათსავით იხარ-

ჯებოდნენ. თუ მართალია, რომ „არაფერი ისე არ გაბეზრებს ცხოვრებას, როგორც განახლებული სიყვარული“, ყველაფრის თავიდან დაწყებაზე რაღა ითქმის! ეს პირდაპირ ჭკუიდან შეშლიდა კაცს. კრისტოფი ცდილობდა არ ეფიქრა ამეგებზე, რაკი აუცილებელი იყო ეცხოვრა, რაკი ცხოვრება სურდა. ეს განსავთ სამწუხარო პირმოთენობა, რომელსაც არ სურს თავის შეცნობა; სირცხვილს გაუტანჯავს, თავი ებრალემა, ცხოვრება კი სჭირია, მაინც სჭირია... რაკი იცოდა, რომ შვემა არ იყო, ნუგეშს თვითონ იჩენდა. დარწმუნებული იყო, რომ ცხოვრებას არ ჰქონდა აზრი, და სასიცოცხლო საბაბს დაეძებდა. თავს ირწმუნებდა, უნდა ვიცოცხლო, თუმც კი მისი სიცოცხლე მის მეტს არავის სჭირდებოდა. იცოდა ისიც, რომ სიკვდილს იმ სიტყვებს მიაწერდა, თავად რომ სურდა ეთქმევიინებინა. ჰოი, უბადრუკობაე!

კრისტოფმა კვლავ განაგრძო გზა; მის ნაბიჯს თითქოს ძველი სიმტკიცეც დაუბრუნდა; მწუხარება ღრმად ჩაიმარხა გულში. ამაზე თავის დღეში არ ელაპარაკებოდა არავის; თვითონაც ცდილობდა მარტო არ დარჩენილიყო მოგონებებთან და მშვიდი ჩანდა.

„ნამდვილი მწუხარებანი გარეგნულად მშვიდნი ჩანან მათ მიერ გაკეთებულ სარეკელში; იქ თითქოს სძინავთ, მაგრამ იღუმალ სულის დანგრევას აგრძელებენო“, — უთქვამს ბალზაკს.

ვინც იცნობდა კრისტოფს და კარგად დააკვირდებოდა, როგორ მიმოდინოდა, როგორ საუბრობდა, უკრავდა, იცინოდა (დიახ, ახლა იცინოდა კიდევ!) იგრძნობდა, რომ რაღაც დამსხვრეულიყო ამ ძლიერ, სიცოცხლისაგან თვალებანთებულ მამაკაცში, სულის იღუმალ კუნჭულში რაღაც ჩასწყდომოდა.

იმ წუთიდან, რაც მიეჯავა სიცოცხლეს, ცხოვრების სახსარიც უნდა ეშვინა. ქალაქიდან გასვლა არ შეიძლებოდა. შევიცარია საუკეთესო თავშესაფარი იყო მისთვის; ან კი სად ნახავდა უფრო ერთგულ მასპინძლობას? მაგრამ თავმოყვარეობა ნებას არ აძლევდა მეგობრის ხელის შემყურეს ეცხოვრა. თუმცა ბრაუნი ძალიან ამშვიდებდა, სამადლო არა უნდოდა რა; ვერ მოისვენა, სანამ მუსიკის რამდენიმე გაკვეთილი არ იშოვნა; ამან შესაძლებლობა მისცა მასპინძლისათვის ყოველთვიური გადასახადი ეძლია. ეს ადვილი როლი იყო. ხმა გავრცელდა, რევოლუციურ საქმეებში იყო ჩაბმული და გამოიქცაო; ბურჟუაზიულ ოჯახებს არ სურდათ შინ შეეშვათ კაცი, საშიშრის, ან, უკეთეს შემთხვევაში, უცნაურის სახელი რომ ჰქონდა გავარდნილი და მით ცოტა „საჩოთირო“ გამხდარიყო. მაგრამ კრისტოფის მუსიკალურმა სახელმა და ბრაუნის მეცადინეობამ ოთხი თუ ხუთი ნაკლებ აზიზი ან უფრო ცნობისმოყვარე სახლის კარი გაუღო, რომელთაც არტისტული ნობიზმით თავის გამოჩენა სურდათ. მაინც გამუდმებით თვალყურს ადევნებდნენ და ყოველ ღონეს ხმარობდნენ იმისათ-

ვის, რომ მასწავლებელსა და მოსწავლეებს შორის საპატიო მანძილი და-  
ეცვათ.

ბრაუნის სახლში ცხოვრება გეგმაზომიერად აეწყო. დილით ყველა თავის  
საქმეზე მიდიოდა: ექიმი ავადმყოფებთან გასწევდა, კრისტოფი — გაკვეთი-  
ლებზე, ქ-ნი ბრაუნი — ბაზარში, ანდა თავის საქველმოქმედო საქმიანებზე.  
კრისტოფი პირველი საათისათვის ბრუნდებოდა, ჩვეულებრივ, ბრაუნზე ადრე.  
ბრაუნი იბარებდა, უჩემოდ ისაუბმეთო და კრისტოფიც მარტო მიუჯდებოდა  
ხოლმე სუფრას ანასთან ერთად. ეს მაინცდამაინც არ სიამოვნებდა, რადგან  
ქალი არ მოსწონდა და მისთვის 'სათქმელს ვერაფერს პოულობდა. ანა კი  
ოდნავადაც არ ცდილობდა ეს შთაბეჭდილება გაენელებინა, თუმც კი შეუძლე-  
ბელია იმის თქმა, ვერაფერს ატყობდაო. არც ირთვებოდა, არც ჭკუის გამო-  
ჩენას ცდილობდა; თავის დღეში პირველი არ გამოელაპარაკებოდა კრისტოფს.  
მისი მოუხეშავი მიხრა-მოხრა და ულაზათო ტანისამოსი, მისი მოუხერხებლო-  
ბა, მისი სიცივე კრისტოფივით ქალური მოხდენილობის მოტრფიალე ყოველ  
მამაკაცს დააშორებდა მისგან. ანას შემხედვარე კრისტოფი თავს ვერ იკავებდა  
და ფიქრობდა:

— ღმერთო, რა უშნოა!

მაგრამ ეს მართალი არ იყო; და კრისტოფმაც მალე შენიშნა, რომ ყმაწ-  
ვილ ქალს საუცხოო თმა, ხელები, ბაგე და თვალები ჰქონდა. იშვიათ წუთებ-  
ში იჭერდა ამ თვალთა გამოხედვას, თუმც კი ანა მაშინვე არიდებდა მზერას.  
აზრი მაინც არ შეუცვლია მასპინძლის ცოლზე. მხოლოდ ზრდილობის გული-  
სათვის ელაპარაკებოდა; გაჭირვებით ეძებდა სასაუბრო თემებს; ანა სულ არ  
ეხმარებოდა. ორჯერ თუ სამჯერ სცადა მოეყოლებინა რამე თავის ქალაქზე,  
ქმარზე, თავის თავზე; ვერაფერი დააცდენინა. ქალი ბანალურ პასუხებს აძლევ-  
და; თავს ძალას ატანდა, რომ გაეღიმა; მაგრამ ეს ძალდატანება იგრძნობოდა  
და უსიამო შთაბეჭდილებას ახდენდა; მისი ღიმილი ნაძალადევი იყო, ხმა —  
ყრუდ ჟღერდა; ყოველ სიტყვას კბილებში სტრიდა; ყოველ ფრაზას სამძიმო  
დუმბილი მოსდევდა. ბოლოს კრისტოფი შეეშვა და თითქმის აღარც ელაპარა-  
კებოდა; ქალი მადლიერი დაურჩა. ორთავეს გულზე მოეშვებოდა ხოლმე, რო-  
ცა ექიმი ბრუნდებოდა. ბრაუნი მუდამ კარგ ხასიათზე იყო; ხმაურიანი, მუდამ  
მოფუხფუხს, ცოტა გაუთლელი, ჩინებული კაცი გახლდათ. ჭამდა, სვამდა,  
ლაპარაკობდა, გულოიანად იცინოდა. მასთან ანა ცოტა ამოიდგამდა ხოლმე ენას;  
მაგრამ მარტო კერძებზე და სანოვავის ფასზე ლაპარაკობდნენ. ხანდახან ბრაუ-  
ნი მის ქველ საქმიანებსა და პასტორის ქადაგებებსაც ვადასწავდებოდა, ცოლს  
გახელებას უწყებდა. ქალი მყისვე გაქვავდებოდა, დუმდებოდა შეურაცხყოფი-  
ლი და სადილის ბოლომდე ხმას არ იღებდა. უფრო ხშირად ექიმი თავისი ავად-  
მყოფების ამბავს უამბობდა კრისტოფს. ზოგ ამაზრუნენ შემთხვევას ისეთი  
ხალისითა და დაწვრილებით ჰყვებოდა, რომ კრისტოფს გული ელეოდა, ხელ-  
სახოცს სუფრასზე დააგდებდა, დგებოდა მთხრობელის გასახარად და გულარეუ-

ლი გაიკყანებოდა. ბრაუნი მაშინვე წყვეტდა თხრობას და სიცილით ამშვიდებდა მეგობარს. შემდეგ სადილზე ისევ თავიდან იწყებოდა ყველაფერი. ექიმის ამ ხუმრობათ უგრძობელი ანას გამხიარულების ნიჭი შესწევდათ. უეცრად ნერვიულად გაიცინებდა და რაღაც ცხოველური იყო ამ სიცილში. იქნებ კრისტოფზე ნაკლებ როდი ურევდა გულს ის, რაზედაც იცინოდა.

ნაშუადღევს კრისტოფს ცოტა მოწაფეები ჰყავდა. ჩვეულებრივ, შინ რჩებოდა ანასთან, ექიმი კი კვლავ მიდიოდა. ერთმანეთს ვერ ნახულობდნენ. თითოეული თავის კუთხეში მუშაობდა. თავში ბრაუნმა სთხოვა კრისტოფს, ჩემი ცოლიც წაამაცადინე დაკვრაშიო. მისთვის რომ გეკითხათ, ქალი საკმაოდ კარგი მუსიკოსი იყო. კრისტოფმა სთხოვა ანას, რამე დაუკარითო. ქალს თავ-პატიჟი არ დაუდგია, თუმცა სულაც არ ეხალისებოდა დაკვრა, მაგრამ დაკვრაშიაც მოხდენილობა აკლდა: უგულოდ უკრავდა, წარმოუდგენელის უგრძობლობით; ყველა ნოტი თანაბრად ქდერდა; არსად მახვილი არ იგრძნობოდა; გვერდი რომ ჰქონდა გადასაფურცლი, ცივად შეწყვიტა დაკვრა შუა ფრაზაზე, გადაშალა და აუჩქარებლად გააგრძელა მომდევნო ნოტიდან. კრისტოფი იმდენად გაამწარა ამ ამბავმა, რომ ძლივს შეიკავა თავი, უხეშობა რომ არ ეთქვა; ველარ გაუძლო და მანამ გამოვიდა ოთახიდან, სანამ ანა დაკვრას მორჩებოდა. ქალი ამას არ შეუწუხებია, წარბშეუხრელად განაგრძო დაკვრა, არც დართგუნვილი და არც შეურაცხყოფილი არ ჩანდა ამ უზრდელობით; თითქოს არც არაფერი შეუწინავეს. მაგრამ მას შემდეგ მუსიკის სწავლებაზე კრინტიც არ დაძრულა. ნაშუადღევს, როცა კრისტოფი ქალაქში გამოდიოდა და მოულოდნელად უწყვედა დაბრუნება, ზოგჯერ ანას პიანინოსთან მიმჯდარს უსწრებდა; ქალი უგრძობლად და უგემური დაჟინებით ორმოცდაათჯერ დაუღალავად იმეორებდა ერთსა და იმავეს ტაქტს და თავის ღღეში არ ეტყობოდა გამოცოცხლება. მაგრამ თუ კრისტოფი შინ ეგულებოდა, ინსტრუმენტს ახლოსაც არ ეკარებოდა. რაც სულის მარც საქმიანობათაგან დრო გადაურჩებოდა, ოჯახის საქმეს ახმარდა: კერავდა, ფუსფუსებდა; მსახურ ქალს თვალყურს ადევნებდა; მანიაკალურად უყვარდა სისუფთავე და წესრიგი. ქმარი ყოჩად, ცოტა უცნაურ ქალად თვლიდა — „როგორც ყველა ქალიაო“, — იტყოდა ხოლმე, — მაგრამ — „როგორც ყველა ერთგული ქალიაო“, — დააყოლებდა. ამ ბოლო შენიშვნაზე კრისტოფი *in petto*<sup>1</sup> თავს იკავებდა: ასეთი ფსიქოლოგია მეტისმეტად გამართლებულად ეხვენებოდა, მაგრამ გუნებაში ფიქრობდა, ეს ბოლოს და ბოლოს, ბრაუნის საქმეაო და ამაზე თავს აღარც იწუხებდა.

სალამობით, ნასადილევს, ერთად იყრიდნენ თავს. ბრაუნი და კრისტოფი საუბრობდნენ. ანა ხელსაქმობდა. ბრაუნი აღარ მოეშვა კრისტოფს და მანაც კვლავ იწყო დაკვრა, ღამის პირველ საათამდე უკრავდა ცუდად განათებულ დიდ სალონში, რომელიც ბალს გადაჰყურებდა. ბრაუნი ნეტარებდა... ვინ არ

<sup>1</sup> გულში (იტალ.).

იცნობს ასეთ ხალხს, გატაცებით რომ მოსწონთ ნაწარმოებები, რომელიც ცუდად, ან უკუღმა ესმით! — (სწორედ ამიტომაც უყვართ!) — კრისტოფი არ ჯავრობდა; ცხოვრებაში იმდენი ბრწყინვალე ჰყავდა ნანახი! მაგრამ ბრაუნის ზოგ უადგილო აღტაცებულ შეძახილზე დაკვირდა და თავის ოთახს მიაშურებდა. ბლოს ბრაუნმა გუმანით იგრძნო ამის მიზეზი და შთაბეჭდილებებს ისე ხმამაღლა აღარ გამოთქვამდა. თუმცა მალედაც მოჰყირჭდა მუსიკა; ყურადღებით თხუთმეტ წუთზე მეტს არ შეეძლო სმენა: გაზეთს დაველებდა ხელს, ან თვლემდა და კრისტოფს დაეხსნებოდა ხოლმე. შორს, ოთახის კუთხეში მიმჯდარი ანა ხმას არ იღებდა; მუხლებზე საკერავი ედო, თითქოს მუშაობდა, მაგრამ თვალები გაშტერებული ჰქონდა და ხელსაც არ ანძრევდა. ხანდახან მაშინ გავიღოდა ოთახიდან, როცა კრისტოფი შუა დაკვრაში იყო და უკან აღარ ბრუნდებოდა.

ასე გადიოდა დღეები. კრისტოფი ძალებს იკრებდა. ბრაუნის მძიმე, მაგრამ გულითადი სიკეთე, სახლში გამეფებული მყუდროება, წეს-რიგის ოჯახური ცხოვრება, მეტისმეტად უხვი საქმელ-სასმელი, გერმანელებს რომ უყვართ, მის მძლავრ ტემპერამენტს აღადგენდა. ჯანზე მოვიდა; მაგრამ მორალურად ისევ ავად იყო. ახლად ძალის მოცემა კიდევ უფრო უსვამდა ხაზს მისი გონების დაბნეულობას, გონებისა, რომელსაც ვერაფრით აღედგინა წონასწორობა, ცუდად დატვირთული კარჭაპივით მცირეოდენ დარტყმაზედაც ტორტმანებდა.

სულ განაპირებული იყო. ბრაუნთან სულიერად არაფერი ჰქონდა საერთო. ანასთან ურთიერთობა კი დილა-საღამოს გამარჯობა-გაგიმარჯოთი თუ შემოიფარგლებოდა. მოწაფეებთან უფრო მტრულ დამოკიდებულებაში იყო, რადგან სულ არ ცდილობდა დაემალა, მუსიკას საერთოდ თავი რომ დაანებოთ, თქვენთვის უმჯობესი იქნებაო. ეს მართე მისი ბრალი არ ყოფილა, მას შემდეგ, რაც მგლოვიარედ იყო, თავი განმარტობით ეჭირა. არც იკარებდნენ.

ძველ ქალაქში იყო, ჰკუთნა და ძალით სავსე, მაგრამ პატრიციული სიამაყით თავმომწონე, თავის თავში ჩაეკტილ და თავის თავით კმაყოფილ ქალაქში. პიეტისტ ბურჟუაზიულ არისტოკრატის, რომელსაც უყვარდა შრომა და ამბოღებული, მაგრამ შეზღუდული კულტურის მატარებელი გახლდათ, ურყევად სწამდა საკუთარი და თავის ქალქის უპირატესობისა და თავის კერიასთან განმარტობას არაფერი ერჩია. ძველ-ძველი ოჯახები ძალიან გამრავლებულიყვნენ. ყოველ ოჯახს დათქმული ჰქონდა დღე, როცა თავისიანებს იღებდა. სხვებს მაინცდამაინც ზალისით როდი უღებდა სახლის კარებს. ამ ძლიერ ოჯახებს, ასწლოვანი სიმდიდრე რომ დაეგროვებინათ, არავითარი სურვილი არ ჰქონდათ ამ სიმდიდრის გამოფენისა. ისინი იცნობდნენ ერთმანეთს, ეს საკმარისი იყო; სხვათა აზრი სათვალავში არ გახლდათ ჩასადგები. ზოგჯერ მილონერებს ისე ეცვათ, წვრილი ბურჟუები გეგონებოდით და თავიანთ მჭახე კილოკავზე ლაპა-

რაკობდნენ, საუბარში მარილიან გამოთქმებს ხმარობდნენ, ბეჯითად დაიარე-  
ბოდნენ თავიანთ კანტორებში, არც ერთ დღეს არ აცდენდნენ, მაშინაც კი,  
როცა იმ ხნისა მოიყრებოდნენ, როს ყველაზე უფრო შრომისმოყვარე ადამიან-  
ებიც კი თავს დასვენების უფლებას აძლევენ. მათ ცოლებს, დისახლისო-  
ბით მოჰქონდათ თავი. ქალიშვილებს არ ამზითვებდნენ. მდიდრები ახლა თავი-  
ანთ შვილებსაც აიძულებდნენ გაევლოთ ის მძიმე შეგირდობის გზა, თავად  
რომ განვლეს. საოცარი ხელმძოქრინეობით ცხოვრობდნენ. მაგრამ მათი ღირ-  
სება ის გახლდათ, რომ ხელოვნების ქმნილებებში, სურათების გალერეებსა და  
ქალაქის კეთილმოწყობაში ფულს უშურველად ხარჯავდნენ; საქველმოქმედო  
დაწესებულებებს, მუზეუმებს გამუდმებით უზარმაზარ თანხებს სწირავდნენ,  
თანაც თითქმის ყოველთვის ანონიმურად. სიდიადისა და სასაცილოს ეს ნაზა-  
ვი ერთნაირად ძველმოდური გახლდათ. ეს სამყარო, რომლისთვისაც ქვეყნის  
სხვა ნაწილი ფითქოს არ არსებობდა, — (თუმც კი ჩინებულად იცნობდა, საქ-  
მიანი გარიგების დროს შეხვედრია, ანდა სხვაგვარი ურთიერთობისას, ხან-  
გრძლივ და შორეულ სამეცნიერო მოგზაურობებში, რომლებშიაც ვაჟიშვილებს  
აღებინებდნენ მონაწილეობას), — ეს სამყარო, რომლისთვისაც დიდად სახელ-  
დებული კაცი, უცხოეთში განთქმული მხოლოდ იმ დღიდან გახდებოდა პატი-  
ვის ღირსი, როცა თავად მიიღებდა და აღიარებდა, — მეტად მკაცრ დისციპლი-  
ნას მონებდა. ყველა თავს იზღუდავდა და ყველა ერთმანეთს უთვალთვალებდა.  
აქედან წარმოსდგა კოლექტიური სინდისი, პიროვნულ განსხვავებას რომ  
ჩქმალავდა, რაიც ამ უხეშ ადამიანთა შორის უფრო გამოკვეთილი ჩანდა, ვიდ-  
რე სხვაგან, და ყველას რელიგიურ და მორალური ერთფეროვნების საბურ-  
ველით მოსავდა. არც ერთი არ აკლდებოდა წირვა-ლოცვას, ყველა მორწმუნე  
იყო. არც ერთს არ სწყევია ეჭვი, ანდა არ უნდოდა ამის გამჟღავნება. შეუძლე-  
ბელი იყო ჩასწვდომოდით, რა ხდებოდა ამ სულებს შიგნით, რომლებიც მით  
უფრო შეუვალად იკეტებოდნენ თავიანთ ნაჭუჭში და ცდილობდნენ გან-  
რიდებოდნენ სხვათა მზერას, რაკი იცოდნენ, გამუდმებით, გაფაციცებით  
თვალუჟრს გვაღვენებენო. და თითოეული თავს უფლებას ანიჭებდა სხვის  
სინდისში ჩაენედა. ამბობდნენ, რომ ისინიც, ვინც სხვა ქვეყნებს მოივლიდა  
და განთავისუფლებული ეგონა თავი, როგორც კი მშობლიურ ქალაქში დად-  
გამდა ფეხს, მაშინვე მონად უზდებოდა იქაურ ტრადიციებს, იქაურ ჩვეულებ-  
ებს, იქაურ გარემოს. მაშინ ყველაზე ურწმუნონიც კი იძულებულნი იყვნენ  
წირვა-ლოცვაზე ევლოთ და ღმერთი ეწამათ. ურწმუნოება ბუნების წინააღმდე-  
გი მოეჩვენებოდათ. ურწმუნოება მდაბიორთა საქმე იყო, თავის რიგიანი დაჰყ-  
რა რომ ამ იციან. როგორ იქნებოდა, რომ მათი მოდგმის კაცი რელიგიურ მო-  
ვალეობათ გაქცეოდა. ვინც წირვა-ლოცვას აკლდებოდა, თავის კლასს შორდ-  
ბოდა და აღარავისთან მიესვლებოდა.

მაგრამ მარტო ამას როდი სჯერდებოდნენ. ამ ხალხს თავი საკმარისად  
შებოქილად არ მიაჩნდა თავიანთ კასტაში. ამ დიდი Verein-ის შიგნით უამრ-

ვერს; Verein-ები მოიგონეს, რომ სულ დაეარტახებინათ თავი. ასობით ასე-  
ი ტულადობება მოიძევებოდა. ამხანაგობა დაედგინათ ერთსა და იმავე დროს  
რ. ლუკარი ქველმოქმედებისა და სავაჭრო საქმეებისათვის, ხელოვნების დარ-  
გე უმის, მეცნიერებათათვის, სიმღერისათვის, მუსიკისათვის, გონებრივი  
ვარჯიშათვის, ფიზიკური ვარჯიშისათვის, თავშეყრისათვის, უბრალოდ ერთად  
დრ. ტ. კასატარებლად; არსებობდა უბნების, კორპორაციების Verei-ები!  
მათ. უ. ვისაც ერთნაირი მდგომარეობა, ერთნაირი შემოსავალი ჰქონდა, ვინც  
ერთ. რი წონისა იყო, ვისაც ერთნაირი სახელი ერქვა. ამბობდნენ, ერთი  
Verein-ისათა Verei-ის! შექმნა სწადათ, იმათი Verei-ის, ვინც არც ერთ  
Verein-ს არ ეკუთვნისო. მაგრამ ასეთი თორმეტი კაციც არ აღმოჩნდა.

ამ სამმაგი კორსტის: ქალაქისა, კასტისა და დაჯგუფების შიგნით გამომ-  
წვედელი სული დაარტახებული იყო. იღუმალი იძულება თრგუნავდა ხასია-  
თებს. უმეტესობა ბავშვობიდანვე იყო შეჩვეული ამას — საუკუნეების მანძილ-  
ზე, და სასარგებლოდ მიაჩნდა. საზიანოდ და უმართებულოდ ჩათვლიდნენ  
უკორსტოდ გავლას. მათი კმაყოფილი ღიმილი რომ გენახათ, ვერავინ მიხვ-  
დებოდა, ამ ხალხს თუ რამე აწუხებდა. მაგრამ ბუნება შურს მაინც იძიებდა —  
დროდადრო ამ წრიდან მოჯანყე პიროვნება, ძლიერი ხელოვანი ან თამამი მოა-  
ზროვნე გამოდიოდა, რომელიც უხეშად ამსხვრევდა ბორკილებსა და ქალაქის  
მთავალყურეთ ბევრ თავში საცემ საქმეს უჩინდა. მაგრამ ქალაქის თავკაცები  
ისეთი ჭკვიანები იყვნენ, რომ თუ აჯანყებას ჩანასახშივე ვერ ჩაახშობდნენ, თუ  
ჯანყი სძლევდათ, არ ჯიუტობდნენ და მისთან ბრძოლაზე ხელს იღებ-  
დნენ (ბრძოლას შეიძლებოდა სკანდალური გამოძახილი მოჰყოლოდა);  
ისინი მოჯანყეს ეპატრონებოდნენ, მოისყიდნენ ხრლმე. თუ მხატვარ-  
ი იყო, მუზეუმში გამოჰფენდნენ, მოაზროვნეს — ბიბლიოთეკაში მოა-  
ყუჩებდნენ. შეამბოხე ამაოდ ილლიდა თავს უკმეხი სიტყვების ძახი-  
ლით, ყველას ისე ეჭირა თავი, თითქოს არაფერი ესმოდა. ტყუილად  
იცავდა დამოუკიდებლობას: თავის რიგებში აყენებდნენ. ამგვარად აუე-  
ნებლებდნენ საწამლაის მოქმედებას: ეს ჰომეოპათიით მკურნალობა გახლ-  
დათ — მაგრამ ასეთი შემთხვევები მცირე იყო. აჯანყებათა უმეტესობა სამ-  
ზეოზე არც გამოდიოდა. ეს მყუდრო სახლები ბევრ უცნობ ტრავგედიას მალავ-  
და. ხდებოდა ისე, რომ ზოგიერთი მათგანის პატრონი მშვიდი ნაბიჯით გამო-  
დიოდა შინიდან, არავის არაფერს უბარებდა და მდინარეში იღრჩობდა თავს, ან  
იკეტებოდა ექვსი თვით, ან საავადმყოფოში გამოკეტდა ცოლს, რომ შეშლი-  
ლობისათვის ეწამლა. ამაზე შეუფარავად ლაპარაკობდნენ, როგორც ბუნებ-  
რივ რამეზე, ისეთის თვინიერებით, ამ ქალაქელთა ერთ საქებურ ზნეს რომ  
შეადგენდა, რომელსაც არ ღალატობდნენ არც სატანჯველში და არც სიკვდი-  
ლის პირისპირ.

<sup>1</sup> საზოგადოება, დაჯგუფება (გერმ.).

ეს სოლიდური ბურჟუაზია თავის თავის მიმართ მკაცრი იყო, რად დაცი-  
სი ფასი იცოდა; სხვების მიმართ კი ნაკლებ მომთხოვნი გახლდათ, რაშინა ამ  
სხვებს ნაკლებ პატივსა სცემდა. კრისტოფივით მათ ქალაქში ჩამოსულე აცხო-  
ვლებს; გერმანელ პროფესორებს. პოლიტიკურ ლტოლვილებს, საკმაოდსანდბე-  
რალურად ეპყრობოდა, რადგან ისინი დიდად არ აინტერესებდა. თანაცლკვარ-  
და გონიერება. მოწინავე აზრები არ აშფოთებდა: იცოდა, რომ მის შტ, იებს  
ეს აზრები ვერ მოინადირებდა. თავის სტუმრებს გაყინული თავაზით ხტებო-  
და, რაც დაახლოების საშუალებას არ აძლევდათ.

კრისტოფს დაძალება არ სჭირდებოდა, მგრძნობიარობა ისედაც უკიდუ-  
რესად გამახვილებული ჰქონდა. მისი გული გაშიშვლებული იყო: ყველგან  
უწინარეს ყოვლისა ეგოიზმს, განუტრჩეველობას ხედავდა და თავის თავში იკე-  
ტებოდა.

ამას ზედ ისიც ერთვოდა, რომ ბრაუნის პაციენტები, ვიწრო წრე, რომელ-  
საც მისი ცოლი ეკუთვნოდა, განსაკუთრებით მკაცრად განწყობილ პროტეს-  
ტანტულ სამყაროს შეადგენდა. კრისტოფს ორმაგად ცუდი თვალთ უმზერ-  
დნენ, როგორც დაბადებით კათოლიკესა და არსებითად ურწმუნოს. თავის  
მხრივ კრისტოფიც ბევრ რასმე ამჩნევდა ისეთს, რაც საჩოთიროდ მიაჩნდა.  
მერე რა, რომ ღმერთი არ სწამდა, საუკუნოვანი კათოლიციზმის დალი ესვა,  
უფრო პოეტურისა, ვიდრე გონითის, ბუნებისადმი ლმობიერებას რომ იჩენს,  
უფრო იმაზე ზრუნავს, უყვარდეს თუ არ უყვარდეს, ახსნასა და გაგებაზე რო-  
დი იმტკრებს თავს. კრისტოფს ინტელექტუალური და მორალური თავისუფლე-  
ბაც, პარიზში რომ შეეთვისებინა, ჩვევად ჰქონდა ქცეული; ახლა კი იძულე-  
ბული იყო შეჭახებოდა ამ პატარა, ღვთისმოსავ სამყაროს, სადაც კალენის-  
ტური სულსკვეთების ბევრი ნაკლი გაზვიადებულად ეჩვენებოდა. აკვირებ-  
და რელიგიური რაციონალიზმი, რომელიც ფრთას აკვეცდა რწმენას და უფს-  
კრულზე გადმოკიდებულს ტოვებდა, რადგან იმ a priori-დან<sup>1</sup> გამოდიოდა.  
რომელიც ისევე საკამათო იყო, როგორც ყველა მისტიციზმი; ეს აღარც პოე-  
ზია იყო და აღარც პროზა, ეს პროზად გარდათქმული პოეზია გახლდათ. ინტე-  
ლექტუალური მზვაობრობა, აბსოლუტური, სახიფათო რწმენა გონებისა, —  
მათი გონებისა. მათ შეეძლოთ არ ერწმუნათ ღმერთი, არც სულის უკვდავება;  
მაგრამ გონებისა კი სწამდათ ისე, როგორც კათოლიკეს სწამს პაპისა, ან ფეტი-  
შისტს — თავისი კერპისა. ცხოვრება თუ ხშირად საწინააღმდეგოს ამტკიცებ-  
და, უწინ ცხოვრებას უარყოფდნენ. არაფერი გაეგებოდათ ფსიქოლოგიისა,  
ბუნების დამალული ძალებისა, არსების ფესვებისა, „მიწის სულისა“. ბავშვურ  
ცხოვრებას იწყობდნენ, ბავშვურ მიამიტ და პრაქტიკულ არსებებს ზრდიდნენ;  
მათ ბევრი წაეკითხათ, ბევრი რამ ჰქონდათ ნანახი, მაგრამ არაფერს ხედავდნენ,

<sup>1</sup> წინასაწარ დადგენილი (ლათ.).



არაფერს კითხულობდნენ ისე, როგორც სინამდვილეში იყო; ყველაფერი აბსტრაქტულ განზოგადოებამდე დაჰყავდათ. სისხლნაკლულები იყვნენ; მაღალი მორალური თვისებები გააჩნდათ, მაგრამ საკმაო ჰუმანურობა არ მოსდევდათ. ეს კი უმძიმესი ცოდვაა. მათი ალაღმართლობა ხშირად ერთობ კეთილშობილური და გულუბრყვილო, ზოგჯერ სასაცილოც, საუბედუროდ ხშირ შემთხვევაში ტრაგიკულად შემობრუნდებოდა; ამ უმწიკვლოების გამო იყო, სხვებს უხეშად რომ ეპყრობოდნენ, მრისხანების გარეშე, სხვის უბედურებაზე გული არ შეუტოკდებოდათ, თან თავის სიმატლეში ისე იყვნენ დარწმუნებულნი, მნახველს თავზარს დასცემდნენ. ან კი როგორ უნდა ეყოყმანათ? განა ჭეშმარიტება, უფლება, სათნოება ხელთ არ ეპყრათ? განა თავიანთი სულიწმინდის გამოცხადებას არ ესწრებოდნენ? გონება მკაცრი მზეა; ანათებს, მაგრამ აბრმავებს კიდევ. ამ მშრალ, უორთქლო და უჩრდილო სინათლეში გაუფერულებული სულები დაფარფატებენ; გულის სისხლი დაწრეტილი აქვთ.

კრისტოფის დღეში მყოფი კაცისათვის თუ რამ უაზრო გახლდათ, ეს გონება იყო. ეს მზე მის თვალში მხოლოდ უფსკრულის ტიხარს ანათებდა, მისგან თავის დასაღწევ გზას კი არა, და არც ამ უფსკრულის სიღრმის გაგების შესაძლებლობას იძლეოდა.

რაც შეეხებოდა არტიტულ საჩყაროს, კრისტოფს ცოტა შემთხვევა და კიდევ უფრო ნაკლები სურვილი ჰქონდა, გზა გაეკაფა მისკენ. მუსიკოსები უპირატესად ნეო-შუმანიანელი და „ბრამინული“ ეპოქის პატიოსანი კონსერვატორები იყვნენ, რომელთაც წინათ კრისტოფმა ბევრი შუბი შეაღწეა. მართლი იყო გამოწაკლისი: ორღანისტი კრებსი, საკონდიტროს მფლობელი, კეთილი კაცი და ჩინებული მუსიკოსი (უფრო უკეთესიც იქნებოდა, ერთი მისი თანამემამულის სიტყვებით რომ ვთქვათ, „ისეთ პეგასზე რომ არ ყოფილიყო გადამჭდარი, რომელსაც ქერი თავზე საყრელად ჰქონდა“) და ახალგაზრდა ებრაელი კომპოზიტორი, თვითმყოფადი ნიჭის პატრონი, ღონიერი და მშფოთვარე კაცი, რომელიც შვეიცარიული საქონლით ვაჭრობდა: ყიდდა ხის ქანდაკებებს, შალეებსა და ბერნის<sup>1</sup> დათევბს. ესენი სხვებზე უფრო დამოუკიდებელნი იყვნენ, უთუოდ იმიტომ, რომ ხელოვნება ხელობად არ გაეხადათ, კრისტოფსაც სიამოვნებით შეეთვისებოდნენ და სხვა დროს კრისტოფიც უეჭველად ისურვებდა მათ გაცნობას, მაგრამ ამ დღეში მყოფს არტიტულიცა და ადამიანური ცნობისმოყვარეობაც დასჩლუნგებოდა; უფრო იმას გრძნობდა, რაც კაცთაგან აშორებდა, ვიდრე იმას, რაც აკავშირებდა.

მისი ერთადერთი მეგობარი და გულისთქმათა მესაიდუმლე მდინარე იყო, აქ ქალაქს რომ კვეთდა — იგივე მძლავრი და მამობრივი მდინარე, იქ, ჩრდილოეთში მის მშობლიურ ქალაქს რომ ჩამოუღიოდა. კრისტოფს მის სიახლო-

<sup>1</sup> დათვი ქ. ბერნის სიბოლოა. აქ: პატარ-პატარა ხის დათევბს.)

ვეს თავისი ყმაწვილური ოცნებანი აგონდებოდა... მაგრამ ახლა, გლოვით მოცულისათვის ისინი რაინივით სამგლოვიარო შეფერილობას იღებდნენ. მიმწუნრისას სანაპიროს მოაჯირზე დაყრდნობილი კრისტოფი გაჰყურებდა მშფოთვარე მდინარეს, ამ შენეივთულ მასას, მძიმეს, მღვრიესა და აჩქარებულს, რომელიც მუდამ მიედინებოდა, შიგ მხოლოდ დიდი, მოძრავი ტალღის ქოჩრები მოჩანდა, ათასობით ნაკადული, ნაკადი, ნიაღვარი, რომლებიც იხატებოდნენ და იშლებოდნენ, ვით სახეთა ქაოსი ჰალუცინირებულ გონებაში; მარად იზადებოდნენ და მარად ერწყმოდნენ ერთმანეთს. ამ მრუმე სიზმარში კუბობევივით მოცურავდნენ აჩრდილებივით აჩონჩხილი ბორნები. ზედ კაცის ჰაჰანება არ იყო. ღამე შენეივთებოდა. მდინარე ბრინჯაოსაგან ჩამოსხმულს ემგვანებოდა. ნაპირის სინათლეები თავიანთ ჯავშანს აელვებდნენ შავი მელნის მსგავსად, მუქ ელვებს რომ გაჰყრის ხოლმე. გაზის სპირენძისფერი ათინათები, ელექტრონული ვეება ფარნების მთვარის ნათელს მინამგვანი ანარეკლები, ფანჯრებში აკიაფებულ სინათლეთა სისხლიანი ანარეკლები. მდინარის დუღუნი, ზღვაზე მწუხარე, მარადიულ ჩქამი თავისი მონოტონურობით ავსებდა წყვიდადს.

კრისტოფი საათობით აყურადებდა ამ სიკვდილისა და მოწყენილობის სიმღერას. უმძიმდა რაინთან განშორება — როდის-როდის ბრუნდებოდა შინ შუაზე გაცვეთილი, აგურისსაფეხურებიანი ციცაბო კიბეებით; სულთან-ხორციანა გატეხილი კედელში ჩაჭვიდილ, მზინავ რკინის მოაჯირებს ებრაუჭებოდა, რომელთაც ზემოდან ბნელით მოსილი ეკლესიის უკაცურ მოედანზე მდგარი ფანრები ანათებდნენ.

აღარ ესმოდა, რად ცოცხლობდნენ ადამიანები. როცა გაახსენდებოდა ბრძოლები, რომელთა მომსწრეც თავად ყოფილა, სევდიანი ალტაცებით ფიქრობდა ამ კაცობრიობაზე, რწმენა ძვალსა და რბილში რომ ჰქონდა გამჯდარი. იდეები იჭერდნენ საწინააღმდეგო იდეათა ადგილს. ყოველ ქმედებას უკუქმედება მოსდევდა: დემოკრატიზმი, არისტოკრატია; სოციალიზმი, ინდივიდუალიზმი; რომანტიზმი, კლასიციზმი; პროგრესი, ტრადიცია; და ასე უკუნითი უკუნისამდე. ყოველ ახალ თაობას, ათ წუთზე ნაკლებ დროში რომ გასდიოდა ყავლი ერთნაირის გატაცებით სწამდა, მარტო ჩვენ მივალწიეთო მწვერვალს და თავისი წინამორბედებს ქვების სროლით ძირს ამხობდა; ღელავდა, ყვიროდა, ითვისებდა ძალაუფლებასა და დიდებას, მერე ახალმოსულები ქვებს რომ დააყრიდნენ, ძირს მოდიოდა კოტრიალით და თავადაც ქრებოდა. ახლა ვისი ჯერი იყო?..

მუსიკის თხზვა კრისტოფისათვის თავშესაფარად არ გამოდგებოდა. თხზავდა ნაწყვეტ-ნაწყვეტ, ჟამიდან ჟამს, უმიზნოდ. ეწერა? ვისთვის ეწერა? ხალხისთვის? ახლა საშინლად სძულდა ადამის მოდგმა. თავისთვის? ზედმიწევნით გრძნობდა ხელოვნების ამაოებას, რაკი არ ძალუძდა სიკვდილის სიცარიელის ამოვსება. მარტო მისი ბრმა ძალადა აღაფრენდა ხანდახან მძლავრის

ფრთით და ისევ ძირს ენარცხებოდა დამსხვრეული. საავდრო ღრუბელი იყო, წყვდიადში რომ გრუხუნებს. ოლივე რომ წავიდა ამქვეყნიდან, აღარაფერი დარჩა, აღარაფერი. გააფთრებით უმხედრდებოდა ყველაფერს, რაც უწინ მის ცხოვრებას ავსებდა: გრძნობებს, აზრებს, საკაცობრიო რომ ეგონა. დღეს ეჩვენებოდა, თავს ვიტყუებდი, ილუზიის სათამაშო ვყოფილვარო. მთელი სოციალური ცხოვრება უზარმაზარ გაუგებრობაზე გახლდათ დაფუძნებული, რომლის წყაროც ენა იყო... შენა გგონია, რომ შენი ფიქრი სხვათა ფიქრს გაუგებს? კავშირი მარტოოდენ სიტყვებშია. შენ ამბობ და ისმენ სიტყვებს; არც ერთ სიტყვას არა აქვს ერთი და იგივე მნიშვნელობა. ორი წარმომთქმელი ბაგისათვის. ეს კიდევ არაფერია: არც ერთ სიტყვას, არც ერთს არა აქვს თავისი აზრი სიცოცხლეში. სიტყვები განცილებილი ღინამღვილის საზღვრებს სცილდებიან. შენ იტყვი, სიყვარული და სიძულვილი... არ არსებობს სიყვარული; არც სიძულვილი, არც მეგობრები არსებობენ, არც მტრები, არც რწმენა, არც ვნება, არც კეთილი, არც ბოროტი. არის მხოლოდ იმ სინათლის ცივი ათინათი, საუკუნეების წინ, ჩამქრალი მზიდან რომ ეცემა... მეგობრებიო? ცოტა როდია ხალხი, ამ სახელის მითვისება რომ სურს!.. ეს რა დუხჭირი სინამღვილეა! რა არის მათი მეგობრობა, ან მეგობრობა საერთოდ, ჩვეულებრივი მნიშვნელობით? ცხოვრების რამდენ. წუთს უთმობს მეგობრის მქრქალ ხსოვნას ის, ვისაც მეგობრად მოაქვს თავი? რას შესწირავდა, აუცილებელთაგან კი არა, რაც ზედმეტი აქვს, მოცალეობიდან, მოწყენილობიდან? მე რა შეეწირე ოლივეს? — (აჟი კრისტოფი თავისათვისაც კი არ აკეთებდა გამონაკლისს, მარტო ოლივე ჰყავდა გამორჩეული იმ არარიდან, სადაც ყველა სულდგმულს უყრიდა თავს) — ხელოვნება სიყვარულზე მართალი როდია. რა ადგილი უჭირავს მას სინამღვილეში, ცხოვრებაში? რა სიყვარულით უყვარდა იგი მათ, ვინც მის ტრფიალს ჩემობს?... კაცურ გრძნობათა სიღარიბე შემზარავია. ჯიშის ინსტიქტის, ამ კოსმიური ძალის გარეშე, რაიც სამყაროს ბერკეტად ქცეულა, ყველაფერი მხოლოდ ემოციათა მტვერია და მეტი არაფერი. ადამიანთა უმეტესობას საკმაო სიცოცხლე არ გააჩნია, რომ მთლიანად მიეცეს რამე ვნებას. ისინი თავს იზოგავენ ფრთხილის კრიქანგობით... ყველაფერს ეღებებიან ცოტ-ცოტაობით, მთლიანად კი არ ინთქმებიან არაფერში. ის, ვინც უანგარიშოდ ეძლევა ყველა საქმეს, რასაც ხელს მოჰკიდებს, - ყველაფერს, რასაც ტანჯვით იტანს, რაც უყვარს, რაც სძულს — ყველაზე ღიდი მფლანგველია, რომელსაც კი უცხოვრია ღელამიწაზე. ვნება ღვთიური ნიჭითაა: იგი სასწაულია. შეიძლება ითქვას, რომ არც კი არსებობს!...

ასე ფიქრობდა კრისტოფი; და ცხოვრება საშინლად უპირებდა გამტყუნებას. სასწაული ყველგანა ბუდობს, ისევე, როგორც ცეცხლი ყველა ქვაში: გაჰკრავ და ნაპერწკლებსაც გაჰკრის. ჩვენ წარმოდგენაც არა გვაქვს ღემონებზე, ჩვენს სულში რომ თვლემენ...

Pero non mi destar. dèhl parla basso!<sup>1</sup>  
ნუ გამადვიძებთ, ო, ჩურჩულით ილაპარაკეთ!

ერთ საღამოს, როცა კრისტოფი პიანინოს უჯდა და იმპროვიზაციას ეწეოდა, ანა, როგორც ხშირად სჩვეოდა კრისტოფის დაკვირვებას, ადგა და გავიდა. ეტყობა, მუსიკა მოწყენილობას ჰგვრიდა. კრისტოფი ამას უკვე აღარ აქცევდა ყურადღებას: სულაც არ აღარდებდა, ქალი რას ფიქრობდა. დაკვირა განაგრძო; უეცრად დაკრულის ჩაწერა მოუნდა, წამოხტა და თავის ოთახისაკენ გაიქცა ქაღალდის მოსატანად. მეზობელი ოთახის კარი რომ გააღო და თავდახრილმა წყვილიადმი გააბიჯა, შემოსასვლელში მდგარ უძრავ სხეულს შეასკდა. ანა იყო... შეჯახებისა და გაოცებისაგან ყმაწვილ ქალს ყვირილი აღმოხდა. კრისტოფი შეშინდა, რამე ხომ არ ვატყინეო და ალერსით დაუჭირა ორთავ ხელი. ქალს ხელები გაყინული ჰქონდა. თვითონაც თითქოს ცახცახებდა, — უეცარი ელდისაგან? რაღაც გაუგებრად ჩაილულლულა:

— სასადილო ოთახში ვექებდით...

კრისტოფს არ გაუგია, რას ეძებდა; იქნებ ქალს არც უთქვამს ეს. უცნაურად მოეჩვენა, სიბნელეში, უსინათლოდ რას დაექებო, მაგრამ ისე იყო შეჩვეული ანას უცნაურ ქცევას, რომ ყურადღება არ მიუქცევია.

ერთი საათის შემდეგ ისევ პატარა სალონში იყო, სადაც საღამოებს ატარებდა ბრაუნთან და ანასთან ერთად. მაგიდას უჯდა, წინ ლამპა ედგა და წერდა. მაგიდის მეორე მხარეს, მარჯვნივ მჯდარი ანა თავის საკერაზე დახრილიყო. მათ უნა, დაბალ სავარძელში, ცეცხლის პირას მიმჯდარი ბრაუნი ჟურნალს კითხულობდა. სამივე ღუმდა. დროდადრო ისმოდა, ბალის ქვიშაზე როგორ ეშხაპუნებოდა წვიმა. სულ რომ განმარტოებულიყო, კრისტოფი სანახევროდ შემობრუნდა და ზურგი აქცია ანას. მის წინ, კედელზე სარკე ეკიდა და ირეკლავდა მაგიდას, ლამპას და თავ-თავიანთ სამუშაოზე დახრილ მათ თავებს. კრისტოფს მოეჩვენა, რომ ანა უყურებდა. ჯერ ყურადღება არ მიუქცევია, მერე ისე აეკვიტა ეს აზრი, რომ შეწუნდა, კვლავ აიღო თავი და დაინახა... ქალი მართლაც მისჩერებოდა. მერედა რა თვალებით! კრისტოფი განაცვიფრა ამ მზერამ, სუნთქვა შეეკრა და თავადაც თვალთვალი დაუწყო. ქალმა არ იცოდა, კრისტოფი თუ აკვირდებოდა. ლამპის შუქი ეცემოდა მის ფერმკრთალ სახეს, რომლის სერიოზულ გამომეტყველებასა და ჩვეულ მდუმარებას უცნაური რამ ძალა ახლდა. თვალები, მისი უცნობი თვალები, რომელთა მოხელთებაც თავის დღეში ვერ შეძლო კრისტოფმა, მისთვის მიეშტერებინა: მუქი ცისფერი, ფართოგუბებიანი თვალების მზერა მწველი იყო და მკაცრი; უთვალთვალბდნენ, სულში უძვრებოდნენ კრისტოფს უსიტყვო და ჯიუტი მგზნებარებით.

<sup>1</sup> (იტალ.) — თარგმანი ზივი გეგუპკორისა. წარწერა მიქელანჯელოს ქანდაკების — „ღამის“ კვარცხლბეკზე.

მისი თვალები? განა შეიძლებოდა ეს მისი თვალები ყოფილიყო? კრისტოფი ხედავდა მათ და თვალს არ უჯერებდა. მართლა მათ ხედავდა? უეცრად შემობრუნდა... ქალს თვალების დახრა მოესწრო. კრისტოფი შეეცადა გამოლაპარაკებოდა, ეიძულებინა სახეში შემოეხედა. ანა გულგრილად გამოეპასუხა, ისე, რომ ხელსაქმიდან არც აუღია თავისი მოცისფრო, მოკლე და ხშირწამწამებიან ქუთუთოებს შეფარებული თვალები. კრისტოფი დარწმუნებული რომ არ ყოფილიყო თავის თავში, იფიქრებდა, თვალმა მომატყუაო. მაგრამ ხომ ნახა...

მაინც, რაკი სამუშაოთი იყო გატაცებული და ანა დიდად არ აინტერესებდა, ეს უცნაური შთაბეჭდილება მალე გაუნელდა.

ერთი კვირის შემდეგ პიანინოზე ცდიდა ერთ თავის lied-ს,<sup>1</sup> რომელიც ის იყო, შეეთხზა. ბრაუნს სხვა ქმრებივით ცოლის ნიჭით თავმოწონება სჩვეოდა, თან ანას ვახელებაც უყვარდა და ამ საღამოს განსაკუთრებით ჩამოაცივდა, იმღერეო. ჩვეულებრივ ანა იმას დააჯერებდა, რომ მშრალად ეტყოდა უარს; მერე თხოვნა-ვედრებასა და ხუმრობაზე პასუხის გაცემითაც არ იწუხებდა თავს; ტუჩებს მაგრად მოკუმავდა და თითქოს არც ესმოდა არაფერი. ამჯერად, ბრაუნისა და კრისტოფის გასაოცრად, ხელსაქმე მაგიდაზე დადო და პიანინოსთან მივიდა. იმღერა ნაწყვეტი, რომელიც თავის დღეში არ წაეკითხა. ეს სასწაულს ჰგავდა, ნამდვილ სასწაულს. მისი ხმა, ღრმა ტემბრის მქონე ხმა არაფრით ჰგავდა ცოტა ხრინწიანსა და ყრუ ხმას, საუბრისას რომ ჰქონდა. პირველსავე ნოტიდან თავდაჯერებულს უხერხულობის ნატამალიც არ აჩნდა; ძალადატუნებლად ანიჭებდა მუსიკალურ ფრაზას ამაღლელებელსა და წმინდა სიდიადეს; და ვნებათა ისეთ მგზნებარებას მისწვდა, რომ კრისტოფს გააყრყოლა: რადგან ეს ხმა საკუთარი გულის ძახილი ეგონა. გაოგნებული შეჰყურებდა ქალს, სანამ იგი მღეროდა და თითქოს პირველად დაინახა. დაინახა მისი მონისლული თვალები, სადაც ველურობის სხივი ენთო, მისი დიდრონი, ვნებიანი ტუჩები, კარგად მოყვანილი ბაგე, ცოტა მძიმე და სასტიკი, ავზორცი ღიმილი, მისი სალი და თეთრი კბილები, მისი ღამაზი, ღონიერი ხელები, რომელთაგან ცალი პიანინოს პიუპიტრზე დაეყრდნო, და ძლიერი სხეული, შემოტმასნილ ტანისამოსს რომ დაეუშნოებინა, კნინ ცხოვრებას ჩამოეხმო, მაგრამ მაინც იგრძნობოდა ახალგაზრდა, ძალ-ღონით აღსავსე და ჰარმონიული რომ იყო.

ქალმა შეწყვიტა სიმღერა, კვლავ დაჯდა და მუხლებზე დაიწყო ხელები. ბრაუნმა შეაქო, მაგრამ შენიშნა, სიმღერას ცოტა სინაზე აკლდაო. კრისტოფს არაფერი უთქვამს; უსიტყვოდ აკვირდებოდა ანას. ქალს იღუმალი ღიმილი დასთამაშებდა ბაგეზე, რაკი იცოდა, კრისტოფი მიყურებსო. იმ საღამოს სულ

<sup>1</sup> სიმღერა (გერმ.).

მღუმარედ ისხდნენ. ქალი გრძობდა, რომ თავის თავზე მალლა ასულიყო, ან იქნებ პირველად იქცა „იმაღ“, რაც სინამდვილეში გახლდათ. თავად არ იცოდა რატომ.

იმ დღიდან მოკიდებული კრისტოფმა ანას ყურდლებით დაუწყო დაკვირვება. ანა კვლავ დამუნჯებულიყო, ცივი განურჩევლობა და მუშაობის გააფთრებული ჟინი, ქმარიც კი მოთმინებიდან რომ გამოჰყავდა, კვლავ დაუბრუნდა; ამეებში ახშობდა თავისი მღელვარე ბუნების ბნელ აზრებს. კრისტოფი ამაოდ უთვალთვალებდა, ქალში მხოლოდ პირველი დღეების ქედმაღალ ბურჯუას ხედავდა. ხანდახან ქალი გარინდებოდა უსაქმოდ, თვალეზგაშტერებული. ასე დატოვებლით და ასევე დაგზვდებოდათ თხუთმეტი წუთის შემდეგ: ერთს არ შეტოკდებოდა. როცა ქმარი ჰკითხავდა, რაზე ფიქრობო, გარინდებიდან გამოიღვიძებდა, გაიღიმებდა და მიუგებდა, არაფერზეო. საოცარი ის იყო, რომ მართალს ამბობდა.

არაფერს შეეძლო ჩვეული სიმშვიდიდან გამოეყვანა. ერთ დღეს, როცა ტანთ იცვამდა, სპირტიანმა ლამპამ იფეთქა. ერთ წუთში მოედო ირგველივ ალი. მსახური გაიქცა ბლავილით, ვიწვით, გვიშველეთო. ბრაუნს თავგზა აებნა, ყვირილი მორთო და კინაღამ გული შეუღონდა. ანამ მოიგლიჯა თავისი პენუარის დუგმები, სწრაფად ჩაიცურა თეძოებზე ქვედაწელი, რომელსაც უკვე ცეცხლი ედებოდა და ფეხით დაუწყო ქელვა. როცა შეშინებული კრისტოფი მოიპრა გრაფინიანა, სულელურად რომ სტაცა ხელი, დაინახა სკამზე ასული მხრებმოშვივლებული ანა, ქვადატანის ამარა, ხელებით მშვიდად რომ აქრობდა ფარდებზე მოდებულ ცეცხლს. ხელები დაეწვა, მაგრამ კრინტიც არ დაუძრავს ამაზე, მართო იმაზე ჩანდა ნაწყენი. რომ ასე ჩაუცმელს, მოუსწრეს. გაწითლდა, მოუხერხებლად დაიფარა ხელებით გულმკერდი და ღირსებაშელახული ქალის იერით გაიქცა მეზობელ ოთახში. კრისტოფი ალტაცებაში მოიყვანა მისმა სიმშვიდემ; მაგრამ ვერ გეტყოდათ, ეს სიმშვიდე ანას სიმამაცეზე მეტყველებდა თუ მის უგრძობლობაზე. მეორე მოსაზრება უფრო სარწმუნოდ იჩვენებოდა. მართლაც ამ ქალს თითქოს არაფერი აინტერესებდა, არც სხვები, არც საკუთარი თავი. კრისტოფს ეჭვი ეპარებოდა, ნეტა გული თუ აქვსო.

ერთი შემთხვევის შემდეგ კი, რომლის მოწმეც შეიქნა, ეს ეჭვიც გაუქარწყლდა. ანას პატარა შავი ფინია ჰყავდა, ჰკვიანი და მოალერსე, სახლში ყველა რომ ანებივრებდა. ბრაუნი მასზე ჰკუჟას კარგავდა. კრისტოფსაც თავის ოთახში აჰყავდა, როცა სამუშაოდ იკეტებოდა და კარდახურულში მუშაობის მაგიერ ხშირად ეთამაშებოდა. როცა კრისტოფი გამოდიოდა, ფინია ზღურბლთან უდარაჟებდა და აედევნებოდა ხოლმე, სეირნობისას გამყოლი რომ ჰყოლოდა. ძალი კრისტოფის წინ მიხტოდა, მიწას ფხაჰნიდა და ისე სწრაფად აბიჯებდა ფეხებს, გევონებოდათ, მიფრინავსო. დროდადრო შეჩერდებოდა თავისი სიმკვირცხლით გაამაყებული და მკერდწამოზიდული, წელში გაზნეჟილი პატრონს

შემოპყურებდა. ზოგჯერ დიდ ვინმედ მოჰქონდა თავი; გაშმაგებით უყვოდა ხის მორს, მაგრამ როგორც კი შორით მეორე ძალს მოჰკრავდა თვალს, მაშინვე მოჰქურცხლავდა და აკანკალებული კრისტოფის ფეხებშუა აფარებდა თავს. კრისტოფი დასცინოდა. და კიდევ მეტად უყვარდა. მას შემდეგ, რაც ჩამოსცილდა ადამიანებს, თავს ცხოველებთან უფრო მახლობლად გრძნობდა; საბრალონი რომ იყვნენ, იმიტომ. ამ საბრალო ცხოველებს თუ კარგად მოეპყარ, მთელის არსებით მოგენდობიან! 'კაცია მათი ცხოვრებისა და სიკვდილის სრული განმგებელი, ამიტომ ცუდად თუ მოეპყრო ამ სუსტ არსებებს, რომელთა ბედიც მასზე ჰკიდია, ბოროტად იყენებს საზიზღარ ძალაუფლებას.

მოსიყვარულე ლეკვი თუმც ყველას ელაქუცებოდა, მაინც ანა ჰყავდა გამორჩეული. ქალი არაფერს აკეთებდა, რომ მიეზიდა იგი, მაგრამ ჭშირად კც ეფერებოდა, კალთაში. ისევამდა, მის სმა-ჰამას მეთვალყურეობდა და ერთის შეხედვით იმდენად უყვარდა, რამდენადაც საერთოდ შეეძლო სიყვარული. ერთ დღეს ძალღი ავტომობილის ბორბლებქვეშ ჩავარდა. თითქმის პატრონების თვალწინ გაჰყლიტეს. ჭერ კიდევ სული ედგა და საბრალოლად წკაცვკაცებდა. ბრაუნი თავშიშველი გაიქცა სახლიდან; ადლო გასისხლიანებული პირუტყვი და ცდილობდა, როგორმე მაინც შეემსუბუქებინა მისი ტანჯვა. ანაც მივიდა, დახედა გოშის, მაგრამ არც დახრილა, ზიზლით დაიძანჭა და წავიდა. თვალცრემლიანი ბრაუნი უკანასკნელ წუთამდე არ მოსცილებია, ძალმა მის ხელში დალია სული. კრისტოფი გამალებით სცემდა ბოლთას ბაღში და ხელებს მუშტებად ჰკრავდა გამწარებული. უცებ გაიგონა, ანა მშვიდად რომ უბრძანებდა რაღაცას მოსამსახურეს და უთხრა:

— ნუთუ სულ არ გებრალებათ?

ქალმა მიუგო:

— მაინც ვერაფერს ვუშველით, სჯობს, აღარ ვიფიქროთ ამაზე.

კრისტოფის სიძულელი აღეძრა მისდამი; მერე პასუხის უხიაკობამ განაცვიფრა; და გაეცინა. თავს ეუბნებოდა, ანას რეცეპტი უნდა გამოვართვა, სამწუხარო ფიქრები როგორ გადავიგდო გულიდანო. რა საამურიცა ცხოვრება მისთვის, ვისაც გული არ გაანწიაო. აზრად მოუვიდა, ბრაუნი რომ მოკვდეს, ანა არც ამაზე შეწუხდებოდა და გაიფიქრა, რა კარგია, ცოლიანი რომ არა ვარო. საკუთარი მარტობა ნაკლებ სამწუხარო ეჩვენებოდა, ვიდრე ჩვეულებათა ეს ჭაჭვი, სამუდამოდ რომ გაკავშირებს არსებას, რომელსაც სძულხარ ან (რაც უფრო უარესია!) არაფრად უღირხარ. არა, ამ ქალს ნამდვილად არავინ უყვარდა. პიეტიზმს გამოეშრო იგი. 1

ანამ კიდევ უფრო გააოცა კრისტოფი ოქტომბრის მიწურულის ერთ დღეს. სუფრას უსხდნენ და საუბრობდნენ სიყვარულის ნიადაგზე ჩადენილ დანაშაულზე, მთელი ქალაქი რომ აელაპარაკებინა. სოფელში ორ დას, ორ იტალიელს, ერთი და იგივე კაცი შეჰყვარებოდა. რაკი ნებით არც ერთსა და არც მეორეს არ შეეძლო დათმობა, წილი ჰყარეს; დამარცხებულს რაინში უნ-

და დაეხრჩო თავი. მაგრამ როცა ბედმა გამოიტანა განაჩენი, სასიკვდილოდ განწირული და გაჩქადა, როდი ჩქარობდა აღთქმის შესრულებას. მეორე აღაშფოთა ასეთმა უპირულობამ. ლანძღვა-გინებიდან ცემა-ტყუებაზე გადავიდნენ, მერე დანებსაც დაავლეს ხელი; ერთბაშად ქარმა სხვა მხრიდან დაუბერა; ტირილით გადაეხვივნენ ერთმანეთს, შეჰფიცეს, უერთმანეთოდ სიცოცხლე არ შეგვიძლიაო და რაკი მიჯნური მაინც ვერ გაიყვეს, მისი მოკვლა გადაწყვიტეს და საქმის აღსრულებასაც შეუდგნენ. ერთხელ, ღამით ერთავე შეყვარებულმა ქალმა თავიანთ ოთახში დაიბარეს ამ ორმაგი გამარჯვებით გაამაყებული საყვარელი და სანამ ერთი ვნებით ეხვეოდა, მეორე ასევე ვნებით ხანჯალს სცემდა ზურგში. მისი ყვირილი მეზობლებმა გაიგონეს. მოცივიდნენ და შავ ღღეში მყოფი გამოგლიჯეს დებს ხელიდან. ქალები დააკავეს. ისინი კი გაიძახოდნენ, ეს არავისი საქმე არაა, მართო ჩვენ გვეხება და რაკი გადავწყვიტეთ იმის თავიდან მოშორება, რაც ჩვენ გვეკუთვნის, არავინ არ უნდა ჩაერიოსო. ღამის მსხვერპლიც ასევე სჯიდა. მაგრამ მართლმსაჯულებამ სხვაგვარად გადაწყვიტა; და ბრაუნიც გაიძახოდა:

— ნამდვილი გიყები არიან, დასაბმელი გიყები! საგიყეთში უნდა გამოამწყვდიონ ორთავე... მესმის, კაცმა თავი მოიკლა სიყვარულის გულისათვის. მესმის ისიც, მოკლა, ის, ვინც გიყვარს და გლალატობს... არა, ბოდიშს კი არა ვხდი, ეს ბარბაროსობაა, მაგრამ ლოგიკური... კლავ იმას, ვინც სატანჯველში გაგდებს, მაგრამ მოკლა კაცი, ვინც გიყვარს, უღვარძლოდ, სიძულვილის გარეშე, მხოლოდ იმიტომ, რომ სხვებსაც უყვართ, ეს შემოილიობაა... შენ გესმის, კრისტოფე?

— ჰმ! — თქვა კრისტოფმა, — მე შეჩვეული ვარ ვერ გაგებას. სიყვარული ხომ იგივე სიშლეგეა...

ანამ, სულ რომ დუმდა და თითქოს არც უსმენდა, თავი აიღო და თქვა თავისი ჩვეული სიმშვილით:

— აქ არავითარი სიშლეგე არ არის. ეს ბუნებრივია. როცა უყვართ, სურთ დაანგრიონ, რაც უყვართ, რომ სხვამ ველარ დაისაკუთროს.

ბრაუნმა გაოცებით შეხედა ცოლს; მაგიდას მუშტი დასცხო, მერე გულხელი დაიკრიფა და თქვა:

— საიდან მოიტანა ეს?.. როგორ! აბა, შენი აზრიც მოგვახსენე. რა ჯანდაბა იცი ამაზე?

ანა ოღნავ გაწითლდა და დადუმდა. ბრაუნმა განაგრძო:

— როცა უყვართ, დანგრევა სურთო? ამაზე მეტი სისულელე. გაგონილა? დაანგრიო ის, რაც ძვირფასია შენთვის, ეს საკუთარი თავის დანგრევას ნიშნავს... როცა გიყვარს, პირიქით, ბუნებრივად გიჩნდება სურვილი სიკეთე უყო იმას, ვინც სიკეთეს გიშვება, გასურს, თავს ევლებოდე, დაიცვა, კარგად მოექცე; ყველას კარგად მოექცე; სიყვარული მიწიერი სამოთხეა.

• სიბნელეს თვალბმშიტერებულმა ანამ ქმარს ლაპარაკი აცალა, მერე თავი გაიქნია და ცივად უთხრა:

— როცა უყვართ, კეთილნი არ არიან.



კრისტოფი არ ცდილობდა კვლავ აემღერებინა ანა. ეშინოდა... იმედის გაცრუებისა თუ რისა? თავადაც ვერ გაგვემდათ პასუხს. ანაც იმავე შიშით იყო შეპყრობილი. გაურბოდა სალონში ყოფნას, როცა კრისტოფი დაკვრას იწყებდა.

მაგრამ ნოემბრის ერთ საღამოს, როცა ცეცხლისპირს მიმჯდარი კრისტოფი კითხულობდა, შენიშნა, რომ ანას მუხლებზე დაედო საკერავი და თავი ფიქრებისათვის მიეცა. ქალი სიცარიელეში გაიკვირებოდა და კრისტოფს მოეჩვენა, რომ მის თვალთაგან, როგორც იმ საღამოს, უცნაური მგზნებარება გამოკრთოდა. წიგნი დახურა. ქალმა იგრძნო, რომ უთვალთვალედნენ და საკერავს მიუბრუნდა. დახრილი ქუთუთოებიდან ყველაფერს ხედავდა. კრისტოფი ადგა და უთხრა:

— მობრძანდით.

ანამ თვალები მიაპყრო, რომლებშიაც კიდევ კრთოდა ცოტა მღელვარება, შემდეგ მიხვდა და გაპყვა.

— სად მიდიხართ? — ჰკითხა ბრაუნმა.

— დასაკრავად, — მიუგო კრისტოფმა.

და დაუკრა. ანამ იმღერა. წამში ისეთად ეჩვენა კრისტოფს, როგორც პირველად რომ ამღერა. თამამად აბიჯებდა ამ გმირულ სამყაროში; თითქოს საკუთარ სამფლობელოშიაო. კრისტოფმა ცდა განაგრძო, მეორე ნაწყვეტი დაუკრა, მერე მესამე, უფრო აჩქარებული, რომელიც ქალში ვნებათა ტალღებს აღძრავდა, ამღელვარებდა; თავადაც მღელვარებდა. შემდეგ, პაროქსიზმს რომ მიაღწია, ერთბაშად შეწყვიტა დაკვრა, თვალი თვალში გაუყარა ქალს და ჰკითხა:

— ბოლოს და ბოლოს, თქვით, ვინა ხართ?

— არ ვიცი; — მიუგო ანამ.

კრისტოფმა უხეშად უთხრა:

— რა გაქვთ მაგ გვამში, ასე რომ მღერით?

ქალმა უპასუხა:

— რასაც თქვენ მამღერებთ.

— მართლა? ეგ შეიძლება. თავს ვეკითხები, მე შევქმენი ეს, თუ თქვენმეთქი. მაშასადამე, თქვენ ამეებს ამგვარადა გრძნობთ?

— არ ვიცი. მე მგონი, სულ სხვა ხარ, როცა მღერი.

— მე კი მგონია, რომ მხოლოდ მაშინა ხართ ნამღვილი.

ორთავე გაჩუმდა. ანას ლოყები შეცვარული ჰქონდა. მკერდი მღუმარედ აუღ-ჩაუღლიოდა. ჩირაღდნების შუქს უცქეროდა და ანგარიშმიუცემლად ფხეკდა სანთელს, შანდლის მეორე მხარეს რომ ჩამოღვევნილიყო. კრისტოფი შესტკეროდა და კლავიშებზე აკურებდა ხელებს. კიდევ რამდენიმე სიტყვა უთხრეს ერთმანეთს დამორცხვებულებმა, უხეში ტონით, შემდეგ ბანალური სიტყვების წარმოთქმა სცადეს, მერე იმის შიშით, არ შევტოპოთო, სულ დადუმდნენ...

მეორე ღღეს თითქმის ხმაც არ გაუციათ ერთმანეთისათვის; მალულად, თითქმის შიშით უჭკრეტდნენ ერთიმეორეს. მაგრამ უკვე ჩვევად ექცათ საღამოობით ერთად დაკვრა და სიმღერა. მალე ეს საქმე ნაშუადღევსაც მოიწყეს და ძალიანაც გაუტკბათ. ყოველთვის იგივე გაუგებარი ვნება მოიცავდა ქალს პირველივე აკორდიდან და სწავდა თხემით ტერფამდე, სანამ მუსიკა გრძელდებოდა მბრძანებლურ, ძლიერამოსილ ვენერად აქცევდა, სულის ყველა სიმშაგის განსახიერებლად ხდიდა.

ბრაუნს აკვირებდა ანას ეს ეგზომი გატაცება სიმღერით, მაგრამ ქალური კაპრიზის მიზეზთა გამოძიებას არ შესდგომა; ესწრებოდა ამ პატარა კონცერტებს, ტაქტს თავს აყოლებდა; რჩევასაც იტყოდა და უსაზღვროდ ბედნიერი იყო, თუმცა უფრო მშვიდი მუსიკა ერჩია: ძალის ასეთი ხარჯვა უაზრო მფლანგველობად ეჩვენებოდა. კრისტოფი ჰაერში იყნოსდა საფრთხეს; მაგრამ თავბრუ ეხვეოდა: ახლახან განვლილი კრიზისით დაძაბული არ ეწინააღმდეგებოდა; ველარ გაეცნობიერებინა, რა ხდებოდა მასში და არ სურდა გაეგო, ანას სულში რა ხდებოდა. ერთ ღღეს, როცა ანამ ქაირშლიანი მგზნებარებით აღსავეს სიმღერა შეწყვიტა, უეცრად ხმისამოუღებლივ გავიდა ოთახიდან. კრისტოფი დაელოდა. ქალი აღარ გამოჩენილა. ნახევარი საათის შემდეგ, როცა კრისტოფმა დერეფანში ჩაიარა, ანას ოთახის წინ, ღრვივდ დატოვებულ კარებში დაინახა, რომ ოთახის სიღრმეში სახეგაქვავებული ანა თავის ლოცვებში. ჩანთქმულიყო.

მაგრამ ცოტა, სულ ერთი ბეწო ნდობამ მაინც დაისადგურა მათ შორის. კრისტოფი შეეცადა წარსულის ამბავი გამოეკითხა ქალისათვის; ანა მარტო ბანალურ რასმე ეუბნებოდა. გაჭირვებით, ნაწყვეტ-ნაწყვეტ ძლივს ამოგლიჯა რამდენიმე სიტყვა. ბრაუნის გაუფრთხილებელი, გულღია ლაყბობის წყალობით შეძლო ჩასწვდომოდა მისი ცხოვრების საიდუმლოს.

ანა სოფელში იყო დაბადებული. ქალიშვილობაში ანა-მარია ზენფლის სახელს ატარებდა. მამამისი, მარტენი, მსხვილ ვაჭართა ძველთაძველ გვარს ეკუთვნოდა; მილიონერები იყვნენ და მათი კასტური სიამაყე და რელიგიური რიგორიზმი მწვერვალს აღწევდა. მარტენ ზენფლი თავგადასავლების მოყვარული კაცი გახლდათ და, ბევრი მისი თანამემამულისა არ იყოს, მრავალი წელი შორს — აღმოსავლეთსა და სამხრეთ ამერიკაში გაეტარებინა; ცენტრალურ აზიაში, სადაც სახლის კომერციული ინტერესებიც უზიძგებდა, რაღაც თამამი აღმოჩენებიც ჰქონდა; მეცნიერების სიყვარულიც იქითკენ ეწეოდა და საკუთარი სიამოვნებაც. ქვეყანა რომ მოიარა, ქრთილისოდენა არაფერი მოუნაგრებია, ის კი არა და, ყველა თავისი ძველი ცრურწმენაც მოიცოლა თავიდან. ისე რომ, სამშობლოში დაბრუნებულნი, რაკი სიყვარულის ცეცხლი მსწრაფლ მოედებოდა ხოლმე და ცოტა ჯიუტიც გახლდათ, თავისიანების გულისწყრომას არ დარიდებია და ცოლად მოიყვანა ქალაქის გარეუბანში მოსახლე ერთი ფერმერის ქალი, რომელსაც ცოტა სახელი ჰქონდა გატეხილი

და ჯერ საყვარლად ესვა. ეს ქორწინება ერთადერთი ხერხი იყო, სხვას ვერ მიაგნო ამ ლამაზი ქალიშვილის დასასაკუთრებლად, ქალიშვილისა, ურომლისოდაც უკვე ველარ ძლებდა. ოჯახმა, რაკი წინააღმდეგობა არ გაუვიდა, სულ მოიკვეთა ვაჟი, მის წმიდათაწმიდა უფლებებს. რომ არ სცნობდა. ქალაქელები — ყველანი, ვინც კი სათვალავში იყვნენ ჩასადგენნი, ერთსულოვნად აუხმებდნენ უტიფარ წყვილს. სხვანაირად არც ეგებოდა: მორალურ საკითხში ვის აპატიებდნენ თავიანთი კასტის ღირსების გაქვლავს. მოგზაურმა თავის ტყავზე გამოსცადა, რომ ქრისტეს მმოსველ ერს შორისაც ისევე სახიფათოა ხალხის ცრურწმენის ხელყოფა, როგორც დიდი ლამაზ მოთაყვანეთა შორის. იმდენი ძალა არ შესწევდა, ქვეყნის აზრი არაფრად ჩაეგდო. თავისი წილი ქონება ხომ თითქმის ხელში შემოაღწა. აქ კიდევ ვერსად იშოვა სამუშაო: ყველამ ცხვირწინ მოუკეტა კარი. შემოსწყრა უღმობელ ქალაქს და უღონო ბრავით ტყუილად გაიშრო სისხლი. სადარდებლითა და ცხელებით გატანჯულმა ველარ გაუძლო. ტვინში სისხლის ჩაქცევით გარდაიცვალა ქორწინებიდან ხუთი თვის შემდეგ. ორი თვის მერე მისი ცოლი, კეთილი, მაგრამ უჭკუო ქალი, ქორწინების აქეთ ერთი დღეც რომ არ გაეტარებინა უცრემლოდ, მუცელს გადაჰყვა და ამ ნაპირზე, რომელსაც სტოვებდა, პატარა ანა დაავდო.

მარტენის დედა ცოცხალი იყო. მას არაფერი უპატიებია სასიკვდილო სარეცელზე მწოლარე ვაჟისათვის და არც მისთვის, ვისაც თავის რძლად არა სცნობდა. მაგრამ როცა ის უბედურეც გარდაიცვალა, ღვთაებრივი შურისძიება დაეცხრა — ბავშვი თავისთან წაიყვანა და უპატრონა. ეს გონებაშეზღუდული, ღვთისმოსავი ქალი იყო; მდიდარსა და ქვახარშისა ბრემუხმეულობის მადანია ჰქონდა ძველი ქალაქის ერთ ბნელ ქუჩაზე. თავისი ვაჟის შვილს როგორც შვილიშვილს ისე კი არ ეპყრობოდა, არამედ როგორც სამადლოდ შეკედლებულ ობოლს, ვისაც საზღაურად შინაყმად გახდომა მართებს. მაგრამ მაინც ჩინებული აღზრდა მისცა; თუმცა უნდობელი სიმკაცრით ეკიდებოდა; თითქოს ბავშვს მშობელთა შეცოდებაში დამნაშავედ რაცხს და ძალ-ღონეს არ იშურებს, რომ ცოდვისადმი ღტოლვა ჩაუხშოსო. ყოველგვარ გართობას უკრძალავდა, ბუნებას დანაშაულივით სდევნიდა მის მიხრამოხრამში, მის სიტყვებსა და ასე გასინჯეთ, აზრებშიაც. ჩაკლა სიხარული ამ ახალგაზრდა, სიცოცხლით სავსე სხეულში. ანა აღრიდანვე დაეჩვია ტაძარში მოწყუნასა და ამის დაფარვას; ჯოჯოხეთის საშინელებებით თავზარს სცემდნენ; მისი ბაღდური, თვალთმაქც ქუთუთობებქვეშ შეყუყუელი თვალები ამ წამებას ყოველკვირაობით ნათლად ხედავდა ძველი Münster-ის<sup>1</sup> კარზე: ურიცხვი და დაკრუნჩხული ქანდაკებები, ფეხებსშუა ალი რომ ავარდნოდით და ბარძაყებზე გველ-ბაყაყი დახვეოდით, ძრწოლასა გვირდნენ. ანაც შეეჩვია ჩაგნშო. საკუთარი ინსტინქტები, თავიც კი

<sup>1</sup> დალაი-ლამა — ბუღისტების სულიერი მოძღვარი.

<sup>2</sup> ტაძარი (გერმ.).

მოეტყუებინა. როგორც კი იმ ხნისა მოიყარა, რომ ბებიას მოხმარება შეეძლო, დიდიდან საღამომდე ბნელ მალაზიაში დახლთან იდგა. ის ჩვევები გადმოიღო, მის ირგვლივ რომ გამეფებულყო: წესრიგის სიყვარული, მკაცრი ხელმომჭირნეობა, თვით აუცილებელზეც უარის თქმა; ეს მოწყენილი განურჩევლობა, ცხოვრებაზე ზიზღიანი და კუშტი შეხედულება, რაიც ბუნებრივი შედეგია რელიგიური რწმენისა ხალხთან, ბუნებით რელიგიურნი რომ არ არიან. ისეთ ღვთისმოსაობაში გადავარდა, რომ მოხუც ქალსაც კი გადამეტებულად ეჩვენა; მარხვითა და ხორცის მოკვდინებით თავს იგვემდა; ერთხანს ქინძისთავებში შემსჭვალულ კორსეტსაც კი ატარებდა, ქინძისთავები ყოველ მოძრაობაზე ტანში ესობოდა. გარშემო მყოფნი ხედავდნენ, როგორ მისდიოდა ფერი, მაგრამ ვერ ხვდებოდნენ, რა სჭირდა. ბოლოს, რაჟი გულიც მისდიოდა, ექიმსაც უხმეს. ანამ ვადაპრით თქვა უარი, არ გავესინჯებო — მოკვდებოდა და კაცის წინაშე ტანთ არ გაიხდიდა — მაგრამ კორსეტის ამბავი კი აღიარა; ექიმმა ისეთი დღე დააწია, რომ ქალიშვილმა აღუთქვა, მეტს აღარ ვიზამო. ბებიამისი კი იმ დღიდან, გული საგულეს რომ ჰქონოდა, თვითონ უმოწყებდა ტანსაცმელს. ანა ამ თავის ტანჯვაში, როგორც შეიძლება ზოგს ეგონოს, მისტიურ ნეტარებას როდი ჰპოვებდა; ცოტა წარმოსახვა ჰქონდა: ფრანსუა ასიზელის<sup>1</sup> პოეზიას ვერ ჩასწვდებოდა, ვერც წმინდა ტერეზიასას. გაუგებდა რასმე. მისი ღვთისმოსაობა მწუხარე და მატერიალური იყო. როცა თავს იგვემდა, იმის იმედი როდი ამოძრავებდა, საუკუნო ცხოვრებაში ჯილდო მერგებო, სასტიკი მოწყენილობის გამო გახდომოდა თავს ჯალათად, თითქმის ბოროტ სიხარულს ჰპოვებდა იმ სიავეში, თავს რომ უშვებოდა. მაგრამ როგორღაც ეს უხეში და ცივი გონება, ანას ბებიამისისაგან რომ დაპყროლოდა, უჩვეულოდ ღრმად შეიგრძნობდა მუსიკას. თვითონაც არ უწყოდა როგორ. და რანაირად... სხვა ხელოვნებათათვის დახშული იყო; იქნებ თავის დღეში არ შეეხედა სურათისათვის; ჩანდა, არაფერი გაეგებოდა პლასტიკური სილამაზისა, გემოვნების ნატამალიც კი არ გააჩნდა და ყველაფერს ზვიადური განურჩევლობით უცქეროდა. ლამაზი შიგველი სხეულის წარმოდგენა მასში მხოლოდ სიშიშვლის იდეას აღძრავდა, როგორც იმ გლეხის წარმოსახვაში, ტოლსტოი რომ ახსენებს. და — ზიზღის გრძნობას; ეს ზიზღი მით უფრო ძლიერი ჰქონდა ანას, რომ იმ აღამიანებთან ურთიერთობაში, რომლებიც მოსწონდა, ბუნდოვნად ნდომის ყრუ ჩხვლეტას უფრო გრძნობდა, ვიდრე ესთეტიკურ, მშვიდ სიამოვნებას. წარმოდგენა არ ჰქონდა არც თავის სილამაზეზე, არც თავის გაქეჩილი ინსტიქტების ძალაზე; ან უკეთ, არ სურდა იმეების ცოდნა და შინაგან სიცრუეს ჩვეული ახერხებდა სხვის მოტყუებას.

<sup>1</sup> ფრანსუა ასიზელი (1182—1226) — ფრანცისკელთა ორდენის დამაარსებელი. უმბრიის მღვდლად ვაჟის ვაჟმა სიჭაბუკეშივე დატოვა სოფელი, ასიზის მთებში გაიხიზნა და მოწაფეებით გარშემორტყმული ხალხს ევანგელური მარტივი ყოფით ცხოვრებას უქადაგებდა. ორდენი კანონიზირებულ იქნა 1215 წელს პაპ ინოკენტ III-ის დროს.

ბრაუნი მას ერთ ქორწილზე შეხვდა, სადაც სულგრძელად მიეპატოებინათ, რადგან მისი სამარცხვინო წარმომავლობის გამო ახლაც ამრეზით უყურებდნენ. ანა ოცდამეათე წლისა იყო. ბრაუნს მოეწონა იგი. არა, ქალი როდი ცდილა რითიმე მოეხიბლა. სუფრასთან გვერდით უჯდა გახევებული და უგემოვნოდ ჩაცმული. იშვიათად თუ გააღებდა პირს რაიმეს სათქმელად. მაგრამ ბრაუნი, სულ რომ ესაუბრებოდა, ან უკეთ, სულ მარტო რომ ლაპარაკობდა მთელი სადილის განმავლობაში, მოხიბლული დარჩა. მის გამჭრიახ მზერას არაფერი გამოჰარვია. შენიშნა და გააოცა მეზობლის ქალწულებრივმა კდემამოსილებამ; მოეწონა მისი სადი მსჯელობა და სიმშვიდე; სათანადოდ შეაფასა მისი ჯანმრთელობა და სახლის გაძლოლის უნარი. ბებიამისს ეწვია, მეორედაც მივიდა, ითხოვა ანას ხელი და თანხმობაც მიიღო. მზითვეზე არაფერი თქმულა. ქ-ნი ზენთელი მთელ თავის ქონებას ქალაქს სწირავდა კომერციული საქმეებისათვის.

ახალგაზრდა ქალს არასოდეს ჰყვარებია თავისი ქმარი; ეს ფიქრი თითქო საკადრისი არც კი იყო ნამუსიან ცხოვრებაში და როგორც დანაშაულებრივი, თავიდან უნდა მოეშორებინა. მაგრამ ანა გრძნობდა ბრაუნის სიკეთის ფასს და მადლიერაც იყო მისი, თუმც კი არ ამქლავებდა, რომ ითხოვა საექვო წარმოშობის მიუხედავად. საერთოდაც ერთობ სერიოზულად ეკიდებოდა ცოლ-ქმრულ ღირსებას. იმ შვიდი წლის მანძილზე, რაც შეუღლებულნი იყვნენ, მათი თანხმობა არაფერს დაურღვევია. ცხოვრობდნენ ერთმანეთის გვერდით, ერთმანეთისა არ ესმოდით, მაგრამ ეს არ ანაღვლებდათ. ხალხის თვალში სანამშუსო ცოლ-ქმრად ითვლებოდნენ. შინიდან იშვიათად გადიოდნენ. ბრაუნს ბევრი პაციენტი ჰყავდა, მაგრამ ვერ მოახერხა მათ სახლში ცოლიც შეეყვანა. ანა არავის მოსწონდა; დაბადების ჩირქიც ჯერ მთლად არ ჩამორეცხოდა. ქალიც თავის მხრივ სულ არ ცდილობდა კეთილი განწყობა დაემსახურებინა. გულიდან არ გადაპყროდა ჯავრი იმ ზიზლის გამო, ბავშვობა რომ ჩაუმწარა. თან რცხვენოდა ხალხში და არ ჩიოდა, მივიწყებული რომ ჰყავდათ. თუ აუცილებელი იყო, სტუმრად მარტო მაშინლა წავიდოდა; თვითონაც მხოლოდ იმათ ღებულობდა, ვის მიღებასაც ქმრის ინტერესები უკარნახებდა. სტუმრად უმთავრესად ცნობისმოყვარე და ენაჰარტალა წვრილბურჯუა ქალები ეწვეოდნენ ხოლმე, მათი ჭორაობა ანას სულაც არ აინტერესებდა; არც ცდილა თავისი გულგრილობის დაფარვას. ასეთ რაიმეს კი არავინ გაპატიებს. სტუმრებმა მოსვლას უკლეს და ანა მარტო დარჩა. მასაც ეს უნდოდა: არაფერი ურღვევდა ოცნებებს, თავში გამუღმებით რომ უტრიალებდა და ხორცის იღუმალ წრტიალს.

რამდენიმე კვირა იყო, რაც ანას უქეიფობა ეტყობოდა. სახე დაუგრძელდა, კრისტოფსა და ბრაუნსაც გაურბოდა. მთელ დღეებს თავის ოთახში ატარებდა გამოკეტილი; თავის საფიქრალს მისცემოდა; პასუხსაც არ სცემდა, როცა ელაპარაკებოდნენ. ბრაუნს ჩვეულებრივ დიდად არ ანაღვლებდა ეს ქალუ-

რი კაპრიზები. ცოლს ნამუსსაც კი სწმენდდა კრისტოფთან. როგორც თითქმის ყველა მამაკაცს, ქალმა რომ უნდა მოატყუოს, მასაც ქალების მცოდნედ მოჰქონდა თავი. და მართლაც, ქალებს საკმაოდ კარგად იცნობდა, რაც საქმეს ვერ შევლის ხოლმე. იცოდა, რომ ქალებს ხანდახან თავქეფებაც ოცნებები სჩვევიათ, ჭიუტად დუმან და მტრულად გვიმზერენ; ფიქრობდა, ასეთ დროს თავიანთ ნებაზე უნდა მიუშვა, აღარ ჩაეძიო, უნდა ეცადო თავდაცვაც არ დაიწყონ ქეჰვა ქვეშეცნეულის სახითათო სამყაროში, სადაც მათი გონებააო დანთქმული. მაგრამ ანას ჯანმრთელობის ამბავმა მაინც შეაშფოთა. გადაწყვიტა, ასე იმიტომ ჩამოხმა და გაილია, რომ სულ შინ ზის ჩაქეტილი, ქალაქგარეთ ერთხელაც არ გავა და ჰაერს არ გადაყლაპავსო. ცოლს ურჩია ისეირნეო. თავად არ შეეძლო გაჰყოლოდა: კვირაობით ანა საქველმოქმედო საქმეებით იყო გართული, სხვა დღეებში ბრაუნის დადიოდა ავადმყოფებთან. კრისტოფიც თავს არიდებდა ანასთან გავლას. ერთხელ თუ ორჯერ პატარა მანძილზე გაისეირნეს ერთად, ქალაქის კარიბჭემდე: მოწყენილობისაგან კინალამ სული დაელიათ. საუბარი ვერ ააწყვეს. ბუნება, ეტყობა, ანასათვის სულაც არ არსებობდა; ვერაფერს ამჩნევდა ირგვლივ. გარემო მისთვის მარტო ქვა იყო და ბალახი; მისი უგრძობობა გულს გაგიჟინავდათ. კრისტოფი შეეცადა ერთი ლამაზი სანახით დაეტკბო იგი. ქალმა უცქირა, უცქირა, გულგრილად გაილიმა, თავს ძალა დაატანა და მისდა საამებლად ძლივს ამოღერდა:

— ო, დიახ! რაღაც მისტიურია...

„მზე მეტად აპერსო“, ასევე შეეძლო ეთქვა.

კრისტოფი ისე გაეცხვლა, რომ ფრჩხილები ჩაისო ხელის გულებში. მას შემდგომ აღარაფერი უკითხავს ქალისათვის; და როცა ანა შინიდან აპირებდა გასვლას, მუდამ პოულობდა მიზეზს სახლში დარჩენილიყო.

სინამდვილეში ანა ბუნებისადმი უგრძობელი როდი გახლდათ. მას არ მოსწონდა ის, რასაც ჩვეულებრივ „ლამაზ სანახებს“ ეძახიან: მათ სხვათაგან ვერც გამოარჩევდა. მაგრამ სოფელი კი უყვარდა, სულ ერთია, როგორი — მიწა და ჰაერი. ოღონდ ეს გრძნობა გაცნობიერებული არა ჰქონდა, ისევე, როგორც თავისი სხვა, ძლიერი გრძნობები. მის გვერდით ვინც ცხოვრობდა, ის ხომ ამ სიყვარულს სულ ვერ შეატყობდა.

ბრაუნის ჩააცივდა ცოლს, ქალაქის შემოგარენში გავისეირნოთო. ქალი გაბზნა და დაუთმო, სიმშვიდე რომ მოეპოვებინა. გასეირნება კვირა დღისათვის დანიშნეს. უკანასკნელ წუთს ექიმს, ეს გასეირნება ბალღევით რომ ახარებდა, მძიმე ავადმყოფთან უხმეს და ანას გაცივება კრისტოფს მოუხდა.

ზამთრის საუცხოო, უთოვლო დღე იდგა: ჰაერი წმინდა იყო და ცივი, ცა — მოწმენდილი, მზე ჩარჩახებდა და გაყინული ნიავი ქროდა. საგარეუბნო პატარა მატარებელში ჩასხდნენ; ეს რკინიგზა იმ ცისფერი ბორცვების რკინიგზებს ერთვოდა, ქალაქის ირგვლივ შორეულ ორეოლს რომ ქმნიდა. კუბე ხალხით იყო გაჭედილი; ჭრთიმეორისაგან შორიშორის ისხდნენ და ლაპარაკი

არ უხერხდებოდათ. ანა მოქუფრული იყო; წინა დღით, ბრაუნისდა გასაოცრად, დაიჩემა, ხვალ წირვაზე არ წავალო. თავის სიცოცხლეში პირველად აკლდებოდა წირვას. ეს რა, ჯანყი იყო?.. ვინ ხედავდა, რა ბრძოლები მიმდინარეობდა მის სულში? თვალჩინაობით უცქეროდა მის წინ-მდგარ სკამს; სახეზე მკვდრისფერი ელო...

მატარებლიდან გადმოვიდნენ. სეირნობის დასაწყისში მტრულად უმზერდნენ ერთმანეთს. გვერდიგვერდ მიაბიჯებდნენ; ანა მტკიცე ნაბიჯით მიდიოდა წინ, არაფერს აქცევდა ყურადღებას; ტვირთი არაფერი ეჭირა; ხელებს თავისუფლად მიარხევდა; მისი ფეხის ხმა რეკდა გაყინულ მიწაზე. თანდათან სახე გამოუცოცხლდა. ჩქარამა სიარულმა დაწვები შეუფაქლა. ბაგე გაეპო, სუფთა ჰაერი რომ შეესვა. ბილიყის ერთ მოსახვევში, ლენტეხით რომ ევლებოდა ბორცვს გარშემო, გზიდან გადავიდა და პირდაპირ, თხასავით შეუყვავა აღმართს; რომ არ გადმოვარდნილიყო, გზად ბუჩქებს ებლაუჭებოდა. კრისტოფიც მიჰყვავდა. ქალი უფრო სწრაფად მიოცავდა, ცურდებოდა, თავის შესამაგრებლად ხელებით ეჭიდებოდა ბალახებს. კრისტოფმა დაუყვირა, გაჩერდითო. ანამ ყური არ ათხოვა და ახლა უკვე თონით განაგრძო ასვლა. გააპეს ნისლი, რომელიც ხეობას დასწოლოდა ზემოდან მოვერცხლილი გაზივით, ბუჩქებზე რომ იფლითებოდა; მაღლა, მზის თბილ სხივებში გახვეულები აღმოჩნდნენ. მწვერვალს რომ მიადწიეს, ანა შემობრუნდა; სახე განათებოდა. პირი-დაელო და ღრმად სუნთქავდა. დამცინავად გადმოხედა კრისტოფს, აღმართს რომ მიუყვებოდა, პალტო გაიხადა, სახეში მიუგდო, არ დალოდებია, სანამ ის სულს მოითქვამდა და გზა განაგრძო. კრისტოფი გამოუდგა. თამაშობამ გაანაღისა ორთავე; ჰაერი ათრობდათ. ქალი ციკაბო თავდაღმართში დაქანდა; ქვები უცურდებოდა ფეხქვეშ; მაგრამ არ ვარდებოდა, მისრიალებდა, მისტოდა, მიქროდა, როგორც ნატყორცნი ისარი. ხანდახან უკან მოიხედავდა, რომ გაეგო, რამდენით გავუსწარიო წინ კრისტოფს. კრისტოფი ეწეოდა. ქალი ტყეში შევარდა. მქკნარ ფოთლებს შარიშური გაუდიოდა მათ ფეხქვეშ; ქალი რომ ტოტებს შლიდა, ის ტოტები კრისტოფს სახეში სცემდა. ანამ ხის ფესვს წამოჭრა ფეხი. კრისტოფმა ხელი სტაცა. ანამ მოგერიება დაუწყო, ხელებით, ფეხებით; მაგრად ურტყამდა, ცდილობდა წაეჭკია; ყვიროდა და იცინოდა. კრისტოფის მკერდს მიბჯენილი მკერდი გამალეებით აუღ-ჩაუდიოდა; მათი ლოყები ოდნავ შეეხო ერთმანეთს. კრისტოფს ბაგეზე მოხვდა ოფლი, ანას საფეთქლები რომ დაეცვარა; მისი ნაშიანი თმის სურნელი შეიგრძნო. ანამ ღონივრად უჩაკავა, თავი გამოინთავისუფლა და მშვიდად, დაკვირვებით დაუწყო ცქერა. კრისტოფი გაკვირვებული იყო, ეს რამოდენა ძალა ჰქონია, ცხოვრობს კი ისე, რომ არაფერში არ იყენებოს.

მეზობელ სოფელს მიაშურეს; ხალისიანად ქელავდნენ გამხმარ ნაყანებს, მათ ფეხქვეშ ხიწვებდა რომ ამოჩრილიყო. ცხვირწინ ყვავები უფრინდებოდნენ. მზე აჰერდა და ქარი იკბინებოდა. კრისტოფს ხელკავი გაეკეთებინა ანა-

სათვის; ქალს თხელი კაბა ეცვა და ქსოვილის შიგნით კრისტოფი გრძნობდა შეცვარულსა და სიცხისგან გამთზარ სხეულს. პალტოს ჩაცმევიწინება მოუნდომა, მაგრამ ანამ არ ისურვა, ის კი არა და, ვაჟკაცობის გამოჩენა მოუნდა და საყელოც გაიღვლა. პური სამიკიტნოში ჭამეს, რომლის აბრაზებდაც „ველური კაცი“ (Zum wilden Mann) იყო გამოყვანილი. კარის წინ პატარა ნაძვი იზრდებოდა. დარბაზი გერმანული კატრენებით იყო მორთული და ორი ქრომოლითოგრაფიაც ამკობდა: ერთი სანტიმენტალური გაზაფხული (Im Frühling) და მეორე — პატრიოტული: „წმ. ეკატის ბრძოლა“<sup>1</sup>. იქვე ჭვარცმაც იყო, რომლის ფერხითაც თავის ქალა იღო. ანა მადიანად ჭამდა, რაც მანამ არ შეუნიშნავს კრისტოფს. ხალისით გადაჰკრეს ცოტაოდენი თეთრი ღვინოც. ნასადილევს კვლავ მინდორ-მინდორ გაუყვინენ გზას, როგორც ორი გულითადი ამხანაგი. არავითარი უკეთური ფიქრი არ აღძვრიათ. არაფერზე არ ფიქრობდნენ გარდა სიარულის სიამეზე, მათ ამღერებულ სისხლზე, მსუსხავ პაერზე. ანას ენა გაეხსნა. უნდობლად აღარ ეკიდებოდა კრისტოფს; ამბობდა ყველაფერს, რაც თავში მოუვიდოდა.

ჯერ თავისი ბავშვობის ამბავი უამბო: ბებიაჩემს ერთ თავის მეგობართან დავყავდი; ტაძრის მახლობლად: „სანამ მოხუცები საუბრობენ, მე დიდ ბაღში მიშვებდნენ, რომელსაც Münster-ის ჩრდილი ეცემოდა. საღმე კუთხეში მივჯდებოდი და ადგილიდან არ ვიძვროდი, ყურს ვუგდებდი ფოთლების შრი-ალს, თვალს ვადევნებდი მწერების ფუსფუსს; მსიამოვნებდა და თან შიში მიპყრობდა“... — იმას კი არ უმხელდა კრისტოფს, რომ ეშმაკებისა ეშინოდა: წარმოსახვა სულ ეშმაკებს უხატავდა; მისთვის ეამბნათ, ეშმაკები და ავი სულელები ეკლესიების ირგვლივ დაძრწიან, შიგ შესვლას ვერ ბედავენო; ეგონა კიდევ, ცხოველთა ტყავში გახვეულებს ვხედავო: ობობის, ხელიკის, ჭიანჭველასი, იმ უსახურ არსებათა ტყავში, ფოთლების ქვეშ რომ ფუთფუთობდნენ, მიწაზე, ანდა კედლის ნაპრალებში. მერე იმ სახლზე ილაპარაკა, სადაც ცხოვრობდა, თავის უმზეო ოთახზე; სიამოვნებით იგონებდა; ბევრჯერ უძილოდ გამიტარებია ღამეები, თავს რალაცემებს ვუყვებოდიო.

— მაინც რას?

— სულელურ რამეებს.

— მიაშბეთ.

ანამ უარის ნიშნად თავი გაიქნია.

— რატომ?

ქალი გაწითლდა, მერე გაიცინა და დააყოლა:

— დღისითაც, როცა ვმუშაობდი ხოლმე. — ერთხანს ჩაფიქრდა, ისევ გაიცინა და თქვა: — გიყური, ურიგო რამეები იყო.

<sup>1</sup> ბრძოლა სოფელ წმ. ეკატან, ბაზელის მახლობლად, სადაც 1444 წ. 26 აგვისტოს შვეიცარელებმა სძლიეს მათ ქვეყანაში შემოჭრილ ფრანგთა ჯარს.



კრისტოფმა ხუმრობით ჰკითხა:

— მერედა არ გეშინოდათ?

— რისი?

— წაწყმედის.

ქალს სახე გაეყინა.

— ამაზე არ შეიძლება ლაპარაკი.

კრისტოფმა საუბრის თემა შეცვალა. შეუქო ანას ღონე, წელან, ბრძოლისას რომ გამოიჩინა. ქალმა კვლავ ნდობით დაუწყო. ცქერა და თავისი პატარაობის საგმირო საქმეებზე უამბო (თვითონ „ბიჭურს“ ამბობდა, რადგან ბავშვობისას. სულ ბიჭების თამაშობებსა და ბრძოლებში სურდა გარევა). „ერთხელ ერთ ბიჭთან დავრჩი მარტო, ბიჭი მთელი თავით მაღალი იყო ჩემზე; მოულოდნელად მკერდში ჩავცხე, მუშტი იმ იმედით, თვითონაც ხელს შემომიბრუნებს-მეთქი; მაგრამ ბიჭმა უკანმოუხედავად მოჰკურცხლა, თან ღრიალებდა, ანამ გამლახაო. მეორედ სოფელში ერთ შავ ძროხას ავაცოცდი ზურგზე; შეშინებულმა პირუტყვემა ხეს მიმანარცხა და კინალამ იქვე სული დავლიეო“. მეორე სართულის ფანჯრიდან გადმოხტომაც უცდია, რადგან თავს სიტყვა მისცა, გადმოხტებო. ბედად მარტო ფეხბ ელძო. და იმით გადარჩა. როცა შინ მარტო ტოვებდნენ, ახირებულსა და სახიფათო ვარჯიშებს იგონებდა; სხეულს ათასგვარ უცნაურ გამოცდას უწყობდა.

— ვინ წარმოიდგენს ამას, როცა ასეთ სერიოზულს გხედავთ?.. — უთხრა კრისტოფმა.

— ო! რომ მიყურებდეთ, ზოგჯერ ჩემს ოთახში ჩაკეტილი რაებს ჩავდივარ...

— როგორ?! ახლაც?

ანას გაეცინა. საუბრის თემა სწრაფად შეცვალა და ჰკითხა, თუ ნადირობთო. კრისტოფმა ხელები გაასავსავა, არაო. ანამ უთხრა, ერთხელ შაშვს ვესროლე თოფი და მოვახვედრეო. კრისტოფი გაწყრა.

— რა მოხდა ასეთი? — გაიკვირვა ქალმა.

— მაშ, გული არა გაქვთ?

— არ ვიცი.

— ნუთუ არ ფიქრობთ, რომ ცხოველებიც ჩვენისთანა სულდგმულები არიან?

— როგორ არა, — მიუგო ქალმა, — სწორედ ეს უნდა მეკითხა თქვენთვის: როგორა გგონიათ, ცხოველებსაც აქვთ სული?

— მე მგონი, კი.

— მღვდელი ამბობს, არაო. მე კი მგონია, აქვთ. ჯერ ერთი, — დასძინა დიდი სერიოზულობით, — დარწმუნებული ვარ, რომ უწინდელ ცხოვრებაშიც ცხოველი ვიყავი.

კრისტოფს გაეცინა.

— ტყუილად იცინით. — უთხრა ანამ (თვითონაც იცინოდა). — სწორედ ამ ამბებს ვუყუებოდი ჩემს თავს, როცა პატარა ვიყავი. წარმოვიდგენდი თავს კატად, ძალღალად, ჩიტად, კვიცად, უშობლად. მათ სურვილებს ვგრძნობდი. მინდოდა ერთი საათით მათ ტყავში შევმძვრალიყავი; მეჩვენებოდა, რომ კიდევაც ვახერხებდი ამას. თქვენ ჩემი არ გესმით, არა?

— უცნაური ცხოველი ყოფილხარ; მაგრამ თუ ასეთ თვისტომობას გრძნობთ ცხოველებთან, როგორღა შეგიძლიათ, ტკივილი მიაყენოთ?

— ტკივილს მუდამ ვაყენებთ ვისმე. სხვები მე მიშავებენ, მე სხვებს. ასეთია კანონი, ცხოვრებაში ასეთი აზიზი არ უნდა იყო! მე ჩემს თავსაც კი ვტანჯავ და მსიამოვნებს!

— თქვენს თავსაც?

— დიახ. უცქირეთ. აი, ამ ხელში ერთ დღეს ჩაქუჩით ლურსმანი ჩავიკედი-

— რატომ?

— ისე, ტყუილად.

(ქალს არ გაუშვებია, საკუთარი თავის ჯვარზე გაკვრა რომ სურდა).

— მომეცით ხელი, — უთხრა კრისტოფს.

— რად გინდათ?

— მომეცით.

კრისტოფმა ხელი გაუწოდა. ქალი ჩააფრინდა და ისე მაგრად მოუჭირა, კრისტოფს ყვირილი აღმოხდა. მერე გლეხებივით დაიწყეს თავშექცევა, ვინ უფრო ატკენდა ხელს მეორეს. ორთავბედნიერი იყო, ურიგოს არაფერს ფიქრობდნენ. ქვეყნად ყველაფერი დანარჩენი, მათი ცხოვრების ჯაჭვები, წარსულის მწუხარება, მომავლის შიში, ქარიშხალი, მათ სულში რომ იბუღებდა, ყველაფერი გამქრალიყო.

რამდენიმე ლიე გაიარეს; დაღლას სულ არ გრძნობდნენ. უეცრად ანა გაჩერდა, მიწაზე დავარდა, ნაყანევზე გაიშოტა და გაუჩნდა. გულაღმა იწვა, ხელები თავქვეშ ამოედო და ცას აპყურებდა. რა სიმშვიდე იყო! რა სინაზე!.. ყოველ ნაბიჯზე ფარული შდარევანი ჩუხჩუხებდა, ხან უფრო ძალუმაღ ჩქეფდა წყლის ჭავლი, ხან უფრო სუსტად, როგორც არტერია, ხან უფრო ძლიერად რომ ცემს და ხან უფრო ნელიად. ჰორიზონტი სადაფისფერად ელავდა. ნისლი მიმოირხეოდა გადალურჯებულ მიწაზე, საიდანაც ხეთა შავი და შიშველი ზროები წამომართულიყვნენ. თავს ზამთრის მიწურულის მზე ადგათ, ღია ყვითელი, ახალგაზრდა, საძილე გამზადებული მზე. ჩიტები მბრწყინავი ისრებით აპობდნენ ჰაერს. ისმოდა სოფლის სამრეკლოთა ზარების გადაძახილადმომძახილი... კრისტოფი ანას უჯდა. გვერდით და აკვირდებოდა. ქალი არაფიქრობდა მასზე. ლამაზ ბაგეზე მდუმარე ღიმილი დასთამაშებდა.

— 'ნუთუ' ეს თქვენა ხართ? ველარა გცნობთ, — ფიქრობდა კრისტოფი.

— თავი ველარც მე მიცენია, მგონია, სულ სხვა ვარ. უკვე აღარ მეშინია; აღარ მეშინია მისი... აჰ! როგორ მთრგუნავდა, როგორ გამბანჯა! მეგონა, საკუთარ კუბოში ვიყავ ჩაქედილი... ახლა თავისუფლად ვსუნთქავ; ეს სხეული, ეს გული ჩემია. ჩემი სხეულია. ჩემი თავისუფალი სხეული: ჩემი თავისუფალი გული. ჩემი ძალა, ჩემი სილაპაზე, ჩემი სიხარული! მე კი არ ვიცნობდი, ჩემს თავს არ ვიცნობდი! მაინც რა მიყავით?..

კრისტოფს ეგონა, სიამისაგან ასე კენესისო. მაგრამ ანა არაფერზე არ ფიქრობდა, მხოლოდ უსაზღვრო ბედნიერებას გრძნობდა და სწამდა, რომ ყველაფერი რიგზე იყო.

სალამოვდებოდა. ოთხი საათის შემდეგ ცხოვრებისაგან მოქანცული მზე ნისლის მოლურჯო-მონაცრისფერო ფარდის უკან უჩინარდებოდა. კრისტოფი წამოდგა და ანას მიუახლოვდა. გადაიხარა მისკენ. ანამაც მისკენ შემოაბრუნა ცისგან თავებრუნებულ მზერა. რამდენიმე წამი გავიდა, სანამ იცნობდა კრისტოფს. მაშინ იღუმალი ღიმილით დაუწყო ცქერა, რამაც კრისტოფი ააღელვა. ამ მზერას რომ გაქცეოდა, წუთით თვალები დახუჭა. როცა გაახილა, ანა ისევ ისე შემოპყურებდა; კრისტოფს მოეჩვენა, უკვე რამდენი დღეა, ასე ვუცქერით ერთმანეთსო. ერთიმეორის სულებში კითხულობდნენ. მაგრამ არ ინდომეს გაგება იმისა, რაც ამოიკითხეს...

კრისტოფმა ხელი გაუწოდა. ქალმა უსიტყვოდ შეაგება მარჯვენა. სოფელში დაბრუნდნენ, რომლის წვერწამახული, ქონგურებიანი კოშკებიც მკაფიოდ მოჩანდა დაცემულ ტაფობზე; ერთ-ერთს დახატვებული კრამიტის სახურავზე ქუდივით ეხურა ყარყატის ცარიელი ბუდე. ორი გზის გასაყართან, სოფლის თავში შადრევანს ჩაუარეს, რომელიც პატარა კათოლიკური წმიდანით, ხელებგაწვდილი, მოხდენილი, კეკლუცი ხის მადლენის ქანდაკებით იყო შემკული. ანამაც ინსტიტუტურად ხელები გაიწვდინა მისკენ, შადრევანის კიდეზე შეძვრა და ლამაზ ქალღმერთს პეშვი ბაძგის ტოტებითა და წითელი ცირცელის მტევნებით აუესო, ჩიტის ნისკარტსა და ყინვას რაღაც სასწაულოთ რომ გადარჩენოდა.

გზად საუქმოდ გამოწყობილ გლეხებს შეხვდნენ. ქალებს ქარდაკრული სახე და დაბრაწული ლოყები ჰქონდათ და თავზე მრგვლად შემოგრაგნილი სქელი ნაწნავები ამშვენებდათ. ღია ფერის კაბები ეცვათ, ყვავილებით მორთული ქუდები ეხურათ; თეთრ ხელთათმანებში წითელი მაჯები მოუჩანდათ. გამყინავი, რიხიანი ხმით მღეროდნენ წესიერ სიმღერებს, თუმცა მთლად სწორად არ გამოუდიოდათ. სადღაც, ბაგაში; ძროხა ბლაოდა. რომელიღაც სახლიდან ყვიანახელიან ბაღის ხელებზე ისმოდა. ცოტა უფრო შორს კლარნეტსა და პისტონიან კორნეტს აჟყვითინებდნენ. სოფლის მოედანზე, დუქანსა და სასაფლაოს შორის, ცეკვა იყო გამართული. მაგიდაზე შემომჯდარი ოთხი მუსიკოსი ხალისით უკრავდა. ანა და კრისტოფი დუქნის წინ ჩამოსხდნენ და მოცეკვა-

ვეებს დაუწყეს ცქერა. წყვილები ერთმანეთს ეჯახებოდნენ, ისმოდა ხმამაღალი გადაძახილ-გადმოძახილი. ქალიშვილები გაჰკიოდნენ, ისე, ტყუილებრალოდ. მაგადანთან მსხდარი გლეხები სუფრას მუშტს სცემდნენ და ტაქტს ხელს აყოლებდნენ. სხვა დროს ასეთი უხეში მხიარულება გულს აურევდა ანას; ამ საღამოს კი ტუბებოდა ნანახით; ქუდი მოიხადა და სახეგაბრწყინებელი უცქეროდა მოცეკვავეებს. კრისტოფს გულიანად ეცინებოდა მუსიკისა და მუსიკოსების უცნაურ სერიოზულობაზე. ჯიბეები მოიქექა, ფანქარი ამოიღო და დუქნის ანგარიშის მეორე მხარეს ხაზებისა და წერტილების დასმა დაიწყო: საცეკვაო მუსიკას წერდა. ფურცელი მალე გაავსო; მეორე მოითხოვა, ისიც პირველივით ააჭრელა თავისი მოუთმენელი და მოუხეშავი ხელით. ანას მის ლოყასთან მიეტანა თავი, მის მხარეს ზემოდან კითხულობდა ნოტებს და ხმადებლა დიდინებდა; ცდილობდა გამოეცნო ფრაზის ბოლო და თუ გამოიცნობდა, ან თუ მისი გუმანი გამტყუნდებოდა და კრისტოფი მოულოდნელ, გონებამახვილურ აკორდს ჩასვამდა, სიხარულით ტაშს სცემდა ხოლმე. წერას რომ მორჩა, კრისტოფმა თავისი ჩანაწერი მემუსიკეებს მიუტანა. ყოჩალი შვაბები იყვნენ, თავიანთი საქმის ჩინებული მცოდნენი: წარბიც არ შეუხრიათ, ისე გაარჩიეს. ჰანგს სანტიმენტალური და მხიარული იერი ახლდა, რიტმი მკაფიოდ იყო გამოკვეთილი, თითქოს სიცილის მოვარდნილი ტალღებით გახალისებული. შეუძლებელი გახლდათ არ აპყლოდით მის შმაგ მხიარულებას: ფეხები თავისით იწევენდნენ საცეკვაოდ. ანაც წრეში შეიჭრა, ვილაცას ალაღბედზე ჩაავლო ხელი და გეჟივით დატრიალდა; კუს ფარის თმის სამაგრი გამოუვარდა თმიდან; კულულები ჩამოეშალა და ლოყებზე დაეფინა. კრისტოფი თვალს არ აცილებდა; აღტაცებული იყო ამ ლამაზი, ღონიერი, ცხოველით, უმოწყალო დისციპლინას აქამდე გაქვავებული და პირზე კლიტედადებული რომ ჰყავდა. ანა ისეთი ეჩვენებოდა, როგორც ჭერ არავის ენახა, როგორც იყო სინამდვილეში, მორგებულ ნიღაბს შიგნით: საკუთარი ძალით დამთვრალ ბაქხელ ქალად. ქალმა დაუძახა. კრისტოფი მიეჭრა და მკლავი მოხვია. მანამ იცეკვეს, სანამ ტრიალ-ტრიალში კედელს არ მიეხალნენ. მაშინ კი შეჩერდნენ თავბრუდახვეულები. მთლად დაღამებულიყო. ცოტა ხანს შეისვენეს, მერე გამოქთხოვნენ შეკრებილთ. ანამ, ჩვეულებრივ ასეთი გოროზი რომ იყო უბირ ხალხთან სიმორცხვისა თუ ზიზღის გამო, გულთბილად ჩამოართვა ხელი მუსიკოსებს, დუქნის მღებატრონესა და სოფლის ყმაწვილკაცებს, რომელთა გვერდითაც იცეკვა.

მარტონი დარჩნენ გაყინული და მოელვარე ცის ქვეშ; მინდორ-მინდორ მიუყვებოდნენ იმავ გზას, დილით, აქეთობისას რომ გამოიარეს. ანა კვლავ ატაცებული იყო. თანდათან ლაპარაკს უკლო, მერე მთლად დაჩუმდა, დაღლილობასა თუ ღამის მისტითურ განწყობილებას მინებდა. კრისტოფს ნაზად მიეყრდნო. როცა ის ციციბო კალთა ჩაიარეს, ქალმა რამდენიმე საათის წინ რომ ამოიბრინა, ანამ ამოიოხრა. სადგურს მიადწიეს. პირველ სახლთან კრისტოფი

შედეგა, რომ ქალისათვის შეეხედა. ქალმაც შემოხედა და ნაღვლიანად გაუღიმა. მატარებელში ისევ ისეთი ჰქედვა იყო, როგორც აქეთობისას. საუბარი ვერ მოახერხეს. კრისტოფი ანას წინ იჭდა და თვალს არ აცილებდა. ქალს თვალე-ბი დაეხარა; ერთი ამოხედა, მერე ისევ აარიდა მზერა და კრისტოფმა მეტი ვეღარ მოახერხა თავისკენ მიეხედებინა. ქალი გარეთ, ლამის წყვედიანად გაი-ცქირებოდა. იღუმალი ღიმილი დასთამაშებდა ბავშვზე. ტუჩის კუთხეში კი დაღლილობის კვალი აჩნდა. შემდეგ ღიმილი საღლაც გაჰქრა. გამომეტყველება კუშტი გაუხდა; კრისტოფმა ფიქრა, მატარებლის რყევამ თვლემამ მოჰგვარაო და შეეცადა გამოლაპარაკებოდა. ქალმა მკვახედ მოუგდო ორიოდ სიტყვა, თავიც არ შემოუბრუნებია მისკენ. კრისტოფი შეეცადა თავი დაერწმუნებინა, დაღლილობაო ამ ცვლილების მიზეზი, მაგრამ კარგად უწყოდა, რომ მიზეზი სულ სხვა იყო. რაც უფრო უახლოვდებოდნენ ქალაქს, ანას სახე სულ უფრო უქვეადებოდა, სიცოცხლე ქრებოდა, გელური გრაცი-ის მქონე სხეული კვლავ იკეტებოდა თავის ქვის ნაჭუჭში. ვაგონი-დან რომ ეხდმოვინდნენ, ანა აღარ დაყრდნობია კრისტოფის გაწვილ ხელს. შინ ხმისამოუღებლივ დაბრუნდნენ.

რამდენიმე დღის შემდეგ, ნაშუადღევს ოთხ საათზე შინ მარტონი და-რჩნენ. ბრაუნი საღლაც წასულიყო. ორი დღე იყო, რაც ქალაქს მჭრქალი, მომ-წვანო ნისლი ჰბურავდა. ისმოდა შორეული მდინარის ხმა. ელექტროტრამვაი-ების შუქი ელვისაგვით ფლოდა ბნელს. მიმცხრალი დღის სინათლე ქრებოდა, არც ერთი უამისას არ ჰვავდა: ერთი ისეთი საათი იდგა, საუკუნეთაგან, რომაა განაკიდი. წინა დღეების სუსხიანი ქარი ჩადგა; ჰაერს ნესტი გაუჯდა, უეცრად დატება, თბილი და ამო შეიქნა. თოვლს დაებერა ზეცა, სიმძიმის ქვეშ წელში მოხრილი თავანი.

მარტონი იყვნენ სასტუმრო ოთახში, რომელიც თავისი ცივი და პირქუში იერით დიასახლისს მოგაგონებდათ. არც ერთი არ არღვევდა მღუმარებას. კრისტოფი კითხულობდა. ანა კერავდა. კრისტოფი წამოდგა და ფანჯარასთან მივიდა; ფართო სახე ჩარჩოს მიაყრდნო და ოცნებას შიეც; ეს მკრთალი შუქი ჩამუქებული ციდან მოლურჯო მიწაზე რომ ირეკლებოდა, თავბრუს ახვევდა; ფიქრი წრიალებდა; კრისტოფი ამაოდ ცდილობდა მოეთოკა აზრი. საშინელ-მა კავშანმა მოიცვა და ქვეშ დაიტნია. და მისი არსების სიცარიელეში, ჩამო-შავებული ნანგრევებიდან მცხინვარე ქარბორბალა აღსდგა ტრიალით. ანასა-კენ ზურგმუქევეით იდგა. ქალი არ უცქეროდა, თავისი სამუშაოთი იყო გარ-თული; მაგრამ ყრუოლამ დაუარა ტანში: რამდენჯერმე იჩხვლიტა ნემსი და არაფერი უგრძნია. ორთავ მოჯადოებული იყო საფრთხის მოახლოებით.

კრისტოფი გამოერკვა გარინდებიდან და რამდენიმე ნაბიჯი გადადგა ოთახში. პიანინო იზიდავდა და თან შიშის ზარს სცემდა. ცდილობდა არ შეე-ხედა მისთვის, მაგრამ გვერდით რომ ჩაუარა, ხელი მაინც წაუცდა, ფრთხი-

ლად შეეხო კლავიშებს. ბგერა ხმასავით დაირჩა ოთახში. ანა შეერთა და ხელიდან გაუვარდა საკერავი. კრისტოფი კი უკვე პიანინოს უჯდა და უქრავდა. არ დაუნახავს, მაგრამ იგრძნო, როგორ წამოღდა ანა, როგორ მოუახლოვდა, როგორ ამოუღდა გვერდში. სანამ გააცნობიერებდა რას შერებოდა, კრისტოფმა იმ რელიგიური და ზეალმტაცი სიმღერის დაკვრა დაიწყო, ანამ რომ იმღერა პარველად. როცა თავისი სახით ეჩვენა კრისტოფს; დაუტყრა და მღელვარე ვარიაციებიც მოაყოლა. სიტყვა არ უთქვამს, ქალმა ისე დაიწყო სიმღერა. სულ დაავიწყდათ გარშემო ყველაფერი. მუსიკის, წმინდათაწმინდა სიმშაგემ ტანვები მოსდო ორთავესა და გაიტაცა.

პოი მუსიკაც, სულის უფსკრულებს რომ აღებ! შენ ანგრევე გონების ჩვეულ წინასწრობას. ჩვეულ ყოფაში ჩვეულებრივი სულები კარდახშულ ოთახებს გვანან. შიგ უსაგნოდ შთენილი ძალები ჭკნებიან — სათნოებანი და მანკიერებანი, რომელთა სამზაოზე გამოტანა გვეხამუშება; ბრძენ პრაქტიკულ ჰკუთას, მხდალ საღ აზრს უპყრიათ იმ ოთახის კლიტენი. მხოლოდ თითო-ოროლა ბურჯუაზიულად დალაგებულ განჯინას აჩენენ. მაგრამ მუსიკას ხელთა აქვს ჯალოსნური კვერთხი, კლიტეს რომ აღებს. კარები ოღება. გულის ღემონები ჩნდებიან და სული თავის თავს შიშველს ხედავს. სანამ სირინოზი მღერის, მომთვინიერებელი ლაგმავს მტაცებელ ნადირთ. დიდი მუსიკოსის მძლე გონება აჯადოებს ვნებებს, რომელთაც ხელ-ფეხს უხსნის. მაგრამ როცა მუსიკა მწყდება, როცა მომთვინიერებელიც მიეფარება თვალთავან, მისგან გამოღვიძებული ვნებანი ღრიალით არყევენ გალიას და მსხვერპლს დაეძებენ...

მგლოდია დასრულდა. სიჩუმემ დაისადგურა ირგვლივ... ანას სიმღერი-სას ხელი კრისტოფის მხარზე დაედო. განძრევას ვერ ბედავდნენ; ორთავე კანკალებდა... უეტრად — ეს წამისყოფით მოხდა — ქალი დაიხარა კრისტოფისაკენ, კრისტოფმაც წამოიწია და მათი ბაგეები ერთმანეთს შეეწებნენ; ქალის სუნთქვა შეიჭრა კრისტოფის სულში.

ანამ ხელი ჰკრა და გაიქცა. კრისტოფი, ადგილზევე გაშეშდა, ჩრდილში. ბრაუნნი დაბრუნდა. სუფრას შემოუსხდნენ. კრისტოფს არაფერზე ფიქრის თავი-ალარ ჰქონდა. ანა იქ მყოფს არც ჰგავდა, „სხვაგან“ გაიციქრებოდა. ნავახშმევს თავის ოთახში შეიკეტა. კრისტოფს არ შეეძლო ბრაუნთან პირისპირ დარჩენა და ისიც გაიქცა სასტუმრო ოთახიდან.

შუალამე მოტანებული იყო, როცა ექიმს ავადმყოფთან უხმეს. ბრაუნნი უკვე იწვა, იძულებული გახდა, ჩაეცვა და წასულრყო. კრისტოფმა გაიგონა, როგორ ჩაიარა კიბე და როგორ გაიჯახუნა კარი. ექვის საათის აქეთ თოვდა. სახლები და ქუჩები თოვლით იყო მინამქრული. ჰაერი. ბამბით გეგონებოდათ გატენილი. გარედან არც ეკიპაჟის და არც შეგვიანებული მგზავრის ფეხის ხმა არ ისმოდა. ქალაქი მკვდარს დამსგავსებოდა. კრისტოფს არ ეძინა. შიშს დაეძულებინა მის სულში. შიში თანდათან იზრდებოდა. განძრევაც არ შეეძლო: იწვა ზურგზე, თავის საწოლზე მილურსმული, თვალებდაჰყეტილი. მიწიდან და

სახურავებიდან ასხლეტილი კრილა შუქი ოთახის კედლებზე დაკიალებდა... უმნიშვნელო ჩქამა შეაკათო: მასავით გადარაჯებული უნდა ჰქონოდა კაცს სმენა, ეს ხმა რომ გაერჩია. დერეფანში, იატაკზე, ვიღაც მოდიოდა თითის წვერებზე, ნიავევით მოიხრეოდა. კრისტოფი საწოლში წამოიმართა. მსუბუქი ხმაური მოახლოვდა, მიწყდა, იატაკის ფიცარმა დაიჭრიალა. ვიღაც იღვა კარს-უკან, ვიღაც იცდიდა... რამდენიმე წამს, იქნებ რამდენიმე წუთსაც არ განძრეულა... კრისტოფს სუნთქვა შეეკროდა, მთლად ოფლში იყო გაჭურული. გარედან თოვლის ფანტელები აღნებოდნენ მინებს, ფრთებივით ელამუნებოდნენ. ვიღაცამ ხელის ცეცებით გაალო კარი. ზღურბლზე რაღაც თეთრი გამოჩნდა, ნელა წამოვიდა კრისტოფისაკენ; საწოლიდან რამდენიმე ნაბიჯზე შედგა, შეისვენა. კრისტოფი ვერაფერს არჩევდა; მაგრამ ესმოდა მოსულის სუნთქვა და საკუთარი გულის ძგერა... ქალი საწოლთან მოვიდა. კიდევ შედგა. სახეები ისე ახლოს ჰქონდათ ერთიმეორისაგან, რომ მათი სუნთქვა ერთმანეთში აირია. მათი მზერა ბნელში ამაოდ დაექმდა ერთმანეთს... ქალი ზედ დაემხო კრისტოფს. ჩუმად, უსიტყვოდ, გააფთრებით გადაეხვიენ ერთმანეთს...

ერთმა საათმა განვლო, ორმა საათმა თუ მთელმა საუკუნემ. სახლის კარმა გაიჭრიალა. ანა დაუსხლტა კრისტოფის მკლავებს, საწოლიდან გამოცურდა და კვლავ ხმისამოუღებლად წავიდა. კრისტოფმა გაიგონა შიშველი ფეხების ხმა როგორ შორდებოდა, როგორ მისრიალებდა პარკეტზე. ქალი თავის ოთახში შეეარდა და ბრაუნს უკვე საწოლში დახვდა დაწოლილი. თავი მოიმძინარა. ასე თვალშიამ გაატარა მთელი ღამე; იწვა გაუნძრევლად, სულგანაბული, დაძინებული ბრაუნის გვერდით ვიწრო საწოლზე. რამდენი ღამე გაუტარებია ასე!

არც კრისტოფს მოუხუტავს თვალი. სასოწარკვეთილი იყო. ეს კაცი სიყვარულსა და მეტარდე ქორწინებას ტრაგიკული სერიოზულობით უცქერდა. სძულდა იმ მწერლების სიმჩატე, რომელთაც ადულტერი თავიანთი ხელოვნების საკმაზად გაუხდიათ. ადულტერი ზიზღს გვრიდა. ამ ზიზღში გაცხოველებულიყო მისი მდაბიური უხეშობა და მორალური სიწმინდე. ერთსა და იმავე დროს რელიგიურ მოწიწებასა და ფიზიკურ ზიზღს აღუძრავდა ქალი, რომელიც სხვას ეკუთვნოდა. ძაღლების საკადრისი მრუშობა, ეგროპული ელიტის ნაწილი რომ მისცემოდა, გულს ურევდა. თუ ცოლის ღალატი ქმრის თანხმობით ხდება, სიბინძურეა; თუ ქმრის უჩუმრად, მდაბალი სიცრუე ბილწი ლაქისა, ფარულად რომ ცდილობს პატრონს უმუხტლოს და მის სახელს ჩირქი მოსცნოს. რანაირად ეჯავრებოდა ისინი, ვისაც ამ სიმდაბლეს შეამჩნევდა! იმათთან მეგობრობაზედაც კი აიღო ხელი, ვინც მის თვალში ასე შეირცხვინა სახელი... და აი, თვითონაც გაისვარა ამ სიმდაბლეში! დანაშაულიც ისეთ გარემოებაში მოუხდა, რომ მის ცოდვას უფრო საზარელს ხდიდა. ამ სახლს ავადმყოფი და დევნილი შემოეხიზნა. მეგობარმა მიიღო, დაეხმარა,

ნუგეში სცა. თავის დღეში სიკეთე არ მოუკლია მისთვის. ზედ ეგებოდა. მისი მაღლიერი უნდა ყოფილიყო, ცოცხალი რომ დარჩა. მან კი მაღლობის მაგივრად მოჰპარა ბედნიერება, ღირსება, უბრალო, შინაურული სიტკბო! მდაბლად უმუხთლა და მერე ვისთან? ქალთან, რომელსაც არ იცნობდა, რომლისაც არ ესმოდა და რომელიც არ უყვარდა... არ უყვარდა? სისხლი აუჯანყდა ამის გაფიქრებაზე. სიყვარული ძალზე უფერული სიტყვა იყო ცეცხლის იმ ნიაღვართან შედარებით, მას რომ შემოგზნებოდა, როცა კი ანაზე იწყებდა ფიქრს. ეს არ იყო სიყვარული, მაგრამ სიყვარულზე ათასჯერ ძლიერი კი გახლდათ... ღამე შფოთვანი გაატარა. დგებოდა, სახეს გაყინული წყლით იგრილებდა, სული ეხუთებოდა და ცახცახებდა. ბოლოს სიცხემ აუწია.

როცა ადგა გატანჯული, ფიქრობდა, ანა ჩემზე ბევრად უფრო დაზაფრული იქნებოდა სირცხვილით. ფანჯარასთან მივიდა. მზე თვალისმომკრელად ბრწყინავდა თოვლზე. ბაღში თოკზე ანა სარეცხს ფენდა. გულიანად ეკიდებოდა საქმეს, ეტყობოდა, არაფერზე ნაღვლობდა. მიხრა-მოხრასა და სიარულში უჩვეულო ღირსებას შეამჩნევდით, ქალს მისდაუნებურად ქანდაკებას რომ ამსგავსებდა.

შუადღის პურობაზე ერთად შეიყარნენ. ბრაუნი მთელი დღით იყო წასული. კრისტოფი ვერ აიტანდა მასთან შეხვედრას, ანასთან მოინდომა ლაპარაკი; მაგრამ მარტონი არ ყოფილან: მოახლე მიმოდოდა ოთახში; თვალყური უნდა ედევნებინათ საკუთარი თავისათვის. კრისტოფი ამოდ დაეძებდა ანას მზერას. ანა არ უყურებდა. მღელვარების ნიშანწყალიც კი არ ეტყობოდა, მის მიმოხრაში უჩვეულო თავდაჯერება და კეთილშობილება გამოსჭვიოდა. ნასადილევს კრისტოფს იმედი მიეცა, საუბარს შეეძლებოდა; მაგრამ მოახლე ქალი ვეღარ მორჩა სუფრის ალაგებას; მეზობელ ოთახში რომ გავიდნენ, იქაც შესდია; ხან რაღაც მიჰქონდა, ხან — შემოჰქონდა; დერეფანში იქეჭებოდა ღრიქედ დატოვებულ კართან. რომლის დაკეტვასაც ანა არ ჩქარობდა; იტყოდით, მათ უთვალთვალბსო. ანა ფანჯარასთან მიმჯდარიყო თავისი გაუთავებელი ხელსაქმით. კრისტოფი საეარძელში ჩაესვენა, სინათლისაკენ ზურგშექცეული. მუხლებზე წიგნი ედო, მაგრამ არ კითხულობდა, კედლისთვის გაეშტერებინა მზერა. ანას შეეძლო მისი პროფილის დანახვა, თვალის ერთი შევლებით შენიშნა მისი გატანჯული სახე და გაელიმა გულქვას. სახლის სახურავიდან, ბაღის ხეებიდან გამდნარი თოვლი ლიკლიკით ეცემოდა ქვიშაზე. შორიდან მოისმოდა ბავშვების სიცილი, გუნდებით ხელში ქუჩა-ქუჩა ერთიმეორეს რომ დასდევდნენ. ანას თითქოს თვლენა მორეოდა. სიჩუმე გულს უფლეთდა კრისტოფს; ცოტაც და, ტანჯვისაგან ყვირილს მორთავდა.

ბოლოს მსახურმა ქალმა ქვემო სართულისაკენ მიმავალი კიბე ჩაიარა და სახლიდან წავიდა. კრისტოფი წამოდგა, ანასკენ შებრუნდა, უნდოდა ეთქვა: ანა! ანა! ეს რა ჩავიდინეთო.

ანა შემოპყურებდა; აქამდე ჩიუტად დახრილი თვალები გაეღო; კრის-



ტოვს ესროლა ცეცხლოვან, მწველ მზერას. კრისტოფს თვალებში ეცა დარტყმა, და დაბარბაცდა; ყველაფერი, რისი თქმაც სურდა, ერთბაშად განქარდა. ერთიმეორისაკენ წამოვიდნენ და ხელახლა დაეუფლნენ ერთმანეთს.

სადამოს ბინდი ჩამოწვა. სისხლი ისევ უჩქაროლავდათ ძარღვებში. ანა საწოლზე იწვა კაბაშემოდარკული, მკლავებშიმწველი, ხელიც არ გამოუღია, რომ სხეული დაეფარა. კრისტოფს სახე ბალიშში ჩაერგო და კვნესოდა. ქალი წამოკვდა, კრისტოფს თავი წამოუწია, თითებით მოეფერა თვალებზე, ტუჩებზე; სახე მიუახლოვა, თვალი თვალში გაუყარა. თვალები ჰქონდა ტბასავით უძირო; შიგ მწუხარების ნიშანწყალიც არ ჩანდა. თვალები უცინოდნენ. სინდისი დუმდა. კრისტოფიც გაყუჩდა. თრთოლას ისე აეტანა ორთავე, თითქოს დიდ-დიდი ტალღებიაო.

იმ ღამით, თავის ოთახში რომ დაბრუნდა, კრისტოფმა იფიქრა, თავს მოვიკლავო.

მეორე დღეს, ადგა თუ არა, მაშინვე ანას დაუწყო ძებნა. ახლა ქალს თავად არიდებდა მზერას. როგორც კი მათი თვალები შეხვდებოდნენ ერთმანეთს, კრისტოფს სათქმელი ეფანტებოდა. თავს ძალა დაატანა და ანას სიტყვა ჩამოუგდო მათი საქციელის სიმდაბლესზე. ქალი მიუხვდა თუ არა, მაშინვე ხელით მოუკუმა ბაგე. კრისტოფს განერიდა წარბშეკრული, ტუჩებმოკუშული, ავად გამოშზირალი. კრისტოფი კვლავ თავისას გაიძახოდა. ქალმა ხელმეორედ გააგდო საკერავი და კარი გამოაღო, გასვლა დააპირა. კრისტოფი ხელებში სწვდა, კარი ისევ მიხურა და მწარედ უთხრა, ბედნიერი ყოფილხართ, ჩადენილ სიავეზე ფიქრს ასე ადვილად თუ იცილებთო. ქალი გააფთრდა და მრისხანედ მიახალა:

— გაჩუმდი!.. ლაჩარო! ნუთუ ვერა ხედავ, რომ ვიტანჯები!.. სიტყვაც აღარ გამაგონო. თავი დამანებე!

სახე დაგრძელებოდა; თვალებში ზიზღი და შიში ჩასდგომოდა, როგორც გალახულ ნადირს. მის თვალებს რომ შესძლებოდათ, დასტურ მოკლავდნენ კრისტოფს. კრისტოფმა ხელი უშვა. ანა გაიქცა ოთახის მეორე კუთხეში, რომ სამშვიდობოს დაეგულებინა თავი. კრისტოფი აღარ გაჰკიდებია. გული ეკუმშებოდა სიმწრითა და ძრწოლით. ბრაუნი. დაბრუნდა. კრისტოფი და ანა გამთავყვანებულები უმზერდნენ. საკუთარი ტანჯვის გარდა აღარაფერი არსებობდა მათთვის.

კრისტოფი შინიდან გავიდა. ბრაუნი და ანა სუფრას მიუსხდნენ. შუა სადილობისას ბრაუნი ფიცხლად წამოიჭრა ზეზე და ფანჯარა გამოაღო. ქალს გული შეჰლონებოდა.

კრისტოფმა რალაც მოგზაურობა მოიგონა და ორი კვირით გადაიკარგა ქალაქიდან. ანა მთელ დღეებს თავის ოთახში ატარებდა ჩაკეტილი, მარტო საკმელზე თუ ჩამოვიდოდა ძირს. კვლავ დაუბრუნდა ძველი ჩვეულებანი, წარსული ცხოვრების ნიბი, თვალთახედვა, რომ ეგონა, თავიდან მოვიცილო

და სინამდვილეში ვერასდროს იცილებს კაცი. ტყუილად ხუჭავდა თვალებს. დღეცისმარე დარდი სულ უფრო ღრღნიდა, სულ უფრო მეტად უფორიაქებდა გულს; ბოლოს შიგ დაიბუდა; მომდევნო კვირას კვლავ უარი თქვა ტაძარში წასვლაზე. მაგრამ ერთი კვირის შემდეგ ისევ წავიდა და იქ სიარული აღარც მოუშლია. არ დამორჩილებულა, მაგრამ იძლია. ღმერთი მტერი იყო — მტერი, რომელიც ვერ მოეუორებინა თავიდან. მისკენ მიდიოდა იძულების ძალით, მონის ყრუ ბრაზით ატანილი. ღვთისმსახურებისას სახეზე მხოლოდ მტრული სიცივე ეწერა; მაგრამ სულის სიღრმეში მღუმარე სასოწარკვეთით უმხედრდებოდა სასტიკ ბატონს, რომელიც საყვედურით ავსებდა. თავს იკატუნებდა, ვითომც არაფერი მესმისო. მაგრამ უნდა გაეგონა; და ცხარედ ეკამათებოდა ღმერთს, კუშტად მომზირალი, ჯიუტად შუბლშეკმუნნილი, კრაჭაშეკრული. კრისტოფზე სიძულვილით ფიქრობდა. ვერ ეპატიებინა მისთვის, რომ წამით მოჰვლიჯა სულის ციხეს და ხელახლა იქითკენ უბიძგა, ჯალათებს მიუგდო გასაწეწად. ძილი აღიკვეთა; დღისით და ღამით ერთსა და იმავე მქენჯნავ ფიქრს უტრიალებდა მისი გონება; როდი ჩიოდა; გაკერპებული ყველაფერს ადევნებდა თვალყურს ოჯახში; რაც რამ ევალა, ყველაფერს აკეთებდა, არაფრით შეუცვლია უხიაკი და ჯიუტი ხასიათი; ოჯახის საქმეებს უწინდებურად ბეჯითად უძღვებოდა. ოღონდ ეს იყო, ყოველივეს მანქანასავით ასრულებდა. გახდა, გაილია. იტყოდით, რაღაც სენი შესჩენია. და ღრღნისო. ბრაუნი შეშფოთებითა და სიყვარულით ეკითხებოდა, რა მოგდისო. გასინჯვაც დაუპირა. მაგრამ ანამ ბრაზით ჰკრა ხელი. რაც მეტ სინიღისის ქენჯნას გრძნობდა, მით უფრო უხეში ხდებოდა.

კრისტოფს გადაწყვეტილი ჰქონდა, აღარ დაებრუნდებო. დალილობისაგან სიქას იცლიდა. შორ გზებზე დადიოდა, ძნელ ვარჯიშს ეტანებოდა: ნიჩბებს უსვამდა, დაეხეტებოდა, მთებზე ფოფხდებოდა. მაინც ვერაფერმა ჩაუქრო სახშილი.

ვნებას მაგრად ჰყავდა ჩაქედილი. ვნება გენიოსთათვის ბუნების აუცილებლობაა. ყველაზე უბიწონიც კი, ბეთპოვენი, ბრიუკერი, მულამ სიყვარულის ტყვეობაში იმყოფებოდნენ; ყველა ადამიანური ძალა გაათყვეცებული ჰქონდათ; და რაკი მათში ძალები წარმოსახვის ტყვეა, მათი გონებაც გამუდმებულ ვნებათა მსხვერპლად ქცეულა. უმეტეს შემთხვევაში ეს სწრაფწარმავალი აღია ხოლმე; ერთი მეორეს ანგრევს; და ყველანი შემოქმედი გონების ხანძარში დაინთქმებიან. მაგრამ როგორც კი სულს აღარ ავსებს გრდემლის მგზნებარება, დაუცველი სული ვნებათა სათამაშო ხდება, ურომლებოდაც არ ძალუძს გაძლება; სულს სწყურია ისინი, სული თავად წარმოშობს მათ; ვნებებმა უნდა დაფლითონ იგი... თან მძლავრ სურვილთან ერთად, ხორცს რომ გვიფორიაქებს, არსებობს სინაზის წყურვილიც, ცხოვრებისაგან გალახულსა და გაწბილებულ კაცს მანუგეშებლის მკლავებისაკენ რომ უბიძგებს. დიდი ადამიანი სხვაზე მეტადაა ბალდი; სხვაზე მეტად მას სჭირდება მიენდოს ქალს,

შუბლი მოასვენოს მის ნაზ ხელისგულებზე, მუხლებზეა ჩადრმავებულ კაბის ნაოჭებში.

მაგრამ კრისტოფს ეს არ ესმოდა... არ სჯეროდა ვნების ფატალურობისა — რომანტიკოსების ამ მონაჭორის! მოვალეობის კაცი იყო და ფიქრობდა, ბრძოლის მოგებაც შეიძლებაო ნებისყოფის დაძაბვის ძალით... მისი ნებისყოფა! სად წასულიყო? კვალიც კი არ დარჩენილიყო მისგან. კრისტოფი შეპყრობილი იყო. დღისით და ღამით მოგონების ნესტარი გესლავდა. ანას სხეულის სუნი უღიბნებდა ნესტოებსა და ტუჩებში. მძიმე კატარასავით იყო, ადგილს-მოწყვეტილს, უიალქნოს თავის ნებაზე რომ მიაქროლებს ქარი. ამოდ ღამობდა გაქცევას: ერთსა და იმავე ადგილს უბრუნდებოდა ისევ და ისევ; და ქარში გაპყვიროდა:

— დამლეწე, ქარო! რა გსურს, რას მერჩი?

რატომ მაინცდამაინც ეს ქალი შეხვდა?.. რატომ შეუყვარდა? გულისა და გონების სიკეთით მოხიბლა? განა სხვა ცოტა იყო უფრო ჭკვიანი და უკეთესი? ხორცის გულისთვის? კრისტოფს სხვა საყვარლებიც ჰყოლია, რომელთა ალერსიც უფრო საამუხრად ეჩვენებოდა. მაშ რატომ? რას დაემონებინა? „უყვართ იმიტომ, რომ უყვართ“. — დიახ, მაგრამ არსებობს ხოლმე მიზეზი, თუნდაც საყოველღეო გონიერულობის საზღვრებს სცილდებოდეს! სიგიჟე? ესეც არაფერსა ხსნის. რამ გამოიწვია ეს სიგიჟე?

იმიტომ, რომ არსებობს სულის იდუმალებანი, ბრმა ვნებები, დემონები, რომლებსაც ყველა დაატარებს შიგანში გამომწყვდეულთ. კაცის ყოველი ძალისხმევა, მას შემდგომ, რაც ადამის მოდგმა გაჩნდა ამქვეყნად, მიმართულ იყო იქით, რომ წინ აღდგომოდა ამ შინაგან ზღვას, დაებრისპირებინა მისთვის თავისი გონებისა და რელიგიების კაშხალები: მაგრამ დაე, ამოვარდეს ქარიშხალი (ყველაზე უმდიდრეს სულებს უფრო ადვილად ერევათ იგი), დაიმსხვრეს კაშხალები, თავი აიწყვიტონ დემონებმა, შეეჩაჩონ სხვა, მსგავსი დემონებით შეძრულ სულებს... ისინი ერთიმეორეს ეკვეთებიან და მაგრად ეკონებიან. სიძულვილია ეს? სიყვარული? ურთიერთნგრევის სიშმაგე? ვნება მოსისხარი ნადირია.

ორი კვირა ამოდ უძალიანდებოდა თავს; ბევრი ეცადა გაქცეულიყო, მაგრამ ვერა გააწყო რა. ისევ ანას სახლში დაბრუნდა. მისგან მოშორებით სიცოცხლე აღარ შეეძლო. სული ეხუთებოდა.

მაგრამ მაინც ვანაგრძობდა ბრძოლას. როცა დაბრუნდა, იმ საღამოს ორთავემ გამოანახეს საბაბი, რომ ერთმანეთი არ ენახათ, არ ესაღილათ ერთად; ღამით გასაღებით ჩაიკეტნენ ლაჩრულად, თვითული თავის ოთახში. მაგრამ თავს მაინც ვერ მოერიენ. შუალამისას ანამ ფეხშიშველამ მოირბინა, კარზე მოუკაკუნა; კრისტოფმა გაუღო; ქალი ლოგინში შეუწვა, ზედ მიეკრო გაყინული. ჩუმად ტიროდა. კრისტოფი გრძნობდა, ლოყაზე როგორ დასდიოდა

ქალის ცრემლები: ანა ცდილობდა დამშვიდებდას; მაგრამ სატკივარმა სძლია და აქვითინდა. ბავით კრისტოფის კისერს ეკვროდა. ამ მწუხარებით თავზარდაცემულ კაცს თავისი დარდი გადააეიწყა; ცდილობდა დაემშვიდებინა საალერსო სიტყვებით. ანა კენესოდა:

— რა უბედური ვარ, ნეტავი მოკვდებოდე...

ნისი ჩივილი გულს უფლეთდა კრისტოფს. კოცნა მოუნდომა. ქალმა ხელი ჰკრა.

— მეჯავრებით! რატომ მოხვედით?

თავი გაითავისუფლა მისი მკლავებიდან და ლოგინის მეორე მხარეს დაემხო. საწოლი ვიწრო იყო. თუმცა კი ორივე ცდილობდა არ მიჰკარებოდნენ ერთმანეთს, მაინც ეხებოდნენ. ანას ზურგი შეეჭკია კრისტოფისათვის და კანკალებდა ბრაზისა და მწუხარებისაგან. სასიკვდილოდაც კი ემეტებოდა კრისტოფი. კრისტოფი დუმდა კრიკაშეკრული, დაზაფრული. სიჩუმეში ანას ყურს მისი ხენეშა ჩაესმა, უეცრად შემობრუნდა, მკლავები შემოაჭლო კისერზე და უთხრა:

— საწყალო კრისტოფ! როგორ გაგტანჯე...

კრისტოფმა პირველად გაიგონა მისგან სიბრალულის სიტყვები.

— მაპატიე, — ჩურჩულებდა ქალი.

— ვაპატიოთ ერთმანეთს, — უთხრა კრისტოფმა.

ქალი წამოიწია ისე, თითქოს სულს ვეღარ ითქვამდა. ლრგინზე წამომჯდარმა, დარდით წელში მოხრილმა, თქვა:

— დავიღუპე... ასეთი ყოფილა ნება უფლისა. ღმერთმა მიმატოვა. მის წინააღმდეგ რა შემიძლო?

დიდხანს იჯდა ასე; მერე კვლავ დაწვა და აღარც განძრეულა. ცრიატმა შექმა ამცნოთ ალიონის მოახლოება. დილაბნელში კრისტოფმა დაინახა მწუხარე სახე, მისას რომ ეკვროდა და გათენდაო, წაიჩურჩულა.

ქალი არ შეჩინებულა.

კრისტოფმა ჩაილაპარაკა:

— გათენდეს. განა სულერთი არაა?

ანამ თვალი გაახილა, საწოლიდან ნელა წამოიშრათა; დაღლილობისაგან სიკვდილის პირას იყო მისული. საწოლის კიდეზე ჩამომჯდარი იატაკს დასჩერებოდა. ჩამქრალი ხმით უთხრა კრისტოფს:

— ამ ღამით მისი მოკვლაც გავიფიქრე.

კრისტოფი ელდანაკრავივით შეხტა.

— ანა! — უთხრა ქალს ყვედრებით.

ანა პირქუშად მისჩერებოდა თანჯარას.

— ანა! — გაიმეორა კრისტოფმა, — ღვთის გულისათვის!.. იმას ნუ!.. ის ორთავეს გვჯობია.

— ჰო, იმას არა.

თვალი თვალში გაუყარეს ერთმანეთს.

უკვე დიდი ხანია, იცოდნენ, რა იყო ერთადერთი გამოსავალი. ასე სიცრუეში ჩაფლულებს ცხოვრება არ შეეძლოთ. არასოდეს მოსვლიათ აზრად, ერთად გავიქცეთო, რადგან გრძნობდნენ, რომ ეს არ იყო გამოსავალი: უარეს ტანჯვას გარეშე დაბრკოლებანი როდი უქადდათ; უარესი სატანჯველი თავად მათში, მათ განსხვავებულ სულებში იყო. ისინი ისევე ვერ შეძლებდნენ ერთად ცხოვრებას, როგორც უერთმანეთოდ. არავითარი გამოსავალი არ ჩანდა.

იმ წუთიდან აღარ მიალერსებიან ერთმანეთს. სიკვდილის ჩრდილი დასწოლოდათ და ერთიმეორისათვის წმიდათაწმიდანი გამხდარიყვნენ.

მაგრამ დღე არ დაუთქვამთ. გაურბოდნენ. ამბობდნენ, ხვალე, ხვალეო... და ამ ხვალეს თვალს არიდებდნენ. კრისტოფის ძლიერი სული ჭანყს მოეცა. ვერ შეპყვებოდა დამარცხებას; თვითმკვლელობა ზიზღს ჰგვრიდა, ვერ შერიგებოდა აზრს, რომ ასე უსახელოდ უნდა დაესრულებინა დიდი სიცოცხლე. ანაც, თუ არ იძულების ძალით, როგორ თანხმდებოდა სიკვდილზე, საუკუნო წაწყმედას რომ უქადდა? მაგრამ აუცილებლობის მსახვრალი ხელი მოხვდათ და წრეც თანდათანობით ვიწროვდებოდა მათ გარშემო.

იმ დღით, თავისი ღალატის შემდეგ კრისტოფი პირველად დარჩა ბრაუნთან მარტო. აქამდე ანერხებდა განრიდებას. ეს შეხვედრა მისთვის აუტანელი იყო. რაღაც მიზეზის გამოძებნა დასჭირდა, რომ მასწინძლისათვის ხელი არ ჩამოერთმია. მიზეზის გამოძებნა დასჭირდა იმისთვისაც, რომ სუფრაზე მასთან არ გაეტეხა პური: ლუკმა არ გადასდიოდა ყელში. ხელის ჩამორთმევა, მასთან პურობა იუდას ამბორს მოჰგავდა!.. ყველაზე საშინელი ის ზიზღი კი არ იყო, თავის თავის მიმართ რომ გრძნობდა, ეს ბრაუნის სატანჯველისადმი თანაგრძნობა გახლდათ. რომ გაიგოსო, ეს ფიქრი ჭვარს აცვამდა. კარგად იცოდა, რომ საბრალო ბრაუნი შურს თავის დღეში არ იძიებდა, იქნებ იმის ძალაც არ ჰყოფნოდა, შეეძლებინა მოღალატენი; მაგრამ რა თავზარი იქნებოდა მისთვის!.. რა თვალებით შემოხედავდა კრისტოფს! კრისტოფი გრძნობდა, რომ ვერ გაუძლებდა ამ მომღურავ თვალთა მზერას. თან ადრე თუ გვიან ქმარი უეჭველად შეიტყობდა. იქნებ უკვე ხეკობდა კიდევ? ორი კვირის უნახავი რომ ნახა, კრისტოფი გაოცდა, ისეთი გამოცვლილი ეჩვენა: ბრაუნი თავის თავს აღარ ჰგავდა. მისი სიმხიარულე საღლაც გაქრა, როგორღაც ნაძალადევი შეიქნა. სუფრასთან მალულად უქვრეტდა ანას, რომელიც ხმას არ იღებდა, არ ჭამდა და ჭრაქივით იღეოდა. მორცხვად, გულისამაჩუყებელი მზრუნველობით სცადა ცოლის გული მოეგო; ქალმა მისი ზრუნვა ახლოსაც არ გაიკარა, უკმეხად მოიცილა თავიდან; მაშინ ქმარმა თეფშში ჩარგო ცხვირი და გაჩუმდა. შუა საუზნობაში რომ იყვნენ, ანამ მაგიდაზე დააგდო თავისი ხელსახოცი, სული ეხუთებოდა და ოთახიდან გავარდა. კაცებმა უსიტყვოდ დაასრულეს ჭამა, იქნებ თავს იკატუნებდნენ და არც კი ჭამდნენ; ვერც ერთი ვერ ბედავდა თვა-

ლების აწევას. ნასაუზმევს კრისტოფი წასასვლელად გაეჩქარა; უეცრად ბრაუნმა ორთავ ხელით დაუჭირა მკლავი:

— კრისტოფი!..

კრისტოფმა კრთომით შეხედა.

— კრისტოფ, — გაიმეორა ბრაუნმა (ხმა უკანკალებდა), — არ იცი, რა დავმართა?

კრისტოფს თითქოს მახვილი აძგერესო; ერთხანს პასუხი ვერ გასცა. ბრაუნი გაუბედავად უცქერდა; საჩქაროდ მოიხადა ბოდიში:

— შენ ხშირად ხედავ; გენდობა...

კრისტოფი მზად იყო ხელები დაეკოცნა მეგობრისათვის და პატიება ეთხოვა. ბრაუნმა დაინახა კრისტოფის შეძრწუნებული სახე და თავზარდაცემულმა მეტის დანახვა არ ისურვა; თვალებით ემუდარებოდა, ნურას მეტყვიო; ნაჩქარევად მოჰყვა ლულულს, უჩურჩულა:

— შენც არაფერი იცი, ხომ?

— არა, — მწუხარედ მიუგო კრისტოფმა.

რა მწარეა თავის დადანაშაულება, თავის დამცირება რომ არ ძალგდის. თორემ ვაი რომ გულს დაუფლეთ იმას, ვისაც უმუხთლე! მწარეა, რომ არ ძალგდის თქვა სიმაართლე, როცა შემომკითხველის თვალებში აშკარად ხედავ, რომ მას ბრ სურს, არ სურს იცოდეს ეს სიმაართლე!..

— კეთილი, გმადლობთ; გმადლობთ, — უთხრა ბრაუნმა.

იღვა ასე, ხელებით კრისტოფის სახელოს ჩაფრენოდა, თითქოს კვლავ სურდა რაღაც ეკითხა, მაგრამ ვერ ბედავდა, თვალს არიდებდა. მერე ხელი უშვა, ამოიოხრა და ოთახიდან გავიდა.

კრისტოფი სულ გაანადგურა ამ თავისმა ახალმა ტყუილმა. ანასთან გაიქცა, მღელვარებისგან ენადამბულმა უამბო, რაც შეემთხვა. ანამ პირქუშად მოუსმინა და თქვა:

— დაე, თუნდ იცოდეს! რას დავეძებ!

— მაგას როგორ ამბობ? — შეუწყრა კრისტოფი, — ქვეყნად არაფრის გულისათვის არ მინდა, რომ გაიტანჯოს!

ანა გაცეცხლდა:

— რომც გაიტანჯოს? განა მე კი არ ვიტანჯები? დე, ისიც გაიტანჯოს!

მწარე სიტყვები უთხრეს ერთმანეთს. კრისტოფი აყვედრიდა, შენი თავის მეტი არაფერ გიყვარსო. ანა ჩიოდა, ჩემს ქმარზე უფრო მეტს ფიქრობ, ვიდრე ჩემზეო.

მაგრამ ორიოდ წუთის შემდეგ, როცა კრისტოფმა უთხრა, ასე სიცოცხლე აღარ შემიძლია, წავალ და ბრაუნს გავეუმხელ ყველაფერსო, ახლა ქალმა აქეთ დაუძახა ეგოისტი, უყვიროდა, შენი სინდისის ქენჯნას მე არ დავეძებ, ბრაუნმა არაფერი არ უნდა შეიტყოსო.

მწარე სიტყვებს კი ამბობდა, მაგრამ ბრაუნზე იმდენსვე ფიქრობდა, რამ-

დენსაც კრისტოფი. თუმცა ქმარი ჭეშმარიტი სიყვარულით თავის დღეში არ ჰყვარებია, შეთვისებული იყო მასთან. რელიგიური მოწიწებით უცქეროდა სოციალურ კავშირებსა და წესებს, ისინი რომ აფუძნებდნენ. იქნებ არ სწამდა, რომ ცოლს ევალეზოდა კეთილი და ქმრის მოყვარული ყოფილიყო; მაგრამ ფიქრობდა, ქალს ვალად აძევს გულმოდგინედ გააკეთოს საოჯახო საქმეები და ქმარს უერთგულოსო. ქმარს რომ უღალატა, თავს ამუნათებდა, უღირსი საქციელი ჩავიდინეო.

და კრისტოფზე უკეთ მას მოეხსენებოდა, რომ ბრაუნი სულ მალე შეიტყობდა ყველაფერს. საქებურიც კი იყო, ამას რომ უმაღავდა საყვარელს, იქნებ არ სურდა მისთვის ზედმეტი სადარდებელი აეჩინა, იქნებ თავმოყვარეობა უკრძალავდა ბოლომდე განდობოდა კრისტოფს.

რა კარდახშულიც არ იყო ბრაუნის სახლი, რა საიდუმლოებით მოცულიც არ უნდა დარჩენილიყო ბურჯუაზიული დრამა, შიგ რომ გათამაშდა, რალაცამ მაინც გამოჟონა გარეთ.

ამ ქალაქში არავის შეეძლო დაეკვებნა, ჩემს ცხოვრებას სხვისი თვალი ვერ მოხვდებო. უცნაური კია. ქუჩებში არავინ შემოგყურებთ; სახლების კარდარაბა დახშულია. მაგრამ ფანჯრების კუთხეში სარკეები ჰკიდია; და თუ ვინმემ გაიარა, ისმის შეღებული და მსწრაფლ მიხურული დარაბების ყრუ ხმაური. არავის ეღარდება თქვენი თავი, თითქოს არც გიცნობენ; მაგრამ ერთი დღეც იქნება და დაინახავთ, რომ არც ერთი თქვენი სიტყვა, არც ერთი თქვენი უესტი არ გამოპარვიათ: იციან, რას აკეთებთ, რა გითქვამთ, რა გინახავთ, რა გიჭამიათ; ისიც კი იციან, რა გიფიქრიათ და მოჰყვებენ კიდევ, საყოველთაო, ფარული ზედამხედველობა დაუწყებიათ თქვენზე. შინამოსამსახურენი, მიმტან-მომტანნი, ნათესაეები, მეგობრები, მტერ-მოყვარეები, შემთხვევითი გამვლელები — ყველანი თანამშრომლობენ უსიტყვო თანხმობით ამ ქვეშეუცნობელ კაშუშობაში, რომლის განთესილი ნაწილაკებიც რალაც მანქანებით გაერთიანდება ხოლმე. მარტო თქვენს ნამოქმედარს კი არ აღევნებენ თვალყურს, თქვენს გულშიაც იქებებია. ამ ქალაქში არავის არა აქვს უფლება თავისი სინდისის საიდუმლო დაიმარხოს; ყველას შეუძლია თქვენს სულში ჩაიხედოს, ხელები აფათუროს შიგ და თუ რამ საზოგადოების შეურაცხმყოფელი შეხვდა, პასუხიც მოგთხოვით. კოლექტიური სულის უხილავი დესპოტიზმი მძიმედ დასწოლია პიროვნებას; იგი მთელი თავისი სიცოცხლე მეთვალყურეობის ქვეშ მყოფი ბალლია; არაფერი მისი მას არ ეკუთვნის: ის თვითონ ქალაქის კუთვნილებაა.

საკმარისი იყო ანა ორ კვირას ზედიზედ გამოკლებოდა წირვას, რომ ეჭვი აღძროდათ. ჩვეულებრივ თითქოს ვერავინ ამჩნევდა მის ყოფნა-არყოფნას ღვთისმსახურებაზე: ანა გაკიდევანებული იყო და ქალაქსაც, იტყოდით, არ

ახსოვსო მისი არსებობა. იმ პირველ კვირას, როცა ქალი არ მივიდა ეკლესიაში, მისი არყოფნა ყველამ შეიტყო, ყველამ შემოინახა მეხსიერების ბნელ კუნჭულში. მომდევნო კვირას არც ერთ ღვთისმოსავს, ბიბლიის წმიდა სიტყვებს რომ აღევნებდა თვალს ან მღვდლის ბაგეთაგან მომდინარეთ უპყრობდა ყურს, ყურადღება არ გაფანტვია, მაგრამ არც ერთს შეუნიშნავი არ დარჩენია შემოსვლისას და შეუპოვმებელი ეკლესიიდან გასვლისას, რომ ანას ადგილი ცარიელი იყო. მეორე დღიდან ანას ისეთი ვინმეები ეწვივნენ, რამდენიმე თვე რომ არ ენახა. რას არ იმიზეზებდნენ: ერთი იმას იტყოდა, შეეშინდით, ავად ხომ არ გახდაო, მეორენი რატომღაც დაინტერესებულყვენ მისი საქმეებით, მისი ქმრით, მისი სახლ-კარით. ზოგმა საოცრად კარგად იცოდა, რა ხდებოდა ანას ოჯახში; არც ერთს არ გადაუკრავს სიტყვა (მოუხერხებელი ხერხიანობით), რომ ანა ორჯერ გამოაკლდა საკვირაო წირვას. ანამ თავი მოიავადმყოფა, რაღაც საქმეები მოიმიზეზა. სტუმრები ყურადღებით უსმენდნენ, კვერს უკრავდნენ: ანამ იცოდა, რომ ერთი სიტყვაც კი არ სჭეროდათ მისი. თვალებს აცეცებდნენ ირგვლივ, ჩხრეკდნენ, ინიშნავდნენ, გულის ფიცარზე იწერდნენ. თავიანთი ცივი გულკეთილობა არ მოუშლიათ, ხმამაღლა ეუბნებოდნენ საამებელ სიტყვებს, მაგრამ თვალეში ეტყობოდათ, უბოდიშო ცნობისმოყვარეობა რომ ღრღნიდათ. ორმა თუ სამმა გადამეტებულის განურჩევლობით იკითხა ბატონი კრაფტის ამბავი.

რამდენიმე დღის შემდეგ — (ეს კრისტოფის არყოფნაში მოხდა) — თვითონ მღვდელიც მოვიდა. ლამაზი კაცი იყო, გულკეთილი, საუცხოო ჯანის პატრონი, გულღია, თავის დღეში არაფერი უმღვრევდა სიმშვიდეს. ასე იმათ სჩვევიათ, ვინც დარწმუნებულია, რომ ჭეშმარიტება, მთელი ჭეშმარიტება უპყრიათ ხელთ. ანას თანაგრძნობით გამოჰკითხა ჯანმრთელობის ამბავი, ზრდილობიანი დაფანტულობით დაუგდო ყური ქალის ბოდიშებს, სიამოვნებით დათანხმდა ფინჯან ჩაიზე, მოსწრებულად იხუმრა, ბიბლიაში რომ ღვინოა ნახსენები, უთუოდ უაღკოპოლო სასმელი იყოო; რამდენიმე ციტატი მოიხმო, ანეგდოტიც მოაყოლა და წასვლისას სასხვათაშორისოდ სიტყვა გადაუკრა: ცუდ ნაცნობობას, სეირნობას, ურწმუნოების სულისკვეთებას ბევრი ზიანი მოაქვსო; ელაპარაკა ცეკვის სიბილწეზე, ხორციელ ნდომებზედაც ჩაუარაკა, თათქოს საღღესო ჭირს ეხებოდა და არა ანას. ერთხანს გაჩუმდა, ჩაახველა, წამოდგა, ბატონი ბრაუნისათვის ენამოქარგული ქათინაურები დააბარა დიასახლისს. ლათინურად წაიხუმრა, გამოეთხოვა და წავიდა. ანას სისხლი გაუყინა მისმა ნართაულად თქმულმა. ან კი ნართაული იყო? საიდან შეიტყო მღვდელმა კრისტოფის და ანას გასეირნების ამბავი? იქ ნაცნობი არავინ შეხვედრიათ. მაგრამ ამ ქალაქში განა რამე დაიმალება? დუქნის წინ მოცეკვავე შავკბიანი ყმაწვილი ქალი და დასამახსოვრებელი გარეგნობის მქონე მუსიკოსი შეუნიშნავი არ დარჩენიათ; აღწერეს კიდევ; და რაკი ნათქვამი პირიდან პირში გადადის, ხმამ ქალაქშიაც ჩაჰოაღწია, სადაც მეჭორეთა გავლიძებულმა



მტრობამ ანა შეიცნო. ცხადია, ეს ჯერ მხოლოდ ჭორი იყო, მაგრამ საოცრად მიმზიდველი; ამას ანას შინამოსამსახურის ნალაპარაკევიც ერთვოდა. საზოგადოებრივი ცნობისმოყვარეობა ახლა გადაარაჭებული იყო, ელოდა, როდის გაიტეხდნენ სახელს, ათასი უხილავი თვალი უთვალ-თვალვდათ. მღუშარე თვალთმაქცი ჩასაფრებოდათ, როგორც გადაარაჭებული კატა.

საფრთხის მიუხედავად ანა იქნებ არც დანებებულ იყო; გააფთრებულს იქნებ მეტადაც გაეხელებინა ეს მხდალი მტრები, თვითონაც ამ საზოგადოების ფარისევლური მორალის ტყვეობაში რომ არ ყოფილიყო, მისი ავის მდომელი საზოგადოებისა. აღზრდამ მოდრიკა ყმაწვილი ქალის ბუნება. ტყუილად კილავდა მეჭორეთა აზრის სიკინნეს და ტირანიას: თავადაც პატივსა სცემდა; ხელს აწერდა მათ განაჩენს, მაშინაც კი, როცა ეს განაჩენი მის წინააღმდეგ იყო მიმართული; მათ სინიდის რომ წინააღმდეგობოდა, საკუთარ სინიდის დასდებდა ბრალს. ქალაქი ეზიზღებოდა; და ქალაქის ზიზღს ვერასგზით ვერ აიტანდა.

ერთი სიტყვიც, დგებოდა წუთი, როცა საერთო ავეიაობას შემთხვევა ეძლეოდა სამზეოზე გამოსულიყო. კარნავალი ახლოვდებოდა.

კარნავალმა ამ ქალაქში იმ დრომდე, როცა ზემოაღწერილი ამბები ხდებოდა, გარდასულ დროთა თავისუფლება და სიმძაფრე შეინარჩუნა (მას შემდეგ ბევრი რამ შეიცვალა). თავისი წყაროების ერთგულს, როცა იგი კაცთა ნებით თუ უნებლიეთ დამონებული და ხუნდდადებული გონებითი სიბილწის უეცარი გამონთება იყო, არსად იმდენი სითამამე არ ჰქონია, როგორც იმ დროებასა და იმ ქვეყნებში, სადაც ხალხი ზნეობითა და კანონებით; გონიერების ამ მცველებით მაგრად იყენენ დაარტახებულნი; ამიტომ ანას ქალაქიც ერთ ასეთ რჩეულ მიწად უნდა, დარჩენილიყო. რაც უფრო მეტად ბოჭავდა მორალური რიგორიზმი ადამიანებს, რაც უფრო მეტად სჩრიდა მოლაპარაკეთ პირში ალიკაპს, რამდენიმე დღის განმავლობაში ქალაქელთა მიხრამოხრა მით უფრო თამაში ხდებოდა და ხმაც უფრო თავისუფლად ჟღერდა. რაც კი სულის სიღრმეში ჰქონდათ დაღუქილი: ექვიანობა, შური, დაფარული სიძულვილი, ურცხვი ცნობისმოყვარეობა, სოციალური ცხოველის თანდაყოლილი ავისმოსურნეობა, სამზეოზე გამოდიოდა და ტკებოდა შეურისძიებით. ყველას უფლება ჰქონდა ქუჩაში გამოსულიყო და ფრთხილად შენიღბულს სამარცხვინო ბოძზე გაეკრა საჭაროდ ის, ვინც სძულდა, გამლელებისათვის გადმოეფინა, რაც ერთი წლის რუდუნებითა და მოთმინებით ჰქონდა გაგებული, წვეთ-წვეთობით დაგროვილი მთელი განძი სკანდალური საიდუმლოებებისა. ზოგი ეტლიდან ქადაგებდა, ზოგი გამჭვირავლ ფრანებს დაატარებდა, რომლებშიაც სიტყვიც თუ სურათებით მავანთა და მავანთა საიდუმლო იყო გამომხეურებული. ზოგი მტრის ნიღბის წამოცმასაც ბედავდა, და ისეთი ადვილი საცნობი იყო, რომ ქუჩის ონავრები სახელს მიჰკიოდნენ. ჭორების გაზეთიც კი გამოდიოდა ამ სა-

მი დღის მანძილზე. მაღალი წრის ხალხიც ფარულად ებმოდა ამ პასკვინოს<sup>1</sup> თამაშში. ხალხს არავინ უწყევდა კონტროლს; ოღონდ პოლიტიკურ გამოხდომებს არ აპატიებდნენ, — ლაგამწყაირილი თავისუფლება რამდენჯერმე გამხდარა ქალაქის მმართველობასა და უცხო სახელმწიფოთა წარმომადგენლებს შორის დავისა და ცილობის მიზეზი. მაგრამ მოქალაქეებს მოქალაქეებისაგან არაფერი იცავდა; და ეს გამუდმებით მოდარაჯე შიში ხალხში თავის მოჭრისა ცოტათი როდი უწყობდა ხელს, აქაურთა ზნეობა გარეგნულად უზაღოდ სჩვენებოდა ყველას, რითაც ქალაქს დიდად მოჰქონდა თავი.

ანას, თუმც კი საშიშარი ბევრი არაფერი ჰქონდა, მოსვენება დაეკარგა. ძალიან მცირე ადგილი ექირა ქალაქელთა წარმოსახვაში, რომ ვინმეს აზრად მოსვლოდა შემოეტი. მაგრამ შიშს დიდი თვალები აქვს და სრულ სიმართლეში, ღღეს რომ უსწრაფებდა, ქანცგაცილის, მეტისმეტად ამღვლეარებულსა და რამდენიმე კვირის უძილობით განაწამებს ყველგან საფრთხე და ხაფანგი ელანდებოდა. აზვიადებდა იმათ ღვარძლიანობას, ვისაც სიყვარულს ვერ ატყობდა. თავს ეუბნებოდა, ეჭვით მიცქერიან, კვალს მიაგნესო; მცირეოდენი კი კმაროდა მის დასაღუპად; და ვინ დაარწმუნებდა, რომ უკვე ყველაფერი არ იღონეს მის ჩასაქოლად? მაშინ უმოწყალოდ გალანძღავდნენ, გაათრევდნენ, დაუნდობლად ტანთ შემოსძარცვავდნენ, გამვლელებს სასიეროდ გაუფენდნენ მის გულს; ასეთ სასტიკ შერაცხვენას ანა ვერ აიტანდა, უშმაკ სირცხვილით მოვეკვდებით, ფიქრობდა. ამბობდნენ, რამდენიმე წლის წინ ერთმა ყმაწვილმა ქალმა ასეთ დევნას ვერ გაუძლო და თავისიანებთან ერთად ქალაქიდან გადაიხვეწაო... და ვერაფერს, ვერაფერს იღონებდა კაცი თავდასაცავად, ვერაფრით აღუდგებოდა წინ მტრებს, ვერც იმას შეიტყობდა, საქმე როგორ შეტრიალდებოდა. ეჭვი კიდევ უფრო გულისმომწყველი იყო, ვიდრე დაბეჭითებით ცოდნა. ანა დევნილი ნადირივით აცეცებდა თვალებს. იცოდა, რომ საკუთარ სახლშიაც მტერი ასჩენოდა.

ანას მოახლეს, ორმოც წელს გადაბიჯებულ ქალს, ბები ერკვა სახელად: დიდი, ღონიერი ქალი იყო, ვიწრო სახე ჰქონდა, ზემოთ წაწვეტებული, ქვემოთ კი — განზე გაზიდული და ჩამოგრძელებული, ყებთან — გამხმარ მსხალივით ფუნთუშა; მუღამ ღიმილი დასთამაშებდა ბაგეზე; თვალები ბურღივით გამჭოლი ჰქონდა, ღრმად ჩამსხდარი, ჩავარდნილი, უჩინარ, წამწამებიან, გაწითლებული ქუთუთოებიდან გამომზირალი. სულ აღტაცებული იყო მხიარულებით. მუღამ მოხიბლული ჩანდა ბატონებით, მუღამ ყველაფერში ემოწმებოდა; თუ უქეიფობას ამჩნევდა, გულისამაჩუყებელი ინტერესით კითხულობდა მათი ჭანმრთელობის ამბავს; სულ იღიმებოდა, როცა რაიმეს უბრძანებდნენ; იღიმებოდა მაშინაც, როცა საყვედურობდნენ რასმე. ბრაუნს კუბოს

<sup>1</sup> პასკვინო ხალხური სახელწოდება რომში მდგარი ერთი ანტიკური ქანდაკებისა, რომლის კვარცხლბეკზედაც შუა საუკუნეებში რომაელები საკირბოროტო საკითხებზე დაწერილ ეპიგრამებს აკრავდნენ ხოლმე. სიტყვა „პასკვილიც“ სწორედ აქედან მომდინარეობს.

კარამდე ერთგული ეგონა იგი. მისი მლიქვნელური მზერა საოცრად არ ესადაგებოდა ანას ცივ გამოხედვას. მაგრამ ბევრ რამეში ჰგავდნენ ერთმანეთს: ბები ქალბატონივით ცოტას ლაპარაკობდა, მასავით ფაქიზად და მკაცრად ეცვა; მასავით ერთობ შორწმუნე იყო, წირვაზე სულ დაჰყვებოდა; ზედმიწევნით ასრულებდა, რასაც რწმენა ავალეებდა, გაფაციცებით ცდილობდა შინაც რიგიან-პირიანად წაეყვანა საქმე: ფხეკდა, ასუფთავებდა, უზადოდ ეჭირა თავი, მზარეულობაშიც წუნს ვერ უპოვიდა კაცი, ყველაფერს დროულად აკეთებდა. ერთი სიტყვით, სანამუშო მსახური იყო, სრულყოფილი ტიპი შინაური მტრისა. ანა ქალური ალღოთი გრძნობდა სხვა ქალთა იდუმალ ზრახვებს და თავის მსახურსაც შინცდამაინც დიდის ნდობით არ ეკიდებოდა. ანას და ბების სძულდათ ერთმანეთი, იცოდნენ ესა და გარეგნულად არაფერს იმჩნევდნენ.

იმ ღამით, როცა კრისტოფი დაბრუნდა და მწუხარებით ქენჯნილი ანა მასთან მივიდა, თუმცა კი დაფიცებული ჰქონდა, ჩემს ღღეში არ ვნახავო, ქურდულად რომ მიიპარებოდა ბნელ დერეფანში კედლებზე ხელების ცეცებით, როცა უკვე კრისტოფის ოთახში უნდა შესულიყო, შენიშნა, რომ ფეხქვეშ გლუვი და ცივი პარკეტის ნაცვლად თბილი მტვერი მოხვდა, რალაცნაირად რომ იფშენებოდა. დაიხარა, ხელი მოუთათუნა იატაკს და მიხვდა: ნაცრის თხელ ფენას დაეფარა დერეფანი ორი თუ სამი მეტრის მანძილზე. ბებიმ თვითონაც არ იცოდა, ისე მიაგნო ბრეტონულ ლეგებისდროინდელ ძველ, ნაცად ეშმაკობას, ქონდრისკაცმა ფროსენმა რომ გამოიყენა ტრისტანისა და ოზოლდას სამხელად<sup>1</sup>. აკი სიკეთეშიაც და სიავეშიაც ტიპების შეზღუდული რაოდენობა ემსახურება საუკუნეებს. ეს დიდი საბუთია სამყაროს ბრძნული ხელმომჭირნობისა! ანა არ შეეყოყმანებულა, გზა განავრძო მტრის ჯინაზე. კრისტოფთან შევიდა, მისთვის არაფერი უთქვამს, თუმც კი ძალიან ეშინოდა; მაგრამ დაბრუნებისას აიღო ბუხრის ცოცხი და როცა გაიარა, გულმოდგინედ წაშალა ნაცარზე თავისი კვალი. ანა და ბები ერთად რომ შეიყარნენ დილით, ერთი ჩვეული სიცივით შეხვდა, მეორემ ჩვეული ღიმილი შეაგება.

ბების ხანდახან მასზე ცოტა ხნიერი ნათესავი ეწვეოდა ხოლმე; ეს კაცი ტაძრის მცველად მსახურობდა; Gottesdienst-ის (ღვთისმსახურების) დროს გუშაგად იდგა ეკლესიის კარებში, კომბალს დაყრდნობილი, ხელზე შავზოლიანი, თეთრი, ვერცხლის ზოლებიანი სამკლავეურით; ხელობით მეკუბოვე იყო. სახელად სამი ვიჩი ერქვა. ძალიან მაღალი, გამხდარი კაცი იყო, თავჩაკიდებით სიარული იცოდა, გლეხური სახე მუდამ სუფთად ჰქონდა გაპარსული. ღვთისმომშიში გახლდათ და ყველაზე უკეთ მან უწყოდა, მრევლის თითოეულ წევრზე რა ხმები დადიოდა. ბებისა და სამის შეუღლება ეწადათ; ერთმანეთის სერიოზულობა მოსწონდათ, ღრმა რწმენა და საკუთარი სიბოროტე. მაგრამ

<sup>1</sup> XII საუკუნის ბრეტონულ ლეში, სადაც ტრისტანსა და ოზოლდას სიყვარულის ამბავია მოთხრობილი, აღწერილია, როგორ გამოიყენა ქონდრისკაცმა იატაკზე მიმოხვეული ფქვილი მიჯნურთა სამხელად.

არ ჩქარობდნენ; ფრთხილად უთვალთვალდნენ ერთიმეორეს. უკანასკნელ ხანებში სამივე სტუმრობას მოუხშირა. ისე მოდიოდა, რომ ვერავინ ტყობილობდა. ყოველთვის, როცა ანა სამზარეულოს წინ ჩავლიდა, ფანჯრის მინაში ხედავდა ღუმლის წინ მიმჯდარ სამისა და რამდენიმე ნაბიჯს იქით საკერავით ხელში ჩამომჯდარ ბების. რამდენიც არ უნდა ელაპარაკათ, არაფერი ისმოდა. მოჩანდა ბების გაბრწყინებული სახე და მისი ტუჩების ცმაცუნის; სამის დიდრონი. მკაცრ პირს უხმო სიცილი მანჭავდა; ერთს არ გახსნიდა ბაგეს სიტყვის სათქმელად. სახლი თითქოს დამუნჯებულიყო. როცა ანა სამზარეულოში შევიდოდა, სამი მოწიწებით დგებოდა და უსიტყვოდ იდგა ფეხზე მანამ, სანამ დიასახლისი კარს არ გაიხურავდა. ბები კარის ვალების ხმას რომ მოჰკრავდა ყურს, საჩქაროდ სწყვეტდა უმნიშვნელო საგანზე საუბარს და ანას პირფერული ღიმილით მიატყერდებოდა მისი ბრძანების მომლოდინე. ანა ფიქრობდა, ჩემზე ლაპარაკობდნენო; მაგრამ ისე ეზიზღებოდა ორთავე, რომ თავს არ იმცივებდა მალული მიყურადებით.

ერთი დღის შემდეგ, რაც ანამ ოსტატურად ჩაუშალა ფერფლის ხაფანგი, სამზარეულოში შესულს პირველი, რაც თვალში მოხვდა, ცოცხი იყო, იმ ღამეს რომ იხმარა კვალის წასაშლელად; სამის ეჭირა ხელში. ანამ ეს ცოცხი კრისტოფის ოთახიდან წაიღო და ამ წუთამდე არც გახსენებია, რომ დაავიწყდა მისი უკან მიტანა; თავის ოთახში დარჩენოდა და ბების გამჟღავნება თვალზე უმალვე შენიშნა. ჰორიკანებმა მომხდარი თავად აღადგინეს. ანას წარბიც არ შეუხრია. ბებიმ თვალი მიაყოლა მის მზერას და გადაჭარბებული ღიმილით უთხრა:

— ცოცხი გატყდა; სამის მივეცი შესაკეთებლად.

ანას თავი არ შეუწუხებია ამ უხეში სიცრუის გასაბათილებლად; თითქოს ვერც კი გაიგონა ნათქვამი; ბების ხელსაქმეს დახედა, მსახურ ქალს დარიგება მისცა და ზვიადად გამოვიდა. მაგრამ კარი მოხურა თუ არა, მთლად წაუხნდა ნირი; თავი ვერ შეიკავა და დერეფნის კუთხეში მიყუჟულმა მიაყურადა (სულის სიღრმემდე დამცირებულად გრძნობდა თავს, ამ ხერხს რომ მიმართა...). რაღაც ხითხითი შემოესმა. ხითხითს ჩურჩული მოჰყვა, ისეთი ხმადაბალი, რომ ქალმა ვერაფერი გაარჩია. მაგრამ თავზარდაცემულს მოეჩვენა, გავიგონეო: წარმოიდგინა, მომავალ მასკარადზე და შარივარიზე ლაპარაკობნო. ეჭვი არ იყო: ფერფლის ამბავი სურდათ გამოეტანათ სამზეოზე... იქნებ ცდებოდა; მაგრამ იმ საშინელი მღელვარების უამს ორი კვირა აკვიატებულ ფიქრი არ ასვენებდა, ხალხში საზღუდამოდ თავი მომეჭრებო. მოსალოდნელი უბედურება გარდუვალად ესახებოდა.

ჰოდა, გადაწყვეტილებაც მიიღო.

იმავე დღის საღამოს (ოთხშაბათი იყო, სახსნილო დღეებს რომ უსწრებს წინ, ის ოთხშაბათი,) ბრაუნს ავადმყოფთან უხმეს, ქალაქიდან ოცი კილო-

მეტრის მანძილზე: მეორე დილამდე არ დაბრუნდებოდა. ანა სადილად ძიხს არ ჩამოსულა, თავის ოთახში შეიკეტა. ეს ღამე აირჩია იმ უსიტყვო აღთქმის აღსასრულებლად, ხელი რომ მოაწერა. მაგრამ გადაწყვიტა მარტოს მოეკლა თავი, კრისტოფთან კრინტიც არ დაეძრა. კრისტოფი ეზიზღებოდა; ფიქრობდა: — შემპირდა, მაგრამ კაცია; ეგოისტი და მატყუარა; თავისი ხელოვნება აქვს, მალე დაიფიცებს ყველაფერს.

თან იქნებ ამ მშფოთვარე გულში, რომლისთვისაც თითქოს უცხო იყო ყოველგვარი სიკეთე, მეგობრისადმი სიბრალულის გრძნობას დაედო ბინა; მაგრამ ძალზე უხეში და უინიანი იყო, თავსაც რომ გამოსტყუდობოდა.

ბებიმ უთხრა კრისტოფს, ქალბატონი ბოდის იხდის, ცოტა უქეფოდა და მოსვენება სწადიაო. კრისტოფმა მარტო ივანშმა ბების შეთვალყურების ქვეშ; მოახლემ დაღალა თავისი ენაწყლიანობით; უნდოდა კრისტოფისათვისაც ამოედგმევიანებინა ენა; ისეთ გადამეტებულ მზრუნველობას იჩენდა ანას მიმართ, რომ თუმცა კრისტოფს სულ მიაბიტად სჯეროდა ადამიანების სიკეთისა, უნდობლობა აღეძრა გულში. სწორედ ამ საღამოთი სურდა ესარგებლა, რომ გადამწყვეტი საუბარი გაემართა ანასთან. მასაც არ შეეძლო მეტი გადადება. როდი დაეიწყებოდა ვალი, ერთად რომ იტვირთეს იმ მწუხარე დილით. მზად იყო აღესრულებინა მიცემული სიტყვა, თუ ანა მოითხოვდა. მაგრამ ხედავდა ამ ორი თვითმკვლელობის უაზრობას, არაფერს რომ არ სწყევტდა, ბრაუნს კი მწუხარებასა და სამუდამო შერაცხვენას უქაღდა. ფიქრობდა, უმჯობესია ერთმანეთს განვეირდოთ, კიდევ ერთხელ ვეცადოთ აქედან გადაკარგვას, თუ ქალთან მოშორებით ყოფნას ვაძლებო. მაგრამ პირველი გაქცევით საწადელს ვერ ეწვია და ახლაც ეკვობდა, ამ გზას რომ დაეადგე, ვაი თუ ისევ ვერა გავაწყობ რაო. თავს კი აჯერებდა, თუ უმისობას ვერ ავიტან, ყოველთვის შემიძლია მარტომ ვიკრა შუბლში ტყვიათ.

იმედი ჰქონდა, ნავახმევს მოვახერხებ ცოტა ხნით ანას ოთახში ასვლასო. მაგრამ ბები წამითაც არ სცილდებოდა. ჩვეულებრივ აღრიანად ითავებდა საქმეს; იმ საღამოს კი ვერაფრით მორჩა სამზარეულოს ფხეკა-დასუფთავებას; და როცა კრისტოფმა იფიქრა, მეშველა თავიდან მოვიცილო, განჯინის დალაგება დაიწყო, რომელიც ანას ოთახისაკენ მიმავალ დერეფანში იდგა. კრისტოფს საფუძვლიანად გადამძღარი დაუხვდა ტაბურეტზე, და კაცი მიხვდა, ამ საღამოს აქედან ფეხს არ მოიცვლისო. გაცოფებულს სურვილი კლავდა ძიხს ჩამოეგდო თავის თეფშებიანს; მაგრამ თავი მოითოკა და სთხოვა, წადით, ნახეთ, ქალბატონი როგორ არის და ნებას თუ დამრთავს ძილი ნებისა ვუსურვო. ბები წავიდა, დაბრუნდა, ცბიერი სიხარულით დააკვირდა და უთხრა, ქალბატონი უკეთაა, ეძინება და ითხოვს, აქ ნურავინ შემოვაო. გაღიზიანებულმა და აღელვებულმა კრისტოფმა კითხვა სცადა, ვერ შეძლო და თავის ოთახში ავიდა. ბები უთვალთვალებდა, სანამ შუქი არ ჩააქრო და თვითონაც ამოვიდა; გადაწყვეტილი ჰქონდა მთელ ღამეს ეფხიზლა, კარიც ოღნავ ღრიჭედ დაე-

ტოვებინა, მცირეოდენი ჩქამიც რომ არ გამოპარვოდა მის ყურს. მაგრამ მის-  
და საუბედუროდ მიღებდა თუ არა თავს, მაშინვე ეძინებოდა ხოლმე, თანაც  
ისე ღრმად, რომ მეხსა და თვით ცნობისმოყვარეობასაც კი არ შეეძლო მისი  
გამოღვიძება, სანამ არ გათენდებოდა. ეს პმბავი არავისთვის იყო საიდუმლო.  
მისი ხვრინვა ქვემო საართულშიაც ისმოდა.

როცა კრისტოფს ეს ნაცნობი ხმა ჩაესმა ყურში, ანას ოთახს მიაშურა, უნდა  
მოლაპარაკებოდა. უჩვეულო მღელვარებას შეეპყრო. კარებთან მივიდა, სახე-  
ლური მოქპაჩა: კარი დაკეტილი დახვდა. ფრთხილად დააკაკუნა: არავინ გამო-  
პასუხებია... ბაგე ქუჭრუტანას მიაღო, ხმადაბლა შეემუდარა, ჩააცივდა: არა-  
ვინ შერხეულა, არც ჩქამი რამ მისწვდომია მის ყურს. ამოიდ ირწმუნებდა  
თავს, ანას სძინავსო; კაეშანმა მოიცვა. მიყურადება უნდოდა და როცა ლოყა  
მიაღო კარებს, რალაც სუნმა გააოცა, რომელიც თითქოს ზღრუბლიდან გამო-  
დიოდა; დიხარა და იცნო: გაზის სუნი იყო. სისხლი გაეყინა ძარღვებში. კარი  
შეარყია, აღარ უფიქრია, ბების გამოღვიძებაო: კარი გაუძალიანდა, არ დაპ-  
ყვა მის ნებას... მაშინ კი მიხვდა: ანას თავისი ოთახის გვერდით, საპირფარე-  
შოში პატარა გაზის ქურა ეღვა; ეტყობა, გაალო. კარი უნდა შეემტვრია; მაგ-  
რამ თავდაკარგულსაც იმდენი გონება შერჩა, რომ გაახსენდა, ბებიმ არაფრის  
დიდებით არ უნდა შეიტყოსო. კარს მიაწვა რაც ძალი და ღონე ჰქონდა, ჩუმად,  
უხმაუროდ. ვეება, საგულდაგულოდ ჩაკეტილმა კარმა დაიჭრიალა თავის ანჯა-  
მებზე, მაგრამ გაღებით არ გაღებულა. კიდევ იყო ერთი კარი, ანას ოთახში  
ბრაუნის კაბინეტიდან რომ შედიოდა. კრისტოფი იქით ეცა. ისიც დაკეტილი  
დაუხვდა; მაგრამ საბედნიეროდ აქ საკეტი გარეთ იყო. კრისტოფმა მისი მოგ-  
ლეჯა სცადა. ეს იოლი საქმე როდი გახლდათ. ხეში ჩაჭედილი ოთხი დიდი  
ჭანჭიკი უნდა ამოედრო. ხელთ მარტო ერთი ჯაყვა ჰქონდა; თან ვერაფერს ხე-  
დავდა, რადგან სანთლის ანთება ვერ გაებედა; რომ აენტო, შეიძლებოდა სახლი  
აფეთქებულიყო. ხელის ცეცებით მოუნახა ერთ ჭანჭიკს თავი, დანა ჩაასო,  
მერე მეორეს მისწვდა, დანას ფხა დაუჩლუნგდა, ხელი გაიჭრა: ეჩვენებოდა,  
ეს ჭანჭიკები უსამველოდ გრძელოა, ჩემს დღეში ვერ მოვახერხებ მათ ამო-  
ძრობასო; და უეტრად, ამ ცხელებიან სიჩქარეში, ტანზე სიმწრის ოფლს რომ  
ასხამდა, ბავშვობის მოგონება ამოუტივტივდა მეხსიერებაში: მოაგონდა, ათი  
წლისა რომ დასაჯეს და ბნელ ოთახში გამოკეტეს; საკეტი მოამტვრია კარს და  
გაიქცა... უკანასკნელი ჭანჭიკიც დანებდა. საკეტი ამოვარდა ნანგრხის შრი-  
ლით. კრისტოფი ოთახში შევარდა, ფანჯარა გამოალო... ცივი პაერის ტალღა  
შემოიჭრა სახლში. კრისტოფი ავეცს ეჯახებოდა, ბნელში ხელების ცეცებით  
მაინც მიაგნო საწოლს, ანას სხეულს დასწვდა აკანკალებული ხელებით, საბ-  
ნისქვეშ უძრავი ფეხები მოუსინჯა, წელამდე ავიდა: ანა საწოლზე იჯდა და კან-  
კალებდა. ჯერ არ მოწამლულიყო: ოთახს მაღალი ჰერი ჰქონდა, პაერი ატანდა  
ფანჯრის და კარის ღრიტობებში. კრისტოფმა მკლავები მოხვია ქალს. ანა გააფთ-  
რებით უსნტებოდა ხელიდან, ყვიროდა:

— წადი აქედან!.. ეს რა მიყავი?..

სილაკ შემოჰკრა; მაგრამ მღელვარებისაგან ღონემიხდილი კვლავ სასთუმალზე დაემხო: ქვითინებდა:

— ვაიმე, ბედკარულს! ყველაფერი თავიდან მექნება დასაწყები!

კრისტოფმა ხელები დაუჭირა, ეხვეოდა, ტუქსავდა, ალერსიან და სალანძღავ სიტყვებს ეუბნებოდა:

— სიკვდილი ინებე და ისიც მარტომ! უჩემოდ!

— ეჰ, შენ! — თქვა მწარედ ქალმა, მისი კილო ცხადად ამბობდა, შენ სიცოცხლე გინდაო.

კრისტოფმა ლანძღვა დაიწყო; უნდოდა მისი ნებისყოფა გაეტეხა.

— სულელი! განა არ იცი, რომ შეიძლებოდა მთელი სახლი აგეფეთქებინა.

— მეც სწორედ ეგ მინდოდა, — ცოფმორევით უთხრა ქალმა.

კრისტოფი შეეცადა ღვთის შიში გაეღვიძებინა მის სულში: ზუსტ სიმს მიაგნო. შეახო თუ არა ხელი, ქალი აყვირდა, ემუდარებოდა, გაჩუმდითო. კრისტოფმა აღარ დაინდო, რაკი ფიქრობდა, ეს ერთადერთი გზაა, თვითმკვლელბაზე ხელი რომ ავალეზინო. ანა აღარას ამბობდა, მარტო კონვულსიულად სლოკინებდა. როცა კრისტოფი სათქმელს მორჩა, წარმოუდგენელი სიძულვილით უთხრა:

— კმაყოფილი ხარ? ბევრს გამომრჩი? საბოლოოდ წარმიკვეთე სასო. ახლა რაღა უნდა ვქნა!?..

— იცოცხლო, — უთხრა კრისტოფმა.

— ვიცოცხლო? — შეჰყვირა ქალმა, — მაგრამ შენ ხომ არ იცი, რომ არ მეცოცხლება ამ ქვეყანაზე! შენ არაფერი არ იცი! შენ არაფერი არ იცი!

— რა მოხდა? — ჰკითხა კრისტოფმა.

ქალმა მხრები აიჩეჩა:

— მისმინე!

და ნაწყვეტ-ნაწყვეტი ფრაზებით, მოკლედ უამბო ყველაფერი, რაც აქამომდე დაუმალა: ბების ჯამუშობა, ფერფლის ამბავი, სამის სტუმრობა, მომავალი კარნავალი, უცილობელი თავის მოჭრა. თხრობისას ველარ ამჩნევდა, რა შთააგონა შიშმა და მართლა რა ჰქონდა საშიშარი. კრისტოფი განცვიფრებული და დამწუხრებული უსმენდა და ანაზე ნაკლებ არჩევდა ნაამბობში რეალურსა და წარმოსახვით საფრთხეს. წარმოდგენაც კი არ ჰქონდა, თუ ასე ნადირივით უთვალთვალებდნენ. ცდილობდა გაეგო რამე; არაფრის თქმა არ შეეძლო, ან კი რა უნდა ეთქვა: ასეთი მტრების წინაშე უიარაღო იყო ბრაზმორიგულს. მტერთან კვეთება სწყუროდა.

— რატომ არ დაითხოვე ბები? — ჰკითხა ანას.

ქალმა პასუხის გაცემაც არ ისურვა. რომ გაეგდო, ხომ უფრო მეტ გესლს გაღმონანთხევდა, ვიდრე მის სახლში დარჩენილი; კრისტოფიც მიხვდა თავისი

კითხვის უაზრობას. ტვინი აერია; ცდილობდა გამოსავალი რამ ეპოვა, ახლავე, ამ წუთშივე. მუშტები შეკრა და თქვა:

— დავხოცავ.

— ვის? — ჩაილაპარაკა ანამ ზიზღით, ამ უსარგებლო სიტყვების გამგონემ.

კრისტოფს ძალი წაერთვა. მთლად დაკარგულად იგრძნო თავი ამ მრავალგზისი ღალატის ბნელ ბაღეში, სადაც ვერაფერს დიანახავდი, სადაც ყველას შენს წინააღმდეგ შეეკრა პირი.

— ლაჩრები! — შესძახა სასოწარკვეთილმა.

მუხლებზე დაემხო საწოლის წინ, სახე ანას ტანს მიადო. ორთავე გაჩუმდა. ქალი ზიზღსა და თან სიბრალულს გრძნობდა ამ კაცისადმი, რომელსაც არც მისი დაცვა შეეძლო და არც საკუთარი თავისა. კრისტოფი ლოყით გრძნობდა, ანას სიცივისაგან როგორ უკანკალებდა მუხლები. ფანჯარა ისევ ღია იყო, გარეთ ყინავდა: სარკესავით გაკრიალებულ ცაზე გაყინული ვარსკვლავები კიაფობდნენ.

როცა ქალი დატკბა მასავით სასოწარკვეთილი კრისტოფის ცქერის მწარე სიხარულით, უნებლად, დაღლილი ხმით უთხრა:

— ანთეთ სანთელი.

კრისტოფი დამორჩილდა. ანა კბილს კბილზე აცემინებდა, სულ ერთიანად მოკუნტულიყო, ხელები მკერდზე მიეკრა, ნიკაბი მუხლებში ჩაერგო. კრისტოფმა ფანჯარა დახურა. ხელში ანას ყინულებით გათოშობილ ფეხები აიღო, ხელები ტუჩებით გაუთბო. ქალს გული მოუღბა:

— კრისტოფ!

საბრალობლად უმზერდა.

— ანა! — შეეხმინა კრისტოფი.

— რა უნდა ვქნათ?

კრისტოფმა შეხედა და უთხრა:

— უნდა დავიხოცოთ.

ანამ სიხარულით შეჰყვირა:

— მაშ, შენც გინდა სიკვდილი? შენც... მაშ, მარტო აღარ ვიქნებნი?! — და გადაეხვია კრისტოფს.

— გეგონა, მარტო დაგტოვებდი?

— კი, — ხმადაბლა მიუგო ქალმა.

კრისტოფმა წარმოიდგინა, რა ჯოჯოხეთს გადაიტანდაო.

რამდენიმე წუთის შემდეგ თვალებით ჰკითხა; ქალი მიუხედა:

— საწერ მაგიდაში დევს. მარჯვნივ, ქვედა უჯრაში.

კრისტოფი წავიდა მოსატანად. სულ ძირში რევოლვერი იბოვა. ბრაუნს სტუდენტობისას ეყიდა იგი. თავის დღეში არ უხმარია. გაქუცულ კოლოფში რამდენიმე ვაზნაც ეგდო. ლოგინთან მიიტანა ყველაფერი. ანამ შეხედა, მაშინ-



ვე თვალი ააჩინა და კედლისკენ იბრუნა პირი. კრისტოფმა ერთხანს უცადა, მერე ჰკითხა:

— გადაიფიქრე?

ანა ფიცხლად შემობრუნდა:

— რას ამბობ!.. ჩქარა მოიტა!

ფიქრობდა, აწი ველარაფერი მიხსნის სამუდამო წაწყმედისაგან, ცოტათი მეტი იქნება, თუ ცოტათი ნაკლები, განა სულერთი არააო.

კრისტოფმა რის ვივიავლახით დატენა რევოლვერი.

— ანა, — უთხრა აკანკალებული ხმით, — ერთ ჩვენგანს მეორის სიკვდილის ნახვა მოუწევს...

ქალმა ხელიდან გამოგლიჯა იარაღი, ეგოისტურად უთხრა:

— ჯერ მე!

კიდეც შეხედეს ერთმანეთს... ვაგლახ! ამ წუთშიაც, კი როცა ერთიმეორის გულისთვის უნდა დახოცილიყვნენ, თავს ისე შორს გრძნობდნენ ერთმანეთისაგან... ორთავე შიშით ფიქრობდა:

„რას ჩავდივართ? ამას რას ჩავდივართ?“

და თითოეული ამასვე კითხულობდა მეორის თვალებში. ამ საქმის უაზრობა უფრო კრისტოფს ზაფრავდა. მთელი მისი სიცოცხლე ფუჰად უნდა განქარებულყო. ფუჰად ჩაუვლიდა ამდენი ბრძოლა, ამდენი ტანჯვა; ფუჰად წარბედობდნენ მისი იმედებიც; ქარს გაჰყვებოდა ყველაფერი. ეს უსუსური ნაბიჯი ყველაფერს მოუღებდა ბოლოს... სხვა ვითარებაში ხელიდან გამოსტაცებდა ანას რევოლვერს, თანჯრიდან გადააგდებდა და ეტყოდა:

— არა! მე არ მინდა.

მაგრამ რვა თვის ტანჯვამ, იქვმა, მქენჯნავმა გლოვამ და ზედ დართულმა გიჟური ვნების ქარიშხალმა დაამხო მისი ძალა, დაუღეწა ნებისყოფა; გრძნობდა, რომ ველარაფერს ვახდებოდა, ბატონი თვითონ არ იყო... ეჰ, რა მნიშვნელობა აქვს ბოლოს და ბოლოს?

ანა დარწმუნებული იყო, რომ სამუდამოდ წაიწყმედდა სულს და სიცოცხლის ამ უკანასკნელ წუთს მთელი თავისი არსებით ებლაუჭებოდა: კრისტოფის დარღვეულ სახეს, სანთლის მკრთომარე შუქით განათებულს, კედელზე მორიალე ჩრდილებს, გამვლელის ფეხის ხმას, ფოლადის სიცივეს, ხელთ რომ ეპყრა... ებლაუჭებოდა ამ შეგარქნებებს, როგორც წყალწაღებული ხავსს, მასთან ერთად რომ იძირება. მეორე ტანჯვა ელოდა, ენით უთქმელი, უბოლოო ტანჯვა. მაშ, რად არ გაეგრძელებინა მოლოდინი? მაგრამ თავს გაუმეორა, საჭიროაო, გამოეთხოვა კრისტოფს, ნაჩქარევად, თითქოს. მგზავრია და. მატარებელზე უგვიანდებო; საკინძე ჩაიხსნა, გული მოისინჯა, ზედ რევოლვერის ლულა მიიღო. დაჩოქილი კრისტოფი სახეს ზეწარში მალავდა. გასროლისას ანამ მარცხენა ხელი მის ხელს დაადო. თითქოს ბაღლია და ბნელში გადაბიჯებისა ეშინიაო...

რამდენიმე შემზარავმა წამმა განვლო... ანა არ ისროდა. კრისტოფს სურდა თავის აწევა, უნდოდა, ხელში სწვდომოდა ქალს, და ეწინოდა, ამ მოძრაობამ სროლა არ გადააწყვეტინოსო. მეტი აღარაფერი ესმოდა, ჭრძობა მისდიოდა... კვნესა ჩაესმა ყურში... თავი აიღო. დაინახა შიშით სახეშეშლილი ანა; რევოლვერი მის წინ, ლოგინზე ეგდო. ანა საბრალობელი ხმით გაიძახოდა:

— არ გაისროლა, კრისტოფ!..

კრისტოფმა რევოლვერი აიღო; დიდხანს უხმარად გდებისაგან ჩაუხანგებულყო, მაგრამ ჩახმახი კარგად უჭირდა. იქნებ ვაზნები დანესტიანებულყო? ანამ კვლავ იარაღისკენ გაიწვდინა ხელი.

— კმარა! — შეევედრა კრისტოფი.

— ვაზნები! — უბრძანა ქალმა.

კრისტოფმა მისცა. ანამ დაკვირვებით გასინჯა, ერთი ამოაჩნია, აკანკალებულმა დატენა რევოლვერი, ხელახლა მიიღო მკერდზე და გაისროლა. რევოლვერი არც ახლა გაეარდა.

ანამ იატაკზე მოისროლა იარაღი.

— ოჰ, ეს მეტისმეტია! ეს მეტისმეტია! — გაჰყვიროდა იგი, — მას არ სურს ჩემი სიკვდილი.

ლოგინში იკრუნჩხებოდა, გიჟს ჰგავდა. კრისტოფმა მიახლოება სცადა; ანამ ყვირილით ჰკრა ხელი. ისტერიკა დაემართა. კრისტოფი გვერდიდან არ მოსცილებია დიღამდე. ბოლოს ქალი დამშვიდდა; მაგრამ სუნთქვა შეეკრა თვალდახუჭულს, შუბლსა და ყვრიმალის ძვლები ამოკუზვოდა განაცრებულ სახეზე და მკვდარს მოგაგონებდათ.

კრისტოფმა აწეწელი საწოლი გაასწორა, რევოლვერი აიღო, მოგლეჩილი საკეტი ისევ დაამაგრა, ოთახი მიილაგა და წავიდა: უკვე შვიდი საათი იყო და საცაა, ბებიც აღგებოდა.

როცა დილით ბრაუნი დაბრუნდა, ანა იმავე მდგომარეობაში დახვდა. ქმარი კარგად ხელავდა, რომ რაღაც უჩვეულო მომხდარიყო, მაგრამ ვერც ბებიისაგან და ვერც კრისტოფისაგან ვერაფერი შეიტყო. ანა მთელ დღეს არ განძრეულა; თვალრც არ გაუხელია. მაჯა ისე სუსტად უცემდა, რომ ძლივს იგრძნობოდა; დროდადრო სულ უწყდებოდა და ბრაუნი სიმწრით ფიქრობდა, გული აღარ უცემსო. ისე იყო აღელვებული, თავს აღარ ზუნდებოდა, თავის კოლეგასთან გაიქცა და მოიყვანა. ორთავემ გასინჯეს ანა და ვერ გადაწყვიტეს, ხურვება სჭირდა, თუ ისტერიული ნერვოზი: ავადმყოფს მეთვალყურეობა სჭირდებოდა. ბრაუნი სულ სასთუმალთან უჯდა ცოლს. საჭმელსაც აღარ დააკარა პირი. საღამოსკენ ანას ხურვება არ გამოაჩნდა, მაგრამ მაჯა ძალიან სუსტად უცემდა. ბრაუნი შეეცადა ძალით დაეღვეინებინა რამდენიმე კოვზი რძე. ქალმა უკანვე გადმოანთხია. ქმრის მკლავებს ისე მინებებოდა, იტყოდით, დამსხვრეული

მანეკენი. ბრაუნს ღამითაც გვერდში უჭდა, ყოველ წამს: დგებოდა და მის გულისძგერას უსმენდა. ბები მოვალეობის ქალი იყო და თუმცა ანას ავადმყოფობა აგრერივად არ ანაღვლებდა, მაინც არ დაწოლილა, მთელ ღამეს ბრაუნთან ერთად ფხიზლობდა.

პარასკევს ანამ თვალები გაახილა. ბრაუნმა ლაპარაკი დაუწყო; ანამ ვერც კი შეამჩნია მისი იქ ყოფნა. უძრავად იწვა, თვალები კედლის ერთი წერტილისათვის მიესტერებინა. შუადღისას ბრაუნმა დაინახა, მსხვილი ცრემლები როგორ ღაპალუპით ჩამოსდიოდა გამხდარ ლოყებზე; ნაზად შეუმშრალა; მაგრამ კურცხლები მაინც მოგორავდნენ თითო-თითოდ. ბრაუნმა ისევ სცადა რამე ექმია: ქალი განურჩევლად დაჰყვა მის სურვილს. საღამოს ენაც ამოიდგა: რაღაც უთავბოლო სიტყვებს გაიძახოდა, რაინს ახსენებდა, თავის დახრჩობა სურდა, მაგრამ თითქოს წყალი არ ჰყოფნიდა. ბოდვის დროსაც თავის მოკვლის აზრი აწვალებდა, ათასგვარ სიკვდილს სინჯავდა, მაგრამ სიკვდილი მუდამ გაურბოდა. ხან ვიღაცას ეკამათებოდა და სახეზე რისხვა და შიშის გრძობა ეხატებოდა; ღმერთს ემზრახებოდა და უმტკიცებდა. ყველაფერი შენი ბრალიაო. ხან ვნების ნაპერწყალი უკრთოდა თვალებში; და უსირცხვილო სიტყვებს ამბობდა, რომლებიც თითქოს არც კი უნდა სცოდნოდა... წამით ბები შენიშნა და ჩვეული გულისყურით უბრძანა, ხვალ სარეცხიაო დასარეცხი. ღამით ძილმა წაართვა თავი. უეცრად ზე წამოიმართა; ბრაუნმა მყისვე მიიბრინა მასთან. ქალმა უცნაურად შეხედა, მოუთმენლად რაღაც გაურკვეველი წაილულულა. ქმარმა ჰკითხა:

— ანა, ძვირფასო, რა გინდა?

— წალი, მომიყვანე, — უთხრა ქალმა გაკაპასებით.

— ვინ? — ჰკითხა ქმარმა.

ანამ ისევ შეხედა, ისეთივე გამომეტყველებით; უეცრად სიცილი აუტყდა; მერე შუბლზე გადაისვა ხელი და დაიკვნესა:

— ო, ღმერთო ჩემო! ნეტა დამავიწყდებოდეს!..

კვლავ ძილმა წაართვა თავი. დილაზე მშვიდად იყო. განთიადისას ცოტა შეწრიალდა; ბრაუნმა თავი წამოუწია, წყალი მიაწოდა; ანამ მორჩილად შესვა რამდენიმე ყლუბი, მერე ბრაუნის ხელისაკენ დაიხარა და ზედ ეამბორა. ცოტა ხანში ისევ მილულა თვალი.

შაბათ დილით ცხრა საათისათვის გაღვიძდა. უსიტყვოდ ჩამოატურა ფეხი საწოლიდან და ადგომა დააპირა. ბრაუნს მაშინვე მივარდა და დაწვეწა მოუნდომა. ქალმა თავისი დაიქინა. ქმარი ეკითხებოდა, რა გინდა, რატომ დგებიო.

— წირვაზე უნდა წავიდე, — მიუგო ქალმა.

ბრაუნმა მისი გონებაზე მოყვანა სცადა, გაახსენა, კვირა არაა, ტაძარი დაკეტილი იქნებაო. ანა დუმდა; ლოგინის ახლოს, სკამზე ჩამომჯდარი აკანკალებული ხელებით იცვამდა ტანსაცმელს. ბრაუნის შეგობარი ექიმი შემოესწროთ. ბრაუნის შეგონებას საკუთარიც ზედ დაურთო; მერე კი, რაკი ნახა, ანა

თავისას არ იშლიდა, გასინჯა და ბოლოს წასვლის ნება დართო. ბრაუნნი ცალკე გაიხმო და უთხრა, თქვენი მეუღლის ავადმყოფობა უფრო მორალურია, ამხანობით ნუ შევეწინააღმდეგებით, სულაც არაა საშიში კარში რომ გავიდეს, ოღონდ თქვენ გვერდიდან ნუ მოსცილდებითო. ბრაუნმაც უთხრა ანას, მეც წაპოლოეო. ანამ შორს დაიჭირა; მარტო წასვლა დაიჭინა. მაგრამ რამდენიმე ნაბიჯი გადადგა თუ არა ოთახში, მუხლთ მოეკეცათა. მაშინ უსიტყვოდ მოჰკიდა ქმარს მკლავზე ხელი და ერთად გავიდნენ. ანა ისე იყო დასუსტებული, რომ ყოველ წუთს ჩერდებოდა. ბრაუნმა ბევრჯერ ჰკითხა, უკან ხომ არ დავბრუნდეთო. წასვლა მაინც ვერ გადაათქმევინა. ეკლესიაში რომ მივიდნენ, კარი დაკეტილი დახვდათ; ბრაუნის სიტყვა გამართლდა. ანა ძელსკამზე ჩამოკდა შესასვლელის წინ აქანკალებული და მანამ არ განძრეულა, სანამ თორმეტმა საათმა არ ჩამოჰკრა. მერე კვლავ ხელი გამოსდო ქმარს და მღუშარედ დაბრუნდნენ შინ. მაგრამ საღამოს კვლავ მოინდომა ეკლესიაში წასვლა. ამოდ ემუდარა ბრაუნნი, ვერ იქნა და ვერ დააშლევინა.

კრისტოფმა მარტომარტომ გაატარა ის ორი დღე. ბრაუნნი ძალზე შემფოთებული იყო და მისი დარდი არა ჰქონდა. მხოლოდ ერთხელ, შაბათ დღით, როცა ანასთვის აკვიტებული აზრი სურდა მოეშლევინებინა, ჰკითხა; კრისტოფის ნახვა ხომ არ გინდაო. ქალს ისეთი შიში და ძლიერი ზიზღი აღებუქდა სახეზე, რომ ბრაუნნი გაოცებას მოვიდა და კრისტოფის სახელი მეტად აღარც უხსენებია.

კრისტოფი თავის ოთახში ჩაკეტვილიყო. მღელვარება, სიყვარული, სინდისის ქენჯნა, სევდა-ვარამის მთელი ქაოკი ერთუროს ეჯახებოდა მის გულში. ყველაფერს თავის თავს აბრალებდა. თავი ისე შეზიზღებოდა, რომ სული კინალამ დაღია. ვინ მოთვლის, რამდენჯერ ადგა, რომ ყველაფერში გამოსტყდომოდა ბრაუნს, მაგრამ ყოველთვის აკავებდა ფიქრი იმისა, ამით კიდევ ერთ ადამიანს გავაუბედურებ და ცოდვას ცოდვაზე მივუსართავო. ვნების სახმილი არ უცხრებოდა; დერეფანში დაძწოდა, ანას ოთახის წინ; და როგორც კი მოესმოდა ნაბიჯების ხმა და მიხვდებოდა, კარს შიგნიდან ვიღაც უახლოვდებოდა, თავის ოთახისაკენ გარბოდა.

როცა ანა და ბრაუნნი ნაშუადღევს შინიდან გავიდნენ, დაუდარაჯდა, თავისი ფანჯრის ფარდას ამოფარებული. დაინახა ანა. წინათ წელში გამართული და ამაყი ქალი ახლა წელში მოხრილიყო, თავი დაედუნა, ფერი ჩატეტკოდა, ერთბაშად მობერებულებო; პალტო მძიმედ დასწოლოდა მხრებზე, შალი, ქმარმა რომ მოახვია, აუშნოებდა. მაგრამ კრისტოფს მისი სიგონჯე არ შეუნიშნავს, მხოლოდ უბედურება შენიშნა; გული აუჩვილდა სიბრალულისა და სიყვარულისაგან. უნდოდა მიერბინა ქალთან, ტალახში გართხმულიყო მის წინაშე, ფეხები დაეოცნა, ვნებით დამსხვრეული სხეული. პატიება ეთხოვა.

ეს ჩემი ნახელავიაო, მისი შემხედვარე ამას ფიქრობდა.

მაგრამ მისი შხერა უეცრად სარკეში საკუთარ გამოსახულებას წააწყდა;

თავის ნაკეთებზედაც იგივე გაჩანაგება ნახა; ნახა, სიკვდილი აღბეჭდოდა სახეზე, როგორც ანას და გაიფიქრა:

— ჩემი ნახელავი? ო, არა. ეს სასტიკი პატონის საქმეა, მისი, ვინც აგი-  
ეებს და კლავს ადამიანს.

შინ არაეინ დარჩა. ბები მეზობლებთან გადასულიყო, იმდღევანდელი ამბები რომ ჩაეკაკლა. დრო გადიოდა. ხუთმა საათმა დაჰკრა. შიშმა მოიცვა კრის-  
ტოფის სული იმის ვაფიქრებაზე, რომ ანა დაბრუნდებოდა, დადგებოდა ღამე-  
იგრძნო, რომ ამაღამ ვეღარ გაძლებდა ამ ჭერქვეშ. გრძნობდა, ვნების სიმძი-  
მის ქვეშ თავი რომ უსკდებოდა. არ იცოდა, რას იზამდა, რა სურდა, გარდა  
იმისა, რომ ანას სიანლოვე ეწადა, რაღაც არ უნდა დასდგომოდა. გაახსენდა  
ბედკრული სახე, წელან რომ დაინახა ფანჯრიდან და გაიფიქრა: უნდა ეიხსნა  
ჩემი თავისგანო.

ნებისყოფის ქარმა დაჰქროლა. ხელი დახვია დასტა-დასტა ქალღღებს,  
მაგიდაზე რომ ეყარა, შეკრა, აიღო ქუდი, პალტო და ოთახიდან გავიდა. დერე-  
ფანში, ანას ოთახის წინ ნაბიჯს აუჩქარა შიშისაგან. ძირს ჩასულმა უკანასკნე-  
ლი მზერა მოავლო უკაცურ ბაღს. ქურდივით გამოიპარა. გაყინული ნისლი  
ნემსებზე ჩხვლელდა სახეზე. კრისტოფი კედელ-კედელ მიდიოდა, ეშინოდა,  
ნაცნობი არაეინ შემხვდესო. სადგურს მიალწია. ლუსერნს მიმავალ მატარე-  
ბელში ჩაჯდა. პირველივე სადგურიდან წერილი მოსწერა ბრაუნს. სწერდა,  
სასწრაფო საქმის გამო რამდენიმე დღით ქალაქიდან მომიხდა წამოსვლა და  
ძალიან ვწუხვარ, ასეთ დღეში მყოფი რომ მიგატოვეთო; მისამართს აძლევდა  
და სთხოვდა, ანას ამბები შემატყობინეთო. ლუსერნში გოტარდს მიმავალ  
მატარებელში გადაჯდა. ღამით ერთ პატარა სადგურში ჩამოხტა ალტორფსა  
და გეშენენს შორის. სახელი არ იცოდა, არც მერე შეუტყვია. პირველსავე  
სასტუმროში შევიდა, სადგურის ახლოს. გზა წყალს დაეტბორა. კოკისპირუ-  
ლად წვიმდა; მთელ ღამეს არ გადაუღია; მეორე დღესაც ცა ფეხად ჩამოდიოდა  
ძირს. წვიმა ჩანჩქერივით მოჩხრიალებდა დამტვრეული სადინარებიდან. ცა და  
მიწა წალეკილიყო, მისი ფიქრივით აჩეული. ნესტიან ქვეშაგებში შეწვა, რკი-  
ნიგზის ორთქლის სუნი რომ უდიოდა. ვერ მოიხვენა ვერც დაწოლილმა. იმის  
ფიქრი, რომ ანას სიცოცხლე საფრთხეში იყო, ისე აწვალებდა, საკუთარ ტანჯვას  
ვეღარ გრძნობდა. შეცდომაში უნდა შეეყვანა ავის მდომელები, სხვა კვალზე  
შეეგდო მათი ავეყობა. ცხვლებამეყრილს უცნაური აზრი მოუვიდა: გადაწყვი-  
ტა მიეწერა თითო-ორილამ მუსიკოსისათვის, რომლებსაც ცოტათი დაუ-  
ახლოვდა ქალაქში — კრებნისათვის, ორღანისტ კონდიტრისათვის. გადაკვი-  
რით ეუბნებოდა, სიყვარული იტალიაში მიხმობს, უკვე ამ ვნებით ვიყავ  
შეპყრობილი, როცა ბრაუნს ვეწვიეთ სტუმრად; დავიწყება მეწადა, მაგრამ  
თავს ვერ მოვერიეთ. ყველაფერი ეს საკმაოდ ნათლად იყო თქმული, კრებნი  
რომ მიმხვდარიყო და საკმაოდ შეფარვითაც, აღრესატს თავისიც რომ წაემ-  
ტებინა. კრისტოფი სთხოვდა კრებნს, საიდუმლო შემინახეთო, მაგრამ იცოდა

მისი ენაპარტალობის ამბავი და სწორედაც ვარაუდობდა, როგორც კი წაიკითხავს ამ წერილს, ჭორს მთელ ქალაქს მოჰფენსო. საზოგადოებრივი აზრისთვის კვალი რომ აერია, წერილის ბოლოს ორიოდ სიტყვას ცივად წერდა ბრაუნისა და ანას ავადმყოფობაზეც.

ლამის მეორე ნახევარი და მთელი მომდევნო დღე ანაზე ფიქრში გაატარა. აეკვიტა ეს ფიქრი, საშველი არ მისცა: თვალწინ დაუდგა მასთან გატარებული ეს რამდენიმე უკანასკნელი თვე, ყოველი დღე და საათი; სატრფოს თავისი ვნებათა მირაჟის შუქში ხედავდა. მუდამ თავისი წადილის სახედ აყალიბებდა, მორალური სიდიადით ავსებდა, ტრაგიკული თვითშეგნებით, რაიც სჭირდებოდა, მეტად რომ შეჰყვარებოდა. სიყვარულისგან ნაკარნახევი ეს სიცრუე მეტ დამაჩერებლობას იძენდა ახლა, როცა ანა მის გვერდით არ იყო. კრისტოფს იგი საღ, თავისუფალი ბუნების ქალად წარმოესახებოდა; დაჩაგრულ არსებად, თავისი ჯაჭვების გაწყვეტას რომ ლამობს, თავისუფალ, ლალ ცხოვრებას მიელტვის, მაგრამ შიში იპყრობს და თავის ინსტინქტებს ებრძვის, რადგან მისი ცხოვრების ნირს ვერ შეთანხმებია, ათას სატყვიარს უშლიან. ქალი უყვიროდა: „მიშველე!“ კრისტოფი მაგრად ხვევდა მკლავებს მის ლამაზ სხეულს. მოგონებები აწვალებდნენ: გულისმომწყველელ სიამოვნებას გვრიდა საკუთარი იარების განახლება. რაც დრო გადიოდა, მით უფრო მწარედ გრძნობდა დანაკარგის სიდიდეს; ისე გაიტანჯა, რომ სული შეუგუბდა.

წამოდგა და არ კი იცოდა, რას იზამდა; გარეთ გამოვიდა, სასტუმროს ხარჯი გადაიხადა და პირველსავე მატარებელს კვლავ ანას ქალაქში გაჰყვა. ღამით ჩავიდა; პირდაპირ მის სახლს მიაშურა. ბრაუნის ბაღს მეზობლის - ბაღისაგან კედელი ჰყოფდა. კრისტოფი კედელზე აძვრა, სხვის ბაღში ჩახტა; აქედან ბრაუნის ბაღში გადაძვრა. უკვე სახლის წინ იდგა. ყველაფერი წყვედიად იყო მოცული, მარტო ერთი ჭრაქი ანათებდა და მკრთალ ანარეკლს ჰფენდა ერთ ფანჯარას — ანას ფანჯარას. ანა იქ იტანჯებოდა. მარტო ერთი ნაბიჯიღა უნდა გადაედგა და შევიდოდა. ხელიც კი გაიწვდინა კარის სახელურისაკენ. მერე დახედა თავის ხელს, კარებს, თვალი მოავლო ბაღს; საქციელს ჩაუფიქრდა, პალუცინაციისაგან გამოერკვა, შეიძინა თუ რვა საათის მანძილზე რომ იყო მოცული; შეაჩრყოლა, უეცარი ძალისხმევით მოსწყდა გარინდებას, მიწას რომ მიაღწერს, კედელთან მიიხრბინა, გადაძვრა ზედ და უკანმოუხედავად მოკურცხლა.

იმავ ღამეს წავიდა ქალაქიდან, ეს უკვე მეორედ; მეორე დღეს მთის ერთ სოფელს შეეხიზნა, თოვლის ნამქერში ჩაიჩუმქრა... სურდა დაემარხა თავისი გული, მიეძინებინა გონება, დავიწყებისათვის მიეცა ყველაფერი, ყველაფერი დაევიწყებინა!...

„E pero leva su, vinci l'ambascia  
Con l'animo che vince ogni battaglia,  
Se col suo grave corpo non s'accascia...“

Leva'mi allor, mostrandomi fornito  
Meglio di lena ch'io non mi senlia;  
E dissi: „Va, ch'io son forte ed ardito“.  
Inf. XXIV.<sup>1</sup>

ღმერთო ჩემო, რას მემართლები? აგრე რად მრისხანებ. ჩემზე? სიყრმი-  
დანვე სილატაკე, ბრძოლა მარგუნე წილად. მიწყვიე ვიბრძოდი და არ დამიჩი-  
ვლია. მიყვარდა ჩემი სილატაკე. შევეცადე წმინდად შემენახა სული, შენ რომ  
ჩამიდგი... მეუფეთო; შენ, სწორედ შენ ანგრევე გაშმაგებით იმას, რაც თავად  
ააგე; შენ ჩააქრე ეს ცეცხლი გასვარე ეს სული, განმძარცვე ყველაფრისაგან,  
რაც მაცოცხლებდა. ქვეყნად მხოლოდ ორი საუნჯე მქონდა: მეგობარი და სუ-  
ლი ჩემი. ახლა აღარაფერი შემრჩა, ყველაფერი წამგვარე. მარტო ერთი სული-  
ერი მეგულვოდა ჩემად ამ ქვეყნის უდაბნოეთში; ისიც წამართვი. ჩენი გულები  
ერთ გულად იყო შერწყმული, შენ დაგვეწეწე, მხოლოდ იმიტომ გვაგემე ერ-  
თად ყოფნის სიტკბობება, რომ უფრო მწარედ მეგრძნო დანაჯარგის თავზარი.  
ეს შენ გააჩინე ჩემს ირგვლივ სიცარიელე, ჩემშიაც შთაასახლე იგი. მე დამ-  
სხვრეული ვიყავ, სნეული, უნებისყოფო, უიარალო, ღამეში მოტირალი ბალ-  
ღივით. ეს დრო შემირჩიე და დამლახვრე. ფეხაყრეფით მომეპარე ზურგიდან,  
მაცდურივით და ხანჯალი ჩამეც; ვნება აუშვი ჩემზედ, შენი ავი ქოფაკი; მე  
უილაჯო ვიყავ, შენ ეს იცოდი, ბრძოლა არ შემეძლო, ვნებამ დამძალა, ყველა-  
ფერი წარმტაცა, ყველაფერი ვასვარა, ყველაფერი დაანგრია... მე მძაგს  
ჩემი თავი. ჩემი მწუხარებისა და სირცხვილის ხმამაღლა გამოთქმა მაინც შემე-  
ძლოს! ანდა დამავიწყდებოდეს შემოქმედი ძალის ნიაღვარში! მაგრამ ძალა  
აღარ შემრჩა, შემოქმედების წყარო დამეხშო. ხე ვარ ხენეში... ეჰ, რად არ  
მოვკვდი! ჰოი, უფალო, მექმენ მოწყალედ; გათიშე სული და ხორცი, მომგლი-  
ჯე მიწას, ამომძირკვე სიცოცხლიდან, სულ ასე ორმოში რომ არ ვიფარტხალო!  
შეწყალელებას გთხოვ... მოკვალ, მეუფეთო!

ასე უხმობდა კრისტოფის სატანჯველი ღმერთს, რომელიც მის გონე-  
ბას არ სწამდა.

განტეობებით მღვარ ფერმას შეეხიზნა, შევიცარიის იურაში. ტყისპირას

<sup>1</sup> აღსდექ, მოთენთვას მოერევა ძლიერი სული,  
ყოველგვარ ბრძოლას ის მოიგებს გამარჯვებული  
ვის მხნეობასაც ვერ დათრგუნავს ტვირთი ხორცისა.

ზე წამოვიკერ, ვაჩენებდი ოსტატს მეტ ძალას,  
ვიდრემდის მქონდა მე იმ წუთას მუხლში და მკლავში;  
ვარქვი: — „ოსტატო, მაშინ ვიაროთ, მოგყევი მხნედა“.

<sup>1</sup> დანტე „ჯოჯოხეთი“, XXVI (თარგმ. კ. ჰიკინაძისა, კ. გამსახურდიას პწყარედის მიხედ-  
ვით).

მდგარ სახლში დაბრუნდა, მაღლობი ზეგანის ერთ ნაპრალში რომ იყო შეყუ-  
ეული. უსწორმასწორო ზედაპირი იცავდა ამ სახლს ჩრდილოეთის ქარებისა-  
გან. მის წინ ვრცელი ველები და გრძელი, ტყიანი ფერდობები გადაჭიმულიყო.  
კლდე ერთბაშად თავდებოდა უფსკრულით, უფსკრულის პირად წელში გადრე-  
კილი ნაძვები ებლაუჭებოდნენ მიწას. ტოტებგაბარჯლული წიფლები თითქოს  
უკან დახევას ლამობნენ. ცა იყო უფერული. მიდამო უკაცური. საგანთა მოხა-  
ზულობა სივრცეში განმქრეულიყო. ყველაფერი თოვლდს ქვეშ იყო ჩამარხუ-  
ლი. მხოლოდ მელიების ხავილი ისმოდა ღამ-ღამობით: ზამთარი იღოდა, გვი-  
ანი ზამთარი; დაუსრულებელი ზამთარი. როცა ეგონათ, თავდებო, თავიდან  
იწყებოდა ხოლმე.

მაგრამ ეს ერთი კვირა იყო, რაც გაფიჩხებული მიწა გრძნობდა, როგორ  
ცოცხლდებოდა მისი გული. პირველი მატყუარა გაზაფხული იპარებოდა ჰაერ-  
ში და ხის გაყინულ ქერქში. წიფლების ფრთებივით გაშლილი ტოტებიდან  
გამდნარი თოვლი მოწვეთავდა. მდელოების თეთრი მოსასხამიდან აქა-იქ ღია  
მწვანე ბალახის ღეროებიც ამოწვერილიყო. მათი წვრილ-წვრილი ნემსების  
ირგვლივ, თოვლის პაწია ბაგეებით შავი და სველი მიწა სუნთქავდა. დღეში  
რამდენიმე საათს ყინულის კაბაში ჩაქედილი წყალიც ჩურჩულებდა. აჩონ-  
ჩხილ ტყეში თითო-ოროლა ჩიტები თავის ნათელ, უმწიფარ სიმღერას  
იწყებდა.

კრისტოფი ვერაფერს ამჩნევდა. მისთვის არაფერი იცვლებოდა. გამუდ-  
მებით დაწირილებდა ოთახში. ანდა გარეთ დაეხეტებოდა. მოსვენება ვერ იქნა  
და ვერ იპოვა. მისი სული შინაგან დემონებს დაეგლიჯათ. ერთმანეთს ფლეთდნენ  
გათეილილი ვნებუ გააფთრებით აწყდებოდა კედლებს. მის მიმართ ზიზღი ნაკ-  
ლებ რომელი გაავებულიყო: ყელში სწვდომოდნენ ერთმანეთს და ამ ბრძოლაში  
გულს ნაკუწ-ნაკუწ აქცევდნენ. თან ოლივიეს ხსოვნა აწვალებდა, მისი სიკვდი-  
ლით გამოწვეული სასოწარკვეთა. შემოქმედების ყინი კი არ ცხრებოდა, სიამა-  
ყე ყალყზე დგებოდა არყოფნის უფსკრულის წინაშე. ყველა ეშმას მასში მოე-  
ყარა თავი. წამითაც არ ასვენებდნენ. ან თუ მაცდური სიმშვიდე ჩამოვარდ-  
ებოდა, თუ აზვირთებული ტალღები წამით დაცხრებოდნენ, კვლავ მარტო რჩე-  
ბოდა, მაგრამ თავისას ველარაფერს პოულობდა: ვერც ფიქრს, ვერც სიყვარ-  
ულს, ვერც ნებისყოფას; ყველაფერი მომკვდარიყო.

შემოქმედებალა შერჩენოდა ერთადერთ თავშესაფარად! ტალღებისათვის  
უნდა მიეგდო თავისი სიცოცხლის ნამუსრველი! ცურვით ეშველა თავისათვის  
ხელოვნებისეულ სიზმარში!.. სურდა შეექმნა რამე... მაგრამ ესეც რომ აღარ  
ძალუძდა?..

კრისტოფი მუდამ უსისტემოდ მუშაობდა, როცა ძლიერი და ჯან-ღონით  
საუსე იყო, საგონებელშიც კი აგდებდა თავისი უხვი ნაყოფიერება; შიში არ  
ჰქონდა, არ დავიწრითო; თავის გუნებას აყოლილი წერდა; როგორადაც მოე-  
ხასიათებოდა, როგორადაც მოუხერხდებოდა, არავითარ კანონს არ დაგიდევ-



დათ. სინამდვილეში ყველგან, ყოველთვის მუშაობდა; მისი ტვინი მუდამ შემოქმედებით იყო გაართული. ნაკლებ ნიჭიერსა და უფრო გონიერ ოლივიეს ბევრჯერ გაუფრთხილებია:

— ფრთხილად იყავი. ძალიან ენდობი შენს ძალას. მთიდან მონადენი ნიაღვარივით დღეს მომქუხარებ, ხვალ კი შეიძლება დაშრე. ხელოვანმა უნდა დამორჩილოს თავისი ნიჭი, უთავბოლოდ კი არ უნდა ფლანგოს. შენვე უნდა წარმართო შენი ძალა. წესად დაუდე თავს ყოველდღე მუშაობა, გარკვეულ საათებში. ეს ისევე აუცილებელია ხელოვანისათვის, როგორც მეომრული ნაბიჯი ჯარისკაცისათვის, საბრძოლველად რომ ემზადება. დგება კრიტიკული წუთი (მუდამ დგება!) და ეს რკინის ბეგთარი სულს დაცემის ნებას არ აძლევს. მე ეს ჩემს თავზე გამომიცდია. თუ სული მიდგას, სწორედ ამ ჩვევამ გადამარჩინა.

კრისტოფი კი იცინოდა და ეუბნებოდა:

— შენთვის საჭიროა, ჩემო! მე კი ვერაფერი დამაქარგვინებს სიცოცხლის ხალისს! საუცხრო მადა მაქვს.

ოლივიე მხრებს იჩიჩდა:

— მეტისმეტს მეტისმეტად ცოტა მოსდევს. მეტისმეტად ჯანმრთელ კაცზე უარესი ავადმყოფი არ არსებობს.

ახლა მართლდებოდა ოლივიეს ნაწინასწარმეტყველები. მეგობრის სიკვდილის შემდეგ შინაგანი წყარო ერთბაშად არ დამშრალა; მაგრამ უცნაური ზნე კი დასჩემდა: ხან უეცრად მოსკდებოდა ნიაღვრად, ხან მიწაში იკარგებოდა. კრისტოფი ყურადღებას არ აქცევდა ამ ამბავს, რას დაეძებდა? მწუხარებასა და ახლად გაჩენილ ვნებას მოეცვა მისი გონება. მაგრამ მას შემდეგ, რაც ქარიშხალმა გადაიარა, როცა ხელახლა დაუწყო ძებნა წყაროსთვის და მოინდომა დასწაფებოდა, უდაბნოს მეტი აღარაფერი დახვდა. წვეთი წყალი არსად მოწანწყარებდა. სული დაწრეტოდა. ამოდ თხრიდა ქეიშას, რომ მიწისქვეშეთიდან წყალი მოენადირებინა, ეწერა, რაღაც უნდა დასჯდომოდა: გონების მანქანა არ ემორჩილებოდა. ვერც ჩვეულებას მოიშველებდა, ამ ერთგულ მეკავშირეს, რომელიც მაშინაც კი, როს სიცოცხლის ყველა საბაბი გაავექცევა, მარტომმართო, ჩიუტად და ერთგულად გვიდგას მხარში, სიტყვას არ ამბობს, არც არას გვანიშნებს, თვალბეგმტერებულა, დამუნჯებულ-დადუმებული, მაგრამ მტკიცე ხელით წაგვიმართავს ნაბიჯს სახიფათო ადგილებში, მანამ, სანამ ისევ მზე არ გამოზრწყინდება და სიცოცხლის ხალისს არ დაგვიბრუნებს. კრისტოფს შემწე არავინ ჰყავდა; მის ხელს სხვა ხელი არ ეშველებოდა წყვილადში. აღარ შეეძლო დღის სინათლეზე გამოსულიყო.

ეს უზეშთაეის განსაცდელი გახლდათ. იგრძნო, სიგიჟის ზღვარს მივადექიო. ხან უაზროდ, თავგამეტებით ებრძოდა მანიაკალურად აკვიატებულ აზრებს: რიცხვები; რიცხვები მოსვენებას არ აძლევდნენ: ახირებულად თვლიდა იატაკის ფიცრებს, ხეებს ტყეში; ციფრებსა და აკორდებს, რომელთაგანაც

ვერც ერთს ვერ აძლევდა უპირატესობას, მის თავში ხელჩართული ბრძოლა. ჰქონდათ გაჩაღებული. ხან ისე მოუძღურდებოდა, მკვდარს ემსგავსებოდა.

არავინ უგდებდა ყურს. სახლის ერთი ფრთა ეჭირა, განცალკევებული. თვითონ ილაგებდა ოთახს. თანაც ყოველდღე არა. საჭმელს ძირს უტოვებდნენ; ძე ხორციელს ვერ ნახულობდა. მისი მასპინძელი, მოხუცი გლეხი — კავკერძა და სიტყვაძუნწი კაცი, თავს არ იცხვლებდა მისთვის. კრისტოფს უნდოდა ეჭამა, უნდოდა არა, არ დაგიდევდათ. იმასაც იშვიათად ადევნებდა თვალს, ღამით ბრუნდებოდა თუ არა. ერთხელ გზა დაებნა ტყეში კრისტოფს, ბარძაყებამდე თოვლში ჩაეფლო; ცოტაც და, სულ ველარ დაბრუნდებოდა. სიარულით სურდა სიჭა გაეცალა, სიკვდილის პირს მისულიყო, რომ აღარ ეფიქრა. მაგრამ ვერაფერს გამხდარიყო. მხოლოდ ხანდახან, რამდენიმე საათი მოცელავდა ძილი.

მხოლოდ ერთადერთი სულიერი დარდობდა მასზე — ბებერი ძალი, სენბერნარი, თავის ვეება, თვალმზასისხლიანებულ თავს რომ დაუდებდა ხოლმე მუხლებზე კრისტოფს, როცა იგი სახლის წინ ძელსკამზე ჩამოჯდებოდა. დიდხანს შესცქეროდნენ ერთმანეთს. კრისტოფი ხელს როდი ჰკრავდა; ავადმყოფ გოეთესავით არ აკრთობდნენ ეს თვალები. აზრად არ მოსვლიათ, დაეყვირა:

— წადი, გამშორდი!.. რაც უნდა ეცადო, ხელთ ვერ მიგდებ, ბოროტო სულ!

თავადაც იღუმალ სიხარულს გრძნობდა, როცა ამ მავედრებელ თვალებს უცქერდა, უნდოდა შემწეობა აღმოეჩინა პირუტყვისათვის; დატყვევებულ სულს ხედავდა ამ თვალეში, მუდარით რომ შემოპყურებდა.

ამ წუთას, როცა წამებით იყო გვემული, ცოცხალი მოსწყვეტოდა სიცოცხლეს, კაცთ გაუტანლობით დაკოდილი ამჩნევდა ადამიანის მსხვერპლთ, თვალს ავლებდა ბრძოლის ველს, ადამიანი რომ გახდომოდა გამარჯვებულად; უცქერდა სხვა არსებათა ხოცვა-ჟლეტას და გული ელეოდა სიბრალულისა და ძრწოლისაგან. მაშინაც კი, როცა ბედნიერი იყო, მუდამ უყვარდა ცხოველები; ვერ იტანდა, როცა მათ სასტიკად ექცეოდნენ; ნადირობა ისე ზარავდა, რომ გამხელისაც კი ეშინოდა, სასაცილოდ ამიგდებენო; იქნებ თავსაც არ უტყდებოდა, მაგრამ ვერ ზიზღი იღუმალი მიზეზი იყო, ზოგზოგებისაგან შორს რომ ეჭირა თავი: ვერასდროს გაიხდიდა მეგობრად კაცს, ვინც მხოლოდ სიამოვნების გულისათვის ხოცავდა ნადირს. სანტიმენტალურობა არ ეთქმოდა: სხვაზე კარგად სწორედ მან უწყოდა, რომ ცხოვრების საფუძველს დაუჩრულებელი სისასტიკე და ტანჯვა შეადგენს; ვერ იცოცხლებ, თუ სხვა არ გატანჯე. თვალის დახუჭვა და სიტყვებით თავის დამშვიდება არ იქნება. მაგრამ არც იმას ამბობდა, საერთოდ უარი უნდა ეთქვათო სიცოცხლეზე და ბალღებივით მოეყვითო ღნავილს. არა. თუ ღღეს ცხოვრებისათვის სხვა გზა არა გაქვს, უნდა ვხოცოთ, თავი რომ დავიჩინოთ. მაგრამ ის, ვინც თავად კვლავში ჰპოვებს სიხარულს, გარეწარია. დე, თუნდაც შეუცნობლად ჩადიოდეს ამ სიგარეწარეს.

ადამიანი სულ იმის ცდაში უნდა იყოს, რაც შეიძლება შეამციროს ტანჯვა და სისასტიკე: ეს მისი უპირველესი ვალია.

ეს ფიქრები ჩვეულებრივ დროს კრისტოფს გულის სიღრმეში ჰქონდა დამარხული. არ სურდა ამეგებზე თავი ემტერია. რასა გააწყობდა? ან კი რა საჭირო იყო? კრისტოფს კრისტოფობა მართებდა, უნდა ეთხზა, ეცხოვრა, რადაც უნდა დაჯდომოდა, უფრო სუსტებს ხარჯზე ეცხოვრა... მას არ შეუქმნია ეს სამყარო... აღარც უნდა ეფიქრა, დიახ, აღარც უნდა ეფიქრა ამეგებზე!..

მაგრამ მას შემდეგ, რაც უბედურება დაატყდა თავს და ისიც დამარცხებულია ბანაკში გადაისროლა, უნდოდა თუ არა, მოუხდა დაფიქრება! წინათ ჰკიცხავდა ოლივიეს, უნაყოფო სინდისის ქენჯნას რომ მოეცვა და სულ ამოდ თავში საცემად გაეხადა უბედურება, ადამიანები რომ იტანენ და სხვას ახვევენ თავს. ანდა მასზე უფრო შორს მიდიოდა, მისთვის დამახასიათებელი მგზნებარე გატაცებით: სამყაროს ტრაგედიის ძირებს სწედებოდა; მთელი ქვეყნის სატიკივართ ეწოდა გული, ტყავამძვრალი, სისხლდაწრეტილი. ცხოველებზე ისე ველარ ფიქრობდა, მწუხარების თრთოლა რომ არ ავარდნოდა. ცხოველთა თვალებში მათ სულს ხედავდა, თავად რომ ედგა, ისეთ სულს, სულს, ლაპარაკი რომ არ ძალუძდა; მაგრამ თვალები გაჰკიოღნენ მათ მაგივრად:.

— რაღა მმტრობთ? რა დაგიშავეთ?

ბანალური სანახაობა, უწინ ასჯერ რომ უნახავს — აბლავებული ხბო ხის ვეება გალიაში გამომწყვდეული, მისი დიდრონი, შავი თვალები, თეთრორეული ცისფერი რომ გადაჰკრავს, ვარდისფერი ქუთუთოები, თეთრი წამწამები, იასამინისფერი ღრუნჩი, შუბლზე თეთრი ნიშანი, მრუდე ფეხები — ძარღვებში სისხლს უყინავდა; ფეხებგაკოჭილი ბატკანი გლეხს ბაზარში მიჰქონდა გასაყიდად: საბრალო ცდილობდა წამოდგომას, ბალღივით კენესოდა, ზმუოდა და ნაცრისფერ ენას ჰყოფდა; კალათაში ჩაჩურთულ ქათმებს ერთი კრიახი ედგათ; შორიდან დასაკლავი გოჭის ჰყვიტინი მოისმოდა; სამზარეულოს მაგიდაზე თევზს მუცელს უფატრავდნენ.. ამეების ატანა აღარ შეეძლო. უსახელო ტანჯვა, კაცი რომ ახვევს თავს ამ უცოდველ პირუტყვს, გულს უთუთქავდა, უწყლავდა. მიეციტ ცხოველს გონების სხივი, წარმოიდგინეთ საზარელი სიზმარი, წუთისოფელი რომ ჰქეულა მისთვის: გულქვა ადამიანები, ბრმები და ყრუები ყელს ღადრავენ, ფატრავენ, ბალთავენ, ასო-ასო ქნიან, ცოცხლად ხარშავენ, ერთობიან მათი სულთა ხდომით. განა რამე უფრო საზარელი ხდება აფრიკის კაციჰამითა შორის? ცხოველთა ტანჯვა თავისუფალი სინდისის მქონე კაცისათვის ადამიანის ტანჯვაზე უფრო აუტანელია, რადგან კაცის ტანჯვა ბოროტებად მაინც ითვლება და მისი გამტანჯავი ბოროტმოქმედია. მაგრამ ათასობით ნადირი იელიტება ყოველდღე, ტყუილუბრალოდ, სინდისის ქენჯნის გარეშე. სიტყვა თუ დასძრა ვინმემ ამაზე, სიცილს დააყრიან. — ეს კი მიუტევებელი დანაშაულია. მარტო ეს ამართლებს; თუკი რამ სასჯელი დასწოლია

ადამის მოდგმას. ის შურისძიებას ლაღადებს, კაცთათვის სამაგიეროს მიზღვას. თუ ღმერთი არსებობს და ითმენს ამეებს, შურის საძიებლად მოგვიწოდებს ღმერთზედაც. თუ კეთილი ღმერთი არსებობს, ცოცხალთა შორის უმდაბლესი სულები უნდა გადარჩნენ. თუ ღმერთი მხოლოდ ძლიერთათვის სთესს სიკეთეს, თუ ტვირთმძიმეთათვის სამართალი არ არსებობს, პირუტყვ სულთათვის, კაცობრიობის მსხვერპლი რომ გამხდარა, არც სიკეთე ყოფილა მაშინ და არც სამართალი...

ვაგლახ! კაცი რომ მკვლელობას ჩადის, ეს ისე ცოტა რამაა მსოფლიოს ხოცვა-ჟლეტასთან შედარებით. ცხოველები ერთურთს ჰამენ. მშვიდობიანი მცენარეები, მუწჯი ხეები ერთურთისათვის მოსისხარი ნადირნი არიან. ვინა თქვა ტყეთა უშფოთველობა, ლიტერატორთა საყვარელ თემად რომ ჰქვეულა, ლიტერატორებისა, ვინც ბუნებას მარტოოდენ თავიანთი წიგნებით იცნობენ!.. მახლობელ ტყეში, სახლიდან რამდენიმე ნაბიჯზე, საშინელი ბრძოლები წარმოებდა. მტაცებელი წიფლები ჰკვეთებოდნენ ლამაზ, ვარდისფერტიანი ნაძვებს, ანტიკური სვეტებივით აზიდულ მათ ტანს ეხვეოდნენ, ახრჩობდნენ. მუხებს ერკინებოდნენ, ამსხვრევდნენ, ყავარჩნებად ხმარობდნენ. ეს ასხელიანი ბრძირევეს-წიფლები, ერთ ხეში თავმოყრილი ათი ხე! ისინი სიკვდილს სთესდნენ ირგვლივ; და თუ მტრის ნაცკლად ერთიმეორეს გადაეყრებოდნენ, ბრაზით ეკვეთებოდნენ ერთმანეთსაც, ჩხვდნენ, შეეზრდებოდნენ ერთმანეთს; ეწმასნებოდნენ, რძგორც წარლენამდელი ურჩხულები. უფრო ჰკვევით, ტყის პირიდან წამოსული აკაცია შემოჰრილიყო და აქედან უტევდა ნაძვნარს, ახრჩობდა და ძირკვავდა მტრის ფესვებს, წამლავდა თავის გამონაბოლქვით. სამკვდრო-სასიცოცხლო ბრძოლა იყო გამართული. გამარჯვებული ადგილსაც ეუფლებოდა და ძლეულის ნეშტსაც. მაშინ პატარა ურჩხულები ასრულებდნენ დიდთა ნამოქმედარს. ფესვებს შორის ამოსული სოკოები სისხლს სწოვდნენ სნეულ ხეს და ნელნელა ფიტავდნენ. შავი ჰიანჰველები ხრავდნენ დამპალ ხეს; ათასობით უხილავი მწერი ღრღნიდა, ანამცეცებდა, მტვრად აქცევდა იმას, რაც უწინ სიცოცხლე იყო... ახლა ამ ბრძოლის მღუმარებას აღარ იკითხავთ?!.. ჰოი, ბუნების მშვიდობაზე, ტრაგიკული ნიღაბო, ცხოვრების მწუხარე და სასტიკ სახეს რომ ფარავ!

კრისტოფი ძირსმინდიოდა ტყევისავით. მაგრამ ის ისეთი კაცი არ იყო, უბრძოლველად მინებებოდა ხვედრს, ხელი არ გამოეღო. ტყუილად უნდოდა სიკვდილი, ყველაფერს აკეთებდა, რაც შეეძლო, რომ ცოცხალი დარჩენილიყო. ის ერთი იმათგანი იყო, რომელთაც, მოცარტის სიტყვებით რომ ვთქვათ, „სურთ იმოქმედონ მანამ, სანამ არ დაინახავენ, რომ მეტი აღარაფრის გაკეთება არ შეიძლება“. გრძნობდა, რომ უფსკრულში იხაფრებოდა და ხელების ცეცებით, მარჯვნივ, მარცხნივ ეძებდა საყრდენს, რომ დანდობოდა, მობლაუჭებოდა. ეგონა კიდევ, მიეაგენიო ამ საყრდენს; ოლივიეს ბავშვი გაახსენდა;

მისი გულისთვის მმართველსო ცხოვრება. მაშინვე მოებლაუჭა ამ იმედს. დიახ, უნდა მოეძებნა ის ბავშვი, გამოეთხოვა, აღეზარდა, მამობა გაეწია, შეეყვარებინა, მის ვაჟში მკვდრეთით აღედგინა ოლივიე. თავის ეგოისტურ სატანჯველში დანთქმულს ან კი აქამდე როგორ არ გახსენებია? სესილს მისწერა, ვისთანაც ბიჭი ჰყავდათ გაბარებული. ცხელებიანივით ელოდა პასუხს. მთელი მისი არსება ამ საფიქრალთ იყო მოცული. თავს ძალად იმშვიდებდა, ჯერ კიდევ არ ჩაქრობოდა იმედის სხივი. სესილის სიკეთე იცოდა, მისი ნდობა ჰქონდა.

პასუხი მოვიდა. სესილი სწერდა, ოლივიეს სიკვდილიდან სამი თვის შემდეგ შავით მოსილი ქალი მოვიდა ჩემთან და მითხრაო:

— დამიბრუნეთ ჩემი შვილი!

ის ქალი იყო, წინათ ოლივიე და შვილი რომ მიატოვა — ეაკლინი; მაგრამ ისე შეეცვლილიყო, რომ ჭირდა მისი ცნობა. სიყვარულის სიშმაგემ დიდხანს არ გასტანა. მანამ მობეზრდა საყვარელი, ვიდრე საყვარელს იგი. დამსხვრეული, იმედგაცრუებული, დაბერებული დაბრუნდა. მისი ამბავი სკანდალურად გახმაურდა და ბევრმა სახლის კარიც მიუკეტა. უფრო დამთმობებიც ნაკლებ მკაცრნი როდი აღმოჩნდნენ. მშობელი დედაც ისეთი შეურაცხყოფელი ზიზღით უტკებროდა, რომ ეაკლინი შინ ვეღარ დადგა. ბოლომდე ნახა ქვეყნის ფარისევლობა. ოლივიეს სიკვდილმა მთლად წარუკვეთა სასო. ისეთი განადგურებული ჩანდა, რომ სესილმა უარი ვეღარ უთხრა სათხოვარზე. ძნელი იყო შელეოდა ჩვილს, რომელსაც უკვე თავისად თვლიდა. მაგრამ როგორ მოექცე გულქვად იმას, ვისაც შენზე მეტი უფლება აქვს და შენზე უბედურია? უნდოდა მიეწერა კრისტოფისათვის, რჩევა ეკითხა. მაგრამ კრისტოფს არც ერთ მის წერილზე არ უპასუხია, სესილმა არ იცოდა მისი მისამართი, არც ის იცოდა, ცოცხალი იყო, თუ მკვდარი... სიხარული მოდის და მდის. რა გაეწყობა? უნდა დავმორჩილდეთ ხვედრს. მთავარია, ბავშვი ბედნიერი იყოს და უყვარდეთ...

წერილი სადამოს მოვიდა. ზამთარმა ისევ შემომბრუნა კეხი და კვლავ წამოთოვა. მთელ ღამეს ბარდნიდა. ტყეში, სადაც უკვე ახალი კვირტები გამოსულიყო, ხეები თოვლის სიმძიმისაგან ჭრიალებდნენ და ტყდებოდნენ. გეგონებოდათ, ზარბაზნებიდან ისერიანო. თავის ოთახში უსინათლოდ დარჩენილი კრისტოფი ფოსფორისფრად მოციაგე სიბნელეში უსმენდა ტყის სატყვიარს და ყოველ ჭახანზე ტებოდა; თვითონაც ერთ იმ ხეს ჰგავდა, ტვირთის სიმძიმის ქვეშ რომ ილუნება და ჭრიალებს.

— ახლა ყველაფერი გათავდაო, — ამბობდა გულში.

ღამე მიიღია, ინათლა; ხე არ გადასხვრეულა. მეორე დღესაც და მეორე ღამესაც, მომდევნო დღეებშიც სულ იზნიქებოდა და ჭრიალი გაჰქონდა; მაგრამ მაინც არ ვადამტყდარა. კრისტოფის სიცოცხლეს აღარავითარი აზრი აღარ ჰქონდა; მაინც-ცოცხლობდა. აღარაფერი აქეზებდა საბრძოლველად; მაინც

იბრძოდა, ხელჩართული ებრძოდა, ერკინებოდა უხილავ მტერს, რომელიც ხერხემალს უმსხვრევდა. ასე ერკინებოდა იაკობი ანგელოზს<sup>1</sup>. ამ ბრძოლიდან არაფერს გამოელოდა, დასასრულს ელოდა მხოლოდ; და მაინც იბრძოდა. იბრძოდა და გაპყვიროდა:

— დამსეტყვე, ჰეი, დამსეტყვე! რატომ არ დამცემ ძირს!

დღეები გავიდა. კრისტოფი ამ განსაცდელიდან სიცოცხლედაწრეტილი გამოვიდა. მაინც ჭიუტად ცდილობდა ფეხზე მდგარიყო, გამოდიოდა გარეთ, დაეხეტებოდა. ბედნიერია, ვისაც მაგარი ჭილაგი ეწვევა ცხოვრების მიმწუხრისას! მამა-პაპის მძლე მუხლებს დააქვთ წასაქცევად მიწურული შვილის სხეული; ძლიერი წინაპრების ბიძგმა ფეხზე წამოაყენა დამსხვრეული სული, როგორც მკვდარ მხედარს მიაქროლებს ხოლმე თავისი ბედაური.

ის თხემზე მიაბიჯებდა, ორ ღრანტეს შორის; წვეტიანი ქვეებით მოფენილ ვიწრო ბილიც მიუყვებოდა, რომელთა შორისაც პაწია მუხების დაკორძილი ფესვები ამოჩრლიყო; არ იცოდა, სად მიდიოდა, მაგრამ ისე თამამად აღგამდა ნაბიჯს, თითქოს წინ ნათელმზილველი ნებისყოფა მიუძღოდა. უძილო იყო; ეს რამდენიმე დღე თითქმის ნაწილიც არ ჩასვლია პირში. თვალებში ბინდი ჩამოსწოლოდა. თავქვე მიდიოდა, ბარისაკენ: აღდგომის კვირა იყო. შუქნაკლი, ცრაიტი დღე იდგა. ზამთრის უკანასკნელი ზღუდეც დაიმსხვრა. თბილი გაზაფხული დგებოდა ქვემოთ, სოფლებიდან, ზარების ხმა ისმოდა. ჯერ იმ სოფელში ჩამოჰკრავდნენ, მთის ძირას, კლდის ნაპრალში ბუდესავით რომ შეყუყუელიყო თავისი შავ-ყვითელი, ხავერდით სქელი ხავსით დაფარული ისლის ჭრელაჭრულა სახურავებით. შემდეგ მეორეშიც შემოჰკრავდნენ, მთის მეორე ფერდზე რომ იყო შეფენილი და აქედან არ ჩანდა; ბოლოს სხვებიც მისცემდნენ ბანს, ველებში რომ იყვნენ მიმოფანტულნი, მდინარის გაღმა მხარეს. შორეული ქალაქიდან ყურს დედაზარის გუგუნიც სწვდებოდა და ისევ ნისლში იკარგებოდა... კრისტოფი შედგა. გული წასვლაზე ჰქონდა. ეს ხმები თითქოს ეუბნებოდნენ:

— წამოდი ჩვენთან! აქ მშვიდობაა. აქ მწუხარება მკვდარია. ფიქრთან ერთად სამარეში სძინავს. აქ ისე ვუნანავებთ სულებს, რომ თავდაც ჩვენს მკლავებში იძინებენ. მოდი და განისვენე, აღარასოდეს გაიღვიძებ.

რა დაქანცული იყო! როგორ უნდოდა დაძინება! მაგრამ თავი გაიქნია და გულში თქვა:

— მე სიმშვიდეს როდი დავეძებ. მე სიცოცხლის პოვნა მწყურია!

<sup>1</sup> ბიბლიური თქმულების მიხედვით პატრიარქი იაკობი ერთხელ, დამით ღმერთს შეერკინა; განთოლამდე იბრძოლეს. იაკობი ეუბნებოდა: „არა განგითხო, უკუთუ არა მაყურთხო მე“. უფალმა ბარბაყებზე შეახო ხელი და დაუბუშა; ბოლოს აყურთხა მაინც და სახელად „ისრაელი“ უწოდა, რაც „ღმერთთან მებრძოლს“ ნიშნავს.

და გზა განაგრძობ. რაჭდენიმე ლიე ისე განვლო, არც კი შეუნიშნავს. მეტის-მეტად იყო დასუსტებული და ჰალუცინაციის ტყვეობაში მყოფ მის სულში უბრალო შეგრძნებებიც კი მოულოდნელ გამოძახილს პოულობდნენ. მისი გონება ხმელსა და ჰაერს ფანტასტიკურ შუქსა ფენდა. წინ რომ ჩრდილმა გადაურბინა, მზით განათებულ უკაცურ გზაზე, შეაკრთო, თუმც კი რა იყო, ვერ მიხვდა.

ტყის პირას სოფელი დახვდა. უკან გამობრუნდა, ადამიანების ნახვა არ ეამებოდა. მაგრამ განცალკევებით, სოფლის ზემოთ მდგარ სახლს გვერდი ვერ აუარა; მთის თხემს იყო მიყრდნობილი ის სახლი; სანატორიუმს ჰგავდა; გარს დიდი, მზიანი ბაღი ერტყა; რამდენიმე კაცი დაფრატუნებდა ხრეშმოყრილ ხეივანებში. კრისტოფს ყურადღება არ მიუქცევია მათთვის; მაგრამ ბილიცის მოსახვევში პირისპირ შეეყარა ჩხიათვალეზიან, მსუქანსა და სახეგაყვითლულ კაცს, ორ ალვის ძირში მდგარ სკამზე ჩამომჯდარი შორეთში რომ გაი-ცქირებოდა; გვერდით მეორე კაცი უჯდა; ორთავ დუმდა. კრისტოფმა გვერ-დით ჩაუარა. მაგრამ ოთხი ნაბიჯიც არ ექნებოდა გადადგმული, რომ შედგა: ეს თვალეზი ეცნო. შემობრუნდა. კაცი არ შერხეულა, კვლავ რალაც საგნის-თვის გაეშტერებინა მზერა, მისმა თანამგზავრმა კი შეხედა კრისტოფს, ხელი დაუქნია. კრისტოფი მივიდა და იკითხა:

— ვინაა ეს კაცი?

— ამ საგიჟეთის ერთი პაციენტი, — მიუგო კაცმა და შენობაზე მიუთი-თა.

— მგონი, ვიცნობ, — თქვა კრისტოფმა.

— ადვილი შესაძლებელია. ერთ დროს გერმანიაში ძალიან ცნობილი მწე-რალი იყო..

კრისტოფმა გვარი უთხრა. მართლაც ის გვარი აღმოჩნდა. ოდესღაც ენა-ხა, როცა მანჰაიმის გაზეთში თანამშრომლობდა, მაშინ მტრები იყვნენ; კრის-ტოფი მხოლოდ პირველ ნაბიჯებს დგამდა, მას კი უკვე სახელი ჰქონდა მოხვე-ჰილი. ძლიერი, თავის თავში დარწმუნებული კაცი იყო, თავის თავის მეტი ყველა სძულდა: ცნობილი რომანისტი გახლდათ, რომლის გრძობასა და რეა-ლისტურ ხელოვნებას იმდროინდელთა უღიმიამო ნაწარმოებები დაეჩრდილა. კრისტოფს სძულდა იგი, მაგრამ არ შეეძლო ამ მატერიალური, გულწრფელი და შეზღუდული ხელოვნების სრულყოფილებას არ მოეხიბლა.

— ერთი წელია, რაც ამ დღეშია, — უთხრა მომვლელმა, — უმკურნა-ლეს, ეგონათ, მორჩათ; შინაც დაბრუნდა, მაგრამ სენი კვლავ მოერია. ერთ საღამოს ფანჯრიდან გადმოხტა. პირველ ხანებში აქაც შფოთავდა და ყვირო-და. ახლა წყნარადაა. მთელ დღეებს ასე დამჯდარი ატარებს ხოლმე.

— რას უყურებს? — ჰკითხა კრისტოფმა და სკამს მიუახლოვდა.

სიბრალულით დააცქერდა მკვდრისფერ სახეს, მსხვილ ქუთუთოებს, თვა-ლებს რომ დასწოლოდნენ; ცალი თვალი თითქმის დახუჭული ჰქონდა. გიჟი თითქოს ვერც ამჩნევდა კრისტოფის იქ ყოფნას, კრისტოფმა სახელი დაუძახა,

ხელი მოჰკიდა: ხელი ოფლიანი და უსიცოცხლო ზამ ნივთივით მომჩვარული ჰქონდა. კრისტოფს სიმამაცე არ ეყო დიდხანს სჭეროდა იგი ხელში: კაცმა წამით მიაპყრო კრისტოფს უაზრო მზერა, მერე გამოთაყვანებული ღიმილით კვლავ ამოჩემებულ წერტილს მიაშტერდა:

— რას უყურებთ? — ჰკითხა კრისტოფმა.

კაცი არ შერხეულა, პასუხით კი უპასუხა, ყრუდ, ხმადაბლა:

— ვუცდი.

— რას?

— მკვდრეთით აღდგომას.

კრისტოფი შეძრწუნდა. საჩქაროდ გაეცალა იქაურობას. სიტყვა ცეცხლოვანი ისარივით ეტაკა გულში.

ტყეში ღრმად შევიდა, კვლავ აიარა სახლისკენ მიმავალი ფერდობი. მღელვარებისგან გზა აებნა; დაბურულ ნაძვნარში ამოჰყო თავი. ჩრდილი და სიჩუმე გამეფებულიყო ირგვლივ. მზის რამდენიმე წითელი ლაქა საიდანღაც შემოპარულიყო ამ, შენივთებულ ბინდში. კრისტოფი მოჯადოებულვით უცქეროდა სინათლის ამ ფირფიტებს. ირგვლივ ყველაფერი თითქოს წყვილიაღში დანთქმულიყო. წიწვების ხალიჩაზე მიაბიჯებდა, ფეხს ჰკრავდა ფესვებს, რომლებიც დაბერილი ძარღვებივით გამოშვერილიყვნენ. ხეთა ძირას ერთი მცენარეც კი არ ჩანდა, არც ხავსი იყო სადმე. ტოტებში ერთი ჩიტიც არ გალობდა. ნაძვებს ქვედა ტოტები შეხმობოდათ. მთელი სიცოცხლე ზემოთკენ წასულიყო, სადაც მზე ანათებდა. მალე ეს სიცოცხლაც ჩაქრა. კრისტოფი ტყის იმ უბანში შევიდა, რაღაც იღუმალი სენი რომ ღრღნიდა. გრძელი და თხელი ლიქენი ობობას ქსელივით მოსდებოდა წითელი ნაძვის ტოტებს, თავით ფეხებამდე გაეზაწრა, ერთი ხიდან მეორეზე გადასულიყო, ტყეს ახრჩობდა. იტყოდით, წყალმცენარეებია მუხთალი საცეცებიითო. მართლაც ოკეანეთა წილის სიჩუმე იდგა. ზევით მზე მკრთალდებოდა. ნისლის ფთილები, ვერაგულად რომ შემოპარულიყვნენ მკვდარ ტყეში, გარს შემოადგნენ კრისტოფს. ყველაფერი გაქრა; აღარაფერი მოჩანდა ირგვლივ. ნახევარი საათი კრისტოფი ალაღბედზე მიიკვლევდა გზას — რძისფერი ნისლით გარემოცული. ნისლი თანდათან სქელდებოდა, შავდებოდა, სუნთქვას უშლიდა; ეგონა, პირდაპირ მივდივარო და დაუსრულებლევ ტრიალებდა ობობას ვეება ქსელში, დამხრჩვალნი ნაძვებიდან რომ ჩამოშვავებულიყო; ნისლი მათზე მოკიაფე ცვარს სტოვებდა. ბოლოს თვლები ჩაიშალა, ბადე ჩაიხა და კრისტოფმა როგორც იქნა, დააღწია თავი ამ წყალქვეშა ტყეს. კვლავ ნახა ცოცხალი ტყე და ნაძვებისა და წიფლების უტყვი ბრძოლა. მაგრამ აქაც გაქვავებულიყო ყველაფერი. ეს ხანგრძლივი ღუმილი გულს უღონებდა. კრისტოფი შედგა, რომ ყური დაეგდო მისთვის...

უეცრად შორიდან რაღაც ჩქამი გაისმა. ტყის სიღრმიდან ფრთა დაარხია მაცნე ქარმა. ცხენივით, თქარათქურით მიეჭრა ხეთა კენწეროებს, ქოჩორი შეუტრხია; ისე ეკვეთა, როგორც მიქელანჯელოს ღმერთი ქარიშხალში. კრის-



ტოფსაც თავზე გადაუქროლა. ტყისა არ იყოს, კრისტოფის გულსაც ქრეოლა შეუღდა. ეს მახარობელი იყო...

კვლავ სიჩუმე ჩამოვარდა ირგვლივ. ღვთაებრივი შიშით ატანილი კრისტოფი საჩქაროდ დაბრუნდა ქოხში, მუხლთ ეჭრებოდა. სახლის ზღურბლზე უკან მოიხედა დევნილი კაცივით. ბუნება მკვდარს ჰგავდა. მთის კალთებზე შეფენილ ტყეებს ეძინათ, მძიმე მწუხარებით დამუნჯებულებს. უძრავი ჰაერი ჯადოსნურად გაშქვირვალე ჩანდა. ჩამიჩუმეში არ ისმოდა ირგვლივ. მარტო ნაკადულის სამგლოვიარო მუსიკა რეკდა მიწის სულთაბრძოლის სიმღერას — ხმა წყლისა, კლდეს რომ აღნობს. კრისტოფი ლოგინში ჩაწვა სიცხით გათანგული. მეზობელ ბაგაში მისავით დამფრთხალი პირუტყვი წრიალებდა...

ღაღამდა. კრისტოფს ჩასთვლიმა. სიჩუმეში საღდაც შორს კვლავ ატყდა ქარი. ქარი ახლოვდებოდა, გრივალად მოდიოდა, გაზაფხულის foehn-ად<sup>1</sup>, თავისი ცხელი სუნთქვით რომ ათბობს ჯერ კიდევ მძინარე, დამზრალ მიწას; foehn-ი მოდიოდა, ყინულეთს რომ აღნობს და ნაყოფიერი წვიმები მოაქვს, მეხივით გრგვინავდა ხევის მეორე მხარეს, ტყეში. მერე მოახლოვდა, გადიდდა, ზარით და ზათქით ფერღობები ამოიარა. მთელმა მთამ დაიქუხა. საჩინეში ცხენმა დაიჭიხენა და ძროხებმა ზმუილი მორთეს. კრისტოფი საწოლზე წამოიმართა; თმა ყალყზე ჰქონდა დამდგარი. მიაყურადა. გრივალე მოვარდა ჰხანით, აფქიო ააქრიალა, სახურავიდან კრამიტი ჩამოჰყარა, მთელი სახლი შეარყია. ყვავილის ქოთანნი გადააგდო და დაამსხვრია. კრისტოფის ფანჯარა ცუდად ყოფილიყო დაკეტილი და ერთბაშად მოლიავდა ხმაურით. თბილი ქარი შემოიჭრა ოთახში. კრისტოფს დაეძგერა სახესა და შიშველ მკერდზე. კრისტოფი საწოლიდან წამოხტა პირდაღებული, სუნთქვაშეკრული. თითქოს მის ცარიელ სულში შემოიჭრა ღმერთი ცხოველი. მკვდრეთით აღდგომა!.. ჰაერი ჩასდიოდა პირში, ახალი ცხოვრების ტალღა ჯიგრამდე უწევდა. ეგონა გავსკდებიო; უნდოდა დაეყვირა, დაეყვირა მწუხარებისა და სიხარულისაგან; მაგრამ პირიდან ზრიალის მეტი არაფერი ამოსდიოდა. კრისტოფი აქეთ-იქით აწყდებოდა ბორძიკით, მუშტებს უბრაგუნებდა კედლებს, ქარი კი ოთახში ქალაღდებს აფრიალებდა. მერე მუხლებზე დავარდა ყვირილით:

— დიდება შენდა! როგორც იქნა, დამიბრუნდი!

— შენ დამიბრუნდი! შენ დამიბრუნდი! ჰოი, შენ, ვისაც დაკარგულად გთვლიდი... რად მიმატოვე?

— შენგან მიტოვებული ჩემი ვალი რომ აღმესრულებინა.

— რა ვალი?

— ბრძოლა.

— რა გაქვს საბრძოლველი? განა ყველაფრის მეუფე არა ხარ?

<sup>1</sup> გერმ. — შშრალი, ხორშაკი და ქარიშხლიანი ქარი, ალპებში რომ ქრის ხოლმე.

— მე არა ვარ მეუღლე.

— განა შენ არა ხარ ყოველი, რაიც არს?

— მე არა ვარ ყოველი, რაიც არს. მე ვარ სიცოცხლე, არყოფნას რომ ებრძვის. მე არა ვარ არყოფნა. მე ცეცხლი ვარ წყვილია დღე დაღვნიებული. მე არა ვარ წყვილია დღე. მე მარადიული ბრძოლა ვარ; და ვერც ერთი მარადიული ბედი ვერ გაექცევა ბრძოლას. მე თავისუფალი ნება ვარ, მარად რომ იბრძვის. იბრძოლე და დაიწვი ჩემთან ერთად!

— მე დამარცხებული ვარ აწი აღარაფერში გამოვდგები.

— დამარცხებულიო? გგონია, ყველაფერი დაიკარგა? სხვები გაიმარჯვებენ. შენს თავზე ნულარ ფიქრობ; შენს ლაშქარზე იფიქრე.

— მე მარტო ვარ, ჩემი თავის მეტი არვინა მყავს; ლაშქარი ვინ მომაქვია...  
ვა...

— მარტო არა ხარ და არც თავს ეკუთვნი. შენ ჩემი ერთი ხელთაგანი ხარ, ერთი ხმათაგანი. ჩემს მაგივრად დასცხე და ილაპარაკე. ხელი თუ მოტყუდა, ხმა თუ დამუნჯდა, მე მაინც მყარად ვდგავარ ფეხზე. ახლა უკვე სხვა ხმებითა და სხვა ხელებით ვიბრძვი. დამარცხებულიც იმ ლაშქრის ნაწილი ხარ, თავის დღეში რომ არ მარცხდება. გახსოვდეს და სიკვდილამდე გამარჯვებული იქნები.

— უფალო, მე ისუ ვიტანჯები!

— გგონია, მე კი არ ვიტანჯები? საუკუნეთა დასაბამიდან სიკვდილი დამდევს და არყოფნა ჩამსაფრებიან. მხოლოდ გამარჯვებებით ვიკვალავ გზას. სიცოცხლის მდინარე წითლადაა შეღებილი ჩემი. სისხლით.

— სულ, სულ უნდა ვიბრძოლო?

— სულ უნდა იბრძოლო. ღმერთიც იბრძვის. ღმერთი დამპყრობელია. ის მძინვარე ლომია. არყოფნა ეძალება და ღმერთი მას მიწაზე ანარცხებს. ამ ბრძოლის რიგში ჰქმნის უმაღლეს ჰარმონიას. ამ ჰარმონიას შენებრ მოკვდავის ყური ვერ მისწვდება. შენთვის ისიც კმარა, იცოდე მისი არსებობა. მშვიდად აღასრულე შენი ვალი და ღმერთებს მიენდე.

— ძალა რომ აღარ შემრჩა?..

— უმღერე ძლიერთ

— ხმა ჩამიწყდა.

— ილოცე.

— გული ჩემი წარყვნილია.

— ამოიგლიჯე და ჩემი ჩაიდგი საგულეს.

— უფალო, თავის დავიწყება, მკვდარი სულის ამოგლეჯა არაფერია; მაგრამ განა შემძლია ჩემი მკვდრები გადავყარო, დავივიწყო; ვინც მიყვარს?

— მკვდრები შენს მკვდარ სულს მიაწებენ. ისევ ჰპოვებ გაცოცხლებულებს ჩემს უკვდავ სულში.

— შენგან ერთხელ მიტოვებულს კიდევ მიმატოვებ?

- კიდევ მიგატოვებ. ნუ ექვობ ამაზე. შენ უნდა ეცადო, არ მიმატოვო.
- მაგრამ სიცოცხლე თუ ჩამიქრა?
- სხვებისა ანთე.
- თუ სიკვდილმა დაისადგურა ჩემში?
- სხვაგან სიცოცხლეა. წადი, გაუღე შენი კარები. უგუნურო, მაგ შენს ჩამოქცეულ სახლში რას ჩაეტილხარ! გამოდი შენი თავიდან. სხვა საცხოვრებელიც არსებობს.
- ჰოი სიცოცხლე!.. მე ვხედავ... მე ჩემს თავში დავეძებდი, ჩემს ცარიელსა და დახშულ სულში. სული დამემსხვრა; ჩემი ჭრილობების ღია კარებიდან ჰაერი მაწვება; ვსუნთქავ, ხელახლა გპოვებ, ჰოი სიცოცხლე!..
- ხელახლა გპოვე... დაჩუმდი და ყური დამიგდე.

და კრისტოფს ნაკადულის ჩურჩულივით სიცოცხლის სიმღერა შემოესმა, მასში რომ იღვიძებდა. ფანჯრის რაფაზე დაყრდნობილმა ტყეს გახედა, გუშინ მკვდარი რომ იყო და ახლა ქარსა და მზეში ზღვასავით ღელავდა. ქარის ტალღები — თრთოლვა სიხარულისა გადიოდა ხეთა კენწეროებზე და გადახრილი ტოტები მეწამული ცისკენ გზნებით იწვდიდნენ ხელებს. ნაკადულის ხმა ზარივით რეკდა. გუშინ მკვდარი მიდამო დღეს მკვდრეთით აღმსდგარიყო; სიცოცხლე იმავ დროს დაუბრუნდა, როცა სიყვარული კრისტოფის გულს. სასწაული სულისა, მაღლმა რომ შეახო ხელი! სიცოცხლისათვის გაიღვიძა! და ყველაფერი გაცოცხლდა მის ირგვლივ: გულმა ისევ დაუწყო ძგერა. დამშრალმა წყაროებმა კვლავ იწყეს ღენა.

კრისტოფიც დაუბრუნდა ღვთაებრივ ბრძოლას... მისი ბრძოლები, ადამის ძეთა ბრძოლები როგორ იკარგება იმ დიდ ბრძოლაში, სადაც მზეები ქარაშოტით დევნილი თოვლის ფანტელებივით მიმოიტაცებიან!.. სული განიძარცვა. როგორც სიზმარში, ჰაერში გამოკიდებული დაჰქროდა ზემოთ, ზემოდან თვალწინ გაისიგრძეგანა ყოფა თავისი და მეყვსეულად ჩასწვდა თავისი ტანჯვის აზრს. მისი ბრძოლები სამყაროთა დიდი ბრძოლების ნაწილი იყო. მის დროებით შარცხს სხვა გამარჯვებები აბათილებდა. ის ყველასათვის იბრძოდა, ყველა მისთვის იბრძოდა. ერთიმეორის სატყეარსა და ჰირს იყოფდნენ, ერთიმეორის დიდებას ინაწილებდნენ.

„ამხანაგებო, მტრებო, ფეხით გადამქვლეთ! დე, ვიგრძნო, სხეულზე როგორ გადამივლიან ზარბაზნის ბორბლები, ზარბაზნებისა, რომლებიც გაიმარჯვებენ! მე არ ვფიქრობ რკინაზე, ხორცს რომ მიფლეთს, არ ვფიქრობ ფეხზე, თავს რომ მისრისავს, მე ჩემს შუროსმამიებელზე ვფიქრობ, მე უფეხზე, ამ უთვალავი ლამქრის წინამძღოლზე. ჩემი სისხლი მისი მომავალი გამარჯვების დუღაბია“...

ღმერთი მისთვის უგრძნობი შე მო მ ქ მ ე დ ი როდი იყო, ნერონი, თავის ბრინჯაოს კოშკიდან რომ გადმოჰყურებს ხანძარს, რომელიც თვითონ დააგზნო. ღმერთი იტანჯება. ღმერთი იბრძვის. იმათთან ერთად, ვინც იბრძვის და ყველა იმათ გულისათვის, ვინც იტანჯება, რადგან იგია ს ი ც ო ც ხ ლ ე, სინათლის წვეთი, წყვილიაღში განფენილი რომ იზრდება და სვამს სიბნელეს. მაგრამ ღამე უსაზღვროა და ღეთაებრივი ბრძოლაც თავის დღეში არ წყდება; არავინ უწყის, როგორი ექნება ბოლო. გმირული სიმფონია, რომელშიაც დისონანსები ერთმანეთს ეჯახებიან და ერწყმიან, ნათელ კონცერტს ქმნის! როგორც წიფლნარი, ჩუმად რომ ეწევა სასტიკ ბრძოლას ს ი ც ო ც ხ ლ ე ც ისე ომობს მარადიულ მშვიდობაში.

ეს ბრძოლები, ეს მშვიდობა კრისტოფში ხშიანებდა. თავად ნიქარას ჰგავდა, ოკეანე რომ ხმაურობს შიგნით. საყვირების ხმა, ბგერათა გრიგალი, უბოპეათა ძახილი მეფური რიტმების ფრთებით დაჰქროდნენ მის თავს ზემოთ. რადგან ყველაფერი ბგერებად გადადნებოდა ამ აბგერებულ სულში. სინათლის სიმღერას მღეროდა. ღამეს უმღეროდა. და სიცოცხლეს; და სიკვდილს. მათთვის, ვინც გამარჯვება მოიპოვა და თავისთვისაც, დამარცხებულისათვის... მღეროდა სული. ყველაფერი მღეროდა. სული სიმღერად იყო შენივეთებული.

მუსიკის ნიაღვრები გაზაფხულის წვიმებივით ზამთრისაგან გაფიჩხებულ მიწაში იკვლევდნენ გზას. შერცხვენა, მწუხარება, სიმწარე ახალა ამქლავებდა თავის საიდუმლო დანიშნულებას: მათ გახრწნეს მიწა, მაგრამ გაანაყოფიერეს კიდეც, ტანჯვის სახნისმა გული გაფატრა, მაგრამ სიცოცხლის ახალ წყაროებს კი მიაგნა. ველი კვლავ ყვავილობდა. ოღონდ გასული გაზაფხულის ყვავილები როდი ხარობდნენ. სხვა სული იშვა.

იგი ყოველ წუთს იბადებოდა, რადგან ჭერ ძელები არ გამაგრებოდა, როგორც ზრდადასრულებულ სულებს, სასიკვდილოდ მიწურვილ სულებს. ქანდაკება როდი ეთქმოდა — გამდნარი ლითონი გახლდათ. ყოველი წამი ახალ სამყაროდ აქცევდა. კრისტოფი არ ცდილობდა მის საზღვართა დასაზღვრას. მთელი არსებით ეძლეოდა სიხარულს, როგორც კაცი, წარსულის მთელ სიმძიმეს უკან რომ მოისერის და ხანგრძლივ მოგზაურობაში მიდის ახალგაზრდული სისხლით, თავისუფალი გულით, ისუნთქავს ზღვის ჰაერს და ფიქრობს, მოგზაურობა არასოდეს დასრულდებაო. კვლავ აიტაცა ქვეყნად განზნუნულმა შემოქმედლებითმა ძალამ; და ქვეყნის სიმდიდრეს ალტაცებაში მოჰყავდა. უყვარდა, მოყვასი იყო, სხვაც ძმად მიაჩნდა. მისთვის ყველაფერი „მოყვასი“ იყო, ბალახიც, ფეხით რომ ქელავდა და სხვისი მარჯვენაც, ხეც, მთაზე გაწოლილი ღრუბლის ჩრდილიც, ველების სუნთქვაც, მზეთა დას-დასით აფუფუთებული ღამეული ცის საფუტკრეთიც... ეს სისხლის ქარბორბალა იყო... არც საუბარს, არც ფიქრს არ დაეძებდა...უნდოდა ეცინა, ეტირა, დანთქმულიყო ამ ცოცხალ სასწაულში!.. ეწერა? რისთვის ეწერა? განა გამოუთქმელის გამოთქმა შეიძლება?.. მაგრამ შესაძლებელი იყო თუ არა, მინც უნდა დაეწერა. ასეთი იყო მი-

სი კანონი. აზრები უელავდნენ თავში, სადაც არ უნდა ყოფილიყო. მოცდა არ ეგებოდა. მაშინ კრისტოფი წერდა იმით, რაც ხელში მოხვდებოდა, სულ ერთია, რაზე; ხშირად თვითონაც არ შეეძლო ეთქვა, რას გამოხატავდნენ ფრაზები, გულიდან რომ მოსჩქედდა; სანამ წერდა, სხვა აზრებიც ეჯარებოდნენ და კრისტოფიც იწერდა, იწერდა პერანგის სახელოს მანქეტებზე, ქუდის სარჩულზე; თუმცა კი გამალებით იწერდა, მაგრამ აზრი უფრო გამალებით მიქროდა წინ და იძულებული გახდა, რაღაც სტენოგრაფიული ნიშნებიც კი შემოეღო.

ეს ჯერ უფორმო ჩანაწერები იყო. სიძნელე მაშინ დაიწყო, როცა თავისი აზრებისათვის ჩვეულებრივი მუსიკალური ფორმის მინიჭება განიზრახა; აღმოაჩინა, რომ არც ერთი ძველი ყალიბი მათ არ მოერგებოდა; თუ ზუსტად სურდა ჩაეწერა თავისი ხილვები, ყველაფერი უნდა დაევიწყებინა, რაც აქამომდე გაეგონა თუ დაეწერა; სანაგვეზე უნდა გადაეგდო მთელი ნასწავლი ფორმალიზმი, ტრადიციული ტექნიკა. უარი ეთქვა უძლური გონების ყავარჯნებზე, მზამზარეულ საწოლად რომ უჩანს იმათ სიზარმაცეს, ვისაც დამოუკიდებლად ფიქრისა ეშინია და სხვათა ნააზრევში მოკალათებულა. დღეიდან, რაკი ფიქრობდა ცხოვრებისა და ხელოვნების მოწიფულობის ხანას მივალწიეო (სინამდვილეში მხოლოდ ერთი სიცოცხლეთაგანი მიეწურა), მეტყველებდა იმ ენით, მის აზრს წინ რომ უსწრებდა; მისი გონება განვითარების წინასწარდასახულ კანონს მორჩილებდა, წინასწარ რომ კარნახობდა ფრაზების ნაწილს და მორჩილად მიჰყავდა გავალული გზებით იმ ჩვეულ მიჯნამდე, სადაც მსმენელი საზოგადოება ელოდა. ახლა გზა აღარ ჩანდა, გრძნობას უნდოდა გაეკვალა სავალი; გონება უკან უნდა ასდევნებოდა. მას აღარ მოეთხოვებოდა ვნების აღწერა; ამ ვნებას უნდა შერწყმოდა და ცდილიყო მის შინაგან კანონს შეუღლებოდა.

მასთან ერთად ძველი წინააღმდეგობანიც იშლებოდა, რომელთა შორისაც დიდხანს ფართხალეზდა კრისტოფი, თუმც კი თავს არ უტყდებოდა; რადგან თუმცა წმინდა ხელოვანი იყო, ხშირად თავის ხელოვნებას უტხო საქმის სამსახურში ჩაუყენებია: სოციალური მისია დაუქისრებია და ვერ ამჩნევდა, რომ თავად მასშიც ორი კაცი ჩაბუდებულიყო: ხელოვანი, რომელიც ქმნიდა და არ დაეძებდა მისი ნაწარმოები მორალური გამოსულიყო და ქმედების კაცი, რეზონორი, რომელსაც სურდა, რომ მისი ხელოვნება მორალური და სოციალური ყოფილიყო. ზოგჯერ ერთმანეთს მეტად უხერხულ დღეში ავდებდნენ. ახლა, როცა ყოველი შემოქმედებითი აზრი თავისი ორგანული კანონის მქონე უმაღლეს რეალობად ესახებოდა, თავი გაითავისუფლა პრაქტიკული გონების მონობისაგან. ცხადია, წინანდებურად სძავდა დროის უნიათო იმორალიზმი; კვლავაც ფიქრობდა, რომ უწმინდური ხელოვნება ყველაზე დაბალი ჯურის ხელოვნებაა, რადგან მისი სენია, სოკოა, ხის სნეულ ტანზე ამოსული; მაგრამ მარტო სიამოვნებისათვის შექმნილი ხელოვნება ბარდელში გამოკეტილი ხელოვნებაა; კრისტოფი მას არ უპირისპირებდა მორალური ხელოვნების უშნო უტილიტარიზმს, ამ ჯაგლავ პეგასს, საზიდარს რომ მიათრევს.

ყველაზე მაღალი ხელოვნება, ჭეშმარიტად ღირსი ამ სახელისა, ერთი დღის კანონებზე მაღლა მდგომია! ის უსასრულობაში მსრბოლი კომეტაა. სასარგებლოა, თუ უსარგებლო ჩანს პრაქტიკული თვალსაზრისით, მაინც ძალაა, მაინც ცეცხლია; ცით მონატეხი ელეა მაინც: ამიტომაცაა წმიდათაწმიდა, ამიტომაცაა კეთილისმყოფელი. მისი სიკეთე ბედად შეიძლება პრაქტიკული თვალსაზრისითაც სიკეთე იყოს; მაგრამ მისი ნამდვილი, ლეთაებრივი სიკეთე რწმენასავით ზებუნებრივია რიგს განეკუთვნება. იგი მზის დარია, რომლისაგანაცაა შობილი. მზე არც მორალურია, არც იმორალური. ის მ ა რ ა დ მ ყ ო ფ ი ა. იგი ღამესთან მორკინალია. ასევე ხელოვნებაც...

კრისტოფიც მიჰყვა მას და გაოცებით დაინახა, რომ მის გულში უცხო ძალებს დაეზუდებინათ, რომელთა არსებობაზე ეჭვიც არ ეპარებოდა: მის ვნებათაგან, მის მწუხარებათაგან სრულიად განსხვავებული შეგნებული სული იშვა... უცხო სული, რომელიც არ დაეძებდა, რა უყვარდა კრისტოფს, რა გადაეტანა; არ ანაღველებდა მისი შინაგანი სამყარო, არ დარდობდა მხიარული იყო იგი, უცნაური, ველური თუ საიდუმლოებით მოცული... ეს სული ამხედრებულყო მასზე, გამალებული დეზს ჰკრავდა გვერდებში. და იმ იშვითაა წუთებში, როცა სულის მოთქმას აცლიდა, კრისტოფი დაწერილს გადაიკითხავდა და თავს ეკითხებოდა:

— ნეტა ეს როგორღა გამოდნა ჩემი გვაშიდანაუ.

კრისტოფი გონების იმ სიშმაგეს შეეპყრო, ყველა გენიოსისათვის რომაა ცნობილი, გენიოსათვის — ნებისყოფისაგან დამოუკიდებელი ამ ნებელობისათვის — „სამყაროსა და ცხოვრების ამ გამოუთქმელი გამოცანისათვის“, რომელსაც გოეთე „დემონურს“ ეძახდა; რომელთან საბრძოლველადაც იარაღს ისხამდა, მაგრამ ბოლოს ფარ-ხმალს ყრიდა ხოლმე ძლეული.

და კრისტოფიც წერდა და წერდა. მთელი დღეების, კვირების განმავლობაში. დგება დრო, როცა განაყოფიერებულ გონებას შეუძლია მართო თავის თავით იკვებებოდეს და ქმნიდეს დაუსრულებლად. ერთი მიკარება, ქარით მოტანილი ბილილის მტვერიც კმარა შინაგან ველთა, მირიად ველთა ასაბრიალებლად... კრისტოფს ფიქრის დრო არ ჰქონდა, არც ცხოვრების დრო ჰქონდა. ცხოვრების ნანგრევებზე შემოქმედი სული გამეფებულიყო.

მერე კი შეწყდა ყველაფერი. კრისტოფი გამოვიდა ამ განსაცდელიდან დამსხვრეული, დანაცრებული, ათი წლით დაბერებული, მაგრამ გადარჩენილი. კრისტოფმა მიატოვა კრისტოფი და ღმერთთან დაიღო ბინა.

ჰალარა კულულები ერთბაშად გაერია თმაში, როგორც შემოდგომის ყვავილები ამოხეთქს ხოლმე ველად სექტემბრის ღამით. ახალმა ნაოჭებმა დაუღარა სახე, მაგრამ თვალებში კვლავ სიმშვიდე ჩაუდგა, ბაგე შეურიგდა თავის ხვედრს. კრისტოფი დამშვიდდა. ახლა ესმოდა. ესმოდა თავისი სიამაყის ამაოება, კაცთ მზვაობრობის, ამაოება ძ ა ლ ი ს საშინელი მუშტის წინაშე, სამ-

ყაროს რომ ამოძრავებს. არავის ძალუძს დაიკვივოს, ჩემი თავის ბატონი ვარო. ყველას სიფხიზლე გვმართებს, თორემ თუ ჩაგვეთვლიმა, ძალა დაგვაცხრება და გაგვიტაცებს... ან უფსკრულში გადაგებნაფრავს, ან ნიაღვარი უკუეჭევა და თავის ამომშრალ სადინარში დაგვაგდებს. საბრძოლველად მართო სურვილიც არა კმარა. თავი უნდა დაიმკირო უცნაური ღმერთის წინაშე, რომელიც flat ubi vult<sup>1</sup>, საცა მოინდომებს და როცა მოინდომებს მოჰბერავს სიყვარულს, სიკვდილს ან სიცოცხლეს. კაცის ნებისყოფას არაფერი ძალუძს უმისოდ. წამიც ეყოფა, წლების შრომა და ნაღვაწი რომ გაუცამტვეროს. და თუ მოისურვა, შეუძლია, მარადიული შვას ჭუჭყისაგან. შემოკმედ ხელოვანზე მეტად არავინ გრძნობს თავს მის ტყვედ, რადგან თუ მართლა დიღია, მხოლოდ იმას ამბობს, რასაც ს უ ლ ი უკარნახებს.

კრისტოფიც ჩასწვდა მოხუცებული ჰაიდნის სიბრძნეს, ყოველ დღიით სალოცავად მუხლს რომ იყრიდა, სანამ კალამს აიღებდა ხელში... *Vigila et Ora*<sup>2</sup>. — იფხიზლეთ და ილოცეთ ღმერთი, რათა შემწედ გექმნეთ. ც ხ ო ვ რ ე ბ ი ს ს უ ლ ს სიყვარულითა და მოწიწებით ესვიდეთ!

ზაფხულის მიწურულს ერთმა პარიზელმა მეგობარმა, გავლით რომ იყო შვეიცარიაში, მიაკვლია კრისტოფის ადგილ-სამყოფელს. მივიდა და ინახულა. ეს მუსიკალური კრიტიკოსი გახლდათ, რომელიც მისი ნაწარმოების საუკეთესო მსაჯული იყო. თან ერთი ცნობილი მხატვარიც ახლდა, მელომანობას რომ ჩემულობდა და კრისტოფის ნაწარმოებთა ტრფილად მოჰქონდა თავი, კრისტოფის მისი ნაწარმოების წარმატება ამცნეს: მთელს ევროპაში შენს ნაწერებს ასრულებენო. განდევილს დიდი ინტერესი არ გამოუჩენია ამის გაგონებაზე: წარსული მისთვის მკედარი იყო, ძველ ნაწარმოებებს სათვალავში არ აგდებდა. ბოლოს დაჰყვა სტუმრების თხოვნას და ახალი დაწერილი უჩვენა. სტუმარმა ვერაფერი გაუგო; ეგონა, კრისტოფი ჭკულიდან შეიშალაო.

— არც მელოდიაა, არც ტაქტი, არც თემატური დამუშავება; თხიერი ბირთვია, გამდნარი და ჭერ გაუცივებელი მატერია, რომელიც ყველა ფორმას იღებს და არც ერთი კი არა აქვს; ეს არაფერს არ ჰგავს: ქაოსში გაეღვებული სხივებია.

კრისტოფს გაეღიმა:

— დაახლოებით მასე გახლავთო, — უთხრა.

— „წესრიგის საბურველიდან მომზირალი ქაოსის თვალნი...“

მაგრამ მოსულმა ვერ გაიგო ნოვალისის სიტყვები და საწყალი, გამოფიტულაო, გაივლო გულში.

კრისტოფი არც ცდილობდა, რომ გაეგოთ მისთვის. როცა სტუმრები მიდიოდნენ, ცოტაზე გააცილა, რომ თავისი დიდებული მთები ეჩვენებინა, მაგრამ

<sup>1</sup> სადაცა სურს, ჰგებს (ლათ.).

<sup>2</sup> იფხიზლეთ და ილოცეთ (ლათ.).

ძალზე შორს არ გაჰყვოლია; ერთი მინდვრის შემხედვარე კრიტიკოსს პარიზული თეატრების დეკორაციები გაახსენდა; მხატვარი დაუზოგავად კილავდა ფერთა უგემურ შეხამებას, შვეიცარიელთა საყვარელ, რევანდით შეკმაზულ, მომჟავო და ბრტყელ ტორტებსა და პოლდერის<sup>1</sup> ნახატებს მაგონებსო. ბუნების მიმართ ისეთ აშკარა გულგრილობას იჩენდა, მთლად მოგონილი არ უნდა ყოფილიყო. მოჰკვებდა კიდევ, სულ არ ვიცნობო:

— ბუნება! რა არის ბუნება? არ ვიცი! სინათლე? ფერი? კეთილი და პატიოსანი. თქვენი ბუნება ფეხებზე მკილია...

კრისტოფმა ხელი ჩამოართვა და დაემშვიდობა. ყოველივე ეს აღარ აღელვებდა. ისინი ხევის მეორე მხარეს იყვნენ დარჩენილნი. მადლობა ღმერთს. კრისტოფი არავის ეტყოდა:

— ჩემამდე რომ ამოაღწიოთ, იმავე გზას ამოჰყევითო.

შემოქმედებითი ცეცხლი, თვეების მანძილზე რომ სწვავდა, მინელდა. მაგრამ კრისტოფი ახლაც გულით დაატარებდა მის კეთილმყოფელ სითბოს. იცოდა რომ ცეცხლი კვლავ აღიგზნებოდა: მასში თუ არა, სხვაში მაინც. სადაც არ უნდა ეგვიზგიზა ამ ალს, ასევე ეყვარებოდა, იგივე ცეცხლი იქნებოდა. სექტემბრის ამ საღამოს გრძნობდა, რომ იგი მთელს ბუნებაში ნაწილ-ნაწილ ჩაღვრილიყო.

სახლისაკენ მიმავალ აღმართს შეუყვია. ქარიშხალმა გადაიარა. ახლა მზე დაჰნათოდა თავზე. ველებს ოზშივარი ასდიოდათ. ვაშლის ხეებიდან სველ ბალახში მწიფე ნაყოფი ცვიოდა. ნაძვის ტოტებზე გაბმული, წვიმის ცვარშემშრალი თბობას ქსელები ძველთაძველი მიკენური ეტლების ბორბლებს ჰკვანდნენ. ვალუმპული ტყის პირას ხეკაყუნას ძახილი ისმოდა. მირიადობით პაწია კრაზანას მზის სხივებში ფერხული ჩაება და თავისი გაბმული წულით ავსებდა ტყის თალებს.

კრისტოფი პატარა მზნდორში აღმოჩნდა, პატარა ტაფობში, სწორი ოვალის ფორმა რომ ჰქონდა და ჩამავალი მზით იყო გაჩახახახებული აყალო მიწა, შუაში ნაგვიანევი თავთავთა წყებით მოოქროვილი და ეანგისფერი ლელქაში. ირგვლივ ტყე შემოსდგომოდა, შემოდგომის ტყე. სპილენძისფერი, წითელი წიფლები და ქერა წაბლის ხეები, მარჯნისმტევენება ცირცელი, ალუბლის ხეთა პაწაწკინტელა ცეცხლის ჰიაკოკონები, ნარინჯისფერფოთლება მოცვის ბუჩქები, ყავისფერი ბადრანგი, დამწვარი აბედი—უწვი მავგლოვანის მსგავსი. და ამ აღმოდებული ბუჩქის წვერიდან მზითა და ხორბლით დამთვრალი ტოროლა ამოფრინდა.

კრისტოფის სულიც ამ ტოროლას ჰგავდა. იცოდა, რომ ახლავე დაეცემოდა მიწაზე, დაეცემოდა ვინ მოსთელის, კიდევ რამდენჯერ. მაგრამ ისიც იცოდა, რომ თავის ღღეში არ დაცხრებოდა, კვლავ ავარდებოდა ცეცხლში წკრიალა სიმღერით, რომელიც ძირს დარჩენილებს ცათა სინაბლზე მოუთხრობს.

<sup>1</sup> ფერდინანდ პოლდერი (1853—1918) — შვეიცარიელი მხატვარი-პეიზაჟისტი.




ᐱᐱᐱᐱ  
ᐱᐱᐱᐱ



ᐱᐱᐱᐱ  
ᐱᐱᐱᐱ





ცხოვრება იწურება. სული და სხეული ფშანივით იშრიტება. სიბერეშეპარულ ხის ტანზე წელთა სიმრავლე აღინიშნება. ყოველი კვდება ამქვეყნად და კვლავ აღდგება ხოლმე. მხოლოდ შენ არ ხარ წარმავალი, უკვდავო მუსიკავ. შინაგანი ზღვა ხარ. სულივით უძირო. მკაცრი ხატი წუთისოფლისა შენს ნათელ გუხებში არ ირეკლება. ღრუბელთა ქარავანივით შენგან შორს ჩაიქროლებს ხოლმე შფოთვით აღძრული, სწრაფადმდინარი დღეების წყება, თაკარა, სუსხიანი, ცხარე დღეებისა. მხოლოდ შენა ხარ წარუვალი. საწუთროს კიდევან სუფევ. შენი საკუთარი სამყარო გაქვს. შენი კანონები, შენივე მზე, რომელიც წარმართავს ცდომილთა მიმოქცევას, შენივე მიზიდულობა. შენ ფლობ ვარსკვლავთა მღუმარებას, ღამეულ სივრცეში მნათ ხნულებს ავლებენ ის ვარსკვლავები, — იტყვი, უჩინარი მხვენელი ვერცხვლოვან გუთანს თუ მართავსო მტკიცე ხელით.

მუსიკავ, სხივმოსილო მეგობარო, რაიგ ესალბუნება მიწიერი მზის სიკაშკაშით დაღლილ თვალებს შენეული მთვარის შუქი! ყველანი, ვისაც ზურგი უქცევია საერთო სარწყულეზღისთვის, სადაც აღამიანები ფეხით ლიას ზელენ წყლის დაღვეის მოსურნენი, ისწრაფვიან მკერდს დაგეკონონ და ზმანების ცინცხალ წყაროსთვალს ეწაფებიან. მუსიკავ, უმანკო დედავ, შენ, ვინც უბიწო წიაღში ატარებ ყველა ვნებას, ვინც კეთილსა და ბოროტს იტევ ლერწმისფერ, ყინვარის ნაყურით მქრქალ ზურმუხტისფერ თვალების ტბაში, შენ სიკეთისა და ბოროტების ზე ხარ. ვინც შენს წიაღში დავანებულა, საუკუნეთა მიღმა ცხოვრობს.

გრძელი რიგი დღეებისა მას მხოლოდ ერთ დღედ მოეჩვენება, ყოვლისგამანადგურებელ სიკვდილს კი კბილები დააცვდება მასთან შერკინებისას.

მუსიკავ, ჩემს ტანჯულ სულს რომ უნანავებ, მუსიკავ, ეგ ჩემი სული ძლიერი, მშვიდი და მხიარული რომ გახადე, სიყვარულო ჩემო და საუნჯეე ჩემო, სპეტაკ ბაგეზე გეამბორები, სახეს ჩავიმაღლავ თაფლისფერ თმაში, ცხელ ქუთუთოებს ლბილ ხელისგულზე მოგანდობ. გავირინდებით, თვალები დახუჭული გვაქვს, მაგრამ მე ვხედავ ენით აუწერელ შუქს თვალთა შენთა, ვიწოვ შენს მღუმარ ბაგეებზე დაჩნეულ ღიმილს და, შენს მკერდს მონდობილი, ყურს ვუგდებ მარადი სიცოცხლის ფეტქვას.

<sup>1</sup> საყვარლო ხელოვნება, რაიგ ხშირად მკმუნვარების ეამს...

კრისტოფი აღარ ითვლის მიმსრბოლ წლებს. მისხალ-მისხალ იღევა ცხოვრება. მაგრამ ცხოვრება მისი სხვაგან სუფევს უკვე. აღარ აქვს საკუთარი ისტორია. ქმნის და ის ქმნილებებია სწორედ მისი ცხოვრების ისტორია. დაუდუმებელი ჰანგები ჩუმად მოხშიანე მუსიკისა აღუვსებს სულს და განარიდებს წუთისოფლის-ორომტრიალს.

გაიძარჯვა კრისტოფმა. სახელი მოიხვეჭა, აღიარეს. გაჭაღარავდა ამასობაში. ხანი მოემატა. მაგრამ ოდნავადაც არ წუხს. გული ისევ ჰაბუკუჟრად უძგერს, არ უმტყუნია ძალას, არც რწმენისათვის უღალატიია. კვლავ დაეუფლა სიმშვიდე, ოღონდ სხვაგვარი, ვიდრე უწვი მაცვლოვანის გამოვლამდე დაუფლებოდა. გულის სიღრმეში ჯერ ისევ ჩარჩენია ქვეა-ქუხილის ნახმევი და ღურღური მორევისა, აბორგებულმა ზღვამ რომ გააჩინა მის წინაშე. კრისტოფმა იცის, თუ არ ნება-სურვილი არსთა გამრიგესი, ვინაც ბრძოლებს წარმართავს, ისე ვერავინ დაიკვეხნის, ჩემი ბედის გამგებელი ვარო. სულში ორი სული უზის. ერთია — ზეგანი მაღალი, ქარ-წვიმით ნალახი. მეორე კი — პირველზე რომ ბატონობს — თოვლიანი მწვერვალია მზის სხივებდაფრქვეული. იქ ვერ გაძლებ; მაგრამ როდესაც დაბლიდან დაძრული ბურუსი გაათოშავს, მზისკენ მიმავალ გზას დაადგობ. ჯანლით სულმოცული კრისტოფი მარტო როდია; გრძნობს, გვერდითა ჰყავს ურყევი მეგობარი, წმიდა ცეცილია<sup>1</sup>, დიდრონი თვლები ზეცად რომ აღუპყრია; და ისევე, როგორც პავლე მოციქული, რაფაელის სურათზე გამოსახული<sup>2</sup>, დადუმებულა და მახვილს დაყრდნობილი ფიქრს მისცემია, აღარც კრისტოფი შფოთავს, ბრძოლისთვის აღარ ფიქრობს; ოცნებობს და ხორცს ასხამს ოცნებას.

საიმდროოდ საფორტეპიანო ქმნილებებსა და კამერულ მუსიკას წერდა. აქ მეტი გასაქანია გაბედულების გამოსავლენად; ნაკლები შუამავალი ჩამდგარა აზრსა და განსახიფტებას შორის: ვერ ასწრებს აზრი გზადაგზა დაჯინებას. ფრესკობალდიმ<sup>3</sup>, კუბერენმა, შუბერტმა და შოპენმა თავიანთი გაბედულებით, გამოშსახველობითა და სტილით ნახევარი საუკუნით გაუსწრეს საორკესტრო მუსიკის განშაახლებელთ. არეული ბგერებისაგან კრისტოფი ძალოვანი ხელით ჩამოქნიდა მრავალფერ უჩვეულო ჰარმონიას, ბრულამხვევ აკორდთა ჩქერალბს, აკორდებისას, ოდენ შორეული ნათესაობა რომ აკავშირებდათ თანამედროვე-

<sup>1</sup> მუსიკის მფარველი კათოლიკეთა რწმენით.

<sup>2</sup> იფლისხმება „კამათი საიდუმლო წმიდა ზიარების გამო“.

<sup>3</sup> ფრესკობალდი, ჭიროლამი (1583—1743) — იტალიელი ვირტუოზი ორგანისტი და კომპოზიტორი.

თავის მისაწვდომ ხმოვანებასთან. მსმენელს გონება იღუმალი თილისმით ებანგებოდა. მაგრამ ხალხს დრო სჭირდება, რათა შეეჩვიოს იმ მონაპოვარს, დიდი ხელოვანი რომ რკეანის ფსკერზე ჩაყვინთვით ამოზიდავს. ცოტა ვინმე თუ სწვდებოდა კრისტოფის ბოლოდროინდელ გაბედულებით აღსაყვებელ ქმნილებებს. სახელის მოხვეჭას კრისტოფი ადრინდელ ნაწარმოებებს უმაღლოდა. ვერავინ რომ ვერ უგებდა, ეს გრძნობა გაცილებით უფრო მეტად უმძიმებდა გულს ახლა, წარმატების უამს, ვიდრე წარუმატებლობისას, რადგან მაშინ ყველაფერი ისედაც უსაშველოდ ეჩვენებოდა. მას შემდეგ, რაც ერთადერთი მეგობარი ხელიდან გამოეცალა, კიდევ უფრო გაუმაძვარდა ავადმყოფური მიდრეკილება მარტოობისადმი.

საამდროდ გერმანია კვლავ უხსნის კარს კრისტოფს. ტრაგიკული შეტაკება საფრანგეთში დაიწყებას მიეცა. საითაც უნდოდა, იქით გასწევდა. მაგრამ შიშს ჰკვირიდა ის მოგონებები, პარიზთან რომ იყო დაკავშირებული. და თუმცა გერმანიაში რამდენიმე თვე გაატარა და დროდადრო კვლავაც ჩადიოდა ხოლმე იქ, რათა თავისი ქმნილებებისათვის ეღირებოდა, მაინც გულმა არ გაუწია, სამშობლოში დასახლებულიყო. ბევრი რამისგან გახლდათ გულდაკოდილი. მართალია, მარტო გერმანიისათვის როდი იყო ნიშნული ეს ყველაფერი, სხვა ქვეყნებშიც შესწრება ამაგვარ რამეებს. ოღონდ ესაა, შენი სამშობლოსაგან უფრო მეტს მოითხოვ კაცი და უფრო მეტადაც განიცდი მის ნაკლს. მართლაცდა, ევროპის ცოდვათა ყველაზე დიდი ტვირთი. გერმანიას აწვა კისერზე. აქი გამარჯვებული პასუხისმგებლობასაც თავს იღებს ამ გამარჯვების გამო; ვალში ვარდება დამარცხებულთა მიმართ. ჩემ ვალდებულებას იღებს, წარუძღვეს, გზა უჩვენოს მათ. გამარჯვებულმა ლუი XIV ფრანგული ჭკუის ბრწყინვალეობას აზიარა ევროპა. რა შუქი მოათინა მსოფლიოს გერმანიამ სედანის<sup>1</sup> შემდეგ? ხიშტების ელვარება? ფრთაშეჭრილი აზრი, სიქველეს მოკლებული ქმედება, უხეში რეალიზმი, რაიც, მაპატიეთ და, შეუძლოა იყოს ჯანსაღი. ძალადობა და ანგარება, კომიოთიეორ მარსს რომ სჩვევია. ორმოც წელიწადს ბნელში დაფათურობდა ევროპა, შიშით იყო მოცული. მძლეველის მუზარადი აპთარებოდა მზეს. და თუკი ძლეული, მეტისმეტად სუსტი საიმოსოდ, იმ ფარს სწვდენოდა და გადაეგდო, მხოლოდ ზიზღნარევე სიბრალულს იწვევდა, თვით იმ მუზარადიანს რა გრძნობადა უნდა აღეძრა?

მაგრამ, ეს ერთი ხანია, კვლავ ძალას იკრებდა დღე, შუქი სვრეტებშიც ატანდა. ერთ-ერთ პირველს რომ ეხილა მზე, კრისტოფი მუზარადის ჩრდილს განერიდა. ხალისით უბრუნდებოდა იმ ქვეყანას, სადაც იძულებითი სტუმარი იყო ოდესღაც. შევიცარია გახლდათ ეს ქვეყანა. მრავალი იმეამინდელი ჭკვიანი, თავისუფლებას დანატრული ადამიანის დარად, სული რომ ეხუთებოდათ გადამტერებულ ერთა ვიწრო სალტეში მომწყვდეულთ, კრისტოფი ეძიებ-

<sup>1</sup> 1870 წლის 2 სექტემბერს სედანთან განდგურებულ იქნა ნაპოლეონ III არმია, რასაც მოჰყვა საფრანგეთის დამარცხება საფრანგეთ-პრუსიის ომში.

და იმგვარ კუთხეს ქვეყნად, სადაც ლალად ისუნთქავდა ევროპის ზეთაზე მოქცეული. წინათ, გოეთეს დროს, თავისუფალი პაპების რომი წარმოადგენდა იმ კუნძულს, სადაც, ქარიშხალს გამოირიდებული ფრინველებივით, თავს აფარებდა ყველა ხალხის აზრი. ახლა კი სად პპოვო თავშესაფარი? ის კუნძული ზღვას დაუფარავს. აღარ არის რომი, გადაფრენილან ფრინველნი შვიდი ბორცვიდან<sup>1</sup>. ალპებს შეუხიზნავთ ისინი. აქ, ამ ხარბი ევროპის შუაგულში შემორჩენილა (დიდი ხნით კი?) პატარა კუნძული, ოცდაოთხ კანტონს რომ მოიცავს<sup>2</sup>. მართალია, იგი არ გვგვრის მარადიული ქალაქის<sup>3</sup> პოეტურ ზმანებას; აქ არ ტრიალებს პაერში ღმერთებისა და გმირების სურნელი. მაგრამ ამ ტიტველა მიწიდან აღმოსმის მძლავრი მუსიკა. მათაა მოხაზულობაში ივრძნობა გმირული რიტმები. ყველაზე მეტად აქ, ვიდრე სხვაგან, შეიგრძნობ კავშირს ბუნების პირველქმნილ ძალებთან. რომანტიკულ შთაბეჭდილებებს როდი ეძიებდა კრისტოფი, აქეთ რომ მოეშურებოდა. მდელი, რამდენიმე ზე, ნაკადული და ცის თალი — ამასაც საყვებით იკმარებდა. მშობლიური ქვეყნის წყნარი პეიზაჟი უფრო მიესალბუნებოდა მის გულს, ვიდრე ალპური გიგანტომასია<sup>4</sup>, მაგრამ კრისტოფს კარგად ახსოვდა, აქ რომ შეიგრძნო ხელახლა თავისი ძალა; დიახ, აქ, უწუ მაცულოვანში გამოეცხადა უფალი ღმერთი. და მუდამ ჟამს, აქ დაბრუნებისას, მადლიერებით უთრთოდა გული, რწმენით აღივსებოდა. განა მართო მას ემართებოდა ასე. წუთისოფლისაგან ნაწამებ რამდენ მეზრძოლს ამ მიწაზე ხელახლა მოუკრებია. ძალ-ღონე, რათა კვლავ რწმენით აღვისილიყო და ბრძოლა განეგრძო!

ცხოვრობდა ამ ქვეყანაში და თან მისი გაგება ისწავლა. იმათ უმრავლესობას, ვინც გავლით არის აქ, მხოლოდ ნაკლი ხვდება თვალში: სასტუმროთა უკეთურება, რაიც ბლალავს ამ მძლავრი მიწის მშვენიერ თვისებებს; უცხოელებით გატენილი ქალაქები, ეს უზარმაზარი საქუღბაქენი, საითაც მთელი ქვეყნის ჯიბესქელნი მოეშურებიან ჯანმრთელობის საყიდლად; ავმუცლობა ტაბლდოტთან მსხდომარეთა — სანსვლა, თქველფეა, თითქოს ხაროში ჩამწყვდეულ მხეცებს ხორცს უყრიახო: კაზინოს ყურის წამლები მუსიკა, რასაც ერთვის მემორინეთა გნიასი; იტალიელი ტაკიმასხარები, საზიზლარი ყვირილ-ქვივილით ალტაცებაში რომ მოჰყავთ მოწყენილობით გათანგული ფულიანი ყეყენი; მალაზიებში გამოფენილ სულელური საქონელი: ხის დათვები, სახლაკები, უმაქნისი სამშვენისები, და სულ ერთი და იგივე, ახალს ვერარას წააწყდება თვალი; თავაზიანი წიგნის გამყიდველნი, პორნოგრაფიული ბროშურებით რომ ვაჭრობენ, — ერთი სიტყვით, თვალში მოგხვდება მთელი ის მორალური სიმდაბლე, რაიც ნიშნეულია ამ მხარისათვის, სადაც ყოველ წელი-

<sup>1</sup> იგულისხმება რომი, რომელიც შვიდ ბორცვზეა გაშენებული.

<sup>2</sup> იგულისხმება შვეიცარია, რომელიც 24 კანტონისაგან შედგება.

<sup>3</sup> „მარადიული ქალაქი“ — რომის პოეტური სახელწოდებაა.

<sup>4</sup> გიგანტომასია (ბერძ.) — გიგანტთა ომი.

წადს თავს იყრიან მილიონობით უსაქმურები, რომელთ არ ძალუძთ იმაზე უფრო რიგიანი ან. თუნდაც უფრო მხიარული გასართობი - იპოვონ, რითაც ბრბო ერთობა ხოლმე.

მათ არაფერი იციან იმ ხალხის ცხოვრებისა, ვისთანაც სტუმრად ჩამოსულან. არა იციან რა იმ ზნეობრივი ძალის მარაგის და სამოქალაქო თავისუფლებისადმი სწრაფვისა, საუკუნეთა მანძილზე რომ დაუნჯებულა ამ ხალხში, იმ ნაკვერცხლებისა, ცეცხლად რომ ააბრიალეს კალვინმა და ცვინგლიმ<sup>1</sup> და ჯერ ისევ ღვივის ნაცარწაყრილი, იმ მძლავრი დემოკრატიული სულისკვეთებისა, რასაც მუდამ უარყოფდა ნაპოლეონის რესპუბლიკა; არც აქაურ დაწესებულებათა სიმარტივისა და საზოგადოებრივი მოღვაწეობის გაქანების, არც იმ მაგალითისა, რასაც მსოფლიოს უჩვენებს დასავლეთის სამი მთავარი რასის ეს შეერთებული შტატები? — მომავალი ევროპა მინიატურული სახით. მით უმეტეს, წარმოდგენა არა აქვთ დაფნეზე, მკვრივ ნაჭუჭში რომ შემალულა, ბიოკლინის ელვარე და თავაწყვეტილ ოცნებაზე; გოტფრიდ კელერის გულსხვიოსნობასა და სიხალისეზე, დიდი აედის — სპიტლერის ოლიმპურ ლამპარზე, ტიტანურ ეპოპეაზე, სახალხო დღესასწაულთა ცოცხალ ტრადიციასა და გაზაფხულის წვენიტ გაჯერებულ ბერმუხაზე. ეს ყოველივე ჯერ კიდევ ახალგაზრდა ხელოვნებაა, ხან უმწიფარი ხილივით, პანტასავით მწკლარტე გემოს რომ გიტოვებს ენაზე, ხანაც დამტკბარ-დაშაქრულია მეტისმეტად მწიფე მოცვივით. სამაგიეროდ მიწის სუნი ასდის. იგი შექმნეს თვითნასწავლმა ადამიანებმა. მათ არ მიჯნავს ხალხისაგან არქაული კულტურა, ხალხთან ერთად კითხულობენ ცხოვრების ერთსა და იმავე წიგნს.

კრისტოფს ესიმპათიურებოდნენ ეს ადამიანები, რომლებიც ცდილობდნენ, თავი კი არ მოეჩვენებინათ რადმე, არამედ თავისთავადნი ყოფილიყვნენ. ახლად აღზევებული გერმანულ-ამერიკული ინდუსტრიალიზმის გარეგნული ბრწყინვალეების მიღმა ჯერ კიდევ შემოენახათ ძველებური სოფლური და ბურჟუაზიული ევროპის ზოგიერთი სათნო თვისება. ორი თუ სამი კარგი, ერთგული, ჭკუადაძვლარი მეგობარი აიჩინა მათ შორის. წარსულის გამო მწარე ნაღველს მიცემულნი, ისინი განმარტოებულად და კარჩაკეტილად ცხოვრობდნენ; რაღაცნაირი რელიგიური ფატალიზმითა და კალვინისებური პესიმიზმით შეპყრობილნი ჰერეტდნენ ძველი შვეიცარიის ნელინელ ქრობას. კრისტოფი იშვიათად თუ ინახულებდა მათ. ძველი ჰრილობები თითქოს შეხორცებოდა გარეგნულად, მაგრამ ღრმა იარა იყო, აგრე იოლად ვერ მოუშუშდებოდა. უფროსოდა ადამიანებთან ხელახალი კავშირის გაბმას. ეშინოდა, კვლავ არ დაემონებინა სატიკვარსა და ჰმუნვას. ნაწილობრივ ამიტომაც გრძნობდა თავს კარგად იმ ქვეყანაში, სადაც ადვილი იყო, უცხოელს განცალ-

<sup>1</sup> ლამარაკია შვეიცარიაში განხორციელებულ რეფორმაციაზე. ამ მოძრაობის მესვეურნი იყვნენ: ენევაში — ჟან კალვინი (1509—1564), ცურხში — ულრიხ ცვინგლი (1484—1531).

<sup>2</sup> შვეიცარია, სადაც სამი სახელმწიფოებრივი ენაა: გერმანული, ფრანგული და იტალიური.

კეცებულად გეცხოვრა უცხოელთა შორის. თუმცაღა, იშვიათად თუ დაპყოფ-  
და ხოლმე დიდხანს ერთს ალაგს; ხშირ-ხშირად იცვლიდა სამყოფელს: იმ ბე-  
ბერ მძლევეარს ჰგავდა, სივრცე რომ სჭირდება და სამშობლოდ ჰაერი ეგულ-  
ვის... „Mein Reich ist in der Luft“...<sup>1</sup>

ზაფხულის საღამო იყო.

კრისტოფი მთაში სეირნობდა, სოფლის ზემოთ. ხელში ქუდი ეჭირა და მიხ-  
ვეულ-მოხვეულ ბილიკს მალღა-მალღა მიუყვებოდა. მოსახვევს რომ მიუახ-  
ლოვდა, ბილიკი ორ ფერდობს შუა, ჩრდილში მიიკარგა. კიდე-კიდე ნაძვის  
ხეები და თხილის ბუჩქები ჩარიგებულ იყო. ეს ადგილი პატარა, კარჩაკეტილ  
სამყაროს მოგაგონებდა. უცებ გზაწვრილი გაწყდა, თითქოს ყალყზე შედგათ  
ხრამის პირას. აქედან მოციხფროდ მოლივლივე სივრცე გამოჩნდა. მიმწუხზრის  
მყუდროება ისე უმჩნევად ისადგურებდა, წყლის ნაკადი რომ მიწანწკარებს  
ხოლმე ხავსის ქვეშ...

უეცრივ ქალი გამოჩნდა გზის მეორე მოსახვევში. შავებით მოსილი გამო-  
იკვეთა დაისის შუქზე; მის უკან მოთამაშობდა და ყვავილებს კრფდა ორი  
ბავშვი — ექვსიოდე წლის ბიჭუნა და რვა წლის გოგონა. რამდენიმე ნაბიჯზე  
რომ დაახლოვდნენ, ერთმანეთი იცნეს. მხოლოდ თვალეზმა გაამზილა მათი  
აღეღვება. არ წამოუძახიათ! ოღონდ ეს იყო, ძლივს შესამჩნევი გაკვირვება  
გამოეხატათ. კრისტოფი ფრიად ღელავდა. გრაციას კი... ტუჩები უთრთოდა  
ოდნავ. შედგნენ. კრისტოფმა თითქმის ჩურჩულით წარმოთქვა:

— გრაცია!

— თქვენ აქ ხართ!

ხელი ჩამოართვეს ერთმანეთს და კვლავ უხმოდ იდგნენ ერთხანს. პირ-  
ველმა გრაციამ დაატანა თავს ძალა, დუმილი დაარღვია. უთხრა, აქა და აქ  
ვცხოვრობო; მერმე ჰკითხა, თქვენ სად გაჩერდითო. ანგარიშიუცემლად უს-  
ვამდნენ კითხვას ერთმანეთს, პასუხი თითქმის არც ესმოდათ. შემდგომღა მო-  
იგონებენ ამ პასუხს, როცა დასცილდებიან; ერთმანეთის ჰვრეტით გართული-  
ყვნენ. მოირბინეს ბავშვებმა. გრაციამ კრისტოფს გააცნო ისინი. კრისტოფს  
მტრული გრძნობა აღეძრა ბავშვების მიმართ, ქუშად გადახედა მათ, არა უთ-  
ქვამს რა: ამ ქალს დაეპყრო მისი გული, დაკვირვებით აცქერდებოთა მშვე-  
ნიერ, გატანჯულ, მობერებულ სახეზე. ქალს აცბუნებდა ამგვარი მზერა.

— ხომ არ შემოივლიდით ამ საღამოს? — უთხრა ქალმა და სასტუმრო დაუ-  
სახვლა.

კრისტოფმა ჰკითხა, ქმარი სად გყავთო. ქალმა ძაძაზე ანიშნა. კრისტოფი  
მეტად აღელდა; საუბრის გაგრძელება ვეღარ მოახერხა. უხერხულად გამოემ-  
შვიდობა. მაგრამ ორი ნაბიჯიც არ გადაუღგამს, ბავშვებთან მიბრუნდა, რომ-  
ლებიც მარწყვს კრფდნენ, უცბად ხელი მოხვია მათ, აკოცა და გაუჩინარდა.

<sup>1</sup> საუფლო ჩემი ჰაერშია (გერმ.).



სალამოს კრისტოფი სასტუმროში მივიდა. გრაცია შემინულ ვერანდაზე დაუხვდა. იქვე კუთხეში მისხდნენ. ხალხი ცოტა იყო: ორი თუ სამი ხნიერი მანდილოსანი. კრისტოფს, ცოტა არ იყოს, აღიზიანებდა მათი იქ ყოფნა. გრაცია კრისტოფს უმზერდა. კრისტოფი შესცქეროდა ქალს და თან ჩურჩულით იმეორებდა მის სახელს.

— ძალიან შევიცვალე, არა? — ჰკითხა გრაციამ.

კრისტოფს გული შეეძრა.

— გატანჯულხართ, — წარმოთქვა მან.

— თქვენც, — თანაგრძნობით მიუგო გრაციამ, თან სახეზე აკვირდებოდა; სახეზე ტანჯვისა და ვნებააღელვის კვალი დასჩნეოდა კრისტოფს.

ერთხანს ხმას არ იღებდნენ.

— თქვენი ჭირიმი, სხვაგან წავიდეთ სადმე! — თქვა კრისტოფმა ცოტა ხნის შემდეგ. — ნუთუ არ შეიძლება, მყუდრო ადგილი მოვნახოთ სალაპარაკოდ?

— არა; ჩემო კარგო, აქ ვიყოთ, კარგია აქა. ვინ გვაქცევს ყურადღებას?

— თავისუფლად ვერ ვლაპარაკობ.

— მით უკეთესი.

მით უკეთესიო? ვითომ რატომ? შემდგომდა მიხვდა კრისტოფი, როცა ეს საუბარი გაიხსენა, რომ გრაცია არ ენდობოდა. რაღაცნაირად ინსტინქტურად უფრთხოდა გრძნობამომრევ სცენას; ვაითუ მოულოდნელად გული გადაეღუშალოთო ერთმანეთს. მოსწონდა კიდევ, სასტუმროს ეს გარემოცვა ხელს რომ უშლიდა ინტიმურობას, ასე უფრო ახერხებდა იღუმალი შეშფოთების დაფარვას.

თავ-თავიანთი ცხოვრების უმთავრეს ამბებს მოუთხრობდნენ ერთმანეთს, მოუთხრობდნენ ხმადაბლა, სვენებ-სვენებით. გრაფი ბერენი დუელში მოეკლათ რამდენიმე თვის წინათ; კრისტოფი მიხვდა: გრაცია არცთუ ისე ბედნიერი უნდა ყოფილიყო წმრის ხელში. პირმშოც დაღუპვოდა. მაგრამ ჩივილი არ სჩვეოდა. ადგა და საუბარი კრისტოფზე გადაიტანა, გამოჰკითხავდა ცხოვრების ამბავს, დიდი თანაგრძნობით ისმენდა მის თავს ვაღანახედს.

რეკავდა ზარები. კვირა სალამო იღვა. სიცოცხლე თითქოს ჩამკვდარიყო...

გრაციამ სთხოვა, ზეგ შემოიარეთო. კრისტოფი დალონდა, რადგან ქალი არ ჩქარობდა მასთან ხელახლა შეხვედრას. კმუნვა და ბედნიერება ერთად მოეძალა გულში.

მეორე დღეს გრაციამ რაღაც მოისაბაბა და შემოუთვალა, მინახულეთო. ამგვარმა ბანალურმა მიწვევამ კრისტოფს ალტაცება მოჰგვარა. ამჯერად გრაციამ სასტუმრო ოთახში მიიღო იგი. ბავშვებიც იქვე იყვნენ. კრისტოფი ჯერაც შიშნეულად; მაგრამ იმავე დროს ალერსიანად შესცქეროდა მათ. უფროსი, გოგონა დედას მიამსგავსა; ბიჭი ვის ჰგავსო, არ უკითხავს. ბაასობდნენ შვეიცარიისაზე, ამინდზე, იმ წიგნებზე; მაგიდაზე რომ ელაგა; მათ თვალეებს კი სხვა.

რამეზე გაებათ საუბარი, კრისტოფს იმედი ჰქონდა, უფრო გულახდილ ლაპარაკს მოახერხებდა. მაგრამ შემოვიდა ქალი, სასტუმროში რომ გაეცნო გრაციას. გრაციამ ფრიად თავაზიანად და გულთბილად მიიღო ეს უცხო მანდილოსანი. ორივე სტუმარს ერთნაირად ეპყრობოდა მასპინძელი, თითქოს არც გამოარჩევსო ერთმანეთისაგან. გული დასწყვიტა ამ ამბავმა კრისტოფს, ოღონდ არ გაბრაზებულა. გრაციამ შესთავაზათ, ერთად გავისეირნოთ. კრისტოფი დეთანხმა; მაგრამ ნირი წამხდარი ჰქონდა, არადა ის ქალი ახალგაზრდა და მიმზიდველი გახლდათ. გაუფუჭეს ეს დღე.

გრაცია მხოლოდ ორი დღის შემდეგ ინახულა. მანამდე ამ შეხვედრის მოლოდინითლა ცოცხლობდა. ოღონდ ამჯერადაც ვერ მოახერხა, გულგახსნით ელაპარაკა. გრაცია ალერსიანად ეპყრობოდა, მაგრამ კვლავინდებურად თავშეკავებული იყო. კრისტოფი კი მისდათავად გერმანულ სანტიმენტალობას იჩენდა. და ამით კიდევ უფრო აცბუნებდა ქალს, სიფრთხილეს ჩააგონებდა.

კრისტოფმა წერილი მისწერა. გრაცია ააღელვა ბარათმა. წუთისოფელი ხანმოკლეაო, — სწერდა კრისტოფი, ჩვენი დღეც ილევად უკვე! ეგებ ცოტა დროლა დაგვრჩენოდეს შეხვედრებისათვის; დასანანია, ლამის დანაშაულიცაა, გულახდილი ლაპარაკისთვის ვერ მოვიცალოთო.

გრაციაშეც გულთბილი პასუხი შეუთვალა: ბოდიშს უხდიდა უნებური უნდობლობის გამო; მის შემდეგ დამჩემდა ეს უნდობლობა, რაც ცხოვრებამ გული დამიკოღაო; მიჭირს თავი დავაღწიო ამ თავშეკავებულობას; ყოველგვარი გრძნობის მკვეთრი გამოვლენა, თუნდაც ნამდვილი იყოს ის გრძნობა, მაფრთხობსო. მაგრამ ხელახლა გავღვიძებული ამ მეგობრობის ფასს ვხვდები და მეც თქვენებრ ბედნიერი ვარო. სთხოვდა, საღამოხანს სადილად სწვოდა.

კრისტოფს მადლიერებით აღევსო გული. თავის ოთახში იყო ამ დროს; აჰოდა, ბალიშში ჩაემხო და სიხარულისაგან აქვითინდა. ათ წელიწადს ნაგემებ მარტოობის მერე შეება იგრძნო. აკი ოლივიეს სიკვდილის შემდეგ მარტოდ-მარტო დარჩა. ამ ბარათმა გაუცოცხლა ალერსს დანატრებული გული. ალერსი!.. კრისტოფს ეგონა, სამუდამოდ განმერიღაო ეს მადლი — ისე დიდხანს ძღებდა უმისოდ! ახლა კი გრძნობს, რარიგ ჰკლებია ალერსი და რარიგ მოზღვავებია გულში სიყვარული...

ტკბილი, სანეტარო საღამო გაატარეს. თუმცა განზრახული ჰქონდათ არაფერი დაემალათ ერთმანეთისთვის, მაინც აქეთურ-იქითურზე ლაპარაკობდნენ. მაგრამ რამდენი საამო, იღუმალი რამ ამცნო კრისტოფმა ქალს, როცა ფორტეპიანოს მიუჯდა. მზერით მიიწვია გრაციამ ფორტეპიანოსკენ, რათა იმის საშუალება მიეცა, გალახდილად ამეტყველებულიყო! გრაცია განაცვიფრა კრისტოფის მორჩილებამ. აკი ამაყ და თავდაუქერელ პიროვნებად იცნობდა. დამშვიდობებისას, ხელი ხელს რომ მოუჭირეს ჩუმად, ორთავემ იგრძნო, კვლავ ეპოვათ ერთიმეორე და აღარასოდეს დაჰკარგავდნენ. წყნარი, უქარო ამინდი იდგა, ჟინკლავდა. კრისტოფს გული უგალობდა.

გრაცია კიდევ რამდენიმე დღეს უნდა დარჩენილიყო აქ. გამგზავრება ერთი საათითაც არ გადაუდგია. კრისტოფს კი ვერც თხოვნა გაეზღა, ვერც უკმაყოფილება გამოეთქვა. ბოლო დღეს ბავშვებთან ერთად სეირნობდნენ. იყო წუთი, როცა კრისტოფმა ისეთი სიყვარული და ბედნიერება იგრძნო, გულსინადების გამხელა დააპირა. მაგრამ გრაციამ ნაზი, ალერსიანი ღმილით შეაჩერა:

— ჩუ! ვიცი, რაც უნდა მითხრათ.

გზის იმ მოსახვევთან ჩამოსხდნენ, სადაც პირველად შეხვდნენ ერთმანეთს. გრაციას კვლავ უღიმოდა სახე, დაბლა გაშლილ ველს გაჰყურებდა, მაგრამ ვერ ამჩნევდა მას. კრისტოფი კი ნაზ, საამო პირისახეზე აცქერდებოდა ქალს; წინანდელ ტანჯვას დაღი დაესვა ქალის სახეზე, შავ თმაში ჭალარა გამოჩნებოდა. სიბრალულსწარევე თაყვანისცემისა და ენებათაღვლეს აღუძრავდა ეს სხეული, სულიერი საღმობით რომ გაჭერებულყო... სული გამოჩანდა დროის მიერ გაჩენილ ყოველ იარაში... და კრისტოფმა ჩუმი, ათრთოლებული ხმით შესთხოვა, ისე როგორც უდღეს მოწყალებას შესთხოვენ ხოლმე... ერთი ღერი თეთრი თმა მაჩუქეო.

გრაცია გამგზავრა. კრისტოფი ვერ მიმხვდარიყო, ჭად არ გააცილებინა თავი გრაციამ. მეგობრად მიგულებსო, ეკვი არ ეპარებოდა, მაგრამ ამგვარი თავშეკავებულობა თავგზას უზნევდა. ორ დღესაც აღარ დაუდგა გული აქ; ადგა და სხვა მხარეს მიაშურა. ცდილობდა, მოგზაურობითა და მუშაობით გართულიყო. გრაციას წერილი მისწერა. ორი თუ სამი კვირის შემდეგ პასუხი მიიღო. ქალის მოკლე ბარათში მშვიდი, მეგობრული გრძნობა იხატებოდა, მოუთმენლობა და წუხილი არ იგრძნობოდა. ტანჯვას განაცდევინებდა ეს ბარათები, მაგრამ უყვარდა კიდევ ისინი. იმის ნებას არ აძლევდა თავის თავს, ესაყვედურებინა ქალისთვის; მათი გრძნობა ხომ ახლად ჩასახულიყო, ეს-ესაა ხელახლა გაღვიძებულიყო! იმის გაფიქრება, ვაითუ გრაცია დავკარგოო, ზაფრას ჰკვრიდა. ამავე დროს, ქალის ყოველი წერილი გამსჭვალული იყო მშვიდი ერთგულებით, რასაც გული უნდა გამხსნევებინა კრისტოფისთვის. მაგრამ რაოდენ სხვადასხვა ყაიდისა იყო ეს ორი ადამიანი!..

შემოდგომის ბოლოს შეთანხმდნენ, რომში შეხვედროდნენ ერთმანეთს. გრაციასთან შეხვედრის ფიქრი რომ არა, ეს მოგზაურობა ნაკლებად მიმზიდველი იქნებოდა. ხანგრძლივ მარტოობას შინაყუდად ექცია კრისტოფი. აღარ უყვარდა აქეთ-იქით უსაზნოდ ხეტიალი, რაშიც სიამოვნებას ჰპოვებდნენ იმჟამინდელი ატროვებული უსაქმურები. კრისტოფი ერიდებოდა, ელაღატა თავისი ჩვეულებისათვის, საფრთხე შეექმნა გონების გამუდმებული მუშაობისათვის. თანაც იტალია ოდნავადაც არ იზიდავდა. აქი მას „ვერისტების“<sup>1</sup> იმ

<sup>1</sup> „ვერისტები“ (იტალ. სიტყვისაგან vero — ჭეშმარიტება, სიმართლე) — იტალიური მუსიკის ახალი სკოლის წარმომადგენელი XIX საუკუნის ბოლოს: ლეონკავალო, პუჩინი, მასკანი და სხვანი. მათ საოპერო პირობითობათა საპირისპიროდ წამოაყენეს ცხოვრების სიმართლით გამოხატვის ლოზუნგი.

საპაგელი მუსიკითა და ტენორთა იმ არიებით იცნობდა მხოლოდ, რითაც ვერ-გილიუსის სამშობლო ქამიდან ქამზე შთაგონებით აღაგზნებს მოგზაურ ლიტერატორებს. ამ ქვეყნის მიმართ იგი გრძნობდა მტრობასა და უნდობლობას მოწინავე ხელოვანისას, ვისთვისაც რომის ხსენებით ყური გამოეჭედათ აკადემიური რუტინის ყველაზე მძარე ქომავთ. ეგეც არ იყოს, გულის სიღრმეში უღვიოდა ანტიპათიურობის ძველი ინსტინქტური გრძნობა ჩრდილოელისა სამხრეთელისადმი, ანდა, ყოველ შემთხვევაში, იმ ყბელი მკვეხარას საარაკო ტიპისადმი, როგორადაც წარმოიდგენს ხოლმე ჩრდილოელი სამხრეთის მკვიდრს. მათი გახსენებისას კრისტოფი ტუნს იბზუებდა... არა, იოტისოდენი სურვილიც არა ჰქონია, გასცნობოდა ამ ხალხს, მუსიკა რომ არ გააჩნდა. — (ჩვეულებრივ, გაუზვიადებლად დასძენდა ხოლმე: „განა თანადროული ევროპული მუსიკის ფონზე რამედ ჩასაგდება იმათი მანდოლინის ჩხაკუნი და მოთქმა-კენესა ლაყბობადქცეულ მელოდრამებში?“) — მაგრამ გრაცია ხომ ამ ხალხის შვილია. სად არ წავიდოდა, რა გზით არ ივლიდა კრისტოფი, ოღონდაც კვლავ ებოვა იგი! თვალს დახუჭავს და არას დაინახავს, ვიდრე გრაციას შეხვდებოდეს.

თვალის დახუჭვას დიდი ხანია შესჩვეოდა. წლების მანძილზე კარჩაკეტილში ჰქონდა მოქცეული შინაგანი ცხოვრება! ეს კი ამ შემოდგომის მიწურულს ფრიად საჭირო იყო. სამი კვირის განმავლობაში გადაუღებლივ წვიმდა. სქელი ყომრალი ღრუბელი დასწოლოდა დამბალ, სიცივისაგან აკანკალებულ შეეიცარიის ველებს. კრისტოფის თვალებს დაეიწყებოდათ მზის სხივთაგან მონიჭებული სიამე. ენერგია კვლავ რომ მოეკრიბა, უნდა შეექმნა სრული წყვილი, უნდა დაეხუჭა თვალი და ჩასულიყო მალბაროს სიღრმეში, ოცნებათა მიწისქვეშა გვირაბებში. იქ, ქვანახშირის ფენებში; ეძინა გარდასულ დღეთა მზეს. მაგრამ ვინც თავისი დღე და წუთისოფელი აგრე მოკუნტული ქვესკნელში ქვანახშირსა თხრის, იქიდან ამოდის ალმურმოდებული, ხერხემალი და მუხლები გაშეშებული, ხელ-ფეხი დაპკრებია, ნახევრად გახევებულს ღამის ფრინველივით უსიცოცხლო მზერა აქვს. რამდენჯერ ამოუტანია კრისტოფს ამ მაღაროდან წვითა და დაგვიტ მოპოვებული ცეცხლი, რათა დამზრალი გულები გაეთბო. ოღონდ ჩრდილოური ოცნებანი ღუმელისა და დახშული ოთახის სიმხურვალეს გამოსცემენ. ეს ფიქრადაც არ მოგდის, როცა იქ, იმ სიღრმეში ცხოვრობ; გიყვარს ეს ჩახუთული ჰაერი; ეს ბინდბუნდი, გამაბრუებელი ოცნებები. გიყვარს ის, რაც გაქვს. ჰოდა, უნდა დასჯერდე კიდევ ყოველსავე ამას.

როცა მატარებელი ალპურ კარიბჭეს გასცდა და ვაგონის კუთხეში მთვლემარე კრისტოფმა თვალი ჰკიდა კრიალა ცარგვალს, იხილა მთის ფერდობებზე დაფენილი მზე, თავი სიზმარში ეგონა. უკან, მთის მიღმა, ეს-ეს იყო დაეტოვებინა ჩამქრალი ზეცა, ბინდიანი დღე. ისეთი უეცარი იყო ამგვარი ცვლილება, თავდაპირველად გაოცებას უფრო გრძნობდა, ვიდრე სიხარულს. ასე იჯდა ერთხანს, სანამ გულგახევებულს მოეფონებოდა, სულისშემბოჰველი ქერქი

შემოეცლებოდა, წარსულის ბურუსს თავს დააღწევდა. მზე საშუაღღეოსკენ მიიწევდა, ნაზი სინათლე ელამუნებოდა კრისტოფს; ყველაფერი დავიწყებოდა მას, ხარბად ტკებოდა მიდამოს ცქერით.

მილანის ვაკე გადაშლილიყო თვალწინ. დღის ციალს ირეკლავდა ცისფერი არხები. მათს ვენებს დაესერა ბუსუსით შემოსილი ბრინჯის ყანები. აშოლ-ტილიყვენ შემოდგომის მოქნილი, ტანყენარი ხეები, ალაგ-ალაგ წითელი ხვიფლით დაფარულნი. და-ვინჩის მთები, ნაზად მოციაგე თოვლიანი ალაკები, შკაფიოდ გამოირჩეოდა თვალსაწიერზე, გეგონებოდათ, ნარინჯისფერი, მომ-წვანო-მოყვითალო და ბაცი ლურჯი ფერის ქობა შემოვლებიაო ჰორიზონტის ხაზს. ბინდი ეპარება აპენინის მთებს, მათათა ფერდობები გველივით დაკლაკ-ნილა, ერთუტოს მისდევს, იტყვი, ფერხულის რიტმში ჩაბმულანო. და უცებ, ფერდობის ძირას, თითქოს გკონსისო, მოგელამუნება ზღვის სუნთქვა, რასაც შერეგია ფორთოხლის ხეების სურნელი. ზღვა, ლათინური ზღვა! მის ოპალის-ფერ არილში ძღღმორეული გაყუყულა წყება ნაგებისა, ფრთები რომ დაუ-კეცავთ...

ზღვის პირას, მეთევზეთა სოფელთან მატარებელი გაჩერდა. მგზავრებს აუწყეს, კოკისპირული წვიმის გამო ზვაევი ჩამოწოლილა გენუასა და პიზას შორის მოქცეულ გვირაბში და მგზავრობა რამდენიმე საათით შეფერხდებაო. კრისტოფი, ვისაც რომის პირდაპირი ბილეთი აელო, გაახარა ამ შეფერხებამ; დანარჩენი მგზავრები გულისწყრომამ მოიცვა. კრისტოფი ბაქანზე ჩამოხტა, დრო იხელთა და მიეჭრა ზღვას, ასერიგად რომ იზიდავდა. ისე გაიტაცა ზღვამ, ერთი-ორი საათის შემდეგ, როცა მატარებელმა დაიკილა და აიძრა, ნავში მჯღომმა კრისტოფმა „გზა მშვიდობისაო“ — მიამახა. ამ მოციაგე ლამეში ნავით მიირწოდა მოლიცლიცე ზღვაზე, ნორჩი კვიპაროსებით შემორავული მალალი კონცხის გასწვრივ. ბინა ერთ სოფელში დაიდო და, ნეტარებას თავმიცემულ-მა, იქ ხუთი დღე დაჰყო. დიდი ხნის ნამარხულეე კაცს მოგავონებდათ, საჭ-მელს რომ დასცხრომია, მთელი არსებით მოწყურებული ისრუტავდა ჩახჩახა მზის სხივებს... სინათლევ, სისხლო სამყაროსა, სიცოცხლის მდინარევ, ჩვენი თვალებით, ტუჩებით, ნესტოებით, ჩვენი კანის ყოველი სვრეტით რომ შეგი-წოვთ. სინათლევ, შენ უფრო მიუცილებელი ხარ არსობისათვის, ვიდრე პური. ვინც შენ გიხილავს ჩრდილოურ პირბადეჩამოცილის, გიხილავს ცინცხალს, ჰვირვალსა და მცხუნვარეს, თავის თავს ეკითხება, როგორ შეეძლო ეცხოვრა წინათ, როს არ გიცნობდა და რაკი შეგიცნო. ველარ წარმოუდგენია უშენოდ გაძლება...

ხუთ დღეს მზით თრობას მისცემოდა კრისტოფი. იმ ხუთი დღის მანძილ-ზე პირველად დავიწყებოდა თავის სიცოცხლეში, მუსიკოსი რომ იყო. მუსიკა მისი არსებისა ქეუულიყო სინათლედ. ჰაერი, ზღვა და მიწა — აი, სიმფონია მზისა! და როგორი ხელოვნებით იცის იტალიამ ამ ორკესტრის გამოყენება! სხვა ხალხი ნატურიდან ხატავს. იტალიელი კი ბუნებასთან ერთად ქმნის, მზით

ხატავს. იქმნება ფერთა მუსიკა. ყველაფერი სახიობაა აქ, ყველაფერი მღერის. გზისპირს კედელი გასდევს — წითელი, ოქროსფერბზარებიანი; მას დაჰყურებს ორი ვარჯიშის კვიპაროსი. ირგვლივ გაშლილა უკიდევანო ცალაქვარდი. თეთრი მარმარილოს ამრეცი კიბე ვარდისფერ კედლებზეა მიუყვება ტაძრის ცისფერი ფასადისკენ. ნიარფერი სახლები — ჭერმის, ლიმნის, ციტრონის დარად რომ გამოკრთის ზეთისხილის ხეებს შორის — საუცხოო მწიფე ნაყოფი გეგონება ფოთლოვანში გამოშვირალი. იტალიური სანახები გრძნობას აღვიძრავს; თვალს აამებს ფერთა ხილვა, ისე ვით ენას — სურნელოვანი, წვნიანი ხილი. სულმოუთქმელად დაეწაფა კრისტოფი ამ ახალ სიამეს; იხარებდა მით უფრო გულსავედ, რომ აქამდე წილად რგებოდა უღიმღამო, მწირი სანახების ცქერა. მდიდარი, მაგრამ სვებედისაგან დათრგუნული ბუნების პატრონმა უეცრივ შეიცნო, ჭერეთ განუცდელი სიამით ტკბობა რომ შესძლებოდა. თითქოს ნადავლი ყოფილიყოს, ისე დაიპყრეს მისი არსება მრავალნაირმა სურნელებამ, ფერებმა, მუსიკამ ხმების, ზარებისა და ზღვისა, ჰაერსა და სინათლეს რომ ეალერსებთან. აღარაფერზე ფიქრობდა. ნეტარებას მოეცვა ერთიანად. ხანდახან თუ გამოერკვეოდა, ისიც მხოლოდ იმიტომ, ეს თავისი, სიხარული ვინმე შემხვდურთაგანისთვის გაეზიარებინა: მეწვეისთვის — ძველი მეთევზისათვის, მკვირცხლი თვალეზი რომ ჰქონდა ნარკვებით შემოქსელილი და თავზე ვენეციელი სენატორის წითელი ქუდი ეხურა; ერთადერთი თანამეინახისთვის — აპათიური მილანელისთვის, მაკარონს რომ შეეჭყეოდა და თანაც ოტელოსნაირ შავ-შავ, სიძულვილისაგან მრისხანედ მოშვირალ თვალებს აბრიალებდა; რესტორნის მიმტანისათვის, რომელიც კერძების მორთმევისას კისერს ჰქმავდა, ხელებსა და ტანს ბერნინის<sup>1</sup> ანგელოზივით ხრიდა; პატარა იოანე ნათლისმცემლისთვის, გამველ-გამომვლელს რომ შესციცინებდა და მოწყალებას სთხოვდა, მწვანეშტოიან ფორთოხალს სთავაზობდა. კრისტოფი მეეტლევებს შეეხმინებოდა ხრლმე, გულადმა რომ გაშხლართულიყვნენ თავიანთ ოთხთვალეზში და დუდლუნა ხმით გაებათ რაღაც უთავებოლო სიმღერა. თავადაც იგულისყურა, თურმე „Cavalleria rusticana“-ს ვლიდინებო. მგზავრობის მიზანი გულიდან გადავარდნოდა. დავიწყებოდა, რარგ ეშურებოდა გრაციასთან შესაყრელად.

ასე გრძელდებოდა იმ დღემდე, ვიდრე საყვარელი არსების ხატება გაცოცხლდებოდა მასში. ვერ მიმხვდარიყო, რამ წამოაგონა იგი, გზადშეხვედრილთაგან ვინმეს გამოხედვამ თუ დაბალი, მღერადი ხმის სინარჩარემ? დადგა ეამი, როცა ყველაფრიდან, რაც ირგვლივ ერტყა, ზეთისხილის ხეებით დაფარული გარსმომდგარი გორაკებიდან, აპენინის მაღალი მთების გლუვი თხემებიდან, მკაფიოდ რომ გამოჩანდა მრუმე ღამეშიც და მზის კაშკაშა ნათელშიც,

<sup>1</sup> ბერნინი, ლორენცო (1598—1680) იტალიური ბაროკოს უსაჩინოესი ხუროთმოძღვარი და მოქანდაკე.

<sup>2</sup> „სოფლის პატიოსნება“ (იტალ.) — მასკანის ოპერა.

ფორთოხლის წარაფებიდან თუ ზღვის ღრმა სუნთქვიდან, შემოსცქეროდა ნან-  
დაურის მოღიმაირი სახე. ათასი თვალთ დამზერდა ცარგვლიდან გრაცის თვა-  
ლები. ისე იფურჩქნებოდა გრაცია ამ მიწაზე, ვით ვარდი — ვარდის ბუჩქზე.

უმალ კვლავ ჩაჯდა. რომისაკენ მიმავალ მატარებელში, აღარსად გაჩერე-  
ბულა. აღარც არაფერი აინტერესებდა, არც იტალიური ძეგლები, არც ძვე-  
ლებური ქალაქები, არცთუ ხელოვნების განთქმული ნიმუშები. არ უნახავს  
და სურვილიც არ გასჩენია, მოეხილა რომი. იმან, რისი შემჩნევეც გზად გა-  
ვლისას მოასწრო, — ახალმა, ყოველგვარ სტილს მოკლებულმა კვარტალებმა,  
კვადრატულმა შენობებმა, — ხალისი დაუქარგა, დაეთვალიერებინა ქალაქი.

ჩამოსვლის უმალ გრაციას სანახავად გაეშურა. ქალმა ჰკითხა:

— რომელი გზით ჩამოხვედით? არ ჩამომხტარხართ მილანში, ფლორენ-  
ციაში?

— არა, — მიუგო, — რა მინდოდა იქ?

გრაცია იცინის.

— საუცხოო პასუხია! როგორ მოგწონთ რომი?

— რა ვიცი, — თქვა კრისტოფმა, — ნახვით არაფერი მინახავს.

— მაინც, მაინც?

— რა გითხრათ. ერთი ძეგლი არ მინახავს. სასტუმროდან პირდაპირ  
თქვენთან მოვედი.

— ათი ნაბიჯის გადაღმაც საკმარისია, რომ იხილოთ რომი. შეხედეთ იმ  
კედელს, აი იქ, პირდაპირ... ხედავთ, როგორაა განათებული!

— მე მხოლოდ თქვენ გხედავთ, — უთხრა კრისტოფმა.

— ბარბაროსი ხართ, მხოლოდ იმას ხედავთ, რაც თქვენს წარმოდგენას  
შეუქმნია. როდის გამოემგზავრეთ შვეიცარიიდან?

— რვა დღის წინათ.

— რას აკეთებდით ამდენ ხანს?

— თავდაც არ ვიცი. სრულიად შემთხვევით გავჩერდი ერთ ზღვისპირა  
სოფელში. არც კი ვიცი, რა ჰქვია იმ სოფელს. ეს რვა დღე სულ მეძინა. მეძინა  
თვალღიას. არ ვიცი, რას ვხედავდი, არ ვიცი, რაზე ვოცნებობდი. მგონი თქვენ  
მეზმანებოდით. მეტად მშვენიერი რამ იყო, ისე მშვენიერი, ყველაფერი გაღ-  
მაგიწყდა ამქვეყნად...

— გმადლობთ, — თქვა ქალმა.

(კრისტოფი არც უსმენდა).

— ყველაფერი, — განაგრძობდა იგი, — ყველაფერი, რაც იყო მაშინ,  
რაც იყო იმის წინათ. ასე მგონია, ახლად დავიბადე, ახლად ვიწყებ-მეთქი  
ცხოვრებას.

— მართლაც ასეა, — თქვა ქალმა, თან მოღიმაირი თვალებით უმზერდა. —  
გამოცვლილხართ ჩვენი ბოლო შეხვედრის შემდეგ.

კრისტოფიც შეპყურებდა გრაციას და მასაც არანაკლებ შეცვლილი ეჩვენე-

ნებოდა ქალი. სრულიად სხვაგვარი თვალთ უყურებდა და ეს იყო, თორემ შეცვლით არ შეცვლილა გრაცია ამ ორი თვის მანძილზე. იქ, შვეიცარიაში, თვალწინ ედგა გარდასულ დღეთა ხატება, მსუბუქი აჩრდილი გრაციასი, ედგა და მეგობრის აწინდელ სახეს უჩრდილავდა. აწ კი, იტალიის მზის ქვეშ, გამქრალიყვნენ ჩრდილოური ოცნებანი; ამ კაშკაშა დღის შუქზე იგი ხედავდა სატრფოს ქეშმარიტ სულსა და სხეულს. სულ აღარ ჰგავდა ეს სატრფო იმჟამინდელ პარიზში დატყვევებულ ქურციკს, იმ ყმაწვილ ქალს, წმიდა იოანეს ღიმილი რომ ჰქონდა და ხელახლა რომ იბოვებდა ერთ საღამოს, გათხოვებიდან ცოტა ხნის შემდგომ; იბოვებდა და აქი უცებ ისევ დაჰკარგა უმბრიელი პატარა მადონა გაფურჩქენილიყო, მშვენიერ რომაელ ქალად ქცეულიყო.

Color verus, corpus solidum et succi plenum<sup>1</sup>.

მის ნაკეთებს ჰარმონიული სისავე შესძენოდა; სხეულს აღბეჭდოდა კეთილშობილური მინაზების იერი. სიმშვიდე დიოდა ამ ქალისაგან. იგი განასახიერებდა მზით გაჭვრებულ მყუდროებას, მღუმარე ჰერეტას, მშვიდი ცხოვრებით ტკობას, — ყველაფერ იმას, რასაც მთლიანად ვერასდროს იგემებენ ჩრდილოელნი. წარსულისაგან უმთავრესად შემორჩენოდა ის ღიმილი სიკეთე, რაიც მსუვალავდა ყველა მის გრძნობას, მაგრამ მისი ნათელი ღიმილი სხვა რამესაც ამხელდა: სეგდიან შემწყყნარებლობას, ცრტაოდენ მოქანცულობას, ადამიანთა გარჩევის უნარს, მსუბუქი ირონიას, მშვიდ წინდახედულობას. წლებს თითქოს თოშით შეესუღრა გრაცია, რაიც გულის ცდომილებათაგან იცავდა; იშვიათად თუ გახსნიდა იგი გულს; მისი სინაზე, ნათელი ღიმილი წინ აღუდგებოდა იმ ვნებათაღელვას, კრიტოფი ძლივს რომ იოკებდა. ამავე დროს ჰქონდა სუსტი მხარეებიც, სჩვეოდა უმწეობა ცხოვრებისეული განსაცდელის ჟამს, კეკლუცობა, რასაც თავადვე დასცინოდა, მაგრამ არ კი ებრძოდა. ვერ აუჯანყდებოდა ვერც რაიმე ვითარებას, ვერც საკუთარ თავს: ერთობ მშვიდი ფატალიზმი მოსდგამდა ამ უაღრესად კეთილსა და ოდნავ მოქანცულ არსებას.

სტუმრებს მრავლად იღებდა გრაცია და ღიდად არც არჩევდა მათ, — ყოველ შემთხვევაში, ასე მოეჩვენებოდა კაცს ერთი შეხედვით; მაგრამ ეს იყო იგივე წრის ხალხი, გრაცია რომ ეკუთვნოდა; ერთი და იგივე ჰაერით სუნთქავდნენ, ერთნაირი ჩვევები ჰქონდათ; ეს საზოგადოება წარმოადგენდა საკმაოდ ჰარმონიულ მთლიანობას, მკვეთრად განხვავებულს იმისგან, რასაც კრისტოფი გერმანიასა და საფრანგეთში დაჰკვირვებოდა. უმეტესობა განეკუთვნებოდა ძველებურ იტალიურ გვარიშვილთ, აქა-იქ რომ გაჯანსაღებულიყვნენ უცხოელებთან ქორწინებით; მათ შორის გამეფებულიყო გარეგნული კოსმოპოლიტიზმი — ერთურთს ძალდაუტანებლად იყო შერეული ოთხი მთავარი ენა და გონებრივი ავლადიდება დასავლეთის ოთხი ღიმილი ერისა. ყოველი ხალხის წარმომადგენელთა თავისებურება მქლავდებოდა აქ: ებრაელებისა — უსვენ-

<sup>1</sup> (ლათ.) ყირპიზი, ჭანმაგარი, სასიცოცხლო წვენი სხვე ადამიანი.



რობა, ანგლო-საქსებისა—ფლეგმატურობა; ოღონდ ეს ყოველივე უმაღლესებოდა ხოლმე იტალიურ ქურაში. როცა მძარცველ ბარონთა ბატონობის საუკუნენი რასაში გამოკვეთენ ამგვარ ზვიად, ხარბ პროფილს მტაცებელი ფრინველისას, ლითონი თუნდაც შეიცვალოს, ანაბეჭდი უცვლელი რჩება. ამათგან ზოგნი, პირწმინდა იტალიელი რომ გეგონებოდათ, — მათ ჰქონდათ ლუინისეული<sup>1</sup> ღიმილი, ტიციანისეული ავხორცული, მშვიდი გამოხედვა და ჰგვანდნენ აღრიატიკისა თუ ლომბარდიის დაბლობის ყვაილებს, — გაფურჩქენილიყვნენ ჩრდილოურ ბუჩქებზე, ძველ ლათინურ მიწაზე რომ გადმოერგათ. რაგინდარა საღებავიც უნდა გაქნან რომის პალიტრაზე, ცინცხალი ფერი მუდამ რომაული იქნება.

თუმცა კრისტოფი ვერ გარკვეულიყო შთაბეჭდილებებში, აღტაცებული გახლდათ საუკუნოვანი კულტურით, ძველი ცივილიზაციით, რისი ბეჭედიც ესვათ ამ ადამიანებს, ხშირად ფრიად გონებაშეზღუდულნი რომ იყვნენ, ზოგჯერ კი<sup>2</sup> სულაც უღიმიამონი. აქ სუფევდა ოდნავ საგრძნობი სურნელი, უბრალო რამეშიც რომ ვლინდება, მომხიბლავი თავაზიანობა, მოხდენილი ქცევა, კეთილმოსურნეობა, ოღონდ დაცინვაგარეული, საკუთარი ღირსების შეგნება, გამჭირაბი მზერა, ღიმილი, სხარტი და უზრუნველი გონება, სკეპტიკური, მრავალმხრივი და ძალდაუტანებელი. არაფერი უხეში, მზვაობრული. არაფერი მწიგნობრული. აქ გული საგულეს გექნებოდა, რომ არ შესწრებოდი პარიზული სალონის რომელიმე ფსიქოლოგს, პენსნეს მინის უკან რომ დაგდარაჯებოდა, ან რომელიმე გერმანელი დოქტორის კაპრალისებურ ქცევას. ესენი სწორედ რომ ადამიანები იყვნენ, მეტად ადამიანური ადამიანები, ტერენციუსისა და სციპიონ ემილიანეს მეგობართა მსგავსნი!<sup>3</sup>

### 1 Homo sum...<sup>3</sup>.

ლამაზი ფასადის ცხოვრება რეალური კი არა, უფრო მოჩვენებითი გახლდათ. ამ ფასადის მიღმა იმალებოდა გამოუსწორებელი ქარაფშუტობა, რაიც ყველა ქვეყნის მაღალ საზოგადოებას მოსდგამს. ოღონდ აქაური საზოგადოების ეროვნული თავისებურება გახლდათ სიზანტე. ფრანგულ ქარაფშუტობას თან ახლავს ნერვული აგზნებულობა, ტვინის მიწყვიტი მუშაობა, მაშინაც, როცა იგი ფუჰად ირჩება. იტალიურ ტვინს დასვენება სჩვევია, ღიახაც ხშირი დასვენება. ტბილია მირულვა მცხუნვარე ჩეროში, ეპიკურელობისა და ირონიული გონების ღბილ სასთუმალზე, ირონიული გონებისა, მეტად მოქნილი, ფრიად ცნობისმოყვარე და თანვე საოცრად გულგრილი რომ არის.

<sup>1</sup> ლუინი, ბერნარდინო — იტალიელი მხატვარი (დაბ. 1480—1490 წლებს შუა, გარდ. 1532 წლის ახლო ხანს).

<sup>2</sup> იგულისხმება ვანთლებულ, ლიტერატურისა და ხელოვნების ყადრის მცოდნე რომელთა წრე (II ს. ჩე. ერამდე), შემოკრებილი მხედართმთავარ სციპიონ ემილიანესა და დრამატურგ ტერენციუსის ირგვლივ.

<sup>3</sup> Homo sum... (ლათ.) — ასე იწყება ტერენციუსის ცნობილი გამონათქვამი: „ადამიანი ვარ და ადამიანური არა მეუცხოება რა“.

ამ ადამიანებს არ გააჩნდათ მყარი შეხედულებანი. ერთნაირი დილეტანტურობით ეკიდებოდნენ პოლიტიკასაც და ხელოვნებასაც. მათ შორის ნახევრით მომხიბვლელ არსებებს, მშვენიერი გარეგნობის მქონე ნატიფნაკეთიან იტალიელ პატრიციებს, რომელთაც ჰქონდათ ჰკვიანი და ლბილი გამოხედვა, მშვიდი მიხრა-მოხრა, გულმხურვალედ უყვარდათ ბუნება, ძველი მხატვრობა, ყვავილები, ქალები, წიგნები, კარგი სუფრა, თავიანთი სამშობლო, მუსიკა... ყველაფერი უყვარდათ, ოღონდ უპირატესობას არაფერს ანიჭებდნენ. ზოგჯერ გეგონებოდათ, არც არაფერი უყვართო. თუმცა სიყვარულს დიდი ადვილი ეპირა მათს ცხოვრებაში, მაგრამ იმ შემთხვევაში, თუ მყუდროებას არ დაურღვევდათ. სიყვარულიც მათებრ აბათიური და ღუნე განლდათ, ვნებაშიც კი ადვილად იძენდა ცოლქმრული ურთიერთობის ხასიათს. მათი კარგად განვითარებული და ჰარმონიული ჰქუა-გონება ინერტულობას შეჰკუებოდა, ამის წყალობით ურთიერთსაპირისპირო აზრები კი არ შეეჯახებოდა ერთიმეორეს, მშვიდად განილტვოდა, მიცხრებოდა და მიჩლუნგდებოდა, უწყინარი შეიქნებოდა. ეშინოდათ ყოველგვარი მტკიცე შეხედულების, უკიდურესი პარტიებისა; ერთიგნათ სანახევრო გადაწყვეტილება, უსრული აზრი. გონებით კონსერვატორ-ლიბერალები იყვნენ. მათ სკირდებოდათ იმგვარი პოლიტიკა და ხელოვნება, სადაც შუაში რომ იქნებოდა იმ კეთილპავიანი კურორტის მსგავსად, სადაც არც ქოშინი შეგაწუხებს და არც გულის აჩქარება. თავიანთ თავს ისინი ცნობდნენ გოლდონის<sup>1</sup> ზარმაც პერსონაჟებში ან მანძონის<sup>2</sup> თანაბრად განხეულ-სინათლესში. ოღონდ ეს ხელს არ უშლიდათ საამო უზრუნველობაში. თავიანთი დიდი წინაპრებივით ვერ იტყოდნენ: „Primum vivere“<sup>3</sup>, უფრო ამას ამბობდნენ: „Dapprima. quieto vivere“<sup>4</sup>. გეცხოვრა მშვიდად. ეს იყო იდუმალი სურვილი, ნდომა ყველასი, ასე განსაჯეთ, იმათიც, უფრო ენერგიულნი რომ იყვნენ და იმათიც კი, პოლიტიკას ვინც ხელმძღვანელობდა. თითოეული ამ პატარა მაკიაველთაგანი<sup>5</sup>, თავის თავისა და სხვათა მბრძანებელი, გამჰკრიახი და მოწყენილი ჰკუის პატრონი, რომელთაც გულიც ისეთივე ცივი ჰქონდათ, როგორიც — გონება, მიზნის მისაღწევად რაგინდარა ხერხის გამოყენებას რომ არ ერიდებოდნენ, შეგობრებს თავის პატივმოყვარეობას რომ ანაცვალდნენ, ამ პატივმოყვარეობას მხოლოდ ერთ რამეს შესწირავდნენ: წმიდათაწმიდა quieto vivere-ს. ნდომა უჩნდებოდათ, პროსტრაციის გრძელ ჟამს მინებებოდნენ. როცა ეს მდგომარეობა გაუვლიდათ, თავს გრძნობდნენ კარგად გამოძინებულივით ზალასად და ცქვიტად; ამ დარბაისელ მამაკაცებსა და

1 გოლდონი, კარლო (1707—1793) — გამოჩენილი იტალიელი კომედიოგრაფი.

2 მანძონი, ალესანდრო (1785—1873) — გამოჩენილი იტალიელი პოეტი, რომანისტი.

3 უპირველეს ყოვლისა, ცხოვრება (ლათ.).

4 უპირველეს ყოვლისა, მშვიდი ცხოვრება (იტალ.).

5 მაკიაველი, ნიკოლო (1469—1587) — გამოჩენილი პოლიტიკური მოაზროვნე და მწერალი იტალიური აღორძინების ხანისა.

აუღელვებელ მადონებს უცებ სურვილი დარევდათ ხელს, ელაპარაკათ, ემხიარულათ, დაეწყათ გაცხარებული საქმიანობა. სიტყვამრავალნი შეიქნებოდნენ, მკვირცხლი მიხრა-მოხრა სჩვეოდათ ამ დროს, საოცარი ენამახვილობა, ხალისიანი ხუმრობა: *L'opera buffa*-ს განასახიერებდნენ. იტალიურ პორტრეტთა ამ გალერეიაში იშვიათად თუ ნახავდით გონებაგადაღლილ ადამიანებს, გუგები ლითონისებრ რომ უელვარებთ და სახე კიდევ დაძაბული გონებრივი მუშაობის გამო მოსთენთვით, ჩრდილოეთში რომ ემართებათ ხოლმე, ისე. ოლონდ აქაც შენიშნავდით იმგვარ ხალხს, ვინაც იტანჯებოდა და ინდიფერენტულობით ინიღბავდა ჭირ-ვარამს, მისწრაფებას, სურვილს, სიამით ეძლეოდა გარინდებას. პლარას ვამბობთ იმთ გამო, ვისი უცნაური, ახირებული, გაუგებარი საქციელი ადასტურებდა ძველისძველი რასებისათვის ნიშანდობლივ ერთგვარ უმღერადობას, მსგავსად იმ ნაბზარებისა, რითაც დაღარულია რომის კამპანის მიწა.

რალაცნაირი ხიბლი ჰქონდა მათი სულის იღუმალეობას, მათს მშვიდსა და დამცინავ თვალებს, სადაც ჩაბუდებულიყო უჩუმარი ტრაგიზმი. მაგრამ კრიტიკოსს არ სურდა ამის შემჩნევა. გაშმაგება ეუფლებოდა, რაკი ხედავდა, გრაციას ასეთი ხალხი ეხვია ვარს. მათაც უბრაზდებოდა და გრაციაზეც მოსდიოდა გული. ისე ვით რომს, გრაციასაც მოემძურა. დაუძვირა ნახვა, უკან გამგზავრებას აპირებდა.

კრიტიკოსი არ გამგზავრებულა. მისდაუნებურად გრძნობდა, იზიდავდა იტალიელთა საზოგადოება, ის საზოგადოება, თავდამირველად აგრერიგად რომ აგულისებდა.

იგი განმარტოვდა. დაეხეტებოდა რომსა და მის შემოგარენში. რომის ზეცა, დაკიდებული ბაღები, კამპანი, მზის შუქდაფენილი ზღვა, ოქროსფერ მერდინად რომ შემოვლებოდა კამპანის, თანდათან უმელავნებდა ამ ჯადოსნური მიწის საიდუმლოს. გულში დაიფიცა, ბიჯს არ გადადგამდა იმ მკვდარი ძეგლების მოსახილავად, არ აინტერესებდა მათი ნახვა; ბუზღუნით ამბობდა, დაველოდები, ვიდრე თავად მომეახლებოდნენო. მოეახლნენ კიდევც; უცაბედად შეეყარა მათ ბორცვებიან ქალაქში სეირნობისას. არ უძებნია, ისე იხილა მზის დაწურვისას წითურ მღვივანი ფორუმი<sup>2</sup>, პალატინის<sup>3</sup> ნახევრადჩამოქცეული თაღები, რომელთა მიღმა კამკამებს უძირო ცის ლაყვარდი. ეხეტებოდა თვალუწვდენელ კამპანიში, შლამმოდებული და ჭანჭრობს დამსგავსებული მოწითანო ტიბრის ნაპირას, — მინგრეული აკვედუქების გასწვრივ, უზარმაზარ მალეებს რომ მოგავგონებდათ წარღვნამდელი რამ ურჩხულისას. შავი ღრუბლე-

<sup>1</sup> *L'opera buffa* — კომიკური ოპერა.

<sup>2</sup> ფორუმი — ძველი რომის ცენტრალური მოედნის ნგრეული ნაშთი, მოედნისა, სადაც აღდგენილი ღრუბული შენობები მდგარა.

<sup>3</sup> პალატინი — რომის იმპერატორთა სასახლის ნანგრევები.

ბის სქელი ქულები მიცურავდა ბაც ლურჯ ცაზე. ცხენებზე შემსხდარი გლეხები უშენი ადგილის გავლით სამხრეთისაკენ მიერეკებოდნენ ვეებერთელა, გრძელქიანი, ლეგა ხარების ჯოგს; ძველ გზაზე კი, სწორ, მტვრიან, ტიტველა გზაზე, ტანმომტრო ხრდალი ვირებისა და ჩოჩრების მწკრივს მღუმარედ მიჰყვებოდნენ სატირის მსგავსი მწყემსები, თედოზე ბალნიანი ტყავები რომ შემოეკრათ. შორით, თვალსაწიერზე, საბინის მთაგრეხილის<sup>1</sup> ოლიმპიური ხაზი მოჩანდა; ცის თალის მეორე მხარეს კი გამოკვეთილიყო ქალაქის უძველესი კედელი და თალხი სილუეტები მროკავ ქანდაკთა, რანიც ამშვენებდნენ წმიდა იოანეს ტაძრის ფასადს... სიწყნარე...

თაკარა მზე... ქარი დაქროდა ტაშირზე... უთავო, მოსასხამოგდებულ, აქა-იქ ბალახამოზრდილ ქანდაკზე ხვლიკი გაწოლილიყო; თანაბრად სუნთქავდა კაშკაშა სინათლეზე გარინდული. და კრისტოფი, თავი რომ უყუოდა მზისგან (ზოგჯერაც კასტელიური ღვინისაგან), ილიოდა, შავ მიწაზე იჯდა გატეხილ მარმარილოსთან, თვლემდა თავდავიწყებას მიცემული, ითრობოდა რომის მშვიდი და მორკმული ძალით. ასე იყო ხოლმე შეღამებამდე. მაშინ გულს ნაღველი შემოაწვებოდა და განელტვოდა მარტოობის პირქუშ უდაბნფს, სადაც ინავლებოდა ტრაგიკული ნათელი... ჰოი, დედამიწავ, ვარჯარა დედამიწავ, ვნებიანო, მღუმარე დედამიწავ! შენს შფოთთან სიჩუმეში მომესმის ლეგიონთა საყვირის ხმა. რა გაშმაგებით ბობოქრობს სიცოცხლე შენს მკერდში. რარივ გწაღია გამოღვიძება!

კრისტოფმა მონახა ისეთი ხალხი, ვის გულშიც ჯერაც ბეჟუტავდა საუკუნის ცეცხლი. სამარეთა ფერფლქვეშ შემონახულიყო იგი. გეგონებოდა, ეს ცეცხლი მაძინის<sup>2</sup> თვალთა ელვარებასთან ერთად ჩამქრალიყო. აწ კვლავ ლვივებოდა ისევ ისეთი. ცოტა ვინმეს თუ სურდა მისი დანახვა, აკი მყუდროებას ურღვევდა მძინართ. მკვეთრი, ელვარე იყო ეს სინათლე. ახალგაზრდებს, ვისაც იგი მოჰქონდა (მათგან ყველაზე უფროსს ჯერ ოცდათხუთმეტიც არ შესრულებოდა) — მსოფლიოს ყველა კუთხიდან მოსულ რჩეულთ, თავისუფლად რომ აზროვნებდნენ და განირჩეოდნენ ტემპერამენტის, აღზრდის, შეხედულებებისა და რწმენის მიხედვით, აერთიანებდათ ახალი ცხოვრების ამ ცეცხლის კულტი. პარტიულ იარაღს, მსოფლმხედველობრივ განსხვავებას არად აგდებდნენ, — მთავარი იყო, „გაბედულად გეაზროვნა“. ყოფილიყავ წრფელი, გამოგეჩინა შემართება! მაგრად ანჭლრეედნენ თავიანთ ხალხს, რათა ძილი განეფრთხოთ მისთვის. მას შემდეგ, რაც გმირთა ძახილზე მკვდრეთით აღმდგარი იტალია პოლიტიკურად აღზევდა, სულ ახლახან კი ეკონომიკურად ალორძინდა, მათ გადაწყვიტეს, სამარიდან ამოეტაცებინათ იტალიური

<sup>1</sup> დაბალი ქედი რომის აღმოსავლეთით.

<sup>2</sup> მაძინი, ჯუზეპე (1805—1872) — იტალიელი პოლიტიკური მოღვაწე; იბრძოდა იტალიის გაერთიანებისა და ავსტრიის მხრივ ჩავერისაგან მისი განთავისუფლებისათვის.

აზრი. ტანჯავდათ და შეურაცხყოფდათ. რჩეული საზოგადოების შიშნეული და სიზარმაცენარევი მოღუნებულობა, მისი გონისმიერი სილაჩრე და ლაყბობა. ხმა იმ ახალგაზრდებისა გაისმა რიტორიკის ბუნდოვანებისა და მორალური მონობის მეუფებისას, რაიც საუკუნეთა მანძილზე დამკვიდრებულყოფი სამშობლოს სულში. ამ სულს მათ შთააგონეს უღმობელი რეალიზმი და ურყევეი პატიოსნება. მხურვალედ მიესწრაფოდნენ ნათელ გავებას, რასაც უნდა მოჰყოლოდა ენერგიული მოქმედება. უნარი შესწევდათ, საჭიროების უამს პირადი მისწრაფება ენაცვალბინათ მოვალეობისათვის, დისციპლინისათვის, რასაც თითოეულ ადამიანს ერის ინტერესები აკისრებს. იმავე დროს. ინარჩუნებდნენ მაღალ იდეალს და უშუშინდეს სწრაფვას ჭეშმარიტებისაკენ, რაიც მგზნებარე და კრძალული სიყვარულით უყვარდათ. ამ ახალგაზრდების ერთმა მეთაურთაგანმა<sup>1</sup> დიადი სიმშვიდით მიუგო თავის მტრებს, როცა იმათ შეურაცხყოფა მოაყენეს, ცილი დასწამეს და განსაცდელში ჩააგდეს:

„პატივი ეციოთ ჭეშმარიტებას! ალაღალ გელაპარაკებით, გულღვარძლიანი როდი ვარ. რაც ჩემთვის ზიანი მოგიყენებიათ, დავივიწყებ; ისიც, რაც, შესაძლოა, თქვენთვის მომეყენებინოს. იყავით გულმართალნი! არც სინდისიერება, არც ცხოვრების ზეობა, არც თავგანწირვის ნიჭი, არც კეთილშობილება არ არის იქ, სადაც წმიდად, მტკიცედ და უსიტყვოდ არ იცავენ ჭეშმარიტებას. აღასრულეთ ეს ძნელი ვალი. სიყალბე, ვიდრე იგი გაჭრიდეს, უმალ ყალბის მოქმედსა რყვნის; რის მაქნისია, სწრაფ წარმატებას თუ მიიღწევთ ამ გზით? თქვენი სულის ფესვები გამოეკიდება სიცარიელეში, სიცრუით გამოქმულ ნიადაგში. მტრულად როდი გელაპარაკებით. იმგვარი საკითხი წამოგჭერთ, რაიც ჩვენს უთანხმოებებზე მაღლა დგას, თუნდაც რომ თქვენი ვნებები სამშობლოს სახელს ამოაფაროთ. ერთი რამ სამშობლოზე უფრო დიდია — ადამიანის სინდისი. არის კანონები, რომელთა დარღვევა არ უნდა გაბედოთ, თუ არ გინდათ, ცუდი იტალიელები შეიქმნეთ. თქვენს წინ ის კაცია, ჭეშმარიტებას რომ ეძიებს; უნდა გაიგონოთ მისი ძახილი. თქვენს წინაა კაცი, ვისაც მხურვალედ სწადია, გიხილოთ დიდსულოვანი და სპეტაკნი, სწადია, იმუშაოს თქვენთან ერთად. გსურთ თუ არა გსურთ, სულ ერთია, ყველანი ერთად ვიშრომებთ იმათ მხარდამხარ, ვინც შრომობს ჭეშმარიტების თანხმად. ყველაფერი, რასაც შევექმნით (და რასაც ვერც კი განვჭკვრეთ), აღბეჭდილი იქნება ჩვენი საერთო ტვიფრით, თუ ჭეშმარიტების მიხედვით ვიმოქმედებთ; ადამიანის არსიც ესაა — ეს შესანიშნავი უნარი, ეძიებდნენ ჭეშმარიტებას, გიყვარდეს, ზედავდე მას, თავი შესწირო. ჭეშმარიტებავე, ჯადოსნური სუნთქვა შენი მორბეულობისა სწედება ყველას, ვინც შენ გფლობს!..“

როცა კრისტოფმა პირველად მოისმინა ეს სიტყვები, საკუთარი სულის დაღლისი ეგონა; გრძნობდა, ეს ადამიანები მისი ძმები იყვნენ. შესაძლოა,

<sup>1</sup> ჯუზეპე პრეციოზი, რომელიც ჟოჰანი პაპინისთან ერთად იმეამდ ხელმძღვანელობდა „ლა ვოჩეს“ („ხმა“) ჟგუფს.

ხალხთა ბრძოლის ახირებულობამ და იდეების განსხვავებულობამ ერთმანეთს დანასისხლად გადაჰკიდოს ისინი; მაგრამ მტერმოყვრობის მიუხედავად, ერთ ადამიანურ ოჯახს ეკუთვნიან, ერთი ოჯახისანი დარჩებიან მარადის! ეგ ამბავი იმათაც იცოდნენ. ის კი არა, მასზე უწინ იცოდნენ. კრისტოფეს წინათვე იცნობდნენ, რადგან ოლივიეს მეგობრები იყვნენ. კრისტოფემა ნახა, რომ მისი მეგობრის ქმნილებანი (ლექსების რამდენიმე ტომი და კრიტიკული ესსეები), რომელთაც პარიზში ცოტა ვინმე თუ იცნობდა, ამ იტალიელთ ეთარგმნათ და გაეთავისებინათ. მოგვიანებით მან ძალაუვნებურად ისიც შეამჩნია, რა უფსკრული მიჯნავდა ამ ხალხს ოლივიესაგან. სხვებზე მსჯელობისას ისინი მხოლოდ იტალიელებად რჩებოდნენ, არ შეეძლოთ თავი დაეღწიათ თავიანთი ხალხის აზროვნების შემზღვეველი ჩარჩოებისათვის. გულახდილად რომ ვთქვათ, უცხოელთა ქმნილებებში მხოლოდ იმას ეძიებდნენ, რაც მათს ეროვნულ ინსტიტუტს უნდოდა ეპოვა; ხშირად იმასლა წარმოაჩენდნენ, რაც თავადვე დაეგულებინათ ქვეშეცნეულად. მდარე კრიტიკოსები და უხვირო ფსიქოლოგები, ისინი მეტისმეტად გართულნი იყვნენ თავიანთი თავით და თავიანთი ვნებებით, მაშინაც კი, როცა ქეშმარიტებას ეძიებდნენ. იტალიურ იდეალიზმს არ ეხერხება თავდავიწყება; ჩრდილოური უსაზღვრო ოცნებები სულაც არ იზიდავს მას; ყველაფერს თავის თავს უსადაგებს, თავის სურვილებს, თავისი რასის სიამაყეს, სწრაფვას ერის ღირებების აღორძინებისადმი. შეგნებით თუ შეუგნებლად, ნიადაგ *terza Roma*<sup>1</sup>-ს გულისათვის ირჭება. უნდა გამოვტყდეთ, საუკუნეთა მანძილზე თავი დიდად არ შეუწუხებია ამის განსახორციელებლად. ლამაზ იტალიელებს, მოქმედებისათვის გაჩენილთ, მხოლოდ ვნებათაღელვა ამოქმედებთ, დალით კი მალე იღლებიან. მაგრამ როცა ვნებათაღელვა ააბობოქრებთ, სხვა ხალხებზე მეტად აღზევდებიან: ამას ადასტურებს, მაგალითად, მათი *Risorgimento*<sup>2</sup>. ეს იყო ქართველი, იტალიის ყველა პარტიის ახალგაზრდობა რომ აიყოლია: ნაციონალისტები, სოციალისტები, ნეოკათოლიკეები, თავისუფალი იდეალისტები, ყველა მოუდრეკელი იტალიელი, ვინც იმის მოიმედე და მოწადინეა, იყოს მოქალაქე იმპერატორის რომისა, ქვეყნიერების მბრძანებლისა.

თავდაპირველად კრისტოფე ამჩნევდა მხოლოდ მათს კეთილშობილურ მგზნებარებას და იმ საერთო ანტიპათიას, რაც მათთან აერთიანებდა. ერთსულოვანი იყვნენ, როცა საქმე ეხებოდა სიძულვილს მაღალი საზოგადოებისას, რომლის მიმართაც გულში ჭავრი ედო კრისტოფეს, რაკილა გრაცია იმ საზოგადოებას ანიჭებდა უპირატესობას. კრისტოფეზე უფრო მეტად ეჯავრებოდათ იმათ ეს კეთილგონიერება, ეს აპათია, ეს კომპრომისობა და მასხარაობა, ეს

<sup>1</sup> *La terza Roma* (იტალ. — მესამე რომი, ანუ ლათინთა რაისი მესამე დიდი სახელმწიფო, რომელიც თითქოს უნდა წარმოიშვას რომისა და ბიზანტიის სანაცვლოდ.

<sup>2</sup> რისორჯიმენტო (იტალ.) — იტალიის გაერთიანების ხანა XIX საუკუნეში.

ნახევრადქმა, ეს ორპირობა, ეს წაჭექ-უკუჭექობა, რაიმე გადაწყვეტილებისათვის თავის სრულდება. მტკიცე ხასიათისანი, თვითნასწავლნი, ყველაფრისთვის საკუთარი ძალის ამარა რომ მიედწიათ, არც საიმისო საშუალება, არც საიმისოდრო რომ არ გააჩნდათ, თავიანთი თავი საბოლოოდ დაეხვეწათ, ისინი ნებისთვე ვადამეტებით ამქლავნებდნენ გაუთლელი *contadini*-ს<sup>1</sup> ბუნებობის უნეშობასა და, ცოტა არ იყოს, მკვახე ტონს. სურდათ, მათი ხმა გაეგონათ, უნდოდათ მათთან ებრძოლათ, რასაც გინდა აიტანდნენ, მხოლოდ გულგრილობას ვერა. ოღონდ კი გაედვივებინათ თავიანთი რასის ენერგია და, სიხარულით დასთანხმდებოდნენ, უმაღ ზეარაკად მიეტანათ თავიანთი თავი. ჯერჯერობით კი ისინი არ უყვარდათ, და არც რამ გაეკეთებინათ საიმისო, რათა შეეყვარებინათ. კრისტოფი თითქმის ამოდ გაისარჯა, როცა დააპირა გრაციასთვის ეამბნა ამ თავისი ახალ მეგობრების ამბავი. წყნარი, აუმღვრეველი ბუნების ქალს გულზე არ ეხატებოდა ის ხალხი. ძალაუნებურად უნდა დასთანხმებოდა კრისტოფი გრაციას, როცა ამ უკანასკნელმა თავისი აზრი გაუზიარა, იმგვარ ყაიდაზე იციანო ყველაზე უფრო კეთილშობილური იდეების დაცვა, ზოგჯერ მტრულ დამოკიდებულებას იწვევენო. ირონიულნი და აგრესიულნი იყვნენ, მათი მკაცრი კრიტიკა ლამის შეურაცხყოფდა კაცს. იმათაც კი, ვისი წყენინებაც სრულებით არ უნდოდათ. მეტისმეტი თავდაჯერება მოსდგამდათ, მეტად სწრაფად იცოდნენ დასკვნის გამოტანა, ერთბაშად მოჰყვებოდნენ ხოლმე თავგადაკლულ მტკიცებას. საზოგადო საქმიანობას რომ მოჰკიდეს ხელი, ჯერაც დაუღუღებელნი იყვნენ, მიტომაც ხან ერთი რამ გაიტაცებდათ, ხან — მეორე; და მუდამ ერთნაირ მოუთმენლობას ამქლავნებდნენ. ალალი გზნებით, ძალ-ღონის დაუშურველად იხარჯებოდნენ და მომეტებული ინტელექტუალიზმი, ნადრევი და მშფოთვარე სამუშაო ჰფიტავდათ. ჩვილ, ახლადშობილ აზრს ვნებს მცხუნვარე მზე. ის მზე სულსა წვავს. ყოველსავე ჰემმარიტსა და მარგს დრო და სიწყნარე სჭირდება. იმათ კიდევ დროც აკლდათ და სიწყნარეც. ეგ არის კიდევ მრავალი ნიჰმიმადლებული იტალიელის ბედნავსობა. გაფაციცებულ-ბობოქარი საქმიანობა ბანგივითაა. გემოს რა გაუსინჯავს გონება, მერმე ძნელად თუ გადაეჩვევა, ნორმალურ განვითარებასაც სამუდამო გამრულებისა და დამახინჯების ხიფათი ელის.

კრისტოფს მოსწონდა ეს ხალასი გულმართლობა, მეტადრე იმ უხამსობას რომ უდარებდა, რაიც მოსდგამს მალალი წრის ადამიანებს, *vie di mezzo*<sup>2</sup>-ს მიმდევართ, ნადაგ შიმი რომ აქეთ, თავი არ გავიბიბრუოთო და — აქაოდა, არც მწვადი დაწვიათ, არც შამფურიო — ეშმაკურ უნარს ამქლავნებენ, არც ჰო გითხრან, არც არა. ოღონდ მალე დარწმუნდა, იმ მალალი წრის ხალხის წყნარ გონებასა და თავაზიანობას თავისებური სიკეთეც ახლავსო. მუდმივი ბრძოლის ვითარება, რაშიაც მისი მეგობრები ცხოვრობდნენ, ქანცავდა კაცს.

<sup>1</sup> გლეხების (იტალ.).

<sup>2</sup> *Vie di mezzo* — ოქროს შუალედი.

კრისტოფი მოვალეობად მიიჩნევდა, ევლო გრაციასთან, რათა დაეცვა ისინი. ზოგჯერ კი იმიტომ შეუვლიდა, რა არის, დაევიწყებინა ის ხალხი. თქმა არ უნდა, ისინი მოპგავდნენ მას, ის კი არა, ძლიერ მოპგავდნენ. ოცი წლისა რომ იყო თავად კრისტოფი, იმგვარნი იყვნენ ახლა. მაგრამ ცხოვრების მდინარება როდი ბრუნდება. გულის სიღრმეში კრისტოფმა კარგად იცოდა, რომ მისდა-თავად უკვე გამომშვიდობებოდა ამ ჰაბუკუერ დაუდგრომლობას, მიესწრაფოდა სიმშვიდეს, რის საიდუმლოსაც თითქოს გრაციას თვალები ინახავდა. რალას ერჩოდა ამის გამო გრაციას?.. ოჰ! სიყვარულის ეგოიზმით ემართებოდა ასე. სურდა, თავად დამტკბარიყო მხოლოდ. ძალაუვნებურად იტანჯებოდა, რაკი გრაცია გულთბილობას იჩენდა ყოველი მომსვლელის მიმართ, რაკი მომხიბვ-ლელი გულთბილობით ეგებებოდა ყველას.

გრაცია ადვილად გამოიცნობდა ხოლმე კრისტოფის გულისნადებს; ერ-თხელ ჩვეული სათნო გულახდილობით უთხრა კრისტოფს:

— გწყინთ, ასეთი/რომ ვარ? ნუ გამაიდვალურებთ, ჩემო მეგობარო. ქა-ლი ვარ, ისეთივე, როგორც სხვები არიან. საზოგადოებას იქით არ ვეძებ; მაგრამ, გამოგიტყდები, იგი სიამოვნებას მანიჭებს, ისევე, როგორც ზოგჯერ სიამოვნებას მგვრის არცთუ მაინცდამაინც კარგი სპექტაკლის ნახვა, არცთუ მაინცდამაინც საყურადღებო წიგნის წაკითხვა, ყოველივე ის, რასაც თქვენ არად ავდებთ; მე კი ვერთობი ამ დროს და ვისვენებ. ასეთ რამეებზე ვერ ვიტყვი უარს.

— როგორ იტანთ მაგ ჰკუთახელებს?

— ცხოვრებამ მასწავლა, ლმობიერი ვიყო. კაცმა მეტისმეტი მოთხოვნები არ უნდა წაუყენო ცხოვრებას. მერწმუნეთ, ისიც დიდი რამეა, როცა საშუა-ლება გაქვს ხვდებოდე რიგიან ხალხს, სიავეს რომ ვერ შესწამებ, ისეთს, ასე თუ ისე გულკეთილს... (რა თქმა უნდა, იმ შემთხვევაში, თუ მათგან არა-ფერს გამოელი! ვიცი, თუ დამჭირდებოდა და დანხარებისათვის მიემართავდი მათ, ღმერთმა იცის, ვინ შემრჩებოდა გვერდით). და მაინც ისინი შეთვისე-ბულნი არიან ჩემთან; ხოლო როდესაც ვხედავ თუნდაც ცოტაოდენ გული-თალობას, მეტს აღარაფერს დავეძებ. გული მოგდით ჩემზე, არა? მაპატიეთ ეს ჩემი სიმდარე. ოღონდ იმის გარჩევა კი შემიძლია, რა არის ჩემში კარგი, და რა არის მდარე. ის, რაც თქვენთან მკავშირებს, ვიცი, კარგია.

— მე ვისურვებდი ყველაფერს, — განაწყენებული კაცის კილოთი თქვან კრისტოფმა.

თუმცა მშვენივრად ესმოდა, გრაცია სიმატლეს ამბობსო. ისე სჯეროდა ამ ქალის ერთგულებისა, რამდენიმე კვირის ჰოპანის შემდეგ ადგა და ჰკითხა:

— ნუთუ არასდროს ისურვებდით...?

— რას?

— იყოთ ჩემი.



კრისტოფი უმაღლეს გონს მოეგო:

— ... რომ თქვენი ვიყო?

ქალს გაელიმა.

— განა ისედაც ჩემი არა ხართ, ძვირფასო.

— კარგად იცით, რისი თქმაც მინდა.

ქალი, ცოტა არ იყოს შეცბა, მაგრამ ხელზე ხელი მოჰკიდა. კრისტოფს და თვალი თვალში გაუყარა:

— არა, ჩემო კარგო, — უთხრა ალერსიანად.

კრისტოფს ხმა ვერ გაეღო. გრაცია წედავდა, რომ გული ძლიერ დაწყვიტა.

— მაპატიეთ, თუ გული გატკინეთ. ვიცოდი, ამაზე ჩამომიგდებდით სიტყვას. გულახდილად უნდა ველაპარაკოთ ერთმანეთს, ისე როგორც კარგ მეგობრებს შეეფერებათ.

— ისე როგორც კარგ მეგობრებსო, — დაღონებით თქვა კრისტოფმა. — მეტი არაფერი?

— უმაღლრო! რაღა გინდათ მეტი? დავექორწინდეთ?.. ხომ გახსოვთ, ერთ დროს თვალი გრჩებოდათ ჩემს მომხიბლავ ბიძაშვილზე? იმხანად ვღარდობდი, გულისთქმას რად ვერ მიმიხვდებამეთქი. მაშინ ჩვენი ცხოვრება ვინძლო სხვაგვარად წარმართულიყო. ახლა კი მგონია, ასე უკეთესია. სჯობს ჩვენს მეგობრობას ნუ გამოვცდით ერთად ცხოვრებით, იმ ყოველდღიური ყოფით, რაც აუხამსებს ყველაფერს წმინდას...

— ამას იმიტომ მეუბნებით, რომ ახლა ნაკლებად გიყვარვართ.

— არა, კვლავინდებურად მიყვარხართ.

— ოჰ! ეს კი პირველად მესმის თქვენგან.

— რაღა დაგიმალოთ. იცით რა, ბევრი არაფერი მჭერა ქორწინებისა. ესეც კია, ჩემი პირადი გამოცდილება მაგალითად არ გამოდგება. მაგრამ მიმომიხედავს გარშემო და გულში ამიწონ-დამიწონია. იღბლიანი ქორწინება იშვიათი გახლავთ. ეს, ცოტა არ იყოს, არაბუნებრივიც კია. ორი არსების ნებასურვილს ისე ვერ შეახამებ, რომ არ დაამახინჯო ერთ-ერთის ნებასურვილი, ან, შესაძლოა, ორივესიც. თანაც ეს იმგვარი სატანჯველი როდია, სულს რომ აწრთობს.

— ეჰ! — თქვა კრისტოფმა, — მე კი მგონია, პირიქით, მშვენიერია ამისთანა მსხვერპლი, როცა სული სულს ერწყმის!

— მშვენიერია ოცნებაში. სინამდვილეში სხვაზე მეტად ეწამებოდით.

— რაო! თქვენ გგონიათ, არასდროს მეყოლება ცოლ-შვილი, არ შექნება ოჯახი?.. ნუ მეტყვით ამას! მე ისე მეყვარებოდა ოჯახი! თქვენი აზრით, ვერ ველირსები ამ ბედნიერებას?

— აბა, რა ვიცი, რა გითხრათ... შესაძლებელია, ოღონდაც თუ კეთილი ქალი იქნება, არც მაინცდამაინც ჰკვიანი, არც მაინცდამაინც ლამაზი, თავს რომ შემოგწირავთ, იმისთანა, მაგრამ გაგებით რომ ვერ გაგიგებთ.

— რა ცუდი ყოფილხართ!.. ტყუილად კი დამცინით. კარგ ცოლს, გინდაც ძალიან ჭკვიანი არ იყოს, რა სჯობს.

— მაშ! გინდათ მოგიძებნოთ ასეთი ქალი?

— თქვენი ჭირიმე, გაჩუმიდით. გულს ნუ მიკლავთ. ეგ რამ გათქმევინათ?

— რა გითხარით ისეთი?

— რა და, სრულებით არ გყვარებდით, რაკი გუნებაში ის გაგვივლიათ, სხვაზე დამაქორწინოთ.

— პირიქით, მიყვარხართ და ამიტომ მოხარული ვიქნებოდი; გამებედნიერებინეთ.

— მაშ, თუ ეგრეა...

— არა, არა, ნულარ გამიმეორებთ. აკი გითხარით, გაგაუბედურებდით-მეთქი.

— ჩემი ფიქრი ნუ გექნებათ. გეფიცებით, ბედნიერი ვიქნებოდი. ოღონდ ერთი გულანდილად მითხარით: გვინათ, თქვენ თვითონ ჩემთან უბედური იქნებოდით?

— უბედურიო? ოჰ, არა ჩემო კარგო. თქვენით მოხიზლული ვარ და ისეთ პატივსა გცემთ, უბედური რას მიქვია... ესეც არ იყოს, დარწმუნებული ვარ, აწი ველარაფერი გამხლიდა უბედურს. მეტად ბევრი რამ გამოცვალე, ჰოდა, ფილოსოფოსი შევიქენი... ოღონდ გულანდილად რომ ვთქვა (ამას არა მთხრავთ? ხომ არ გამიბრაზდებთ?... ) ვიცი ჩემი სუსტი მხარეები, ჰოდა იქნებ რამდენიმე თვის შემდეგ ისეთი სულელი გამოვმდგარიყავ, მთლად ბედნიერად არ მეგრძნო თავი თქვენს ხელში. ეს კი არა მსურს, სწორედ იმიტომ, რომ თქვენს მიმართ წმინდაზე წმინდა გრძნობა მიდევს გულში და არ მინდა, რამემ შემიბლალოს ეს გრძნობა.

კრისტოფმა დაღვრემით თქვა:

— ასე იმიტომ ლაპარაკობთ, მეტისმეტად არ მატკინოთ გული, განა არა. გეჭაგრებით. ალბათ, არის რაღაც ჩემში გულმიუსავალი.

— ოჰ, არა, მერწმუნეთ! ნუ დაღონდით. კარგი აღამიანი ხართ, ჩემთვის ძვირფასი აღამიანი.

— აბა, ვერაფერი გამიგია. რატომ არა ვართ ერთმანეთის საფერი?

— იმიტომ, რომ მეტად სხვადასხვანაირები ვართ, ხასიათით გამორჩეულები, განსაკუთრებულნი.

— მეც მაგიტომ მიყვარხართ.

— მეც. მაგრამ სწორედ ამის გამო კონფლიქტი არ აგვცდებოდა.

— ოჰ, არა!

— როგორ არა! ხომ ვიცი თქვენი ფასი, ჰოდა, ვაითუ შეგბოქოთ ჩემი სიახლოვით, ჩემი პატარა არსებით; მაშინ კი უნდა ჩავკვდე, ჩუმიად ვიტანჯო.

კრისტოფს ცრემლი ჩამოუგორდა.

— ოჰ! ამას არ ვისურვებდი. არასოდეს! რაგინდარა უბედურებას ვირ-

ჩვედი, ოლონდ თქვენ არ დატანჯულიყავით ჩემი მიზეზით, ჩემი გული-სთვის.

— ნუ დანადვლიანდებით, ჩემო კეთილო მეგობარო... ასე რომ ვლაპარაკობ, იქნებ თავმობთნობით შემართებოდეს, გავყოყოჩდი ალბათ. იქნებ არც ვიყო ისეთი, შემეძლოს თავი შემოგწიროთ.

— მით უკეთესი!

— მაშინ თქვენ შემომეწირვინებით და უნდა გავიტანჯო... აი, ხომ ხედავთ, რამდენიც გინდა ვუტრიალოთ, საშველი არ არის. ვიყოთ ისე, როგორცა ვართ. რა იქნება იმაზე უკეთესი, ვიდრე ჩვენი მეგობრობაა?

კრისტოფმა თავი გაიქნია და სიმწრით გაიღიმა.

— ჰო, ასე იმიტომ მეუბნებით, რომ გულის სიღრმეში არცთუ მაინცღამაინც გიყვარვართ.

გრაციასაც სევდიანად გაეღიმა, ამოიოხრა და დასძინა:

— შესაძლოა. მართალი ხართ. აღარც ისე ახალგაზრდა ვარ, ჩემო მეგობარო, მოვიღალე. ცხოვრება ჭანცს გაცლის, განა ყველა თქვენსავით მაგარია... ოჰ! თქვენ რომ გიცქერით, ზოგჯერ ასე მგონია, თვრამეტი წლის ბიჭი ხართ-მეთქი.

— ოჰო, ამ ჩემი ჰალარა თავით, ამ ჩემი ნაოქებით, მობერებული სახით!

— ვიცი კარგად, ჩემოდენი ტანჯვა გადაგიტანიათ, თუ მეტი არა. განა ვერა ვხედავ. მაგრამ ზოგჯერ ისეთი ჰაბუკური თვალებით შემომხედავთ, ვგრძნობ, რარიგ ჩქეფს თქვენში სიცოცხლე. მე კი, მე ჩამქრალი ვარ. ღმერთო ჩემო, რომ გავიფიქრებ; რა მგზნებარე ვიყავი უწინ! კარგი დრო იყო, სხვების თქმისა არ იყოს, ის დრო, თუმცა ჩემდათავად მეტად უბედური გახლდით იმხანობას! ახლა იმის ძალაც არ შემწევს, უბედურად ვიგრძნო თავი! სიცოცხლე ძლივს ფეთქავს ჩემში. რაღა გამაბედვინებს, ქორწინება გამოვცადო. უწინ კი, უწინ! ერთ ვინმე ნაცნობს ოლონდაც ენიშნებინა.

— ჰო, თქვით, თქვით...

— არა, არა ღირს...

— მაშ, მე რომ იმხანად... ო, ღმერთო ჩემო!

— თქვენ რა? განა რა ვთქვი.

— მესმის. მეტად უღმობელი ყოფილხართ.

— კეთილი, გეტყვით. მაშინ სულელი ვიყავი, ხომ გაიგვთ.

— რა სამძიმოა, ამას რომ ამბობთ.

— საბრალო კრისტოფ! ხმა ვერ ამოიღია, გული არ გატკინოთ-მეთქი. სულ გავჩუმდები.

— არა, არა! თქვით... მითხართ რამე.

— რა?

— რაიმე კარგი.

გრაციას გაეცინა.

— ნუ იცინით.

— თქვენ კი ნუ ხართ ეგრე დაძმარებული.

— დაძმარებული ვიქნები, აბა რა?

— არა გაქვთ საამისო მიზეზი, დამიჯერეთ.

— რატომ?

— იმიტომ, რომ გყავთ მეგობარი ქალი, რომელსაც ძალიან უყვარხართ.

— მართლა?

— რახან გეუბნებით, უნდა დამიჯეროთ.

— აბა, გაიმეორეთ!

— მაშინ განსნით შუბლს? ალარ იქნებით გაუმაძღარი? დასჯერდებით ჩვენს სათუთ მეგობრობას?

— სხვა რა გზა დამრჩენია!

— უმადურო, უმადურო! თანაც მეუბნებით, მიყვარხართო. გულის სიღრმეში მაინც ასე მგონია, მე უფრო მეტად მიყვარხართო.

— ნეტამც ასე იყო!

ეს ისე გზნებით წარმოთქვა, ისეთი ეგოიზმი გამოამჟღავნა სიყვარულის-მიერი, გრაციას გაეცინა. გაეცინა თვითონაც. კვლავ ჩააცივდა ქალს:

— თქვით!...

ერთხანს გრაცია უხმოდ შესტკვროდა კრისტოფს, მერმე უცებ სახე სახესთან მიუახლოვა და აკოცა. ეს ისეთი მოულოდნელი რამ იყო! კრისტოფს სუნთქვა შეეკრა. უნდოდა ხელი მოეხვია. მაგრამ ქალი გაუხსლტა. სასტუმრო ოთახის კარს რომ მიატანა, მოჰხედა, თითი ტუჩებზე მიიღო, „ჩუო!“ — უთხრა და გაუჩინარდა.

ამ დღის შემდეგ კრისტოფს სიტყვა ალარ წამოსცდენია სიყვარულის თაობაზე, მისი ურთიერთობა გრაციასთან უფრო ძალდაუტანებელი შეიქმნა. აღრინდელი დაძაბული დუმილი, როცა შიგადაშიგ ძლივს იოკებდა გაცხარებას, შეცვალა მარტივმა და თავშეკავებულმა მეგობრობამ. ამგვარი კეთილი ნაყოფი გამოაქვს გულახდილობას. ალარც რაიმე გადაკრული სიტყვა, ან რაიმე ილუზია, ალარც რისიმე შიში. ორივემ იცოდა ერთიმეორის იღუმალი ფიქრები. როცა კრისტოფი გრაციასთან ერთად იყო უცხო საზოგადოებაში, რომელიც სძაგდა, და მოთმინება ეკარგებოდა, რაკი ხედავდა, რარივ გართულიყო მისი მეგობარი ქალი სალონური ლაყბობით, გრაცია მაშინვე შენიშნავდა ამ ამბავს; გამოხედავდა ხოლმე და გაუღიებდა. ეს საკმარისი იყო — კრისტოფმა იცოდა, გრაცია ჩემთან ერთად არისო, და სიმშვიდე ისადგურებდა მის გულში.

როცა საყვარელ ქალს გვერდით იგულებ, წარმოდგენიდან ამოგეცლება უხამიანი ნესტარი; ვნებათაღელვის ციებ-ცხელება დავიცხრება; სული ნებდება იმ სათაყვანო არსების უმანკო ფლობას. თანაც გრაცია თავისი ჰარმონიული ბუნების მშვიდ მიმზიდველობას აგრძნობინებდა იმათ, ვინც გარს ეხვია. ყო-

ველგვარი, თუნდაც უნებური გადაპარბება, გამოხატული ყესტითა თუ კი-ლოთი, გულს უკოდავდა მას, როგორც ნაწვალები და ულაზათო რამ. ასე, თან-დათან, ზეგავლენას ახდენდა კრისტოფზე. ჯერ ცეცხლი ეკიდებოდა კრისტოფს და გაფიცებისაგან თავს ძლივს იკაეებდა, მერმე ნელ-ნელა შეიძლო თავს მო-რეოდა, იმდენად შეიძლო, ძალის დახარჯვა აღარ უხდებოდა ამო სიფიცხის გამო.

მათი სულები ერთმანეთს შეერწყა. ნახევრად თვლემას მიცემული გრა-ცია, მღიმაარი რომ იგემებდა წუთისოფლის სიტკბობას, იღვიძებდა კრისტო-ფის ზნეობრივ ენერგიასთან ზიარების წყალობით. იგი სულ უფრო ცხოველ-სა და ხალას ინტერესს იჩენდა სულიერ ფასეულობათა მიმართ. აქამდე თით-ქმის მინებებული ჰქონდა თავი კითხვისათვის, მხოლოდ ეგ იყო, კვლავ და კვლავ დუნე სიყვარულით თუ მიუბრუნდებოდა ერთსა და იმავე ძველ წიგ-ნებს, ახლა კი ცნობისწადილი აღუძრა, მალე მიიზიდა კიდევ ახალ-ახალმა აზ-რებმა. ახალი იდეებით მდიდარი სამყარო, რომლის არსებობა იცოდა, ხოლო მისი გემოსილვა მარტოს არც ეხალისებოდა და ვერც გაებედა, აღარ აფრ-თხობდა, რაკილა მეგზურად მეგობარი დაეგულებინა. თავისდა შეუქმნველად უგებდა ახალგაზრდა იტალიას, რომლის ფიცხი ხატთმებრძოლები აღრე დიდ-ხანს ეჯავრებოდა.

სულთა ეს თანაზიარობა მეტადრე კრისტოფისათვის გამოდგა სასიკეთო. ხშირად მოხდებდა, რომ სიყვარულში ის უფრო სუსტი აღმოჩნდებდა ორთა შო-რის, ვინც მეტს გაიღებს, განა იმის გამო, იმ მეორეს ნაკლებად ჰყვარებოდეს, უფრო ძლიერს უბრალოდ მეტი მოთხოვნილებანი აქვს და იმითმ. ასე უკვე გამდიდრდა კრისტოფი ოლივიეს გონებით. ოლონდ, ეს ახალი მისი მისტი-კური ქორწინება კიდევ უფრო ნაყოფიერი გახლდათ, რადგან გრაციამ უმზით-ვა იშვიათზე იშვიათი განძი, რასაც არასოდეს ფლობდა ოლივიე — სიხარული. სიხარული სულსა და თვალებში. მზის ნათელი. ეს ღიმილი ლათინური ზეცისა, ყველაზე უგვანი საგნების სიმახინჯეს რომ წაშლის, ძველი კედლების ქვებს აყვავებს და თვით ნაღველსაც გააცისკროვნებს.

ახლამოწვენილი გაზაფხული გრაციას მოსაგრე იყო. ახალი ცხოვრების ნატვრა ღვივდებოდა უძრავ, მომთენთავ ჰაერში. ხასხასა სიმწვანე ერწყმოდა ვერცხლისფერ-ნაცარა ზეთისხილის ხეებს. ჩამოქცეულ აკვედუკთა მუქქითელ თალებქვეშ ყვარდა თეთრად გადაპენტილი ნუში. გამოღვიძებულ კამპანიში ნანაობდა ბალახი და მოზეიმე ყაყაჩოების ალი. ვილების წინ გაშლილ მდგლო-ებზე მიედინებოდა ქარისების ნაკადულები და ეფინა იების ხალიჩა. გლიცი-ნიები შესცოცებოდნენ ზღვისპირეთის ფიჭვების ტანს; და ნიაექარი, ქალაქს რომ გადაუქროლებდა, მიმოაკმევედა პალატინის ვარდების სურნელგას.

ერთად დასეირნობდნენ. როცა გრაცია გამოერკვეოდა ჩვეული აღმოსავ-ლური გაშეშებისაგან, რასაც საათობით მინებებოდა, სულ სხვაგვარი შეიქმნე-ბოდა ხოლმე; უყვარდა სიარული; ტანადი, წვივმაღალი, მკვრივი და მოქნი-

ლი, იგი დიანას ჰგავდა პრიმატიჩეს<sup>1</sup> ნაქანდაკევს. ხშირად მიემართებოდნენ რომელიმე ვილასაკენ, რომელიც მოგაგონებდათ დაღუპული ხომალდის ნამუსრევს — ნაშის ბრწყინვალე settecento-ს<sup>2</sup> ეამინდელი რომისას, პიემონტური ბარბაროსობის ტალღებში რომ დანთქმულიყო. ნამეტნავად მატეის<sup>3</sup> ვილას გამოარჩევდნენ, რომლის ძირში ტალღების დარად მთავრდებოდა უკაცრიელი კამპანის ბორცვები. მიუყვებოდნენ მუხების ხეივანს. ხეივნის მაღალი თალი გარს ევლებოდა საამოდ სახილველ, მფეთქავი გულის დარად ოდნავ აბურცულ, ლურჯად დაბინდულ ალბანეთის<sup>4</sup> მთებს. ფოთლოვანში გამოკრთოდა გზისპირ ჩარიგებული ლუსკუმები რომელ ცოლ-ქმართა, იმათი ნაღვლიანი სახეები და ერთურთს ერთგულად ჩაქდობილი ხელები. კრისტოფი და გრაცია ხეივნის ბოლოში ჩამოსხდებოდნენ, 'ხვიარა ვარდების ფანჩატურში, ზურგით თეთრ სარკოფაგს მიეყრდნობოდნენ. ირგვლივ ძეხორციელი არ ჩანდა. სუფევა და სრული სიმყუდროვე. მხოლოდ შადრევანი ჟღერტულვებდა, ისე ზანტად ისროდა ჰავლს, გეგონებოდა, განცხრომით მილუშვილაო. ხმადაბლა საუბრობდნენ. გრაცია ნღობის გამომხატველ მზერას აგებებდა მეგობრის გამოხედვას. კრისტოფი ყვებოდა თავისი ცხოვრების, ბრძოლის, გადატანილ ტანჯვა-წვლებების ამბებს; თხრობას აღარ ახლდა სევდა. გრაციას გვერდით, მისი მზერის წყალობით ყოველივე მარტივი ჩანდა, ყველაფერი ისეთი იყო, როგორიც ჯერ არს... ქალიც უთხრობდა თავის ამბავს. კრისტოფი ძლივს უგდებდა ყურს, ოღონდ ყოველი მისი აზრი ხსოვნაში ებეჭდებოდა. სულს დაეწინა მისას. მისი თვალით უცქეროდა ყველაფერს. ყველგან გრაციას თვალებს მზერდა — მშვიდ თვალებს, ღრმა ცეცხლით მოკიაფეს; მზერდა ნახევრად შემუსკრილ ანტიკურ ქანდაკთა მშვენიერ ნაკეთებში, მათს უტყვ, იღუმალ გამოხედვაში; მზერდა რომის ცა-მყარში, ჭიყვარულით რომ უღიმოდა ფაფუკ კვიპაროსებს, lecci-ს<sup>5</sup> ფოთოლთა შორისაც, სიშავეს რომ დაიკრავდნენ და ბრწყინავდნენ, თითქოს შვის ისრებს განუშვავალავთო.

გრაციას თვალთ აღიქვა კრისტოფმა ლათინური ხელოვნება, აღიქვა და გული მიუვიდა. აქამდე მის გულს არ ეკარებოდა იტალიელთა შემოქმედება. ამ ბარბაროს-იდეალისტს, დიდ დათვს, გერმანიის ტყეებიდან შემოხეტებულს, ჯერაც ვერ გაეისინჯა გემო ფიქსიებერ ოქროსფრად დაფერილ მარმარილოს ქან-

<sup>1</sup> პრიმატიჩე, ფრანჩესკო (1504—1570) — იტალიელი მოქანდაკე, ხუროთმოძღვარი, ფერმწერი, გამშვენა ფრანგ მეფეთა სასახლე ფონტენბლოში.

<sup>2</sup> Settecento (იტალ.) — მეოთხრამეტე საუკუნე. რომენ როლანი აქ გადაკვრით ლაპარაკობს იმ ფაქტზე, რომ პაპის რომი მე-19 საუკუნის ბოლოს გადაიქცა გაერთიანებული იტალიის დედაქალაქად, რაც განხორციელდა სავოიის (პიემონტის) დინასტიიდან წარმომდგარი მეფეების — ვიქტორ-ემანუელ მეორის და ჰუმბერტო პირველის დროს და რასაც თან ახლდა ქალაქის გაშენება ბურჟუაზიული ხუროთმოძღვრების ყიდის შენობებით.

<sup>3</sup> მატეის ვილა — ვილა და პარკი რომის სამხრეთ მხარეს.

<sup>4</sup> ალბანეთის მთები — დაბალი მთის ქედი რომის სამხრეთ-აღმოსავლეთით.

<sup>5</sup> ქეის მუხები (იტალ.).

დაკთა მშვეენებისათვის. ვატიკანის სიძველენი აშკარად ათვალწუნებული ჰქონდა. ზიზლსა ჰვერიდა ეს სულელური სახეები, დიაცურ-განაზებული ანდა ძორძობა ფიგურები, ერთფეროვანი, მომრგვალებული ფორმები, ეს გიტონები<sup>1</sup> და გლადიატორები. ძლივს რამდენიმე პორტრეტული ქანდაკება მოუვიდა თვალში, მაგრამ ეს უნარი არ აინტერესებდა. ასევე მაინცდამაინც ვერ მიიზიდეს მკვდრისებრ ფერმკრთალმა, სახემანჭია ფლორენციელებმა, ტანჯულმა, სუსტმა მადონებმა, პრერაფაელიტთა<sup>2</sup> სისხლნაკულმა, კლექიანმა, დამკლევებულმა და სისადავეს მოკლებულმა ვენერებმა. ხოლო პირუტყველ-უაზრო იერის მქონე მეომრებისა და აწითლებულ, ოფლგადამდინარ ათლეტთა ქანდაკებანი, მთელ მსოფლიოში რომ მოეფინნენ სიქსტეს კაპელის ფრესკებიდან, საზარბაზნე ხორცად ეჩვენებოდა. მხოლოდ მიქელანჯელოს ეთაყვანებოდა იღუმალ, მისთა ტრაგიკულ საღმობათათვის, მისი ლეთაებრივი ზიზლისა და ვნებათა მკაცრი უმანკოების გამო. თავადაც, ამ დიდოსტატის დარადვე, წმინდა და ბარბაროსული სიყვარულით უყვარდა უბიწო სიშიშველე მისეული ჰაბუკებისა, ველური და მფრთხალი ქალწულებისა, დევნილ ნადირს რომ გავონებდნენ, უყვარდა მკუმუნვარე ავრორა, შმაგად მომზირალი მადონა ძუძუს ჩაფრენილ ყრმითურთ და პირამშვენიერი ლია, ვისაც დიახაც ისურვებდა ცოლად. მაგრამ წამებული გმირის სულში მხოლოდ თავისივე სულის ანარეკლს ხედავდა.

გრაციამ ახალი ხელოვნების სამყაროს კარი გაუხსნა. რაფაელისა და ტიციანის დიადი სიმშვიდე შეიცნო კრისტოფმა. იხილა მეფური ბრწყინვალემა კლასიკური გენიისა, ლომის მსგავსად რომ მბრძანებლობს დაძლეულ-დამორჩილებულ ფორმათა საუფლოზე. საოცარი ხატება დიდი ვენეციისა, გულისგულს რომ სწვდება და თავისი ბრწყინვით ფანტავს წუთისოფლის მღვრიე ჯანლს, ყოვლისმძლე ძალა ლათინური გონებისა, რომელს სჩვევია, კი არ გაიმარჯვოს მხოლოდ, დაიოკოს კიდევ თავისივე თავი, გამარჯვების შემდეგ მკაცრ დისციპლინას დაემორჩილოს, გამოარჩიოს და ხელთ იგდოს ბრძოლის ველზე ყველაზე უფრო ფასეული იმ ნადავლს შორის, ძლეულ მტერს რომ მიუტოვებია. ოლიმპიელთა ქანდაკებებმა და რაფაელის stanze-ბმა<sup>3</sup> ვაგნერის ქმნილებებზე უმშვენიერესი მუსიკით აღაღეს კრისტოფის გული. აღაღეს მშვიდი ხაზების, კეთილმობილური არქიტექტურის, ჰარმონიული ჯგუფების მუსიკით. მუსიკით, რასაც გამოსცემდა სილამაზე სახისა თუ ხელის, კობტა ფეხების, სამოსისა თუ უცხტის. ჰკუა-გონება, სიყვარული. სიყვარულის ჩქერები მოჩქევს ამ ახალ-გაზრდა სულისა და სხეულისაგან. გონისა და ტკბობის ძლევა მოსილება. ნაზი აღერსიანობა, ირონიული ჰკუა, მოუშორებელი ცხარე სურნელი შეყვარებულის სხეულისა, ნათელი ღიმილი, ბნელს რომ ფანტავს და ვნებათაღელვას

<sup>1</sup> Gitons — აქ: ვარყენილი ბიჭები.

<sup>2</sup> პრერაფაელიტები — აქ: რაფაელის წინამორბედი იტალიელი მხატვრები.

<sup>3</sup> აქ: ვატიკანის დარბაზები, მოხატული რაფაელის მიერ.

აოკებს. ყალუზე შემართული სიცოცხლის მთრთოლარე ძალები, და მათ, როგორც მზის ეტლში შებმულ რაშებს, იფრვებს პატრონის მტკიცე ხელი...

თავის თავს ეკითხებოდა კრისტოფი:

„ნუთუ ვერ შეაერთებ, როგორც იმათ ქნეს, რომაელთა ძალასა და სიმშვიდეს? ყველაზე უფრო ნიჭიერნიც კი ამჟამად ქსწრაფვიან ერთ რასამე, საზარალოდ მეორე რამისა. ვგონებ, იტალიელებმა სხვებზე მეტად დაკარგეს იმ პარმონის გრძნობა, რასაც პუსენი, ლორენი და გოეთე იცნობდნენ. ნუთუ უცხოელთ მოუხდებათ ხელახლა ასწავლონ რომაელებს მისი ფასი?.. ჩვენს მუსიკოსებს ვინაა ასწავლის ამას? მუსიკას ჯერ არ ჰყოლია თავისი რაფაელი. მოცარტი ბაღლია მხოლოდ, პატარა გერმანელი ბურჟუა, მთრთოლარე ხელები და სანტიმენტალური გული რომ აქვს; ყბედია იგი, გაცხარებით იქნევს ხელებს და ლაპარაკობს, ტირის, იცინის უმნიშვნელო რამეების გამო. არც გოთურ ბახს, არც არწივთან მორკინალ ბონელ პრომეთეს<sup>1</sup>; არც მის შთამომავალ ტიტანთ, პელიონი რომ ოსაზე შეადგეს<sup>2</sup> და ზეცას გაუკადნიერდნენ, თვალი აროდეს მოუკრავთ ღვთაების ღმირისათვის...

მას შემდეგ; რაც ეს ღმილი იხილა, კრისტოფს სიწითლეს ჰვერიდა თავისივე მუსიკა: ამაო ღელვა, გაბერილი ვნება, თამამი ჩივილი, საკუთარი თავის წინ წამოწევა, თავშეკავებულობის ნაკლებობა — ეს ყოველივე უბადრუკობად, სამარცხვინო რამედ ეჩვენებოდა. ფარა უმწყემსოდ, სამეფო უმეფოდ. ძალა უნდა შეგწევდეს, იყო ბობოქარი სტლის მეუფე...

ამ თვეების განმავლობაში კრისტოფს თითქოს დაავიწყდა კიდევ მუსიკა. თითქმის არ წერდა, არ გრძნობდა საამისო მოთხოვნილებას. რომისაგან განაყოფიერებულ მის გონებას ჩასახვის ყამი უდგა. დღეებს ატარებდა ნახევრად მთვლემარე, ნახევრად თრობამორეული. გაზაფხულის პირი იყო და ბუნებაშიც იგივე ხდებოდა, რაც მის არსებაში: გამოღვიძების ხანის მოთენთილობას გარეოდა ბრუდამხვევი ავზორცობის გრძნობა. იგი და ბუნება ერთურთს შერწყმოდნენ და ზმანებას მისცემოდნენ ძილში ჩახუტებულ მიჯნურთა დარად. კამპანის ამაღლეებელი იღუმალება აღარც მტრულ გრძნობას აღუძრავდა, აღარც შეშფოთებისას: კრისტოფი დაუფლებოდა მის ტრაგიკულ სილამაზეს; მკლავებში მოემწყვდია მძინარე დემეტრე<sup>3</sup>. ◀

აპრილში კრისტოფმა მიწვევა მიიღო პარიზიდან, სთავაზობდნენ, კონცერტთა ციკლისათვის ედირიჟორა. არც დაფიქრებულა, ისე უარყო ეს წინადადება; ოღონდ თავი ვალდებულად მიიჩნია, გრაციასათვის ეამზნა ეს ამბავი. ეამებოდა მისი რჩევის მოსმენა. ასე ეგონა, ჩემი ცხოვრების თანაზიარს ვხდიო:

<sup>1</sup> ბონელი პრომეთე — იგულისხმება ზეთოენი, რომელიც დაბადებულია ბონში.

<sup>2</sup> ბერძნული თქმულების თანახმად, ღმერთის წინააღმდეგ ამხედრებულმა ტიტანებმა დააპირეს ზევალ ასუიუყენ და ამ მიზნით პელიონის შთა მთას შეადგეს.

<sup>3</sup> დემეტრე — ბერძნთა ღმერთქალი ნყოფიერების და მიწათმოქმედებისა.



ამჯერად გული გაუტეხა გრაცია. დაწვრილებით აამბობინა პირობები, მერმე კი ურჩია, დათანხმებულიყო. კრისტოფი დალონდა: გულგრილობის დასტურად ენიშნა ქალის ამგვარი რჩევა.

შესაძლოა, გრაციას სინანულიც ეგრძნოს, ასე რომ ურჩია. მაგრამ რისთვის შეეკითხა კრისტოფი? რაც უფრო მეტად ენდობოდა კრისტოფი და თავის მაგივრად აღებინებდა ხოლმე გადაწყვეტილებას, მით უფრო მეტ პასუხისმგებლობას გრძნობდა გრაცია მეგობრის საქციელის გამო. აზრთა ურთიერთგაზიარების შედეგად მეგობრის ნებისყოფასაც ეზიარა ნაწილობრივ; კრისტოფის წყალობით შეიცნო, რომ აღამიანის მოვალეობა ქმედებია; გაიგო კიდევ სილამაზე ამ მოვალეობისა. ყოველ შემთხვევაში, აუცილებლად მიაჩნდა, მეგობარს შეესრულებინა თავისი მოვალეობა, თავი არ აერიდებინა. კრისტოფზე უკეთესად იცოდა, რა მომთენთავ ზეგავლენას ფარავდა იტალიური მიწის სუნთქვა, სისხლში რომ აღწევს თბილი სიროკოს მზაკერული შხამის მსგავსად და ნებისყოფას გიდუნებს. რამდენჯერ თავად განუცდია მისი დამლუპველი ხიბლი, ძალა არ ჰყოფნიდა წინააღმდეგობის გასაწევად! ყველა მისი გარშემომყოფი მეტნაკლებად დაავადებულიყო სულის ამ მალარიით. ერთ დროს მასზე და კრისტოფზედაც უფრო ძლიერი იყო ეს ხალხი, მაგრამ ამ სენის მსხვერპლი შექმნილიყო. მანვე გამოდრღნა რომაული ძუ მგელის ბრინჯაო<sup>1</sup>. რომი სიკვდილით სუნთქავს; აქ უამრავი აკლდამაა. ჯანმრთელობისათვის უმჯობესია მცირეხანს დაჰყოს აქ, მუდმივად არ იცხოვრო. აქ ერთობ მალე ჩამორჩებიან ხოლმე საუკუნეს; აქაური ჰაერი სასიფათოა, ახალგაზრდულ ძალთათვის, ცხოვრების გრძელი გზა რომ აქვთ გასაველი. გრაციას მშვენივრად ესმოდა, რომ ის საზოგადოება, რომელიც თავად ეხვია გარს, მაცოცხლებელი გარემო ვერ იქნებოდა ხელოვანისათვის. და თუმცა კრისტოფს უფრო მეგობრულად ეპყრობოდა, ვიდრე სხვა ვინმეს... (გაბედავდა კი, თავის თავს გამოსტყდომოდა ამაში?), გულის სიღრმეში არ სწყინდა, განშორდებოდა. ვაი რომ ყველაფერი, რაც კრისტოფს უყვარდა, ღლიდა გრაციას — ღლიდა მისი გონებრივი სიმდიდრე, სიცოცხლის ძალთა სიჭარბე, წლების მანძილზე რომ დაჰკროვებოდა და ნაპირს გადმოდიოდა; ეს ყოველივე სიმშვიდეს ურღვევდა. ღლიდა, ალბათ, ისიც, რომ მუდამქამს გრძნობდა ამ მშვენიერი, გულის ამაჩუყებელი, მაგრამ შეუპოვარი სიყვარულის საფრთხეს; ამიტომ სულ მუდამ ფხიზლად უნდა ყოფილიყო. წინდანედულება უქარანახებდა, მოშორებით ჰგულებოდა იგი. მაგრამ ამის გამხელას თავის თავსაც ვერ უზბედავდა. აგრე ეგონა, მხოლოდ კრისტოფის ინტერესებს ვიცავო.

საამისო საბუთი აკლდაო, ვერ იტყოდით. მუსიკოსებს ამქამად იტალიაში ძლივს თუ გაეძლებოდათ, გასაქანი არ ჰქონდათ. მუსიკალური ცხოვრება

<sup>1</sup> ი. ე. ჰაისის მოთენთიანება გავლენამ გააქარწყლა რომის ენერჯია. რომის სიმბოლოდ კი მიჩნეული იყო ბრინჯაოს ქანდაკება ძუ მგელისა; რომელიც კაპიტოლიუმზე იდგა.

ჩაკლული იყო. თეატრის ფაბრიკა მსხვილი ჰეარტლითა და სულისშემხუთველი კვამლით ბურავდა ამ მიწას, სადაც ერთ დროს ყვაოდა მუსიკალური ყვავილები, სურნელებას მთელ ევროპაში რომ აფრქვევდა. ვინც უარს იტყოდა, მიმხრობოდა მყვირალათა ხროს, ვისაც არ შეეძლო, არც სურდა ფაბრიკაში ემუშავა, წილად ხედებოდა განდევნა ანდა ხელ-ფეხის შეკვრა. შემოქმედებით გენიას ვერ დაშრეტ, მაგრამ უმოქმედობით დალუპავ. კრისტოფი შეხვედროდა მრავალ ახალგაზრდა მუსიკოსს, რომელთა შორის აღორძინებულ იყო მათივე რასის ოსტატთა მელოდიური სული და მშვენიერების გრძნობა, რითაც წარსულის სადა და ბრძნული ხელოვნება იყო გამსჭვალული. მაგრამ ვის აწუხებდა მათი დარდი? ვერც შეესრულებინათ თავიანთი ქმნილებები, ვერც გამოეცათ. წმინდა სიმფონია არავის აინტერესებდა. კაცს არ სურდა მოესმინა ისეთი მუსიკა, სახეშეთხიზნილი რომ არ იყო! მაშინ ისინი თავიანთთვისვე წამოიწყებდნენ სიმღერას ნალვლიანი, უსასოო ხმით, ბოლოს ის ხმაც მიჩუმდებოდა. რას აქნევდნენ სიმღერას? ძილი სჯობდა! კრისტოფს სულითა და გულით უნდოდა, დახმარებოდა მათ. მაგრამ ისეთი უნდონი და თავმოყვარენი იყვნენ, თუნდაც შესძლებოდა დახმარება, აშკარად იუცხოვდნენ. რაგინდ ღირსსაცნობი ვინმე უნდა ყოფილიყო კრისტოფი, მაინც გადამთიელად გამოიყურებოდა იმათ თვალში; ხოლო იტალიელებს, ძველი ამაყი რასის ჩამომავალთ, ყოველი უცხოელი, კაცმა რომ თქვას, ბარბაროსად მიაჩნიათ, თუმცა გულითადი მიღება იციან. ავრე თვლიდნენ. ჩვენი ხელოვნების უმწეობა ჩვენივე მოსავგარებელი ოჯახური საქმეაო. კრისტოფი მეგობრული ყურადღებით ჰყავდათ გარემოსილი, ოღონდ ოჯახში არ იღებდნენ. რა უნდა ექნა? მეტოქეობას ხომ არ გაუწევდა და შეეცილებოდა საცოდავ ადგილს მზის ქვეშ!.. ესეც არ იყოს, გენიოსიც ვერ გაძლებს უსაზრდოდ. მუსიკოსს სჭირდება მუსიკა. უნდა ისმენდეს მას, უნდა ასრულებდეს. დროებით განმარტოება რგებს გონებას, გაიძულეებს ფიქრს ჩაულრმავდე. ოღონდ დიდხანს არ უნდა გაგრძელდეს ასე. სიმარტოვე კეთილშობილური რამაა, მაგრამ შესაძლოა მომაკვდინებელი შეიქმნეს ხელოვანისათვის, თუ ძალა არ ეყოფა, თავი დააღწიოს მას. უნდა იცხოვრო შენი დროების ცხოვრებით, თუნდაც აურზაურიანი და ბინძური იყოს იგი; უნდა მოწყვი გასცემდე და იღებდე, გასცემდე მოუწყინებლივ და კვლავ მიიღებდე. იტალია კრისტოფისსობას აღარ იყო ხელოვნების დიდი ბაზარი, როგორიც ვახლდათ ოდესღაც და როგორიც შესაძლოა ისევე გახდეს. აზრის ადებ-მიცემობას, იმ ადგილს, სადაც სულიერ ფასეულობათა გაცვლა-გამოცვლა ხდება ხალხებს შორის, ჩრდილოეთით გადაენაცვლებინა. ვისაც ცხოვრება ეწადა, იქ უნდა მიემართა.

კრისტოფი თავისი ნებით არამც და არამც არ დაუბრუნდებოდა ამ რიარიას. მაგრამ გრაციას უფრო ნათლად ესმოდა კრისტოფის მოვალეობა, ვიდრე თავად კრისტოფს. და უფრო დიდ მოთხოვნებსაც უყენებდა მეგობარს, ვიდრე თავისსავე თავს. რალა თქმა უნდა, თავის თავზე მალლა აყენებდა და

იმიტომ. მაგრამ იმის გამოც, რომ ეს ხელს აძლევდა. თავის ენერჯიას გადას-  
ცემდა მეგობარს, თვით კი სიმშვიდეს ინარჩუნებდა. კრისტოფი ვერ უბედავდა,  
გაბრაზებოდა ამის გამო. მარიამს მიემსგავსებოდა გრაცია — უფრო იოლი მო-  
ვალეობა რგებოდა<sup>1</sup>. ყოველ ადამიანს თავისი როლი აქვს განკუთვნილი წუთი-  
სოფელში. კრისტოფისათვის დაწესებული იყო, ემოქმედა. გრაციას წილად  
ისიც კმაროდა, ეცოცხლა ამქვეყნად. მეტს არც რას მოითხოვდა მისგან კრის-  
ტოფი, ოღონდ ვუყვარდეთ, თანაც, უფრორე თავისთვისვე, განა მხოლოდ ჩემ-  
თვისო. იმიტომ რომ, არცთუ მაინცდამაინც ემადლიერებოდა გრაციას ამგვა-  
რი მეგობრობის გამო; აკი ეს მეგობრობა იმდენად მოკლებული იყო ეგოიზმს,  
ქალი მხოლოდ მეგობრის ინტერესებზე ფიქრობდა; კრისტოფს კი ის უნდოდა,  
ქალს ამაზე ნაკლებად ეფიქრა.

კრისტოფი გაემგზავრა. დაშორდა გრაციას. მაგრამ როდი მიატოვა. ერთი  
ძველი ტრუვერის თქმისა არ იყოს, „ნანდაურს მხოლოდ მაშინ შორდები, ოდეს  
მიიღებ დასტურს სულისას“.

---

<sup>1</sup> სახარების იგავის თანახმად, ქრისტე ერთხელ შინ ეწევეა ორ დას — მართასა და მარიამს. მართა გამსაპინძლების სამზადისს შეუდგება, მარიამი კი ფეხთით დაუჯდება ქრისტეს და ის-  
მენს მის მოძღვრებას.

პარიზს მიახლოებულ კრისტოფს გულს სევდა შემოაწვა. ოლივიეს სიკვდილის შემდეგ პირველად ბრუნდებოდა აქ. აღარ უნდოდა, ისევ ეხილა ეს ქალაქი. ძლივს ბედავდა, ეცქირა ფიაკრის ფარდიდან, როცა საღვთრიდან სასტუმროსაკენ მიეშურებოდა. პირველი დღეები თავის ნომერში გაატარა, ვერ გადაეწყვიტა გარეთ გამოსულიყო. იმ მოგონებებისა ეშინოდა, კარებთან რომ დასდარაჯებოდა. მაინც რა ჰგვრიდა შეშფოთებას? აძლევდა კი. თავის თავს ამის ანგარიშს? ეგების ის მაშინებსო, ასე ირწმუნებდა თავს კრისტოფი, წარსულის აჩრდილნი ცოცხალივით კვლავაც თვალწინ რომ დამიდგნენო? ან იქნებ იმის ფიქრი ზარავდა — ეს ხომ კიდევ უფრო გულის მომწყვლელი იყო — ვაითუ წარსულს უკვე მკვდრის სუდარა გადაჰფარებოდესო? ხელახლა რომ არ მოსწყვლოდა გული, მისი ინსტინქტი ათასგვარ ეშმაკობას მიმართავდა ქვეშეცნეულად. ამიტომ იყო, იმ უბნიდან დაშორებული სასტუმრო რომ ირჩია, სადაც უწინ თავად ცხოვრობდა (თუმცა თვითონ ეჭვადაც არ უაზრია, ალბათ, ეს ამბავი). და როცა პირველად გაიარა ქუჩაში საკონცერტო დარბაზისაკენ მიმავალმა, სადაც რეპეტიციას უტარებდა ორკესტრს, როცა კვლავ შეეხო პარიზულ ცხოვრებას, კიდევ კარგა ხანს ხეჭავდა თვალს, რა არის არ დაენახა ის, რასაც ხედავდა. ამვე დროს ჭიუტად ლამობდა იმისავე დანახვას, რაც ოდესღაც ეხილა. წინასწარ იმეორებდა გუნებაში:

— „ჩემთვის ნაცნობია ყოველივე ეს, ჩემთვის ნაცნობია...“

ხელოვნებაში, ისევე როგორც პოლიტიკაში, შეუწყნარებლობა და ანარქია მეფობდა კვლავინდებურად. მოედანზე ისევ ის ბაზრობა იყო გამართული. ოღონდ მსახიობებს გაეცვალათ როლები. ის, ვინც რევოლუციონერი იყო მისობას, ბურჟუა შექმნილიყო; ზეკაცნი სახელგანთქმული პირები გამხდარიყვნენ. წინანდელნი დამოუკიდებელნი ამჟამინდელ — დამოუკიდებელთა მოსპობას ცდილობდნენ. ვინც ამ ოციოდე წლის წინათ ახალგაზრდობის წარმომადგენელი გახლდათ, ახლა უფრო დიდი კონსერვატორი შექმნილიყო, ვიდრე ის ბერიკაცები. იყვნენ, ვისაც ცოტა ხნის წინათ თავადვე ებრძოდნენ. თავს ესხმოდნენ ახალგაზრდობას და სიცოცხლის უფლებას ართმევდნენ. გარეგნულად ყველაფერი ძველებურად გამოიყურებოდა.

ყველაფერი კი შეცვლილიყო...

„ჩემო მეგობარო, მპატიეთ! რარიგ კეთილი ხართ, რომ არ მიწყრებით ჩემი ღუმილის გამო. თქვენმა წერილმა გულს მომიფონა. რანდენიმე კვირას ერთიანად თავგზააბნეული ვიყავ. ყველაფერი მაკლდა. დაგკარგეთ აქი. აქ საშინელი სიცარიელეა იმ დანაკლისის შემდგომ, მე რომ განვიცადე. აღარავინ

დარჩენილა ძველ მეგობართაგან, ვის შესახებაც თქვენ ვიამბობდით. ფილომელმა (გახსოვთ ქალის ხმა, იმ ნაღვლიანსა და იმავე დროს საუცხოო საღამოს რომ მღეროდა, როცა მოზღიმიე ხალხში მოყალიბმ სარკეში დავინახე ჩემკენ მოპყრობილი თქვენი თვალები), — ფილომელმა აღისრულა დიდი ხნის კეთილგონიერული ოცნება; პატარა მემკვიდრეობა მიუღია, ნორმანდიაში დასახლებულა; ფერმა შეუძენია და მეურნეობას განაგებს. მ. არნო სამსახურიდან გადამდგარა, მშობლიურ კუთხეს დაბრუნებია, პატარა ქალაქ ანჟეს<sup>1</sup> მახლობლად.

ჩემი დროის ბევრი სახელგანთქმული ხალხი გარდაცვლილა, ან დაკნინებულია და დაცემულა. რამდენიმე ბებერი მანეკენილა შემორჩენილა, ჯერ კიდევ ოცი წლის წინათ რომ ასრულებდნენ მთავარი გმირის როლს ხელოვნებასა და პოლიტიკაში და აქამომდე თამაშობენ ამ როლს ისევ ისე ყალბად. ამ ნიღბების გარდა ვერავინ ვიცანი. აგრე მეჩვენებოდა, საფლავზე მდგარნი მემანჭებიან-მეთქი. ამაზრზენი გრძნობა იყო. უფრო მეტიც, პირველხანად ფიზიკურად ვიტანჯებოდი გარემოს სიმახინჯით, ჩრდილოური გვიმის სინათლისაგან თქვენებური ოქროვანი მზისა წილ, უღიმღამო სახლების ხორასაგან, ზოგიერთი ტაძრის, ზოგი ძველის ტლანქი ხაზისაგან, — აქამდე ვერც ვამჩნევდი მათ, ახლა კი თვალში მესობოდა. მორალური ატმოსფეროც არაფრად მეჭაშნიკებოდა.

და მაინც პარიზელთა სამღურავს ვერ ვიტყვი. სულ სხვაგვარად მიმიღეს, ვიდრე ოდესღაც შემხვდნენ. ეტყობა, ჩემს აქ არყოფნაში ცნობილი პიროვნების მავგარი ვინმე გავხდი. არა ღირს სიტყვა გაგიგოძელოთ ამის თაობაზე, ვიცი ყოველივე ამისი ფასი. რა თქმა უნდა, როცა ეს ხალხი მაქებს, სიამოვნებასა მგვრის. ფრიად მადლობელი ვარ მათი. ოღონდ, იცით რა, ვინც თავს მესხმოდა ოდესღაც, ის გაცილებით უფრო ახლობელი იყო ჩემთვის, ვიდრე ესენი არიან, ახლა რომ ხოტბას მასხამენ... ეს თავად ჩემი ბრალია, ვიცი. ნუ გამკიცხავთ! ერთი ხანობა შფოთით ვიყავ მოცული. ახლა ყველაფერმა გამიარა. მივხვდი, თქვენ მართალი იყავით, ხალხში რომ გამრიეთ. მარტობა მფიტავდა უკვე. მავნებელია, ასრულებდე ზარათუშტრას<sup>2</sup> როლს. სიცოცხლის ნაკადი თანდათან იშრიტება, ქრება. დგება ეამი, როცა უდაბნოს პირისპირ აღმოჩნდები. ხოლო ქვიშნარში ახალი არხი რომ გათხარო მდინარემდე, მრავალი დღის განმავლობაში ოფლი უნდა იწურო მცხუნეარე მზეზე. მორჩა ეს საქმე. აღარ მეხვევა თავბრუ. დინებას შევერთე. ვიციკირები და ვხედავ.

ჩემო მეგობარო, რა უცნაური ხალხია ეს ფრანგები! ამ ოციოდე წლის წინათ მეგონა, ამათი ანდერძი აგებულა-მეთქი. ესენი კი თავიდან იწყებენ. ჩემი ძვირფასი მეგობარი ქანენი წინასწარმეტყველებდა კიდევ ამას. ოღონდ ილუზიით იტყუებს-მეთქი თავს, აგრე ვფიქრობდი. ვინ დაიჯერებდა მაშინ ამ

<sup>1</sup> ანჟე — ლუარის ნაპირას მდებარე ქალაქი ცენტრალურ საფრანგეთში.

<sup>2</sup> ზარათუშტრა — ძველი ირანული რელიგიის — ზოროასტრანზმის — ლეგენდარული დამარსებელი; აქ: მარტოსული წინასწარმეტყველი, ზეკაცი, ახალი გზების გამკვლავი, როგორცაა გმირი ნიცშეს წიგნისა — „აგრე იტყოდა ზარათუშტრა“ (1883—1885).

ამბავს? საფრანგეთი, ისევე როგორც მათი პარიზი, ერთიანად ნანგრევებით, ნამუსრევითა და ნახანძრალით იყო სავსე. ვამბობდი: „ამათ ყველაფერი გაანადგურეს... გაანადგურებელთა ჯილაგისანი არიან“. ოლონდ თახვის ჯიშისაც. როცა გეჩვენებთ, ნგრევის გაათორებულ ქინს მისცემიანო, იმავ ნანგრევებზე ფუჰის ჟღერებენ ახალ ქალაქს. ახლა ვხედავ, ყოველი მხრით ხარაჩოები აღმართულა.

Wenn ein Ding geschehen,  
Selbst die Narren es verstehen!<sup>1</sup>

გულახდილად რომ ვთქვა, საფრანგეთში ისევ ის არეულ-ღარეულობაა გამეჭვებული. უნდა შეეჩვიო აქაურობას, რომ ამ გაბმულ ორომტრიალში გაარჩიო სამუშაოზე მიმავალ მუშაკთა ჯგუფები. ეს ხალხი, თქვენც იცით, ისე ვერაფერს აკეთებს, თუ ამის თაობაზე ყოველ გზაჯვარედინზე არ გაპყვირის. ვერც ისე აკეთებს რამეს, თუ მეზობლის ნამოქმედარი არ აძაგა. აქ ჰკუაღამჯდარ კაცსაც დაებნევა გონება. მაგრამ თუ იმათ შორის ათიოდე წელიწადს იცხოვრებ ჩემსავით, ის მათი ყვირილი ველარ შეგაცდენს. ვამჩნევ, ჩვეულებად ჰქონიათ ამგვარად ალეგზონ მუშაობით. ლაზლანდარობენ და თან ირჯებიან; მშენებელთა ყოველი ჯგუფი თავის სახლს აგებს; გაიხედავ და, ამასობაში ქალაქისთვისაც სახე უცვლიათ. ყველაზე მეტად კი ის გაგაოცებს, რომ შენობათა კომპლექსი ერთიანი იერისა გამოსვლიათ. რაგინდ ურთიერთსაპირისპირო შეხედულებები უნდა ჰქონდეთ, ტვინი ყველას ერთ თარგზე აქვს გამოჭრილი. ასე რომ, მის ანარქიულობის მიღმა იფარება საერთო ინსტინქტები, მთელი ერისათვის ნიშნული ერთგვარი ლოგიკა, დისციპლინის მაგივრობას რომ სწევს, რაიც, ეგების, უფრო მყარიც კია, ვიდრე დისციპლინა პრუსიული პოლიცისა.

ყველან იგრძნობა ერთი და იგივე სწრაფვა, შენების ერთი და იგივე ცეცხლ-ცხელება: სოციალისტები და ნაციონალისტები გაფაციცებულნი მუშაობენ, რა არის მოამკრონ ხელისუფლების მორყეული მექანიზმი; ხელოვნებაში ზოგს უნდა აღადგინოს ძველებური სასტუმრო ოთახი პრივილეგიებულთათვის, სხვებს — ააშენოს დიდი, ხალხისათვის კარდია დარბაზი, სადაც იმღერებს კოლექტივის სული; ესენი არიან წარსულის რესტავრატორები და მომავლის მშენებელნი. თუმცაღა, რასაც უნდა აკეთებდნენ ეს ინჟინერი ცხოველნი, მუდამ ერთსა და იმავე უჩრდებებს ქმნიან. თახვისა თუ ფუტკრის ჩვეული ინსტინქტით საუკუნეთა მანძილზე იმეორებენ ერთსა და იმავე მოძრაობას. პოულობენ ერთსა და იმავე ფორმას. ყველაზე უფრო რევოლუციურად განწყობილნი, შესაძლოა, ქვეშეცნეულადაც, იზიარებენ უძველეს ტრადიციას. სინდკალისტთა და უგამოჩინებულეს ახალგაზრდა მწერალთა შორის მე შემხვედრია შუა საუკუნეთა ყაიდის ადამიანები.

<sup>1</sup> მას შემდეგ, როცა რამე მოვლენა მოხდება, იგი ყვეუჩისთვისაც კი გასაგები შეიქმნება.

ახლა, როცა კვლავ შევეჩვიე მათს ზნესა და გნიასს, სიამით ვადევნებ თვალს, როგორ მუშაობენ. გულწრფელად ვილაპარაკოთ. ძლიერ ბებერი დათვი ვარ და ვერც ერთი იმათგანის სახლში თავს ვერასოდეს კარგად ვერ ვიგრძნობ — სუფთა ჰაერი მჭირდება. მაგრამ რა საუცხოო მუშაკნი არიან! ეს მათი უმაღლესი სათნოებაა. ესაა, მათ შორის ყველაზე მდარესა და ზნე-წამხდარს რომ აკეთილშობილებს. ან რაიგ გრძნობენ სილამაზეს მათი ხელოვანნი! წინათ მაინცდამაინც ვერ ვამჩნევდი ამას. თქვენ მასწავლეთ დანახვა. რომის, სინათლემ თვალი ამიხილა. აღორძინების ხანისეული თქვენი ადამიანები დამეხმარნენ, გამეგო ფრანგებისათვის. დებიუსის ერთი გვერდი, როდენის ნაქანდაკევი სხეული, სიუარესის ფრაზა — ეს ყოველივე თქვენი cinquecentisti-ების<sup>1</sup> შთამომავლობაა.

იმის თქმა სულაც არ მინდა, თითქოს აქ ყველაფერი მომწონდეს. კვლავ შემზღუნენ ძველი ნაცნობები მოედანზე გამართული ბაზრობიდან, ვინაც ოდესღაც ესოდენ წმიდათაწმიდა რისხვას აღმიძრავდა. ისინი ოდნავადაც არ შეცვლილან. მე კი, ვაი რომ, შევიცვალე. აღარ ძალმიძს ვიყო უღმობელი. როცა სურვილი აღმეძვრის, რომელიმე მათგანი მკაცრად განვიციტხო, ჩემს თავს ვეუბნები: „არა გაქვს ამისი უფლება. შენ უფრო ცუდად მოიქეცი, ვიდრე ეს ხალხი მოიქცა. არადა, შენი თავი ძლიერი გეგონა...“ ის აზრიც შევითვისე, რომ არა არის რა უსარგებლო. ყველაზე ფლიდ ხალხსაც თავისი როლი აქვს ნარგუნები ტრაგედიის გათამაშებაში. წარყენილმა დილეტანტებმა, გახრწნილმა ამორალისტებმა შეასრულეს თავიანთი ტერმისტისებური სამუშაო: უნდა დაენგრიათ ძველი ხუხულები, სანამ ხელახლა შენებას დაიწყებდნენ. ებრაელები დაემორჩილნენ თავიანთ წმიდა მისიას, რაიც შეინარჩუნეს სხვა რასის, უცხო ხალხის გვერდით: მსოფლიოს ერთი კიდიდან მეორემდე ქსოვენ კაცობრიობის ერთობის ბადეს. ისინი ებრძვიან. ერთა გამთიშველ ინტელექტუალურ ბარიერებს, რათა თავისუფალი ასპარეზი მოუპოვონ ღვთაებრივ გონებას. გაქნილი ცინიკოსები და დამქიქებელნი, გამანადგურებელი ირონიით ძიროს რომ უთხარიან წარსულისაგან ნაანდერძევე ჩვენს რწმენას და გვისპობენ ძვირფას მიცვალებულთა ხსოვნას, ისინი შეუტუნებლად იღვწიან წმინდა საქმისათვის, ახალი ცხოვრების შექმნისათვის. სწორედ ასევე კოსმოპოლიტი ბანკირებიც, ამდენი ვაი-უბედურების ფასად რომ იკმაყოფილებენ უზომო ანგარებისმოყვარეობას, ნებისთ თუ უნებლიეთ მომავალ ერთიან სამყაროს აშენებენ რევოლუციონერთა გვერდით, რევოლუციონერებისა, რომელნიც ებრძვიან ბანკირებს, თანაც გაცილებით უფრო წარმატებით, ვიდრე მიაშიტი პაციფისტები.

ხომ ხელავთ, ვებრძები. აღარ ვიკბინები. კბილები მომეცვითა. ვაგლახ, აღარ ვეკუთვნი იმ გულუბრყვილო მაყურებელთა რიცხვს, თეატრში მყოფნი მკვახე სიტყვას რომ მიახლიან მსახიობს და სცენაზევე უსტვენენ მოლაღატეს.

<sup>1</sup> მეთექვსმეტე საუკუნის იტალიელები.

მშვიდო გრაცია! მხოლოდ ჩემს თავზე გელაპარაკებით, ფიქრით კი მართაოდენ თქვენზე ვფიქრობ. ოჰ, რომ იცოდეთ, როგორ მომბეზრდა ჩემი თავი! მტანჯავს და მნთქავს ჩემივე „მე“. ეს არის ტვირთი, უფალმა რომ კისრად მალეზინა. როგორ მინდა, ფეხთით დაგიგლოთ იგი! ოღონდ ეგაა, სევდისმომგვრელი საჩუქარია... თქვენი ფეხები ღბილ მიწასა და ხრამუნა ხეივანს უნდა თელავდეს. ვხედავ მაგ თქვენს საყვარელ ფეხებს, ზანტად რომ მირონიებენ ქარისებრ მოჩითულ მდელოებზე (ალარ მოგინახულებიათ ღორიას ვილა?)... აგე, დაგელალათ მუხლი! ახლა გხედავთ წამოწოლილს თქვენი სასტუმრო ოთახის კუთხეში; თავი დაგიხრიათ წიგნზე, მაგრამ არ კითხულობთ. კეთილგანწყობით მისმენთ, თუმცა გულისყურს არ აპყრობთ, რასაც გეუბნებით: აქო მახეზარა ვარ, ჰოდა, მოთმინება რომ იქონიოთ, ჟამ-ჟამად საკუთარ ფიქრებს მიეცემით ხოლმე; მაგრამ ზრდილობიანი ბრძანდებით და ცდილობთ გული არ დამწყვიტოთ, დაბნეული მხერით საჩქაროდ გამოსატოთ ცნობისწადილი, როცა რომელიმე სიტყვა უცაბედად შორეთიდან ცხადში მოგაბრუნებთ. მე კი... მეც შორს დაეფრენ ამ დროს, მეც ძლივს მწვდება ჩემივე ნათქვამი და როცა თვალს ვადევნებ, როგორ აირეკლავს ჩემს საუბარს თქვენი მშვენიერი სახე, გულის სიღრმეში მომესმის სულ სხვაგვარი სიტყვები, რაც თქვენთვის ვერ მითქვამს. ეს სიტყვები, ზეპირ თქმულისაგან განსხვავებით, თქვენ კარგად გესმით, ოღონდ თავს იკატუნებთ და ეგ არის.

ნახვამდის. ვინძლო, მალე გნახოთ. გული გადამელია აქ. კონცერტები დამითავრდა და რაღა უნდა ვაკეთო.

ვეხვევი თქვენს ბავშვებს, ვუკოცნი პაწია ლოყებს. ისინი თქვენი წილაკია. უნდა დაესჯერდე ამას!..

კრისტოფი“.

„მშვიდი გრაცია“ უპასუხებდა:

„ჩემო მეგობარო, მივიღე თქვენი წერილი სასტუმრო ოთახის იმ პატარა კუთხეში, ასე კარგად რომ გხსომებიათ; ვკითხულობდი, როგორც მჩვენია — სვენებ-სვენებით. ნუ გეცინებათ! მინდოდა გამეხანგრძლივებინა სიამოვნება. საღამომდე ასე ვიყავი. ბავშვებმა მკითხეს, სულ ერთთავად რას კითხულობო. ვუთხარი, რომ თქვენი წერილი იყო. ავრორამ დახედა ქაღალდის ფურცლებს და თანაგრძნობით თქვა: „აღბათ, რა მოსაწყენია ასეთი გრძელი წერილის წერა!“ ვცადე ამეხსნა, ეს იძულება როდია, როდია გაკვეთილი, რაც თქვენთვის მომიცია, ასე ერთმანეთს ვესაუბრებით-მეთქი. უხმოდ მომისმინა და გვერდით ოთახში გაიქცა ძმასთან ერთად სათამაშოდ. ცოტა ხნის შემდეგ, როცა ლიონელი ყვირილს მოჰყვა, გავიგონე, ავრორამ როგორ უთხრა: „ნუ ვიხმაურებთ: დედა სინიორ კრისტოფს ელაპარაკება“.

რასაც ფრანგებზე მეუბნებით, საინტერესოა, ოღონდ არ მაკვრავებს. გახსოვთ, წმირად გისაყვედურებდით, უსამართლო რაღა ხართ-მეთქი. იმათ მიმართ.



შესაძლოა, არ გიყვარდეს ისინი. ოღონდ რა გონიერი ხალხია! არის ზოგი უფერული ერი, რომელთა ხსნა გულკეთილობა და ფიზიკური ძალაა. ფრანგებს შეეღის გონება. იგი აბათილებს ყველა მათს სუსტ მხარეს. ააღორძინებს მათ. როცა ყველას ჰგონია, ეგაა დაკნინდნენ, გაიხრწნენო, კვლავ სიჭაბუკეს ეზიარებიან გონების დაუშრეტელი წყაროს მადლით.

იძულებული ვარ ცოტათი დაგტუქსოთ. მებოდიშებით, მხოლოდ ჩემს თავზე გელაპარაკებითო. თქვენ — *ingannatore!* ხართ: არათერს თქვენზე არ მატყობინებთ. არც იმისას, რა გააკეთეთ, არც იმისას, რა ნახეთ. თქვენი წარმატების ამბავი რომ შეეტყობინებინა, ჩემმა ბიძაშვილმა კოლეტმა (ჰო, მართლა, რატომ არ შეივლით ხოლმე მასთან?) აიღო და გამომიგზავნა გაზეთების ამონაჭრები, სადაც შეფასებულია თქვენი კონცერტები. თქვენ მხოლოდ გაკვრით ახსენებთ ამ ამბავს. ნუთუ ასეთი გულგრილი ხართ ყველაფრის მიმართ? არა მჯერა. მითხარით, რომ წარმატება სიამოვნებასა გგვრით!.. უნდა გგვრიდეთ თუნდაც იმიტომ, რომ ეს სიამოვნებას მანიჭებს მე. არ მომწონს, როცა დამწუხრებული სახე გაქვთ. ტონი თქვენი წერილისა სევდიანია. ნუ ხართ ეგრე... კარგია, რომ უფრო სამართლიანი შეიქენით გარშემომყოფთა მიმართ. ოღონდ ამის გამო თვითგვემას ნუ მიეცემით, ნუ ფიქრობთ, სხვებზე უღარესი ვარო. ჭეშმარიტი ქრისტიანი შეგაქებდათ, მე კი ვეტყვი, რომ ეს არ ვარგა. უხეირო ქრისტიანი ვახლავართ. სამაგიეროდ კარგი იტალიელი ვარ და არ მიყვარს, წარსულის გამო ეწამებოდნენ. თავსატეხად აწმყოც გვეყოფა. ზეირიანად არც კი ვიცი ყველაფერი, რაც ოდესღაც ჩაგიდენიათ. რამდენიმე სიტყვით გადასწვლით ამ ამბავს. დანარჩენს კი, ვგონებ, მე თვითონ მივხვდი. მაინცდამაინც ლამაზი როდია ეს, მაგრამ ამის გამო ნაკლებად ძვირფასი არ შექმნილხართ ჩემთვის. საბრალო კრისტოვ, ჩემი ხნის ქალი უეჭველად რწმუნდება, რომ წესიერზე წესიერი ადამიანი ხშირად სუსტია. და ამ სისუსტისათვის ის კიდევ უფრო მეტად უყვარს. ნულა ფიქრობთ იმაზე, რაც გავიკეთებიათ. იმაზე იფიქრეთ, რას გააკეთებთ. სინანული რა საჭიროა. სინანული უკან დაბრუნებას ნიშნავს. სიკეთეს იქმ თუ ბოროტებას, მუდამ წინ უნდა იარო. *Sempre avanti, Savoia!*<sup>2</sup> ნუთუ გგონიათ, რომში ჩამობრუნების ნებას დაგრთავთ! აქ არაფერი გესაქმებათ. დარჩით პარიზში, შექმენით, იმოქმედეთ. ჩაებით არტისტულ ცხოვრებაში. არ მინდა ქვეყნიერებას განუდგეთ. მსურს, ქმნიდეთ მშვენიერ ქმნილებებს. მსურს, მათ ერგუნოს წარმატება. მინდა ძლიერი იყოთ და ეხმარებოდეთ ახალგაზრდებს, ახალ კრისტოფებს, ვინც იმავე ბრძოლას ეწევა და იმავე განსაცდელს გამოივლის, რაც თქვენ გამოიარეთ. იპოვეთ ისინი, მხარი დაუჭირეთ, იმაზე უკეთესად მოეპყარით თქვენს უმცროს თანამომქმეთ, ვიდრე ოდესღაც უფროსნი მოგეპყრნენ თქვენ. ბოლოსდაბოლოს ის მინდა, ძლიე-

<sup>1</sup> მატყუარა (იტალ.).

<sup>2</sup> მუდამ წინ, სავოია! (იტალ.).

რი იყოთ, ვიცოდე, ძლიერია-მეთქი. ვერ წარმოიდგენთ, რა ძალას მანიჭებს ეს თავად მე.

თითქმის ყოველდღე დავდივარ ბორჯეზეს ვილაში<sup>1</sup>. გუშინწინ ეტლით გავემგზავრეთ პონტე-მოლესაკენ და ფეხით დავიარეთ მონტე-მარიოს კოშკი<sup>2</sup>. თქვენ ცილს სწამებთ ჩემს ფეხებს. ისინი გემდურიათ. „ნეტა რას როშავს ეგ ვაჟბატონი, თითქოს მაშინვე ვიღლებოდეთ, როგორც კი ათიოდე ნაბიჯს გავივლით ბორჯეზეს ვილაში? არ გვიცნობს. თუ მაინცდამაინც არ გვიყვარს თავის შეწუხება, ეგ სიზანტის ბრალია. განა ძალა არ გვეყოფნის...“ ნუ დაგავიწყდებათ, ჩემო მეგობარო, მე ხომ გლენის ქალი ვარ.

ეწვიეთ ჩემს ბიძაშვილ კოლეტს. ნუთუ კიდევ უწყრებით? ის ხომ კეთილი ქალია. თქვენი სახელი აბოდებს. როგორც ჩანს, პარიზელი ქალები გიყვებიან თქვენი მუსიკისათვის. ოღონდაც მოისურვოს ჩემმა ბერნელმა დათვმა და პარიზელ ლომად იქცევა. გწერენ თუ არა ბარათებს? გიმხელენ თუ არა სიყვარულს? ერთ ქალსაც არ ახსენებთ. ხომ არ შეგიყვარდათ ვინმე? მიაბებთ. ეპვიანი არა ვარ.

**თქვენი მეგობარი გ“.**

„არ გვეგონათ, მადლიერი ვიყო თქვენი ბოლო ფრაზის გამო! ზეცას მადლობას შეგვირავდი, თქვენ რომ ეპვიანი. იყოთ, დამცინავო გრაცია! მაგრამ ნუ გექნებათ იმის იმედი, ეპვიანობა გასწავლოთ. სულაც არ მეპიტნავება მაგ გიჟი პარიზელი ქალების შეყვარება, როგორც თქვენ უწოდებთ. გიჟებიო? ოღონდაც ვაგიჟდებოდნენ. მაგრამ ასე არ არის. ნუ იმედოვნებთ, რომ ჭკუას დამაპარგვინებენ. იქნებ მოეხერხებინათ კიდევ, უფრო გულგრილნი რომ იყვნენ ჩემი მუსიკის მიმართ. მაგრამ უყვართ იგი, ერთობ აშკარაა ეს. ჰოდა, რალა ილუზია უნდა შეგერჩეს ამის შემდეგ? თუ ვინმე გეუბნება, გიგებთო, დარწმუნებული ბრძანდებოდეთ: ვერასოდეს ვაგიგებთ.

ძალიან სერიოზულად ნუ მიიღებთ ამ ჩემს ბუზღუნს. ის გრძნობა, რითაც თქვენდამი ვარ გამსჭვალული, უსამართლოს. როდი მხდის ყველა დანარჩენი ქალის მიმართ. ისე გულწრფელად არასოდეს მომწონდნენ ისინი, როგორც მომწონან მას შემდეგ, რაც შეყვარებულის თვალით აღარ ვუტყეპი მათ. ჩვენი ეპოქის ერთ-ერთ უდიდეს გმირბად მიმაჩნია ის მამაცური ბრძოლა, ოცდაათი წლის მანძილზე რომ ეწვევიან ნახევრადმხვეალთა დამამცირებელი და უგვანი ყოფის წინააღმდეგ, ყოფისა, რაშიაც, ურთიერთსაუბედუროდ, უგუნურ მამაკაცურ ეგოიზმს ჩაუყენებია ისინი. პარიზისნაირ ქალაქში ისწავლი აღტაცებას ყმაწვილქალთა ამ ახალი თაობით, არავითარ დაბრკოლებას რომ არ ეპუება და მიაბიტური გზებით ისწრაფვის დაეუფლოს მეცნიერებასა და დიპლომებს, იმ მეცნიერებასა და იმ დიპლომებს, რამაც — აგრე მიაჩნიათ თავად — უნდა

<sup>1</sup> ვილა და პაკი რომის ჩრდილოეთ ნაწილში.

<sup>2</sup> პონტე-მოლე და მონტე-მარიო რომის სასეირნო ადგილებია.

ააზატოს ისინი, გაუხსნას უცნობი სამყაროს იღუმალეზანი, გაუთანასწოროს მამაკაცებს...

რა თქმა უნდა, ეს რწმენა ფუჭი და, ცოტა არ იყოს, სასაცილოა, მაგრამ პროგრესი არასოდეს ხორციელდება მოლოდინისამებრ, სულ სხვაგვარად იყავავს ხოლმე გზას. ქალთა ეს ძალისხმევა ტყუილად არ ჩაივლის. ქალი უფრო სრულქმნილი, უფრო პუმანური შეიქმნება, იმგვარი, დიდი ეპოქებისას რომ იყო. გულგრილად აღარ მოეკიდება მსოფლიოს საჭირბოროტო საკითხებს, — სამარცხენო და საზარი. იყო ამგვარი მათი ქცევა. დაუშვებელია, რომ თანადროულ სახელმწიფოში ქალს, თუნდაც ის ერთობ დატვირთული იყოს ოჯახური მოვალეობით, მიაჩნდეს, თავისუფალი ვარო მოქალაქეობრივი ვალის შესრულებისაგან. ეხანა დარკისა და ეკატერინე სფორცას<sup>1</sup> დროინდელი მისი დიდების დედა სხვაგვარად ფიქრობდა. ქალი ჩაქნა. ჰაერი და მზე აღუუკვეთეთ. აღუუკვეთეთ და ისიც ძალით გვართმევს. ჰოი, დიდებულო ქალიშვილებო! თქმა არ უნდა, ბევრი მათგანი, ვინც ბრძოლაში ჩაბმულა, დაიღუპება, ზიანს მისცემს თავის თავს. ეს გარდამავალი ხანაა. მეტისმეტად დიდია დამაბულობა ამ ერთობ აზიზ არსებათათვის. როცა მეცნარე დიდხანს მოკლებულია ტენს, ანაზდად წამოსული წვიმა დაღუპვას უქადის. რა გაეწყობა! ამგვარია ყოველგვარი პროგრესის საზღაური. სამაგიეროდ ისინი, ვინც შემდგომ მოვა, იხარებენ იმ ტანჯულთა წყალობით. საბრალო მეომარ ქალწულთა უმეტესობას გათხოვება არ უწყრია, მაგრამ უფრო ნაყოფიერი გამოდგებიან მომავლისათვის, ვიდრე თაობანი მატრონებისა, რომელთაც მანამდე შვილები დაუჩენიათ. იმათი მსხვერპლის ფასად წარმოიშობა თაობა ახალი კლასიკური საუკუნის ქალებისა.

რასაკვირველია, თქვენი ბიძაშვილის კოლეტის სალონში ტყუილად ეცდებოდნენ ამგვარ შრომისმოყვარე ფუტკართა პოვნას. აგრე დაეინებით რატომ მგზავნით მაგ ქალთან? მართალია, დაგემორჩილეთ, მაგრამ ვერ მოგიწონებთ განზრახვას. ბოროტად იყენებთ თქვენს ძალაუფლებას. სამგზის მიპატიებებაზე უარი შევუთვალე, ორ ბარათზე პასუხი არ გამიცია. საშველს არ მადლევს. ერთერთ რეპეტიციაზე გამომეცხანა (ვასრულებდი ჩემს მეექვსე სიმფონიას ორკესტრთან ერთად), ანტრაქტისას მომაკითხა, ცხვირი აბზოვა, ჰაერი მოყნოსა და შესძახა: ოჰ! ამას სიყვარულის სუნი უდის! როგორ მომწონს ამისთანა მუსიკა!

გარეგნულად გადასხვაფერებულა: წინანდელი აერისა დაკარკლული, კატისებრი თვალები შერჩენია და ჟინიანი, მულამ ღმეჭია ცხვირი. ოღონდ პირისახე უფრო ფართო, ყვრიმალეზდაჩნეული გუხდა, ლაყდაყა ფერი დაპკრავს. სპორტმა გარდაქმნა. თავდავიწყებით მისდევს სპორტს. მისი ქმარი, მო-

<sup>1</sup> ეკატერინე სფორცა (1463—1509), იტალიელი მთავრის ცოლი; სახელი გაითქვა მამაცობით ჩეზარე ბორჯიას ლაშქრისაგან ფორლის ციხე-სიმაგრის დაცვისას.

გეხსენებათ, ერთ-ერთი საპატიო წევრი გახლავთ საავტომობილო კლუბის და აეროკლუბისა. უიშთოდ არც ერთი საავიაციო გადაფრენა არ მოხდებოდა, არც ერთი შეჯიბრი არ გაიმართება ჰაერში, ხმელეთსა თუ წყალზე. ცოლ-ქმარი სტივენს-დელესტრადი თავის მოვალეობად რაცხს, ყველაფერ ამას დაესწროს. ისინი მუდამ მოგზაურობენ. საუბარს ვერ გაუბამ: შეუძლიათ გითხრან მხოლოდ Racing, Rowing, Rugby, Derby<sup>1</sup>. ეს არის მაღალი საზოგადოების ხალხი ახალი ჯურისა. პელიასის დრომ ქალებისათვის განვლო. სული ამჟამად მოდური არ გახლავთ. ყმაწვილ ქალებს თავი მოსწონთ ლაქდაქა, მზედაკრული პირისახით, ქარისაგან რომ აქერცლიათ სუფთა ჰაერზე გამართული შეჯიბრისას ან კიდევ მზის გულზე გაჩაღებული თამაშის დროს, მამაკაცურად გიცქერენ და ერთობ ხმაძალა იცინიან. ახლა უფრო მკვეთრი და ლაღი ტონი გახლავთ მიღებული. თქვენი ბიძაშვილი ზოგჯერ საოცარი სიმშვიდით წარმოთქვამს საშინელ რამეს. ლორმუცელა შეიქნა, წინათ კი თითქმის პირს არ აკარებდა საჭმელს. ჩვეულებისამებრ უჩივის საჭმლის ცუდ მონელებას, თუმცა შემთხვევა თუ ჩაუვარდა, მაძღრისად გეახლებათ. კითხვით არაფერს კითხულობს. მათ წრეში კითხვა მიღებული აღარ გახლავთ. მხოლოდ მუსიკას სწყალობენ ჯერ კიდევ. წაადგა კიდევ თქვენს ბიძაშვილს ლიტერატურის კრახი. როცა ეს ხალხი გადაქანტულია, მუსიკა ევლინებათ თურქული აბანოს, ორთქლის აბანოს, მასაჟის, ნარკილეს მაგვარ რამედ. ფიქრს არ უნდა აპყვე. ეს არის გარდამავალი საფეხური სპორტსა და მიჯნურობას შორის. ეგეც თავისებური სპორტი გახლავთ. ოღონდ ყველაზე უფრო მოდური სახეობა სპორტისა ესთეტიკურ გასართობთა შორის ცეკვაა. რუსული, ბერძნული, შვეიცარიული, ამერიკული ცეკვები. პარიზში სწორედ რომ სულ ყველაფერს ცეკვავენ: ბეთპოვენის სიმფონიებს, ესქილეს ტრაგედიებს, „კარგად ტემპერირებულ კლავირს“<sup>2</sup>, ვატიკანის ანტიკურ ქანდაკთ, ორფევსს, ტრისტანს, „ქრისტეს ვენებებსა“<sup>3</sup> და ტანვარჯიშს. ეს ხალხი ჰკუაზე შეიშალა.

თავშესაქცევი სანახავია, თქვენი ბიძაშვილი ერთიმეორეს როგორ უთავსებს ყოველივე ამას: ესთეტიზმს, სპორტს, პრაქტიკულ ჰკუას (რამეთუ დედისაგან დაპყვა სარისტა და ოჯახური დესპოტიზმი). ყველაფერი ერთად საოცარ დომხალს ქმნის. მაგრამ კოლეტი თავს საუცხოოდ გრძნობს. თუმცა ექსცენტრული და თავგუნებაა, გონების სინათლეს არ კარგავს, არცთუ თვალის და ხელის სიმარჯვე ღალატობს როდისმე, თავდაჯერებით მართავს მანქანას თვით თავბრუდამხვევი რბოლისას. ყაჩაღანა ქალია, ყველას რომ მბრძანებლობს: ქმარს, სტუმრებს, მოახლეებს. პოლიტიკასაც მისდევს და თავგამოდებით უპერს მხარს „მის უმაღლესობას“<sup>3</sup>, განა როიალისტობის გამო, უბრალოდ

<sup>1</sup> რბენა, ნიჩბოსნობა, რეგბი, დოდი (ინგლ.).

<sup>2</sup> ი. ს. ბახის პრეულდიებისა და ფუგების კრებული (1722).

<sup>3</sup> იგულისხმება საფრანგეთის ტახტის პრეტენდენტი ლუი-ფილიპე, ორლეანის ჰერცოგი (1869—1926).

ზედმეტი საბაზი ეძლევა ფუსფუსისათვის და იმიტომ. თუმცა, რაგინდარა წიგნი იყოს, ათიოდე გვერდის წამკითხველიც არ არის, ზეგავლენას ახდენს აკადემიის არჩევნებზე... სცადა, ჩემთვის მფარველობის კალთა გადაეფარებინა. ხომ ხედებით, ვერაფრად მექაშნიკებოდა ეს ამბავი! მაგრამ ყველაზე უფრო ის მხეთქავს გულზე, რომ თქვენს ნებასურვილს დავყვე და იმიტომ ვეახელი, თვითონ კი ჩემს მეუფედ წარმოუდგენია თავი... სამაგიეროს იმით ვზღავ, რომ მწარე ქეშმარიტებას პირშივე ვეუბნები, მაგრამ იცინის და ეგ არი, პასუხის გაცემა როდი უჭირს. „ის ხომ კეთილი ქალია“... კი, ოღონდ მაშინ, როცა რითიმე გართულია. თავადაც არ მალავს ამას; ხოლო თუ მანქანას საკეპი შემოაკლდება, არაფერს დაერიდება. სრულებით არაფერს, რათა საკეპები მასალა მოუპოვოს. ორჯერ გახლდით მისას. მეტს ფებს ველარ მიმადგმევინებს ვერავინ. ესეც კმარა თქვენდამი ჩემი მორჩილების დასტურად. ხომ არა გასურთ ბოლო მომიღოთ? მისგან ვბრუნდები გათანგული, დაღლილ-გასავათებული. ბოლო ვიზიტის შემდეგ, ღამით, უემური დამაწვა: მესიზმრა, თითქოს მისი ქმარი ვიყავი და ამ ცოცხალ ქარამოტს სამისღვეშიოდ ხელში ჩავევარდნოდი. უხიაგი სიზმარია, რამაც, ცხადია, მისი ქმარი არ უნდა შეაშფოთოს; ქმარი, ალბათ, ცოლის გვერდით ყველაზე ნაკლებ დროს ატარებს იმათგან, ვინც სტუმრად დადის მათს სახლში. მარტო რომ რჩებიან, მხოლოდ სპორტზე ლაპარაკობენ. შეხმატებილებული ბრძანდებიან.

როგორ უნდა შეეწყოთ ხელი ამ ადამიანებს ჩემი მუსიკის წარმატებისათვის? ვერაფრისდიდებით ვერ მივმხვდარავარ. ვგონებ, ამ მუსიკამ რალაც ახლებურად შეაჩღორია ისინი. არ ებოდიშება იმათ და ამიტომ თუ ექაშნიკებათ. იმგვარი ხელოვნება იზიდავთ ამჟამად, ხორციელობას რომ შეგაგაძნობინებს. ოღონდ ფიქრადაც არ მოსდით, ამ ხორცს რომ სული აქვს; დღეს იტაცებთ ჩემი მუსიკა, ხვალ გულს აიყრიან, ზეგ კი გაქაქებას დაუწყებენ, ჩაწვდომით კი ვერასდროს ჩასწვდებიან. ამგვარია ყველა ხელოვანის ხვედრი. თავს ილუზიით როდი ვინუგეშებ ჩემი წარმატების გამო, ეს წარმატება ხანმოკლეა — ის კი არა, სამაგიეროს ზღვევა მომიწევს. ჯერჯერობით კი სასეირო სანახაობათა მოწმე ვარ. ერთ-ერთი ჩემი აღფრთოვანებული თავყვანისმცემელია ... გამოიცანით ვინ (ჩამოვლივარ ათასს ერთის წინააღმდეგ) — ჩვენი მეგობარი ლევიკერი. გახსოვთ ლამაზი ყმაწვილი კაცი, ვისთანაც სულელური დუელი მქონდა ოდესღაც? ახლა ის ჰკუპას არიგებს იმათ, ვინც წინათ ვერ მიგებდა. თანაც საკმაროდ კარგად ახერხებს ამას. მე მგონი, ვინც ჩემზე წერს, ყველაზე ჰკვიანი იმათ შორის ეგ არის. სხვებს რა ფასი ექნებათ, თავადვე წარმოიდგენთ. გარწმუნებთ, თავმოსაწონი არა მაქვს რა.

ხარტუთ საამისო სურვილი აღმეძვრის. თავს შეურაცხყოფილად ვგრძნობ. იმ ნაწარმოებთა მოსმენისას, რომელთა გამოც ქებას მასხამენ. იმ ნაწარმოებებში ჩემს თავს ვცნობ და არ მომწონს ჩემი თავი. რარიგ უღმობელი სარკეა მუსიკალური ქმნილება იმისათვის, ვისაც ძალუძს შიგ ჩაიხედოს საბედ-

ნიეროდ, მსმენელი ყრუა და ბრმა. იმდენი საკუთარი შფოთი და სუსტი მხარე გამოეხატე ჩემს მუსიკაში, ზოგჯერ აგრე მგონია, ცუდად მოვიქეცი-მეთქი, დემონების ეს ხროვა რომ გამოვუშვი... მაგრამ, რაკი მსმენელთა უშფოთველობას ვხედავ, ვწყნარდები. სამმაგი ჯავშანი ჰფარავთ, ვერაფერს დააკლებს,— აგრე რომ არ იყოს, სამულამო წამება არ ამცლებოდა. მისაყვედურებთ, რომ მე ძლიერ მკაცრი ვარ ჩემი თავის მიმართ. ეგ იმის ბრალია, რომ მე უფრო კარგად ვიცნობ ჩემს თავს, ვიდრე თქვენ იცნობთ. გარშემომყოფნი ისეთს გვხედავენ, როგორნიც ვართ. ვერ ჰვრეტენ, რაგვარნი შეიძლებოდა ვყოფილ-ვიყავით და გვადიდებენ იმისათვის, რაიც ჩვენი დამსახურება კი არა, გარემოებათა ილბლიანი დამთხვევისა და წარმმართველ ძალთა წყალობაა უპირატესად. ნება მიბოძეთ, ერთი ამბავი გიამბოთ.

ერთხელ საღამოს ერთ იმგვარ კაფეში შევედი, სადაც შეიძლება მოისმინოთ გვარიანი კარგი მუსიკა, თუმცა შესრულებით, ცოტა არ იყოს, უცნაურად ასრულებენ. ხუთი-ექვსი საკრავის მეშვეობით, როიალთან ერთად, აქ უკრავენ რაგინდარა სიმფონიას, მესას, ორატორიას. მსგავსად იმისა, როგორც რომში მემარმარილოენი ბუხრის დასამშვენებლად ჰყიდნიან მედიჩის სტილის მიხედვით ნაკეთებ სამლოცველოს. ეს ხელოვნების პროპაგანდას უწყობსო ხელს, ეგრე მიაჩნიათ. ადამიანთა შორის მიმოქცევაში რომ ჩართო ხელოვნება, უნდა დაახურდავო იგი და ეგ არის. თუმცადა, ამ კონცერტებზე ანგარიშში არ გატყუებენ. მრავალფეროვანი პროგრამა აქვთ, შემსრულებელნი კეთილსინდისიერნი არიან. იქ შევხვდი ერთ ვიოლონჩელისტს და დავუშეგობრდი; მისი თვალეხი საოცრად მომგონებდა მამჩემის თვალებს. მამაბო თავისი ცხოვრების ამბავი. გლეხკაცის ბადიში ყოფილა, შვილი ჩრდილო საფრანგეთის ერთი სოფლის მერის წვრილფეხა მოხელისა. უნდოდათ, იგი ბატონკაცი, ვექილი გამოსულიყო. მიუბარებიათ მეზობელი ქალაქის კოლეჟში. ჯანიანი, ცოტა არ იყოს, მოტლანქო ბიჭუქულა გულს ვერ უღებდა პროვინციელი ნოტარიუსის თავმოსაბეზრებელ სამუშაოს, გალიაში ვერ ძლებდა: ღობეზე ძვრებოდა, ველ-მინდვრად დახეტილობდა, დასდევდა გოგოებს; ჩხუბში ხარჯავდა შესაშურ ძალ-ლონეს. დანარჩენ დროს უსაქმოდ დაყიალობდა, ფუჭ ოცნებას ეძლეოდა. ერთი რამ იზიდავდა მხოლოდ — მუსიკა. ოლონდ ღმერთმა უწყის, რატომ იზიდავდა! თავისიანებში არავინ ჰყოლია მუსიკოსი, ნახევრად შერეკილი პაპის ძმის გარდა. ერთი იმ პროვინციელ უხიავთაგანი ყოფილა ის პაპის ძმა, ამაყი მარტოობით გულჩაბხრობილი სულელურ გამოგონებათა გამო რომ ხარჯავენ ხშირად მათთვის მომადლებულ განსაკუთრებულ უნარსა და ნიჭს, ხარჯავენ მანიაკათავის ნიშნულ გამოგონებებზე. ახალი სანოტო სისტემა გამოგონებინა (კიდევ ერთი!), რასაც რევოლუცია უნდა მოეხდინა მუსიკაში; იმასაც ამტკიცებდა, გამოვიგონეო სტენოგრაფიული მეთოდი, რაც საშუალებას მოგვცემს, ერთდროულად ჩავიწეროთო სიტყვა. სიმღერა და აკომპანემენტი; თუმცა საიმისოდ არც არასოდეს გარჯილა, ნაწერი. გაერკვია.

ოჯახში დასცინოდნენ ამ უხიავს, ოღონდ იმავე დროს ამაყობდნენ კიდევ მისით. ახლოლებდა ფიქრობდნენ: „ბებერი გიყია, მაგრამ ვინ იცის, ეგების გენიოსია...“. თქმა არ უნდა, მუსიკის მანია პაპისაგან გამოჰყოლოდა. ალბათ, წარმოგიდგენიათ, რავგარი მუსიკის მოსმენას შეძლებდა იმ თავის პატარა ქალაქში. მაგრამ უხეირო მუსიკასაც ხომ ისეთივე წმინდა სიყვარულის ჩანერგვა ძალუფს, როგორიც კარგს.

უბედურება ის იყო, რომ ამდაგვარი გატაცება შეუწყნარებელ რასმედ ითვლებოდა იმ წრეში, ხოლო შლეგური უკრიათობა პაპის ძმისა ბავშვს არ გააჩნდა. მალულად კითხულობდა ბებერი მანიაკის შემოქმედებითი ხელოვნების ნაყოფს, რაიც საფუძვლად დაედო მის უცნაურ მუსიკალურ განათლებას. ბუნებით დიდების მრყვარულს, მამისა და საზოგადოებრივი აზრისა ეშინოდა, არ უნდოდა რაიმე ეთქვა თავისი პატივმოყვარული განზრახვის გამო, ვიდრე წარმატებას არ მიადწევდა. ოჯახური დესპოტიზმით დათრგუნული ბიჭუნა ისევე მოიქცა, როგორც იქცევა ბევრი კარგი ბურჟუა: რაკი სისულელისა თუ გულკეთილობის გამო ვერ ბედავენ, ახლობელთა ნებას წინ აღუდგნენ, თავს ისე აჩვენებენ, თითქოს ემორჩილებიანო, სინამდვილეში კი სხვა, გარეშე თვალისათვის ფარული ცხოვრებით ცხოვრობენ. იმის მაგიერ, თავის მიდრეკილებას მიჰყოლოდა, ბიჭუნა ცდილობდა მისთვის საძულველი საქმე ეკეთებინა, მაგრამ არც წარმატების მიღწევის უნარი ჰქონდა, არც იმისი შნო, ბარემ აშკარად ჩაფლავებულყო. ძლივსძლივობით მოახერხა გამოცდების ჩაბარება. ამის წყალობით კი თავს აღწევდა ორმაგ მეურვეობას: პროვინციული საზოგადოებისას და საკუთარი მამისას. იურიდიული მეცნიერება ეჩაგრებოდა და გადაეწყვიტა, ამ პროფესიას არ გაჰყოლოდა. ოღონდ, ვიდრე მამა ცოცხალი ჰყავდა, ვერ ბედავდა ამის აშკარად განცხადებას. შესაძლოა, დიდად არც ადარდებდა ის ამბავი, რომ, ვიდრე საბოლოო გადაწყვეტილებას მიიღებდა, ერთხანს ლოდინი მოუხდებოდა. იმ აღამიანთა რიცხვს ეკუთვნოდა, თავიანთი დღე და მოსწრება იმედს რომ ულოლიავებენ გულში, — როდისმე ამასა და ამას ვიზამთ, როდისმე ამისა და ამის გაკეთებას შევძლებთო. ჭრჭერობით კი არაფერს აკეთებდა. კალაპოტიდან ამოგდებულნი, ახალი პარიზული ცხოვრებით გაბრუნებული, იგი ჭველი გლეხის ალალი სიხარბით მისცემოდა ვნებებს — ქალებსა და მუსიკას, კონცერტებითაც და სამიჯნურო ლაღობითაც ერთნაირად იყო გატაცებული. ვადიოდა წლები, მას კი არც უცდია, გამოეყენებინა შესაძლებლობა თავისი მუსიკალური განათლების შესავსებად. უსაშველო სიამაყე, უხეირო, ჭიუტი და უნდო ხასიათი ხელს უშლიდა ესწავლა სადმე, ანდა რჩევა ეკითხა ვინმესათვის.

როცა მამა გარდაეცვალა, თემიდი და იუსტინიანე<sup>1</sup> თავიდან მოიცილა,

<sup>1</sup> თემიდი — ბერძენთა მართლმსაჯულების დმერთალი. იუსტინიანე (527—565) — ბიზანტიის იმპერატორი, ვის დროსაც მოხდა რომაული სამართლის კოდიფიკაცია.

მუსიკალური კომპოზიციის შესწავლას მოჰქიდა ხელი, თუმც საგაღღებულო ტექნიკას რომ დაუფლებოდა თავდაპირველად, საამისოდ არც მოთმინება გააჩნდა, არც მხნეობა. ასე დაეჩვია უსაქმობას და ისე გაუტკბა გართობა, რაიმე სერიოზული შრომისათვის უნარი აღარ შესწევდა. ღრმად გრძნობდა მუსიკას, ოღონდ აზრი და მისი გამოხატვის ფორმა ვერ დაემორჩილებინა, ასე რომ მხოლოდ ბანალურ რამეებს თხზავდა. მაგრამ ყველაზე უფრო საშინელი ისაა, რომ ამ საშუალო ადამიანში მართლაც არის რაღაც დიადი. მისი ორი ძველი ნაწარმოები წავიკითხე. მათში ნახავ განსაკვიფრებელ აზრებს, უკეთ რომ ვთქვა, ოდენ მონახავს, ფორმალაუსრულებელი რომ დარჩენილა. ტორფიან ჰაობზე მოციმციმე სინათლესავითაა... და რა საოცარი გონების პატრონია! თვალკრემლიანი ლაპარაკობს. ბეთშოვენზე. მზად არის თავი დასდოს იმის გულისათვის, ვინც უყვარს. გულის ამაჩუყებელი და სასაცილო ვინმეა. ზოგჯერ მინდა სიცილი დავაყარო და იქვე სურვილი წამომივლის, ხელი მოვხვიო. ერთობ წესიერია. უაღრესად სძავს პარიზული წრეების შარლატანობა, ყალბი დიდება, და მანაც კიდევ ვერ უკუუგდია წვრილი ბურჟუასათვის ნიშნეული თაყვანისცემა სახელგანთქმული პირებისა...

მცირედი მემკვიდრეობა ერგო და რამდენიმე თვეში წირვა გამოუყვანა. უსახსროდ რომ დარჩა, სხვა მრავალთა მსგავსად კეთილშობილური და მიუტევებელი საქციელი ჩაიდინა, შეერთო მისგან შეტდენილი ღარიბი ქალიშვილი. იმ ქალიშვილს კარგი ხმა ჰქონდა, მუსიკას მისდევდა, თუმცა ყვარებით არ ჰყვარებია. ცხოვრების სახსარი რომ მოეპოვებინა, ქალი მღეროდა, კაცი ვიოლონჩელზე უკრავდა, უკრავდა. ფრიად უფერულად, ცხადია, მალე ორივემ აშკარად დაინახა ერთმანეთის უნიჭობა და ურთიერთსიძულვილით განიშტვალნენ. ქალიშვილი შეეძინათ. მამამ მთელი თავისი იმედები ბავშვზე დაამყარა. ეგონა, მე თუ არ გამიღიმა ბედმა, ჩემს შვილს გაუმართლებსო. გოგონა დედას დაემსგავსა: პიანინოს უტყაბუნებდა, ნიჟის ნატამალს არ ამეღავნებდა. მამას აღმერთებდა და მისი გულის მოსაგებად მუყაითად მეცადინებდა. რამდენიმე წლის განმავლობაში ავარაკიდან ავარაკზე გადადიოდნენ, ფულზე მეტად შეურაცხყოფას იღებდნენ. ისედაც სუსტი ბავშვი გადაექანცათ და მოუკვდათ. დარდ-ნაღველისაგან დედა სულ უფრო ანჩხლი ხდებოდა. საშინელ, აუწერელ სილატაეში ჩაცვივდნენ, საშველი არსაით ჩანდა და ამ უსაშველობას კიდევ უფრო აძლიერებდა შეუძლებლობა იმ იდეალის მიღწევისა, რისკენაც ისწრაფოდნენ...

როცა, ჩემო მეგობარო, ამ ბედღაცარულ საწყალ კაცს ვუცქერდი, ვისი ცხოვრებაც ერთი გაუთავებელი ვაი-ვაგლახია, გუნებაში ვფიქრობდი: „ხომ შეიძლებოდა, მეც იგივე ბედი გამეზიარებინა“. ჩვენს ბავშვურ გულეში რაღაც საერთო იბოვებოდა, ხოლო ჩვენი ცხოვრების ზოგიერთი ეპიზოდი ძლიერ ჰგავს ერთიმეორეს. ასე გასინჯეთ, რაღაცნაირი სიანლოვე აღმოვაჩინე ჩვენს მუსიკალურ იდეებს შორის; ოღონდ ეგაა, გზაზევე შეჩერდა იგი. მე კი



რას უნდა ვუმაღლოდ, მიყებოდა რომ არ დავიღუპე? თქმა არ უნდა, ჩემს ნებისყოფას. საწუთროს ალაღბელობასაც. მაგრამ თუნდაც ჩემი ნებისყოფა იყოს თავიდათავე, განა ეს პირად დამსახურებად ჩამეთვლება? ეგებ, ყოვლის უწინარეს, ამას უნდა ვუმაღლოდ ჩემს ერს, მეგობრებს, ჩემს მეოხ ღმერთს? ამგვარი ფიქრი სიმშვიდეს მგვრის. გრძნობ შენს ნათესაობას ყველასთან, ვისაც უყვარს ხელოვნება და მის გამო იტანჯება.

ძირიდან ზედეთამდე მანძილი არც ისე დიდია. ვფიქრობდი იმის თაობაზეც, რასაც წერილში მწერდით. მართალი ბრძანდებით: ხელოვანს არა აქვს განზე განდგომის უფლება, თუ შეუძლია სხვას შემწედ მოეგლინოს. ასე რომ, პარიზში დავრჩები; თავს ძალას დავატან, წელიწადში რამდენიმე თვე გავატარო ან აქ, ან ვენაში, ან კიდევ ბერლინში, თუმცა გამოიჭირდება, ხელახლა შევეგუო ამ ქალაქებს; მაგრამ ცხოვრებას ხომ არ უარყოფ კაცი. თუ იმას ვერ მოვახერხებ, დიდი სარგებლობა მოეუტანო სხვებს, რაც მეეჭვება, ამ ქალაქში ყოფნამ ვინძლო მე მინც მარგოს. ნუგეშად მექნება, რომ ეს თქვენ გწავდათ. თანაც (არ მინდა მოგატყუოთ)... სიამოვნებას ვპოულობ ამაში. ნახვამდის, მტარავალო. თქვენ გაიმარჯვეთ. არამცთუ ვაკეთებ იმას, რაც გსურთ, ასე გასინჯეთ, გულმხურვალეობასაც ვამჟღავნებ.

კრისტოფი.

ასე რომ, კრისტოფი დარჩა — ჯერ ერთი, ხათრი ვერ გაუტეხა გრაციას, მეორეც კიდევ, შემოქმედის ცნობისწადილით აღძრული, იგი კვლავ გაიტაცა განახლებული ხელოვნების ხილვამ. ყველაფერს, რასაც ხედავდა თუ აკეთებდა, ფიქრით გრაციას უზიარებდა, წერილით ატყობინებდა. მშვენივრად ესმოდა, თავს რომ იტყუებდა, როცა წარმოედგინა, ეს ყოველივე შეიძლება გრაციას აინტერესებდესო; ცოტა არ იყოს, გულგრილიაო. თავის თავს უტყუებოდა; ოღონდ იმისიც მაღლიერი გახლდათ, მეტისმეტად რომ არ აელენდა ამ გულგრილობას.

გრაცია წესიერად უგზავნიდა პასუხს თვეში ორჯერ. გულთბილ წერილებს სწერდა, მეგობრულსა და ისეთსავე სიმშვიდით სავსეს, როგორც მისივე გრძნობა იყო. თავისი ცხოვრების ამბის თხრობისას კვლავინდებურად ინარჩუნებდა ფაქიზსა და ამაყ თავშეკავებას. იცოდა, რა ღრმად აღიბეჭდებოდა ხოლმე მისი სიტყვა კრისტოფის გულში. ამიტომაც ფიქრობდა, სჯობს გულცივი ვეჩვენო, ოღონდ კი იმედი არ აღვუძრა, რახან იმ იმედის გაზიარებას არ ვაპირებო. მაგრამ ქალის ბუნების კვალობაზე იმ საიდუმლოსაც ფლობდა, მეტისმეტად არ გაეწილებინა მეგობრის სიყვარული და უმაღლეს გულთბილი სიტყვით დაეამებინა ის მწვავე ტკივილი, რასაც გულგრილობით აყენებდა. კრისტოფმა ხელად გამოიცილა ქალის ტაქტიკა და მისდათავად მიჯნურთა ხერხს მიმართა — ლამობდა, აღტკინება დაეოკებინა და ცოტა უფრო მშვიდი წერილები მიეწერა, რათა ამით გრაციას სიფხიზლე მიეძინებინა.

რაც უფრო ღიბხანს უხდებოდა კრისტოფს პარიზში ყოფნა. მით უფრო მეტად ინტერესდებოდა იმ ახალი საქმიანობით, რასაც ეს უზარმაზარი ჭიანჭველების ბუდე აეშალა. ეს ინტერესი მით უფრო უცხოველდებოდა, რაც უფრო ნაკლებ სიმპათიას იჩენდნენ მის მიმართ ახალგაზრდა კომპოზიტორები. არ შემდლარა: მისი წარმატება პიროსისეული გამარჯვება<sup>1</sup> გამოდგა. ათი წლის შემდეგ კვლავ გამოჩენით სენსაცია გამოიწვია პარიზელთა საზოგადოებაში. მაგრამ ბედის ირონიის გამო, რასაც არცთუ იშვიათად ვაწყდებით ცხოვრებაში, ამჯერად მფარველობას უწევდნენ წინანდელი მტრები — მოდის ამჟამოლი სნობები; არტიტული სამყარო კი ან ფარული მტრობით ეკიდებოდა, ანდა უღმობლად ეპყრობოდა. აღიარებას იმის წყალობით მიაღწია, რომ სახელი განთქმოდა, სახელი, ნაწილობრივ წარსულს რომ ეკუთვნოდა უკვე, იმის წყალობით, რომ იყო ფრიად მნიშვნელოვანი შემოქმედი, მსურველთა რწმენის მქონე, უადრესად გულწრფელი. და თუმცა ძალაუხერებურად ანგარიშს უწევდნენ, თუმცა აღტაცებას ან პატივისცემას გამოხატავდნენ, გაგებით მაინც ცუდად ესმოდათ მისი, სიყვარულითაც არ უყვარდათ. იგი იდგა მისი დროის ხელოვნების კიდევან, საოცარი ვინმე, ცოცხალი ანაქრონიზმი. მუდამაც ამგვარი იყო. მარტობაში გატარებულმა იმ ათმა წელიწადმა კიდევ უფრო საჩინო გახადა ეს კონტრასტი. მისი არყოფნისას, როგორც თავად დარწმუნდა, ყველაფერი გარდაქმნილიყო ევროპაში, მეტადრე — პარიზში. ფეხს იკიდებდა ახალი წესრიგი. მოდიოდა თაობა, უფრო მოქმედებს რომ ესწრაფოდა; ვიდრე წვდომას, უფრო მეტად ბედნიერება რომ სწყუროდა, ვიდრე ჭეშმარიტება. ცხოვრება ეწადა ამ თაობის ხალხს, სიცრუის ფასდაღაც ეზიარებოდა ცხოვრებას. ათასგვარი ყალბი ქედმაღლობა მოსდგამდათ: ქედმაღლობდნენ რასით, ქედმაღლობდნენ კასტით, ქედმაღლობდნენ რელიგიით, ქედმაღლობდნენ კულტურითა და ხელოვნებით. ყველაფერი გამოადგებოდა ხოლმე ამ თაობას, რაც ჭავშნით შეჰედავდა, ფართითა და მახვილით აღჰურავდა და გამარჯვებას მოუტანდა. აი, რატომ არ ეჭაშნიკებოდა ახალგაზრდობას მალაღი, მკაცრი ხმა, რაიც მოგაგონებდა იმ ნაღველს, ებეებს, წინაღობით რომ გიწეწავდა სულს და კვლავაც ემუქრებოდა კაცობრიობას, თუმცა ეს უკანასკნელი ახლა უკუაგდებდა ყოველსავე ამას და ცდილობდა დავიწყებისათვის მიეცა.

მაგრამ ეს ხმა უსათუოდ ჩაგვისმოდა; ჯერაც ცოცხლად შემოენახა ხსოვნას. მაშინ ახალგაზრდები წყრომით მიაბრუნებდნენ პირს და მთელი ხმით გაჰყვიროდნენ, რათა თავიანთივე თავი გაეყრუებინათ. მაგრამ ის ხმა კიდევ უფრო ძლიერად ჟღერდა და ეს აგულისებდათ.

კრისტოფი კი, პირიქით, მეგობრულად ეპყრობოდა მათ. იგი მიესალმებოდა საყოველთაო სწრაფვას, რადაც უნდა დასჯდომოდათ, მიეღწიათ წესრი-

<sup>1</sup> პიროსისეული გამარჯვება — პიროსი (318—272 წ. ერამდე), ეპირის მეფე. იტალიაში შეიჭრა და რომელები დაამარცხა, მაგრამ იმოდენა ზარალი ნახა, ლაშქარი სანესებით დაუძლურდა.

ვისა და გულდაჩერებულობის დამკვიდრებისათვის. ის ამბავი, რომ ამ სწრაფ-ვისას ვლინდებოდა განგების შეზღუდულობა, ოდნავადაც არ აკრთობდა. თუ გინდა, მიზანს უექველად მიადწიო, სულ პირდაპირ უნდა იცქირო. გზის ასაქცევთან მდგარი კრისტოფი ტკებოდა, რაკი ქვერტდა განვლილი ღამის ტრაგიკულ დიდებულებას, ახალჩასახულ, ცისკროვან იმედს, — შორით აციაგებული აისის მოლანდებულ სილამაზეს: კრისტოფი ქანქარის ღერძის უძრავ წერტილში იმყოფებოდა, ქანქარისა, ის-ის იყო ხელახლა ზევით რომ მიიწევდა. კრისტოფი არ მიჰყვებოდა მას, მაგრამ ცხოვრების მაჯისცემას სინარულით უგდებდა ყურს. იმათ იმედებს იზიარებდა, ვინც არ სცნობდა თვით კრისტოფისვე წინანდელ ტანჯვას. აღუსრულდა, რაიც ეოცნებებოდა. ათი წლის წინათ, ვარამისა და წყვდიადის ეამს, ოლივიემ — ბედშავმა გალურმა ყვინჩილამ, სუსტი ხმით აუწყა ყველას შორეული ალიონი. მგოსანი აღარ არის, მაგრამ ის, რასაც უმღეროდა, აღსრულდა. ფრინველნი იღვიძებდნენ 'საფრანგეთის ბაღნარში, ხოლო იმათ ყივეივს ახშობდა და კრისტოფის ყურთასმენას სწვდებოდა გაცოცხლებულ ოლივიეს უფრო მკაფიო, უფრო მორკმული ხმა.

კრისტოფი წიგნის დახლთან იდგა და უგულისყუროდ ფურცლავდა ლექსების კრებულს. ავტორის გვარს არ იცნობდა, მაგრამ ზოგმა სიტყვამ განაცვიფრა იგი, გულისყური მოსტაცა. კითხვას განაგრძობდა, თვალს ავლებდა ჯერაც გაუჭრელ გვერდებს და ნაცნობი ხმა მისწვდა. მეგობრის იერი ეცნაურა. ვერ გარკვეულიყო, რა ხდებოდა მის გულში. იმ წიგნს ვერ შეეღია და იყიდა. უინმბრუნებული კვლავ კითხვას შეუდგა და უმალ გრძნებამ შეკრა. პოემის მგზნებარე სუნთქვისაგან თვალნათლივ იშვოდნენ, ვით ზმანებისას, დიადი, საუკუნოვანი სულნი — ეს გიგანტური ხენი, სამშობლოს რომ განასახიერებენ, რომელთა ფოთოლი და ნაყოფი იგივე ადამიანები არიან. წიგნის ფურცლებზე ცოცხლებოდა დედის ზეადამიანური სახება, იმ დედისა, ვინაც ჩვენამდე იყო, ვინაც ჩვენს შემდეგ იქნება, ვინაც ყოველივეზე შეუფებს, ვით ბიზანტიური მადონები, მთებივით მაღალნი რომ არიან, ხოლო იმ მთათა ძირში ლოცულობენ ადამიანები — ჰიანქველანი. პოეტი განადიდებდა ჰომეროსის აღწერილ დიად ღმერთქალთა ორთაბრძოლებს<sup>1</sup>, ღმერთქალებისას, რომლებიც ლახვარს უგმერენ ერთმანეთს დასაბამიდან მოყოლებული, განადიდებდა მარადიულ ილიადას, ტროის ომთან შედარებით რომ იგივეა, რაც ალპის მთაგრეხილი საბერძნეთის ბორცვებთან შედარებით.

სიამაყისა და მეომრული სულისკვეთების ეს ეპოპეა ეუცხოებოდა კრისტოფისნაირი ევროპელის თვალსაზრისს. და მაინც, კითხვისას გონებაგაცისკროვნებულს, კრისტოფს ენიშნა ის მზერა და ის ღიმილი, ოდესღაც რომ იც-

<sup>1</sup> ჰომეროსის „ილიადაში“ ღმერთქალები მონაწილეობენ ბერძენ-ტროელთა შორის გამართულ ბრძოლებში.

ნობდა და აგრერიგად უყვარდა, ენიშნა ფრანგული სულის ამ განსახოვნებაში — ამ მადლით აღსავსე, მრავლისმფარველ ქალწულში, მრუმეში თვალმოციალე ცისფერთვალა ათენაში, შრომის ამ დემერტქალში, სწორუბრვარ ხელოვანში, ვინაც გონების მეუფეა და ვისი მოელვარე შუბიცი გმირავს ბარბაროსთა აგნიასებულ ურდოებს. ოლონდ იმ წამს, როცა ის იყო, უნდა მოეხელთებინა, დაუსხლტა და გაქრა. ამოდ ეძიებდა გამწარებული, მალიმალ ფურცლავდა კრებულს და უეცრივ წააწყდა ამბავს, რაიც ოლივიესაგან მოესმინა გარდაცვალებამდე რამდენიმე დღის წინ.

კრისტოფი გაოგნდა. ხელად გამომცემელს მიაშურა და სთხოვა, ავტორის მისამართი გამაგებინეთო. როგორც ჩვეულებრივ ხდება ხოლმე, უარი უთხრეს. კრისტოფი ვაცხარდა, მაგრამ ვერაფერს გახდა. ბოლოს მოისაზრა, ცნობას ადრეს-კალენდარში ვიპოვიო. იქ მართლაც მიაგნო საჭირო მისამართს და ავტორთან გაემართა. თუ კრისტოფს რამიმე სწაღდა, დაყოვნება არ იცოდა.

ბატინიოლის<sup>1</sup> უბანი, სულ ზედა სართული. რამდენიმე კარი საერთო დერეფანში გამოდის. კრისტოფმა იმ კარს მიუკაკუნა, რომელზეც მიუთითეს. მაგრამ გამოიღო გვერდითი ოთახის კარი. გამოიხედა შუბლზე თმაჩამოშლილმა ახალგაზრდა ულამაზო ქალმა, მშემოკიდებული დანაოკებული სახე და მკვირცხლი თვალეები რომ ჰქონდა. რა გნებავთო, ჰკითხა, თან უნდოდ ახედდახედა. კრისტოფმა აუხსნა, რისთვისაც იყო მოსული, და როცა ქალმა ვინაობა ჰკითხა, ამანაც თავისი გვარი დაუსახელა. ქალი გამოვიდა დერეფანში, გასაღები ამოიღო და გვერდითი ოთახის კარი გააღო. ოლონდ კრისტოფი მაშინვე არ შეუშვია, დაცდა სთხოვა. თვითონ შიგ შევიდა და კრისტოფს ზედ ცხვირწინ მიუჯახუნა კარი. ბოლოს სტუმარს ნება დართეს, შესულიყო ბინაში, რომელსაც აგრე საგულდაგულოდ იცავდნენ. კრისტოფმა გაიარა ნახევრად ცარიელი ოთახი, სასადილოდ რომ იყენებდნენ და უხეიროდ იყო გაწყობილი ძველი ავეჯით; უფარდო ფანჯარასთან დადგმულ დიდ გალიაში თორმეტობლი ჩიტი ჟღერტულებდა. მეზობელ ოთახში გაქეპილ დივანზე ვილაც მაშაკაცი იწვა. იგი ოდნავ წამოიწია კრისტოფის შესახვედრად. გამხდარი, ზეშთაგონებული სახე, მშვენიერი ხავერდოვანი, გზნებით მოელვარე თვალეები, წვრილი გრძელი ხელეები, გონებრივი შრომის ადამიანს რომ ამხელს, მახინჯი ტანი, ცივი, ხრინწგარეული ხმა... კრისტოფმა უმაღვე იცნო იგი... ემანუელი იყო! პატარა სწეული ქარგალი, ვინაც შეიქნა უნებლიე მიზეზი... ემანუელი უცებ წამოხტა: მანაც იცნო კრისტოფი.

მღუმარედ იდგნენ. ორივენი ოლივიეს ხელდავდნენ იმ წუთს... ხელის ჩამორთმევა ვერ გაებდათ. ემანუელმა ოდნავ უკან დაიწია. ახლა, ათი წლის შემდეგ, მისი გულის ბნელი სიღრმიდან კვლავ ამოტივტივდა მიჩქმალული მტრობა, ძველი იჭვენული გრძნობა, რასაც კრისტოფი აღუძრავდა ოდესღაც-

<sup>1</sup> ბატინიოლი — უბანი პარიზის ჩრდილო ნაწილში.

მაგრამ როცა კრისტოფის მღვღანეობა შენიშნა, როცა მის ბაგეზე ამოიკითხა იმისი სახელი, ვისზეც ორივენი ფიქრობდნენ, სახელი ოლივიესი, — გულმა ველარ მოუთმინა და მოეხვია.

ემანუელმა თქვა:

— ვიცოდი, პარიზში რომ იყავით. ოღონდ ერთი ეს მითხარით, როგორ მიპოვეთ, რანაირად მოძებნეთ?

კრისტოფმა მიუგო:

— თქვენი ბოლო წიგნი წავიკითხე; იმ წიგნში მისი ხმა გავიგონე.

— მართლა? — თქვა ემანუელმა. — იცანით იგი? ყველაფერს, რასაც მივალწიე, მხოლოდ მას უნდა ვუმაღლოდე. (იგი ერიდებოდა მისი სახელის ხსენებას).

ცოტა ხნის შემდეგ ოდნავ მოიღუშა და განაგრძო:

— თქვენ უფრო მეტად უყვარდით, ვიდრე მე.

კრისტოფს გაეღიმა:

— ვისაც უყვარს, მან არ იცის მეტი და ნაკლები; მთლიანად მიენდობა ზოლმე იმას, ვინც უყვარს.

ემანუელმა კრისტოფს შეხედა. ტრაგიკული, მკაცრი და მბრძანებლური თვალები უცეროვ საოცარი სინაზით გაუბრწყინდა. კრისტოფს ხელი მოჰკიდა ხელზე და დივანზე გვერდით მოისვა.

ერთმანეთის ამბის მოყოლა დაიწყეს. თოთხმეტიდან ოცდახუთ წლამდე ემანუელს მრავალგვარი პროფესია გამოეცადა. ემუშავა ასოთამწყობად, მეშპალერედ, მოხეტიალე მეწვრილმანედ, წიგნის გამყიდველად, მწერლად ვეჰილთან, პოლიტიკური მოღვაწის მდივანად, ჟურნალისტად... თან, როცა მოახერხებდა, გაფაციცებით სწავლობდა; ზოგჯერ კეთილი ადამიანები უწევდნენ დახმარებას — აოცებდათ ამ პატარა კაცუნას ენერჯია; უფრო ხშირად კი ხელში უვარდებოდა არამზადებს, მის ნიჰსა და სიღარიბეს ექსპლოატაციას რომ უწევდნენ; ოღონდ ახერხებდა, მძიმეზე მძიმე განსაცდელის გამოვლისას შინაგანად გამდიდრებულყო, გულში სიმწარეს მაინცდამაინც არ ჩაირჩენდა. მხოლოდ ეს იყო, ისედაც სუსტი ჯანის პატრონს უკანასკნელი ძალ-ღონე ეღეოდა. მისმა იშვიათმა უნარმა, დაუფლებოდა ძველ ენებს (უნარმა, რაიც ჰუმანისტური ტრადიციებით ერთიან გამსჭვალული რასის წარმომადგენლებს უფრო ხშირად გამოაჩნდებოდათ ხოლმე, ვიდრე ჰგონიათ) მიიპყრო ერთი მოხუცი ელინისტი მღვდლის ყურადღება, და იმ მღვდელმა დახმარება გაუწია. მეცადინეობამ, რის შედეგადაც დიდ წარმატებას ვერ მიაღწია მოუცლელობის გამო, გონება გაუწვრთნა და ხელი შეუწყო, საკუთარი სტილი გამოემუშავებინა. ხალხის წილიდან გამოსულმა ამ ახალგაზრდა კაცმა, აქა-იქ შექმნილი, ფრიად ნაკლულივანი ცოდნის პატრონმა, ყველაფერს თავისით; მიაღწია და ისე ბრწყინვალედ დაიფრვა სიტყვა, ისერივად ემარჯებოდა ფორმის შეხა-

მება შინაარსთან, რომ დიდად გაუსწრო ათათწლობით უნივერსიტეტში ტვინ-  
ნანთხევ ბურჟუების ნაშიერთ. ყოველსავე ამას ოლივიეს კეთილისმყოფელ  
ზეგავლენას უმადლოდა! მართალია; სხვები გაცილებით უფრო მნიშვნელოვან  
დახმარებას უწევდნენ, მაგრამ ოლივიემ პირველმა გაუღვივა ის ნაპერწკალი,  
მისი სულის წყვილიადში უქრობი ლამპარი რომ აანთო. სხვები ოდენ ზეთს  
უმატებდნენ ხოლმე იმ ლამპარს.

ემანუელმა თქვა:

— რომ დავკარგეთ, მერმელა გავუგე მას... ხოლო ყველაფერი, რასაც მე-  
უბნებოდა, გულში ჩამწვდა. მისგან ანთებული ლამპარი აღარ ჩამქრობია.

ყვებოდა თავისი შემოქმედებისას, იმ საქმისას, რაც მისთვის ეანდერძე-  
ბინა — ასე ირწმუნებოდა თავად — ოლივიეს, ფრანგების გამოღვიძებული.  
ენერგიისას, იმ გმირული იდეალიზმის ელვარე გამოვლინების ამბავს, რასაც  
ოლივიე წინასწარმეტყველებდა. ემანუელს ეწადა, შექმნილიყო მისი მესაყ-  
ვირე, შეტაკებას მადლით რომ დასცქერის და მომავალ გამარჯვებას იუწყე-  
ბა. იგი უმღეროდა თავის აღორძინებული ერის ეპოპეას.

მისი პოემები მართლაც რომ ნაშობი იყო ამ საოცარი ერისა, რომელსაც  
საუკუნეთა წიაღ გამოეტარებინა ოდინდელი კელტური სულისკვეთება, იმავ  
დროს კვლავინდებურად ჯიუტად კაზმავდა თავის აზრს ძველებური საჭურ-  
ვლით და პატივს სცემდა რომაელი დამპყრობლის კანონებს. აქ პირველქმნილი  
სიწმინდით გაცოცხლებულიყო შემართება, შმაგი გონების სულისკვეთება,  
ირონია, ტრაბახთან შერწყმული თავაწყვეტილი, გამბედაობა — ესოდენ ნიშ-  
ნეული რომ არის ამ ხალხისათვის, რომელმაც გაბედა რომაელ სენატორთა  
წვერების ხელყოფა, გაძარცვა დელფოს<sup>1</sup> ტაძარი და თავის ისრებს კისკასით  
სტუორცნიდა ზეცას. მაგრამ პატარა პარიზელ ხელოსანს მოუხდა თავისი ვნე-  
ბებისათვის ხორცი შეესხა ორი ათასი წლის წინათ მკვდარი ბერძენი გმირე-  
ბისა და ღმერთების სახით; ისევე, როგორც ამას იქმოდნენ პარიკით მორთული  
მისი პაპები და უეჭველად იზამენ მისივე შვილთაშვილები. საოცარია ამ ხალ-  
ხის ალღო, შეთანაწყობილი აბსოლუტის მოთხოვნილებასთან: თავის აზრს რომ  
საუკუნეების მანძილზე მიაკვლევინებს გზას, ჰგონია, ამ აზრს სამუდამოდ ამ-  
კვიდრებს. კლასიკური ფორმის არტახები კიდევ უფრო მეტი სიშმაგით აჩენ-  
და ემანუელის ვნებათაღელვას. ოლივიეს მშვიდი გულდაჯერება საფრანგეთის  
ბედ-იბღლის გამო მის პატარა შეგირდს ექცა საქმიანობის მძაფრ წადილად,  
თვისი გამარჯვების მტკიცე რწმენად. იგი მიესწრაფოდა. ხედავდა, ითხოვდა  
ამას. ეგზალტირებული რწმენით, ოპტიმიზმით ფრანგებს გული აუჩქროლა.  
მისი წიგნი ისეთსავე ცხოველმყოფელ ზეგავლენას ახდენდა, როგორსაც მო-  
გებული ბრძოლა ახდენს. ამ წიგნმა სკეპტიციზმისა და შიშის კედელი გაან-  
გრია. ახალთაობა მის კვალდაკვალ დაიძრა მომავლის შესაგებებლად...

<sup>1</sup> იკულისხმებთან ძველი ვალები, რომლებმაც 390 წელს ჩვ. ერამდე აიღეს რომი, ხოლო  
279 წ. ჩვ. ერამდე გაძარცვეს დელფოს ტაძარი საბერძნეთში.

ლაპარაკისას ემანუელი გამოცოცხლდა, თვალები აენტო, ფერმკრთალი სახე წითლად აუფორეჯდა, ხმა გამყივანი გაუხდა. კრისტოფმა უნებურად შენიშნა კონტრასტი ამ ყოვლისმშთანთქმელ ცეცხლის ალსა და უძლურ სხეულს შორის, რაშიც ის ცეცხლი ბრიალებდა. ბედის ტრაგიკულ ირონიად მიიჩნია ეს ამბავი. მღერალი ძალისა, მგოსანი, ვინაც ხოტბას ასხამდა გაბედულ სპორტსმენთა მოდგმას, ქმედებას, ბრძოლას, ბიჯს ვერ გადადგამდა, სული არ შეჭხუთვოდა, ერთობ დამთმენი იყო ყოველმხრივ, იცავდა მკაცრ რეჟიმს, სვამდა მხოლოდ წყალს, თამბაქოს არ სწევდა, საყვარელს არ იჩენდა, ვენებებს გულშივე ფარავდა და ჯანმრთელობის გამო ასკეტურ ცხოვრებას ეწეოდა.

ემანუელის შემყურე კრისტოფი ალტაცებასთან ერთად ძმურ თანაგრძნობასაც შეეპყრო. არ უნდოდა, ეს შეემჩნევილებინა, მაგრამ, ეტყობა, მზერით გაამქლავნა რაღაცა, ანდა, შესაძლოა, ამაყ ემანუელს, ვისი იარაღ მუდამ პირლია იყო, მოსჩვენებოდეს, კრისტოფს სიბრალულის გამომეტყველებას ვამჩნევო თვალებში. ეს კია, მგზნებარება ერთბაშად ჩაუქრა. დადუმდა. კრისტოფი ეცადა, მაგრამ ველარ განაწყო ნდობით. ემანუელმა გული დაიხურა. კრისტოფი მიხვდა, მოვიმღურეო.

უსიამო ღუმილი გრძელდებოდა. სტუმარი წამოდგა. ემანუელმა კოჭლობ-კოჭლობით მიაცილა კარამდე. სიარულისას უფრო აშკარად ჩანდა მისი სიგონჯე, — თავდაც უწყოდა ეს, მაგრამ თავმოყვარეობის გამო ისე გაჩვენებდა, თითქმის არ ეღარდებოდა; გრძნობდა, კრისტოფი მაკვირდებო, და ამის გამჟივრებელს უფრო მეტად ეძალეებოდა მტრული გრძნობა.

სწორედ იმ დროს, როცა ემანუელი გულცივად ეშვიდობებოდა თავის სტუმარს, ახალგაზრდა ელეგანტურმა მანდილოსანმა მის კარზე ზარი დარეკა. მას ახლდა ვიღაც კონტაპრუწა. კრისტოფმა იცნო ეს კაცი: არაერთგზის ენახა თეატრალურ პრემიერებზე, სადაც წამდაუწყუმ უღიმოდა ყველას, გაუჩერებელივ ლაქლაქებდა, მისალმების ნიშნად ხელს იქნევდა, თითებს უკოცნიდა მანდილოსანთ და, პარტურის პირველ რიგში რომ მოაკალათებდა, მიტრიალებოდა ხოლმე, ღიმილს არ იშურებდა დარბაზის შორეულ კუთხეში მიმსხდარი მაყურებლებისათვის. კრისტოფმა არ იცოდა მისი სახელი და „შვლად“ მონათლა. ემანუელი რა დაინახეს, შველი და მისი თანმხლები ქალი „ძვირფას მასწავლებელს“ მისცივიდნენ, აბეზრად და ფამილარულად უშლიდნენ გულს. კრისტოფმა გაიგონა, ემანუელმა ცივად რომ უთხრა მათ, ვერ მიგიღებთ, არა მცალიაო. კრისტოფს უკვირდა, როგორ ეხერხებოდა ამ კაცს, უცხვირპირო გჩვენებოდა. არ იცოდა, რა მიზეზის გამო ხვდებოდა ემანუელი ასე გულცივად მდიდარ სნობებს, რომლებიც სწყალობდნენ თავიანთი მოურიდებელი ვიზიტით. ისინი არ იშურებდნენ ლამაზ ფრაზებსა და ქებას, მაგრამ არ ცდილობდნენ, რითიმე შეემსუბუქებინათ მისი გაჭირვება, ისევე როგორც ცუზარ ფრანკის ყბადაღებულ მეგობრებს ვერ მოესაზრებინათ, მუსიკის გაკვეთილე-

ბისაგან განეტვირთათ იგი, არადა, რომ ეარსება, იძულებული იყო კერძოდ ესწავლებინა სიცოცხლის ბოლომდე.

კრისტოფმა კიდევ რამდენჯერმე შეუარა ემანუელს. მაგრამ ვერა და ვერ მოახერხა იმ პირველი შეხვედრის გულითადი ტონი განეახლებინა. კრისტოფის დანახვისას ემანუელი ერთი ბეწო სისარულს არ გამოხატავდა, დადარაჯებული და თავდაპირილი იყო. ხანდახან თუ აჰყვებოდა გულის გადახსნის დაუოკებელ მოთხოვნისებას, როცა კრისტოფის რაიმე სიტყვა უნებურად შესძრავდა სულის სიღრმემდე. მაშინ გულახდილობით აღძრულ ალტკინებას მინებდებოდა და მისთვის ჩვეული იდეალიზმი გულს გაუნათებდა თვალისმომკრელი პოეზიის გამობრწყინებით. მერმე უეცრადვე გაუნელდებოდა ალტკინება, მოლუშული ღუმდა, და კრისტოფი კვლავ მტერს ხედავდა თავის წინაშე.

ბევრი რამ აშორიშორებდათ. ასაკობრივ განსხვავებასაც მცირე მნიშვნელობა როდი ჰქონდა. კრისტოფი უკვე სრულ თვითშეცნობასა და თავის თავზე ბატონობას მიესწრაფოდა. ემანუელი ჯერ ისევ ფორმირების პერიოდში იყო და ეს მისი ფორმირების პერიოდი გაცილებით უფრო არეულად მიმდინარეობდა, ვიდრე ოდესმე კრისტოფისა. ამ ორიგინალურ არსებაში თავსდებოდა მუდამ ერთუტის შეჭიდებული საპირისპირო ელემენტები: მძლავრი სტოიციზმი, რაიც ესწრაფოდა მემკვიდრეობითი, ატავისტური სურვილების დათრგუნვას (იგი ლოთისა და მეძავის შვილი იყო); გახელებული წარმოსახვა, ყალყზე რომ დგებოდა რკინისებრი ნებით ლაგამამოდებული; უსაზღვრო ეგოიზმი და უსაზღვრო სიყვარული მოყვასისა (თანაც ვეროდეს იტყოდ, რა გადასძლევდა); გამირული იდეალიზმი და ავადმყოფური წადილი დიდებისა, რაიც წამებას განაცდევინებდა სხვათა უპირატესობის გამო. მართალია, ოლივიეს აზრი, მისი დამოუკიდებლობა, უანგარობა ემანუელში გაცოცხლებულიყო, ემანუელი თავის მასწავლებელს სჯობნიდა პოეტური ნიჭით, პლეზეური სიცოცხლისუნარიანობით, რამაც არ იცის. ზიზლი საქმიანობისადმი, სჯობნიდა გამძლეობით, ყოველგვარი გულაცრუებისაგან რომ იცავდა მას, მაგრამ, სამაგიეროდ, ბევრი ვერ დაიკვებნიდა იმ უშფოთველობას, რაიც სჩვეოდა ანტუანეტას ძმას, — ერთობ პატივმოყვარე და დაუდგრომელი ბუნებისა განლდათ ემანუელი, ხოლო გარშემომყოფთა შფოთი და მღელვარება უარესად აფორიაქებდა.

მღელვარე კავშირი ჰქონდა ახალგაზრდა ქალთან: სწორედ იმ მეზობელთან, ვინაც კრისტოფს გამოეგება პირველი სტუმრობისას. ამ ქალს ერთგულად უყვარდა ემანუელი და გულმოდგინედ ზრუნავდა მისთვის, მეოჯახეობდა, ნაწერს უთფთრებდა, კარნახით უწერდა. შესახედავად ულამაზოს, საუბედუროდ, მგზნებარე სული ჰქონდა. ღარიბ ოჯახში დაბადებულიყო. დიდხანს წიგნის საკაზმავ სახელოსნოში ემუშავა, მერმე ფოსტაში ემსახურა. ბავშვობა გაეტარებინა პარიზელი ღარიბი მუშახალხისათვის ეგზომ ჩვეულ, გულის შემალონებელ გარემოში: სივიწროვეში, გამასავათებელ ჯაფაში; ნიადაგ ხალხის



თვალწინ უნდა ეტრიალა სუფთა ჰაერისა და სიმყუდროვის ნატრულს, საიმისო საშუალებაც არ ჰქონდა, თავის ფიქრებს მისცემოდა, დაეცვა ის, რაც გულს წმიდათაწმიდად მიაჩნდა. ამაყი ბუნებისას კრძალული ლტოლვა ჰქონდა სამართლიანობის ბუნდოვანი იდეალისადმი, ლამის თვალეზი დაითხარა ჰიუგოს „განწირულის“ გადმოწერით, დამლამობით იწერდა, ზმირად — უსინათლოდ, ოდენ მთვარის შუქზე. ემანუელს იმ დროს შეხვდა, როცა ის კიდევ უფრო უბედური იყო, ვიდრე თვითონ — სნეულებაც დაჰბედებოდა და უსახსრობაც ზედ დართოდა. შეხვდა და მთელი არსებით მიენდო. პირველი და ერთადერთი სიყვარული ცხოვრებაში მაშინ იგემა. მიტომაც მომშეული ადამიანის ქინიანი სიხარბით ებლაუჭებოდა ამ კავშირს. ერთობ აწუხებდა ემანუელს ეგ სიყვარული, — უფროე ითმენდა მას, ვიდრე იზიარებდა. გულს ზვდებოდა ქალის ერთგულება, ესმოდა, იგია ჩემი საუკეთესო მეგობარი, ერთადერთი არსება, ვისთვისაც ყველაზე ძვირფასი ვარ ამქვეყნად, ვინაც უჩემოდ ვერ გაძლებსო. ოღონდ სწორედ ეს იყო, გულს რომ უმძიმებდა. ემანუელს თავისუფლება სჭირდებოდა, სჭირდებოდა მარტოობა. ამ ქალის თვალეზი კი ხარბად გამოსთხოვდნენ ალერსს, გასაქანს არ აძლევდნენ. ემანუელი მკაცრად ეპყრობოდა ქალს, ზმირად სურვილი. აიტანდა, „მომშორდიო“! — დაეყვრა. ისიც აღიზინებდა, ულამაზო და უხეში რომ იყო ქალი. თავად თუმცა ცუდად იცნობდა მაღალ საზოგადოებას და ზიზღს ამქვეყნებდა მის მიმართ (რამეთუ იტანჯებოდა, რაკი იქ კიდევ უფრო გონჯად და სასაცილოდ გრძნობდა თავს), სიყვარულით სიტურფე უყვარდა. იზიდავდნენ ბანოვანი, რომელნიც იმგვარივე გრძნობით ეპყრობოდნენ (ეს არ ეეჭვებოდა), როგორიც თავად ჰქონდა მეგობარი ქალის მიმართ. ცდილობდა ტრფიალება გამოეხატა ამ ქალისადმი, თუმცა ტრფიალება გულს არ ეკარებოდა, ან, ყოველ შემთხვევაში, არ დაელონებინა მძულვარების უნებური გამოქვავებებით. მაგრამ ამასაც ვერ ახერხებდა — მკერდქვეშ ჩაჰბუდებოდა სიკეთის ქმნის მწყურვალი, სულდიდი ქმნილების გული და სასტიკი, სიბავის ჩადენის შემძლე დემონი. ეს შინაგანი ჭიდილი და იმის შეგნება, არ ძალმიძს ძლევა მოვიპოვოთ, ყრუ გულისჯავრს აღუძრავდა. ამ ჯავრს კრისტოფზე იყრიდა.

ემანუელს ორკეცად არ ეპიტნავებოდა კრისტოფი და ვერც რამე მოეხერხებინა თავის თავისათვის. ერთი იმიტომ არ ეპიტნავებოდა, რომ ძველი ეჭვიანობის გრძნობა მოჰყვებოდა, ის ბავშვური მტრული გრძნობა, რაც მას შემდეგაც არ ნელდება, როცა მიზეზი უკვე დაეფიყებას მისცემია. მეორეც კიდევ ის იყო, რომ თავგამოდებული შოვინისტი გახლდათ. ემანუელის თვალში საფრანგეთი განასახიერებდა იმ ოცნებებს, რასაც წარსული ეპოქის საუკეთესო ადამიანები ეძლეოდნენ სამართლიანობის, კეთილმოწყალების, კაცობრიობის ძმობის შესახებ. დანარჩენ ევროპას როდი უპირისპირდებოდა, ვითარცა მტერს; რომლის კეთილდღეობა სხვა ხალხთა აკლების შედეგად იქმნება; კანონიერ მბრძანებლად უყენებდა ხალხებს სათავეში, მბრძანებლად, ყველას

სასიკეთოდ რომ ხელმწიფებს იდეალით შეიარაღებული და წინ რომ მიუძღვის კაცობრიობას. უმალ იმას ამჯობინებდა, დასამარებელი ენახა საფრანგეთი, ვიდრე დაეშვა აზრი, ჩემს სამშობლოს შეუძლია უსამართლო ქმედება ჩაიდინოს. წრფელად სჯეროდა მისი. წმინდა წყლის ფრანგი იყო კულტურით, აღქმით, აღზრდილი მთლიანად ფრანგულ ტრადიციებზე, რომელთა დიდად სალი აზრი ინსტინქტურად შეეცნო. ემანუელი გულწრფელად არა ცნობდა უცხოქვეყნელთა შეხედულებებს, შემწყნარედ აიბზუებდა ცხვირს ან არადა გაწიწმადებოდა, თუ გერმანელნი შეედავებოდნენ, აგრე დამამცირებელ როლს რად გვაკუთვნებთო.

კრისტოფი ხედავდა ყოველივე ამას, მაგრამ ემანუელზე უხნესი და გამოცდილი იყო და ამიტომ სულაც არ სწყინდა მისგან. რაღა თქმა უნდა, ეს რასობრივი ქედმაღლობა, ცოტა არ იყოს, შეურაცხყოფდა კაცს, მაგრამ კრისტოფს გულთან ახლოს არ მიჰქონდა ეს ამბავი: ხვდებოდა, შვილის სიყვარულისმიერი ილუზია არისო და არ აპირებდა გაეკიცხა ამ წმიდათაწმიდა გრძნობით გამოწვეული მიკერძოება. თანაც კაცობრიობას მთლიანად სასარგებლოდ უჩანს, როცა ხალხებს პატივმოყვარული რწმენა აქვთ თავიანთი მისიისა. მთავარი და, ალბათ, ყველაზე საგულისხმო მიზეზი კი, რაც კრისტოფს აშორებდა ემანუელისაგან, ამ უკანასკნელის ხმა იყო. ეს ხმა ზოგჯერ ცივი, მკივანა ხდებოდა და კრისტოფს სასტიკად სჭრიდა ყურს — ამ დროს სახეც კი დაემანქებოდა. ცდილობდა, არაფერი შეემჩნევიდნენ ემანუელისათვის, ყური მიეგდო ინსტრუმენტისათვის კი არა, მუსიკისათვის. ხეიბარ მგოსანს აღმტაცი გმირობის შარავანდი მოჰფენოდა, როცა უბნობდა გამარჯვებათა მაუწყებელ გონების ძღვეამოსილებაზე, ცის დაპყრობაზე, „მფრინავ ღმერთზე“, ხელს რომ სტაცებს ალტყინებულ ბრბოს და, ბეთლემის შუქურვარსკვლავის დარად, მიიყოლებს უცნობი შორი სივრცეებისაკენ, მომავალი ნაცვალგებისაკენ! ძალმოსილებით აღბეჭდილ ამ ხილვათა დიდმშვენიერებას ხელი არ შეუშლია კრისტოფისთვის, შეეგრძნო საფრთხე, განეჭვრიტა, რა შედეგი შეეძლო გამოეღო საბრძოლო მოწოდებებს და ამ ახალი მარსელიეზას სულ უფრო მზარდ გუგუნს. ცოტა არ იყოს, ირონიულად ფიქრობდა (ისე, რომ არ ენანებოდა წარსული, არც ეწინადა მყოფადისა), ამ სიმღერას მოჰყვება იმგვარი გამოძახილი, რაც მოულოდნელი იქნება თვით პოეტისათვის, და დადგება დღე, როცა აღამაინებთ ინადვლებზე მოედანზე გამართული ზაზრობის გარდასულ დროებასო. რა თავისუფლება იყო იმჟამად! ოქროს ხანა თავისუფლებისა! აღარასოდეს განმეორდება იგი. მსოფლიო მიესწრაფვის ძალის, სიჯანსაღის, ვაჟკაცური საქმიანობისა და, შესაძლოა, დიდების ხანას, ოლონდ იმავე დროს მკაცრი ხელისუფლებისა და სასტიკი დისციპლინის ხანასაც. განა არ მოგვიხშია ამ რკინის საუკუნისათვის, კლასიკური ხანისთვის! დიადი კლასიკური ეპოქები. — ლუი მეოთხემეტის და ნაპოლეონისა — კაცობრიობის მწვერვალზე გვეჩვენება შორიდან. შესაძლოა, ყველაზე დიდი წარმატებებით ხალხს

სწორედ იმ ეპოქებში განხორციელებინოს თვისი იდეალი სახელმწიფოური წყობისა. მაგრამ ერთი ჰკითხეთ იმ დროის გმირებს, რას ფიქრობდნენ თავად ამის თაობაზე. თქვენი ნიკოლა პუნესი წავიდა რომს, საცა სიკვდილამდე ცხოვრობდა: თქვენთან სული ეხუთებოდა. თქვენი პასკალი და თქვენი რასინი განერიდნენ მაღალ საზოგადოებას. კიდევ რამდენი დიდი ადამიანი ცხოვრობდა განმარტობით — შერისხული, დაჩაგრული! მოლიერიც კი ბევრ სიმწარეს მალავდა გულში. რაც შეეხება თქვენს ნაპოლეონს, ვის გამოც ესოდენ სინანულს განიცდით, როგორცა ჩანს, მის თანამედროვეთ ფიქრადაც არ მოსვლიათ თავიანთი ბედნიერების ამბავი, არც თავად მას ჰქონია ამ მხრივ მცდარი წარმოდგენა. იცოდა, როს აღარ ვიქნები, კაცობრიობა შევებით ამონსუნთქავსო: უჰ!.. ხოლო აზრის რა უდაბნოა „იმპერატორის“ ირგვლივ! უკიდევანო ქვიშნარს აფრიკის მზე აცხუნებს...

კრისტოფი ხმამალა როდი გამოთქვამდა ამ თავის აზრებს. რამდენიმე გადაკრული სიტყვა საკმარისი აღმოჩნდა, ემანუელი გაცეცხლებულიყო, და კრისტოფსაც აღარ ჩამოუგდია ამაზე ლაპარაკი. ენას კბილს კი აჭერდა, მაგრამ ემანუელმა იცოდა, გულში რასაც ფიქრობდა კრისტოფი. მეტიც, ბუნდოვნად გრძნობდა, კრისტოფი ჩემზე შორსმჭვრეტელიაო. ეს კიდევ უფრო აგულისებდა. ახალგაზრდა კაცი ვერ აპატიებს ხოლმე უფროსს, როცა ის უფროსი დაანახევებს, ოციოდე წლის შემდეგ ასეთი და ასეთი შეიქნებიო.

კრისტოფი უგებდა გულისნადებს და გუნებაში ფიქრობდა:

„მართალია იგი. ყველას თავისი რწმენა აქვს. რაცა გწამს, იმისი ერთგული უნდა იყო. ღმერთმა ნუ მომიყვანოს აქ მისი რწმენის შესარყევად!“

ოლონდ ემანუელს უკვე ისიც აცბუნებდა, კრისტოფი რომ აქ გახლდათ. როცა ორი ადამიანი ერთად იმყოფება, რაგინდ უნდა იმეცადინოს თითოეულმა, აქაოდა უჩინრად ვიყო, ერთი ყოველთვის დაჯაბნის მეორეს, ხოლო ის მეორე, დამცირებული, წყენას ჩაიხვევს გულში. ამაყ ემანუელს ტანჯავდა კრისტოფის უპირატესობა, ტანჯავდა, კრისტოფი რომ უკეთ იცნობდა ცხოვრებას. ოლონდ ისიც შესაძლოა, კრისტოფის სიყვარული მოსძალებოდეს ემანუელს და თავდაცვას ცდილიყოს...

სულ უფრო კუშტი და გულჩათხრობილი ხდებოდა ემანუელი. კრისტოფს აღარ იღებდა. წერილებზე არ უბასუხებდა. კრისტოფსაც რაღა უნდა ექნა, ძალაუვნებურად ფეხი ამოიკვეთა.

დადგა ივლისი. კრისტოფმა შეაჯამა პარიზში გატარებული ამ რამდენიმე თვის შედეგი: ბევრი ახალი იდეა და ცოტა მეგობარი. ბრწყინვალე და თანვე უზადარუკი წარმატება — რა სასიხარულო კია იხილო შენი სახე, შენი ქმნილება დაკინებული და გაკარიკატურებული გონებაშეზღუდულ ადამიანებში. კრისტოფს იმათი თანაგრძნობა აკლდა, ვისაც მისი ნამდვილი გაგება შეეძლო. გადადგა კიდევ პირველი ნაბიჯი მათთან დასაახლოებლად, მაგრამ არ გამოეპასუხნენ. ვერ შეერთებოდა იმათ, თუმცაღა გულით უნდოდა იმ ხალხის იმე-

დები გაეზიარებინა, მოკავშირეობა გაეწია. იფიქრებდით, სათუთი თავმოყვარეობის გამო ირიდებდნენ მის მეგობრობას, ურჩევნიათ, მტრად იგულებდნენო. მოკლედ რომ ვთქვათ, მისივე თაობის ნაკადმა ისე ჩაიარა, არ შერთვია იმ ნაკადს, მომდევნო თაობისა კი არ იღებდა. მარტოკა იყო და არცთუ აკვირვებდა ეს ამბავი, შესჩვეოდა მარტოსულობას ხანგრძლივი ცხოვრების მანძილზე. ოღონდ მიაჩნდა, რომ ახლა, ამ ახალი ცდის შემდგომ, უფლება მოიპოვა მიპბრუნებოდა თავის შვეიცარიულ სავანეს და იქ ეცხოვრა, ვიდრე განახორციელებდა გეგმას, რომელიც სულ უფრო კონკრეტულ ფორმას იღებდა. რაც უფრო ხანში შედიოდა კრისტოფი, მით უფრო ძლიერ ეუფლებოდა სამშობლოში დაბრუნების სურვილი. იქ არავის იცნობდა და, ალბათ, ამჟამად კიდევ უფრო ცოტას შეხვდებოდა მონათესავე სულის ადამიანს, ვიდრე აქ, ამ უცხო ქალაქში ხვდებოდა. მაგრამ ის ხომ სამშობლო იყო. განა მოითხოვთ, სისხლით წათესავები ისევე ფიქრობდნენ, როგორც თქვენ ფიქრობთ, უამისოდაც ათასნაირი იღუმალი კავშირი გკრავთ: თქვენი გრძნობები იწურთოდნენ ცისა და მიწის ერთი და იგივე წიგნის წასაკითხავად, თქვენი გულები მეტყველებენ ერთსა და იმავე ენაზე.

კრისტოფმა ლაღობით მიუმცნო გრაციას თავის იმედგაცრუებათა ამბავს და შვეიცარიაში დაბრუნების განზრახვაც შეატყობინა; ხუმრობით სთხოვდა პარიზის დატოვების ნებას და სწერდა, იმ კვირას გავემგზავრებო. მაგრამ წერილს ბოლოში მინაწერი ჰქონდა:

„გადავიფიქრე. ჩემი გამგზავრება გადაიდო“.

კრისტოფი სავსებით ენდობოდა გრაციას. რა და რა გულისნადებს არ უმხელდა, მაგრამ იყო ერთი საიდუმლო, რასაც არავის ანდობდა: ეს განლდათ მოგონებები, რაიც ეკუთვნოდა მარტო მას კი არა, იმთაც, ვინც უყვარდა. ასე ღუმადა ყოველივე იმის თაობაზე, რაც ოლივიეს შეეხებოდა. განათუ განზრახ იკავებდა თავს. არა. ეს იყო, სიტყვები ვერ ეპოვა, როცა დააპირებდა, ოლივიეს ამბავს ვუამბობო გრაციას. აკი გრაცია არ იცნობდა ოლივიეს.

და, აი, ერთ დილას, როცა მეგობარს წერილსა სწერდა, კარზე დააკაკუნეს. წამოდგა და კარისკენ გაემართა, თან ბუზღუნებდა, განა მოგასვენებენო ადამიანს. ვილაც თოთხმეტ-თხუთმეტი წლის ბიჭი ბატონ კრისტოფს კითხულობდა. კრისტოფმა ცივად მიიღო იგი. ცისფერთვალა, ქერა ბიჭუნა იყო. ტანმორჩილს, გამხდარს და წელგამართულს სახის ფაქიზი ნაკვთები ჰქონდა. ხმას არ იღებდა და; ცოტა არ იყოს, დაბნეული იდგა კრისტოფის წინაშე. ოღონდ მალევე დაეუფლა თავს, კრიალა თვალები შეანათა კრისტოფს და ცნობისმოყვარედ შეაშტერდა. კრისტოფს ღიმი მოერია მისი მშვენიერი პირისახის შემყურეს. გაეღიმა ბიჭუნასაც.

— მაშ ასე, — თქვა კრისტოფმა, — რა გნებავთ?

— მე მოვედი... — მიუგო ბიჭუნამ.

(კვლავ დაირცხვინა, წამოწითლდა და გაჩუმდა).

— მშვენივრად ვხედავ, რომ მოხვედით, — სიცილით უთხრა კრისტოფ-მა. — მაგრამ ამიხსენით, რამ მოგიყვანათ? ნუთუ ჩემი გეშინიათ?

ბიჭუნამ ისევ გაიღიმა, თავი გაიქნია და მიუგო:

— არა.

— ძალიან კარგი! მაშ მითხარით, ვინა ხართ.

— მე... — დაიწყო ბიჭმა.

კვლავ დაება ენა. ცნობისმოყვარედ ათვალეირებდა კრისტოფის თოახს, უცებ, თვალი ჰკიდა ბუხრის თავზე შემოდგმულ ოლივიეს ფოტოსურათს. კრისტოფმა ძალაუნებურად გააყოლა თვალი მის მზერას.

— აბა! — გაამხნევა კრისტოფმა. — გაბედულალ!

ბიჭუნამ თქვა:

— მე მისი შვილი ვარ.

კრისტოფი შეკრთა; ზეზე წამოიჭრა, ხელი მხრებზე მოჰხვია, მიიხუტა; მერმე მოწყვეტით დაეშვა სკამზე, მაგრად იკრავდა ბიჭს, ისე რომ, სახით თითქმის ეხებოდა სახეს. თვალს არ აცილებდა, თან იმეორებდა:

— ბიჭუნა... საბრალო ბიჭუნა...

უეცრივ თავზე შემოხვია ხელები, უკოცნიდა შუბლს, დაწვებს, ცხვირს, თმას. ბიჭი გაოგნდა და დაფრთხა, რამ გადარიაო, ცდილობდა გასწლტომოდა. კრისტოფმა ხელი უშვა. თან სახეზე აიფარა ხელები, შუბლით კედელს მიეყრდნო და ცოტა ხანს ასე იდგა. ბიჭუნამ შუაგულ თოახისაკენ დაიხია. კრისტოფმა თავი აიღო. სახე მშვიდი ჰქონდა. შეხედა ბიჭს და ალერსიანად გაუღიმა.

— დაგაფრთხე, — უთხრა. — მაპატიე... იცი რა, ძალიან მიყვარდა იგი და ამისი ბრალია.

ბიჭი ჭერაც ვერ მოსულიყო გონს, ხმას არ იღებდა.

— როგორა ჰგავხარ! — თქვა კრისტოფმა. — და მაინც ვერ გიცნობდი. რით განსხვავდებოდა?

მერმე ჰკითხა:

— რა გქვია?

— ჟორჟი.

— ჰო, მართლა. მაგონდება. კრისტოფი — ოლივიე — ჟორჟი... რამდენი წლისა ხარ?

— თოთხმეტისა.

— თოთხმეტი წელი! ნუთუ ამდენი დრო გასულა უკვე? ასე მგონია, გუშინ იყო-მეთქი, — თუ საუკუნეთა წყველიაღში... როგორა ჰგავხარ! იგივე ნაკვთები სახის. იგივე — და მაინც განსხვავებული. თვალის ფერიც იგივე, მაგრამ თვალები — სხვაგვარი; იგივე ღმილი, იგივე ტუჩები, ხმა კი სხვა-ნაირი. შენ უფრო მაგარი ხარ, უფრო გამართულად გიჭირავს ტანი. პირისახე

უფრო მომრგვალო გაქვს, გაწითლებით კი სულ მასავით წითლდები. აქეთ მოიწი, დაჯექი, ვილაპარაკოთ. ჩემთან ვინ გამოგზავნა?

— არავის გამოგუგზავნივარ.

— შენივე სურვილით მოხვედი? კი, მაგრამ საიდან მიცნობ?

— მიაშობდნენ თქვენზე.

— ვინ?

— დედაჩემი.

— აჰ! — თქვა კრისტოფმა. — მერე იცის, ჩემთან რომ წამოხვედი?

— არა.

ერთხანს იყუჩა კრისტოფმა, მერმე ჰკითხა:

— სად ცხოვრობთ?

— მონსოს პარკის ახლოს.

— ნუთუ ფეხით მოხვედი? კარგა ბევრი გივლია. დაიღლებოდი.

— მე არასდროს ვიღლები.

— აი, ეგ მომწონს! აბა, მაჩვენე შენი კუნთები. (ხელით მოუსინჯა).

— მაგარი ბიჭი ყოფილხარ... კი მაგრამ, რამ მოგაფიქრა ჩემი მონახუ-

ლება?

— აკი მამაჩემს ყველაზე მეტად თქვენ უყვარდით.

— ეგ შენ იმან გითხრა? (შეასწორა). დედაშენმა გითხრა?

— დიახ.

კრისტოფს ჩაეცინა. გუნებაში გაივლო: „იმასაც... იმათ ყველას როგორ ჰყვარებიათ ოლივიე! მერედა რატომ არ ამქლავებდნენ ამას?“

კვლავ ბიჭს მიუბრუნდა:

— აქამდე რაღას უყურებდი?

— წინათაც მინდოდა მოსვლა. მაგრამ მეგონა, არ ისურვებდით ჩემს მიღებას.

— მე-ე?!

— ამ რამდენიმე კვირის წინ, შევილიარის კონცერტზე, უცაბედად მოგ-  
კარით თვალი. დედასთან ერთად ვიჯექი, თქვენგან სულ რამდენიმე სავარ-  
ძელი გვაშორებდა; თავი დაგვიკარით. თქვენ ერთი აღმაცერად გამოძახედით,  
წარბი შეიჭმუხნეთ და სალამზე არ მიპასუხეთ.

— გამოგხედო? საბრალო ბიჭუნა. ეგ რამ გაფიქრებინა? უბრალოდ ვერ  
შეგნიშნე. მხედველობა არ მივარგა. ამიტომ ვიჭმუხნი ხოლმე წარბს... მაშ,  
შენი აზრით, ავგული ვყოფილვარ?

— მე მგონია, როცა მოისურვებთ, შეგიძლიათ ავგული იყოთ.

— მართლა? — თქვა კრისტოფმა. — კი მაგრამ, რაკი გეგონა, არ მიგი-  
ლებდი, რაღამ გაგაბედვინა ჩემთან მოსვლა?

— მინდოდა მენახეთ.

— თუკი უკანვე გაგისტუმრებდი?

— არ დაეუშვებდი ამას.

რიხიანად თქვა, დარცხვენით და იმავე ღროს გამომწვევდაც.  
კრისტოფმა გადაიხარხარა, ჟორჟსაც სიცილი აუტყდა.

— ეგ კი არა, მე თვითონ მიმაბრძანებდი კარში! ერთი უყურე, რა თამა-  
შია! არა, სულაც არა ჰგავხარ მამაშენს.

ბიჭს ცოცხალი სახე მოედღა.

— თქვენი აზრით, არა ვგავარ? აკი ეს-ეს არის ამბობდით... თქვენ გგო-  
ნიათ, არ ვეყვარებოდით? მაშ, არც თქვენ გიყვარვართ?

— რაში გენაღვლება, მიყვარხარ თუ არა?

— ძალიანაც მენაღვლება.

— რატომ?

— მიყვარხართ და იმიტომ.

იმ წუთს კრისტოფის სახეზე — თვალეზში თუ ტუჩის კუთხეებში — ათ-  
ნაირი სულ სხვადასხვა გამომეტყველება შეიცვალა! იმისდაგვარად, როგორც  
აპრილის დღეს ველ-მინდვრებს გადაუბრუნეს ხოლმე ჩრდილები ღრუბლებისა,  
გაზაფხულის ჭარი რომ მიერეკება. ამ ბიჭს რომ უცქეროდა და უსმენდა, კრის-  
ტოფი სინარულსა და სიამეს განიცდიდა. აგრე ეგონა, აღრინდელ ზრუნვათა  
ტვირთი ჩამოხსნოდეს. დაეწიქებას მიეცა მძიმე გასაჭირი, საღმობა მიხიც და  
ოლივიესიც — კვლავ ორძინდებოდა კრისტოფი ოლივიეს ამ ახალგაზრდა  
შთამომავალში.

ბაასი გააბეც. ჟორჟი ბოლო ხანამდე სრულებით არ იცნობდა კრისტო-  
ფის მუსიკას. მაგრამ მას შემდეგ, რაც კრისტოფი პარიზს დაბრუნდა, არ გაუ-  
ცდენია არც ერთი კონცერტი, სადაც მისი ნაწარმოებები სრულდებოდა. როცა  
ამ ამბავზე ჩამოაგდო სიტყვა, სახე გამოუტოცხლდა, თვალეზი გაუბრწყინდა,  
იციინოდა და თან ლამის ტირილი მორეოდა, შეყვარებულს ემსგავსებოდა.  
კრისტოფს გამოუტყდა, ვაღმერთებ მუსიკას და მეც მინდა კომპოზიტორი  
გავხდეო. კრისტოფმა რამდენიმე შეკითხვა დაუსვა და დარწმუნდა, მუსიკის  
ანაბანა არ სცოდნიაო. მერმე სწავლის ამბავი გამოჰკითხა. ახალგაზრდა ქანენი  
ლიცეუმში დადიოდა თურმე. უღარდელად განაცხადა, წარჩინებულ მოსწავ-  
ლეთა რიცხვს სულაც არ ეკუთვნისო.

— რა უფრო გემარჯვება — ჰუმანიტარული თუ ზუსტი მეცნიერებანი?

— მგონი, არც ერთი და არც მეორე.

— მაინც რატომ? რა მიზეზია? ხომ არ ზარმაცობ?

ჟორჟმა გულიანად გადაიკისკისა და თქვა:

— ეტყობა, ასეა! — მერმე ნდობის კილოთი დასძინა: — თუმცა მშვენიერ-  
რად ვიცი, რომ ასე არ არის.

კრისტოფს ძალაუნებურად სიცილი წასკდა:

— აბა, რა გიშლის ხელს, რატომ არ მეცადინებ? განა არაფერი გაინ-  
ტერესებს?

- როგორ არა! ყველაფერიც მაინტერესებს!
- აბა, რა გჭირს?
- ყველაფერი მაინტერესებს, დრო კი არა მყოფნის...
- დრო არა მყოფნისო? კი, მაგრამ რითი ხარ დატვირთული, ეშმაკმა

დალაზვროს?

ქორემა გაურკვეველი ექსტი გამოხატა:

— ათასი რამით: მუსიკას ვსწავლობ, სპორტს მივსდევ, გამოფენებზე დავდივარ, ვკითხულობ...

— ყველაფერს გიჯობდა, სახელმძღვანელოები გეკითხა.

— სახელმძღვანელოებში რას ნახავ საინტერესოს... კიდევ ვმოგზაურობთ. წინა თვეს ინგლისში ვიყავი, დავესწარი ოქსფორდისა და კემბრიჯის მატჩს!

— ალბათ, ძალიან გამოგადგებოდა მეცადინეობაში!

— კი! ასე უფრო მეტს გაიგებ, ვიდრე ლიცეუმში ჯდომით.

— შერე დედაშენი რას გეუბნება?

— დედაჩემიო? ოჰ, ძალიან გონიერია, რაც მინდა, ყველაფერს მიკეთებს.

— აჰ, შე საძაგელო! ბედი შენი, მამაშენი არა ვარ.

— ეგ ბედი კი არა, უბედობაა თქვენი...

ისეთი მომხიბლავი იყო, ამ მის ხიბლს უნებურად დაემორჩილებოდი.

— ერთი ეს. მითხარი, დიდო მოგზაურო, — შეეკითხა კრისტოფი, — ჩემს სამშობლოს თუ იცნობ?

— კი.

— დარწმუნებული ვარ, ერთი ღერი გერმანული არ გეცოდინება.

— როგორ არა, კარგად ვიცი ეგ ენა.

— აბა, ენახოთ.

გერმანულად დაიწყეს ლაპარაკი. ბიჭუნა ენას ამტვრევდა, ჩიქორთულად ლაპარაკობდა, ოღონდ კომიკური რიხით; ერთობ საზრიანი იყო, ცოცხალი გონების პატრონი, და უმაღლესი იგულებდა, ვიდრე მიხვდებოდა ხოლმე, შეცდომა დაეუშვით; თვითვე პირველი მოჰყვებოდა სიცილს იმ თავისი შეცდომის გამო. გატაცების უამბობდა თავის მოგზაურობებზე, წაკითხულ წიგნებზე. კითხვით ბევრს კითხულობდა, ოღონდაც ნაჩქარევად და ზერელედ, გვერდს ნახევრად თუ წაიკითხავდა, დანარჩენს წარმოსახვით შეავსებდა; ეს კია, მუდამ ცინცხალი ცნობისწადილით იყო აღძრული, ახერხებდა ყველგან ეპოვა აღტაცების საბაბი. ქორეი ხან ერთ საგანს გადასწვდებოდა საუბრისას, ხან — მეორეს. სახე აეგზნებოდა ხოლმე, როცა ალაპარაკდებოდა იმ სპექტაკლებზე ან ნაწარმოებზე, მას რომ აღელვებდა. არეულ-დარეული ცოდნა ჰქონდა. გასა-

<sup>1</sup> სპორტული შეჯიბრი ინგლისის ორი უნივერსიტეტის — ოქსფორდისა და კემბრიჯის — გუნდებს შორის.



კვირი იყო, როგორ შეეძლო ამდენი ბუღეარული რომანი გადაეკითხა და წარმოდგენა არა ჰქონდა კლასიკურ ქმნილებებზე.

— ეგ ყველაფერი კარგია, — უთხრა კრისტოფმა. — მაგრამ, თუ გინდა, კაცი დადგე, უნდა იშრომო.

— ოჰ! მაგის დარდი სულ არა მაქვს. ჩვენ მდიდრები ვართ.

— დალახვროს ეშმაკმა! აბა, სახუმაროდ აღარ ყოფილა საქმე. გინდა, არაფრის მაქნისი, უქნარა იყო?

— კი, აბა; მინდა ყველაფერს ვაკეთებდე. სულელურია, შენი დღე და მოსწრება ერთსა და იმავე პროფესიას გადააკვლე.

— კო, მაგრამ ეგ ერთადერთი საშუალებაა, ჩეროვნად დაეუფლო მას.

— ასე ამბობენ.

— როგორ თუ „ამბობენ“? მე გეუბნები აგერ. აი, უკვე ორმოცი წელიწადია, რაც ჩემს ხელობას ვსწავლობ და მხოლოდ ახლა ვახერხებ დაუფლებას.

— ორმოცი წელი ხელობის შესასწავლად! მერე როდისღა უნდა იმუშაო?

კრისტოფს გაეცინა.

— პატარა ფრანგო—ჭკუის კოლოფო.

— მინდა მუსიკოსი გამოვიდე.

— კეთილი, ნაადრევად როდი ჰკიდებ ამ საქმეს ხელს. გინდა გამეცადინო?

— ოჰ, ჩემს ბედს ძალი არ დაჰყევდა!

— ხვალვე მოდი. ვნახავ, რა შეგიძლია. თუ ბედოვლათი გამოდგები, იცოდე, პიანინოს არ მიგაკარებ. უნარი თუ გამოგაჩნდება, ვეცლებით რამე გისაშველოთ. ოღონდ გაფრთხილებ; შრომას გასწავლი.

— ვიშრომებ, — აღტაცებით მიუგო ჟორჟმა.

შეხვედრა სახვლიოდ დათქვეს. მაგრამ წასვლისას ჟორჟს უცებ მოაგონდა, რომ ხვალაც და ზეგაც უკვე დანიშნული ჰქონდა სხვა შეხვედრები. აგრეა, კვირის ბოლოსღა ეცლება. დღე და საათი დათქვეს.

მაგრამ იმ დათქმულ დღესა და საათს კრისტოფი ამაოდ ელოდა ჟორჟს. გული გაუტრუნდა. ბალღური სიხარულით ნატრობდა ჟორჟთან შეხვედრას. იმ მოულოდნელმა სტუმრობამ ცხოვრება გაუცისკროვნა. ისეთი ბედნიერი და აღელვებული იყო, იმ დამეს თვალი არ მოუხუჭავს. სინაზითა და მადლიერებით ფიქრობდა ნორჩ მეგობარზე, ძმობილის სახელით რომ ეწვია; გულში უღიმოდა ამ მშვენიერ ხატებას. მისი სიხალისე, მომნიბვლელობა, ეშმაკურობა და ამავე დროს ალალი სიწრფელე აღტაცებას ჰკვირდა. ერთიანად მისცემოდა იმ ჩუმი ბედნიერებით თრობას, რისგანაც ვალობა ედგა ყურებში და უვალობდა გული ოლივიესთან მეგობრობის იმ პირველ ჟამს. ახლა ამას ემატებოდა უფრო საგულისხმო და ლამის მოწიწების მომგვრელი გრძნობა. ცოცხალთა სახეზე იმათ ღმილს ჰკვრეტდა, ვინც სამუდამოდ წასულიყო. ერთ

დღეს უკადა კრისტოფმა, მეორე დღეს უკადა. ბაიბური არ ისმოდა: ბარათიცი არ გამოუგზავნია ბოდიშის მოსახდელად. დანაღვლიანებული კრისტოფი ცდილობდა ბიჭის გამამართლებელი მიზეზები დაეძებნა. თვითონ მისამართი არ იცოდა და ვერ მისწერდა. ვინდაც სცოდნოდა, საეჭვოა მიეწერა. როცა ხნიერი კაცი გულითადი გრძნობით შეიტროვბს ახალგაზრდა არსებას, რცხვენია გამოუტყდეს, რარეგ სპირდება მისი თავი, რადგან მშვენიერად იცის, რომ იმას, ვინც ახალგაზრდაა, არა აქვს ამგვარი მოთხოვნილება, — მხარეები თანასწორი როდია; ფრად უსიამოა, აბეზარი ეჩვენო იმას, ვისაც შენ სრულებით არ აინტერესებ.

დუმილი გრძელდებოდა. თუმცა კრისტოფი იტანჯებოდა, თავს ძალა დაატანა, არაფერი ელონა ეანენების მოსაძებნად. ეს კია, ყოველდღე ელოდებოდა ნანატრი სტუმრის გამოჩენას. შვეიცარიას აღარ წასულა. ზაფხული პარიზში გაატარა. სულელურად ვიქცევით, ფიქრობდა. მაგრამ მოგზაურობაც აღარ იზიდავდა. მხოლოდ სექტემბერში გადაწყვიტა, რამდენიმე დღე ფონტენბოლში გაეტარებინა.

დაახლოებით ოქტომბრის ბოლოს ყორე ეანენი ისევ გამოეცხადა. გულმშვიდად, სრულიად შეუტბუნებლად მოუხადა ბოდიში, სიტყვა გაეტეხეო.

— ვერ მოვახერხე მაშინ მოსვლა, — თქვა — მერმე კი გავემგზავრეთ; ბრეტანში ვიყავით.

— წერილი მაინც მოგეწერა, — უთხრა კრისტოფმა.

— ჰო, სულ ვაპირებდი. მაგრამ დრო არასოდეს მყოფნის... მერმე კი — გაიცინა და ისე თქვა, — გულიდან ვაღამეარდა, ყველაფერი მავიწყდება ხოლმე.

— როდის დაბრუნდი?

— ოქტომბრის დამდეგს!

— მერე სამი კვირაა, ჩემთან მოსვლას ეპირები? ერთი გულახდილად მითხარი: დედაშენი ხომ არაა წინააღმდეგი? არ უნდა ჩემთან დადიოდე?

— სულაც არა. პირიქით. ეგ მან მითხრა დღეს, წადი, ინახულეო.

— წესიერად ამიხსენი.

— წინაზე, არადადგებამდე ცოტათი აღრე, თქვენსა რომ ვიყავ და შინ დავბრუნდი, დედაჩემს ყველაფერი მოვუყვიე. შემაქო, დაწვრილებით გამოძკითხა თქვენი ამბავი, შეკითხვები დამაყარა. ბრეტანიდან რომ ჩამოვბრუნდით ამ სამიოდე კვირის წინ, მირჩია, მომენახულებინეთ. წინა კვირას ისევ შემახსენა. ამ დილით კი, შეიტყო თუ არა, კიდევ არ ყოფილაო, გამიჯავრდა და გამაფრთხილა, ნასაუზმევსევე აღდექი და წადიო.

— მერე არა გრცხვენია, ამას რომ მიამბობ? ძალით გდენიან ჩემთან, არა?

— არა, არა, მასე ნუ იფიქრებთ... ო, გული გატკინეთ! მაპატიეთ... თავქარიანი ვარ და რა ვუყო... გამათახეთ, ოლონდ ნუ გაბრაზდებით. მე მიყვარხართ. რომ არ მიყვარდეთ, არც მოვიდოდი. კაციშვილი ვერ მაიძულებდა. თუ რამეს მაიძულებს კაცი, ისევ იმას, რაც თვითონ მინდა.

— ჰა, შე საძაგელო, — თქვა კრისტოფმა და უნებლიეთ გაეცინა. — მუსიკას შეეისწავლიო, გეგმა რომ გქონდა, იმისას რას აპირებ? ხომ არ დაივიწყე?

— ოჰ, სულ მაგაზე ვფიქრობ.

— ფიქრი რას უშველის.

— ახლა ნამდვილად შეეუდგები. ეს თვეები არ მეცალა, აუარება საქმე მქონდა. აწი კი ნახავთ, როგორ ვიშრომებ, თუ თქვენ კვლავინდებურად თანახმა ხართ...

შესციცინებდა კრისტოფს).

— ცუდლუტი ხარ, — უთხრა კრისტოფმა.

— არასერიოზული გგონივართ?

— რასაკვირველია.

— რა მეშველება! ყველანი არასერიოზულად მთვლიან. აღარ ვიცი, რა წყალში ჩავეარდე.

— სერიოზულ კაცად მაშინ ჩაგთვლი, როცა ვნახავ, როგორ შრომობ.

— მაშინ ბარემ დავიწყოთ!

— დღეს არა მცალია, ხვალ.

— ხვალამდე რა ამბავია. როგორ ავიტანო, რომ მთელი დღეგანდელი დღე უნდა გძაგდეთ.

— ერთი ამას დამიხედეთ.

— გეხვეწებით!

კრისტოფმა, თავის სისუსტეზე რომ ეცინებოდა, ფორტეპიანოსთან დასვა იგი და მუსიკის თაობაზე გაუმართა საუბარი. შეკითხვებს უსვამდა, პატარა-პატარა იოლ ამოცანებს ახსნევინებდა ჰარმონიაში, ჟორჟს მცირედი ცოდნა ჰქონდა, მაგრამ მუსიკალური ალლო ეხმარებოდა. კრისტოფის მოთხოვნით იმ აკორდებს პოულობდა, რომელთა სახელი არ იცოდა; მაშინაც კი, როცა უხეში შეცდომები მოსდიოდა, ცნობისწადილს, გემოვნებასა და აღქმის განსაკუთრებულ სიმახვილეს ავლენდა. ეკამათებოდა კიდევ კრისტოფს ამა თუ იმ შენიშვნის გამო, ხოლო თავად ისეთ გონივრულ შეკითხვებს აძლევდა, რაიც მის შინაგან სიწირფოებას ადასტურებდა: არ სურდა, ხელოვნების მნიშვნელობა დაუმტკიცებლად დაეჭვებინა, ვითარცა გაზეპირებული ლოცვა, ანგარიში-მიუცემლად რომ წარმოთქვამენ; უნდოდა დამოუკიდებლად გაეგო იგი. მართოდენ მუსიკის შესახებ როდი საუბრობდნენ. როცა ჰარმონიას შეეხნენ, ჟორჟი იხსენებდა სურათებს, პეიზაჟებს, აღამიანებს. ძნელი იყო, აღვირამოდებული გყოლოდა, ხშირ-ხშირად უნდა მოგებრუნებინა მთავარი თემისაკენ, ოღონდ კრისტოფს ყოველთვის როდი ჰყოფნიდა საამისო მამაცობა. ახალისებდა ამ მჩქეფარე, გონებაშეკვირვებულ ახალგაზრდა არსების მხიარული ტიქტიკი. რარიც განსხვავდებოდნენ ხასიათით ისა და ოლივიე! ერთში სიცოცხლე დიოდა ლუბრმა, წყნარ მდინარედ; მეორეში კი ყველაფერი ზედაპირზე ამოზიდულიყო მზეზე მოციმციმე გიჟმაჟი ნაკადულის მსგავსად. მაგ-

რამ წყალი მდინარისაც და ნაკადულისაც ერთნაირად გამჭვირვალე და კამ-  
კამა იყო მათივე თვალბევით. კრისტოფს ღიმი მოერია, როცა ჟორჟს შენიშ-  
ნა აგრე საცნაური, თანდაყოლილი ზრძნობა ზოგი რამის სიყვარულის და ზო-  
გი რამის სიძულვილისა, მიამიტური შეურიგებლობა და დიდსულოვნებით  
აღბუქდილი გული, რომელმაც ხალასი სიყვარული იცის. მაგრამ ჟორჟს იმდენ-  
ნი სხვადასხვა რამ იტაცებდა, უბრალოდ არ შეეძლო ერთი და იგივე რამე  
დიდხანს ჰყვარებოდა.

ჟორჟი მეორე დღესაც ესტუმრა და კიდევ მრავალ დღეს აკითხავდა. წარ-  
მტაცი ჰაბუკუჩი სიყვარულით ალეგზნო კრისტოფისადმი, აღფრთოვანებით მე-  
ცადინეობდა. მერმე ის აღფრთოვანება გაუნელდა, იშვიათადლა მოდიოდა.  
ბოლოს სულ ამოიკვეთა ფეხი. მრავალი კვირის მანძილზე აღარ გამოჩენილა.

ჟორჟი თავქარიანი, გულმავიწყი და მიამიტურად ეგოისტური გახლდათ.  
ოღონდ ადამიანებისადმი კეთილად იყო განწყობილი; სათნო გული და ცოცხა-  
ლი გონება ჰქონდა. თუმცა ამ სიკეთეს წვრილმან რამეებზე ახურდავებდა  
ისე მოგზიბლავდათ, ყველაფერს აპატიებდით. ქუდბედიანი იყო.

არც კრისტოფს სურდა, გაეკიცხა იგი. არც რამეს შესჩივლებდა. ჟაკლინს  
წერილი მისწერა და მადლობა გადაუხადა იმის გამო, რომ შვილს უგზავნიდა.  
ჟაკლინმა მოკლე, თავშეკავებული ტონით დაწერილი ბარათი გამოუგზავნა:  
სურვილს გამოთქვამდა, კრისტოფს მონაწილეობა მიეღო ჟორჟის აღზრდაში,  
ხელმძღვანელობა გაეწია მისთვის. თვით კრისტოფთან შეხვედრის შესაძლებ-  
ლობის თაობაზე სიტყვა არ გადაუკრავს. სირცხვილისა და სიამაყის გრძნობის  
გამო ვერ გაებედა ხელახლა შეხვედროდა. კრისტოფს კი მიუპატიჟებლად  
მისვლა ეუხებრხულებოდა. ასე, ერთმანეთისაგან შორიშორ ცხოვრობდნენ,  
კონცერტზე თუ შეხვედებოდნენ ზოგჯერ: ჟორჟის კანტიკუნტი მისვლა-მოსვლა  
აკავშირებდათ მხოლოდ.

გავიდა ზამთარი. გრაცია იშვიათადლა სწერდა. კვლავინდებურად ერთგულ  
მეგობრად რჩებოდა. მაგრამ, ვით ჰეშმარიტ იტალიელს, ვისაც სანტიმენტა-  
ლურობა აგრერიგად არ სჩვევია, სინამდვილე ეძვირფასებოდა; ადამიანებთან  
შეხვედრის მოთხოვნილება ჰქონდა; ეგების მათზე ფიქრი არც აწუხებდა, სა-  
მაგიეროდ მასლაათი ეამებოდა. მოგონებანი გულში რომ შეენახა, ჟამ-ჟამად  
მხედველობითი მეხსიერებით უნდა გაეცოცხლებინა ისინი. ასე რომ, მისი წე-  
რილები სულ უფრო მოკლე-მოკლე და შორეული შეიქნა. კრისტოფის ერთ-  
გულეობა არ აეჭვებდა, ისევე როგორც კრისტოფსაც სჯეროდა მისი. მაგრამ ამ  
ურთიერთრწმენას ნათელი უფრო ახლდა, ვიდრე სითბო.

კრისტოფს არცთუ ძალიან ტანჯავდა ეს ახალ-ახალი იმედგაცრუება. მუ-  
სიკალურ საქმიანობას ერთიანად შეეპყრო. როცა განსაზღვრულ ასაკს მიაღ-  
წევს, ყოველი ძალმოსილი ხელოვანი უფრო თავისი ხელოვნებით ცხოვრობს,  
ვიდრე რეალური ცხოვრებით: ცხოვრება ოცნებად გადაექცევა, ხელოვნება კი  
რეალობად. პარიზმა შემოქმედებითი აზრი გაუღვიძა კრისტოფს. ქვეყნად ისე

არაფერი შეგაგულიანებს, ვით ცქერა შრომის ამ ქალაქისა. ფლეგმატურზე ფლეგმატური ადამიანებიც კი ჩაუთრევია მის გაცხარებულ საქმიანობას. კრისტოფს რამდენიმე წელი დაეყო სასიკეთო განმარტოებაში, დაესვენებინა, დიდი ძალა მოეკრიბა და აწ კვლავ შეეძლო დახარჯულიყო. იმ ახალი მონაპოვრით გამდიდრებული, რაიც გაბედულსა<sup>1</sup> და მძიებელ ფრანგულ აზრს ეკუთვნოდა მუსიკალური ტექნიკის დარგში, თავადაც თამამად შეუდგა ძიებას; სხვებზე უფრო დაუცხრომელი და ხალასი, გაცილებით უფრო მეტადაც დაწინაურდა. ოღონდ ამ თამამი სწრაფვისას თავნება ინსტინქტს აღარ იყო დანდობილი. სინათლის, სიმწყობრის მოთხოვნილება დაუფლებოდა. მთელი ცხოვრების მანძილზე ცვლადი ღენის რიტმს ემორჩილებოდა მისი გენია. მოძრაობდა პოლუსიდან პოლუსისაკენ, აესებდა მათშუა განფენილ სივრცეს. თუ წინარე პერიოდში გაფაციცებით ჰკერტდა „ქაოსის თვალებს, წესრიგის საბურჯლის წაღ რამ კართოდა“, თუ მაშინ ლამის იყო ჩამოეგლიჯა ის საბურველი იმა თვალთა უკეთ დასანახავად, ახლა ლამობდა, განრიდებოდა დამლუპველ გრძობას, კვლავ გადაეფარებინა სფინქსის სახეზე ჯადოსნური რიდე გონების მეუფისა. რომის ძალუმი სუნთქვა შეჰხებოდა. მსგავსად პარიზული ხელოვნებისა, რისი გავლენაც განიცადა, წესრიგისაკენ ისწრაფოდა. ოღონდ ნიათგამოცლილ რეაქციონერთ როდი ჰგავდა, თავიანთი ძილის დაცვას რომ ახმარენ იმ ძალას, რაც კიდევ შერჩენიათ, იმგვარი წესრიგი როდი უნდოდა, როგორც ვარშავაში შეექმნათ!<sup>1</sup>

სიმშვიდემოწყურებული ეს საუცხოო ადამიანები კვლავ ბრამსს უბრუნდებოდნენ — ბრამსს ხელოვნების ყველა დარგში, ოსტატებს თემატური მუსიკისას, უგვან ნეოკლასიკოსთ! ასე იტყოდით, ვნებებმა იმათ ძალ-ღონე გამოუღიესო! რა მალე გამოიფიტეთ, ჩემო მეგობრებო! არა, თქვენებურ წესრიგზე როდი ვლაპარაკობ. ჩემი წესრიგი სხვანაირია. ეს არის წესრიგი ჰარმონიის, ლალი ვნებების და ნებისა... კრისტოფი ცდილობდა სიცოცხლის ძალთა თანაფარდობა შეენარჩუნებინა თავის შემოქმედებაში. ახალი აკორდები, მოგუგუნე უფსკრულიდან გამოხმობილი ეს მუსიკალური ეშმაკუნები საშუალებას აძლევდა, შეექმნა ნათელი სიმფონიები, დიდი, მზეგადაფრქვეული ნაგებობანი, მსგავსანი იტალიურკუმბათებიანი ტაძრებისა.

ამ შრომასა და ჭიდილში მიიღია ზამთარი. მიიღია სწრაფად, თუმცა ზოგჯერ საღამოობით, როცა კრისტოფი მუშაობას მორჩებოდა, და უკან მოიხედავდა, გონების თვალს გადაავლებდა განვლილ გზას, ვერ გეტყოდით, გრძელი იყო ის გზა თუ მოკლე, ისევე ახალგაზრდა ეთქმოდა თავად თუ უკვე დაბერებულიყო.

<sup>1</sup> შინიშნებულია საფრანგეთის საგარეო საქმეთა მინისტრის მარშალ სებასტიანის ცნობილი ფრაზა: „ვარშავაში წესრიგი სუფევს“. ასე აღუწა მარშალმა სებასტიანიმ 1831 წლის 16 ოქტომბერს დეპუტატთა პალატას მეფის რუსეთის ჯარების მიერ რევოლუციური ვარშავის აღების ამბავი.

ამ დროს ადამიანისეული მზის ახალმა სხივმა გაფანტა ოცნების ბურუსი, კვლავ დადგა გაზაფხული. კრისტოფმა წერილი მიიღო გრაცისაგან. გრაცია ატყობინებდა, პარიზს მოვემგზავრებო ორივე ბავშვითურთ. დიდი ხანია, ეს განზრახვა ჰქონოდა. ბიძაშვილ კოლეტსაც მრავალგზის მიეპატუებინა. ოღონდ ეზარებოდა, თავისი ჩვეულებანი დაერღვია, დაეთმო. საყვარელი home'-ის სანუკვარი მყუდროება და პარიზული ცხოვრების ნაცნობ ორმოტრიალში ჩაბმულიყო, ეზარებოდა და წლიდან წლამდე დებდა რომიდან გამგზავრებას. ამ გაზაფხულს ნაღველმა შეაწუხა, შესაძლოა, რაიმე ფარული გულგაცრუების ბრალიც ყოფილიყოს, რომის მიტოვების სურვილი რომ გასჩენოდა (ვინ იცის, რამდენ უსიტყვო რომანს მალავს ქალის გული, გარშემომყოფნი გუშანითაც ვერ მიუხვდებიან ამას, ის კი არა, თავის თავსაც არ გამოუტყდება ხოლმე!). ეპიდემიის საფრთხემ, იმის შიშმა, ბავშვებს არაფერი დაემართოსო, დააჩქარებინა წამოსვლა. წერილის გამოგზავნიდან რამდენიმე დღის შემდეგ გამოემგზავრა კიდევაც.

შეიტყო. თუ არა, კოლეტთან გაჩერებულაო, კრისტოფი სანახავად გაეშურა. გრაცია ფიქრიანი და რალაცნაირი შორეული ეჩვენა. გული დასწყვიტა ამ ამბავმა, ოღონდ არაფერი დაიმჩნია. თითქმის მთლიანად დაქვია თავისი ეგოიზმი და ამის წყალობით გულთმისნის ალღო მინიჭებოდა. მიხვდა, რალაცას დაუდარდიანებია, გამხვლა კი არა სურსო, ჰოდა, არ ჩასციებია. მხოლოდ იმას ცდილობდა, გაერთო იგი. მზიარულად უყვებოდა თავის ჭირსა და ლბინზე, სამუშაოზე, გეგმებზე და შეუძინევლად ჰხვევდა თავისი სიყვარულის სათუთ ქსელში. ქალი გრძობდა, რარიგ მოიცავდა მთელს მის არსებას კრისტოფისგან დაძრული საოცარი სინაზე, რარიგ ფრთხილად ეპყრობოდა კაცი, აბეზარი არ ვეჩვენო; ხვდება, რაც განვიცადეო, ფიქრობდა გრაცია და გული უჩუყდებოდა. მისი დასევდიანული გული შვებას გრძობდა მეგობრის გვერდით, რომელიც ათას ამბავს უყვებოდა, იმას კი, რასაც ორივენი ფიქრით უტრიალებდნენ, ფაქიზად გვერდს უვლიდა. თანდათან შენიშნა, როგორ ეფანტებოდა მეგობარ ქალს თვლებში ჩაწოლილი სევდის ბინდი, მისი მზერა უფრო და უფრო ახლოებლი ხდებოდა... ბოლოს, საუბრით გართული, უცებ შედგა და უსიტყვოდ მიაჩერდა.

— რა მოხდა? — ჰკითხა ქალმა.

— დღეს, — უთხრა კრისტოფმა, — მთლიანად გამობრუნდით.

გრაციას გაეღიმა და ჩურჩულით მიუგო:

— ჰო.

ყოველთვის ვერ ახერხებდნენ მყუდრო საუბარს. იშვიათად თუ დარჩებოდნენ მარტონი. კოლეტი გაცილებით უფრო ხშირად ანიჭებდათ სიამოვნებას მათთან შემოსვლით, ვიდრე თავად ისურვებდნენ: ნაკლი კი ჰქონდა, მაგრამ

<sup>1</sup> სახლი (ინგლ.).

მანც რიგიანი ქალი იყო კოლეტი, კრისტოფისა და გრაციას ერთგული, ოღონდ ფიქრადაც არ მოსდიოდა, შეიძლება ამათ ხელს ეუშლიდეთ. კრისტოფისა და გრაციას დამოკიდებულებაში ის შეამჩნია (მის თვალს არაფერი გამოეპარებოდა), რასაც „ფლირტს“ უწოდებდა. ფლირტი მისი სტიქია გახლდათ. ამ ამბავმა ალტაცება მოჰგვარა, ცდილობდა ყოველნაირად ხელი შეეწყო მისთვის. მაგრამ არამკითხესავით ემართებოდა. კრისტოფსა და გრაციას ერთი რამ უნდოდათ მხოლოდ: ნეტა ეს ქალი ცხვირს არ ყოფდეს ჩვენს საქმეშიო. როცა გამოეცხადებოდათ და რომელიმე მათგანს ქარაგმულად ან აშკარად სიტყვას გადაუკრავდა მათი შეგობრობის თაობაზე, ორივენი გაქვავებულ იერს მიიღებდნენ და საუბარს სხვა რამეზე გადაიტანდნენ. კოლეტი სხვადასხვაგვარი მიზეზით ხსნიდა მათს თავშეკავებულობას. ნამდვილი მიზეზისა კი არა უწყობდა. რა. მათდა საბედნიეროდ, ერთ ადგილზე დიდხანს ვერ ჩერდებოდა. აქეთ-იქით დაქროდა, მიდიოდა და მოდიოდა. მთელ სახლს ის განაგებდა, ერთბაშად ათნაირი საქმით იყო გართული. როცა კოლეტი ოთახიდან გავიდოდა და თავს ბეშვების ამარა დაიგულებდნენ, კრისტოფი და გრაცია კვლავ განაახლებდნენ ზოლმე უმანკო საუბრის გაწყვეტილ ძაფს. არასდროს ლაპარაკობდნენ იმ გრძნობაზე, რაც ერთმანეთთან აკავშირებდათ. თავიანთი ყოველდღიური ცხოვრების პატარ-პატარა ამბებს უზიარებდნენ ერთიმეორეს. გრაცია წმინდა ქალურ ცნობისწადილს იჩენდა, კრისტოფის ყოფა-ცხოვრების ამბავს იძიებდა. ყველაფერი ცუდად მისდიოდა კრისტოფს. გაუთავებელი შეხლა-შემოხლა მოსდიოდა მნე ქალებთან; მოახლე მუდამ აცურებდა და ქურდავდა. გრაცია გულიანად დასცინოდა, როცა ამას ისმენდა, თანაც ღელური თანაგრძნობით ეპყრობოდა ამ სრულიად არაპრაქტიკულ ღიდ ბავშვს. ერთხელ, როცა სულთამხუთავი კოლეტი როგორც იქნა ოთახიდან გავიდა, გრაციამ ამოიხზრა და თქვა:

— საბრალო კოლეტი! ძალიან მიყვარს... მაგრამ როგორ მომაბეზრა თავი!

— მეც მიყვარს, — მიუგო კრისტოფმა, — თუ ამით იმის თქმა გინდათ, რომ გული შეგიიწუხა.

გრაციას გაეცინა:

• — მისმინეთ... ნებას მომცემთ (აქ მართლაც ვერ მოახერხებ დაჯდვ და გუნებეირად ისაუბრო ადამიანმა)... ნებას მომცემთ, თქვენთან მოვიდეთ?

კრისტოფი გაშტერდა.

— ჩემთანო? ჩემთან მხხვალთ!

— ხომ არ შეგაწუხებთ?

— შემაწუხებთო? მე-ე? ღმერთო დიდებულო!

— მაშ, თუ წინააღმდეგი არა ხართ, — სამშაბათს იყოს?

— სამშაბათს იყოს, ოთხშაბათს იყოს, ხუთშაბათს, რა დღესაც გინდათ, როცა გინდათ, მაშინ იყოს.

— მაშ, სამშაბათს, ოთხ საათზე. შევთანხმდით?

— რა კეთილი ხართ, რა კეთილი.  
 — მოიცათ. მხოლოდ ერთი პირობა.  
 — პირობა! რა საჭიროა? ყველაფერზე თანახმა ვარ. თქვენც ხომ მშვენიერად იცით, პირობით იქნება თუ უპირობოდ, ყველაფერზე ყაბულსა ვარ.  
 — პირობა მირჩევნია.  
 — კეთილი და პატიოსანი.  
 — თქვენ არ იცით, რას ეხება საქმე.  
 — სულ ერთია. ყველაფერზე თანახმა ვარ, რაც კი გინდათ.  
 — ჯერ მომისმინეთ, რა უცნაური ხართ.  
 — მითხარით.  
 — არაფერი არ უნდა შეცვალოთ თქვენს ბინაში, არაფერი-მეთქი, ხომ გესმით. ყველაფერი სწორედ ისე უნდა იყოს, როგორც ამყამადაა. კრისტოფი სახტად დარჩა. გუნება წაუხდა.  
 — აბა, ეგ სადაურია.  
 გრაციას გაეცინა.  
 — მაშ, რა გგონათ, ისე საჩქაროდ რომ დამეთანხმეთ! პირობა უკვე მომეცით.  
 — მაინც რამ მოგაფიქრათ ეს?  
 — მინდა, ისეთი განახოთ შინ, როგორიც ყოველდღე ხართ, როცა მე არ მეღიფთობს.  
 — მაინც ნება დამრთეთ...  
 — არა. არაფრის ნებას არ დაგრთავთ.  
 — ყოველ შემთხვევაში...  
 — არა და არა. ტყუილად ნუ მეხვეწებით. თორემ სულ არ მოვალ, თუ ეს გირჩევნიათ...  
 — თქვენ მშვენიერად იცით, რომ ყველაფერს დავყაბულდები, ოღონდაც მოხვიდეთ.  
 — მაშ, შევთანხმდით?  
 — შევთანხმდით.  
 — სიტყვას მაძლევთ?  
 — გაძლევთ, ტირანო.  
 — კეთილია ის ტირანი?  
 — კეთილი ტირანი ვის უნახავს; ზოგი ტირანი უყვართ, ზოგიც კიდევ სძულთ. ესაა და ეს.  
 — მე ერთიცა ვარ და მეორეც, არა?  
 — ოჰ, არა, თქვენ პირველთა რიგს განეკუთვნებით.  
 დათქმულ დღეს მართლაც მოვიდა გრაცია. კრისტოფს ვერ გაეგებდა, ხელი ეხლო თუნდაც ქაღალდის ნაგლეჯისათვის თავის ბინაში, თუმცა ირგვლივ უწყისრიგობა სუფევდა. ვერ გაეგებდა მისთვის ჩვეული მეტისმეტი წესიერების.



გამო; წინააღმდეგ შემთხვევაში აგრე ჩათვლიდა, უნამუსოდ მოვიქცეო. ეს კია; ჯოჯობეთურ წამებას განიცდიდა. რცხვენოდა: რას იფიქრებსო გრაცია. გულგადაღლეული ელოდებოდა. ქალი ზუსტად დანიშნულ დროს მივიდა — რაღაც ოთხი თუ ხუთი წუთით დააგვიანა. დინჯი, აუჩქარებელი ნაბიჯით მოუყვებოდა კიბეს. კრისტოფი მიყურადებულ იყო და მაშინვე გაულო კარი. გრაციას სადად და ელეგანტურად ეცვა. პირბადის მიღმა მოჩანდა მისი მშვიდი თვალები. ხელი ჩამოართვეს ერთმანეთს და ხმადაბლა მიესალმნენ. გრაცია ჩვეულებრივზე უფრო მღუმარე იყო. კრისტოფიც ხმას არ იღებდა — შემცბარსა და აღელვებულს ამ თავისი შეცბუნების გამჟღავნებისა ეშინოდა. შემობრძანდითო, ქალსა სთხოვა, ის კი დაავიწყდა, წინასწარ გაზეპირებული ფრაზა ეთქვა, ბოდში მოეხადა იმ უწყსრიგობის გამო, ოთახში რომ სუფევდა. გრაცია საუკეთესო სკამზე დაჯდა, კრისტოფი გვერდით მოუჯდა.

— აი, ჩემი სამუშაო კაბინეტი.

ამის თქმაღა მოახერხა.

ღუმელი ჩამოვარდა. გრაციამ ნება-ნება მიათვალეირ-მოათვალეირა იქაურობა, პირზე კეთილი ღიმილი გამოესახა. თავადაც, ცოტა არ იყოს, უხერხულობას გრძნობდა, თუმცაღა ამის დაფარვას ცდილობდა. (შემდგომ კრისტოფს უამბო, ჯერ ისეე გოგონა ვიყავ, ერთხელ შენთან მოსვლა მომეგუენება, კარებამღე მოვეღ, ზარის დარეკვა კი ვეღარ გავბედღო). მოუწყობელი ბინის სევედისმომგვერღმა იერმა გააოცა გრაცია: წინკარი ვიწრო და ჩაბნეღებული იყო, არავითარი კომფორტი, თვალში გეცემოღა ღარიბული ავეჯი. გული შეეკუმშა. სინაზითა და თანაგრძნობით განიმსკვეღა თავისი ძვეღი მეგობრისაღმი, რომელსაც ამღენი ქირ-ვარამი გაღაეტანა, სახელმობვეკიღი პიროგენება გამხდარიყო, კვღავ თავღაუზოგავღად მღუშაობღა, ნივითიერი საზრუნავისათვის კი თავი ვერ ღაეღწია. ეღუნაღურებოღა, კრისტოფი რომ სრულეღბით არად აგღებღა კომფორტს. არსად ხალიჩა, არც სურათი, არც რაიმე სამშვენისი, არც სავარძელი საღმე — არავითარი ავეჯი, გარღა მაგიღისა, სამი მაგარი სკამისა და ფორტეპიანოსი. სამაგიერიღდ ყვეღგან, საცა კი გაიხეღდავიღ, ერთმანეთში არეულად ეყარა წიგნეღი და ხელნაწერი ფურცლები — ეყარა მაგიღდაზე, მაგიღის ქვეშ, პარკეტზე, სკამებზე (გრაციას გაეღღმა, რაკი ნახა, ნამუსიანად შეღუსრუღებიოღო სიტყვა).

ცოტა ხნის შემღდეგ გრაციამ ჰკითხა:

— აქ მღუშაობთ? (იმ აღღვიღს მიათითა, საღდაც თავად იჯღა).

— არა, — მიუგო კრისტოფმა, — აგერა, იქა.

ოთახის ჩაბნეღებულ კუთხეს მიაშვირა ფითი, საღდაც სინათლისაკენ პირ-შექცევეით იღგა ღაბაღი მაგიღა.

გრაცია უხმოდ გაემართა იქით და კეკლუცად ჩამოჯდა სკამზე. ერთხანს ჩუმად იყვენენ, არ იცოღნენ, რა ეთქვათ. კრისტოფი წამოღგა და ფორტეპიანოსთან მივიღა. ნახეგარი საათის მანძიღზე უკრავღა. იმპროვიზაციებს ასრუ-

ლებდა; მეგობარი ქალის სიახლოვეს გრძნობდა და გული უსაზღვრო ბედნიერებით ევსებოდა. თვალმილულული საუცხოო რამეებს უკრავდა. და მაშინ გრაცია ჩასწვდა სილამაზეს ღვთაებრივი ჰარმონიით მოცული ამ ოთახისას; უსმენდა ხმას ამ მოსიყვარულე, ტანჯული გულისას და აგრე ეგონა, ჩემსავე მკერდში თუ ძვერსო ის გული.

როცა უკანასკნელი ბგერები მიწყდა, კრისტოფი კიდევ ერთხანს უძრავად უჯდა ფორტეპიანოს.

უცებ შემოტრიალდა, ქალის სულთქმის ხმა შეესმა, — გრაციას ცრემლი სდიოდა. მერმე ადგა და კრისტოფს მიეახლა.

— გამდლობთ, — უთხრა ჩურჩულით და ხელზე ხელი მოუჭირა.

ბაგეები ოდნავ უთრთოდა. თვალეები მოხუჭა. კრისტოფმაც იგივე ქნა. რამდენიმე წამს აგრე იდგნენ ხელიხელჩაკიდებულნი, დრო თითქოს შეჩერდა...

ქალმა თვალი აახილა და, დარცხვენის გრძნობისაგან რომ განთავისუფლებულიყო, კრისტოფს ჰკითხა:

— მეორე ოთახს არ მაჩვენებთ?

კრისტოფსაც გაუხარდა, მღელვარების დაფარვის საშუალება რომ მიეცა, ვაღლო გვერდითი ოთახის კარე და უმაღვე შერცხვა. იქ ერთი ვიწრო, რკინის მაგარი საწოლი იდგა.

(შემდგომ, როცა გრაციას უთხრა, საყვარლები არასდროს მომიყვანიაო სახლში, ქალმა დაცინვით შენიშნა:

— ეპვი არ მეპარება, ვინ იქნებოდა ამისთანა გაბედული.

— რატომ?

— ამ საწოლზე დაძინება არ გინდა).

ოთახში იდგა ხის კამოდი, კედელზე ეკიდა ბეთჰოვენის ნილაბი, საწოლის თავზე კი — იაფფასიან ჩარჩოებში ჩასმული სურათები კრისტოფის დედის და მეგობარ ოლივიესი. კამოლზე იდგა გრაციას ფოტოსურათი, მაშინ გრაცია თხუთმეტი წლის გოგონა იყო. რომში ენახა ეს სურათი და ალბომიდან ამოეცოცებინა. გამოუტყდა გრაციას და პატიება სთხოვა. ქალმა თვალი შეავლო ფოტოსურათს და კრისტოფს მიუბრუნდა:

— მცნობთ ამ სურათზე?

— გცნობთ და ასევე მახსოვხართ.

— მერე რომელი უფრო გიყვართ ამ ორში?

— თქვენ იგივე ხართ მუდამ. ყოველთვის ერთნაირად მიყვარხართ. სულ ყველგან გცნობთ. იმ სურათზეც კი, სადაც მთლად პატარა ხართ. ვერ წარმოიდგენთ, რა მღელვარებას განვიცდი, როცა ამნაირ გარსში ვხედავ მაგ თქვენს სულს. ეს საუკეთესო დასტურია იმისა, რომ მარადიული ხართ. ვიდრე ამქვეყნად გაჩნდებოდით, მანამდეც მიყვარდით და მეყვარებით იმის შემდეგაც კი...

გაჩუმდა. გრაციასაც არაფერი უპასუხია, დიდად აღელვებული ჩანდა.

სამუშაო: ოთახში რომ შემობრუნდნენ და კრისტოფმა თავისი მეგობარი და-  
ანახვა — ფანჯრის წინ ამოწვდილი ნორჩი ხე; რომელზედაც ბელურებს ქვი-  
ცივი გაჰქონდათ, — გრაციამ უთხრა:

— იცით, ახლა რა ვქნათ? მოდი, წავიხეშოთ. ჩაი და ნამცხვარი მოვი-  
ტანე, ვიცოდი, აქ არაფერი გექნებოდათ. კიდევ რაღაცა წამოვიძღვანე. აბა,  
ერთი თქვენი პალტო მომეცით.

— ჩემი პალტო?

— ჰო, ჰო, მოიტათ.

ჩანთიდან ნემსი და ძაფი ამოიღო.

— რად გინდათ?

— ამას წინათ ორ ღილს მოვკარი თვალი, რაღაც საეჭვოდ მოფამფალე-  
ბულიყვენ. მაჩვენეთ ერთი.

— ჰოო, ჯერ ვერ მოვიცალე დასაკერებლად, ნეტა რაში გეხალისებათ!

— საბრალო ბიჭი. მოიტათ ბარემ.

— მრცხვენია.

— წადით, ჩაი ააღუღეთ.

კრისტოფმა პატარა ჩაიდან და სპირტქურა ოთახში შემოიტანა, რომ  
მეგობარ ქალს წუთით არ განშორებოდა. გრაცია აკერებდა, თან ცალი თვალით  
დამცინავად აკვირდებოდა კრისტოფს, როგორ ცოდვილობდა იგი. ჩაის ფრთხი-  
ლად შეექცეოდნენ კიდებმობტეხილი ფინჯნებით; რა საშინელი ფინჯნებიაო,  
გრაცია ამბობდა. კრისტოფი კი გულფიცხად ეკამათებოდა, ეს ფინჯნები ხომ  
იმ დროს მოაგონებდა, როცა ოლივიესთან ერთად ცხოვრობდა.

როცა გრაციამ წასვლა დააპირა, კრისტოფმა ჰკითხა:

— ხომ არ მიჯავრდებით?

— რისთვის?

— უწყესრიგობისათვის.

გრაციას გაეცინა.

— მე მოვარჯულებ აქაურობას.

იგი უკვე ზღურბლთან იდგა და ის იყო, კარი უნდა გაეღო, კრისტოფმა  
დაიჩოქა მის წინაშე და ფეხზე ეამბორა.

— რას შერებთ? — შესძახა ქალმა. — გიჟო, ჩემო გიჟო! ნახვამდის!

შეთანხმდნენ, რომ გრაცია კვირაში ერთხელ მოაკითხავდა განსაზღვრულ  
დღეს. კრისტოფს პირობა მოაცემინა, მეტად აღარ მოქცეულიყო ისე ახირე-  
ბულად, აღარ გაეხედა დაჩოქება და ფეხების დაკოცნა. საკვირველ სიმშვიდეს  
განჟენდა გრაცია. იმ დღეებშიც კი, როცა კრისტოფი შმაგობდა, ეს სიმშვიდე  
დამიმორჩილებდა ხოლმე სიმშაგემოძალებულს. როცა კრისტოფი მარტო იყო,  
გრაციასზე ფიქრისას, ხშირად ავხორცული გულსიტქმა შეიპყრობდა, ოღონდ  
ერთად რომ შეიყრებოდნენ, მუდამ კეთილი მეგობრებივით. იქცეოდნენ. კრის-

ტოფი არამც და არამც თავს ნებას არ აძლევდა, რაიმე სიტყვით ან ქესტით შეეცდუნებინა მეგობარი ქალი.

კრისტოფის დაბადების დღეს გრაცია იმ შორეთო თავისი პატარა გოგონა, როგორც თავად იყო გამოწყობილი იმ შორეთულ დროს, როცა ის და კრისტოფი პირველად შეხვდნენ ერთიმეორეს და ის პიესა დააკრევიდა, რასაც კრისტოფი ასწავლიდა იმხანად.

მაგრამ მომხიზვლელობას, მოსიყვარულეობას, გულითადობას სულ სხვა თვისებები ერწყმოდა მის არსებაში. თავქარიანი იყო, უყვარდა საზოგადოება, სიამოვნებდა, როცა მამაკაცები ეაშვიებოდნენ, თუნდაც ის მამაკაცები ყუყუჩნი ყოფილიყვნენ; ეკეკლუცებოდა ყველას, გარდა კრისტოფისა, ზოგჯერ — კრისტოფისაც. როცა კრისტოფი მომეტებულის სინაზით ებყრობოდა, თავი განგებისად ცივად ექირა. ხოლო თუ კრისტოფი თავშეკავებასა და გულცივობას იჩენდა, მაშინ ალერსიანად ექცეოდა და იქით აღიზიანებდა. წესიერზე წესიერი ქალი გახლდათ. მაგრამ ზოგჯერ თვით ყველაზე წესიერი ქალიც გოგუცანასავით იქცევა ხოლმე. გრაცია ანგარიშს უწევდა საზოგადოებრივ აზრს და ემორჩილებოდა ათასგვარ პირობითობას. დიდი მუსიკალური უნარით დაჯილდოებულს, ესმოდა კრისტოფის ქმნილებები, ოღონდ არცთუ ძალიან დიდ ინტერესს იჩენდა მათ მიმართ (კრისტოფმა მშვენიერად უწყოდა ეს). ნამდვილი რომელი ქალის თვალში ხელოვნებას იმდენად აქვს ფასი, რამდენადც იგი გულისხმობს ცხოვრებას, ცხოვრება კი — სიყვარულს... სიყვარულს, რაიც ჩაბუდებულა ავხორციული, დათენთილი სხეულის სიღრმეში... რაში სჭირდება ტრაგიკული ფიქრები, ტანჯვისგან შექმნილი სიმფონიები, გულისმიერი ვენებები ჩრდილოეთისა? იმგვარი მუსიკა სჭირდება, სადაც ძალდაუტანებლად ფრთას გაშლიდნენ მისი იღუმალის გულისთქმანი, სჭირდება ოპერა, ბობოქარი ენებათაღელვით გართულებული კი არა, ნათელი, ნამდვილი ცხოვრების გამომხატველი — სამტიმენტალური, გრძნობიერი, გამასათუთებელი ხელოვნება.

გრაცია სუსტი ხასიათისა და ცვალებადი გუნების ქალი იყო: სერიოზულ რაიმეზე დიდხანს ვერ იქნებოდა გადალუული, უშუკველად გართობა მოუნდებოდა. იშვიათად თუ ვააკეთებდა დღეს მისას, რაც გუშინ განეზრახა. რა ბალღური ქცევა იცოდა, რანაირი ხუსტური არ წამოუვლიდა ვერ ისვენებდა, ახირებდა რასმე, ხანდახან ჰირვეულობასაც იჩენდა. იცოდა თავისი თავის ამბავი და ცდილობდა, ამ დროს განმარტოებულყო. იმუნათებდა თავს, ჯეროვნად რომ ვერ ებრძოდა საკუთარი ხასიათის სისუსტეს, — აკი ეს სისუსტე გულსა სტკენდა მის მეგობარს. ზოგჯერ სწორედ რომ მსხვერპლს გაიღებდა კრისტოფის გულისათვის, თუმცა კრისტოფს ვერც კი ეაზრებინა რამე; მაგრამ ბუნება ბოლოს და ბოლოს თავისას შერებოდა. თანაც გრაცია იმის ფიქრსაც ვერ იტანდა, აქაოდა, კრისტოფი არ მბრძანებლობდესო ჩემზე. და, თავისი დამოუკიდებლობა რომ დაემტკიცებინა, ერთი-ორჯერ ჯიბრზე მოექცა. მერმე ნანობდა ამ თავისი საქციელის გამო, ღამით სინდისის ქენჯნა აწვალებდა,

წუხდა, კრისტოფს რომ უფრო მეტ ბედნიერებას ვერ ანიჭებდა. ის ზომ გაცილებით მეტად უყვარდა, ვიდრე ამას გარეგნულად ამჟღავნებდა; ესმოდა, ამ მეგობრობის ფასი რომ სხვა არა გააჩნდა რა ცხოვრებაში. როგორც ორ ურთიერთმოსიყვარულსა და განსხვავებული ყაიდის ადამიანს სჩვევია, ყველაზე მეტად მაშინ გრძნობდნენ თავიანთ სულიერ ნათესაობას, როცა ცალ-ცალკე იმყოფებოდნენ. მართლაცდა, თუ გაუგებრობის გამო ბედი მათი გაიყარა, ეს მხოლოდ კრისტოფის ბრალი როდი იყო, როგორც თავად კრისტოფს ეგონა გულუბრყვილოდ. წინათაც კი, როცა გრაციას მგზნებარედ უყვარდა კრისტოფი, ვერავინ იტყოდა, გაჰყვებოდა თუ არა ცოლად. შესაძლოა, ქალს მისთვის თავი ენაცვალეზინა, ოღონდ საეჭვოა, სამუდამოდ მისთან ერთად ეცხოვრა. გრაციამ იცოდა (თუმცა ვერიდებოდა კრისტოფისათვის გაემხალა), რომ უყვარდა თავისი ქმარი. იმ სიმწარის შემდეგაც კი, რაც მისგან ენახა, კვლავინდებურად უყვარდა იგი, თანაც ისე, როგორც არასოდეს ჰყვარებია კრისტოფი. გულის ხეაშიადით, სხეულის საიდუმლოთი თავი როდი მოაქვთ. მათ უმაღავენ იმ ადამიანებს, ვინც ეძვირფასებთ. უმაღავენ მარტოოდენ რილის გამო კი არა, თავისი თავისადმი ლმობიერების; სიბრალულის გამოც. კრისტოფში ერთობ ძლიერი იყო მამაკაცური. ღვრიტა, რომ ეს ეგუჟანა. მაგრამ ზოგჯერ, თითქოს ელვამ გაანათაო, უეცრივ შეამჩნევდა: იმას, ვისაც ყველაზე მეტად ვუყვარავარ, ვუყვარავარ ნამდვილი სიყვარულით, არცთუ მაინცდამაინც დიდად ვუღიროვარო. ასე რომ ვერავის, ვერავის დავეყრდნობიო. ამ ამბავს არ არ უმოქმედია მისი სიყვარულის გრძნობაზე. ნალველიც კი ხრ განუცდია. გრაციას სიმშვიდე მასაც გულზე ესალბუნებოდა. ყველაფერს გულმშვიდად იღებდა. ჰოი, ცხოვრებავ, რად უნდა გისაყვედუროს კაცმა იმის გამო, რისი ბოძებაც არ შეგიძლია? ვანა ისეთს, როგორიცა ხარ, მშვენიერი და წმიდათა-წმიდა არ გეტქმის? ხამს სიყვარული შენი ღიმილისა, ჯოკონდა...

კრისტოფი ხანგრძლივად უჰკრეტდა ხოლმე მეგობარი ქალის მშვენიერ სახეს; მრავალ რასმე კითხულობდა ამ სახეზე: წარსულსაც და მომავალსაც. იმის წყალობით, რომ წლების მანძილზე ყარბის ცხოვრებას ეწეოდა და ნაირ-ნაირ ხალხს აკვირდებოდა, თუმცა კი ნაცნობობას არ აბამდა, თითქმის უნებურად ისწავლა ადამიანთა სახის ამოცნობა, დაეუფლა საუკუნეობით ჩამოყალიბებულ ამ მდიდარსა და რთულ ენას, ათასჯერ უფრო მდიდარსა და რთულს, ვიდრე სასაუბრო ენაა. იგი გვიმხელს ერის ნიშან-თვისებებს. კრისტოფს ნიდავ აოცებდა კონტრასტი სახის ნაკვეთებსა და იმ სიტყვებს შორის, რასაც ადამიანი წარმოთქვამდა. აი, ყმაწვილი ქალის პროფილი, კვეთილი მკაფიოდ, ოდნავ ცივი, ბიორნ-ჯონსის<sup>1</sup> ყაიდაზე, ტრაგიკული იერისა. იტყვი, ფარული რამ ვნება, ეჭვიანობა, შექსპირისებური კმუნვა თუ უღრღნისო გულს... მაგრამ დაძრავს ენას. და, თქვენს წინაშეა ერთი პაწია მეშჩანი, ქერქეტა, პრანჭია,

<sup>1</sup> ელვარდ ბიორნ-ჯონსი (1833—1898) — ინგლისელი მხატვარი.

თავკერძა, გონებაშეზღუდული, წარმოდგენა რომ არა აქვს იმ მრისხანე ძალაზე, რაც სხეულში ჩაპბუდებია. არადა, სწორედ ეს ვნება, ეს ბორგნეულობა ჩასთესლია. რა სახით გამოძვლავნდება ეს ყოველივე ოდესმე? ხვეჭის წყურვილად, ცოლქმრულ ექვიანობად, ბობოქარ ენერგიად, ავადმყოფურ გულბოროტებად? ვინ იცის? ისიც შესაძლოა, მანამდე გადასცეს მემკვიდრეობით, ვიდრე ეს ძალა თავს იჩენდეს. მთელს შთამომავლობას მისი ტვიფარი დაესმის.

გრაციასაც აწვა მძიმე მემკვიდრეობითობის ტვირთი — ძველთა გვართა ის ერთადერთი ავლადიდება, რასაც გზადაგზა განიავების ხიფათი არ ელის. ეგეცაა, თავადვე უწყოდა ეს ამბავი. დიდი ძალაა, შეცნობილი გქონდეს შენივე სუსტი მზარეები, შეგეძლოს, მბრძანებლად თუ არა, მესაჭედ მიინც ჰყავდე სულს გვარისას, რომელსაც შერწყმინხარ და რომელიც ზომალდევით მიგაქანებს, — შეგეძლოს, მორჩილ იარაღად აქციო ბედისწერა, იალქანივით იყენებდე მას, ხან აღმართავდე იმ იალქანს, ხან კიდე დაუშვებდე, იმისდაკვალობაზე, ქარი საიდან უბერავს. როცა გრაცია თვალს დახუჭავდა, მრავალი მშფოთვარე ხმა ესმოდა, თავისსავე არსებაში ეცნაურებოდა. ეს ხმები. ოლონდ ეს დისონანსი ჰარმონიული გონების წყალობით ქარწყლდებოდა მის ჯანსაღ სულში. ქარწყლდებოდა და გარდაექმნებოდა ლბილ, გულშიჩაიწვდომ მუსიკად.

სამწუხაროდ, ჩვენს ნებაზე როდი ჰკიდია, ჩვენივე სისხლის საუკეთესო ნაწილს გადავცემდეთ შთამომავლობას.

გრაციას შვილთაგან დედას დამისგავსა მხოლოდ ქალიშვილი, თერთმეტი წლის ავრორა. დედას ვერ შეედრებოდა სილაამზით — უფრო ტლანქი იყო და ოდნავ კვლობდა. კეთილი, გულთბილი, მხიარული გოგონა იყო, ჯანდონით სავსე, დამჯერე, ოლონდ განსაკუთრებული ნიჭი არ გამოარჩევდა, თუ სათვალავში არ ჩავადლებდით ერთ მის მიდრეკილებას: ფრიად იტაცებდა უქნარობა. კრისტოფს გაგოყებით უყვარდა იგი. მას რომ გრაციას გვერდით დაინახავდა, საოცრად მოიხიბლებოდა, თითქოს ეხილოს ერთი და იგივე არსება, ორი სხვადასხვა ასაკისა რომ იყო და ორ სხვადასხვა თაობას ეკუთვნოდა. ორი ყვაილი, ერთ ლეროზე აღმოცენებული: ლეონარდოს წმინდა ოჯახი — ქალწული მარიამ და წმიდა ანა<sup>1</sup>, ერთი და იგივე ღიმილის სხვადასხვაგვარი ელფერი. ერთი შეხედვითვე მოიცავ ქალის სულის ყვაილობის მთელ დროს; საუცხოოა ეს და იმავე დროს სევდის მომგვრელიცაა: აქ ხედავ, როგორ იწურება სიცოცხლე... მგზნებარე გულს ძალუძს წმინდა და ძლიერი სიყვარულით უყვარდეს ორი დაი ან დედა და ქალიშვილი და ეს სრულიად ბუნებრივია. კრისტოფს უყვარდა, სწაღდა ჰყვარებოდა გრაცია მთელი მისი შთამომავლობიანად. განა გრაციას ყოველი ღიმილი, ცრემლი, მის საყვარელ სახეზე დაჩნეული ნაოჭი, განა ეს ყოველივე ყოფიერება არ არის, არ მოგავგონებს ვილაციის სიცოცხ-

<sup>1</sup> იველსხმება ლეონარდო და ვინჩის სურათი „ღვთისმშობელი და წმიდა ანა“ (ლუვრი).

ლეს, ვინც უფრო ადრე წასულა, ვიდრე თავად გრაციას თვალი აეხილებოდა და ქვეყნიერებას იხილავდა; განა ეგვევ არაა იმის მაუწყებელიც, რომ უნდა სხვა ვინმე მოვიდეს შემდგომ, როცა ის მშვენიერი თვალები დაეხუჭება?

ბიჭს, ლიონელს, ცხრა წელი შეუსრულდა. დაზე გაცილებით უფრო ლამაზი იყო, უფრო დახვეწილი ჯიშისა, ალბათ, მეტისმეტად დახვეწილისაც, სისხლისაგან დაცლილის და დაძაბუნებულის; მამამისს ჰგავდა: ჰკვიანი იყო, უხვად დაჯილდოებულნი ცუდი ინსტინქტებით, ალერსიანი და გულჩახვეული. დიდრონი ცისფერი თვალები ჰქონდა, გოგონასებრ გრძელი ქერა თმა, ფერმკრთალი სახე და სუსტი ფილტვები. გამოარჩევდა ავადმყოფური ნერვიულობა, რასაც კიდევაც იყენებდა საჭიროებისას, მით უმეტეს, რომ ბუნებით მსახიობი იყო. თანაც საოცრად ეხერხებოდა, შენი გულის სუსტი სიმები მოეხინჯა. გრაციას იგი უფრო მეტად უყვარდა იმ უნებური. უპირატესობის გამო, რასაც დედა ანიჭებს ნაკლებად ჯანმრთელ შვილს, აგრეთვე იმის გამოც, რომ კეთილ და წესიერ ქალებს ხშირად გული მიუწევთ ვაჟიშვილებისადმი, რომლებიც არ გამოირჩევიან არც სიკეთით, არც წესიერებით. თითქოს ლაგამი წაეყარათო გრძობათათვის, რომელთაც აქამდე იხშობდნენ. ამას ერთვის ქმრის გამო აღძრული მოგონებანი, ქმრისა, ვისგანაც მრავალი ტანჯვა განუცდიდათ, ვინაც, შესაძლოა, ეზიზღებოდათ კიდევც, ოღონდ ყვარებით კი უყვარდათ. ერთი სიტყვით, ეს არის სულის უცნაური ფლორა, ქვეცნობიერის ბნელსა და თბილ სათბურში რომ აღმოცენებულა.

თუმცა გრაცია ძლიერ ცდილობდა, ორივე ბავშვთან ერთნაირი, თანაბრად ალერსიანი ყოფილიყო, ავრორა მაინც გრძობდა განსხვავებას და, ცოტა არ იყოს, გული სტკიოდა. კრისტოფს ესმოდა მისი, გოგონასაც ესმოდა კრისტოფისა. ინსტინქტურად დაუახლოვდნენ ერთმანეთს. იმავე დროს კრისტოფისა და ლიონელს შორის ანტიპათიის გრძობა სუფევდა; ბავშვი ამას განგებისი და გადაჭარბებული თავაზიანობით ნიღბავდა, კრისტოფი კი სამარცხვინო რამ გრძობასავით ითრგუნავდა. ძალას ატანდა თავის თავს, ლამობდა ისე შეეყვარებინა ეს უცხო ბავშვი, თითქოს მისი ღვიძლი შვილი ყოფილიყოს, თითქოს გაახარებდა ამგვარი ვაჟის ყოლა საყვარელი ქალისაგან. თვალს არიდებდა ლიონელს უხეირო ხასიათს, ყოველივეს, რაც იმ „მეორეს“ გაახსენებდა; იმასლა ესწრაფვოდა, მარტოოდნე გრაციას სული ეპოვა ბიჭუნაში. გრაცია უფრო გამჭრიახი გამოდგა: თავს როდი იტყუებდა ვაჟიშვილის გამო. ოღონდ ეს უფრო უძლიერებდა სიყვარულის გრძნობას.

ამასობაში იფეთქა წლების მანძილზე ბავშვში მიჩქმალულმა სნეულებამ. ჭლექი გამოაჩნდა. გრაციამ გადაწყვიტა, ალპის მთებს მივაშურებ, იქ სადმე სანატორიუმში დავიღებო ბინას. კრისტოფს უნდოდა თან გაჰყოლოდა. ქალმა გადაათქმევინა, საზოგადოებრივი აზრისა მოერიდა. კრისტოფს აღონებდა, მისი მეგობარი მეტისმეტ მნიშვნელობას რომ ანიჭებდა ათასგვარ. პირობითობას.

გრაცია გაემგზავრა, ქალიშვილი კოლეტს მიაბარა. მაგრამ მალე საშინელი მარტოობა იგრძნო. ირგვლივ ეხვია ავადმყოფები, სულ ერთთავად თავიანთ სატყვივარზე რომ ლაპარაკობდნენ; ცივი, მიუკარებელი იყო ბუნება, გულგრილად და ზვიადად რომ გადმოსცქეროდა ადამიანთა ამ აჩრდილებს. საფურთხებლებით აღჭურვილი სნეულნი ერთიმეორეს ჯაშუშობდნენ, უთვალთვალებდნენ, როგორ დასდარაჯებოდა სიკვდილი თითოეულ მათგანს. და ამ ბედშავთა გულისდამამძიმებელ სანახაობას რომ გარიდებოდა, გრაციამ დატოვა სანატორიუმი „პალასი“, იქირავა პატარა სახლი და ავადმყოფ ბიჭთან ერთად იქ დაბინავდა. მაგრამ მთებში ავადმყოფს მდგომარეობა არამცთუ არ გაუმჯობესებია, გაუუარესდა კიდევ. სიცხემ აუწია. ღამღამობით გრაცია ერთ გულისხეთქვაში იყო. კრისტოფმა მახვილი ინტუიციის წყალობით შორიდანვე იგუზანა მისი ყოფა, თუმცა მეგობარი ქალი არაფერს იწერებოდა. სიამაყე არ აღევდა ამის ნებას. უნდოდა, კრისტოფი იქვე გვერდით ჰყოლოდა, მაგრამ აკი თავიდანვე დაუშალა, ნუ გამოიყვებო. ახლა კი ველარ გამოსტყდომოდა: „ძალიან გამიჭირდა და ნუგეშს თქვენგან ველიო“...

ერთ საღამოს გრაცია ვერანდაზე იდგა. შეზინდების უამი კიდევ უფრო უნაღვლიანებდა ისედაც დამძიმებულ გულს. უცებ თვალი მოჰკრა... მოეჩვენა, რომ ფუნეკულიორის გაჩერებიდან გამოკვალულ ბილიკზე ხედავდა... ვიდაც კაცი გაჩქარებული მოაბიჯებდა; დროდადრო შედგებოდა, მხრებს ოდნავ აიწურავდა, თითქოს რალაცას ჰოქმანობსო. ცოტა ხანიც გამოხდა, თავი ასწია და სახლს გამოხედა იმ კაცმა. გრაცია ოთახში შევარდა, თვალი არ მომკრასო; ორივე ხელი მკერდზე მიეჭირებინა და მღელვარებისაგან უნებურად იცინოდა. თუმცა მორწმუნე არასოდეს ყოფილა, მუხლი მოიდრიკა და სახეზე ხელები აიფარა — ვისმე მადლობა შეეწიროო... ამასობაში სტუმარი ეზოს მოადგა. გრაცია სარკმელთან მივიდა და, ფარდას ამოფარებულმა, გადაიხედა. კრისტოფი შემოსასვლელთან იდგა, ღობეს მიყრდნობოდა. ვერ ბედავდა შემოსვლას. ოღონდ მასზე უფრო მეტად გრაციამ დაირცხვინა, გაიღიმა და ჩუმად, ჩუმად წარმოთქვა:

— მოდი... მოდი...

როგორც იქნა, გაბედა კრისტოფმა და ზარი დარეკა. ქალმა უმალ კარს მიაშურა. გაულა. ისეთი თვალები ჰქონდა კრისტოფს, კარგ ერთგულ ძალს რომ აქვს, როცა ეშინია, ვაითუ მცემონო.

— ჩამოგაკითხეთ... მპატიეთ...

გრაციამ მიუგო:

— გმადლობთ.

გამოუტყდა, რარივ ელოდა მას.

კრისტოფი ბიჭის მოვლას შეელოდა, სულით და გულით ეხმარებოდა. ბავშვი კი, რომლის მდგომარეობაც გაუარესებულყო, მტრულად და ბრახიანად ეპყრობოდა. აღარც ცდილობდა ამის დაფარვას, მკვახე-მკვახე სიტყვებს



აკადრებდა ხოლმე. კრისტოფი ყველაფერს სწეულებას აბრალეზდა. მისთვის უჩვეულო მოთმინებას ამჟღავნებდა. ბავშვს გრაციასთან ერთად სასთუმალთან უჯდა, მრავალი მძიმე ღლე ასე გაატარა. მეტადრე დიდი შიში გადაიტანეს კროზისის ღამეს, რის შემდეგაც თითქოსდა სასიკვდილოდ გადადებული ლიონელო გადაჩრა. ორივენი ხელიხელჩაკიდებულნი უსწდნენ იმ ღამით ავადმყოფს საწოლთან, და როცა ბავშვმა ბოლოს წყნარად ჩაიძინა, ისეთი წმინდა ბედნიერების გრძნობა დაეუფლათ, რომ გრაცია ზეზე წამოიჭრა, კაპიუშონიანი ლაბადა მოისხა და კრისტოფი გაიყოლა. ჰაერზე გავიდნენ, გზას გაჰყვნენ. ირგვლივ თოვლი იყო, იყო სიწყნარე, ღამე, ცაზე ვარსკვლავები ციმციმებდნენ. გრაცია მკლავზე დანდობოდა კრისტოფს, ნეტარებას ჰგვრიდა ამ ყინულის სამეფოს მყუდროება. სულ რამდენიმე სიტყვა თუ უთხრეს ერთმეორეს. კრინტი არ დაუძრავთ ერთმანეთის სიყვარულზე. მხოლოდ დაბრუნებისას, უკვე სახლის კარებთან რომ იდგნენ, გრაციამ უთხრა:

— ჩემო კარგო, ჩემო ძვირფასო მეგობარო!

თვალები ბედნიერებით უბრწყინავდა, ბავშვი გადამიჩრა.

სულ ეს იყო. მაგრამ გრძნობდნენ, ამ ჩვენს მეგობრობას აწი ველარაფერი დაარღვევსო.

პარიზს რომ დაბრუნდა ვაჟიშვილის ნელ-ნელა გამოძვინების შემდეგ, გრაციამ პასიში იქირავა სახლი. სრულებით აღარ „ერიდებოდა საზოგადოებრივი აზრისა“, თავს გაბედულად გრძნობდა საიმისოდ, რომ ეს აზრი არად ჩაეგდო მეგობრის გულისათვის. მისი ცხოვრება ისე გადაენასკვა კრისტოფისას, არამზადობად ჩათვლიდა ამ მათი მეგობრობის დამალვას, თუმცა ავყიებს ამით ჰორიკანობის საბაბს მისცემდა. ღღის ყოველ დროს იღებდა კრისტოფს; მასთან ერთად გამოჩნდებოდა ხოლმე ყველგან — სასეირნო ადგილას, თეატრში, შინაურულად ელაპარაკებოდა ხალხში. არავის ეეჭვებდა, შეყვარებულნი არიანო. კოლეტსაც კი მიაჩნდა, მეტისმეტად სააშკარაოზე გამოაქვთო თავიანთი ურთიერთობა. გრაცია ღიმილით გააწყვეტინებდა ხოლმე ვინმე ავყითათაგანს ყოველგვარ გადაკრულ სიტყვას და კვლავ თავის ნებისად იქცეოდა.

ოლონდ კრისტოფს არავითარ იმედს არ აძლევდა. მხოლოდ და მხოლოდ მეგობრები იყვნენ. კრისტოფი ისევ ისე მოკრძალებულ-ალერსიანი კილოთი ელაპარაკებოდა. ეს კია, დამალვით არაფერს უმაღლავდნენ, ხშირად ეთათბირებოდნენ ერთმანეთს. ასე რომ, კრისტოფი ამ სახლში შეუშინველად იქცა ოჯახის ავტორიტეტის მაგვარ ვინმედ. გრაცია უჭერებდა და მისი რჩევის მიხედვით იქცეოდა. სანატორიუმში გატარებულმა ზამთარმა იგი შეცვალა: აქამდე ჭანმაგარს, მღელვარებამ და დაქანტულობამ აშკარა კვალი დაატყო. სულსაც ტვიფარი დასვა. წინანდებური ხუსტურიანობა კვლავაც თავს იჩენდა ხოლმე, მაგრამ რაღაცნაირი სერიოზული, გულისყურიანი შეიქნა, უფრო ხშირად მოუხდებოდა კეთილი, მორჩილი ყოფილიყო, ტანჯვა არავისთვის მიეყე-

ნებისა. გულს უჩვილებდა კრისტოფის სიყვარული, მისი უანგარობა, სიწმინდე. ფიქრად მოსდიოდა, როდისმე ის დიდი ბედნიერება მიენიჭებინა კრისტოფისათვის, რაზე ოცნებასაც თავად კრისტოფი ვეღარ ბედავდა: ცოლად გაჰყოლოდა მას.

იმის შემდეგ, რაც უარი მიიღო, კრისტოფს აღარასდროს ჩამოუგდია მასთან ლაპარაკი ამის თაობაზე: საამისოდ უფლებამოსილად აღარ თვლიდა თავს, ოღონდ ეს კია, კვლავინდებურად მწარე სინანულს განიცდიდა აუსრულებელი იმედის გამო. მართალია, ფრიად დიდი პატივისცემით ეკიდებოდა ყველაფერს, რასაც მისი მეგობარი ქალი ამბობდა, მაგრამ ქორწინების თაობაზე გამოთქმული სკეპტიკური აზრი ვერ ირწმუნა: კვლავ ჯიუტად სჯეროდა, კავშირი ორი არსებისა, რომელთაც დიდი და კრძალული სიყვარულით უყვართ ერთმანეთი, ადამიანური ბედნიერების მწვერვალიაო. ეს გულისტკივილი კვლავ განუახლდა, როცა მოხუც ცოლ-ქმარ არნოებს შეხვდა.

ქალბატონი არნო ორმოცდაათს გადასცილებოდა. ქმარი სამოცდახუთის თუ სამოცდაექვსისა იქნებოდა. ორივენი გაცილებით უფრო ხნიერები ჩანდნენ. კაცი ჩასქელებულიყო, ქალი კი სულ მთლად მოკმუჭნულიყო. წინათ თუ სუსტი იყო, ახლა ბალახის ღერო გვეგონებოდა. როცა არნო პენსიაზე გავიდა, პროვინციაში გადასახლდნენ, იქ საკუთარი სახლი ჰქონდათ. აღარაფერი აკავშირებდათ თანადროულობასთან, არაფერი, გარდა ვაზეთებისა, უცვლელი მყუდროებით მოცულ ამ პატარა ქალაქში რომ მოსდიოდათ და მათ, ვისი ცხოვრებაც უკვე მიღეულიყო, აწოდებდათ შფოთიანი მსოფლიოს ნაკვიანვე გამოძახილს. ერთხელ ვაზეთში კრისტოფის სახელს წააწყდნენ. ქ-ნმა არნომ რამდენიმე გულთბილი, ოდნავ გაპარანჭული სტრიქონი მოსწერა, ამცნობდა, ძალიან გვახარებს თქვენი წარმატებაო. კრისტოფიც ხელად მატარებელში ჩაჯდა და ისე, რომ არაფერი შეუტყობინებია, მათ სანახავად გაეშურა.

ზაფხულის მცხუნვარე შუადღე იდგა, ცოლ-ქმარი ბაღში ნახა: იფნის ტოტების მრგვალ თაღქვეშ თვლემდნენ. ბიოკლინის ბებრებს მიაგავდნენ, ფანჯატურში რომ ჩასძინებიათ ხელიხელჩახვეულთ. მზე, თვლელმა, სიბერე მისძალეობით — ნელ-ნელა იფერფლებიან, ნახევარზე მეტად მარადიულ ძილს მისცემიან უკვე. ოღონდ ბოლომდე გრძელდება, მზის უკანასკნელ სხივივით, მათი სიყვარული — ეს სიყვარული ჰევივის მათ გადაჭლობილ ხელებში, სითბოში, რასაც გამოსცემს მათი დაძებუნებული სხეულები... კრისტოფის სტუმრობამ დიდად გაახარა ბებრები; მოაგონდათ წარსული. ლაპარაკი ჩამოაგდეს გარდასული დღეებზე, აგრე მზიბლავი რომ ეჩვენებოდათ შორიდან. არნოს უყვარდა მუსაიფი, მაგრამ სახელები ავიწყდებოდა. ქ-ნი არნო შეახსენებდა ხოლმე. თავად ქ-ნი არნო დღემილს ამჯობინებდა. სხვისი ყურისგდება ერჩივნა, თუმცა წარსულის სურათები კვლავ ცინცხლად შემონახულიყო ამ სიტყვაძუნწი ქალის გულში, შემონახულიყო და უამ-უამად ისევე გამოილანდებოდა,

როგორც ბრჭყვიალა კენჭები ილანდება ნაკადულის ფსკერზე. იმ მოგონება-თავან იყო ერთი, რომლის ანარეკლი კრისტოფში არაერთგზის შენიშნა ქ-ნ არნოს სათუთი თანაგრძნობით სავსე თვალეზში; ოღონდ სახელი მისი, სახე-ლი ოლივიესი, არ უხსენებიათ! მოხუცი არნო მომეტებულსა და გულის ამაჩუ-ყებელ ყურადღებას იჩენდა ცოლის მიმართ: ლელავდა, არ გამოცივდესო, ვაი-თუ მზემ დასიცხოსო; მოსიყვარულე და მზრუნველი კაცის თვალეზით მისჩე-რებოდა მკნარ ძვირფას სახეს, ქალი კი დაღლილის ღიმილით ცდილობდა, დაემშვიდებინა. გრძნობამორეული კრისტოფი, ცოტა არ იყოს, შურით აღევ-ნებდა მათ თვალს. ერთად ზედბოდეთ სიბერეს, გიყვარდეს შენს ცოლში ის ნაკვალევიც კი, დროს რომ აღუბეჭდავს. ამბობდნენ გულში: „ვიცი ეგ ნაოჭები, თვალეზებში და ცხვირთან რომ დაგმჩნევია; ვხედავდი, როგორ გიღარავდა სახეს; ვიცი, როდის გაგიჩნდა. ეგ საყვარელი ჭალარა თმა დღეყოველ გითეთრ-დებოდა ჩემს თმასთან ერთად, ნაწილობრივ ჩემივე მიზეზით! ეგ ფაქიზი სახე, ზრუნვითა და წვალებით აღსავსე ცხოვრების ბრძმედში გამოვლილს, შეგიშუბლა და დაგიწითლდა. ძვირფასო, კიდევ მეტად მიყვარხარ იმის გამო, ჩემთან ერთად რომ იტანჯებოდი და ბერდებოდი! შენს ყოველ ნაოჭში მომეს-მის წარსულის მუსიკა“... გრძნობის აღმძვრელი მოხუცები; ხანგრძლივი და გრძელი ერთობლივი ცხოვრების შემდეგ ხელიხელჩაკიდებულნი ვლიან, ერ-თადვე რომ მიენდონ მარადისი უკუნის სიმშვიდეს. იმათ ხილვამ კრისტოფ-ზე სასიკეთოდაც იმოქმედა და იმავე დროს გულიც დაუმძიმა. ოჰ, რა კარგი იქნებოდა, ასე გეცხოვრა და ასევე დაგზუჭვოდა თვალი!

როცა კვლავ შეხვდა გრაციას, გულმა აღარ მოუთმინა და იმ თავისი სტუმრობის ამბავი მოუთხრო. ოღონდ არ გაუმხელია, რა ფიქრები აღუძრა იმ ცოლ-ქმარმა. ეს ფიქრები გრაციამ თავისით ამოიკითხა მის გულში. კრის-ტოფი გატაცებით უყვებოდა, შიგადაშიგ თვალს აარიდებდა, ზოგჯერ სიტყვა-საც გაწყვეტდა. გრაცია ღიმილით მისჩერებოდა, კრისტოფის მღელვარება მას-საც გულს უჩქროლებდა.

იმ საღამოს, მართო რომ დარჩა თავის ოთახში, გრაცია ოცნებას მიეცა. გუნებაში კრისტოფის ნაამბობს იმეორებდა, ოღონდ თვალწინ იფნის ქვეშ მთვლემარე ის მოხუცი ცოლ-ქმარი კი არ დაუდგებოდა, თავისივე მეგობრის გაუბედავი და მგზნებარე ოცნება აეკვიატებოდა. გული სიყვარულით აღევსო: ლოგინში შეწვა, სანთელი ჩააქრო და ფიქრს აპყვა:

„ჰო, მართლაც უგუნურებაა, უგუნურება და დანაშაული, ამგვარი ბედ-ნიერება ხელიდან გაუშვა. განა რა უნდა იყოს ამქვეყნად იმაზე უფრო სასი-ხარულო, ვიდრე ის, რომ გააბედნიერო, ვინც გიყვარს? რაო? განა მიყვარს იგი?..“

გაინაზა, მღელვარედ მიუგდო ყური თავისივე გულის ხმას და ამ ხმამ უპასუხა:

„მიყვარს“.

ამ დროს გვერდით ოთახში, სადაც ბავშვებს ეძინათ, გაისმა მშრალი, ხრინწიანი ხველა, თითქოს ამ ხველას გული უნდა ამოაყოლონო. გრაცია გაფაციცდა. მას შემდეგ, რაც ბიჭი ავად გაუხდა, ერთთავად შეშფოთებული იყო. ბავშვს ვასძახა. ბიჭს ისევ ახველებდა, არ გამოპასუხებია. მაშინ ლოგინიდან წამოიჭრა და იმ ოთახს მიაშურა. ბიჭი აღგზნებული იყო, კენესოდა, ცუდად ვარო ამბობდა; ხველება უვარდებოდა და სიტყვა უწყდებოდა.

— სად გტკივა?

პასუხს არ იძლეოდა. მტკივაო, მხოლოდ ამას ამბობდა.

— დედა გენაცვალოს, გემუდარები, მითხარი, სად გტკივა?

— არ ვიცი.

— აქა გტკივა?

— ჰო. არა. არ ვიცი. ყველაფერიც მტკივა.

უცებ ძლიერი, თითქოს განზრახ გამოწვეული, ხველება აუტყდა. გრაცია შეშინდა, თუმცა ეგონა, ძალად ახველებსო. მაინც მაშინვე უსაყვედურა თავის თავს: აკი ხედავდა, ბავშვი ოფლად გაღვრილიყო და ძლივს სუნტქავდა. ხელი მოხვია, დაუყვავა, თითქოს დააწყინარა კიდევ. ოღონდ წასვლას დააპირებდა თუ არა, ბავშვს კვლავ ხველა აუტყდებოდა. რაღას იზამდა, მთლად შემცივებული უჭდა სასთუმალთან. იმის ნებაც არ ჰქონდა, გასულიყო და ჩაეცვა, ბიჭის ხელი ხელში უნდა სჭეროდა. მაშინდა გაუშვა ბიჭმა ხელი, როცა ძიღმა თავი წაართვა. ადგა და თვითონაც ლოგინში ჩაწვა. გაფიჩხებული იყო, შფოთით მოცული და გაწაყვებული. აღარ შეეძლო, იმ თავის ოცნებებს მიჰბრუნებოდა.

ბავშვს ჰქონდა საოცარი უნარი, გამოეცნო დედამისის ფიქრები. ერთი სისხლის ადამიანები საკმაოდ ხშირად ამეღაფნებენ ამ თანდაყოლილ ალღოს, თუმცა აგრე გამანვილებული როდი აქვთ იგი. თვალის ერთი შევლება და უკვე იციან, რას ფიქრობს მეორე: ათასნაირი ძლივს შესამჩნევი ნიშნით ხედებიან ამას. ამ უნარს, რასაც ავითარებს ერთად ცხოვრება, ლიონელს უმანვილებდა ნიადგა ყელზე მომდგარი ბრაზი. სიავისადმი მისწრაფებას გამჭირახი ვახანდა იგი. კრისტოფი რასანახავად ეჯავრებოდა. რატომ? რატომ გრძნობს ხოლმე ბავშვი ზიზღს მავანი ადამიანისადმი, ვისაც ცუდი არაფერი უყვია მისთვის? ხშირად ეს შემთხვევითი ამბავია. თუ ბავშვს ერთხელაცაა აეკვიტა ესა და ეს კაცი მეჯავრებო, მერმე ეს აზრი ძვალ-რბილში გაუჯდება; რაც უფრო მეტად დატუქსავთ, მით უფრო გაგიჭიუტდებათ; თავდაპირველად თავს ისე აჩვენებს, ვითომც მძულსო, ბოლოს კი მართლაც სიძულვილით განიმსქვალება. მაგრამ ზოგჯერ ეს არის უფრო ღრმა მიზეზების შედეგი, რაც აღემატება ბავშვის მიხვედრას; მას ეჭვიც კი არაფრისა აქვს. დაინახა თუ არა გრაფ ბერენის ვაჟიშვილმა კრისტოფი, პირველი დღეებიდანვე მტრული გრძნობა გაუჩნდა ამ კაცის მიმართ, ვინაც დედამისს უყვარდა. და იმ ეპოს, როცა გრაციამ გაიფიქრა, ცოლად გაეყვებოთ კრისტოფს, თითქოს გუმანით იგრძნო

ეს. ამ წუთიდან მოყოლებული ორივეს გამუდმებით უთვალთვალებდა. ნიადაგ მათ სიახლოვეს ტრიალებდა. კრისტოფს რომ მოსულს ნახავდა, მისაღებ ოთახში დაერკობოდა და ფეხს აღარ მოიცვლიდა, ან არადა შეეცდებოდა, უეცრივ შეჭრილიყო იმ ოთახში, სადაც ორივენი ისხდნენ. კიდევ მეტი, როცა მარტო დარჩენილი დედამისი კრისტოფზე ფიქრობდა, თითქოს ალღოთი ხვდებოდა ამას. გვერდით მოუჭდებოდა და თვალს არ აცილებდა. ეს მზერა ისე შეაწუხებდა გრაციას, ლამის იყო სახე აღანძვოდა. წამოდგებოდა, დარცხვენა არ შემამჩნიოსო. ლიონელს სიაშოვნებას ჰგვირდა, როცა დედის გასაგონად შეურაცხყოფელ რასმე იტყოდა კრისტოფის მისამართით. დედა ვაჩუშვებდას სთხოვდა. ბიჭი თავისას არ იშლიდა. თუ დასჯას დაუპირებდა დედამისი, ადგებოდა და დამუქებოდა, ავად გავხდებოო. ამ ფანდს პატარაობიდანვე წარმატებით იყენებდა. პატარაობისას რალაცის გამო დატუქსეს. ისიც ადგა და შურისგების საშუალება მოიგონა: ტანთ გაიხალა და ტიტლიკანა გაწვა ცივ იატაკზე, დაე გავცივდეთო. ერთხელ კრისტოფმა მუსიკალური ნაწარმოები მოიტანა, გრაციას დაბადების დღის აღსანიშნავად დაეწერა, — ბიჭმა უმაღლეს ხელთ იგლო ხელნაწერი და სადღაც გააქრო. მერმე ნაკუწებად ქცეული იპოვეს შეშის ჩასაწყობ ყუთში. გრაციას მოთმინების ძაფი გაუწყდა და მკაცრად გაეციხა ბავშვი. მაშინ ბავშვმა ტირილი მორთო, ყვიროდა, ფეხებს აბაკუნებდა, იატაკზე გორაობდა, ნერვული შეტევა დაემართა. გრაციას შიშის ზარი დუცა, დაწყნარდით, ემუდარებოდა, რასაც ისურვებ, ყველაფერს შეგისრულებო.

იმ დღიდან მოყოლებული იგი ვითარების ბატონ-პატრონი შეიქნა. მშვენიერად ესმოდა ეს ამბავი და არაერთგზის მიმართა კიდევ ნაცად საშუალებას. ვერასოდეს იტყოდი, მართლა შეტევა ჰქონდა თუ თვალთმაქცობდა. სიანხსლე მარტო მაშინ კი არ მოუვლიდა, როცა ეურჩებოდნენ და ამის გამო სამაგიეროს გადახდას ცდილობდა, ამ ხერხს უბრალოდ ჯავრის საყრელადაც იყენებდა, თუ დედამისი და კრისტოფი საღამოს ერთად გატარებას დააპირებდნენ. გაუტყბა ეს მზაკვრული თამაში და ზოგჯერ ისე, ტყუილუბრალოდაც თამაშობდა, პრანჭობის ეშხით, რა არის შეეტყო, როდენ დიდია ჩემი ძალაუფლებათ. რა უცნაურს ნერვულ შეტევას არ მოიგონებდა, რაგვარ გამომგონებლობას არ იჩენდა: ხან სადილობისას კრუნჩხვა მოუვლიდა, ჭიქა გადმოუვარდებოდა და თეფში გაუტყდებოდა; ხან კიდევ, კიბეზე რომ აღიოდა, უეცრივ მოაჯირის მიებლაუჭებოდა, თითები დაეკრუნჩხებოდა, ვერაფრით გამიშლიათ, ირწმუნებოდა; ხანაც უცებ ფერდის ტკივილი გაამწარებდა, ყვირილით გორაობდა იატაკზე; ან არადა სული ეხუთებოდა. რაღა თქმა უნდა, ბოლოს და ბოლოს მართლაც ნერვული სენი გაიჩინა. ოღონდ შრომამაც ფუჭად როდი ჩაუარა. კრისტოფი და გრაცია საშინლად შეშფოთდნენ. მათი მშვიდი შეხვედრები — წყნარი ბაასი, კითხვა, მუსიკა, ყოველივე, რითაც ხარობდნენ — მთელი ეს ბედნიერება ამიერიდან მოწამლული ჰქონდათ.

თუმცა ღროღადრო სულის მოთქმის საშუალებასაც აძლევდათ ეს პატარა გაიძვერა: ეგების ღლიდა თავისი როლი, ან იქნებ ბალღური ბუნება ძლევდა და სხვა რამ მიიზიდავდა (ახლა უკვე სჯეროდა თავისი გამარჯვებისა).

მაშინ გრაცია და კრისტოფი ღროს იხელთებდნენ ხოლმე. ასე მოხელე-ბული ყოველი საათი მეტად ძვირფასად ეჩვენებოდათ, რაკი დარწმუნებულნი არ იყვნენ, ეს სანეტარო ქამი დიდხანს თუ გაგრძელდებოდა. რარიგ გძნობდნენ მაშინ ერთმანეთის სიახლოვეს! რატომ არ შეიძლება, მუდამ გაგრძელდეს ეს სიახლოვე? ერთხელ გრაციამ სინანულიც კი გამოთქვა ამის გამო.

— მართლდა, რატომ? — ჰკითხა კრისტოფმა.

— მშვენიერად იცით ეს, ჩემო მეგობარო, — მიუგო გრაციამ და სევდიანად გაიღიმა.

კრისტოფმა იცოდა მიზეზი: იცოდა, ვაჟიშვილის გულისთვის მსხვერპლად რომ იღებდა გრაცია მათს ბედნიერებას; იცოდა, ლიონლოს თვალთმაქცობით სულაც არ ტყუვდებოდა იგი და მაინც იმ ბიჭუნე რომ ამოსდიოდა მზე და მთვარე; უწყადა, ეგრე სჩვევიაო ოჯახური სიყვარულისთვის ნიშნულ ამ ბრმა ეგოიზმს; საუკეთესო ხალხს რომ აიძულებს, სისხლით ახლობელ უღირს და უნეირო ადამიანს შეალიონ თავგანწირვის უნარი, ასე რომ, სანაცვლოს ველარ მიაგებენ უფრო ღირსეულს, იმას, ვინც ყველაზე მეტად უყვართ, მაგრამ სისხლით სხვა არის. და თუმცა კრისტოფს აღაშფოთებდა ეს ამბავი, ზოგჯერ სურვილიც წამოუვლიდა, მოესპო ეს პატარა სწარელი არსება, ამათ რომ სიცოცხლეს უწამლავდა, მაინც უსიტყვოდ ემორჩილებოდა ბედს, ესმოდა, გრაციას სხვაგვარად მოქცევა არ შეუძლიაო.

მეტისმეტ ჩივილს არ მოჰყოლიან, ორივენი თავგანწირვის გზას დაადგნენ. თუ წილხვედრი ბედნიერება მოჰპარეს, სამაგიეროდ ვერაფერი მოუშლიდათ გულების კავშირს. თვითალკვეთა, ეს ორმხრივი მსხვერპლი, უფრო მტკიცედ აერთებდათ, ვიდრე სხეულისმიერი კავშირი შეაკავშირებდათ. თავთავიანთ დარღს ერთიმეორეს უზიარებდნენ. ერთი თავის სადარღებელს მეორეს ატვირთვინებდა, მეორისას კი თავს იღებდა, — ასე რომ, მწუხარებაც კი სიხარულით შეეცვლებოდათ. კრისტოფი გრაციას „თავის სულიერ მამას“ უწოდებდა. გრაციას თავის სუსტ მხარეებსაც არ უმალავდა. დიდი წუხილით ინანიებდა მათ, გრაცია კი ღიმილით უმშვიდებდა სინდისს ამ ბებერ ბალღს. კრისტოფმა თავისი ნივთიერი გაჭირვების ამბავიც კი გაუმხილა. ესეც კია, მას შემდეგლა გაბედა ამის გამხელა, როცა მტკიცედ შეთანხმდნენ, გრაცია არაფერს შემოსთავაზებდა, კრისტოფი კი არაფერს აიღებდა მისგან. ეს იყო სიამაყის უკანასკნელი ზღუდე, რაც კრისტოფს შეენარჩუნებინა და რის ვალაზნასაც გრაცია არ ცდილა. გრაციამ, რაკილა აუკრძალეს, ეზრუნა მეგობრის ნივთიერი შექლებისათვის, სამაგიეროდ მოახერხა, კრისტოფის მიმართ გამოეჩინა ის, რაც ამ უკანასკნელისათვის ათასჯერ უფრო მნიშვნელოვანი იყო, — გამოეჩინა თავისი მოსიყვარულობა. ყოველ წუთს გრძნობდა კრისტოფი ამ სა-

თუ მოპყრობას; დილდობით, თვალის განელისას, თუ ძილის წინ, უსიტყვო ლოცვას წარმოთქვამდა სიყვარულისას და თაყვანებისას. გრაცია კი, როცა დილით გამოიღვიძებდა ან. კიდეც ღამით ძილი გაუფრთხებოდა, ჩურჩულებდა ხოლმე: „ჩემი მეგობარი ფიქრობს ჩემზე“.

და საოცარი სიმშვიდე დაეუფლებოდა ორივეს.

ამავე დროს გრაციას სულ უფრო მეტად ღალატობდა ჯანმრთელობა. ხშირად ლოგინში იწვა ანდა მთელ დღეებს ტახტზე წამოწოლილი ატარებდა. კრისტოფი ყოველდღე ნახულობდა, ბაასობდნენ, ერთად კითხულობდნენ. კრისტოფი თავის ნაწარმოებებს უჩვენებდა ხოლმე. მაშინ გრაცია წამოდგებოდა და ფორტეპიანოს მიუჯდებოდა. ახალმოტანილ ნაწარმოებს დაუკრავდა. ამაზე მეტ სიხარულს რაღა მიანიჭებდა კრისტოფს. გრაცია და სესილი ყველაზე ნიჭიერი იყვნენ მის მოწაფეებს შორის. ოღონდ სესილი თუ ინსტინქტურად გრძნობდა მუსიკას, ისე, რომ თითქმის არ ესმოდა, გრაცია მშვენიერ, გააზრებულ პარმონიულ ენად აღიქვამდა მას. დემონურობა, ცხოვრებასა თუ ხელოვნებაში თავჩენილი, მთლიანად ეპარებოდა მხედველობიდან; მუსიკაში თავისი სათუთი სულის სინათლე შექჷონდა და ეს სინათლე კრისტოფის შემოქმედებაშიც ატანდა. გრაციას დაკვრა კრისტოფს ხელს უწყობდა, უკეთ გაეცნობიერებინა მის მიერვე გამოხატული ბნელი ვნებები. თვალეზმისუქული უსმენდა, და თითქოს ხელი ხელში ჩაუვლიათ გრაციასათვის, მიჰყვებოდა მას საკუთარი აზრისავე ლაბირინთიანი გზით. საკუთარ მუსიკას გრაციას სულის მეშვეობით რომ შეიგრძნობდა, ერწყმოდა კიდეც ამ სულს, ეუფლებოდა მას. ეს იღუმალი კავშირი წარმოშობდა მუსიკალურ ქმნილებებს, თითქოსდა მათი სიახლოვის ნაყოფს რომ წარმოადგენდა. ერთხელ, როცა გრაციას მიართვა თავის ნაწარმოებთა კრებული — ნაყოფი მათივე სულიერი სიახლოვისა — კრისტოფმა დასძინა:

— აი, ჩენი შვილები.

გულისთქმათა ერთიანობა, როცა ერთად იყვნენ და გინდაც დაშორებულინი ყოფილიყვნენ; სიამე ძველებური სახლის სიწყნარეში გატარებული საღამოებისა; სახლი, შექმნილი თითქოსდა გრაციას ხატად და მსგავსად, სადაც ორ ჩუმს, მუყაითსა და ერთგულ მსახურს ლამის კრისტოფისათვის მიეგო ნაწილი იმ პატივისცემისა და სიყვარულისა, რითაც გამსჭვალულნი იყვნენ თავიანთი ქალბატონის მიმართ. საამურიცა, ერთად უსმენდნე საათის რეკას და თვალს მიაღვენებდნე ცხოვრების დენას. გრაციას უქეიფობა ბზარავდა ამ ბედნიერებას. მიუხედავად სისუსტისა, გრაცია ისეთი სხვიმომფინარე ჩანდა, ფარული ტანჯვა მხოლოდ მომხიბლობას ჰმატებდა. კრისტოფი მას უწოდებდა „თავის წამებულ, სახეცისკროვან სათუთ მეგობარს“. ზოგჯერ საღამოს, როცა გრაციასგან შინმობრუნებულს ველარ გაეძლო, დაჯდებოდა და მისწერდა, რათა მიემცნო:

„Liebe, liebe, liebe, liebe, liebe Grazia...!“.

ეს უღრტვინეული სიმშვიდე რამდენიმე თვეს გრძელდებოდა. ეგონათ კი, მუდამ ასე გაგრძელდებოდა. ბიკს თითქოს დაეწყებოდა ესენი — სხვა რამით იყო გართული. მაგრამ შესვენების შემდეგ ძველებური ოინები გაიხსენა და საშველს აღარ აძლევდა ამათ. ამ პატარა ეშმაკუნამ განიზრახა, დაეცილებინა დედამისი და კრისტოფი. კვლავინდებურად ოინბაზობდა. განათუ წინასწარ მოფიქრებული გეგმით მოქმედებდა, ყოველდღე ახალ-ახალ ეშმაკობას იგონებდა, რასაც სიავე ჩაავგონებდა. აზრადაც არ მოსდიოდა, რა ბოროტებას ჩადიოდა: სიცოცხლეს გიმწარებდა და ამით ერთობოდა. მაშინლა მოისვენა, როცა დედამისს ბოლოს და ბოლოს პირობა ჩამოართვა, პარიზს დატოვებდნენ და შორეულ ქვეყნებში სამოგზაუროდ წავიდოდნენ. გრაციას არ ჰქონდა წინააღმდეგობის გაწევის თავი. თანაც ექიმები ურჩევდნენ, რამდენიმე თვე ეგვიპტეში გაეტარებინა, ჩრდილოური ზამთრისათვის თავი გაერიდებინა. ბევრი რამ იყო იმის მიზეზი, გრაციას რომ ჯანმრთელობა შეერყა: ბოლო წლებში განცდილი ელდა, მუდმივი მღელვარება შვილის ჯანმრთელობის გამო, გაურკვეველობა, შინაგანი ჭიდილი, სინდისის ქენჯნა იმ ტანჯვის გამო, რასაც მეგობარს აყენებდა. კრისტოფი ხედავდა, როგორ ახლოვდებოდა განშორების დღე, მაგრამ ტკივილს არ ამხელდა, რადგან გრძნობდა, რა ხდებოდა გრაციას გულში და არ უნდოდა, კიდევ მეტად გაეწიებინა. არაფერი უღონებია, რათა გამგზავრების ვადა გადაეწეინებინა. ორივეს ისე ეჭირა თავი, გეგონებოდა, მშვიდად არიანო, თუმცა სიმშვიდეს სულაც არ გრძნობდნენ; ოღონდ ეს იყო, ერთმანეთს არ ამჩნევენებდნენ არაფერს.

დადგა განშორების დღეც. სექტემბრის დილა იყო. ჯერ კიდევ შუა ივლისში ერთად წავიდნენ პარიზიდან, უნდოდათ, გამგზავრებამდე დარჩენილი ბოლო რამდენიმე კვირა შვეიცარიაში გაეტარებინათ, მაღალმთიან სასტუმროში, იმ ადგილის მახლობლად, სადაც ერთმანეთს შეხვდნენ ექვსი წლის წინათ.

ხუთი დღის განმავლობაში გარეთ ფეხი ვერ გამოედგათ. გადაუღებლივ წვიმდა, თითქმის მარტონი დარჩნენ სასტუმროში, — დამსვენებელთა უმრავლესობა წავიდ-წამოვიდა. იმ ბოლო დღეს წვიმამ როგორც იქნა გადაიღო, ოღონდ მთები ისევ ღრუბლებში იყო გახვეული. ბავშვები მოსამსახურესთან ერთად უფრო ადრე გამგზავრნენ პირველი ეკიპაჟით. მალე გრაციაც გაემზადა. კრისტოფი იმ ალაგამდე გაჰყვა, საიდანაც გზა კლაკნილად ეშვებოდა იტალიის ბარისაკენ. ნესტისაგან გათოშილნი ისხდნენ თავახდილ ეკიპაჟში, მჭიდროდ მიჰკვროდნენ ერთმანეთს, ხმას არ იღებდნენ, თითქმის არც იცქირებოდნენ ერთიმეორისკენ; გარს ეკრათ ბინდიანი სინათლე — გაგიჭირდებოდა გეტქვა, დღე იყო თუ ღამე. გრაციას პირბაღე დაენამა სუნთქვისაგან. კრის-

<sup>1</sup> საყვარელო, საყვარელო, საყვარელო, საყვარელო, საყვარელო გრაცია (გერმანული).



ტოფი ხელს უჭერდა. პატარა ხელზე, გათოშილი ხელთათმანის წიაღ შეიგრძნობდა ქალის სითბოს. ერთმანეთს შეხედეს. კრისტოფმა სანუკვარ ტუჩებზე აკოცა დანამული პირბადის მიღმა.

გზის საქცევს მიაღწიეს. კრისტოფი ჩამოხტა. ეტლი ჯანღს შეერია. მალე თვალთაგან გაქრა. ჯერ ისევ მოისმოდა ბორბლების ხმაური და ცხენების ფლოქვთა ხმა. სქელი თეთრი ნისლი ებურა მდელოებს. ძლივს გამოკრთოდა გაშეშებული ხეები, რტოებიდან წვეთები წკუმპლავდა. ჩქამი არ ისმოდა. ჯანღს მოეცვა ცხოვრება. კრისტოფი შედგა, სუნთქვა ეკვროდა... არარა სუფევდა. დასრულებულიყო ყოველივე...

კრისტოფმა ღრმად შეისუნთქა ნისლი და გზა განაგრძო. არცრა დასრულებულა იმისთვის, ვისაც სული უდგას.

განზორება მხოლოდ აძლიერებს იმათ მეუფებას, ვინც გვიყვარს. გულს შემოუნახავს ოდენ ყველაზე ძვირფასს, ყველაზე უკეთესს მოგონებათა ხსოვნა. ნახმვეი ყოველი სიტყვისა, სივრცეთა წიად რომ მოღწეულა შორეული მოყვასისაგან, კრძალულ თრთოლასა გვერის ირგვლივ გამეფებულ სიჩუმეში.

კრისტოფისა და გრაციას მიწერ-მოწერაში გაბატონდა მშვიდი და თავშეკავებული კილო მეგობრებისა, რომელთა სიყვარულს აღარ ემუქრებოდა საშიში განსაცდელი, — ეს ყოველივე წარსულს ჩაჰბარებოდა და ახლა ისინი ხელიხელჩაკიდებულნი თავდაჯერებით მიუყვებოდნენ თავიანთ გზასაველს. თითოეული მათგანი საკმაოდ ძლიერი იყო საიმისოდ, დახმარება და წინამძღვრობა გაეწია მეორისათვის, იმავე დროს კი საკმაოდ სუსტი გახლდათ, რათა ნება მიეცა მეორისთვის, დამეხმაროს და მიწინამძღვროს.

კრისტოფი პარიზს დაბრუნდა. აღარ მივბრუნდებოი იქ, გულში პირობა ჰქონდა დადებული. მაგრამ რა დიდი ბედენაა ამგვარი პირობა? იცოდა, ჯერ ისევ იპოვიდა იქ გრაციას აჩრდილს. გარემოება კი წინ აღუდგა მის ფარულ საწადელს და პარიზში განუშადა ახალი ვალი, რაიც უცილოდ უნდა აღესრულებინა. კოლეტმა, ვინაც იცოდა მალალი საზოგადოების ჭორები, კრისტოფს ამცნო, შენი ნორჩი მეგობარი ეანენი სისულელეთა ჩადენას აპირებსო. ეაკლინი მუდამ დიდ გულჩვილობას იჩენდა ვაჟიშვილის მიმართ და უკვე აღარც ცდილობდა მის მოთოკვას. თავადვე მძიმე კრიზისს განიცდიდა, მხოლოდ თავის თავზე ფიქრობდა, ჟორჟის მისახედავად არ ეცალა.

ეაკლინი ფრიად სადად და განმარტოებულად ცხოვრობდა იმ სამწუხარო ამბის შემდეგ, რამაც მას ქორწინება გაუცამტერა და ოლივიეს ცხოვრება აუწყწა. პარიზელი საზოგადოებისაგან თავი განზე ეჭირა. საზოგადოებამ ჯერ იყო, კარანტინის მაგვარი რამ მოუწყო თვალთმაქცურად, მერმე კი კვლავ მოუშლელი თავაზიანობით ეპყრობოდა. ეაკლინი ამ ადამიანებისადმი სულაც სირცხვილს არ გრძნობდა თავისი საქციელის გამო. აგრე მიაჩნდა, ვალდებული არა ვარ, იმათ ანგარიში ჩავებარო, რამეთუ ჩემზე უდარესნი არიანო. რაც თვითონ ამჟვარად ჩაედინა, იმას ნაცნობი ქალების ნახევარი მალულად, ოჯახურ კერას ამოფარებული ჩადიოდა. მხოლოდ ის უდაგავდა გულს, მწუხარება რომ დაატეხა თავის საუკეთესო მეგობარს, ერთადერთ მამაკაცს, რომელიც უყვარდა. ვერ ეპატიებინა თავისი თავისათვის, ამგვარი გრძნობა რომ ასე დაასამარა ამ უბადრულ ქვეყანაზე.

თანდათან ეს სინანული, ეს გულისტკივილი გაუნელდა, — შემორჩა მხოლოდ ჩუმი ტანჯვის გრძნობა, უსაზღვრო ზიზღი საკუთარი თავისა და სხვების

მიმართ და ვაჟიშვილის სიყვარული. ამ სიყვარულით სულდგმულობდა და მიტოვებულ ფინანსებს ეგებოდა ჟორჯს. არ შეეძლო, მისი ხუსტურისათვის წინააღმდეგობა გაეწია. ამ სისუსტის გასამართლებლად თავს ირწმუნებდა, ოლივიეს წინაშე რომ დანაშაული მიმძღვის, ამგვარად გამოვიწყდიო. ეგზალტირებული მოსიყვარულების პერიოდს მოჰყვებოდა დაქანცულობისა და გულგრილობის ეპოქა. ხან თავს აბეზრებდა ჟორჯს მომთხოვნელობითა და ფეთიანი სიყვარულით, ხან კი თითქოს გაუჭირდებოდა ამ ტვირთის ზიდვა და სრული თავისუფლების ნებას აძლევდა. ეწამებოდა, რადგან მშვენივრად ესმოდა, ცუდი აღმზრდელი ვარო, ოღონდაც ვერაფერი გაეწყო. ერთი-ორჯერ სცადა, აღზრდის საკუთარი პრინციპები ოლივიეს იდეებისათვის მიესადაგებინა, მაგრამ სამწუხარო შედეგი მიიღო: ეს მორალური პესიმიზმი ვერც თვითონ იგუა, ვერც მისმა შვილმა. კაცმა რომ თქვას, მხოლოდ ერთი რამ ეწადა: ვაჟიშვილს ჰყვარებოდა. არც გამტყუნებოდა, რადგან ამ ორ აღმაშენს, თუმცა დიდად ჰგვანდნენ ერთმანეთს, მხოლოდ გულისმიერი კავშირი აერთებდა. ჟორჯი ყანენი დედის ფიზიკურ მომხიბვლელობას ემორჩილებოდა: მოსწონდა მისი ხმა, მისი ენისტი; მისი მიხრა-მოხრა, მისი ალერსი, მოსიყვარულება. ოღონდ გრძნობდა, სული რომ ეუცხოებოდა დედამისის. ჟაკლინმა მხოლოდ მაშინ შენიშნა ეს, როცა ჟორჯი შეღერდა და დაშორდა მას. შენიშნა და გაკვირდა, სხვა ქალის გავლენას დააბრალა ეს გაუცხოება, მოუქნელად ცდილობდა დაეძლევიინებინა ეს ზეგავლენა, ოღონდ ამით კიდევ უფრო დაიშორა ვაჟი. სინამდვილეში, ნიანდაგ გვერდიგვერდ რომ ცხოვრობდნენ, თავთავიანთი საქმით რომ იყვნენ ვართულნი, ილუზიას იქმნიდნენ და ვერ ამჩნევდნენ; რა თიშვადთ, ვერ ამჩნევდნენ, რამეთუ ერთი ჰქონდათ ფრიალ ზერელე სიმპათიისა თუ ანტიპათიის გრძნობები, რომელთაგან კვალიც არ დარჩენილა, როცა ბავშვი (ეს გაურკვეველი არსება, ჭერ ისევ მთლად გაყდენთილი ქალის სუნით) დაჰბაჰკვდა. ჟაკლინმა გულისტკივლით უთხრა ვაჟს:

— ნეტა ვის დაემსგავსე. არც მამაშენს ჰგავხარ, არც მე.

ამრიგად, კიდევ უფრო მეტად აგრძნობინებდა, რარიგ უცხონი იყვნენ ერთიმეორისათვის; ჟორჯი ილუზმალ ამაყობდა ამით და იმავე დროს გაურკვეველ შეშფოთებასაც განიცდიდა.

მომდევნო თაობა მულამ უფრო ძლიერად გრძნობს ხოლმე იმას, რაც წინასაგან მიჯნავს, ვიდრე იმას, რაც მასთან აერთებს. აგრე სჭირდებათ თვითღამკვიდრებისათვის, ვინდაც ამას უსამართლობის ანდა თავის მოტყუების ფასად აღწევდნენ. ეს გრძნობა, ეპოქისდა კვალობაზე, მეტ-ნაკლებად გამძაფრებულია. კლასიკურ ხანაში, როცა დროებით წონასწორობა მყარდებოდა ერთი რომელიმე ცივილიზაციის ძალებს შორის, ისეთ ხანაში, მაღალი მთის ზეგანს რომ მოგვავაგონებს ციკაბოფერლობიანს, განსხვავება თაობებს შორის არც ისე საჩინოა. მგრამ აღორძინებისა და დაქვეითების ხანაში ის ახალგაზრდები, აღმა რომ მიუყვებიან ბრუდამხვევ ციკაბო ფერლობს, ან კიდევ თავივე

ჩამოსდევნენ დამრეცს, დიდად ჩამოიტოვებენ ხოლმე თავიანთ წინამორბედთ. ყორჟი და მისი ტოლები აღმა მიუყვებოდნენ მთას.

ჭკუით ან ხასიათით გამორჩეულიაო, ყორჯზე ვერ იტყოდით: ერთნაირი უნარი ჰქონდა ყველაფრისა, ვერა მხრივ ვერ ასცილებოდა ნატიფი საშუალოობის დონეს. და მინც პირველი ნაბიჯების გადადგმისთანავე მამამისზე რამდენიმე საფეხურით მაღლა მდგარი აღმოჩნდა ისე, რომ განსაკუთრებული ძალისხმევა არ დასჭირვებია საამისოდ. მამამისს ხომ უზღვეავი სულიერი და ფიზიკური ენერჯია დაეხარჯა ხანმოკლე სიცოცხლის მანძილზე.

აეხილა თუ არა გონების თვალი, ირგვლივ შენიშნა ეს სიბნელე, თვალისმომჭრელი სინათლე რომ გაკვეთდა ხოლმე, ეს უღრანი საცნაურისა თუ იღუმალისა, მტრული ჭეშმარიტებებისა, წინააღმდეგობრივი ცდომილებებისა, რომელთა შორის ციებცხელებიანივით ეხეტებოდა მამამისი. ოღონდ ყორჯმა უმაღლე შეიგნო, ოღძვიესათვის უცნობი ერთი იარაღი რომ ჰქონდა ხელთ, — თვისივე ძალა...

მერედა, საიდან გამოაჩნდა? ესაა გვარის აღორძინების საიდუმლო, გვარისა, გამოფიტული რომ არის და დაშრეტის პირამდე მისულა, მაგრამ უეცრივ სიცოცხლის ძალას მოიკემს და პირთამდე აივსება გაზაფხულის მთის ნაკადივით! რას მოახმარს ამ ძალას? ხელს მოჰკიდებს თუ არა თანადროული აზრის უღრანების კვლევას? არა, ამგვარი საქმიანობა სრულებით არ იზიდავდა, გრძნობდა, იქ ბევრი ხიფათი უდარაჯებდა. აკი ამან დაღუპა მამამისი. უმაღლე ცეცხლს მისცემდა ამ უსიერ ტევრს, ვიდრე შეეცდებოდა კვლავ შეედწია მის ტრაგიკულ სიღრმეში. ჰაიპარად ჩახედა სიბრძნისა და წმიდათაწმიდა სიგიჟის წიგნებს, იმათ, ოლივიე რომ ეწაფებოდა ოდესლაც: ტოლსტოის ნიპილისტურ გულმოწყალებას, იბსენის პირქუშ, გამაცამტვერებელ მწვაობრობას, სიშმაგეს ნიცშესი, ვაგნერის გმირულსა და გრძნობისმიერ პესიმიზმს. ყორჯმა რისხვითა და შიშისზარით აქცია მათ ზურგი. სძულდა თათბა რეალისტური მწერლებისა, რომლებმაც ბოლო ნახევარი საუკუნის მანძილზე ჩაკლეს წმინდა ხელოვნების სიხარული. თუმცაღა მთლად ვერ განეშორებინა ნაღვლიანი ოცნების ბუნდოვანი აჩრდილები, ოცნებისა, მის ბავშვობას რომ უნანაევებდა. არ უნდოდა უკან მიხედვია, ოღონდ იცოდა, უკან რომ აჩრდილი ედგა. ერთობ ჯანსაღი იყო საამისოდ, თავისი დაუდგრომლობისათვის გამოსავლად დევგულებინა წინა ეპოქის დუნე სკეპტიციზმი; ზიზღს ჰგვირია რენარისა და ანატოლ ფრანსის დილეტანტურობა, თავისუფალი გონების წარყვნილობა, უსიხარულო სიცილი, სიდიადეს მოკლებული ირონია, — ყველა ეს სამარცხვინო საშუალება, მხოლოდ მონებს რომ გამოადგებოდათ, იმ მონებს, რომლებიც ბორკილებს დააქლარუნებენ, ბორკილთა მოშორება კი არ ძალუძთ.

მეტისმეტად ძლიერი იყო, დაეჭვებას რომ დასჯერებოდა, ოღონდ მეტისმეტად სუსტი. რათა სათავისოდ რწმენა შეექმნა, — ისწრაფოდა კია რწმენისკენ, სწყუროდა იგი! გული მისი იაჯდა, იმუდარებოდა, მოითხოვდა. და მუდამ

პოპულარობისათვის დაქიჩმაჩებულნი — ყალბად განდიდებული მწერლები, ყალბად განდიდებული მოაზროვნენი, უღარაჯებდნენ და ექსპლუატაციას უწევდნენ ამ დაუოკებელსა და მტანჯველ წადილს, დაფდაფების გრიალში ცამდე აპყავდათ თავიანთი თაღლითური წამალი. თითოეული ამ ჰიპოკრატე-თაგანი<sup>1</sup> თავისი ფარდულის მაღალ ფიცარნაგზე შესკუბებული გაპყვიროდა, ჩემი ელექსირი არისო საუკეთესო, უებარი, ყველა დანარჩენს კი აძაგებდა. მაგრამ ის საიდუმლო საშუალებები განხრეტილ ფარადაც არ ღირდა. არც ერთი ეს ვაჭრუკანა არ გარჯილა საიმისოდ, ახალი რეცეპტი ეპოვა. ნაყარ-ნუყარს შორის გამოექექათ ძალადაკარგულ წამლებიანი შუშები. ერთი უებარ საშუალებად აცხადებდა კათოლიკურ ეკლესიას, მეორე — კანონიერ მონარქიას, მესამე — კლასიკურ ტრადიციას. მათ შორის მოიძეებოდნენ ისეთი ზუმარებიც, რომლებიც ამტკიცებდნენ, ლათინურთან მიბრუნება ყველა ბოროტებისაგან გვიხსნისო. ზოგნი კი ხმელთაშუაზღვისეული სულის ბატონობას ქადაგებდნენ სერიოზული იერიითა და გადაჭარბებული ენამზობით, რაც ნღობას უნერგავდა ბუზიყლაპიებს (სხვაგვარ ვითარებაში ასეთივე დამაჯერებლობით გააბამდნენ ლაპარაკს ატლანტური სულის თაობაზე!) ჩრდილოელ და აღმოსავლელ ბარბაროსთა საპირისპიროდ, ისინი საზეიმოდ აცხადებდნენ თავიანთ თავს ახალი რომის იმპერიის მემკვიდრეებად. სიტყვები, სიტყვები, თანაც ნასესხები სიტყვები: ღია ცისქვეშ სხაპასხუპით გაღმოვილაგებდნენ ბიბლიოთეკებში დაუნჯებულ დიდ სიბრძნეს. ახალგაზრდა ქანენი მისი ამხანაგებივით ხან ერთ ვაჭრუკანას მიეახლებოდა, ხან მეორეს, ყურს უგდებდა, როგორ ეპატიებოდნენ ისინი მუშტრებს ძახილით: ზოგჯერ ცდუნება გადასძლევედა, ფარდულში შევიდოდა, იქიდან კი იმედგაცრუებული და, ცოტა არ იყოს, სირცხვილნაჰამი გამოდიოდა: ამაოდ დაეხარჯა ფული და დრო. იქ მხოლოდ ძველი ჯამბაზები ეხილა გაცვეთილი ტრიკოთი მოსილი. და მაინც ისერიგად ძლიერი იყო ჰაბუკუკური ილუზიები, ისერიგად სჯეროდა, რწმენას ვპოვებო, რომ გაიგონებდა თუ არა იმედებით მოვაჭრეთა ყოველ ახალ დაპირებას, უმალ ანკესზე წამოეგებოდა. ყოჩი ნამდვილი ფრანგი გახლდათ: მემამოზური განწყობილება და წესრიგის თანდაყოლილი სიყვარული მოსდგამდა. ბელადი სპირდებოდა, ვერ იტანდა ვერავითარ მეუფროსეებს: დაუნდობელი ირონიით ნესტრავდა მათ.

ელოდა, ვინ შესთავაზებდა გამოცანის ამოხსნას... ოღონდ ლოდინისათვის არ ეცალა. იმ ადამიანთა გვარს როდი ეკუთვნოდა, მამამისის დარად მთელი სიცოცხლის მანძილზე რომ შეეძლოთ, ჰეშმარიტების ძიებას დასჯერებოდნენ. მისი ჰაბუკური; მჩქეფარე ძალა სადინარს ეძებდა. უნდოდა, რამე გაეკეთებინა, სულ ერთია, ექნებოდა საამისო საბაბი თუ არ ექნებოდა. ემოქმედა, გამოეყენებინა თვისი ენერგია, დაეხარჯა იგი. მოგზაურობა, ტკბობა ხელოვნებით, მეტადრე — მუსიკით, რასაც მოყირჭებამდე ეხარბებოდა, დროებით სულს

<sup>1</sup> აქ ირონ. მკურნალი. ჰიპოკრატე (460—377 წენს ვრამდე) — ბერძენი ექიმი, ითვლება მეცნიერული მედიცინის მამამთავრად.

ათქმევინებდა, უცხოობდა ვნებათაღელვას. თვალტანადმა, ნაადრევად მომწიფებულმა, ცდუნების იოლად ამყოლმა, ადრე იხილა სიყვარულის სამყაროს გემო, გარეგნულად ეგზომ მომხიბლავი სამყაროსი; იხილა და პოეტური სიხარულით ატაცებული მადიანად მიეძალა. ოღონდ ამ მიაშიტსა და თავხედურად უძლომელ ქერუბინოს მალევე მობეზრდა ქალები, საქმიანობა სჭირდებოდა. მაშინ გაშმაგებით მიეცა სპორტს. ყველაფერი მოსინჯა, სპორტის რა სახეობით არ იყო გატაცებული. მოფარიაყვეთა ასპარეზობის, მოკრივეთა მატჩების მუდმივი სტუმარი შეიქნა, რბენასა და სიმძლევზე ხტომაში საფრანგეთის ჩემპიონის წოდება მოიპოვა, იყო ფეხბურთელთა გუნდის კაპიტანი. გამბედაობაში ეტოქებოდა მასავით გიყმაყ, თავზენელალებულ ჭაბუკთ, მდიდარ ოჯახის შვილთ: უგუნურ, გიყურ ავტოგარბენას მართავდნენ, სწორედ სამკვდრო-სასიცოცხლო გარბენად რომ ითქმოდა, ისეთს. ბოლოს ყოველივე ახალ გასართობს ანაცვალა. იგი იზიარებდა ბრბოს შლეგურ აღფრთოვანებას თვითმფრინავით. სამას ათას მაყურებელთან ერთად ღრიალებდა, ტირილდა სიხარულისაგან ავიაციის დღესასწაულისას, რეიმში რომ იმართებოდა. გრძნობდა ერთობას ალტაცებულ და სასოებით აფოფინებულ ხალხთან: აღამიანი-ფრინველნი, თავს რომ გადაუფრენდნენ, თავიანთი ფრთებით ამათაც მიაჭროლებდნენ. პირველად იყო მას აქეთ, რაც დიდი რევოლუციის დაფიონი აენთო, მჭიდროდ შეკავშირებულმა ხალხმა ცის თაღს მიაპყრო თვალი, და ცა გადაეხსნა. დედას ელდა ეცა, როცა ჭაბუკმა ჟანენმა განაცხადა, მინდა ცის დამპყრობთა გუნდს შევეურთდეო. ჟაკლინი ემუდარებოდა, მაგ სახიფათო განზრახვაზე ხელი აიღეო. უბრძანებდა კიდევ: ჭაბუკმა თავისი გაიტანა. ჟაკლინს კრისტოფი ეგულობდა მოკავშირედ, მაგრამ კრისტოფი იმით შემოიფარგლა, რომ რამდენიმე ლონივრული რჩევა მისცა ჟორჟს, თუმცა დარწმუნებული იყო, ჩემს რჩევას ყურს არ ათხრევებსო (მითმ, რომ მის ადგილას ჯიყო, მეც ასევე მოვიქცეოდით). კრისტოფს, თუნდაც საამისო ძალა ჰქონოდა, უფლებამოსილად მაინც არ მიაჩნდა თავისი თავი, შეეზღუდა ჭაბუკურ ძალთა ჯანსაღი და ნორმალური სილაღე: უნებური უმოქმედობა იმ ძალებს საკუთარი თავის განადგურებისაკენ მიმართავდა.

ჟაკლინი ვერ შეჰკუთებოდა იმ ამბავს, რომ შვილი ხელიდან უსხლტებოდა. ტყუილად ეგონა, საბოლოოდ უარყვავიო სიყვარული, — უამილუზიოდ ვერ ძლებდა; ყველა მისი გრძნობა, ყველა მისი მოქმედება სიყვარულით იყო ნაფერი. ბევრ დედას ვაჟიშვილებზე გადააქვს ფარული გზნება იმ ვნებებისა, ქორწინებაში და ქორწინების გარეშე რომ ვერ დაუხარაჯავს! მერმე კი, როცა ხედავენ, უშიათოდ რა იოლად გადრან ვაჟიშვილები, როცა მოულოდნელად აღმოაჩენენ, აღარ ვუნდივართო, ისეთსავე მძიმე კრიზისს განიცდიან, გინდაც მიჯნურს ელაღატოს, სიყვარულში გაეწბილებინოთ. ამ ამბავმა ხელახალი ელდა დასცა ჟაკლინს. ჟორჟი ვერაფერს ამჩნევდა. ყმაწვილ კაცებს ფიქრადაც არ მოსდით, რა ტრაველია ტრიალებს გარშემომყოფთა გულში: არ სცალიათ,

შედგნენ და თვალი მოგაპყრონ; თანაც არ სურთ თვალის მოპყრობა — ეგოსიტური ინსტინქტი უკარნახებთ, იარონ პირდაპირ, აქეთ-იქით არ გაიხედონ.

ქაკლინი მარტოობაში იტანდა ამ ახალ საღარდებელს. მაშინლა მოეგო გონს, როცა ტკივილი გაუნელდა. გაუნელდა სიყვარულთან ერთად. კვლავ უყვარდა ვაჟი, ოღონდ ეს გრძნობა შორეული შეიქნა და ახლა საღარდებელმა ამ ამბავს; იცოდა, არ ვჭირდებოდა შეილს, ჰოდა თავის თავსაც გულგრილად ეკიდებოდა და ვაჟსაც. მთელი წლის მანძილზე უხალისოდ და საცოდავად აჩანჩალებდა სიცოცხლეს, ყოჩაყი კი ვერც ამჩნევდა ამას. ამგვარი უბედური გულის პატრონმა, არც სიკვდილი რომ არ შეეძლო, არც სიცოცხლე — უსიყვარულოდ, შემდეგ ჰპოვა სიყვარულის ახალი საგანი. იმ ვენების მსხვერპლი აღმოჩნდა, ხშირად რომ დაეუფლებოდა ხოლმე ქალის სულს, მეტადრე, როგორც ამბობენ, ყველაზე კეთილშობილი, ყველაზე მიუყვარებელი ქალისას, როცა მას სიმწიფის ხანა დაუდგება, მშვენიერი ნაყოფი ცხოვრებისა კი თავის დროზე ვერ მოუწყვეტია. ერთ ქალს გაეცნო, რომელმაც პირველი შეხვედრისთანავე დაიმორჩილა იღუმალის მიმზიდველი ძალით.

მონაზონი იყო ის ქალი, ასე, მისივე ხნისა. ქველმოქმედებას მისდევდა. მაღალს, ძალოვანს, შავგვრემანს, ფრიალ ტანსაცემს, ჰქონდა ლამაზი, მკვეთრად გამოყვანილი სახის ნაკვთები, მკვირცხლი თვალები; დიდი პირი, წვრილი, ნიადაგ ღიმდაჩნეული ტუჩები და მბრძანებლობის, ნებისყოფის გამოძახტველი ნიკაპი. იშვიათი ჭკუის პატრონს, არცთუ სანტიმენტალურს, გლეხური ეშმაკობა მოსდევამდა. გერგილიანობა მასში ერწყმოდა სამხრეთელის მგზნებარე წარმოსახვას, ფართო გაქანების სიყვარულს, ოღონდ იმავე დროს თავისი თავის მოთოკვაც იცოდა, როცა ეს აუცილებელი იყო, — რაღაცნაირი პიკანტური ნარევი გახლდათ ამალღებულო მისტიციზმის და ძველი ნოტარიუსის თაღლითობისა. მბრძანებლობას იყო ჩვეული და ეხერხებოდა კიდევ მბრძანებლობა. ქაკლინი ხელადვე წამოეგო ანკესს. ქველმოქმედებამ გაიტაცა. ყოველ შემთხვევაში, თავად აგრე ეგონა. დამ ახყელმა მშვენიერად იცოდა, ვისაც გაეტაცებინა ქაკლინი: აკი ჩვეული იყო, ამგვარი გრძნობები აღედგა სხვებში. და თუმცა თავს ისე გაჩვენებდა, ვერაფერს ვამჩნევო, სხვათა მონადირების ამ თავის უნარს გულცივად და ანგარიშთანად იყენებდა კეთილ საქმისათვის და ღვთის სადიდებლად. მას მიანდო ქაკლინმა თავისი ფული, თავისი ნება, თავისი გული. გულმოწყალე შეიქნა, იწამა, რამეთუ უყვარდა.

მაღე ყველა გარშემომყოფმა შენიშნა, რა სიბრძავე სჭირდა ქაკლინს. მარტოდენ თვით ქაკლინი ვერ ხედავდა რაიმე საჩოთიროს. ყოჩაყის მეურვე შეშფოთდა. ყოჩაყი მეტისმეტად გულუხვი და თავქარიანი იყო საიმისოდ, ფულის საკითხისათვის მიეხედა, მაგრამ იმანაც შეამჩნია, დედაჩემს მახეში აბამენო. შენიშნა და უსიამოდ გაოცდა. შეეცადა — თუმცა გვიანდა იყო — წინანდელი სიახლოვე აღედგინა, მაგრამ დაინახა, რომ მათ შორის კედელი აღმარაულიყო. ამ ამბავს ფარულ ზეგავლენას აბრალედა და გაგულისებდას არ

მაღავდა იმ ქალისადმი, ვისაც ინტრიგანს უწოდებდა. არ მაღავდა გულის-წყრომას თვით ჟაკლინის მიმართაც. ვერ დაუშვებდა, უცხო სის ადგილი დაე-კავებინა დედის გულში, რაიც თავის კუთვნილებად მიაჩნდა. მევე უგულუ-ბელუყავ ეს ადგილი და სხვამ იმიტომ დაიკავაო, ამაში თავის თავს არ უტყდებოდა. იმის მაგიერ, მოთმინებით ცდილიყო ხელიდან გაშვებულს კვლავ დაუფ-ლებოდა, მოუქნელად და შეურაცხმყოფელად იქცეოდა. დედა-შვილი ფიცხნი და მოუთმინარნი იყვნენ, მკვახე-მკვახე სიტყვები უთხრეს ერთმანეთს; გან-ხეთქილება კიდევ უფრო გაღრმავდა. დამ ანკელმა საბოლოოდ ჩაიგდო ხელში ჟაკლინი. ჟორჟი კი დაშორდა დედას; დაშორდა და სრული თავისუფლება მიეცა. უთავბოლო და თავაწყვეტილ ცხოვრებას ეწეოდა. თამაშობდა ბანქოს, აგებდა მსხვილ-მსხვილ თანხას; თავი მოჰქონდა ექსტრაევანტურობით, სია-მეს ჰგვრიდა ეს ამბავი და ნაწილობრივ იმიტომაც მოჰქონდა; თანაც ამით სამაგიეროს უხდიდა დედამისს მისი გიჟური ქცევის გამო. ჟორჟი იცნობდა სტივენს-დელესტრადს. კოლეტმა ხელადვე მიაპყრო ყურადღება ლამაზ ყმა-წვილკაცს და თვისი თილისმის ზემოქმედება მასზე გამოცადა. თილისმას კი ჯერაც იყენებდა იარაღად. იცოდა ჟორჟის სამიჯნურო ამბების ასაეალ-დასა-ვალი და თავს ირთობდა ამით. ოღონდ მისთვის ჩვეული სალი აზრისა და თან-დაყოლილი გულკეთილობის წყალობით მიხვდა, რა ხიფათი ემუქრებოდა გიჟ-მაჟ ჰაბუკს. და რაკი არ ეეკვებოდა, ვერ შევძლებ ჰკუაზე მოვიყვანოო, ადგა და კრისტოფს შეატყობინა ეს ამბავი. ისიც მაშინვე გამოცხადდა.

მხოლოდ კრისტოფს შეეძლო ჯერ კიდევ ერთგვარი ზეგავლენა მოეხდინა ახალგაზრდა ჟანენზე. მართალია, ფრიად შეზღუდული და არამყარი იყო ეს ზეგავლენა, მაინც გაკვირვებდა, რამეთუ მიზეზი ვერ ამოგეცნო. კრისტოფი იმ თაობას ეკუთვნოდა, რომელსაც მომეტებული ქედფიცხელობით ამხედრებოდნენ ჟორჟი და მისი ამხანაგები. ერთ-ერთი უსაჩინოესი წარმომადგენელი გახლდათ იმ მშფოთვარე ეპოქისა, რომლის ხელოვნება და იდეები ამათ ეჭვსა და მტრულ გრძნობას აღუძრავდა. კრისტოფი არ ცნობდა ახალ სახარებებსა და აგვაროვნებს, იმას. რასაც ცრუწინასწარმეტყველნი და ძველი ექიმბაშები გულუბრყვილო ყმაწვილკაცთ სთავაზობდნენ უტყუარ საშუალებად ქვეყნიე-რების, რომისა და საფრანგეთის ხსნისათვის. იგი ერთგულობდა, თავისუფალ შეხედულებებს, რასაც ვერ ზღუდავდა ვერც რაიმე რელიგია, ვერცა რომელი პარტია, ვერც ვერარა სამშობლო; ამგვარი ჩვეულება კი მოდაგასული გახლ-დათ ანდა ჯერაც არ ქცეულიყო მოდურად. ეგეც არ იყოს, თუმცა თვით კრის-ტოფის თვალში ეროვნულობის საკითხს არავითარი მნიშვნელობა არ ჰქონდა, ის მაინც უცხოელი იყო პარიზში იმხანად, როცა უცხოელები ზარბარისებად ესახებოდნენ ყველა ქვეყნის მკვიდრთ.

და მაინც ახალგაზრდა ჟანენი, ეს მხიარული, თავქარიანი ყმაწვილი კაცი, ვინაც ინსტიქტურად მტრობდა ყველაფერს, რასაც შეეძლო მისი დანაღვლია-



ნება ან შეშფოთება, ვინაც ცნებიაანდ ეძლეოდა ამა სოფლის სიახეთ, მისდევ-  
და აზარტულ თამაშს, ადვილად ცდუნდებოდა მისი ღრრის მკვერმეტყველე-  
ბით, ვინაც თავისი მკვერივი კუნთებისა და გონებრივი სიზნანტის წყალობით  
მიღრეკილებას იჩენდა „აკსიონ ფრანსეზის“ უხეში ღოქტრინისადმი — შოვი-  
ნიზმის, რუაიალიზმის, იმპერიალიზმის მიმართ (მანცდამანც კარგად ვერ  
ერკვეოდა ყოველსავე ამაში), — ეს ყმაწვილი კაცი, არსებითად რომ ვთქვათ,  
პატივს სცემდა მხოლოდ ერთ ადამიანს — კრისტოფს. ნადრევედ შეძენილმა  
ცხოვრების გამოციდილებამ და დედისაგან დაყოლილმა მეტად მახვილმა ალლომ  
ხელი შეუწყვეს სწორად შეეფასებინა (რა თქმა უნდა, ეს არ დასტყობია მის  
კარგ განწყობილებას) არარაობა იმ საზოგადოებისა, ურომლისოდაც ვერ  
ძლებდა თვითონ, და ზნეობრივი უპირატესობა კრისტოფისა. ტყუილად იბრუ-  
ებდა თავს ფუსფუსით და საქმიანობით. მამამისის მეკვიდრეობას ვერ გაემიჯ-  
ნებოდა. ოლივიესავით სჩვეოდა: ანაზლად და ხანმოკლედ მოეძალებოდა ბუნ-  
დოვანი უსვენრობა, ხელს დარევედა სურვილი ეპოვა, გაერკვია თვისი საქმიან-  
ობის მიზანი. შესაძლოა, მისგანვე გამოპყოლოდეს იღუმალი, ინსტინქტური  
ლტოლვა იმ ადამიანებისადმი, ვინაც მამამისს უყვარდა.

ჟორჯი დაიარებოდა კრისტოფისას. ექსპანსიურმა და, ცოტა არ იყოს,  
ლაქლაქამ გულის გადმოშლა იცოდა. იმას არ დაეძებდა, ეცალა თუ არა  
კრისტოფს მოსასმენად. კრისტოფი მუდამ უსმენდა ჟორჯს, მოუთმენლობას  
ოდნავადაც არ იჩენდა. მხოლოდ ზოგჯერ, როცა სტუმარი მუშაობისას შემო-  
ესწრებოდა, გონებაგფანტული იყო. ოლონდ სულ რამდენიმე წუთს გრძელ-  
დებოდა ეს, ფიქრით იმ სამუშაოს დასტრიალებდა, მის არსებაში რომ ისხამ-  
და ხორცს, და ერთ შტრინხსაც, ერთ მონასმსაც წაუმატებდა. მერმე ისევ და-  
უბრუნდებოდა ჟორჯს, თუმცა სტუმარი ვერც ამჩნევდა მასპინძლის ყურადღე-  
ბის გაფანტულობას. კრისტოფი ისევე ერთობოდა ამ თავისი განრინებით, ვით  
ის კაცი, ოთახიდან უჩუმრად რომ გასულა და ასევე უხმოდ შემობრუნებულა.  
ოლონდ ერთი-ორჯერ ჟორჯმა იგარძნო ეს მისი უგულისყურობა და წყრო-  
მით შესძახა:

— შენ არც კი მისმენ!

მაშინ კრისტოფს შერცხებებოდა: აქაოდა, პატიება დავიმსახუროო. მორ-  
ჩილად, გორკეცებული ყურადღებით უსმენდა სულსწრაფ მთხრობელს. ჟორ-  
ჯის ნაამბობში ბევრი კომიკური რამ ერია: ხანდახან კრისტოფი სიცილს ვერ  
იკავებდა, როცა მოისმენდა ყმაწვილის რაიმე ოინაზობის ამბავს. არადა  
ჟორჯმა არაფრის დამალვა არ იცოდა, — გულახდილობით მოგინადირებდა.

ოლონდ მუდამ სიცილის გუნებაზე როდი დგებოდა კრისტოფი: ჟორჯის  
საქციელი ხშირად ალონებდა. კრისტოფი თავადაც არ ყოფილა წმინდანი და  
უფლებამოსილადაც არ მიიჩნევდა თავის თავს, ვინმესთვის შეგონებანი ეჩი-  
ჩინებინა. ყველაზე მეტად გულისწყრომას ჟორჯის სატრფიალო თავგადასა-  
ვალი კი არ ჰგვრიდა, არც ის, თავის ქონებას აღმაშფოთებლად რომ ანიავებ-

და სულელურ რამეებში. უფრო იმის პატიება ეძნელებოდა, ქარაფშუტულად რომ ეკიდებოდა თავისსავე შეცოდებებს: იტყოდი, საძრახისს ვერაფერს ხედავს მასში, ეს ყოველივე სავსებით ბუნებრივ რამედ მიაჩნიაო. ცოტა სხვაგვარი წარმოდგენა ჰქონდა ზნეობაზე, ვიდრე კრისტოფს. იმ ჯურის ყმაწვილკაცთ ეკუთვნოდა, რომელთაც სქესთა ურთიერთდამოკიდებულება მხოლოდ თავისუფალ თამაშად ესახებათ, რაიმე ზნეობრივ ვალდებულებებს მოკლებულ თამაშად. გარკვეული სიწრფელე და უზრუნველი გულკეთილობა — სულ ეს გახლავთ ის ავლადიდება, რაც წესიერ კაცს სჭირდება იმათ თვალში. ოდნავადაც არ ეუხებრხულებოდა, კრისტოფს რომ სათაკილოდ მიაჩნდა ეს ამბავი. არადა, კრისტოფი გულისწყრომას ვერ მალავდა. ამოდ ცდილობდა სხვებისათვის თავს არ მოეხვია საკუთარი შეხედულებანი — დაუთმენელი იყო და ვერარა გაეწყო; ადრინდელი სიშმაგე მხოლოდ სანახევროდ დაეოკებინა. ზოგჯერ სიფიცხე რომ მოერეოდა, თავს ვერ იკავებდა და, რადგან ზოგიერთი ხრიკი ყორჯისა ბიწიერად მიაჩნდა, პირშივე ეუბნებოდა ამას. არც ყორჯს ეთქმოდა დიდი მომთმენი. ფრიად ცხარე შეხლა-შემოხლა მოსდიოდათ. ამის შემდგომ რამდენიმე კვირის მანძილზე ერთმანეთს აღარ ხვდებოდნენ. კრისტოფს ესმოდა, ეს ჩემი გაცხარება გავლენას ვერ მოახდენსო ყორჯზე, ქცევას ვერ შეაცვლევინებსო, უმართებულოა ეცადო ერთი ეპოქის ზნეობა მეორე თაობის მორალურ შეხედულებებს დაუმორჩილოო. ოღონდ თავს ვერ მორეოდა და პირველი შემთხვევისთანავე ყველაფერი კვლავინდებურად მეორედებოდა. როგორ უნდა შეგვეპაროს ეპქი იმ შეხედულებათა გამო, რისთვისაც მთელი შენი სიცოცხლე შეგიწირავს? გიჯობს, მაშინ სულ მთლად უარყო ცხოვრება! ღირს განა თავს ძალა დაატანო და, როგორც აზროვნებ, ისე კი არა, სხვაგვარად იაზროვნო მხოლოდ იმისთვის, მოყვასს მიემსგავსო ანდა იპატივო იგი? ადამიანის უპირველესი ვალია, იყოს ისეთი, როგორიც არის, ეყოს საიმისო ვაჟკაცობა, თქვას: „ეს კარგია; აი, ის კი ცუდია“. ძალმოსილი თუ დარჩები, გაცილებით მეტად არგებ სუსტებს, ვიდრე იმ შემთხვევაში არგებდი, მათსავით ძაბუნი რომ გამხდარიყავ. შემწყნარებლის თვალით შეხედეთ, თუ აგრე გნებავთ, უკვე ჩადენილ არამზადობას, ოღონდ ნურასდროს შეუერიგდებით იმ არამზადობას, რის ჩადენასაც აპირებენ.

რა თქმა უნდა, ყორჯი თავს არიღებდა კრისტოფთან ბჭობას საკუთარ გეგმათა თუ განზრახვათა გამო (ან კი იცოდა თავად, რა გეგმა და განზრახვა ჰქონდა?). მხოლოდ იმას უამბობდა კრისტოფს, რაც უკვე წარსულს ეკუთვნოდა. ამგვარ შემთხვევაში კი... ამგვარ შემთხვევაში კრისტოფს ისლა დარჩენოდა, უსიტყვეო საყვედურით შეეხედა ყურუმსაღისათვის, გაღიმებულებოდა და მხრები აეჩეჩა, იმ მოხუცი ძიის დარად, ვინაც იცის, სულ ერთია, ჩემს ნათქვამს ყურს არ ათხოვებენო.

ამის შემდეგ რამდენიმე წამს დუმილი ვრძელდებოდა. ყორჯი პირისპირ უქქერდა კრისტოფს, ვისი თვალებიც თითქოს შორიდან უმზერდნენ. თავს

ბიჭუკელად გრძნობდა კრისტოფის წინაშე. მისი გამჭოლი მზერის სარკეში, მზერისა, რაშიც ეშმაკური ნაპერწკლები აკიაფდებოდა ხოლმე, თავის თავს იმგვარს ხედავდა, როგორც ნამდვილად იყო. და ეს ანარეკლი მაინცდამაინც როლი ეამაყებოდა. კრისტოფი ძალზე იშვიათად თუ დაიხვევდა ხელზე ყორჟის რაიმე აღიარებას და მისსავე საწინააღმდეგოდ გამოიყენებდა. იფიქრებდით, ის აღიარება არც გაუგონიაო. მათი თვალების მუხჯი დიალოგის შემდეგ კრისტოფი დამცინავად გაიქნევდა თავს. მერმე იწყებდა თხრობას რაიმე ამბისას, რასაც თითქოს არავითარი კავშირი არ ჰქონდა მთელს წინა გარემოებასთან; საკუთარი ან სხვისი ცხოვრების ამბავს ყვებოდა, ოღონდ გაგიჭირდებოდა მიხვედრა, მართალი იყო ის ამბავი თუ მოგონილი. ყორჟს კი თვალწინ თანდათან გამოეკვეთებოდა ახალი, ულაზათო და სასაცილო თარგზე გამოჭრილი ხატი თავისივე ორეულისა (ეცნაურებოდა იგი), რომელიც ისეთსავე შეცდომებს ჩაღიოდა, თავადვე რომ სჩვეოდა. როგორ არ უნდა გაგცინებოდა შენსავე თავზე, შენი ულაზათო იერის გამო! კრისტოფი არაფერს განმარტავდა. ოღონდ თვით ამბავზე უფრო დიდ შთაბეჭდილებას მთხრობელის უსაშველო გულკეთილობა ახდენდა. თავის თავზე ისე ლაპარაკობდა, როგორც სხვებზე, ერთნაირად მიუხედავად იყო, ლაპარაკობდა ხალისიანი და მშვიდი იუმორით. ეს სიმშვიდე მოსწონდა ყორჟს. ეძიებდა კიდევ ამგვარ სიმშვიდეს. როცა იგი სიტყვაპირავალი აღსარების ტვირთს ჩამოიხსნიდა, ისეთი გრძნობა გაუჩნდებოდა, თითქოს ზაფხულის შუადღეზე დიდი ხის ჩეროში წამოწოლილა და გრილდებო. ხვატიანი დღის აღმშრე ცხრებოდა. გრძნობდა, როგორ ენიავებოდა მალლიდან მისთა მცველ ფრთათაგან. ამ კაცის გვერდით, ვინაც დაჯერებულად და უბრალოდ ეზიდებოდა მძიმე ცხოვრების ტვირთს, იგი დაცული იყო თავისსავე მღელვარებათაგან. კრისტოფის მსმენელი სიმშვიდით ტკბებოდა. მუდამ გულისყურით არც ყორჟი უსმენდა კრისტოფს: მისი ფიქრი შორს რიალებდა. ოღონდ, საცა უნდა გაპყოლოდა ფიქრს, სიცილი კრისტოფისა ნიადაგ ყურში უფლერდა.

ამავე დროს, ძველი მეგობრის შეხედულებები კვლავინდებურად ეუცხოვებოდა. გუნებაში კითხვას სვამდა, როგორ შეეძლო კრისტოფს თავის სულიერ მარტოობას შერიგებოდა, უარი ეთქვა ყოველგვარ კავშირზე მხატვრულ, პოლიტიკურ, რელიგიურ პარტიებთან, რომელსაზე საზოგადოებრივ დაჯგუფებასთან. ჰკითხა კიდევ ერთხელ, ნუთუ ზოგჯერ არ გიჩნდება მოთხოვნილება, რომელიმე ბანაკში ჩაიკეტოთო.

— ჩაიკეტოთა! — სიცილით თქვა კრისტოფმა. — განა თავისუფლად ყოფნა ცუდია? მერე შენ მეუბნები ჩაიკეტო, შენ, დიდი სივრცეების მოყვარული?

— ოჰ! სულისა და სხეულისათვის ერთი და იგივე როდია ეგ ამბავი, — მიუგო ყორჟმა. — სულს მტკიცე რწმენა სჭირდება; სხვებთან ერთად უნდა

იაზროვნო, ერთი ეპოქის ხალხს რომ პრინციპები ჰქონდა, ის პრინციპები უნდა გაიზიარო. მშურს წინანდელი ხალხისა; იმათი, ვინაც კლასიკურ ხანაში ცხოვრობდა. მართალი არიან ჩემი მეგობრები, წარსულის მშვენიერი წესრიგი რომ სურთ აღადგინონ!

— გაწუწულ კათამო! — უთხრა კრისტოფმა. — მაინც საიდან ჩნდებიან ამისთანა ბედოვლათები?

— ბედოვლათი რაღა ვარ, — აბილბილდა ჟორჟი. — არცერთ ჩვენთაგანზე ეგ არ ითქმის.

— მაინც ლაჩრები ხართ, რაკი თქვენნივე თავისა გეშინიათ, — უთხრა კრისტოფმა. — რაო! წესრიგი გინდათ და თქვენ თვითონვე ვერ შეგიქმნიათ? მაინცდამაინც ბებიის კაბის კალთას უნდა მოებლაუჭოთ? ღმერთო ჩემო! მარტოდმარტო იარეთ!

— ჯერ ფესვები უნდა გაიდგა, — ამაყად წარმოთქვა ჟორჟმა, იმ დროის ეს მთავარი გამოთქმა გაიმეორა.

— იმისათვის, ფესვები გაიდგასო, ერთი მითხარი, ხე ყუთში უნდა ჩარგო? აგერა მიწა, იგი ყველასია. ჩაეხარდე ფესვებით. იპოვე შენი წესები. შენშივე ეძიე.

— საღა მაქვს დრო, — მიუგო ჟორჟმა.

— გეშინია და ეგ არის, — გაუთმორა კრისტოფმა.

ჟორჟი ახტა-ღახტა, მაგრამ ბოლოს და ბოლოს გამოტყდა, ოღნავი სურვილიც არა მაქვს, საკუთარი არსების სიღრმეში ვიხედებოდეთ. არ ესმოდა, რა სიამოვნება უნდა მოგვეკაროსო ამ ამბავმა: შავ უფსკრულში რომ გადაიხედავ, ვაითუ შიგვე ჩაიჩეხო.

— ხელი მომეცი, — ეტყოდა კრისტოფი.

ართობდა, სარკმელს რომ შეაღებდა, და ახილვინებდა ცხოვრების რეალურსა და ტრაგიკულ სანახაობას. ჟორჟი უკან დაიხევდა. კრისტოფს გაეცინებოდა და კვლავ ხურავდა სარკმელს.

— როგორ შეგიძლიათ ასე ცხოვრობდეთ? — ეკითხებოდა ჟორჟი.

— ვცხოვრობ და ბედნიერი ვარ, — მიუგებდა კრისტოფი.

— მე კი გავთავდებოდი, სულ მუდამ ამის ნახვა რომ მიხდებოდეს.

კრისტოფი მხარზე ხელს დაჰკრავდა:

— აი, როგორი არიან ჩვენი განთქმული დევგმირები! რა გაეწყობა, ნუ გაიხედავ იქით, თუ შენი თავის იმედი მაინცდამაინც არა გაქვს. განა ვინ გაიძულებს. წინ გასწი, ჩემო ბიჭუნო! ნუთუ ამისთვის მბრძანებელი გჭირდება, პირუტყვივით რომ მიგერეკებოდეს? რა ბრძანებასლა ელი? რა ხანია უკვე, ნიშანი მისცეს. დაჰკრა ნალარამ, ამხედრდითო, და ცხენოსანი ჯარი დაიძრა. შენს ტაიჭზელა იფიქრე. მწკრივში ჩადექ! და გაქუსლე!

— კი, მაგრამ საით? — ეკითხებოდა ჟორჟი.

— საით მიქრის შენი ესკადრონი? მსოფლიო უნდა დაიპყროს. დაეუფლეთ

ცას, დაიმორჩილეთ სტიქიონი, გადალახეთ უკანასკნელი ზღუდეები ბუნებისა, უკან დაახევინეთ სივრცეს, უკან დაახევინეთ სიკვდილს...

Expertus vacuum Daedalus aëra...<sup>1</sup>.

...ლათინურის მოჭირნახულევ, გეცნო თუ არა, მითხარი? შეგიძლია თუ არა ამიხსნა, რას ნიშნავს ეს სტრიქონი?

Perrupit Acheronta...<sup>2</sup>.

...აჰა, თქვენი ხვედრი. სვესვიანო კონკვისტადორებო!

ისე ნათლად მიუთითებდა, რა იყო ახალგაზრდა თაობის მოვალეობა, რა გმირული საქმიანობა ხვდომოდა ამ თაობას წილად, რომ განცვიფრებული ეორჯი შეეკითხა:

— კი მაგრამ, თუ ყველაფერს ამას ასე გრძნობთ, რატომ ჩვენთან არა ხართ?

— იმიტომ, რომ მე სხვა ამოცანა მაქვს. მოდი, ჩემო ბიჭუნო, საშენო საქმე აკეთე. გამისწარი, თუ შეგიძლია. მე კი აქ ვრჩები და თვალყურს გადევნებთ... წაგიკითხავს „ათას ერთი ღამის“ ის ზღაპარი, სადაც მოთხრობილია, როგორ ჩაამწყვდიეს მთასავით მაღალი ჭინი სოლომონის ბეჭდით დალუქულ ქილაში?.. ეგ ჭინი აქ არის, ჩვენი სულის სიღრმეში, იმ სულისა, რომელში ჩახედვაც გაშინებს. მე და ჩემი თანამედროვენი მთელი სიცოცხლე მას ვებრძოდით; ვერ დავამარცხეთ. ოღონდ ვერც მან გვძლია. ახლა ჩვენ და ის ვისვენებთ და ერთმანეთს სიძულვილისა და შიშის გარეშე ვუყურებთ, გვეამაყება გადახდილი ბრძოლები და დაზავების დამთავრებას ველით. ისარგებლეთ ამ შესვენებით, რათა ძალა მოიკრიბოთ და ქვეყნიერების სილამაზეს დაეუფლოთ. იყავით ბედნიერნი. დატკბით ჩამოვარდნილი მყუდროებით. ოღონდაც გახსოვდეთ, რომ როდისმე თქვენ ან თქვენს ვაჟიშვილებს, გამარჯვებათა მოპოვების შემდეგ, მოგახდებათ დაბრუნდეთ აქ, ჩემთან. და ახალი ძალით შეებრძოლოთ იმას, ვინც აქ ამწყვდევია და ვისაც მე ვდარაჯობ. და ეს ბრძოლა, რასაც შიგადაშიგ დაზავება მოჰყვება ხოლმე, მანამდე გაგრძელდება, ვიდრე ორთაგან ერთი იძლეოდეს... იყავით ჩვენზე მორჭმულნი.. ახლა კი მიჰყევ სპორტს, თუ გინდა, გაიკაუო კუნთები და გული, ოღონდ უგნურებას თავი ანებე და ტყუილუბრალოდ ნუ დახარჯავ მაგ შენს ბობოქარ ძაღლონეს: ისეთ დროს ცხოვრობ, როცა ეგ ძაღლონე (ფიქრი ნუ გექნება!) ასპარეზს იპოვის.

ეორჯი ცოტა რამეს მაინც ითვისებდა. იმისგან, რასაც კრისტოფი ეუბნებოდა. საკმაოდ გონებაგახსნილი იყო, ხელად ჩასწვდებოდა კრისტოფის აზრებს, ოღონდ უმაღლვე განუქარდებოდა ის აზრები. კიბეზე ჩამოსვლას ვერ მო-

<sup>1</sup> დედალუსი, შემცნობი ცის თალის სივარდილისა... (ლათ.). სტრიქონი ჰორაციუსის „ოდებიდან“.

<sup>2</sup> აქერონტი გადალახა... (ჰორაციუსი, „ოდები“). აქერონტი (ბერძ. მით.). მიწისქვეშა საშფოს (ჰადესის). მდინარე, რომელიც უნდა გადაეცურათ მიცვალებულთა სულებს.

ასწრებდა, უკვე დავიწყებული ჰქონდა. და მაინც შეგარძნება დაშოშმინებულობისა მაშინაც თან ახლდა, როცა დიდი ხანია არ ახსოვდა, რას გამოეწვია ეს შეგარძნება. ჟოჯი დიდად პატივს სცემდა კრისტოფს, თუმც მის შეხედულებებს არ იზიარებდა. (კაცმა რომ თქვას, რაც კრისტოფს სწამდა, ყველაფერს სასაცილოდ ივლებდა). ოლონდ, ვინმეს რომ აუგად ეხსენებინა მისი ძველი მეგობარი, ადგებოდა და თავს გაუბობდა, ვინც ვინდა ყოფილიყო.

კიდეც კარგი, ამგვარ რასმე არავინ ჩადიოდა, თორემ დავიღარაბა მოჰყვებოდა უთუოდ.

კრისტოფმა წინასწარ განჰვრიტა, სიო მალე სხვა მხარეს დაჰბერავსო. ახალი იდეალი ახალგაზრდა ფრანგული მუსიკისა ფრიალ განსხვავდებოდა მისეული იდეალისაგან. და თუმცა ამის გამო კიდეც მეტად ესიმათიურებოდა ის ახალი მუსიკა, ახალგაზრდობა მაინც აღმატებულად უყურებდა. კრისტოფის პოპულარობა მხოლოდ აფთრებდა იმ ახალგაზრდათაგან ყველაზე მომშეულთ; რაკი კუჭი საკმარისად გამომძლარი არ ჰქონდათ, დიდ-დიდი ლოჯები მოეზარდათ და მწარედ იკბინებოდნენ. მაგრამ კრისტოფს აინუნშიაც არ მოსდიოდა მათი გამონხდომა.

— რა გულფიცხობას იჩენენ! — ამბობდა გუნებაში. — მაგ ლექვებს კბილები ამოსდით.

ლამის ესენი ემჯობინებინა იმ მურიკელებისათვის, რომლებიც, აქაოდა, წარმატებას აღწევსო, ელაქუცებოდნენ კრისტოფს. მათ გამოა, ღობინი<sup>1</sup> რომ ამბობს: „როცა ქოფაკმა თავი ჩაყო ერბოიან ქილაში, მიუტოცდნენ მას, ლოკავდნენ და ულოცავდნენ“.

კრისტოფის ერთ-ერთი ნაწარმოები ოპერაში დასადგმელად მიიღეს. მაშინვე შეუდგნენ რეპეტიციას. კრისტოფმა შემთხვევით შეიტყო იმ გაზეთების მეშვეობით, რომლებშიც მას აქიაქებდნენ, რომ მისი ნაწარმოების გულისთვის გადაედოთ დადგმა ახალგაზრდა კომპოზიტორის ოპერისა, უკვე მიღებული რომ ჰქონოდათ. ჟურნალისტი აღშფოთებას გამოთქვამდა ძალაუფლების ასე ბოროტად გამოყენების გამო და ყველაფერს კრისტოფს აბრალებდა.

კრისტოფი თეატრის დირექტორთან გაეშურა და უთხრა:

— ამის თაობაზე არ გაგიფრთხილებივართ. აგრე არ იქცევიან. კეთილნებეთ, დადგით ოპერა, რომელიც ჩემსაზე აღრე მიგილიათ.

დირექტორმა შორს დაიჭირა, გაიცინა და ცივი უარი სტყიკა. თან ქება-დიდებას ასხამდა პირადად კრისტოფს, მის ქმნილებებს, მის გენიას, ხოლო ახალგაზრდა ავტორის ნაწარმოების ხსენებისას ტუჩი აპარუწა, უხეირო რამაა, გროშის შემოსავალს არ მოგვცემსო.

— რალას იღებდით?

---

<sup>1</sup> ღობინი, აგრიბა (1552—1630) — ფრანგი პოლიტიკური მოღვაწე, პუბლიცისტი და პოეტი.

— რაც გინდა, იმას ვერ აკეთებ კაცი ყოველთვის. დროდადრო გიხდება საზოგადოებრივ აზრს დაუთმო. წინათ ამ ახალგაზრდებს შეეძლოთ, რამდენიც მოეგუნებებოდათ, იმდენი ეყვირათ, კაცი ყურს არ ათხოვებდა. ახლა კი ახერხებენ, მთელი ნაციონალისტური პრესა მოგვისიონ; ატყდება ღრიანცელი, ლალატიანო, თანაც ცულ ფრანგებად მოგვენათლავენ, ვინციობაა წინდახედულება ვერ გამოვიჩინეთ და აღტაცება არ გამოვთქვით მაგ ახალგაზრდა სკოლის გამო! ახალგაზრდა სკოლაო! როგორ არა! გინდათ, სიმართლე გითხრათ? აგერ ყელში ამომივიდა ეგ სკოლა! მაყურებლებსაც ამოუვიდათ. თავი შეგვაჯავრა თავისი „Oremus“-ით...! მაგათ სისხლი კი არ უღლით ძარღვებში, წყალი უღდათ; საცოდავი მნათენი არიან, წირვას რომ ასრულებენ; მაგათი სატრფიალო დუეტები უფრო „De profundis“-ს<sup>2</sup> გაგონებს. თუ იმისთანა უგუნური ვიქნებოდით, ის ოპერები დამედგა, ძალად რომ მალენინებენ, ჩემი თეატრი უთუოდ გაკოტრდებოდა. მაგრამ, მოდით, სერიოზულ ამბებზე ვილაპარაკოთ. თქვენ სრული შემოსავალი მოვაქვით.

და კვლავ ქათინაურს ქათინაური მიაყოლა.

კრისტოფმა უხეზად შეაწყვეტინა, გულმოსულმა უთხრა:

— ვერ გამაძკურებთ. ახლა, როცა უკვე მოვხუციდი და „ბედი მიღიმის“, გინდათ ახალგაზრდების გასანადგურებლად გამომიყენოთ. მე რომ ვიყო ახალგაზრდა, იმათსავით გამანადგურებდით. დადგით იმ ახალგაზრდა კაცის ოპერა, არადა ჩემსას უკან წავიღებ.

ღირექტორმა ზედაპყრო ხელები:

— ნუთუ არ გესმით, თუ ისე მოვიქცევით, როგორც თქვენ გინდათ, აგრე ეგონებათ, თითქოს იმათი პრესის ფართიფურთს დავეშინებინოთ და დათმობაზე წასვლა ეიძულებინოთ!

— რაში მენადგლება ეგ ამბავი! — უთხრა კრისტოფმა.

— ნება თქვენია! თქვენვე შეიქმნებით მათი პირველი მსხვერპლი.

ორკესტრმა იწყო ახალგაზრდა კომპოზიტორის ნაწარმოების შესწავლა, თან კრისტოფის ოპერის რეპეტიციასაც განაგრძობდნენ. ერთი ოპერა სამმოქმედებიანი იყო, მეორე — ორმოქმედებიანი. გადაწყვიტეს, ორივე ერთ წარმოდგენად ეჩვენებინათ. კრისტოფი თავის პრეტექსტთან გაემართა. უნდოდა, პირველს მიეხარებინა ეს ამბავი. ახალგაზრდა კომპოზიტორს მადლიერების სიტყვები არ დაუშურებია კრისტოფისათვის.

ცხადია, კრისტოფი ვერ დაუშლიდა ღირექტორს, ჩემს ოპერას მეტ ყურადღებას ნუ აქცევო. მეორე ნაწარმოების დადგმასა და შესრულებას ფრიად უგულოდ მოეკიდნენ. კრისტოფმა არაფერი იცოდა ამის თაობაზე. მან ნება ითხოვა, დასწრებოდა ახალგაზრდა კომპოზიტორის ნაწარმოების რეპეტიციას

<sup>1</sup> ვილოტოთ (ლათ.).

<sup>2</sup> სიღრმიდან, უფსკრულიდან (ლათ.) — დასაწყისი ლოცვისა — „უფსკრულით მოვიწოდებ შენ...“.

და დარწმუნდა, მართალს მეუბნებოდნენ, მდარე ნაწარმოები ყოფილაო. ორისამი რჩევის მიცემა გაბედა, მაგრამ გაგონებაც არ ისურვეს; მეტად აღარც გამოუღღვია თავი. დირექტორმა მისდათავად დებიუტანტს აუწყა, ზოგიერთი ადგილი უნდა შეეკვეცოთ, თუ გინდათ, ოპერის დადგმა არ შეფერხდესო. თავდაპირველად ავტორი იოლად დაყაბულდა ამ მსხვერპლის გაღებას, მაგრამ მალე თავი ვეღარ გაართვა.

დადგა წარმოდგენის დღე. დებიუტანტის ოპერას წარმატება სრულებით არ ჰქონია, კრისტოფის ოპერას კი აურზაური მოჰყვა. ზოგიერთი გაზეთი კრისტოფს თათხავდა, ირწმუნებოდა, ყველაფერი წინდაწინ მოაწყვეს, ახალგაზრდა დიდი ფრანგი კომპოზიტორის გასაცამტვერებლად შეითქვენო... ამტკიცებდნენ, გერმანელი კომპოზიტორის საამებლად ნაწარმოები დაუმახინჯესო. იმ გერმანელ კომპოზიტორს კი ერთ სულმდაბალ ვინმედ წარმოადგენდნენ, ვისაც ყოველი ახალი ნიჭიერი შემოქმედისა შურდა. კრისტოფმა მხრები აიჩეხა და გაიფიქრა:

„ის უპასუხებს“.

„ის“ პასუხს არ სცემდა. მაშინ კრისტოფი ადგა და ერთ-ერთი გაზეთის შენიშვნა გაუგზავნა. შენიშვნას მიაწერა:

„წაიკითხეთ?“

მან უპასუხა:

„რა დასანანი! ეს ყურნალისტი მუდამ ფრიად თავზიანი განლდათ ჩემდამი! ძლიერ დამწყდა გული. ყველაფერს აჯობებს, ყურადღება არ მიაქციოთ“.

კრისტოფს გაეცინა და გაიფიქრა:

„მეგ ქალაჩუნა მართალს მეუბნება!“

და ეს მოგონება იქ მოისროლა, რასაც „ბნელეთს“ უწოდებდნენ<sup>1</sup>.

მაგრამ შემთხვევის ნებით ქორეი გაზეთში წააწყდა უხეშზე უხეშ გამოხდომას კრისტოფის წინააღმდეგ, თუმცა გაზეთებს იშვიათად კითხულობდა და ისიც ზერელედ გადაათვალიერებდა ხოლმე, მხოლოდ სპორტზე დაწერილ სტატიებს თუ მიაქცევდა ყურადღებას. ქორეი იცნობდა იმ ყურნალისტს. ადგა და იმ კავესკენ გასწია, სადაც მას ნიადაგ ნახავდა კაცი. მართლაც იქ დაუხვდა. ქორემა სილა გააწნა, ღუელში შეებრძოლა და თავისი დაშნით მხარი გვართიანად გაუკაწრა.

მეორე დღეს, საუზმისას, კრისტოფმა ერთი ნაცნობის მიერ გამოგზავნილი ბარათით შეიტყო ეს ამბავი. კინაღამ გადაირია, საუზმე იმწამსვე მიატოვა და ქორესაკენ გაქანდა. ქორემა თავად გაუღო კარი. კრისტოფი გრივად ვით შეიჭრა, ქორეს მხრებში სწვდა და ბრაზით ატანილმა ნჯღრევა დაუწყო, თან ლანძღვითა და საყვედურით იკლებდა:

<sup>1</sup> დღენსეულო სიტყვა ნიშნავს შუა საუკუნეთა ციხე-სიმაგრეში მოწყობილ მიწისქვეშა საპატიმროს, სადაც აჯღებდნენ ფეოდალისათვის არასასურველ პირთ.



— ნადირო! — ყვიროდა იგი. — ჩემი გულისათვის გიჩხუბია! ვინ მოგცა ამის ნება! ლაწირაკო, ვერ მივხედავ ჩემს საქმეს თუ რა? მიპასუხე!.. რას მი-  
აღწიე! ეჩხუბე და ამით პატივი მიაგე იმ სალახანას. სწორედ ეს უნდოდა იმას.  
გმირად აქციე და ეგ არი. სულელო! ვთქვათ და შემთხვევას არ გაემართლე-  
ბინა (დარწმუნებული ვარ, უგუნურად იქცეოდი, როგორც გჩვევია)... ვთქვათ  
და, დაეპერი, ანდა, ვინ იცის, მოეკალი! უნამუსოე! ჩემს ღღეში არ გაპატიებ-  
დი ამას.

ქორეი ისედაც გიჟივით იცინოდა. ამ ბოლო მუქარის გამგონეს კი ისეთი  
ხარხარი აუტყდა, ლამის ცრემლები მოერია:

— ეჰ, ძველო მეგობარო, რა უცნაური ვინმე ხარ! სიცილით მოკლავ  
კაცს! რატომ დამიციავიო, ამის გამო მლანძღავ! კეთილი, სხვა დროს შენ და-  
გესხმი თავს. მაშინ, ალბათ, გადამკოცნი.

კრისტოფი გაჩუმდა. მოეხვია-ქორეს, ერთხელ აკოცა ორივე ლოყაზე, მეო-  
რედაც აკოცა და უთხრა:

— ბიჭუნო! მაპატიე, დიდი ოხერი ვინმე ვარ... მაგრამ გამიგე, ამ ამბავმა  
ისე ამაფორიაქა, ან რამ მოგაფიქრა ჩხუბი? განა ამისთანა ვინმეებს თავს უყად-  
რებენ? ახლავე პირობა მომეცი, რომ ეს ამბავი აღარასოდეს განმეორდება.

— პირობას არასოდეს ვიძლევი, — უთხრა ქორემა. — რაც მომეგუნებება,  
იმას ვაკეთებ.

— მე კი ვიკრძალავ, გესმის? თუ ამდაგვარი რამ განმეორდება, ახლოს  
აღარ გამეყარო, მე შენ უარგყოფ და ამას გაზეთებში გამოვაცხადებ, მე შენ...

— მემკვიდრეობის უფლებას ჩამომართმევ, ამას წყალი არ გაუყა.

— მისმინე, ქორე, შენი ჰირიმი... რა საჭიროა ეს ყველაფერი?

— ძვირფასო მოხუციო, შენ ჩემზე ათასჯერ უკეთესი ხარ და ჩემზე გაცი-  
ლებით უფრო მეტიც იცი; ოღონდ მაგ სალახანებს რაც შეეხება, შენზე ბევ-  
რად უკეთესად ვიცნობ. ნუ გენაღვლება, უპრიანია მიაგათზე; აწი ცხრაჯერ  
მიატრიალ-მოატრიალებენ პირში იმ თავიანთ შხამიან ნესტარს. ვიღრე გალანძ-  
ღვას გაგიბედავდნენ.

— რა მესაქმება მაგ ბრიყვებთან? რაც უნდათ, ისა თქვან, მიმიფურთხე-  
ბია ერთი.

— მე კი ვერ მივაფურთხებ! და ეს ამბავი შენ არ გეხება.

მას აქეთ კრისტოფს ნიადაგ შიში ჰქონდა, ვაითუ ვისმეს ახალმა სტატია  
ქორეი ისევ გააღეზოსო. სასიერო სანახავი იყო, როგორ იჭდა ხოლმე მომ-  
დევნო ღღეებში კაფეში და გაფაციცებით ჩხრეკდა გაზეთებს, თუმცა პრესას  
არასდროს კითხულობდა. მზად იყო ვინიცობაა შეურაცხმყოფელ სტატიას  
წასწყდომოდა, რაგინდარა მოემოქმედებინა (თუ საჭირო შეიქნებოდა, ხიმა-  
კლობასაც არ მოერიდებოდა), ოღონდაც ის სტრუქონები ქორეს თვალში არ  
მოხვედროდა. ერთი კვირის შემდეგ დაშოშმინდა. ბიჭი მართალი გამოდგა.  
მისმა საქციელმა იმ დაგეშილ მეძებრებს კული ამოაძეებინა. კრისტოფი კვლ-

ვინდებურად თათხავდა გიჟ ჰაბუქს, ვისი გამოისობითაც ერთი კვირის განმავლობაში სამუშაოს ვერ გაჰკარებოდა, მაგრამ გუნებაში ფიქრობდა, კაცმა რომ თქვას, რაღა უფლება მაქვს ჰკუა დავარიგო. ერთი შემთხვევა გაახსენდა — არცთუ ისე დიდხინის წინანდელი შემთხვევა — როცა თვითონაც თავი გამოიღო ოლივიეს გულისათვის. მოეჩვენა, თითქოს ესმოდა, როგორ ეუბნებოდა ოლივიე:

„მაცალე, კრისტოფე, მხოლოდ ვალს გიბრუნებ ჩემსას!“

თუ კრისტოფე იოლად იტანდა თავდასხმას, სამაგიეროდ მეორე ადამიანი შორს იდგა ამგვარი ირონიული გულგრილობისაგან. ეს ადამიანი ემანუელი გახლდათ.

ევროპული აზრის ევოლუცია სწრაფად მიმდინარეობდა. ახალი ძრავებისა და მანქანების გამოგონება თითქოს აჩქარებდა მას. ცრურწმენებისა და იმედების მარაგი, წინათ ბარე ოცი წლის მანძილზე რომ ეყოფოდა კაცობრიობას, ხუთ წელიწადში ამოიწურა: სხვადასხვა თაობათა იდეები წარმოუდგენელი სისწრაფით ცვლიდნენ ერთიმეორეს, ქროლით მისდევდნენ ერთიერთმანეთს, ხან ერთი გაუსწრებდა, ხან — მეორე: დარეკა შეტევის ქამმა. ემანუელს გაუსწრეს.

მეხოტბე ფრანგული ძალმოსილებისა აროდეს გამიჯვნია თავისი: მასწავლებლის, ოლივიეს, იდეალიზმს. მისი მგზნებარე ნაციონალიზმი მუდამ ერწყმოდა ზნეობრივი ზეობის კულტს. თუ თავის ლექსებში იგი მკუქარე ხმით იუწყებოდა საფრანგეთის გამარჯვებას, ეს იმიტომ, რომ თავის შეხედულებათა კვალობაზე ეთაყვანებოდა მას, იგი მიაჩნდა საუკეთესო გამომხატველად თანადროული ევროპული აზრისა, მიაჩნდა ათენა ნიკელ<sup>1</sup>, ძლევაშობილ სამართალად, რაიც იმარჯვებს ძალაზე. ახლა კი ძალას ვაპლვიებოდა სამართალისავე წიაღში და კვლავ წარმომდგარიყო პირველყოფილი სიშიშვლით. ახალი, ჯანსაღი, კუნთმაგარი და მეომრული თაობა ბრძოლისკენ მიიწევდა და, თუმცა ჯერ არ ეგემა გამარჯვება, თავს უკვე მძლეველად გრძნობდა. თავი მოსწონდა თავისი კუნთებით, განიერი მკერდით, ძლიერი და სიამეს დახარბებული გრძნობებით, თავისი ფრთებით ტაფობის თავზე მობოინე მტაცებელი ფრინველისა; ერთი სული ჰქონდა, საკბილოს სძგერებოდა და თავისი ბრჭყალების ძალა გამოეცადა. ფრანგი ერის გმირულმა საქმეებმა, გიჟურმა ფრენამ ალპის მთებისა და ზღვების თავზე, დიდმა რბევამ ცხენებით აფრიკის სილნარში, ახალმა ჯვაროსნულმა ლაშქრობამ, არანაკლებ მისტიკურმა და არაუმეტეს უანგარომ, ვიდრე ფილიპე-ავგუსტოსა და ვილჰარდუენის<sup>2</sup> ლაშქრობები იყო, ბოლოს და ბოლოს თავბრუ დაახვიეს ხალხს. ამ ბაღლებს, ომს რომ წიგნებით იცნობდნენ

<sup>1</sup> ათენა ძლევაშობილი (ბერძ.).

<sup>2</sup> ჟოჟრუა დე ვილჰარდუენი (1148/1150—1218) — ფრანგი მხედართმთავარი, მემპიტანე, მონაწილეობას იღებდა ჯვაროსნულ ლაშქრობაში კონსტანინოპოლის წინააღმდეგ.

მხოლოდ, არად უღირდათ, შარავანდით, შეემოსათ ომი. ისინი აგრესიულნი შეიქნენ. მშვიდობითა და განყენებული იდეებით გულსაუყებულნი ხოტბას ასხამდნენ „ბრძოლათა გრდემლს“, ზედ რომ სისხლიანი მუშტით უნდა გამოეჭედათ ოდესმე ფრანგული მორკმულობა. პასუხად ყოველგვარი იდეოლოგიის მოძალებისა, რითაც თავი ჰქონდათ გაბეზრებულნი, პრინციპად გაიხადეს იდეალის ზიზლი. ასე გასინჯეთ, ერთგვარი ტრაბახით აქებდნენ შეზღუდულობასა და საღ აზრს, უხეშ რეალიზმს, ურცხვ შოვინიზმს, ფეხქვეშ რომ თელავს სხვათა უფლებებსა და სხვა ხალხებს რომ თრგუნავს, თუ ეს სახეიროა სამშობლოს დიდებისათვის. სძულდათ უცხოელები, დემოკრატია; ათვისტებიც კი კათოლიციზმისაკენ დაბრუნებას ქადაგებდნენ — პრაქტიკული საჭიროება უკარნახებდათ: „დაემკვიდრებინათ აბსოლუტური“ და შეეზღუდათ უსასრულობა, მიენდოთ მისი დაცვა წესრიგისა და ძალაუფლებისათვის. არამცთუ სძაგდათ, საზოგადოების მტრებადაც მიაჩნდათ გუშინდელი უვნებელი მოლაყბეები, მეოცნებე იდეალისტები, მოაზროვნე ჰუმანისტები. უკანასკნელთა რიგს, ამ ჰაბუკთა თვალსაზრისით, ემანუელი ეკუთვნოდა. ამის გამო იგი საშინლად იტანჯებოდა და აღშფოთებული იყო.

იმის შეგნებამ, კრისტოფიც უსამართლო დევნის მსხვერპლი შექმნილა ჩემსავითო, — ის კი არა, ჩემზე მეტადაცო, — ემანუელს სიმპათიის გრძნობა აღუძრა კრისტოფის მიმართ. გაბოროტებულობით ხელი ჰკრა კრისტოფს და მას შემდეგ იგი აღარც მოჰკარებია. ემანუელი მეტისმეტად ამაყი იყო, სინაზული გამოემქლავნებინა და კრისტოფის ძებნა დაეწყო. მაგრამ თითქმის შემთხვევით მოახერხა მასთან შეხვედრა, თანაც ისე მოახერხა, პირველი ნაბიჯი თვითონ არ გადაედგა. ამის შემდეგ დაუცხრა უნდობლობის შეგნული გრძნობა და აღარ ფარავდა, კრისტოფის სტუმრობა რომ სიამოვნებას ჰგვირდა. მას აქეთ ხშირად ზვდებოდნენ ხან ერთისას, ხან — მეორისას. ემანუელმა გაანდო, რა წყენას განიცდიდა. ზოგი კრიტიკოსი უკიდურესად აბოროტებდა, და რაკი ხედავდა, კრისტოფს გულზე ეს ამბავი მაინცდამაინც არ ეკარებოდა, ძალას ატანდა, ის საგაზეთო რეცენზიები წაეკითხა, თავად კრისტოფზე რომ დაეწერათ. კრისტოფს ბრალსა სდებდნენ, თავისი ხელოვნების ანაბანა არ ესმისო, პარმონია არ იცისო, ამტკიცებდნენ: თანამომძენი გამარცვა და მუსიკა ლაფში ამოსვარაო. „ეგ ბორგენული მოხუციო“, აგრე უწოდებდნენ. „თავი მოგვაბეზრესო ამ შეშლილებმა. ჩვენ მომხრენი ვართ კლასიკოსთა ზომიერებისა, ვონებისა, სიღინჯისა“... — წერდნენ მის გამო.

კრისტოფს მხოლოდ ართობდა ეს ამბავი.

— ასეთია ბუნების კანონი, — ამბობდა იგი. — ახალგაზრდები მოხუცებს სანაგვე ყუთში მოისვრიან ხოლმე. თუმცა ჩემსობას აგრე იყო: კაცი რომ სამოცს გადასცილდებოდა, მერმელა უწოდებდნენ მოხუცს. ახლა ყველაფერი აჩქარებული ტემპით მიდის... უმავთულო ტელეგრაფიო, თვითმფრინავიო... თაობა მალევე იფიტება... საბრალონი დიდხანს ვერ გაძლებენ! რარიგ ჩქარობენ, ზიზლი გამოხატონ ჩვენდამი და თავი მოიწონონ მზისქვეშეთში!

მაგრამ ემანუელი არ გამოირჩეოდა ამგვარი შეურყეველი ჯანმრთელობით. მისი გაბედული აზრი ავადმყოფური ნერვების ტყვე იყო; მგზნებარე სული რაქიტულ სხეულში ემწყვდია; ბრძოლისაკენ მიიწვედა, მაგრამ ბრძოლისთვის გაჩენილი არ ყოფილა. ზოგიერთი კრიტიკოსის მკვახე ტონი მას სულის სიღრმემდე შეურაცხყოფდა.

— ეჰ, — ამბობდა იგი, — კრიტიკოსებმა რომ იცოდნენ, რა ვნებას აყენებენ ხელოვანს ერთი უმართებულო, როყო სიტყვით, დიახაც შერცხვებოდათ თავიანთი საქმიანობისა.

— მშვენივრად იციან ეგ ამბავი, ძვირფასო მეგობარო. ეს მათი ცხოვრების ხერხია. ყველამ ხომ თავისებურად უნდა გაიტანოს თავი.

— ჯალათები არიან. წუთისოფელი სისხლიან იარებს გვიჩენს, წელში გვწყვეტს ბრძოლა, რასაც ხელოვნებისათვის ვეწვეით. იმის ნაცვლად, ხელი გამოგვიწოდონ და თანაგრძნობით მოეკიდონ ჩვენს სუსტ მხარეებს, ძმურად დაგვეხმარონ მათს დაძლევაში, გამომდგარან და ჯიბეში ხელჩაწყობილნი გვიმზერენ, როგორ ვეზიდებით აღმართში ჩვენს ტვირთს, თანაც მოგვეყვირიან: „ვერ დაძლევისო!“ ხოლო, როცა დაძლევეთ აღმართს და ბოლოს და ბოლოს მწვერვალს მივალწვეთ, ერთნი ღრიალს ატეხენ — წესებს არ იცავენ, ისე აღიოდანო! სხვანი კიღევ დაჟინებით ამტიკებენ, ვერ დაძლიანო! კიღევ კარგი, ქვებს არ გვესვრიან ფეხებში, რა არის წაგვაქციონ!

— არც მთლად ეგრეა! მათშიაც გვხვდებიან კარგი აღამიანები! მერე რამხელა სიკეთის მოტანა შეუძლიათ! დაბოღმილი რეგვენები ყველგან გამოერევიან, რაგინდარა პროფესია იყოს. ერთი მითხარი, თუ იქნება იმაზე უფრო საზარელი რამე, ვიდრე გაბოროტებული და პატივმოყვარე ხელოვანია, რომელიც ქვეყნიერებას თავის ნადავლად. იგულებს და ცოფდება, რაკი იგი ვერ დაუპყრია? მოთმინებით აღიჭურვე! ზოგი ჰირი მარგებელია. ყველაზე ბოროტი კრიტიკოსიც კი სარგებლობას გვძენს, მწვრთნელად გვევლინება, საშუალებას არ გვაძლევს, გზად შევჩერდეთ. ყოველთვის, როცა გვგონია, მიზანს მივატანეთო, ძაღლების ხროვა კანჭებში გვებღვინება. წინ! ახალი მიჯნისკენ! ახალი სიმბოლისკენ! უმაღ ისინი დაიქანცებიან ჩემი დევნით, ვიდრე მე დავიღლებოდე წინსვლით. აბა, ვახსენე არაბული ანდაზა: „უნაყოფო ხეს არავინ ერჩის. ქვას მხოლოდ იმ ხეს უშენენ, ოქროს ნაყოფი რომ ამშვენებს...“. შებრალების ღირსია ის ხელრვანი, ვისაც დაინდობენ. სიზანტე დაძლევის და გზად შეჩერდება. ხოლო წამოდგომას რომ მოინდომებს, გაშეშებული ფეხები აღარ დაემორჩილება. გაუმარჯოს ჩემს მოყვარე მტერს! მან მეტი სიკეთე მიყო ცხოვრებაში, ვიდრე ჩემმა მტერმა მოყვარემ!

ემანუელმა ღიმილი ვერ შეიკავა. მერმე თქვა:

— და მაინც, ნუთუ გული არ გეტკინებათ, როცა თქვენისთანა ვეტერანს ჰკუთის სწავლებას დაუწყებენ ახალწვეულნი, ჯერ ერთხელაც რომ თოფის წაშლის სუნი არ უყნოსიათ?

— მართობენ, — მიუგო კრისტოფმა. — ეს ქედმაღლობა ნიშანია ჰაბუ-კური ჩუხჩუხა სისხლისა, ძარღვებში რომ ვერ დატეულა. ერთ დროს მეც ასეთი ვიყავი. ესაა გაზაფხული! თავსხმა წვიმები, გაცოცხლებულ დედამიწას რომ მოეველინება... დაე, გვასწავლონ. ბოლოს და ბოლოს ისინი მართალნი არიან. ბებრებმა უნდა გაიარონ ახალგაზრდების სკოლა! მართალია, იმათ გავ-ვძარცვეს, უმადურნიც არიან, მაგრამ ეს ასეც უნდა იყოს. ჩვენი ნამუშავევით გამდიდრებულნი ჩვენზე შორს წავლენ, რასაც ვესწრაფოდით, იმას განახორ-ციელებენ. თუ სიჭაბუკის ნატამალი შემოგვრჩენია, უნდა ვისწავლოთ ჩვენ-დათავად, თანაც ვეცალოთ, გავახალგაზრდავდეთ. თუ ეს არ ძალგძის, თუ ძლი-ერ მოვბერებულვართ, მაშინ მათ შევხაროდეთ. საამოა, ჰერეტდე ადამიანის სულის განუწყვეტელ აყვავებას, სულისა, რაიც დაშრეტილი გეგონა, ჰერეტდე ამ ახალგაზრდობის ძალუმ ოპტიმიზმს, მის შემართებას, საქმიანობით გატაცე-ბას—ესაა ადამიანთა მოდგმა, ქვეყნისელების დასაპყრობად რომ აღზევებულა.

— რანი იქნებოდნენ ისინი უჩვენოდ? ჩვენი ცრემლი მათი სიხარულის წყა-როა. ამ ამჟამს ძალას ფრთა გააშლევინა მთელი თაობის ტანჯვამ... *Sic vos non vobis...*<sup>1</sup>

— ეგ ძველი გამონათქვამი მცდარია. ჩვენი თავისთვის ვმუშაობდით და ვქმნიდით ადამიანთა ახალ თაობას, ჩვენ რომ გვაჯობებს. შევეუნახეთ მისი სიმდიდრე და ვუცავდით უბადრუკ ფარღალალა სახლაკში, სადაც ყოველი ზვრელიდან ქარი სისინებდა. კარს მხრებით ვაწვევდოდით, სიკვდილი არ შემო-ვიდესო. ჩვენი ხელით გავიყვანეთ ტრიუმფალური გზა, რომლითაც ივლიან ჩვენივე ძენი. ჩვენი მუშაკობით გადავარჩინეთ მომავალი. კიდობანი<sup>2</sup> აღთქმუ-ლი მიწის მიჯნასთან მოვიტანეთ. იგი შეაღწევს იქ მათთან ერთად და ჩვენივე წყალობით.

— გაიხსენებენ თუ არა ისინი ოდესმე იმათ, ვინც უდაბნოს გზებით ვი-დოდა, მოქპონდა წმიდა ცეცხლი, ახლდა ღმერთები და თვით ისინი, ის ბალ-ღები, ახლა რომ მოწიფული ხალხი შექმნილა? ჩვენ წილად გვერგო მხოლოდ განსაცდელი და უმადურობა.

— განა ნანობ ამას?

— არა. თრობაცაა იმის შეგნება, ტრაგიკული სიდიადე ჩვენი მძლავრი ეპოქისა მსხვერპლად რომ მივიტანეთ, რაფა გვეშვა ეს ახალი ეპოქა. თანა-მედროვე ადამიანებს აღარ უწერიათ, შეიცნონ თვითგანწირვის დიადი სიხა-რული.

— ჩვენ მათზე ბედნიერები ვიყავით, ნებოს<sup>3</sup> მთის წვერამდე ავალწიეთ,

<sup>1</sup> ამრიგად, თქვენი თავისთვისვე როდი (მუშაობთ) (ლათ.).

<sup>2</sup> სკივრი, სადაც ინახებოდა, ბიბლიური ვაღმოცემის თანახმად, ქვის ფიქალები, რომ-ლებზედაც ეწერა მოსეს სჯული.

<sup>3</sup> ბიბლიური ლეგენდის თანახმად, წინასწარმეტყველმა მოსემ სინას ნახევარკუნძულზე აღმართული ნებოს მთიდან იხილა აღთქმული მიწა, საითაც ებრაელები მიჰყავდა, ოლონდ ისე მოკვდა, არ დასცალდა, ფეხი დაედგა იმ მიწაზე.

ძირს კი გაშლილა მიწა, ზედ ფეხის დადგმა რომ აღარ გვიწერია. მაგრამ გახარებით იმათზე მეტად გვახარებს ეს მიწა, ვინც იქამდე მიაღწევს: ბარად რომ ეშვები, აკი თვალს ეფარება უსაზღვრო სივრცე და შორეული პორიზონტი.

ემანუელი და ჟორჟი კრისტოფის გვერდით სიმშვიდეს გრძნობდნენ. ამგვარ სიმშვიდეს თვით კრისტოფი გრაციას სიყვარულში პოვებდა. ამ სიყვარულის წყალობით იყო, ცინცხალსა და გაუნებელ ინტერესს რომ გრძნობდა ახალი ცხოვრების ყოველი გამოვლინებისადმი. როგორც უნდა ყოფილიყო მიწის განმაახლებელი ძალები, მუდამ მათ მხარეს იყო, თუნდაც იმ ძალებს მისსავ წინააღმდეგ გამოელაშქრათ. არ აშინებდა, იმ დემოკრატიის სუფევა რომ მოახლოებულიყო, რის საწინააღმდეგოდაც ერთი მუჟა პრივილიგირებული ეგოისტები საომარ ყიფინას სტეხდნენ, მოძველებული ხელოვნების სჯულის ფიცართ როდი ებლაუქებოდა სასოწარკვეთილი; გულდაჭერებული ელოდა, ზღაპრული ხილვებისაგან, მეცნიერებისა და პრაქტიკის ხორცშესხმულ ოცნებათაგან იშვისო ახალი, წინანდელზე უფრო მძლავრი ხელოვნება; მიესალმებოდა მსოფლიოს ახალი განთიადის დადგომას, თუნდაც ამ ამბავს ძველი სამყაროს სილამაზე შეეწირა.

გრაციამ იცოდა, მისი სიყვარული კეთილისმყოფელ გავლენას რომ ახდენდა კრისტოფზე. საკუთარ თვალში ამაღლებდა ამ თავისი ძალის შეგრძნობა. წერილების მეშვეობით ხელმძღვანელობას უწევდა მეგობარს. რა თქმა უნდა, სულელურ პრეტენზიას როდი უყენებდა, როდი ცდილობდა, რაიმე მიეთითებინა მისთვის ხელოვნების დარგში, ფრიად ტაქტიანი გახლდათ ამ მხრივ, იცოდა თავის შესაძლებლობათა ფარგლები. ოღონდ მისი კრიალა, ურიოშო ხმა ის კამერტონი გახლდათ, რის მიხედვითაც კრისტოფის სული მოიმართებოდა ხოლმე. საკმარისი იყო, კრისტოფს გულში წარმოედგინა, როგორ იმეორებდა ეს ხმა მისეულ აზრს, და ის მისი აზრი მყისვე ხდებოდა მართებული, წმინდა და ღირსი განმეორებისა. ხმა მშვენიერი საკრავისა მუსიკოსისათვის იგივეა, რაც მშვენიერი სხეული, რომელშიც უმაღვე ხორცს ისხამს მისი ოცნება. იღუმალი ურთიერთშერწყმა ორი მოსიყვარულე სულისა; თითოეული მათგანი მეორისაგან იღებს საუკეთესოს, ოღონდ იღებს იმისათვის, ის შენაძენი თავისი სიყვარულით გამდიდრებული დაუბრუნოს. გრაციას არ ეშინოდა, კრისტოფს გამოსტყდომოდა, მიყვარხარო. რაკი მანძილი აშორებდა და თანაც დარწმუნებული იყო, მისი აღარასოდეს შევიქნებიო, გაცილებით უფრო თავისუფლად გამოთქვამდა გულისწინადაც. ეს სიყვარული, რომლის წმიდათაწმიდა გზნება კრისტოფს გადაედო, ძალისა და სიმშვიდის წყაროდ ექცა ამ უკანასკნელს.

ამ ძალასა და სიმშვიდეს გრაცია იმაზე გაცილებით მეტს ანიჭებდა გარემომყოფთ, ვიდრე თავად გააჩნდა. ჯანი შერყეული ჰქონდა, სულიერი წონასწორობის შენარჩუნება უჭირდა. ვაჟის ჯანმრთელობას გაუმჯობესება არ

ეტყობოდა. ორი წლის განმავლობაში გრაცია ნიდაგ შიშით იყო მოცული, რასაც აძლიერებდა ლიონელის საოცარი უნარი, თავის ნებაზე ეთამაშებინა დედამისი. ბავშვმა სწორედ ვირტუოზობას მიადწია იმის ხელოვნებაში, გაემძაფრებინა მოყვასთა მღელვარება. უსაქმური ბავშვის გონება გაიწაფა, ათასგვარი ფანდი მოგონებინა, რა არის თანაგრძობა. გამოეწვია, გაეწვალებინა ადამიანები და ეს ჩვეულება ნამდვილ მანიად გადაექცა. უბედურება ის იყო, რომ ვიდრე მანუაობდა, ავადმყოფობას იგონებდა, სნეულებამ მართლა დარია ხელი, სიკვდილის აჩრდილი თავს წამოადგა. მაშინ სწორედ ის მოხდა, რაც მოსალოდნელი იყო: წლების მანძილზე ბიჭი მოჩვენებითი ავადმყოფობით აწამებდა დედამისს, და როცა მართლა მოერია სნეულება, დედას აღარ სჯეროდა ეს ამბავი. თანაგრძობასაც საზღვარი აქვს. მთელი თავისი თანაგრძობა გრაციამ სიცრუეს ვადააგო. ახლა კი, როცა ლიონელი სიმართლეს ეუბნებოდა, აგრე ეგონა, მეთვალთმეკებო. შემდგომ, როცა სიმართლე გამოირკვა, დარჩენილი დღეები სინდისის ქენჯნამ მოუწამლა.

მაგრამ ლიონელის გაბოროტება ვერაფერს დაეცხრო. არც არავინ უყვარდა და ვერც იმას იტანდა, გარშემომყოფთაგან ვინმეს სხვა ჰყვარებოდა მის გარდა. ეჭვიანობა სისხლ-ხორცში გასჭდომოდა. იმას არ დასჯერებია, რომ მოახერხა და დედამისი კრისტოფს დააშორა. უნდოდა, მათი დიდი ხნის მეგობრობაზეც ხელი აეღებინებინა. ნაცადი ხერხი გამოიყენა — ავადმყოფობა. გრაციას აღთქმა დაადებინა, აღარასოდეს გათხოვილიყო. ეს აღთქმაც ეცოტავა. წერილებს ნულარ მისწერო კრისტოფს, მოსთხოვა. მაშინ კი აღშფოთდა გრაცია. ძალაუფლების ამ ბოროტად გამოყენებამ ის ნაყოფი გამოიღო, რომ შვილის მბრძანებლობას თავი დააღწია. მკაცრად, დაუნდობლად გაკიცხა, მატყუარა ხარო, შემდგომ კი მწარედ ნანობდა; ეს რა დანაშაული ჩავიდინეო. დედის მკაცრმა სიტყვებმა ლიონელი ისე გააცოფა და გადარია, მართლაც ავად შეიქნა, და ეს მით უფრო სახათაბალო იყო, რომ დედას არ უნდოდა მისთვის დაეჭვებინა. მაშინ ბიჭმა გააფთრებისაგან სიკვდილი მოიწადინა, რა არის შური ეძია დედამისზე. ფიქრადაც არ მოსვლია, თუ სურვილი აუხრულდებოდა.

როცა ექიმმა გრაცია მიახვედრა, თქვენი შვილი უიმედო დღეშიაო, ქალი გაქვავდა, თითქოს მეხი დაეცაო. არადა, უნუგეშობასაც ვერ გამოამჟღავნებდა, ხომ უნდა აეხვია თვალი ბავშვისათვის, რომელიც ასე ხშირად ატყუებდა. ლიონელი ხვდებოდა, ამჯერად სახუმაროდ არა მაქვსო საქმე, მაგრამ არ სურდა ამის დაჭერება. მისი მზერა დედის თვალებში ეძიებდა სწორედ იმ სამღურავს სიცრუის გამო, რაც აგრე ააფთრებდა ხოლმე წინათ, როცა მართლა ცრუობდა. დადგა ჟამი; როცა იმედის ნასახიც აღარ შერჩათ. აუტანელი მდგომარეობა შეექმნათ მომავლდაესა და მის ახლობლებს: ბავშვს არ უნდოდა სიკვდილი.

როცა ბოლოს საუკუნოდ დახუჭა თვალი, გრაციას ერთი არ წამოუყვირია,

ერთი ჩივილის სიტყვა არ დასცდენია. თავისი სიმშვიდით განაცვიფრა შინაურები. ძალა აღარ ჰყოფნიდა ტანჯვისათვის. ერთი რამ ეწადა მხოლოდ — თავადაც განესვენა. იმავე დროს გართული იყო ჩვეულებრივი ყოველდღიური საზრუნავით. გარეგნულად სრულ უშფოთველობას ინარჩუნებდა. რამდენიმე კვირის შემდეგ ღიმი კვლავ დაემჩნია ტუჩებზე, ოღონდ ეს იყო, კიდევ უფრო სიტყვაძვირი შეიქნა. ვერავინ ხვდებოდა მის სასოწარკვეთილებას. კრისტოფი — კიდევ უფრო ნაკლებად. გრაცია იმით შემოიფარგლა, რომ მომხდარი ამბავი აცნობა მას, ხოლო თავის თავზე კრიტიკა არ დაუძრავს. კრისტოფს სიყვარულითა და უშფოთებით აღსავსე წერილებზე პასუხს არ უთვლიდა. კრისტოფს უნდოდა ჩამოსულიყო, გრაცია სთხოვდა, ნუ იზამო ამას. ორი-სამი თვის შემდეგ კვლავ დაჟდა წერილის დასაწერად, წერდა წინანდებურად მშვიდი, აუღელვებელი ტონით. დანაშაულად მიაჩნდა, თავისი სიმძიმელი. მისთვის ეტვირთებინა. იცოდა, რა თავგამეტებით გამოეპასუხებოდა ხოლმე კრისტოფს ყოველ მის გულისთქმას და რარიც სჭირდებოდა თავადვე კრისტოფს საყრდენად. თავშეკავება მტკივნეულ იძულებად კი არა, დისციპლინად, იგივე ხსნად უჩანდა. ცხოვრებისაგან დაღლილიყო და თუ რამ აკავებდა ამ წუთისოფელში, ისევე კრისტოფის სიყვარული და ის ფატალიზმი, რაიც ჭირსა თუ ლხინში მისი იტალიურ ბუნების საფუძველს შეადგენდა. გონებას ხელი არ ჰქონდა იმ ფატალიზთან, ეს იყო ცხოველის ინსტინქტი, ნიათგამოცლილ ნადირს რომ აიძულებს, მოძრაობდეს; მიბანდალებს იგი და დალლას არა გრძნობს, თითქოს სიზმარეულიაო. მზერა გაშეშებია, ვერც გზაზე დაყრილ ქვებს ამჩნევს, არც თავისი გაწამებული სხეული ახსოვს, ვიდრე წაიქცეოდეს. ფატალიზმით ცოცხლობდა მისი სხეული. სიყვარულით ცოცხლობდა მისი გული. ახლა, როცა წუთისოფელი მოჰამა, იგი სულდგმულობდა კრისტოფის წყალობით. და მაინც უფრო მეტად, ვიდრე ოდესმე, ერიდებოდა მისდამი სიყვარული გამოეხატა წერილებში. ალბათ, ეს სიყვარული უფრო ძლიერი შექნილიყო და იმიტომ, მაგრამ იმის გამოც, რომ თან სდევდა *veti'* გარდაცვლილი ბავშვისა, რომელსაც დანაშაულად მიაჩნდა ეს გრძნობა. ხანდახან ღუმილს იცავდა გრაცია, თავს ძალას ატანდა, წერილი არ მიეწერა კრისტოფისათვის.

კრისტოფს ვერ გაეგო ამ ღუმილის მიზეზი. ზოგჯერ წერილის მშვიდი და თავშეკავებული ტონის წილ ენიშნებოდა ახალი, მოულოდნელი ინტონაცია, გულის ჩქოლა. თვითონაც აუჩქროლდებოდა გული, ოღონდ თქმით ვერაფერი ეთქვა; ზაც ენიშნებოდა, იმის შემჩნევასაც ძლივს ბედავდა; იმ ადამიანს ჰგავდა, სუნთქვის რომ ეშინია, ვაითუ ჩვენება დავაფრთხოო. იცოდა, იმ ინტონაციას მომდევნო წერილში თითქმის უეჭველად გამოისყიდლენ განგების გულცივობით... მერმე კი კვლავ ჩამოდგებოდა სიმშვიდე... *Meeresstille*<sup>2</sup>.

<sup>1</sup> აღკვეთა (ლათ.).

<sup>2</sup> სიწყნარე ზღვაზე (გერმ.) გოეთეს ერთ-ერთი ლექსის სახელწოდებაა.



ერთ დღეს ჟორჯი და ემანუელი კრისტოფისას იყვნენ. ორივეს თავთავისი საწუხარი ალაპარაკებდა: ემანუელს — ლიტერატურული შუღლი, ჟორჯს კი — უიღბლო სპორტული შეჯიბრი. კრისტოფი გულკეთილად უსმენდა მათ და ორივეზე მეგობრულად ეციებოდა. გაისმა ზარის ხმა. ჟორჯი კარის გასაღებად გაემართა. კოლეტის მსახურს წერილი მოეტანა. კრისტოფი ფანჯრისაკენ მიდგო და კითხვა დაიწყო.

ორივე მეგობარმა კამათი გააგრძელა; კრისტოფი ზურგით ედგათ და მის სახეს ვერ ხედავდნენ. კრისტოფი მეორე ოთახში გავიდა, მაგრამ ამ ამბისათვის ყურადღება არ მიუქცევიათ. არ გაჰკვირვებიათ, როცა ოთახიდან გასული ნახეს. დიდხანს არ დაბრუნებულა და ჟორჯამ გვერდითი ოთახის კარზე მიუკაკუნა. პასუხი არავის გაუცია. ჟორჯიც აღარ მისძალეზია, იცოდა თავისი მოხუცი მეგობრის ახარებულობის ამბავი. რამდენიმე წუთის შემდეგ კრისტოფი დაბრუნდა. ძლიერ მშვიდი, ძლიერ დაქანცული და მეტად მორჩილი ჩანდა. მიგატოვებოდა, მოიბოდიშა და შეწყვეტილი საუბარი განაგრძო. უნდოდა, ენუგეშებინა ისინი და ისეთი თანაგრძნობით ელაპარაკებოდა მათი უსიამოვნების გამო, ჟორჯსა და ემანუელს გულს მოეფონათ. კილო მისი ხმისა უცნაურად აღელვებდა ორივეს, თუმცა რატომ აღელვებდათ, ვერ მიმხვდარიყვნენ.

მაღე დაემშვიდობდნენ მასპინძელს და წავიდნენ. გზად ჟორჯმა კოლეტთან შეიარა. ნახა, ქალი ცრემლად იღვრებოდა. დაინახა თუ არა კოლეტმა ჟორჯი, მივარდა და ჰკითხა:

— ერთი მითხარი, როგორ გადაიტანა ეს ელდა ჩვენმა საბრალო მეგობარმა? რა საშინელება!

ჟორჯს არაფერი ესმოდა. კოლეტმა უთხრა, წელან კრისტოფს მსახური გაეუზავენ და გრაციას სიკვდილის ამბავი შევატყობინეო.

ისე მომკვდარიყო, გამოთხოვებაც კი ვერავისთან მოესწო. ბოლო რამდენიმე თვის მანძილზე სიცოცხლის ფესვები ისერიგად მოსუსტებოდა, ერთმა მსუბუქმა დაბერვამ მოცელა. წინაღუეს, ვიდრე ავადმყოფობა შეუბრუნდებოდა და ხელს მოუთავებდა, კრისტოფისაგან გულითადი წერილი მიიღო. ამ წერილმა გული აუჩვილა გრაციას. უნდოდა ეხმო კრისტოფი, უკვე ხედებოდა, რომ ყველაფერი დანარჩენი, ყველაფერი, რაც ერთმანეთს ამორეხდათ, სიყალბე და დანაშაული იყო. ოღონდ მეტისმეტად დაღლილად გრძნობდა თავს და პასუხის გაცემა სახვალიოდ გადადო. მეორე დღეს კი ის იყო, ჩაწვა. დაიწყო წერილის წერა, მაგრამ ვეღარ დაამთავრა. თავბრუ ეხვეოდა, გრძნობას კარგავდა, თანაც ვერ გადაეწყვიტა, მეგობრისათვის შეეტყობინებინა თავისი ავადმყოფობის ამბავი; შეშფოთდებოდა, შიშობდა. კრისტოფი იმ დროს სიმფონიური ქორალის რეპეტიციით იყო გართული. ის ქორალი ემანუელის პოემის ტექსტის მიხედვით დაეწერა. სიუჟეტმა ორივენი გაიტაცა: თავიანთი ბედის სიმბოლოდ ესახებოდათ. პოემას „ალთქმული მიწა“ ეწოდებოდა. კრისტოფი ხშირად სწერდა ხოლმე ამ პოემის შესახებ გრაციას. პრემიერა შემდეგ

კვირას უნდა შემდგარიყო. არა, არ შეიძლება მისი აფორიაქება. გრაციამ მხოლოდ გაკვრით აღნიშნა, ცოტა გაციებულნი ვარ. მერმე გადაწყვიტა, ან ამის მიწერაც რა საჭიროაო, დახია ბარათი, ხელახლა დაწერის თავი კი აღარ ჰქონდა. სალამოხანს დავეწერო, იფიქრა, მაგრამ სალამოს გვიანდა იყო. შეტისმეტად გვიან, რათა ეხმო იგი, შეტისმეტად გვიან, რათა მიეწერა... გრაციამ ძლივს მოასწრო თითზე ბეჭედი წაეძრო და მიეცა ქალიშვილისათვის, თან ეთხოვა, ჩემს მეგობარს კრისტოფს გადაეცო. აქამდე მაინცდამაინც ახლოს არ ყოფილა ავრორასთან გრაცია, ახლა კი, აღსასრულისას, თვალაღზნებულნი მისციებოდა სახეზე მას, ვინც ამ ქვეყნად რჩებოდა; ხელს უჭერდა ხელზე. ეს ხელი გადასცემდა მეგობარს სალამს, თან სიხარულით ფიქრობდა: „მთლად როდნი მივდივარ“.

„Quid? hic, inquam, quis est qui  
complet aures meas tantus et tam  
dulcis sonus!..“

(„სციპიონის სიზმარი“)<sup>1</sup>

კოლეტისაგან რომ წამოვიდა, თანაგრძნობით ატანილი ჟორჟი კვლავ კრისტოფთან მიბრუნდა. ენაჭარტალა ბიძაშვილის წყალობით ჟორჟმა დიდი ხანია უკვე იცოდა, რა ადგილი ეკავა გრაციას მოხუცი მეგობრის გულში; იცოდა და, ასე გასინჯეთ (ახალგაზრდობას მაინცდამაინც არ სჩვევია კრძალვა), ზოგჯერ აქილიკებდა კიდეც ამის გამო. ოღონდ ახლა საოცარი სიცხადით წარმოიდგინა, რა მწუხარება უნდა დასტყდომოდა თავს კრისტოფს; მოუნდა, მივარდნილიყო მასთან, მოხვეოდა, მიესამძიმებინა. იცოდა მისი შმაგი ბუნების ამბავი, და იმ უცნაურმა სიმშვიდემ, წელან რომ შეამჩნია მეგობარს, გული შეუშვოთა. დარეკა. სიჩუმე. კიდეც დარეკა და დათქმული წესისამებრ მიუქაკუნა. გაიგონა, როგორ გასწიეს სავარძელი; ნელი, მძიმე ნაბიჯის ხმა კარს უახლოვდებოდა. კრისტოფმა კარი გააღო. ისეთი მშვიდი სახე ჰქონდა, რომ ჟორჟი, რომელიც ის-ის იყო უნდა გადახვეოდა, უნებურად შედგა. არ იცოდა, რა ეთქვა. კრისტოფმა წყნარი ხმით ჰკითხა:

— შენა ხარ, ჩემო ბიჭო? დაგრჩა რამე?

შეცბუნებულმა ჟორჟმა წაიბუტბუტა:

— ჰო.

— შემოდი.

კრისტოფი კვლავ ჩაესვენა ფანჯარასთან მიმდგარ სავარძელში, იქ, სადაც ჟორჟის მოსვლამდე იჯდა. საზურგეზე თავმიყრდნობილი გასცქევეროდა სახლის სახურავეებსა და მეწამულ დაისს. ჟორჟს ყურადღებას არ აქცევდა. ყმაწვილი კაცი ვითომ რაღაცას ეძებდა მაგიდაზე, თან კრისტოფისაკენ გააპარებდა ხოლმე მზერას. მოხუც მეგობარს უდრტვინეული იერი ჰქონდა; ჩამავალი მზის არილი შუბლსა და დაწვებზე მისდგომოდა. ჟორჟი ანგარიშმიუცემლად გავიდა გვერდითს ოთახში, საძინებელში, ვითომც იქ განაგრძობდა ძებნას. აქ იყო, კრისტოფი წერილობით რომ ჩაიკეტა. წერილი ჯერაც ლოგინის საფარველზე იდო, ლოგინს ადამიანის სხეულის კვალი დამჩნეოდა. ძირს, ხალიჩაზე, გაშლილი წიგნი ეგდო. ჟორჟმა აიღო ეს წიგნი და წაიკითხა: სახარება ყოფილიყო, მარიამ მაგდალინელის შეხვედრა მებალესთან<sup>2</sup>.

<sup>1</sup> „რა არის ეს? — ვამბობ მე. — რა ხმებია, ესდენ ძალოვანი და საამო, სმენა რომ წარმატაცა?“ (ლათ). — ციცერონი, „სციპიონის სიზმარი“.

<sup>2</sup> მებალე კრისტეს ერთ-ერთი ქარავმული სახელწოდებაა სახარებაში.

თავს რომ დაუფლებოდა, ყორჯი პირველსავე ოთახში შებრუნდა, რაღაც გადადგ-გადმოდგა მაგიდაზე ყასიდად, კვლავ გადახედა კრისტოფს. იგი არც შერხეულა. ყორჯს უნდოდა ეთქვა, რარიგ თანაუგრძნობდა მას. მაგრამ კრისტოფი თითქოს გასხივოსნებულიყო ერთიან და ყორჯი მიხვდა: ყოველგვარი სიტყვა უადგილო იქნებოდა. უმაღლ ყორჯსავე სჭირდებოდა ნუგეშისცემა. მორიდებით ჩაილაპარაკა:

— მივდივარ.

კრისტოფს თავი არ მოუბრუნებია, ისე უთხრა:

— ნახვამდის, ჩემო ბიჭო.

ყორჯი წავიდა და უხმაუროდ გაიხურა კარი.

კრისტოფი ისევ ისე იჯდა დიდხანს. ჩამოდგა ღამე. არც ტანჯვას გრძნობდა, არცთუ რაიმეზე ფიქრობდა, გამოკვეთილად არც ერთი სახე არ წარმოუდგებოდა თვალწინ. იმ ერთობ დაქანცულ ადამიანს ჰგავდა, შორით მონადენ მუსიკას რომ უსმენს, ოღონდ, ჩავწვდეთ, არ ცდილობს. უკვე გვიანი ღამე იყო, როცა დათენთილი წამოდგა, პირქვე მიეგდო ლოგინზე და ძილს მიეცა. სიმფონია კვლავინდებურად ქდერდა..

და იხილა იგი, სატრფო თვისი...ხელები გამოეწოდებინა სატრფოს, გაღიმებული ეუბნებოდა:

„აჰა, გამოაღწიე ცეცხლოვან წრეს“.

და გულმა შვება იგრძნო. ენით უთქმელ სიწყნარეს მოეცვა ვარსკვლავითი, სადაც მშვიდ და ლუბრმა მდინარედ მოედინებოდა ზეციური მუსიკა.

როცა გამოეღვიძა, უკვე გათენებულიყო; გული კვლავ აღვსილი ჰქონდა უჩვეულო ბედნიერებით, ჯერაც მოესმოდა სიტყვების შორეული ნახმევი. ლოგინიდან წამოდგა. ჩუმმა და წმიდააწმიდა აღტაცებამ მოიცვა მისი არსება.

...Or vedi, figlio,

tra Beatrice e te è questo muro<sup>1</sup>.

მასსა და ბეატრიჩეს შორის აღმართული კედელი დაინგრა.

უკვე დიდი ხანია, მომეტებული წილი მისი სულისა იმ კედლის მიღმა სუფევდა. როცა ცხოვრობ, ქმნი, გიყვარს და კარგავ საყვარელ ადამიანებს, უფრო და უფრო უსხლტები სიკვდილს. ყოველი ახალი ელდის შემდეგ, თავს რომ დაგატყდება, ყოველი ახალი ნაწარმოების შემდეგ, რასაც შენ შექმნი, სულ უფრო მეტად გასცილდები საკუთარ თავს, შეეფარვი ქმნილებას შენგანვე ხორცშესხმულს, სულს, რომელიც გიყვარდა და რომელსაც მიუტოვებინარ. ბოლოს და ბოლოს, რომი აღმოჩნდება რომისავე კიდევან; უკეთესი წილი შენი არსებისა უკვე შენსავე მიღმა... ერთადერთი გრაცია იყო, ჯერ კიდევ რომ აკავებდა კედლის გადმოღმა. და, აი, მანაც... ახლა უკვე კარი დაეხშო ქმუნვის საყვაროს...

<sup>1</sup> „... შეილო, ეს კედელია დაშენილია ბეატრიჩეს და შენსა შორის“. (იტალ.). — დანტე, „ღვთაებრივი კომედია“, „სახსინებელი“, ქება XXVII. თარგმ. კ. გამსახურდიასი.

კრისტოფი ფარული ეგზალტაციის პერიოდს განიცდიდა. აღარ გრძობდა ბორკილის სიმძიმეს. აღარც რამეს ელოდა. აღარაფერზე იყო დამოკიდებული. თავისუფალი ვახლდათ. ბრძოლა დასრულდა. გამოსცდენოდა ბრძოლათა არეს, იმ წრეს, სადაც მეუფებდა გმირულ შეტაკებათა ღმერთი, Dominus Deus Sabaoth<sup>1</sup>, და მზერდა, როგორ ინავლებოდა მის ფეხთით გაწოლილ ბინდში უწვი მაყვლოვანის ცეცხლი. რარიგ შორს იყო უკვე ის მაყვლოვანი! როცა ამ ცეცხლმა გზა გაუნათა, კრისტოფს ეგონა, ეგაა, თითქმის მივალწიეო მწვერვალს. მაგრამ რა დიდი გზა გამოიარა მას აქეთ. და შინც, ჭერ ისევ შორია მწვერვალამდე. ვეროდეს მიიტანდა იქამდე (ახლა უკვე ესმოდა ეს), გინდაც მარადის ევლო და ევლო. ოღონდ, როცა სინათლის წრეში შეხვალ და იცი, უკან არ დამრჩენიანო სიყვარული თუ ახლობელი არსებანი, მაშინ მარადისობაც წამად მოგეჩვენება, თუ იმ არსებათა გვერდით მიაბიჯებ.

კრისტოფი არავის იღებდა. არც არავინ მოდიოდა მის სანახავად. ჟორჟმა ხელადვე ამოწურა, რა თანაგრძობის უნარიც ჰქონდა: შინ რომ მიბრუნდა, დაწყნარდა და მეორე დღეს უკვე აღარ ფიქრობდა კრისტოფზე. კოლეტი რომს გაემგზავრა. 'ემანუელმა არაფერი იცოდა მთელი ამ ამბისა და, ჩვეულებისამებრ, განაწყენებული, -ბრაზდებოდა და ღუმიდა, აქაოდა, რატომ კრისტოფი საპასუხოდ არ მესტუმრაო. არაფერი არღვევდა უსიტყუო საუბარს, რასაც კრისტოფი მრავალი დღის მანძილზე უმართავდა იმას, ვისაც აწ თავის არსებში ატარებდა, ისე ვით ორსული ქალი ატარებს თავის ძვირფას ტვირთს. გულის აღმძვრელი იყო ის საუბრები, ვერავითარი სიტყვებით რომ ვერ გადმოსცემდი, ისეთი. თვით მუსიკაც გაჭირვებით თუ შეძლებდა იმ განცდების გამოხატვას. როს გული ავისილი ჰქონდა, პირთამდე ავისილი, კრისტოფი იჭდა გაუძნდრეველად, თვალმომხუჭული და ყურს მიაპყრობდა გულში განმთანებულ ვალობას. ანდა საათობით უჯდა ფორტეპიანოს, ამეტყველებდა კლავიშებზე მოსრიალე თითებს. თავის დღეში ასე ხშირად არ მიუძმართავს იმპროვიზაციით თავის; ოღონდ არ იწერდა თავის აზრებს. რა საჭირო იყო?

როცა რამდენიმე კვირის შემდეგ კვლავ გამოვიდა გარეთ და შეხვდა ხალხს, თანაც მეგობართაგან ჟორჟის გარდა არავინ იცოდა, რა ამბავიც დამართოდა, ის სულისკვეთება იმპროვიზაციისა კიდევ ერთხანს თან ახლდა. ყველაზე ნაკლებად რომ მოელოდა, იმ დროს ეწვეოდა ხოლმე. ერთხელ, საღამოს, კოლეტისას კრისტოფი. ფორტეპიანოს მიუჯდა და, ასე, ერთ საათს უკრავდა, მთლიანად მინებდა მუსიკას, გადაავიწყდა, სასტუმრო ოთახი გულგრილი ხალხით რომ იყო სავსე. ოღონდ ის ხალხი სიცილის იშტაზე არ მოსულა. ამ მგზნებარე იმპროვიზაციამ დაიმორჩილა და შეძრა ისინი. იმათაც კი, ვისაც არ ესმოდა იმპროვიზაციის აზრი, გული ეკუმშებოდათ; კოლეტს კი ცრემლი მოერია. დაკვრა რომ დამთავრა, კრისტოფი უეცრივ მოტრიალდა; აღღვებულ ადამიანთა სახეები რა დინახა, მხრები აიჩეჩა და გაიცინა.

<sup>1</sup> უფალი ღმერთი საბაოთი (ლათ.).

იმ მიჯნას მიაღწია, როცა მწუხარება ძალად გარდაიქმნება, იმ ძალად, რასაც შენს ნებაზე განაგებ. მწუხარება კი არ ფლობდა, თავად იყო მისი მეუფე; რამდენიც უნდოდა, მისწყდომოდა ის ჭმუნვა აქეთ-იქით, დასჯაჯგუ-რებოდა მანებს; ყაფაზაში ჰყავდა გამომწყვდეული და ის იყო.

ამ პერიოდში შექმნა კრისტოფმა თავისი საუკეთესო, ყველაზე უფრო ღრმა ნაწარმოებები — სახარების სცენა, რაიც ხელაღვე იცნო ჟოკმა:

„Mulier, quid ploras?“ — „Quia tulerunt Dominum meum, et nescio ubi posuerunt eum“.

Et cum haec dixisset, conversa est retrorsum, et vidit jesum stan-tem: et non sciebat quia jesus est;<sup>1</sup>

შექმნა ტრაგიკული Lieder-ები ესპანური ხალხური cantares-ების<sup>2</sup> ტექსტზე, მათ შორის, სევდის მომგვრელი სატრაფიალო-სამგლოვიარო სიმღერა, შავი ალის ავარდნას რომ ჰგავდა, ისეთი:

Quisiera ser el sepulcro  
Donde a ti te han de enterrar,  
Para tenerte en mis brazos  
Por toda la eternidad...

(ნეტავი მქნა ის ლუსკუმა, სად შენ უნდა განისვენო,  
რომ მკლავები მოგხვიო და გულს ჩაგიკრა საუკუნოდ...);

ორი სიმფონია, ერთს „სიმშვიდის კუნძული“ ერქვა, მეორეს — „სციპიონის სიზმარი“; ჟან-კრისტოფ კრაფტის სხვა ნაწარმოებებთან შედარებით, მათში ყველაზე უფრო ღრმადაა გამოხატული და ურთიერთშერწყმული მისი დროინდელი მუსიკალური შემოქმედების უკეთესი მხარეები: სათუთი და ბრძნული, ჩრდილიანი ხვეულებით აღბეჭდილი, აზრი გერმანიისა; ვნებიანი მელოდიურობა იტალიისა; ფაქიზი რიტმებითა და ჰარმონიული ნიუანსებით მდიდარი, სხარტი გონება საფრანგეთისა.

ეს „ოლმადერენა, დიდი დანაკლისის ჟამს სასოწარკვეთილებით შობილი“, ერთ-ორ თვეს გრძელდებოდა, მერმე კრისტოფმა კვლავ პოვა თავისი ადგილი, ცხოვრებას მიუბრუნდა ნაბიჯმტკიცე, სულით ძლიერი. სიკვდილის სუნთქვამ გაუფანტა პესიმისმის უკანასკნელი ბურუსი, სტოიკური სულის ბინდი და მისტიკური ჩრდილ-ნათელის ფანტასმაგორია. დაფანტულ ღრუბელთ შორის ცისარტყელა გამობრწყინდა. თვალი ზეცისა, კრიალა, თითქოს ცრემლით განბანული, იმ ღრუბელთ შუა ილიმოდა. ეს იყო წყნარი მიმწუხრი მთაში.

<sup>1</sup> „დედაცა, რაისა სტირ? ხოლო მან პრქუა მათ, რამეთუ: აღიღეს უფალი ჩემი საფ-ავით და არა უწყი, სადა დადევს იგი“.

ესე რაა თქუა, მიიქცა ვარე და იხილნა იესო მდგომარე. არა უწყუა, რამეთუ იესო არს.  
(სახარების ციტატა)

<sup>2</sup> სიმღერები (ეს.).

იმ ცეცხლისაგან, ევროპის ტყეში რომ ღვივდებოდა, უკვე ჩაღდებოდა ხანძარი. ამოდ ცდილობდნენ, ჩაეჭროთ იგი ერთს ალაგს, უმაღლვე მეორეგან ავარდებოდა ალი; კვამლის ბოლქვებსა და ბურჯღლების რიალში ცეცხლი ახალ-ახალი ადგილისკენ მიისწრაფოდა, ბრიალით ეკიდებოდა ხმელ ბუჩქნარს. აღმოსავლეთით უკვე გამართულიყო ავანგარდული ბრძოლები! — მაუწყებელი ხალხთა დიდი ომისა<sup>1</sup>. მთელი ევროპა, ჭერ კიდევ გუშინ სკეპტიკური და აპათიური რომ იყო, ჩამკვდარ ტყეს რომ მოგაგონებდა, ცეცხლის ნაღავლად იქცა. ბრძოლის ეინმა შეიპყრო ადამიანთა გონება. ყოველ წუთს შეიძლებოდა ომი გაჩაღებულიყო. აქრობდნენ, მაგრამ ხელახლა იფეთქებდა. სულ უბრალო საბაბი კმაროდა საამისოდ. მსოფლიო გრძნობდა, მის ბედს შემთხვევა განაგებდა, შემთხვევას შეეძლო. საყოველთაო შეტაკების გამოწვევა. მსოფლიო მოლოდინში განაბულიყო. ყველაზე მშვიდობისმოყვარე ადამიანებსაც აპკეიატებოდათ ფიქრი, ომი გარდაუვალიყო. ხოლო იდეოლოგიი ომისა, ციკლოპ პრედონის ფართო ზურგს ამოფარებულნი, ხოტბას ასხამდნენ მას, ვითარცა ადამიანის ყველაზე კეთილშობილურ მოქმედებას.

აი, რა ნაყოფი უნდა გამოედო დასავლეთის რასათა ფიზიკურსა და მორალურ აღორძინებას! სასაკლავოსკენ მიმართულიყო ხალხების მგზნებარე რწმენა და გაცხარებული საქმიანობა. მხოლოდ ნაპოლეონისეულ გენიას შეეძლო, გარკვეული და მკაფიო მიზნისკენ წარემართა ეს ბრმა დინება. მაგრამ მთელს ევროპაში არსად იყო ამგვარი გენიოსი მოქმედებისა. იტყოდნი, ხალხებს ყველაზე გონებაშეზღუდული ადამიანები აურჩევიათო თავიანთ ხელმძღვანელებად. გონებას ძალა დაჰკარგოდა. ისლა დაგრჩენოდა, მდინარებისათვის მიგენდო თავი. აგრე იქცეოდნენ მმართველებიცა და ხალხებიც. ევროპა მოგაგონებდა უზარმაზარ სამხედრო ბანაკს ომის წინაღღეს.

კრისტოფმა გაიხსენა ამგვარივე მშფოთვარე მოლოდინი; მაშინ გვერდით ოლივიეს შეფიქრიანებულ სახეს ჰვრეტდა. იმხანად ომის აჩრდილმა საავდრო ღრუბელივით გადაიარა. ახლა კი მთელს ევროპას ზედ დასწოლოდა. მაგრამ კრისტოფის გულსაც ცვლილება განეცადა. ვეღარ დაიდებდა წილს ხალხთა ამ ურთიერთსიძულვილში. იმგვარსავე სულიერ განწყობას მოეცვა, როგორც

<sup>1</sup> იფულისხმება ბალკანეთის პირველი ომი 1912—1913 წლებისა — ომი ბალკანეთის კავშირისა თურქეთის წინააღმდეგ.

<sup>2</sup> ეს ნაწილი გამოქვეყნდა 1912 წ.

გოეთეს დაუფლებოდა 1813 წელს<sup>1</sup>. განა შეიძლება იბრძოდეს, თუ სიძულვილს არა გრძნობ? განა შეიძლება გძულდეს, თუ ახალგაზრდა არა ხარ? სიძულვილი განვლილი ეტაპია უკვე. რომელი ეძვირფასება ნაკლებად ამ დიდ მეტოქე ხალხთაგან? ისწავლა, ჭეროვან პატივს მიაგებდეს თითოეულ მათგანს, იცოდა, მსოფლიო რას უნდა უმადლოდეს იმათ. როცა ადამიანი გარკვეულ მიჯნას მი-  
აღწევს, „ალარ განასხვავებს ერებს, მეზობელი ხალხების ბედნიერება თუ უბედურება ისევე მიაქვს გულთან, როგორც საკუთარი ბედი თუ უბედობა“. სა-  
ავდრო ღრუბლები მის ფეხით განრთხმულა. ირგვლივ კი მხოლოდ ცაა —  
„უქიდევანო ცა, სადაც არწიენი ბოინობენ“.

და მინც ზოგჯერ კრისტოფი გულისტყენას იგრძნობდა, გარშემო მყოფ ხალხს თვალში არ მოედივარო. პარიზში ფრიად აშკარად აგრძნობინებდნენ, მოსისხლე ხალხის შვილი ხარო; მისი საყვარელი ეორეიც კი ვერ შეეღია სიამოვნებას და დაუფარავად გადმოუღაგა, როგორ უყურებდა გერმანიას; ამ ამბავმა ძლიერ ატკინა გული კრისტოფს. მაშინ გაცლა ამჯობინა; მოისაბაბა, გრაციას ქალიშვილს უნდა შეეხვედო; რამდენიმე ხნით რომს გაემგზავრა. მაგ-  
რამ უფრო მშვიდი ვითარება რომშიც არ დახვედრია. ეროვნული ყინჩობის საშინელ ჰიბს აქაც მოეკიდებინა ფეხი. მოეკიდებინა და იტალიელთა ხასიათი გადაესხვადებინა. წინანდელ გულგრილსა და უზრუნველ ადამიანებს ახლა საოცნებოდ გახდომოდათ მარტოოდენ მხედრული დიდება, ბრძოლები, გა-  
მარჯვებანი, რომაული არწივები, ლობის ქვიშნარის თავზე ირაოს რომ ავე-  
თებდნენ<sup>2</sup>; აგრე ეგონათ, ეგ არის, იმპერატოროთა რომის დროება ახლოვდე-  
ბაო. ყველაზე უფრო უცნაური ის იყო, რომ ოპოზიციური პარტიები — სო-  
ციალისტები და კლერიკალები, ისევე როგორც მონარქისტები, ალაღად იზიარებდნენ ამ სიგიყეს, აზრადაც არ მოსდიოდათ, ჩვენ-ჩვენს საქმეს ვლალა-  
ტობთო. აქედან ცხადია, რარიგ უმნიშვნელოა პოლიტიკისა და ადამიანის გო-  
ნების როლი, როცა ხალხს მძევნარე ეპიდემიური ვენებები გაუჭდება. ამ ვენ-  
ბებს არც უხდებათ პირად მიდრეკილებათა დათრგუნვა: აქეთ იყენებენ იმ მიდ-  
რეკილებებს, ყველაფერი ერთი მიზნისკენ მიისწრადის. აქტიურ მოქმედებათა  
ხანას მუდამ ასე სჩვეოდა. ანრი მეოთხის ჯარი, ისევე როგორც საბჭო ლუი  
მეთოთხმეტისა, ვინაც საფრანგეთის დიდება გამოჰქედა, იმდენსავე გონიერ,  
რწმენის მქონე ადამიანს. ითვლიდა, რამდენსაც — პატივმოყვარე, ანგარ,  
მდაბალ ეპიკურელს. იანსენისტები და თავისუფლად მოაზროვნენი, პურიტან-  
ები და სასახლის ლოველასები, თავიანთ ინსტინქტებს აყოლილნი, საზიარო  
ბელს მსახურებდნენ. მომავალ ომებში, უეჭველია, ერთმანეთის გვერდით იბრ-

<sup>1</sup> ე. ი. ეკავა ჰერტოთი პოზიცია, აქტიურ მონაწილეობას არ იღებდა პოლიტიკურ ამბებში. გოეთემ დღშილით აუარა გვერდი ავსტრია-პრუსიის ჯარების გალაშქრებას ნაპოლეონის წინააღმდეგ 1813 წელს.

<sup>2</sup> იგულისხმება იტალია-თურქეთის ომი 1911—1912 წლებისა. ეს ომი იტალიის მიერ ლი-  
ბიის დაპყრობით დამთავრდა.



ძილებენ ინტერნაციონალისტები და პაციფისტები. ისინი, კონვენტისდროინდელ მათ წინაპართა მსგავსად, დარწმუნებულნი იქნებიან, ხალხის კეთილდღეობისა და მშვიდობის გამარჯვებისათვის ვიშრობთ!

ოდნავ ირონიულად მოღიშარი კრისტოფი იანიკულის<sup>1</sup> ბორცვის ტერასიდან გადასქეროდა ნაირსახოვანსა და იმავ დროს პარმონიულ ქალაქს — ამ სიმბოლოს ქვეყნიერებისა, რომელზედაც იგი ბატონობდა: დაბუჯულ ნანგრევებს, ბაროკოს სტილის ფასადებს, თანადროულ ნაგებობებს, ვარდებით გაბარდულ კვიპაროსებს, — ყველა საუკუნეს, ყველა სტილს, ერთ მძლავრსა და მწყობრ მთლიანობად შერწყმულს გონების შუქით. ასე უნდა მიაფენდეს გონება ბრძოლით მოცულ ქვეყნიერებას სინათლესა და წესრიგს.

კრისტოფმა ცოტა ხანი დაჰყო რომში. ძველი ქალაქი მეტისმეტად ძლიერ შთაბეჭდილებას ახდენდა მასზე. შიში ჰქონდა ამ ქალაქისა. უკეთ რომ გამსქვალულიყო მისეული პარმონიით, შორიდან უნდა ესმინა იგი; გრძნობდა, აქ თუ დავყოფნდი, ეს ქალაქი ისევე შემისრუტავს, როგორც ჩემი რასის მრავალი ადამიანი შეუსრუტავსო. დროდადრო გერმანიაში ჩადიოდა. მაგრამ ბოლო-ბოლო, მიუხედავად საფრანგეთ-გერმანიის კონფლიქტის გარდუვალობისა, ყველაზე მეტად მუდამ პარიზი იზიდავდა. იქ ხომ ჟორჟი ეგულეობდა, თვისი შვილობილი. მაგრამ მარტო გრძნობის ბრალი არ იყო ეს. არანაკლებ საგულისხმო გახლდათ წმინდა ინტელექტუალური ყაიდის მოსაზრებანიც. იმ ხელოვანისთვის, ვინაც მიჩვეულიყო ეცხოვრა სისხლსავე სულიერი ცხოვრებით და გამოხმაურებოდა ყველა ვნებათაღელვას, რაც ხალხთა დიდ ოჯახს აფორიაქებდა, საძნელო იყო, ხელახლა შეჭვებოდა გერმანიაში ცხოვრებას. იქაც ცოტანი როდი იყვნენ ხელოვანნი. მაგრამ იმათ ჰაერი არ ჰყოფნიდათ. თავიანთ ხალხს მოწყვეტილნი იყვნენ. ხალხს არ აინტერესებდა მათი ასავალ-დასავალი: საზოგადოებრივი აზრი სხვა საზრუნავს დასტრიალებდა — ყოფითსა თუ სოციალურს. ზიზლით სავე, ბოღმამორეული პოეტები თავიანთი ხელოვნების ჩარჩოში იკეტებოდნენ, ხალხი კი მათ ხელოვნებას უგულუბელყოფდა. სიამაყის გამო ეს პოეტები იმ უკანასკნელ ძაფებსაც წყვეტდნენ, მასის ცხოვრებასთან რომ აკავშირებდათ და წერდნენ მხოლოდ რჩეულთათვის. ისინი იქცნენ გადაშენების გზაზე მღვარ არისტოკრატთა ჯგუფად, ნიჭიერ, ფაქიზ, ოღონდ უნაყოფო არისტოკრატთა. ეს ჯგუფი თავის მხრივ დაქუცმაცებული იყო ურთიერთმეტოქე პატარ-პატარა წრეებად, რომლებსაც ხელოვნების უგვანი ქურუმნი შეადგენდნენ; სული ეხუთებოდათ იმ თავიანთ ვიწრო საჩუხში, და რაკი ძალა არ შესწევდათ მისი გაფართოებისა, მიმდგარიყვნენ და გამწარებულნი თხრიდნენ სიღრმეში, ჩიჩქნიდნენ და ჩხრეკდნენ ნათხარს, ვიდრე იმ მიწას მთლად გამოფიტავდნენ. მაშინ კი ანარქისტულ ოცნებებს მიეცნენ, საიმიხოდ

<sup>1</sup> იანიკული (ჩანიკოლი) — ერთ-ერთი იმ შვიდ ბორცვთაგან, რომლებზედაც გაშენებულია რომი.

არც გარჯილან, ერთმანეთისათვის მიესადაგებინათ ის ოცნებები. ერთ ადგილს ტყეპნიდნენ ჯანლში და ის იყო. ზიარი ლამპარი არ ჰქონიათ. ყოველ მათგანს თავის თავშივე უნდა მოეძია სინათლე.

იქ კი, რაინს გაღმა, დასავლელი მეზობლებისას, პირიქით იყო, ხელოვნებას ეამ-ჟამად გადაუქროლებდა ხოლმე ძლიერი ქარაშოტი კოლექტიური ვნებების და სახალხო მღელვარებისა. შორით კი, დაბლობის ზემოთ, თითქოს ეიფელის კოშკი ატყორცნილაო მათივე პარიზის თავზე, ანათებდა მარად უქრობი ლამპარი ხელიხელ გადასაცემი კლასიკური ტრადიციისა, საუკუნეთა მანძილზე შრომითა და დიდებით რომ იყო მოპოვებული; და ეს ტრადიცია გონების დაუთრგუნავ-დაუმონაგებლად უჩვენებდა საუკუნეებით გაკვალულ გზას, სინათლის წყალობით აერთიანებდა მთელს ხალხს. არაერთი გერმანელი, თითქოს ბნელ ღამეში გზაარეული ფრინველებიაო, იმ შეუქრასაკენ მიილტვოდა. მოსდით კი ფიქრად საფრანგეთში, რა დიდი სიმპათია იზიდავს მისკენ მეზობელი ხალხის ამდენ კეთილშობილ ადამიანთა გულებს! რამდენი პატიოსანი ადამიანი უწვდის ხელებს, ხელებს, რომლებიც დანაშაულებრივ პოლიტიკაში არ გაუსვრიათ!.. თქვენც, გერმანელო ძმებო, თქვენც ვერ გვხედავთ და არ გესმით ჩვენი. გეუბნებით: „აჰა, ჩვენი ხელები. სიცრუისა და სიძულვილის ჯიბრზე ვეროდეს გავვითრონ. ორივენი ერთმანეთს ვჭირდებით, რათა დავიცვათ სიდიადე ჩვენი აზრების და ჩვენი ხალხებისა: ორი ფრთა ვართ დასავლეთის. ვინც ერთ ფრთას მოტეხს, ხელს შეუშლის მეორის ფრენას.. დაე თუნდ ატყდეს ომი! ვერ გაგვაშვებინონ ერთუერთს ჩაქიდებული ხელები, ვერ შეაჩერონ ჩვენი ძმური გენიის აღმაფრენა“.

აგრე ფიქრობდა კრისტოფი. შეგნებული ჰქონდა, რაოდენ ავსებდა ერთიმეორეს ეს ორი ხალხი; მათი ჰკუა, მათი ხელოვნება, მათი გარჯა დაკნინდებოდა და გაცუდდებოდა მხარიმხარს მიუცემლად. მკვიდრი რაინის მხარისა, სადაც ერთიან ნაკადად შეირწყმის ორივე ცივილიზაცია, იგი ბავშვობიდანვე გრძნობდა ამ კავშირის აუცილებლობას. მთელი სიცოცხლის მანძილზე მისი გენია გაუცნობიერებლად მიესწრაფოდა, დაეცვა წონასწორობა იმ ორი მძლავრი ფრთისა. რაც უფრო მდიდარი იყო მისი გერმანული ფანტაზია, მით უფრო ძლიერ სჭირდებოდა ლათინური გონების სიტხადე. აი, რატომ ეძვირფასებოდა აგრე საფრანგეთი. აქ იგემა თვითშემეცნების სიხარული და ისწავლა თავისი თავის მოთოკვა. მხოლოდ აქ იყო ნამდვილად თავისთავადი.

შეურიგდა იმათ, ვინც ცდილობდა, მისთვის ევნოთ. ითვისებდა მისთვის უცხო ენერგიას და თავისას უსადაგებდა. ძლიერი, ჯანსაღი სული ინელებს ყველა ძალას, მტრულსაც კი, და საკუთარ სისხლხორცად გარდაქმნის. მერე და მერე დგება ეამი, როცა ადამიანს ყველაზე მეტად ის იზიდავს, რაც ყველაზე ნაკლებად მიაგავს თვით მას, რადგან ეს უფრო უხვ საზრდოს აწვდის.

მართალი რომ ითქვას, კრისტოფს უფრო დიდ სიამოვნებას ანიჭებდა თავის მეტოქე კომპოზიტორთა ნაწარმოებები, ვიდრე თავისივე მიმბაძველების

შემოქმედება. დიახ, მიმბაძველებიც ჰყავდა, მის მოწაფეებად რომ მოჰქონდათ თავი, რაც კრისტოფს უსაშველო სასოწარკვეთას ჰგვრიდა. საუცხოო ყმაწვილები იყვნენ, მოწიწებით გამსჭვალულნი მასწავლებლის მიმართ, შრომისმოყვარენი, ღირსეულნი, დაჯილდოებულნი ყოველგვარი სათნოებით. რას არ გაიღებდა კრისტოფი, ოღონდაც მათი მუსიკა შეეყვარებინა, მაგრამ (ამგვარი იყო მისი ხედარი) ვერ ახერხებდა ამას: ყურადღების ღირსადაც არ მიაჩნდა იგი. ათასჯერ უფრო მეტად ხიბლავდა იმ მუსიკოსთა შემოქმედება, ვინც პირადად არ ეპიტნავენოდა და ხელოვნებაში მტრულ მიმართულებას ქმნიდა... ეჰ! რა გაეწყობა! ისინი, რაც უნდა იყოს, ცხოვრობდნენ! ცხოვრება კი თავისთავად ისეთი მაღლია; ვინც ამ მაღლსაა მოკლებული, ნამდვილი ადამიანი ვერასოდეს იქნება, რადგან არ ეთქმის მთლად ადამიანი, გინდაც სხვაფრივ სათნოებით იყოს შემეკული. კრისტოფმა ხუმრობით განაცხადა, ჩემს შეგირდებად მხოლოდ იმათ ვთვლი, ვინც მევე მებრძვისო. როცა რომელიმე ახალგაზრდა კომპოზიტორი სიტყვას ჩამოუგდებდა თავისი მუსიკალური მოწოდების თაობაზე და თანაც გულის მოსაგებად ნიქს შეუქებდა, კრისტოფი შეეკითხებოდა ხოლმე:

— მაშ, გაკმაყოფილებთ ჩემი მუსიკა? სწორედ ამნაირად აპირებთ გამოხატოთ თქვენი სიყვარული თუ სიძულვილი?

— დიახ, ოსტატო.

— მაშინ უმჯობესია, დუმდეთ. ეტყობა, სათქმელი არაფერი გქონიათ.

ეს ზიზღი თვინიერთადმი, მორჩილებისათვის დაბადებულთა მიმართ, ეს მოთხოვნილება ახალ-ახალი აზრების შეთვისებისა, კრისტოფს უმთავრესად იმ წრეებისაკენ იზიდავდა, სადაც სრულიად საწინააღმდეგო შეხედულებებს იზიარებდნენ, ვიდრე თავად მას ჰქონდა. იმათ შორის ჰყავდა მეგობრები, ვის თვალშიც მისი ხელოვნება, მისი იდეალისტური შეხედულებანი, მისი მორალური პრინციპები მკვდარი ასო იყო; ისინი სხვაგვარად უყურებდნენ ცხოვრებას, სიყვარულს, ქორწინებას, ოჯახს, საზოგადოებრივ ურთიერთობას; კარგი ადამიანები იყვნენ, ოღონდ, იტყოდნენ, სხვა მორალური მრწამსის ეპოქას ეკუთვნიანო: ტანჯვა და ეჭვები, რასაც კრისტოფმა სიცოცხლის ნაწილი შეაღია, ვერ გაეგოთ. მით უკეთესი მათთვის! კრისტოფი არც აპირებდა რაიმეს ახსნას. არ მოითხოვდა, გარშემომყოფთ მისი შეხედულებები გაეზიარებინათ და ამით ეს მისი შეხედულებანი განემტკიცებინათ. თავის შეხედულებებში უამისოდაც დარწმუნებული გახლდათ. უნდოდა, სხვაგვარი თვალსაზრი გაეცნო, სხვა ყაიდის ადამიანები შეეყვარებინა. გიყვარდეს და შეიცნობდე უფრო და უფრო. აკვირდებოდე და სწავლობდე დანახვას. ახლა არამცთუ შესაწყენარებად მიაჩნდა მისთვის უცხო თვალსაზრისი, ახარებდა კიდევ ეს ამბავი, რადგან სამყაროს სიმდიდრეს ამრავლებსო, აგრე თვლიდა. კრისტოფს განსაკუთრებით იმითომ უყვარდა ჟორჟი, რომ ცხოვრებას იგი ისე ტრაგიკულად არ აღიქვამდა, როგორც თვითონ. კაცობრიობა მეტად ღარიბული,

მეტად უფერული იქნებოდა, ყველას რომ ისეთივე მკაცრი მორალისა და გმირული ვალის ფორმა მოერგო, როგორითაც კრისტოფი აღჭურვილიყო. კაცობრიობას სჭირდება ხალისი, უზრუნველობა, თამამი უკოძალველობა ყოველგვარ კერძთა მიმართ, თვით წმიდათაწმიდათა მიმართაც. გაუმარჯოს „ღვრამიწის განმაცხოვრებელ გალურ ჭკუამახვილობას!“ სკეპტიციზმი და რწმენა ერთნაირად საჭიროა. სკეპტიციზმი ძირს უთხრის გუშინდელ რწმენას და გზას უხსნის ხვალინდელს. ყველაფერი ნათელი შეექმნება კაცს იმისდა კვლობაზე, რაც უფრო სცილდება ცხოვრებას: სწორედ აგრე ხდება, თუ მშვენიერ სურათს შორიდან ვუტკეპრით, ნაირგვარი ფერები მაშინ საუცხოო პარმონიად შერწყმის, ახლოდან კი ის ფერები თვალს გვჭრის.

კრისტოფს თვალი აეხილა როგორც მატერიალური, ისე სულიერი სამყაროს უსასრულო მრავალფეროვნების სახილველად. ეს ერთ-ერთი მთავარი მისი გამარჯვება იყო იტალიაში პირველი მოგზაურობის შემდგომ. პარიზში მეტწილად მხატვრებსა და მოქანდაკეებს დაუახლოვდა. აგრე მიაჩნდა, ისინი ყველაზე უკეთ გამოხატავენო ფრანგულ გენიას. რა ძლევამოსილი სითამამით მოიხელებენ და აღბეჭდავენ ხოლმე თვალშეუვლებ მოძრაობასა თუ ძლივს შესამჩნევ ფერს! საბურველს ააცილიან ცხოვრებას და გულს ალტაცებით აჭოთოთოლებენ. რა ულევ სიმდიდრეს ფარავს სინათლის ერთი წინწყალი, სიცოცხლის ერთი წამი იმის თვალში, ვისაც დანახვა ეხერხება. ამ უმალლეს გონისეულ ნეტარებას განა შეედრება დავის აურზაური და ომის ბათქი! მაგრამ ეგ დავა და თვით ომიც დიდებული სანახაობის ნაწილიცაა. ყოველივე უნდა მოიცვა და შენი გულს ანთებულ ქურაში მამაცურად, ხალისიანად უნდა გადაისროლო — ძალნი დამამკვიდრებელნიც და ძალნი უარყოფელნიც, მტრებიცა და მეგობრებიც, მთელი ლითონი ცხოვრებისა. ბოლოს და ბოლოს, ჩვენში ჩამოისხმის ქანდაკი, ლვთაებრივი ნაყოფი ჩვენივე სულისა, და ყოველივე, რაც ხელს უწყობს, განამშვენოს იგი, საუცხოოა, გინდაც მსხვერპლის ფასად გვიჯდებოდეს. განა აგრე მნიშვნელოვანია, ვინ არის შემოქმედი? ნაღია მხოლოდ ქმნილება... მტრებო, ჩვენდა ვნებად აღძრულნო, ვერას დაგვაკლებთ! ვერ მოგვევდება თქვენი მახვილი... ამაოდ ირჯებით. დიდე ხანია იქ აღარა ვარ, სადაც გეგულებით!

კრისტოფის მუსიკამ უფრო მშვიდი ფორმა შეიძინა. ეს აღარ იყო გაზაფხულის ჰეჰა-ჰეხილი, ჯერ კიდევ ცოტა ხნის წინათ რომ გადაიქუხებდა და მიწყნარდებოდა. ზაფხულის ქათქათა ღრუბლები იყო, თოვლიანი და ოქროსფერი მთები, ვეება შუქმოსილი ფრინველები, ზანტად რომ ლივლივებდნენ და ცის თალს ფარავდნენ... შემოქმედება. ყანობირი, ავეისტოს მშვიდი მზის ქვეშ რომ მწიფს...

ჯერ ბუნდოვანი და ღრმა გარინდება, იღუმალის სიხარული ყურძნის სავეს მტევენის, დაყურსული თავთავის, ორსული ქალისა, მწიფე ნაყოფს რომ და-

ატარებს. ორღანის გუგუნე; ფუტკრის ზუზუნე სკის გულში... ამ მღვლევარე მუსიკას, ოქროსფრად რომ ლივლივებს შემოდგომის თაფლის ფიჭის ღარად, გამოგრჩევა წამყვანი რიტმი; ისახვის ცთომილთა ფერხული; ცთომილნი ბრუნავენ...

მაშინ თავს იჩენს ნება. იგი ზურგზე მოველება ოცნებას, კიხვინით რომ გამოიქროლებს, და მუხლებს უპერს ფერდებზე. რიტმს 'მიყოლილი გონება' სწვდება რიტმის კანონებს; იმორჩილებს ბობოქარ ძალებს, უჩვენებს მათ იმ გზასა და მიზანს, საითაც თავად მიისწრაფის. იქმნება სიმფონია გონებისა და ინსტინქტის. ბინდი იფანტება. გრძელ ზოლად გაკლანილი გზის გაყოლებით შიგადაშიგ გამოკრთის სინათლის კერები; ისინი, თავის მხრივ, ამ ახალ ქმნილებაში იქცევა ბირთვებად პატარ-პატარა ცთომილთა სამყაროებისა, რომლებიც სარტყლად მოერტყმის მათსავე მზის სისტემას.

სურათის ძირითადი კონტურები უკვე საჩინოა. ახლა სურათი მთლიანად ილანდება ბუნდიან ალიონზე. უფრო და უფრო მკაფიოდ იკვეთება ფერების პარმონია, სხეულთა სილუეტები. ნაწარმოების გასრულებისათვის მთელი შენი არსება ძაბავს ძალებს. მეხსიერების სასაქმევლე თავლია და კეთილსურნელებას აკმევს. გონება ნებაზე მიუშვებს გრძნობებს, თავს ააწყვეტინებს, თავად კი იყუჩებს; ოღონდ გვერდით ჩასაფრებულა და დასდარაჯებია მათ, ნადავლს უთვალთვალებს.

ყველაფერი მზადაა; მშენებელთა ჯგუფი გრძნობებისგან მიტაცებული მასალით აგებს შენობას, გონს რომ მოუხზავს. დიდ არქიტექტორს გააწუფულიკ თავიანთი ხელობის მცოდნე მუშები სჭირდება, ძალას რომ არ ზოგავენ, ისეთები. ტაძრის შენება დამთავრების პირზეა.

„გადმოხედა უფალმა ნაქმარს თვისსა. და ნახა, ჯერაც არ იყო იგი განსრულებულ“.

ოსტატი მზერას მოავლებს მთელ შენობას, და ხელი მისი განასრულებს ჰარმონიას...

ოცნებას ხორცი შესხმია. Te Deum...!

ზაფხულის ქათქათა ღრუბლები — ვეებერთელა შუქმოსილი ფრინველები — ზანტად ლივლივებენ ცაში, გამწვანებული ფრთებით ტატნობს ფარავენ.

და მაინც კრისტოფი ჯერ სულაც არ აპირებდა, მხოლოდ ხელოვნებით შემოეზღუდა თავისი ცხოვრება. ამგვარი ყაიდის ადამიანები ვერ ძლებენ უსიყვარულოდ; მარტო უიმისიყვარულოდ კი არა, რასაც სული ხელოვანისა თანაბრად მიაგებს ყოველსავე არსებულს; არა, უეჭველად უნდა გამოარჩიოს

<sup>1</sup> შენ, ღმერთს [გადიდებთ] (ლათ.).

ვინმე. უეჭველად უნდა მიხედვდეს. იმ მის მიერ გამოჩენულ არსებებს. ეს არის ხის ფესვები. ამ ფესვების წყალობით განუახლდება გულის სისხლი.

სისხლღ კრისტოფს ჯერ სრულებითაც არ დაწრებოდა. იმ სისხლს უსაზღვროებდა სიყვარული, რითაც ყველაზე მეტად ხარობდა. სიყვარული ორწილი — გრაციას ქალიშვილისა და ოლივიეს ვაჟისადმი. ფიქრში აწყვილებდა მათ. ნეტავი, ცხოვრებაში შემაერთებინაო, ოცნებობდა.

ქორჯი და ავრორა კოლეტისას შეხედნენ ერთმანეთს. ავრორა ამ თავისი ნათესავის სახლში ცხოვრობდა. წელიწადის ერთ ნაწილს რომში ატარებდა, დანარჩენ დროს — პარიზში. თვრამეტი წლისა იყო. ქორჯზე ხუთი წლით უმცროსი. ტანადი, მოხდენილი ქალიშვილი გახლდათ, პატარა ქერათმიანი თავი ჰქონდა, ფართო შავგვრემანი პირისახე, ღინღლით ოდნავ შემოსილი ბაგე, ნათელი, მუდამ მოცინარე თვალები, რომელთა შემხედვარე ვერ იტყოდი, ფიქრით მაინცდამაინც თავს იწუხებდნენ. ყოველივე ამასთან ერთად, ცოტა არ იყოს, მძიმე ნიკაბი, ხორცსავსე და ღონიერი მზედაკრული მკლავები, მაღალი მკერდი მას მზიარულ, ჭანმაგარ და ამაყ ქალწულად წარმოგიდგენდათ. გონებრივად არცთუ მაინცდამაინც განვითარებულს, არცთუ ძალიან სანტიმენტალურს, დედის უზრუნველი სიზნანტე დაჰყოლოდა. შეეძლო, დღელამეში წაბმით თორმეტ საათს სძინებოდა. დანარჩენ დროს ნახევრად მთვლემარე დაბორილებდა და უზრუნველად კისკისებდა. კრისტოფი Dornröschen-ს — მძინარე მზეთუნახავს უწოდებდა. პატარა საბინას მოაგონებდა. მღეროდა დაწოლისას, მღეროდა გამოღვიძებისას და იცინოდა სრულიად უმიზეზოდ, სასიამოვნო ბავშვური კისკისი იცოდა, ზოგჯერ ჩაკუჭკუჭებოდა კიდევ. კაცი ვერ იტყოდა, რას აკეთებდა მთელი დღეების განმავლობაში. კოლეტის მთელი მონდომება, მიენიჭებინა მისთვის გარეგანი პეწი, რაიც აგრე იოლად, ლაქის მსგავსად, მიეკვრის ხოლმე ყმაწვილ ქალებს, ფუჭი გამოდგა: ლაქი არ ჩერდებოდა. არაფერს ითვისებდა; თევებს ანდომებდა თუნდაც უაღრესად საინტერესო წიგნის წაკითხვას, ერთი კვირის შემდეგ კი აღარც სათაური ახსოვდა, აღარც შინაარსი. ორთოგრაფიული შეცდომები მოსდიოდა და ამის გამო ოდნავადაც არ შეცბუნდებოდა, ასევე ერთობ სასაცილო შეცდომები მოსდიოდა სერიოზულ საგნებზე საუბრისას. ეს კია, გამოგაცოცხლებდა თავისი ახალგაზრდობით, სიხალისით, თავისი ნაკლოვანებითაც კი, გონებრივი ინტერესების უქონლობით, თავქარიანობით, რაიც გულგრილობას ესაზღვრებოდა ზოგჯერ, თავისი მიაპიტური ეგოიზმით. მუდამ საოცრად გულწრფელი, უშუალო იყო. ოღონდ ამ მიაპიტსა და ზანტ ქალიშვილს ხანდახან გულუბრყვილო კეკლუცობის გაზმოჩენაც ეხერხებოდა, მაშინ ანკესზე წამოაგებდა ხოლმე პირტიტველა ჰაბუტს: ნატურიდან ხატავდა. უკრავდა შოპენის ნოქტიურნებს, მსჯელობდა იმ ლექსებზე, რომლებიც . აროდეს წაეკითხა, მართავდა რომანტიკულ საუბრებს და ატარებდა არანაკლებ რომანტიკულ ქუდეებს.

კრისტოფს ჩუმჩუმად ეცინებოდა მის მაცქერალს. ავრორას მიმართ ამობრივ სინაზეს იჩენდა, შემეწყნარებლურსა და დამცინავს. ოღონდ იდუმალსა და კრძალულ სიყვარულსაც გრძნობდა მისდამი. სიყვარულს იმის მიმართ, ვისაც ერთ დროს ეტრფოდა და ვინც ამჟამად ახალგაზრდული იერით მოსილი მოვლინებოდა, რათა ამისი კი არა, სხვისი ტრფობის წილხვედრი შექმნილიყო. არვინ უწყობდა, რაირი ღრმა იყო ეს მისი გრძნობა. მარტოდმარტო ავრორა ხვდებოდა ამას გუმანით. ბავშვობიდანვე მიჩვეულიყო, კრისტოფი გვერდით ეხილა, თითქმის ოჯახის წევრად იგულებდა. იმხანად, როცა ეკვიანობისაგან ეწამებოდა, ჩემი ძმა ჩემზე მეტად უყვართო, ინსტინქტურად კრისტოფისაკენ მიილტვოდა. ხვდებოდა, რასაც განიცდიდა იგი, უგებდა და თანაუგრძნობდა. კრისტოფიც ხედავდა, რა სწყინდა მას; და ერთმანეთს ნუგეშს სცემდნენ ისე, რომ დარჩელება არ იცოდნენ. შემდგომ ავრორამ შეიტყო, დედაჩემსა და კრისტოფს ერთმანეთი ჰყვარებიათო; აგრე ეგონა, მათს საიდუმლოში განდობილი ვარო, თუმცა იმათ არასდროს გაუხდიათ იგი თავიანთ მესაიდუმლედ. ესმოდა იმისი აზრი, რაც მომაცვლავმა გრაციამ დაავალა, და იმ ბექდის მნიშვნელობაც, ახლა რომ კრისტოფი ატარებდა. ასე რომ, მასსა და კრისტოფს შორის იდუმალი ურთიერთკავშირი გამბეულიყო. ამ ურთიერთკავშირის სირთულეს ავრორა საგანგებო ჩაიკრიკიტების გარეშეც გრძნობდა. გულწრფელად შეთვისებოდა თავის მოხუც მეგობარს, თუმცა ვერასოდეს თავს ძალას ვერ ატანდა, რა არის დაეკრა ან წაეკითხა რომელიმე მისი ნაწარმოები. გვარიანი კარგი პიანისტი განლდათ, ოღონდ ცნობისწადილიც კი არ აღძვრია, გაეჭრა კრისტოფის მიერ მოძღვნილი პარტიტურა. მოსწონდა, შეეგლო მისას. და შინაურულად ემუსაიფა.

სტუმრობას უხშირა, როცა შეიტყო, შეიძლება იქ ჟორჟ ჟანენს შეეხვდეთ.

ჟორჟსაც მისდათავად არასდროს გამოუჩენია ამგვარი ინტერესი კრისტოფის საზოგადოების მიმართ.

ოღონდ ახალგაზრდებს ფრიად დიდხანს ვერ ეაზრათ თავიანთი ნამდვილი გრძნობები. თავდაპირველად დამცინავადაც უცქეროდნენ ერთიმეორეს. აკი ისეთი სხვადასხვაგვარნი იყვნენ. ერთს ვერცხლისწყალი ეთქმოდა, მეორეს კი — დუბელა წყალი. მაგრამ ვერცხლისწყალი მალე სულ უფრო წყნარი ჩანდა, დუბელა წყალმა კი გამოცოცხლება იწყო. ჟორჟი აკრიტიკებდა ავრორას ჩამულობის მანერას, მის იტალიურ გემოვნებას, ფერთა შეხამება არ იცის, უფრო მეტად ჭყეტელა ფერებს ეტანებაო. ავრორას მოსწონდა, როცა ჟორჟს აპილპილებდა, როცა სასაცილოდ გამოაჩავრებდა ხოლმე, ცოტა არ იყოს, ღვლარქნილად და სხაპასხუპით ლაპარაკის მისეულ მანერას; ამნაირად დასცილდნენ ერთიმეორეს და თითოეული მათგანი სიამოვნებას განიცდიდა... ეგებ ხუმრობისაგან, ან ეგებ საუბრისაგან. კრისტოფსაც ჩაითრევდნენ ხოლმე კამათში, ოღონდ კრისტოფი არ შეედავებოდა იმათ, ეშმაკურად იქცეოდა და პა-

ტაო-პატარა ისრებს ტყორცნიდა ერთისაგან მეორისკენ. თავს ისე აჩვენებდნენ ერთიმეორეს, დაცინვას არად ვაგდებთო, მაგრამ მალე გამოძვლავნდა, რომ ამ მხრივ სულაც არ ყოფილიყვნენ გულგრილნი. რაკი ვერ ახერხებდნენ, წყენა დაეფარათ, პირველი შეხვედრისთანავე ორივენი, მეტადრე ჟორჯი, გაცხარებული კამათს წამოიწყებდნენ. ოღონდ მსუბუქად თუ გაკენწლავდნენ ერთიმეორეს, უფროსოდნენ, ტყვილი არ მიეყენებინათ ერთურთისათვის, გამკენწლავის ხელი კი ისე ესათუთებოდათ, უფრო მეტ სიამოვნებას ის ანიჭებდათ, გაკენწლილიყვნენ, ვიდრე იქით გაეკენწლათ. ყურადღებით ადევნებდნენ ერთმანეთს თვალყურს, აბა, ვინ რა ნაკლს გამოამჟღავნებსო, მაგრამ მხოლოდ ღირსებებს პოულობდნენ. ოღონდ არც ერთ მათგანს არ სურდა, ეს ელიარებინა. კრისტოფის პირისპირ დარჩენილი, თითოეული ირწმუნებოდა, მეორეს ვერ კიტანო. და მანც ყოველგვარ საბაბს იყენებდნენ, რათა შეხვედრილიყვნენ.

ერთხელ, როცა ავრორა მოხუცი მეგობრისას იყო და შეჰპირდა, მომდევნო კვირადილას მოვალო, ჩვეულებისამებრ, ქარტენილივით შემოიჭრა ჟორჯი და კრისტოფს უთხრა, კვირას დღისით გინახულებო. კვირადილას კრისტოფი ამაოდ ელოდა ავრორას. იგი გამოცხადდა ჟორჯის მიერ დაქმულ დროს და თავი იმართლა, უფრო ადრე მოსვლა ვერ მოვახერხეო. პატარა ამბავიც კი მოეგონებინა ნათქვამის დასტურად: კრისტოფს ართობდა ეს გულუბრყვილო ტყუილი. მან უთხრა: — დასანანია, ჟორჯს ვერ მოუსწარი; ჩემთან იყო, ერთად ვისაუბმეთ. დღისით მოსასვლელად აღარ მეცლებაო.

ავრორას გუნება წაუხნდა და აღარ უსმენდა კრისტოფს. კრისტოფი კი, თითქოს. ჯიბრზე, საუცხოო გუნებაზე გახლდათ და დაუდუმებლივ ლაპარაკობდა. ავრორა გონებაგაფანტულად გაეპასუხებოდა და ლამის იყო გაბუტვოდა. გაისმა ზარის ხმა. შემოვიდა ჟორჯი. ავრორა სახტად დარჩა. კრისტოფმა გაუღიმა და თვალი ჩაუკრა. ქალიშვილი მიხვდა, გამაპამპულესო, გაიცინა და სიწითლემ გადაჰკრა. კრისტოფმა ეშმაკურად დაუქნია თითი. ავრორა უცებ გაქანდა კრისტოფისაკენ და ყელზე მოეხვია: კრისტოფმა ყურში ჩასჩურჩულა:

— Biricchina, ladroncella, furbetta...<sup>1</sup>.

ქალიშვილმა პირზე ხელი დააფარა, როგორმე გავაჩუმოო.

ჟორჯი ვერ მიმხვდარიყო, რა უნდა ყოფილიყო ამ სიცილისა და ხვევნის მიზეზი. გოცნებული და, ცოტა არ იყოს, გულმოსულიც მისჩერებოდა ორივეს. და ეს მისი იერი კიდევ უფრო მზიარულ გუნებაზე აყენებდა კრისტოფსა და ავრორას.

ასე უწყობდა კრისტოფი ხელს ამ ბაღლების დაახლოებას. ხოლო, როცა ეს მოახერხა. ლამის თავისივე თავისთვის ესაყვედურებინა. თუმცა ორივე მათგანი ერთნაირად უყვარდა, ჟორჯს უფრო მკაცრად განსჯიდა, რამეთუ მისი სუსტი მხარეები უწყოდა, ავრორას კი აიღვალურებდა. კრისტოფი ქალიშვი-

<sup>1</sup> ეშმაკო, აჩაღანავ. ალქაჯო (იტალ.).



ლის ბედნიერების გამო მეტ პასუხისმგებლობას გრძნობდა, ვიდრე. ჟორჯის ბედნიერების გამო, რადგან ჟორჯი, ასე თუ ისე, თავის ეატიშვილად მიაჩნდა. თავისივე თავის ნაწილად. დანაშაულს ხომ არ ჩავდივარო, გულში ფიქრობდა, უმანკო ავრორას რომ არცთუ მაინცდამაინც უმანკო თანამგზავრი შეეუბრალო.

მაგრამ ერთხელ კრისტოფმა შემთხვევით ჩაუარა იმ ფანჯატურს, სადაც ახალგაზრდები დამსხდარიყვნენ (ეს იყო მალე მათი ნიშნობის შემდეგ), და გული შეეკუმშა, როცა ყური მოჰკრა, ავრორა რომ ხუმრობით გამოჰკითხავდა ჟორჯს ერთ-ერთ მის სამიჯნურო თავგადასავალს; ჟორჯი კი ხალისიანად უამბობდა ამ ამბავს. სხვა საუბრების ნაწყვეტებსაც მოჰკრა კრისტოფმა ყური, საუბრით კი დაუფარავად საუბრობდნენ, პოდა, ცხადი შეიქნა. რომ ავრორა გაცილებით უფრო შემწყნარებელი ეკიდებოდა ჟორჯის მორალურ შეხედულებებს, ვიდრე თავად კრისტოფი. თუმცა ძლიერ უყვარდათ ერთმანეთი, გრძნობდა, საუკუნოდ დაკავშირებულად სულაც არ მიაჩნდათ თავიანთი თავი; სიყვარულისა და ქორწინების საკითხს თავისუფლად ეკიდებოდნენ. ამას თავისებური სილამაზე ახლდა, მაგრამ მკვეთრად ეწინააღმდეგებოდა *usque ad mortem*<sup>1</sup> ერთგულების ძველ შეხედულებებს. კრისტოფი ერთგვარი სეველი უყურებდა მათ... რარიგ შორს არიან უკვე მისგან! რარიგ სწრაფად მიცურავს ნავი, ჩვენს. ბავშვებს რომ მიაქანებს! მოთმინება! დაღვება დღე, როცა ყველანი ერთ ნავსაყუდარში აღმოვჩნდებით.

ჯერჯერობით კი, ვიდრე დარდი არა ჰქონდათ გეზისა, ქარი თავის ნებაზე დააქანებდა ნავს. სრულიად ბუნებრივი იქნებოდა, ეს სულისკვეთება თავისუფლებისა, იმ დროის ზნე-ჩვეულებათა შეცვლას რომ ესწრაფოდა. დამკვიდრებულიყო გონებრივი ცხოვრებისა და პრაქტიკული საქმიანობის სხვა სფეროებშიც. მაგრამ ასე სულაც არ მომხდარა. ადამიანის ბუნება როდი ამჩნევს წინააღმდეგურობას. სწორედ იმ დროს, როცა ზნე-ჩვეულებები სულ უფრო თავისუფალი ხდებოდა, გონება უფრო და უფრო ექცეოდა მონობაში, მოწადინებული იყო, რელიგიის უღელი დაედგა. ამგვარი გაორებისას, ურთიერთსაპირისპირო მიმართულებით ამგვარი მოძრაობისას, ერთი და იგივე ადამიანები ავლენდნენ ლოგიკის საკვირველ უქონლობას. ჟორჯი და ავრორა გაიტაცა ახალმა კათოლიკურმა მიმდინარეობამ, რამაც მოიცვა მალე საზოგადოებისა და ინტელიგენციის ერთი ნაწილი. სასერიო იყო, როცა ბუნებით მემბოხე ჟორჯმა, ამ ნამდვილმა ურწმუნომ, თავის დღეში რომ არც ღმერთი, არც ეშმაკი არ სწამებია — ამ დასტურ ახალგაზრდა გალმა, ყველაფერს რომ აპამპულეზებდა — უეცრივ განაცხადა, ჰეშმარიტება რელიგიაშიაო. მას სჭირდებოდა რაიმე ჰეშმარიტება. ეს კი შეეფერებოდა მოქმედების მისეულ მოთხოვნილებას, ფრანგი ბურჟუას მისეულ ატავიზმს და ერთგვარ დაღლას თავისუფლები-

<sup>1</sup> სიკვდილის კარამდე (ლათ.).

საგან. კვიცს გული მოეჭვრებინა ლალობით; ეამებოდა, თავადვე შებმულიყო საკუთარი რასის გუთანში. რამდენიმე მეგობარმა მაგალითი აჩვენა, და ეს საკმარისი შეიქნა. ქორეი ფრიად მგრძობიარე გახლდათ გარემომცველ იდეათა მცირედი ატმოსფერული წნევისადმიც, ასე რომ ერთი პირველთაგანი წამოეგო. ავრორაც მას მიჰყვა, — ასე გაჰყვებოდა, საცა გინდ ყოფილიყო. უმაღლესე გაუჩნდათ საკუთარი სიმართლის რწმენა და ზიზღი იმათ მიმართ, ვინც სხვაგვარად ფიქრობდა. ჰოი, ირონიავ! ეს ქარაფშუტა ბალები ჭეშმარიტი მორწმუნენი შეიქნენ. გრაციასა და ოლივიეს კი, თუმცა ზნეობრივი სისპეტაკე, სერიოზულობა, იდეალისადმი მხურვალე მისწრაფება გამოარჩევდათ, ვერა და ვერ მოეპოვებინათ რწმენა, მიუხედავად სურვილისა.

კრისტოფი ცნობისწადილით ადევნებდა თვალს ამ-სულიერ ევოლუციას. არ ცდილა მასთან შებრძოლებას, როგორც ამას ცდილობდა ემანუელი, ვისი თავისუფალი აზროვნებაც ვერ შერიგებოდა ძველი მტრის დაბრუნებას. ვინ ებრძვის გამქროლ ქარს? უნდა დააცადო, მიუხრდეს. გონება ადამიანისა მოქანცულია. ამ ცოტა ხნის წინათ იყო, დიდი ძალისხმევა დასჭირდა. ახლა რული ერევა; იმ ბაღდის მსგავსად, მთელი დღის მანძილზე სირბილით რომ დადლილა, ძილის წინ ლოცვას ამბობს. ფანტაზიის ბჭენი ხელახლა განიხვნა: რელიგიის მიყოლებით დასავლეთის გონებრივ ცხოვრებას კვალი გაავლო თეოსოფიამ, მისტიციზმმა, ეზოთერიზმმა, ოკულტიზმმა. ფილოსოფიაც კი უძღუარი აღმოჩნდა. ფიქრობამპყრობელ დმერთებს — ბერკსონს, უილიამ ჭეიმზს! — ძლიერება შეერყათ. გონებრივი დაქანცულობის ნიშნები მეცნიერებასაც დაეტყო. განვლოს ამ ეამმა. ვაცალოთ სულის მოთქმა! ხვალ გონი გაიღვიძებს უფრო მკვირცხლი და ლალი... კარგია წაძინება გულმოდგინე მუშაობის შემდეგ. კრისტოფს არასდროს ეცალა საამისოდ, ოლონდ ბედნიერი იყო თავისი ბავშვების გამო, რომლებიც მის წილ ტკბებოდნენ დასვენებით, სიმშვიდით, მტკიცე რწმენით და იმის ურყევი შეგნებით, ჩვენს ოცნებას ხორცს შევასხამთო. კრისტოფს არ უნდოდა და ვერც შეძლებდა, მათთვის გაეცვალა ადგილი, ოლონდ გულში ფიქრობდა, გრაციას ურვა და ოლივიეს მღელვარება მათს შვილებში დაცხრა, და კარგია, ასე რომ მოხდაო.

„რაც ტანჯვა გადავიტანეთ მე, ჩემმა მეგობრებმა და ბევრმა სხვამაც, ვისაც ჩვენამდე უცხოვრია, იმისთვის გადავიტანეთ, რათა ამ ორ ბავშვს სიხარული ეგემა, ის სიხარული, რისთვისაც გაჩენილი იყავ შენ, ანტუანეტა, და რისკენაც გზა გადაგიკეტეს!.. ეჰ! ნეტამც შესძლებოდათ უბედურთ, წინასწარ განეცადათ ის ბედნიერება, მათი თავგანწირვის ფასად რომ დგება ერთ მშვენიერ დღეს!“

რატომ უნდა ეცადო, სათუო გახადო ეს ბედნიერება? რად უნდა გსურდეს, სხვები ბედნიერნი იყვენენ შენებურ ყაიდაზე. დე თავიანთებურად იყვენენ ბედ-

<sup>1</sup> უილიამ ჭეიმზი (1842—1910) — ამერიკელი ფსიქოლოგი და ფილოსოფოსი-იდეალისტი.

ნიერნი. კრისტოფი მხოლოდ მორჩილად ითხოვდა, ჟორჟსა და ავრორას მეტისაჲ მეტად არ სძაგებოდათ ისინი, ვინც, კრისტოფისა არ იყოს, არ იზიარებდა მათს რწმენას.

მაგრამ ჟორჟი და ავრორა კამათით თავს არც კი უყადრებდნენ კრისტოფს. თითქოს გუნებაში აგრე ამბობდნენ:

„იგი ამას ვერ გაიგებს“.

კრისტოფი მათთვის წარსული გახლდათ. წარსულს დიდ მნიშვნელობას არ ანიჭებდნენ და არცთუ მაღავენდნენ ამ ამბავს! ზოგჯერ გულუბრყვილო მსჯელობაც მოუხდებოდათ ერთმანეთში იმის თაობაზე, რას იზამდნენ შემდგომ, როცა კრისტოფი „ალარ იქნებოდა“. და მიინც ძლიერ უყვარდათ იგი... საშინელი ბავშვები. იზრდებიან და გარს ლიანებივით გეხვევიან! ბუნების ძალა, რაიცა გდენის.

„წადი აქედან! მოშორდი! აწ ჩემი ჯერია!..“

კრისტოფს ესმოდა მათი მუნჯური ენა და სურვილი აღუძროდა, ეთქვა:

„აგრე ნუ ჩქარობთ. აქ თავს კარგად ვგრძნობ. მიგულეთ, როგორც ჯერ კიდევ ცოცხალი“.

ახალისებდა მათი გულუბრყვილო სითამამე.

ერთხელ, როცა ნამეტურ თრგუნავდნენ თავიანთი ქედმაღლობით, კრისტოფმა გულკეთილად განაწცხადა:

— ბარემ პირდაპირ მითხარით, ბებერი ჩერჩეტი ხარო.

— ოჰ, არა, ჩემო მეგობარო, — მიუგო ავრორამ და გულიანად გაეცინა, — ყველას სჯობიხარო, ოღონდ არის ზოგი რამ, რასაც ვერ გაიგებთ.

— თქვენ კი გესმით, გოგონს! დახე, რა ჭკუის კოლოფი ყოფილა.

— ნუ დამცინით. მე ბებერი არაფერი ვიცი. საშაგიეროდ, ჟორჟი ყველაფრის მცოდნეა.

კრისტოფს გაელიმა:

— ჰო, მართალი ხარ, პატარავ. ვინც გიყვარს, მან მუდამ ყველაფერი იცის.

მაგრამ კრისტოფს გაცილებით ეიოლებოდა მათს გონებრივ უპირატესობას დამორჩილებოდა; ვიდრე მათი დაკვრა ესმინა. მძიმე განსაცდელს იტანდა ამ დროს. ჟორჟისა და ავრორას მოსვლისას პიანინოს წუთით მოსვენება აღარ ჰქონდა. იტყოდი, როგორც ფრინველებს, ისე ამათაც სიყვარული გალობის სურვილს აღუძრავსო. ოღონდ ფრინველებივით დახელოვნებულნი ვართო, სულაც ვერ დაიკვებნიდნენ. ავრორა თავს როდი იტყუებდა; აქაოდა ნიჭით ცხებული ვართო. მაგრამ სხვაგვარი აზრისა გახლდათ, თუ საქმე საქმროს შეეხებოდა. ჟორჟისა და კრისტოფის დაკვრას შორის ვერავითარ განსხვავებას ვერ ხედავდა. შესაძლოა, ჟორჟისეულ შესრულების მანერას კიდევაც ამჯობინებდა. თვით ჟორჟი კი, თუმცა საერთოდ ირონია სჩვეოდა, აქ ნებას დაგყვებოდა და თავს დაგარწმუნებინებდათ, რომ ეს ასე იყო, რა არის სატრფოსათვის ეამებო-

ნა. კრისტოფი არ დაკობდა: ეს კია, ცოტა არ იყოს; ეშმაკურად უკრავდა კვერს ქალიშვილს და იშვიათად თუ აეგსებოდა მოთმინების ფიალა. მაშინ თავის ოთახს მიაშურებდა და ჩვეულებრივზე მაგრად გაიჭახუნებდა კარს. კეთილი, შემწყნარებელი ღიმილით უსმენდა, როგორ უკრავდა ყოჩი პიანინოზე „ტრისტანს“. საბრალო ბიჭი ამ მგზნებარე ვენებათაღელვას კეთილსინდისიერი მონდომებითა და იმ ყმაწვილქალის სასიამო დაშაქრულობით გადმოსცემდა, გული რომ კეთილი გრძნობებით აქვს სავსე. კრისტოფს თავისთვის ეცინებოდა. არ უნდოდა, ყმაწვილი კაცისთვის სიცოცხლის მიზეზი აეხსნა და უსიტყვოდ ხვევდა ხელს. სწორედ ამგვარი უყვარდა იგი. შესაძლოა, ამის გამო კიდევ უფრო მეტადაც ჰყვარებოდეს. საბრალო ბიჭი!.. ჰოი, ხელოვნებისმიერო პატივმოყვარეობაჲ!..

კრისტოფი ხშირად ესაუბრებოდა ემანუელს თავისი „შვილების გამო“ (აგრე უწოდებდა მათ). ემანუელს უყვარდა ყოჩი და ხუმრობით ცდილობდა დაეყოლიებინა კრისტოფი, ის ბიჭი მე დამითმო. შენ ხომ ავრორა გყავსო. აბა, სადაური სამართალია, ყველაფერი ერთად რომ მივისაკუთრებიაო.

პარიზელთა საზოგადოებაში ლამის ლეგენდებს თხზავდნენ მათი მეგობრობის გამო. ემანუელს ძლიერ შეუყვარდა კრისტოფი. სიამაყის გამო იგი ერიდებოდა ამის გამოქვლავებას, თავის გრძნობას გარეგნული უქმეზობით, ხშირად უხეშობითაც ჩქმალავდა. მაგრამ კრისტოფს ვერ მოატყუებდი. იცოდა, ემანუელი რომ ახლა მთელი არსებით მისი ერთგული იყო, იცოდა და ფრიად აფასებდა ამას. კვირა ისე არ გაივლიდა, ორ-სამჯერ არ ენახათ ერთიმეორე. როცა რომელიმე მათგანი შეუძლოდ გახდებოდა და შინ იჯდა, წერილებს სწერდნენ ერთმანეთს. ეს წერილები თითქოს შორეული მხრიდან მოდიოდა. გარეგანი ამბები ისე არ აინტერესებდათ, როგორც გონების ნებისმიერი მონაპოვარი მეცნიერებისა და ხელოვნების დარგში. თავიანთი იდეების სამყაროში ცხოვრობდნენ, ხელოვნების შესახებ ფიქრობდნენ, ანდა ფაქტების ქაოსში მიაკვლევდნენ ხოლმე პაწაწინა, ძლივს შესამჩნევ ნათელს, ის-ის იყო კაცობრიული აზრის ისტორიაში რომ ისახებოდა.

უფრო ხშირად კრისტოფმა იცოდა ემანუელის მონახულება. თუმცა ამ ცოტა ხნის წინათ გადატანილი ავადმყოფობის შემდეგ თავის მეგობარზე უკეთესად როდი გრძნობდა თავს; ჩვეულების ძალით მაინც აგრე თვლიდა, ემანუელის ჯანმრთელობა უფრო მოსაფრთხილებელიაო. კრისტოფს უკვე უჭირდა ემანუელთან მეექვსე სართულზე ასვლა, ძალაუნებურად უნდა შეესვენა კიბეზე, სული მოუთქვა. არც ერთი მათგანი თავის ჯანმრთელობისათვის არ ზრუნავდა. ბრონქები დაავადებული ჰქონდათ; სულის ხუთეა დასჩემდათ, მაგრამ ორივენი მაინც თავგადაკლული მწველნი იყვნენ. სწორედ ამიტომ კრისტოფი ამჯობნებდა, ემანუელისას შეხვედარილიყვნენ: შინ ავრორა ეჩხუბებოდა, ნუ სწევრ, ეჩხუბებოდა და ეგვეც უმაღლებოდა. მოხდებოდა ხოლმე, ორივე მეგობარს ბაასისას აუტყდებოდა ხველა: ზოგჯერაც ერთი მათგანი ჰკუხას არიგებდა

მეორეს, ვისაც იმ დროს ახველებდა. მაგრამ გაუვლიდა თუ არა ხველება, ის მეორე გულმხურვალედ ირწმუნებოდა, კვამლი აქ არაფერ შუაშიაო.

ემანუელის საწერ მაგიდაზე, ხელნაწერებს შუა, რუხ კატას მოეკალათებინა; იგი სერიოზულად და საყვედურით შესქეცროდა მწევლებს. კრისტოფი ამბობდა, ეგ ჩვენი ცოცხალი სინდისიაო; და იმ სინდისის ხმა რომ ჩაეჩმო, აიღებდა და კატას თავის ქუდს ჩამოაცმევდა. ერთი სუსტი, სულ უბრალო ფისო იყო, ემანუელს სადღაც ქუჩაში ენახა, ცემისაგან სული ძლივს შერჩენოდა. სასტიკი მოპყრობით დაბეჩაებულნი ვერ იქნა და მთლად-ველარ გამომჯობინდა. ცოტას ჭამდა, თამაშით თითქმის არასდროს ერთობოდა. სრულიად უჩუმრად დადიოდა და პატრონს მორჩილი, ჭკვიანური თვალებით მისჩერებოდა. დარღობდა, თუ ემანუელი შინ არ ეგულებოდა და ნეტარებდა, როცა მაგიდაზე მოიკალათებდა მის გვერდით; ფიქრებისაგან იმისთვის თუ გამოერკვეოდა, აღტაცებამორეულს სათობით ეცქირა ვალიისათვის, სადაც მისთვის მიუწვედომელი ჩიტები დაფრთხილობდნენ. თუ შენიშნავდა, თუნდაც მცირედ ყურადღებას აქცევდი, ზრდილობიანად კნაოდა. მოთმინებით იტანდა, როცა ემანუელი ჟინიანად ეფერებოდა, ხოლო კრისტოფი, ცოტა არ იყოს, ტლანქად უსვამდა ხელს; ფხოვნასა და კბენას ერიდებოდა. გაძვალტყავებული იყო, ცალი თვალი ეტრემლებოდა. ქსუტუნებდა და თუნდაც ლაპარაკი შესძლებოდა, ცხადია, საიმისო კადნიერება არ ეყოფოდა, ემტყიცებინა, როგორც ამას ორივე მეგობარი შერებოდა, ვითომც „კვამლი აქ არაფერ შუაში ყოფილიყოს“. მათგან ყველაფერს იტანდა და თითქოს ფიქრობდა:

„ეგენი ხომ ადამიანები არიან, არ იციან, რასა შერებიან“.

• ემანუელი აგრე იმიტომ შეთვისებოდა, რომ მსგავსებას პოულობდა თავის ბედსა და ამ ავადმყოფი ცხოველის ხვედრს შორის. კრისტოფი იმასაც კი ამტკიცებდა, თვალების გამომეტყველება ორივეს ერთნაირი გაქვთო.

— რატომაც არა? — ეტყოდა ემანუელი.

გარემო ზეგავლენას ახდენს ცხოველებზე. ისინი თავიანთ პატრონებს ემსგავსებიან. ვინმე რეგვენის კატას სულ სხვაგვარი გამოხედვა აქვს, ვიდრე, ჭკვიანი კაცის ფისუნიას. შინაური ცხოველი შეძილება გახდეს კეთილი ან ავი, გულუბრყვილო ან ცბიერი, საზრიანი ან დამთხვეული და ეს დამოკიდებულია მართოდღენ იმაზე კი არა, რას ასწავლის პატრონი, არამედ იმაზეც. როგორია თვით ის პატრონი. საამისოდ ადამიანთა ზეგავლენაც კი არ არის საჭირო. გარემო ისედაც თავის ბეჭედს ასვამს ცხოველს. გონიერულის ცქერა ცხოველის გამოხედვასაც აზრიანსა ხდის. ემანუელის რუხი კატა ესადაგებოდა სწეულ პატრონსა და დახუთულ მანსარდას, რომელსაც პარიზის ცა აშუქებდა.

ემანუელი უფრო ღლილი შეიქნა. უკვე სხვანაირი გახლდათ, ვიდრე კრისტოფის ვაცნობისას იყო. ოჯახურმა ტრაგედიამ დიდად შეძრა. ვაცხარების ჟამს მეგობარი ქალისთვის ფრად ამკარად ეგარძობინებინა, შენი სიყვარული გულს მიწუხებსო და ქალი ანაზღად გამქრალიყო. მთელ ღამეს ეძებდა, შფო-

თავდა და იტანჯებოდა. ბოლოს პოლიციის განყოფილებაში მიაკვლია, იქ დაეკავებინათ. თურმე სენაში გადავარდნა დაეპირებინა. ვილაც გამვლელს კაბაზე სწორედ იმ წუთს ეტაცა ხელი, როცა ის იყო ხიდის მოაჯირზე გადაებიჯებინა. არც თავის მისამართს ამხელდა, არც ვინაობას. კვლავ თავისი განზრახვის შესრულებას აპირებდა. ემანუელს გული დაუშქიმა ამ საცოდაობამ. ის აზრი აწამებდა, — აი, მე, ადამიანთა გულისთვის ესოდენ ჭირნახული, ჩემთავად სხვის ვტანჯავო. სასოწარკვეთილი ქალი შინ წამოიყვანა, ჭრილობა მოვუშუშოო, ექვიანსა და მომთხოვნს ჩემმიერი სიყვარულის რწმენა დავუბრუნოო. გაცხარებისაგან თავს იკავებდა და უდრტივინველად დამორჩილდა ამ ყოვლისშემთანთქავ ვნებას, დარჩენილი სიცოცხლე მას მიუძღვნა. მთელი სულიერი ენერგია ემანუელისა გულისკენ წარიმართა. დიად ქმედებათა ეს მოციქული იმ დასკვნამდე მივიდა, ერთადერთი კეთილი საქმე ეს არისო: არვის უყო ბოროტი. მისი როლი შესრულებული გახლდათ. თითქოს იმ ძალას, ადამიანთა დიად მიქცევ-მოქცევას რომ განაგებდა, მხოლოდ იარაღად გამოეყენებინოს იგი, რათა გზა გაეხსნა მოქმედებისათვის. ბრძანება რა აღასრულა, არარად იქცა: მოქმედება უიმისოდ იშლებოდა უკვე. თვალს აღევნებდა, როგორ ვითარდებოდა იგი, თითქმის შერიგებოდა იმ უსამართლობას, რასაც პირადად მის მიმართ იჩენდნენ, ოღონდ ფარ-ხმალს არ ყრიდა, როცა საქმე მის რწმენას შეეხებოდა. თავისუფლად მოაზროვნე იყო, მაგრამ ამტკიცებდა, არავითარ რელიგიას არა ვცნობო. კრისტოვს შენიღბულ კლერიკალს უწოდებდა ხუმრობით. ვით ყოველი გამორჩეული გონების ადამიანს, ვინც ოცნებას აღმერთებს და მსხვერპლადაც ეწირება, ისე მასაც ჰქონდა თავისი საკურთხეველი. ახლა ის საკურთხეველი დაცარიელებულიყო და ემანუელი საშინლად იტანჯებოდა. განა გული არ გეტყინება, როცა ხედავ, როგორ თელავს ფეხით ახალი თაობა იმ წმიდათაწმიდა იდეებს, რომელთაც აგრე გაჭირვებით გაუმარჯვიათ და რომელთა გულისთვისაც საუკეთესო ადამიანებს ესოდენი ტანჯვა გადაუტანიათ მთელი საუკუნის მანძილზე! რა უღმობელი სიბრძავით სპობს თანადროული ახალგაზრდობა ფრანგული იდეალიზმის სასიქადულო მემკვიდრეობას, თავისუფლების რწმენას, თავისუფლებისა, რასაც ჰყავდა თავისი წმინდანები, თავისი მოწამეები, თავისი გმირები, სპობს სიყვარულს კაცობრიობისადმი, კეთილშობილურ მისწრაფებას ხალხთა და რასათა ძმობისადმი! რა სიგიჟე აიძულებთ, ენანებოდეთ ის ურჩხულები, რომლებიც დავამარცხეთ, ხელახლა იდგამდნენ იმ უღელს, რომელიც გადავაგდეთ, ყვილით მოუხმობდნენ ძალის სამეფოს, აღვივებდნენ სიძულვილსა და ომის ჟინს ჩემი საფრანგეთის გულში!

— განა მარტო საფრანგეთში, მთელს მსოფლიოში, — დამცინავი ღიმილით შეეპასუხა კრისტოფი. — ესპანეთიდან. მოყოლებული ვიდრე ჩინეთამდე, ყველა ქვეყანაში ქარიშხალი მძვინვარებს. ისეთ კუთხეს ვერ იპოვი, გრიგალისაგან თავის შეფარებას მოახერხებდე. სასეირო ამბავი თუ გინდა, ეს არის: ჩემი შვეიცარიაც კი შოვინისტური ხდება!

— განუგეშებს ეს ამბავი?

— რა თქმა უნდა. ამით ჩანს, რომ ასეთ ქარიშხალს ცალკეულ ადამიანთა ვნებები კი არ აღძრავს, არამედ უხილავი ღმერთი, გამრიგე ქვეყნიერებისა. იმ ღმერთის წინაშე თავის მოდრეკა ვისწავლე. თუ მისი არ მესმის, ჩემივე ბრალა, მისი კი არა. უნდა ეცადო, გაუგო მას. მაგრამ რომელი თქვენგანი დაფიქრებულა ამაზე? დღევანდელი დღით ცხოვრობთ და არ იცქირებით უახლოესი საგზაო სვეტის იქით, გგონიათ, იგი გზის ბოლოს აღმართული ნიშან-სვეტიანო. ხედავთ ტალღას, რომელსაც მინდობიხართ, ზღვას კი ვერ ამჩნევთ! ამჟამინდელი ტალღა გუშინდელი ტალღაა, მას გზა გაუქვლია ჩვენთა სულთა ნაკადმა. ეს ახლანდელი ტალღა კი ბილიკს გაუქვალავს ხვალინდელს და ისევე მიეცემა დაეწყებას, როგორც ჩვენი მიეცა. აღტაცებას როდი მგვრის ამდროული ნაციონალიზმი, ოღონდ არც მეშინია მისი: დრო მოვა და გაივლის, ქრება კიდეც, გაქრობის პირზეა. ეს მხოლოდ ერთი საფეხურია კიბის. ზეთაგზე უნდა ახვიდე! ეს მხოლოდ მეწინავე რაზმია შემტვევი არმიის. გესმის, უკვე მოისმის დაფისა და ნალარის ხმა!

(კრისტოფმა თითები ააკაქუნა მაგიდაზე და კატა გააღვიძა; შემკრთალი კატა წამოხტა).

თითოეული ხალხი დღესდღეობით გრძნობს ძალების მოკრებისა და შედეგების შეჯამების მიუცილებელ მოთხოვნილებას, რადგან ჩვენმა საუკუნემ სანე უცვალა ხალხებს, უცვალა აზრთა ურთიერთგაზიარების წყალობით, იმ უდიდესი წვლილის წყალობით, რაც მთელი კაცობრიობის გამორჩეული გონების ადამიანებს მიუძღვით ახალი მორალის, მეცნიერების, ახალი რწმენის შექმნაში. დე, ყოველმა ადამიანმა მოახდინოს თავისი სინდისის დათვალიერება, რათა მანამდე, ვიდრე სხვებთან ერთად ახალ საუკუნეში შეუდგამს ფეხი, იცოდეს, ვინ არის იგი და როგორია მისი მონაპოვარი. ახლოვდება ახალი ერა. კაცობრიობა ეპირება ახალი ხელშეკრულება დადოს ცხოვრებასთან. საზოგადოება ახალი კანონების საფუძველზე აღორძინდება. ხვალ კვირაა. თითოეული აჯამებს კვირის შედეგს, თითოეული ილაგებს ბინას და ცდილობს სისუფთავე დაიშაროს სახლში, ვიდრე სხვებთან ერთად წარუდგებოდეს საერთო ღმერთის ხატებას და ახალ ხელშეკრულებას დაუდებდეს მას.

ემანუელი შესცქეროდა კრისტოფს და მზერაში ესარკებოდა ჩვენებები, თვალწინ რომ გაუკრთოდა. კრისტოფს სიტყვის დამთავრება აცალა, ერთხანს იყუჩა და თქვა:

— ბედნიერი ხარ, კრისტოფ! ღამეს ვერ ხედავ.

— ღამეში დანახვა ძალმიძს, — მიუგო კრისტოფმა. — კარგა დიდხანს მიცხოვრია წყვილიადში. ბებერი ქოტი ვარ.

დაახლოებით ამ დროს მეგობრებმა კრისტოფს ცვლილება შენიშნეს ქცევაში. ხშირად გონებაგაფანტული იყო, თითქოს გამოთიშულიყო. როცა რამეს

ეუბნებოდნენ, ყოველთვის როდი ესმოდა. ფიქრში წასული, ბედნიერი კაცის იერი ჰქონდა. როცა დასცინებდნენ გონებაგაფანტულობის გამო, გულწრფელად ითხოვდა პატიებას. ზოგჯერ თავის თავზე მესამე პირში იტყოდა:

— კრატტი ამას თქვენთვის გააკეთებს...

ან კიდევ:

— კრისტოფი ამაზე ლაზათიანად იცინებს...

ვინც ცუდად იცნობდა მას, ამბობდა:

— რარიგ შეყვარებულია თავის თავზე!

სინამდვილეში, პირიქით იყო. კრისტოფი თითქოს გარედან უცქეროდა თავის თავს. იმგვარ ყოფას უწია, როცა მშვენიერისათვის ბრძოლაც აღარ გაინტერესებს, რადგან ყოველი, ვისაც თავისი ვალი აღუსრულებია, მიიჩნევს, სხვებიც ჩემსავით მოიქცევიანო და, ბოლოს და ბოლოს, როდენის ნათქვამისა არ იყოს, მშვენიერება მაინც გაიმარჯვებსო. ადამიანთა უკეთურობა და უსამართლობა აღშფოთებას აღარ გვირდა. სიცოცხლით იტყოდა გუნებაში: „ეს ამბავი ბუნების საწინააღმდეგო რამაა, მაშასადამე, სიცოცხლე იფერფლება ჩემში“.

მართლაც, წინანდებურად გამძლე აღარ იყო. მცირედი ფიზიკური ძალისხმევა, ხანგრძლივი გასეირნება ან ჩქარი სიარული ღლიდა. მაშინვე ქშენა აუვარდებოდა და გული აწუხებდა. ხანდახან თავის ძველ მეგობარს შულცეს გაიხსენებდა. შეუძლოდ რომ იყო, ამის თაობაზე არავის არაფერს ეუბნებოდა. ან რა საჭირო იყო! მხოლოდ შეაწუხებდი იმით, შენს თავს კი ამით რას უშველიდი. ესეც კია, სერიოზულ მნიშვნელობას არ ანიჭებდა თავის სატკივარს. ავადმყოფობაზე მეტად იმისი ეშინოდა, მკურნალობას მაიძულებენო.

ბუნდოვანი წინათგრძნობის გავლენით კვლავ მოუნდა სამშობლოს მონახულება. ამ განზრახვას წლიდან წლამდე დებდა. გუნებაში იტყოდა: „აი, გაისად...“, მაგრამ ამჯერად აღარ გადაუღვია.

უჩუმრად გაემგზავრა, კაცი არ გაუფრთხილებია. მოგზაურობა ხანმოკლე გამოდგა. რასაც ეძიებდა, იმისი ველარაფერი იპოვა კრისტოფმა. ცვლილებები, ის-ის იყო რომ იწყებოდა მისი ბოლო ყოფნისას, უკვე განეხორციელებინათ: პაწია ქალაქი ღიდ სამრეწველო ცენტრად ქცეულიყო. ძველი სახლები აეღოთ. გამჭრალიყო სასაფლაო. საბინას ფერმის ადგილას ქარხანა აეშენებინათ და მაღალი მიწები აღემართათ. მდინარეს მთლიანად დაეტბორა ის მდელოები, სადაც კრისტოფი ბაღობისას თამაშობდა. ერთ-ერთი ქუჩისათვის (ამასაც ქუჩა ერქვა, რაღა)!, სადაც ჰუჭყიანი ხუხულები ჩაერიგებინათ, მისი სახელი ეწოდებინათ. წარსული მთლიანად აღგვილიყო, თვით სიკვდილის ნაკვალევაც კი. რა გაეწყობა, აგრე იყოს! სიცოცხლე გრძელდება; ეგების, სხვა პატარა კრისტოფები ოცნებობენ, იტანჯებიან, იბრძვიან ამ ქუჩის სახლაკებში, ქუჩისა, მისი სახელი რომ ჰქვია.



უზარმაზარ Tonhalle-ში! გამართულ კონცერტზე მან მოისმინა, როგორ ასრულებდნენ მის ერთ-ერთ ნაწარმოებს, აცოდველებდნენ და ამახინჯებდნენ იმ ნაწარმოების აზრს. დე, იყოს აგრე! თუნდაც ხეირიანად ვერ გაიგონ, ვინ იცის, იმ აზრმა სიცოცხლე შთაბეროს ახალ ძალებს. ჩვენ თესლი ჩავაგდეთ. აწ ის ჰქენით, რაც ვინდათ. გაჭერდით ჩვენით! შეღამებისას ველ-მინდვრებში დასეირნობდა, ქალაქს რომ გარს ეკრა. ირგვლივ სქელი ნისლი წვეებოდა და კრისტოფი ფიქრობდა ამ სქელი ნისლის გამო, მალე მის სიცოცხლეს რომ მოიცავდა, იმ საყვარელ არსებებზე, მიწის პირიდან რომ აღგვილიყვნენ და ნავსაყუდარი მის გულში ეპოვათ. წყვდიადი მოიწვედა და იმ არსებებთან ერთად თვით მასაც შთანთქავდა... დე, აგრე იყოს! არ მეშინია შენი, ღამეე, რამეთუ შხეს ატარებ საშოში! ერთი ჩამქრალი ვარსკვლავის წილ ათასობით ახალი აენთება. მღუღარე რძით სავსე ფიალის მსგავსად უძირო სივრცეც სინათლითაა გალიც-ლიცებული. ვერა, ვერ შემშუსრო. სიკვდილის სუნთქვისაგან კვლავ აენთვის ჩემი სიცოცხლის ღამპარი.

• აქეთობისას კრისტოფს იმ ქალაქში ჩამოხტომა მოუხდა, სადაც ერთ ღროს ანას შეხვდა. რაც დაშორებოდა, მას აქეთ არაფერი იცოდა ამ ქალისა, ამბის გამოკითხვასაც კი ვერ ბედავდა. მართო მისი სახელის ხსენებაც წლების მანძილზე ურუნტელს ჰგვრიდა. ახლა მშვიდად იყო, აღარაფრისა ეშინოდა. ოღონდ მწუხრისას, როცა იჯდა სასტუმროს ნომერში, საიდანაც რაინის სანახები იშლებოდა, ხვალინდელი დღესასწაულის მაუწყებელმა ზარების ნაცნობმა მელიოდამ წარსულის სურათები გაუცოცხლა. მდინარიდან მოპბერდა შორეული განსაცდელის სურნელი, რასაც ბუნდად შეიგრძნობდა კრისტოფი. მთელი ღამის განმავლობაში გარდასულს იგონებდა. გრძნობდა, მრისხანე შეუფის ბატონობას თავდაღწეული ვარო; და ეს ტკბილ ნაღველს აღუძრავდა. ვერა და ვერ გადაეწყვიტა, ხვალ რას იზამდა. ერთი პირობა გაიფიქრა (წარსული ისე შორს იყო!) მოდი, ბრაუნებთან მივალო. მაგრამ მეორე დღეს გამბედაობა აღარ ეყო. ისიც კი ვერ გაბედა, სასტუმროში ეკითხა, ცოცხალნი იყვნენ თუ არა ექიმი და მისი ცოლი. გამგზავრება გადაწყვიტა.

სწორედ გამგზავრების წინ მოუთოკაემა ძალამ იმ ტიპართან ამოაყოფინა თავი, სადაც ოდესღაც ანა ლოცულობდა. სეგტს ამოეფარა, აქედან შეეძლო კარგად დაენახა ის სკამი, სადაც ანა იჩოქებდა ხოლმე. იღგა კრისტოფი და ელოდა, დარწმუნებული იყო, თუ ცოცხალია, მოვაო.

მართლაც მოვიდა ქალი. კრისტოფს ველარ ეცნო იგი. სხვებსა ჰგავდა: ზორბა იყო, პირმსუქანი, გულგრილი და სუსხიანი გამომეტყველება ჰქონდა, ორნაკეცი ღაბაბი დასდებოდა. შავი კაბა ეცვა, დაჯდა სკამზე და გამეშებული იჯდა. გეგონებოდა, არც ლოცულობს, არც რამე ესმისო. არაფრით მოავგონებდა იმ ქალს, ვისაც ეგრე ელოდა. მხოლოდ ეგ იყო: ორ-სამჯერ უცნაური მოძრაობით დაისვა ხელი კაბის კალთაზე, მუხლისთავეებზე ნაკეცები გაისწორა. ერთ

<sup>1</sup> ქალაქის საკონცერტო დარბაზი (გერმ.).

დროს ეს მისეული ეესტი იყო... წირვა რომ დამთავრდა, დინჯად წამოდგა, თავი მაღლა ეჭირა და მუცელზე დაკრეფილ ხელებში ლოცვანი დაეკავებინა. ასე ჩაუარა კრისტოფს. ერთ წამს პირქუში და დაღვრემილი მზერა კრისტოფს მიაბჯინა... შეაეჭვრდნენ და — ვერ იცნეს ერთმანეთი. ჩაიარა თავაწეულმა, განზე არ მიუხედავს, ისე. წამიც და, თითქოს ელვა გაკრთა და მეხსიერება გაუნათაო, კრისტოფს მეყსეულად ეცნო, ეცნო ამ გულცივი ღიმილით, ბაგეთა რალაცნაირი ძლივსშესამჩნევი მოფხუწვით, მისი ტუჩპირი, ოდესღაც რომ უკოცნიდა... სუნთქვა შეეკრა და მუხლი მოეკვეთა. ძალაუნებურად გაიფიქრა:

„ღმერთო, ნუთუ ამ სხეულში დაეგვანებინა მას, ვინც მე მიყვარდა? სად არის იგი? სად? ან თვითონ მე სად ვარ? სად არის, ვისაც იგი უყვარდა? რა დარჩა ჩვენგან და ჩვენი დამდაგველი საშინელი ვნებისაგან? ფერფლი, ცეცხლი კი სადღაა?“

და უფალმა თქვა:

„ჩემშია“.

მაშინ ზეაიხვდა კრისტოფმა და უკანასკნელად ჰკიდა თვალი ხალხის გროვას მცოლილ იმ ქალს: ტაძრიდან გადიოდა იგი მზით გაჩახჩახებულ ქუჩაში.

პარიზს ჩამობრუნებულ კრისტოფი მალე თავის ძველ მტერს ლევი-კერს შეუხრავდა. ლევი-კერი დიდი ხანია დევნიდა კრისტოფს, გესლიანად განაქიქებდა, კეთილსინდისიერება არაღ უღირდა. მერმე, როცა სახელი მოიხვეჭა, წარმატებას მიაღწია, პატივით გული მოიჭერა, როცა დაქმაცოფილდა და დაწყნარდა, საიმისო ჭკუა ეყო, კრისტოფის უპირატესობა ეღიარებინა. ყურადღებია-ნი შეიქნა მის მიმართ. მაგრამ კრისტოფი თავს ისე აჩვენებდა, თითქოს ვერ ამჩნევსო მის ლაციცს, ისევე როგორც წინათ მის თავდასხმას ვერ ამჩნევდა. ლევი-კერმა ბოლოს ხელი ჩაიქნია. ერთ უბანში ცხოვრობდნენ და ხშირად ხვდებოდნენ ერთმანეთს, ოღონდ თავი ისე ეჭირათ, თითქოს ვერ სცნობენო ერთიმეორეს. კრისტოფი გვერდით ჩავლისას თვალს არიდებდა ლევი-კერს, ვითომც ვერ შენიშნაო. ლევი-კერს გული მოსდიოდა, აგრე არხეინად და პირწმინდად როგორ უგულებელმყოფსო.

თვრამეტი-ოცი წლის ქალიშვილი ჰყავდა ლევი-კერს, ლამაზი, ტანწვრილი, ელეგანტური; კრავის უმანკო პროფილი ჰქონდა, ქერა ხვეული თმა ბაკმად მოვლებოდა, ლბილი, კეკლუცი გამონედვა სჩვეოდა და ლუინისეული ღიმილი. ხშირად ერთად სეირნობდნენ; კრისტოფი ლუქსემბურგის ბაღის ხეივანებში შეეფეთებოდა ხოლმე მათ. ეტყობოდა, მამა და ქალიშვილი ერთობ მეგობრულად იყვნენ. ყმაწვილი ქალი მოხდენილად დანდობოდა მკლავზე მამამისს. მართალია, კრისტოფი მეტად გონებაგაფანტული გახლდათ, მაგრამ ეშხიანი სახე თვალში მოხვდებოდა ხოლმე. ეს ქალიშვილი დაიდ ეთნეოდა. ლევი-კერის გამო გაიფიქრა:

„ამ პირუტყვს ბელი ჰქონია!“

მაგრამ უმაღლვე ამაყად დასძინა გუნებაში:

„მეცა მყავს ქალიშვილი“.

გონების თვალით ავრორას შეაღარა. რაკილა მიუკერძოებელი ვერ იქნებოდა, ავრორა ყველაფრით მჯობი გამოდგა. ეს კია, ამ შედარებამ უნებურად წარმოადგენინა მეგობრობის მაგვარი რამ ორ ასულს შორის, რომლებიც ერთმანეთს არ იცნობდნენ. ამ წარმოდგენამ, ასე გასინჯეთ, შეუშინველად დააახლოვა ლევი-კერთან.

გერმანიიდან რომ ჩამობრუნდა, კრისტოფმა შეიტყო, „პატარა კრავი“ გარდაცვლილიყო. მამობრივი ეგოიზმის გამო უმალ ეს გაიფიქრა:

„მე რომ დამტეხოდა თავს ამგვარი უბედურება!“

გაიფიქრა და უსაზღვრო სიბრალული იგრძნო ლევი-კერის მიმართ. ერთი პირობა უნდოდა, წერილი მიეწერა. ჯერ ერთი ბარათის წერა დაიწყო, მერმე — მეორისა. მაგრამ არც ერთი არ ეპრიანა; რალაც ყალბი სიტყვილის გრძნობა მოერია და აღარ გაუგზავნია. რამდენიმე დღის შემდეგ, როცა კვლავ შეხვდა ლევი-კერს და მისი ტანჯული, გაწამებული სახე დინახა, გულმა აღარ მოუთმინა: ჭიჭურ მიეახლა უბედურ მამას და ორივე ხელი გაუწოდა. ლევი-კერმა მყის უტაცა ხელი. კრისტოფმა უთხრა:

— ვაი, რომ დაკარგეთ!..

მეტად მღელვარე კილო ჰქონდა კრისტოფს და ლევი-კერს გული აუჩვილდა. ენით უთქმელ მადლიერებას გრძნობდა მისდამი... ერთმანეთს გაუზიარეს მწუხარების გამოშხატველი სიტყვები. როცა დაცილდნენ, წინანდელი მათი გათიშულობისა კვალიც არ დარჩენილა. დიახ, ისინი ერთიმეორეს ებრძოდნენ; რა თქმა უნდა, ამას ვერ წაუხვალ: თითოეული თავისივე ბუნების კანონებს ემორჩილება. მაგრამ როცა ტრაგიკომედია დასასრულს უახლოვდება, თითქოს სათეატრო ნიღბები მოიხსნესო, ადამიანებიც ისე განიშორებენ ვნებებს: ორი ადამიანი, რომელთაგან ერთი მეორეზე უკეთესი როდია, პირისპირ შეიყრება — ახლა, როცა უკვე შეუსრულებიათ, ვისაც როგორ შეეძლო. თავთავისი როლი, ნება აქვთ ხელი გაუწოდონ ერთმანეთს.

ჟორჟსა და ავრორას. გაზაფხულის დამდეგს უნდა ექორწილათ. კრისტოფს ჯანმრთელობა მკვეთრად გაუარესდა. შეამჩნია, ბავშვები შეშფოთებით მადღენებენო თვალს. ერთხელ ყური მოჰკრა მათს ხმადაბალ ლაპარაკს. ჟორჟმა თქვა:

— ძალიან ცუდად გამოიყურება. ვაითუ ლოგინად ჩავარდეს.

ავრორამ მიუგო:

— ნეტა ქორწილი არ შეგვიფერხდებოდეს მისი გამოისობით.

კრისტოფმა ცნობად ილა ეს ამბავი. საბრალონი! აბა, ბედნიერებას როგორ ჩაუშვარებს იმათ!

მაგრამ ქორწინების წინ (ისე სასაცილოდ ფაციფუცობდა ბოლო დღეებში

კრისტოფი, იტყოდი, თავად თუ აპირებსო ცოლის შერთვას) ისეთი წინდაუხე-  
დაობა გამოიჩინა, ისე უგუნურად მოიქცა, რომ კვლავ შეეყარა ის მისი ძველი  
სნეულუბა: პნევმონია განუმეორდა, პირველად რომ ჯერ კიდევ მოედანზე  
გამართულ ბაზრობის დროს იჩინა თავი. გულს ასკდებოდა. ჩერჩეტს უწოდებ-  
და თავის თავს. არ დავეჯახებო ავადმყოფობას, გულში დაიფიცა, ქორწინე-  
ბის შემდეგ კი ჯანდაბასო. თანაც მომაკვდავი გრაცია გაახსენდა. გრაციასაც  
არ უნდოდა, თავისი ავადმყოფობის ამბავი შეეტყობინებინა კონცერტის წინ,  
სამუშაოს არ მოვწყვიტო და არ ავადფორიაქოო. გულს უქეთებდა იმის ფიქრი,  
ამჯერად თავად გაეკეთებინა მისი ქალიშვილისათვის — თვით გრაციასათვის —  
ის, რაც მაშინ გრაციამ ქნა კრისტოფის გულისათვის. არ გაუმხელია, შეუძლოდ  
რომ იყო, ოღონდ სული კბილით ექირა. რაც უნდა იყოს, ბავშვების ბედნიე-  
რება თავდაც ისეთ ბედნიერებას ანიჭებდა, ბოლომდე გააძლებინა ბედნიე-  
რების ამ გრძნობამ. ხანგრძლივი საეკლესიო ცერემონიალის განმავლობაში  
სისუსტეს არ დანებებია. ოღონდ კოლეტის სახლში მიბრუნების უმაღლეს ძალამ  
უმტყუნა, ძლივს მოასწრო რომელიღაც ოთახში შეერბინა, რომ გრძნობა და-  
კარგა. ერთ-ერთი მსახური გულშეღონებულს წაადგა თავზე. როცა კრისტოფი  
გრძნობაზე მოვიდა, იქ მყოფთ შკაცრად აუკრძალა, რაიმე ეთქვათ ახალდა-  
ქორწინებულთათვის. ისინი საღამოს სამოგზაუროდ მიდიოდნენ. ისე იყვნენ  
ერთმანეთით ვართულნი, სხვებისათვის არ ეცალათ. მხიარულად გამოემშვი-  
დობნენ კრისტოფს, შეჰპირდნენ, მოგწერთო ხვალ, ზეგ...

გაემგზავრნენ თუ არა ისინი, კრისტოფი ჩაწვა. ციებამ დარია ხელი, და-  
რია და ბოლომდე აღარ მოშვებია. იგი მარტო იყო, რადგან ემანუელიც ავად-  
მყოფობას დაეგდო. ექიმი არ გამოუძახებია კრისტოფს. რა საშიში რამე მე  
მჭირსო, აგრე ფიქრობდა. ესეც არ იყოს, მსახური არ ჰყავდა, ვინ უნდა გაეგ-  
ზავნა ექიმის მოსაყვანად. დილ-დილობით, ორიოდვე საათით, დამლაგებელი  
ქალი აკითხავდა, მაგრამ იმას კრისტოფის დარდი სულაც არ ჰქონდა. კრის-  
ტოფმა ბოლოს მოახერხა, თავიდან მოეშორებინა იგი. რამდენჯერ სთხოვა,  
ოთახის მილაგებისას ჩემს ხელნაწერებს ხელს ნუ ახლებო. ჯიუტი ქალი იყო  
და იფიქრა, რაღაი ლოგინსაა მიკრული, ახლა მეც ჩემებურად მოქცევის დრო  
დამიდგაო. ლოგინში მწოლი კრისტოფი შკაფის სარკეში ხედავდა, გვერდითს  
ოთახში მობორიალე ეს ქალი ყველაფერს თავდაყირა როგორ აყენებდა. ამ  
ამბავმა ისე გააცეცხლა (არა, აღრინდელი კრისტოფი დასტურ არ მომკვდარი-  
ყო მასში), ლოგინიდან წამოიჭრა, ხელნაწერთა დასტა გამოჰგლიჯა და გარეთ  
გაადგო. ამგვარი გულის მოსვლა ძვირად დაუჯდა: ციებ-ცხელება მიეძალა; იმ  
მოახლემ თავი განაწყენებულად ჩათვალა, წავიდა და აღარც გამოჩენილა, არც  
გაუფრთხილებია ამის თაობაზე. „გივი მოხუციო“ — ასე უწოდებდა კრის-  
ტოფს. ასე რომ, ავადმყოფი კრისტოფი მარტოხელა დარჩა, მიმხედავი არავინ  
ჰყავდა. დილით წამოდგებოდა, აიღებდა თავის რძიან ქოთანს. კარის ზღურბლ-  
თან რომ იყო დატოვებული და მიათვალეირ-მოათვალეირებდა იქაურობას:

მეკარე ქალს კარქვეშ ხომ არ შემოუტყურებიაო ახალგაზრდების მიერ დანაპირები წერილი. წერილი არ ჩანდა. ჟორჯი და ავრორა ისე ბედნიერი იყვნენ, კრისტოფი დავიწყებოდათ. კრისტოფი არ უბრაზდებოდა მათ, იმათ ადგილას მეც ასე მოვიქცეოდიო, გუნებაში ამბობდა. როცა ჟორჯისა და ავრორას უშფოთველ ბედნიერებას წარმოიდგენდა, უხაროდა, ეს ბედნიერება მე მივანიჭეო.

ნელ-ნელა მომჯობინდა და ლოგინიდანაც დგებოდა უკვე, როცა ბოლოს ავრორასაგან წერილი მოუვიდა. ჟორჯი ხელის მოწერას დასჯერებოდა. ავრორა თითქმის არაფერს ეკითხებოდა კრისტოფს, კიდეც უფრო ცოტა რამეს იტყობინებოდა თავისი თავის შესახებ. სამაგიეროდ დავალებას აძლევდა: კოლეტისას გორჯეტი დარჩენოდა და იმის გამოგზავნას სთხოვდა. თუმცა ეს წერილმანი ნივთი იყო (ავრორას მაშინლა მოაგონდა იგი, როცა წერილს სწერდა და ფიქრობდა, კიდეც რა მივწერო), სიამაყით გაბრწყინებული კრისტოფი, აქაოდა შემოძლია ბავშვებს კიდეც რამეში გამოვადგეო, გორჯეტის წამოსაღებად გაემართა. საზიზღარი ამინდი იღვა, ზამთარს კუდი მოექნია და აღარ ხუმრობდა. თოვლ-ჰყაბი იყო, ქარი ძვალ-რბილში ატანდა. მეეტლები არსად ჩანდნენ. კრისტოფი კარგა დიდხანს აყურყურტეს საფოსტო განყოფილებაში. ცეცხლს უკიდებდა მოხელებების უხეშობა და მათი განგების სიზანტე, მაგრამ რას გახდებოდა. ბრაზმა კიდეც უფრო უქეიფოდ გახადა. არადა გონების ხმა ჩასძახოდა, გულს ნუ აპყვებო; ისერიგად დარია სიშმაგემ ხელი, ტანი ერთიანად უძაგძაგებდა. ასე შეაძაგძაგებს ხოლმე მუხას, უკანასკნელად რომ შემოჰკრავენ ცულს და ის-ისაა, უნდა წამოიქცეს. შინ გათოშილი დაბრუნდა. მეკარე ქალი შემოეყარა და ჟურნალის ამონაჰერი გადმოსცა. ჩაათვალიერა ეს ამონაჰერი. გულღვარძლიანად დაწერილი სტატია იყო, ისევ დასწმოდნენ თავს. ბოლო ხანს იშვიათად იქცეოდნენ აგრე. ან ვის უნდა ეხალისებოდეს, უტევდეს ადამიანს, დარტყმას რომ ვერ ამჩნევს! ყველაზე მოსისხლე მტრები პატივისცემით განიმსჭვალნენ კრისტოფის მიმართ, თუმცა სიძულვილით კვლავინდებურად სძულდათ. ესეც კია, ეს პატივისცემა თავადვე აღიზიანებდათ.

„აგრე ჰგონიათ, — თითქოს გულნაკლულად ამბობდა ბისმარკი, — სიყვარული ყველაზე უნებური გრძობააო. პატივისცემა კიდეც უფრო უნებურიია...“.

ოლონდ სტატიის ავტორი ბისმარკზე უკეთესად გახლდათ შეიარაღებული, იმ ძლიერ ადამიანთა რიცხვს განეკუთვნებოდა, არც სიყვარულის, არც პატივისცემის უნარი რომ არ შესწევთ. კრისტოფს აგდებულად იხსენიებდა და იქადოდა, ორიოდე კვირის შემდეგ უახლოეს ნომერში გაგრძელება მოჰყვებოდა. კრისტოფს გულიანად გაეცინა. ლოგინში დაწოლისას თქვა:

— გიყვარდეს, გავაცურებ! ველარ მომისწრებს და...

ნაცნობ-მეგობრები დაბეჯითებით ურჩევდნენ კრისტოფს, ვიდრე გამოქანმრთელდებოდე, მომვლელი ქალი აიყვანეო, მაგრამ არამც და არამც არ

ქნა. ამდენხანს მარტო მიცხოვრია და რაღა ახლა შეველიო ამ სიკეთესო, აგრე ამბობდა.

ნაღველი არ მისძალებია. ამ ბოლო წლების განმავლობაში ნიადაგ თავის თავთან საუბრით იყო გართული; სული მისი თითქოს გაორდაო. ბოლო თვეების მანძილზე კი იმ ადამიანთა რიცხვი, მის შინაგან სამყაროში ვანი რომ დაედოთ, ერთობ გადიდებულიყო: ორი კი არა, ბარე ათი სული ბინადრობდა უკვე იქ. ერთურთს ეზრახებოდნენ ისინი, მეტწილად კი გალობდნენ. იმათ ნაუბარს და თავის პასუხს სანოტო ქალაღღზე იწერდა, ახარებდა მარჯვეღ ნათქვამი რეპლიკა. სანოტო ქალაღღი მუღდამეამს იქვე ჰქონდა, საწოლთან ან მაგიღდაზე ეწყო. მიეჩვია, ორი რამ ერთღროულად და ანგარიშმიუცემლად ეკეთე-ბინა: თან ეფიქრა და თან ეწერა. წერა და უღარესი სიცხადით ფიქრი ერთსა და იმავეს ნიშნავდა: მისთვის. ყველაფერი, რაც იმ სულებთან ურთიერთობას მოაცღენდა, მისსაე არსებაში რომ დაევენებინათ, ღლიდა და აგულისებდა. თვით ყველაზე საყვარელი მეგობრების სტუმრობაც კი ზოგჯერ აწუხებდა. თავს ძალას ატანდა, შეძლებისდაგვარად არაფერი შეემჩნევიენებინა, მაგრამ ეს ძალისხმევა საოცრად ქანცავდა. გული ლხინით აეესებოდა, როცა მერმე კვლავ იპოვიდა საკუთარ თავს. იმიტომ რომ, ხანდახან გულისყური ეფანტე-ბოდა: როცა ენას ატარტარებენ, შინაგან ხმებს რაღას მოუსმენ. კვლავ ჩამო-ღვებოდა ის ლეთებრივი სიჩუმე...

მხოლოდ მეკარე ქალს ან მის რომელიმე შვილს რთავდა ნებას, ღღეში ორ-სამჯერ შემოეხედათ და შეიერყოთ, ხომ არა სჭირღებოდა რა. მათვე გადას-ციმდა ემანუელთან გასაგზავნ წერილებს. ემანუელთან მიწერ-მოწერა უკანასკ-ნელ ღღემღე არ შეუწყვეტია. ორივე მეგობარს თითქმის ერთნაირად მძიმე ავღდმყოფობა სჭირდა. იღუზიით თავს არ იტყუებდნენ. თავისუფალი გენია მორწმუნე კრისტოფისა და თავისუფალი გენია ურწმუნო ემანუელისა სხვა-ღდასხვა გზით ეზიარნენ სულის ერთსა და იმავე ერთობლივ სიცხადეს. ოკრო-ბოკროღ ნაწერის გარჩევა სულ უფრო მეტად უჭირდათ, მაგრამ ისინი თავიან-თი ავღდმყოფობის თაობაზე როღი ესაუბრებოდნენ ერთმანეთს, კვლავინღე-ბურად ერთ რასმე დასტრიალებდნენ ფიქრით: ხელოვნებას და თავიანთი იღღე-ბების მომავალ ზღეს.

აგრე იყო სულ ბოლო ღღემღე, როცა კრისტოფმა უღონო ხეღით ღღე-რა შეეღდა მეფის სიტყვები, ბრძოღის ვეღზე წარმოოქმული აღსასრუღის წინ:  
„Ich habe genug, Bruder; rette dich!“<sup>1</sup>.

საფეხურების უწყვეტი რიგი. კრისტოფს თვალწინ ჩაუღღის მთელი მისი ცხოვრება: წარმოუღგენელი ძალისხმევა სიჭბუკისას, რათა თავის თავს ღღე-

<sup>1</sup> ჩემღათავღ კმარა, ძმაო; თავს უშველე!

აეტორს მხეღვეღობაში ჰყავს შვეციის მეფე გუსტავ-აღოღღი (1611—1632). იგი ღღიღუბა ოცღათწღიან ომის ღროს, ღღუცენის ბრძოღისას, გერმანიაში.

უფლოს. გააფთრებული ბრძოლა, რა არის, ლიტონი უფლება ცხოვრებისა მოიპოვოს და თვისი რასის დემონები დაიმორჩილოს. გამარჯვების შემდეგაც დაუღალავად უნდა იცავდეს თავისსავე მონაპოვარს, იცავდეს თვით გამარჯვებისაგან. სიტკბო და გამოცდა მეგობრობისა, რისი წყალობითაც კენტად მებრძოლი გული კვლავ შეერთვის დიდ ადამიანურ ოჯახს. ზეობა სიცოცხლისა — ხელოვნების აყვავება. ამყად მბრძანებლობს თავის დამორჩილებულ სულზე, თავისივე ბედის მეუფედ გრძნობს თავს. და ანახლად გზის ასაქცევთან შემოეყრებიან აპოკალიფსის მხედრები<sup>1</sup>. მწუხარება, ვნება, სირცხვილი. ავანგარდი მეუფისა. ძირს დასცემენ, ფლოქვებით გადათქვრავენ ცხენები; სისხლდამდიხაოი მილასლასებს მწვერვალისკენ, სად ღრუბელთ შორის ანთია საოცარი განმწმენდი ცეცხლი. და, აი, ჰირისპირ უდგას ღვთაებას. ერკინება მას, ვით იაკობი ანგელოზს. სასტიკად მარცხდება ამ ჰიდილისას. ლოცავს ამ თავის დამარცხებას, შეიწნობს საკუთარ შესაძლებლობათა ზღვარს, ისწრაფის აღასრულოს ნება მეუფისა იმ სფეროში, წინასწარ რომ დაგვისაზღვრა იმ მეუფემ, რათა შემდგომ, რა რომ ხვნას, თესვასა და მკას მორჩება, დაამთავრებს ილაგამწვევებსა და მშვენიერ შრომას, ალალი სიმშვიდე პოვოს მზეგადაფრქვეულ მთათა ძირას და უთხრას იმ მთებს: „კურთხეულ იყავით! არ მიწერია, ვინეტარო თქვენი სინათლით. მაგრამ ჩრდილი თქვენი საამურია ჩემთვის...“.

მაშინ სატრფო გამოეცხადა; ხელი ჩასჭიდა სატრფომ და, აჰა, სიკვდილმა სხეულისეული ზღუდე შეურღვია კრისტოფს, ნანდაურის წმინდა სული ჩაუღვარა სულში. გაღწევის დედამიწის წყვილიდს და ნეტარების მწვერვალს უწიეს, სად სამი გრაციის<sup>2</sup> დარად ხელიხელჩაკიდებულნი ფერხულს უვლიან აწმყო, წარსული და მომავალი. იქ გულდამოშმინებული კრისტოფი ჰერეტს, როგორ იბადება, ფრთასა შლის და მერმე კვლავ ჰრება მწუხარება და სიხარული, იქ ყოველივე პარმონიაა.

მეტისმეტად ჩქარობდა კრისტოფი, აგრე ეგონა, მიზანს მივალწიეო. მაგრამ სულშეხუთულს რალაც მარწუხივით უპერდა ფილტვებზე, აღგზნებულ გონებაშიც ათასნაირი ხატება ერეოდა, და ეს მოაგონებდა, უკანასკნელი, ძნელზე ძნელი ლაშქრობა მელისო. მაშ, წინ!..

უძრავად იწვა სარეცელს მიჯაჭვული. ზემოთ, ერთი სართულით მაღლა, ვიდაც ჩერჩეტი ბანოვანი საათობით უტყაპუნებდა პიანიზოზე. მხოლოდ ერთი ნაწარმოები დაესწავლა და გაუთავებლივ იმეორებდა ერთსა და იმავე მუსიკალურ ფრაზას. მაგრამ რამხელა სიამოვნებას განიცდიდა ის ვილაც! სწორედ რომ აღმაფრენას მისცემოდა. კრისტოფს ესმოდა მისი, ოღონდ გამწარებულს

<sup>1</sup> აპოკალიფსის ფანტასტიკური მხედრები, რომლებმაც თითქოსდა უნდა მოსპონ კაცთა მოღვაძე.

<sup>2</sup> გრაციები — ანტიკურ მითოლოგიაში სილამაზის სამი ღმერთქალი.

ლამის ცრემლები დაეფრქვია. არა, გაგონილა ასე ყურისწამლებად უტყაპუნებდეს! სიბილწესავით ეჯავრებოდა კრისტოფს ხმაური... რაღა გზა ჰქონდა, ბედს უნდა შერიგებოდა. ძლივს შეაჩვია თავი, ის ხმა არ გაეგონა. თუმცა, რომ ეგონა, ისე ძნელი არ გამოდგა ეს ამბავი. თავისსავე სხეულს შორდებოდა, ამ სხეულსა და ტლანქ სხეულს. რარიგ სამარცხვინოა, შენი დღე და მოსწრება შიგ ბინადრობდეს! მზერდა, როგორ ერღვეოდა სხეული და გულში ფიქრობდა: „დიდი დღე აღარ უწერია“.

ადამიანის ეგოიზმის ძალა რომ გამოეცადა, თავის თავს ჰკითხა:

„რას ამჯობინებდი: სამარადისო ყოფილიყო ხსოვნა კრისტოფის, მისი პიროვნების, მისი სახელისა, ქმნილებები კი კვლავწმინდად გამქრალიყო, თუ, შემოქმედებას ეცოცხლა, ხოლო მისი პიროვნების, მისი სახელის კვალი წარხოცილიყო?“

უყოყმანოდ გასცა პასუხი:

„დღე, გაქრე, ოღონდაც ეცოცხლოს ჩემმა შემოქმედებამ! ორწილად მოვიკებ ამით — მხოლოდ ის დარჩება ჩემგან, რაც საუკეთესოა, რაც ესოდენ ჭეშმარიტია. წარხდეს კრისტოფი!“

ოღონდ მალევე იგრძნო, თავისი ქმნილებებიც რომ ისევე ეუცხოებოდა, როგორც თავისივე თავი. ბალღური თავის მოტყუებაა, საკუთარი ხელოვნების დღეგრძელობა გწამდეს! მშვენივრად ესმოდა, უბადრუტობაა მხოლოდ ის კი არა, რაც შე შემიქმნია, მთელ თანადროულ მუსიკასაც მოსპობა ელისო. სხვა რომელია, მუსიკის ენასავით მალე გაუდიოდეს ყავლი. ერთი-ორი საუკუნის შემდეგ ცოტა ვინმესლა თუ ესმის იგი, ესმით მხოლოდ იმათ, ვინც მის საიდუმლოს ზიარებია. ვისთვისღა არიან კვლავაც ცოცხალნი მონტევერდი და ლიუღლი? უკვე ხავსი ეკიდება კლასიკური ტევრის მუხებს. ბგერითი ნაგებობანი, სადაც ჩვენი ვნებათაღელვის საგალობელო გაისმის, დაყრუებულ ტაძრებად იქცევა, დავიწყებას მიეცემა და ჩამოინგრევა... უეკირდა კრისტოფს, იმ ნანგრევების მაცქერალი ოღნავადაც რომ არ განიცდიდა მღელვარებას.

„ნუთუ გამინელდა სიცოცხლის სიყვარული?“ — გაოცებული ეკითხებოდა თავის თავს.

მაგრამ უმაღვე მიხვდა, გაცილებით უფრო მეტად რომ უყვარდა სიცოცხლე. ღირს კი, ხელოვნების ნანგრევებს დასტიროდეს? ხელოვნება ჩრდილია, ადამიანისაგან ბუნებას რომ წაეფინება. გაქრეს ის ჩრდილი! მზისგან შთანთქას! აკი მზის ბრწყინვალეების ხილვას გვიშლის. ბუნების აურაცხელი საგანძური თითებშუა ვეებნევა. ადამიანის გონება ლამობს, წყალი ცხროლით ამოკრიფოს. ჩვენეული მუსიკა ილუზიაა. ჩვენი სკოლა ტონებისა, ჩვენი გამები გამოგონილია. ბუნების ერთ ცოცხალ ხმას არ შეესატყვისება. ეს არის გონებისა და წარმოსახვის კომპრომისი რეალური ბგერების მიმართ, მეტრული სისტემის გამოყენება მოძრავი უსასრულობისადმი. გონებას ეს სიტრუე მიუწვდომელის საწვდომად დასჭირდა. და რაკი ამ ტყუილის დაჯერება უნდოდა, დაიჯერა კი-




დეც. ყოველივე ამაში არც სიმართლეა, არც სიცოცხლე. ის სიამე, რასაც გონებასა ჰგვრის, მის მიერვე შექმნილი ეს წესრიგი, ოდენ შედეგია არსებულის ცინცხალი აღქმის შერყვნისა. ჟამ-ჟამად, მიწასთან წამიერი შეხებისას, გენიოსი მეყსეულად შენიშნავს რეალური ცხოვრების ნაკადს, ხელოვნების მიჯნებს რომ გადალახავს. ჭებირი იბზარება. სტიქიონი ნახვერეტისკენ მიექანება... მაგრამ ადამიანები იმ ნახვერეტს მაშინვე დაგმანავენ. აგრეა საქირო კაცობრიული გონების დასაცავად. დაიღუპება გონება, თუ თვალს გაუსწორებს იეპოვას<sup>1</sup> შზერას. და აი, გონება<sup>2</sup> დულადით ამოქოლავს თავის სენაკს, სადაც მხოლოდ ის სხივნი შემოატანენ, თავად მას რომ გამოუგონია. ეგების, ეს უპრიანიც იყოს იმათთვის, ვისაც დანახვა არ სურს. მე კი მწადს ვიხილო შენი სახება, იეპოვა. მინდა გავიგონო შენი მრისხანე ხმა, თუნდაც მაგ შენმა ხმამ შემმუსროს. ხელოვნებისმიერი ხმაური თავს მახეზრებს. ლე, გაუუჩღეს გონება! დაღუმდი, ადამიანო!..

მაგრამ ამ დამაჯერებელი სიტყვის დამთავრებისთანავე კრისტოფმა ხელი მოაფათურა საბანზე, ზედ მიმოფანტულ ქალაღდის ფურცლებს ეძებდა, კიდევ რამდენიმე ნოტი წავებლაცნოო. რა შენიშნა, ჩემსავე თავს ვეწინააღმდეგებოო, გაელიმა და თქვა:

— ჰოი, მუსიკავ, ჩემო ძველო მეგობარო, შენ ჩემზე უკეთესი ხარ. მე უმადღურობას ვიჩენ, თავიდან ვიცილებ. შენ კი არა მტოვებ, ზურგს არ მაქცევ ჩემი მიზეზიანობის გამო. მომიტევე, აკი მშვენივრად იცი: ეს მხოლოდ ახირებაა. აროდეს მილაღატია შენთვის, არც შენ გილაღატია, გვჯერა ერთიმეორისა. ერთად წავალთ, ჩემო. ნანდაურთ. ბოლომდე ჩემთან იყავ.

Bleib bei uns<sup>2</sup>.



დიღხანს იყო ბურანში წასული, რა უცნაურ ზმანებებს არ ხეღვღა. გამოფხიზლებულს ჭერაც არ გამოწელებოღა შთაბეჭდილება. ტანზე იცქირე-

<sup>1</sup> ძველ ებრაელთა ღვთაება.

<sup>2</sup> ღარჩი ჩვენთან (გერ.).

ბოდა, ხელით ისინჯავდა ყოველ ასოს, საკუთარ თავს ეძებდა და ვერ პოულობდა. ეგ „სხვა“ ვინმეაო, აგრე ეჩვენებოდა. სხვა. უფრო ძვირფასი, ვიდრე თავად გახლდათ. მაინც ვინ?.. ასე ეგონა, ვიდრე მეძინა, ვილაც სხვას შეუსხამსო ხორცი ჩემში. ოლივიეს? გრაციას? გულშიც და თავშიაც საოცარ სისუსტეს გრძნობდა! ველარ არჩევდა თავის მეგობრებს. ან რაღა საჭირო იყო გარჩევა? ყველა ისინი ერთნაირად უყვარდა.

თითქოს შებოჭილი იწვა. რაღაცნაირ მტანჯველ ნეტარებას განიცდიდა, არ უნდოდა განძრეულიყო. იცოდა, ტკივილი ჩასაფრებელიყო და უღარაჯებდა, ისე როგორც კატა უღარაჯებს თავს. თავი მოიმკვდარუნა. აჰა... გვერდით აღარაფინაა. ზემოთ პიანინოს ხმა მიყუჩდა. მარტობა. სიჩუმე. კრისტოფმა ამოსუნთქა.

„რარიგ სასიამოა, სიცოცხლის ბოლოს შენს თავს უთხრა, არასოდეს მარტო არა ყოფილხარ, მაშინაც კი, როცა თავს ყველასაგან მიტოვებულად გრძნობდიო. აღამიანები, ვისაც ცხოვრების გზაზე შეგხვედრივარ, ძმები, ვისაც წამიერად ხელი გამოუწვდია ჩემთვის, იღუმალი სულნი, ჩემივ. ცნობიერების მიერ წარმოქმნილნი, ყველანი, ვისაც უდგას სული თუ აღარ უდგას, ცოცხლნი არიან, დიხანაც, ცოცხალია ყველა, ვინც მე მიყვარდა, ყველა, ვინც თავად შემიქმნია! მხურვალედ ჩაგვიკრავართ თქვენ მკერდში. თქვენ აქ ხართ, ჩემ გვერდით, მესმის თქვენი ხმების მუსიკა. ვლოცავ ბედს, თქვენი თავი რომ მაჩუქა! მდიდარი ვარ, მდიდარი... გული ჩემი გრძნობას ვერ იტევს!..“

ფანჯარაში გაიხედა: მშვენიერი ცრიატი ღღე იდგა, ერთი იმ ღღეთაგანი, მოხუცი ბალზაჟის<sup>1</sup> ნათქვამისა არ იყოს, უსინათლო მზეთუნახავს რომ მოგაგონებს. კრისტოფი გატაცებით უჭკვრეტდა ხის რტოს; მინას მოხუტებოდა ის რტო, კვირტები დაბერვოდა და ნამისაგან უბრწყინავდა, პაწია თეთრი ყვავილები ეშლებოდა; და ეს ყვავილები, ეს ფოთლები, მთლიანად ეს აღორძინებული არსება ამხელდა ისეთ თავგადაკლულ მორჩილებას განმაახლებელი ძალისადმი, რომ კრისტოფი აღარ გრძნობდა დაღლას, უგუნებობას, თავის დაძაბუნებულ სხეულს, რომელიც კვდებოდა, რათა ხის რტოში აღდგენილიყო. ეს სიცოცხლე ნელ ციალში ხვევდა, ამბორივით ესაღბუნებოდა. სიყვარულით აღსავსე მისი გული იმ მშვენიერ ხეს მინებებოდა; ხეს, რომელიც უკანასკნელ წუთებში უღიმოდა. ამ წუთს აღამიანები სიყვარულსა და ცხოვრებას ეწაფებინაო, ფიქრობდა კრისტოფი. ჩემი აგონიის ქამი სხვათათვის ექსტაზის ქამიაო; მუდამ აგრეა — წუთით არ კნინდებოა სიცოცხლის მძლავრი სიხარული. და თუმცა ხმა აღარ მორჩილებდა ცნობიერებას (ეგებ ხმა არც გაუღია, ოღონდ ვერ ამჩნევდა ამას), სულშეხუთულმა დაიმღერა სიცოცხლის საგალობელი.

უხილავი ორკესტრი აპყვა მის მელოდიას. კრისტოფმა გაიფიქრა:

„კი, მაგრამ საიდან იციან? აკი რეპეტიცია არ გაგვივლია. ნეტა, არ აუბრონ!“

<sup>1</sup> იგულისხმება ქან-ლეი გეზ დე ბალზაჟი (1597—1654), ფრანგი მწერალი.

ცდილობდა წამომგდარიყო, მთელმა ორკესტრმა კარგად დამინახოსო, თან დიდრონი ხელებით ტაქტს ითვლიდა. მაგრამ ორკესტრს არ ეშლებოდა. მუსიკოსები გულდაჭერებულნი უკრავდნენ. რა საუცხოო მუსიკაა! ორკესტრანტები ახლა პასუხთა იმპროვიზაციებს ასრულებდნენ. კრისტოფი ერთობოდა: „დამაცა, ძმობილო! ნახე, რა გიყო“.

საჰე მოატრიალა. უნიანობას აყოლილი ხან აქეთ მიატორტმანებდა ხომალდს, ხან — იქით, სახიფათო ფარვატერისაკენ მიაქანებდა.

„აბა, ამას რას მოუხერხებ? ამას? მაგრა დადექ! აჰა, კიდე!“

ყველაფერს ჩინებულად ართმევდნენ თავს. კრისტოფის გამბედაობას კიდეც მეტი გამბედაობითა და შემართებით უპასუხებდნენ.

„ნეტა, ახლა რაღას იღონებენ? აი, ეშმაკის კერძები! ოინბაზები!..“

„ყოჩალო“, იძახდა კრისტოფი და ხმამაღლა იცინოდა.

„დალანზეროს ეშმაკმა! როგორ მიჭირს თანდათან მგავთი მიყოლა! ნუთუ უნდა მაჯობონ? როგორ არა! დღეს მთლად უღონოდ კი ვარ... მაგრამ არა უშავს! ბოლო-ბოლო მაინც ვიმარჯვებ...“.

მაგრამ ორკესტრი ისეთ გერგილიანობას იჩენდა, ისე ფერადოვანი და ხალასი იყო მათი ხელოვნება, კრისტოფს ისღა დარჩენოდა, პირდაღებულს ესმინა. ასე გასინჯეთ, სუნთქვაც კი შეეკრა... თავისი თავისადმი ზიზღი იგრძნო კრისტოფმა.

— შე ოჯახქორო, — საკუთარ თავს ეუბნებოდა, — გამოიფიტე და ეგ არის. დადუმდი! რაც შეეძლო ინსტრუმენტს, ყველაფერი მოგცა. გეყო ამ ჩაჩანაკი სხეულის თრევა! სხვა რამ მჭირდება“.

მაგრამ სხეული შურს მიაგებდა. ხველა აუტყდებოდა და მუსიკის მოსმენას უშლიდა.

„გაჩუმდები თუ არა?“

ყელში წააფრინდა თავის თავს, მჯიღს იცემდა მკერდში, თითქოს მტერს ეჩხუბებო. კვლავ თვალი ჰკიდა თავის თავს ქუჩაში მომხდარ შეტაკებისას, შუაგულ ჩხუბში ვარეულს. ბრბო ღრიალებდა. ვიღაც კაცი ხელებს უჭერდა და მოგუღვას უბირებდა. ორივენი მიწაზე გორაობდნენ. ის კაცი ზემოდან აწევებოდა. კრისტოფი ლამის გაგუღულიყო.

„ხელი მიშვი, ვუსმინო მინდა!.. მომასმენინე-მეთქი! გამიშვი, თორემ ჩაგაძაღლებ!“

იძალა კრისტოფმა და კედელზე თავი ახლევინა. მაინც ვერა და ვერ მოიცილა...

„ვინ არის ეგა? ვის შეგვიღებია, ვის ვერკინები? ვის გახურებულ სხეულსაა, ხელი რომ შემოვხვიე?“

ირგვლივ ათასნაირი ჰალუცინაცია, ჩვენება მოსჭარვია. ვნებათა ქაოსი. მრისხანება, ავზორცობა, კაცის კვლის წადილი, სორციელი ხვევით მოგერი-

ლი ტკივილი. მთელი ის ლექი, საფლობის ფსკერიდან ამ უკანასკნელად რომ დაძრულა.

„ღმერთო ჩემო! განა ბოლო კიდევ შორსაა? ნუთუ ვერ მოგიცილებთ თქვენ, ტკიპებო, ტანს რომ მომკვრიხართ? ტანიც ჯანდაბას თქვენთან ერთად!..“

მხრებით, თეძოთი, მუხლებით იგერიებდა კრისტოფი უჩინარ მტერს... ბოლოს განთავისუფლდა! კვლავინდებურად უკრავდა მუსიკა, შორით თანდათან წყდებოდა მისი ხმა. ოფლად გაღვრილი კრისტოფი ხელს იწვდენდა მისკენ:

„მომიცადე! მომიცადე!“

მირბოდა, როგორმე მივეწიოო. წაიფორხილებდა... აყირავებდა, რაც წინ ხედებოდა... ისე ფიცხლად მირბოდა, სული შეუგუბდა. გული გამალებით უძგერდა, სისხლი საფეთქლებში სცემდა. თითქოს მატარებელი მიქრისო გვირაბში, ისე მიექანებოდა...

„ღმერთო, რა უგუნურებაა!“

მუქარით ანიშნებდა ორკესტრს, დამიცადეთო...

როგორც იქნა, გააღწია გვირაბს! კვლავ ჩამოვარდა სიწყნარე. ისევ გაიგონა მუსიკის ხმა.

„რა საუტხოოა! რა მშვენიერია! კიდევ, უფრო გაბედულად, ბიჭებო! კი, მაგრამ ვისია ეგ მუსიკა?... რაო?.. ენა-კრისტოფ კრაფტისააო, ამბობთ? კარგით ერთი! ნეტა, რას სულულობთ! მე ხომ ვიცნობდი მას! ათიოდე ტაქტის დაწერასაც ვერ მოახერხებდა... ვინ ახველებს მანდ?“

ნუ ხმაურობთ! რა აკორდია ეს? ან ისა? ცოტა უფრო ნელა! დაიცათ!“

კრისტოფი დაუნაწევრებელ ხმას გამოსცემდა; მისი ხელი საბანს ჩაფრენოდა და ზედ რალაციის დაწერას ლამობდა. მიზნედილი ტვინი კი კვლავ ანგარიშიუცემლად ეძიებდა, რა ელემენტთაგან შედგებოდა ეს აკორდები და რას გამოხატავდა ისინი. ვერ ახერხებდა გარკვევას, მღელვარებისაგან აზრები ეყოდა. თავიდან იწყებდა ძიებას. კმარა! ეს უკვე მეტისმეტია...

„შეჩერდით, შეჩერდით, მეტი აღარ ძალმძის...“

ერთიანად მოდუნდა. დაშოშმინებულმა თვალი დახუჭა. ასე თვალდახუჭულს დაპაღუბით სდიოდა ბედნიერების ცრემლები. პატარა გოგონა მიეახლა და ფრთხილად შეუშურალა. ეს გოგონა მისი მომვლელი იყო, თუმცა კრისტოფი ვერც ამჩნევდა მას. აღარც არაფერი ესმოდა, რაც გარშემო ხდებოდა. ორკესტრი დადუმებულიყო, მაგრამ ისევ იმ თავებრუდამხვევი ჰარმონიისაგან აღძრული შთაბეჭდილების ტყვეობაში გახლდათ, ჰარმონიისა, რომლის საიდუმლოც ვერ ამოეცნო. ტვინი ჭიუტად იმეორებდა:

„მინც რა აკორდია ეს? როგორ გამოვიცნო? მინდოდა გამეგო, ვიღრე აღსასრული დამდგარა...“.

ახლა ხმებს მოჰკრა ყური. ერთი მათგანი ვნებათაღელვით გაჭერებული-

ყო. წინ დაუდგა ანას ტრაგიკული თვალები. წამის შემდეგ კი ეს უკვე აღარ იყო ანა. თვალებს სიკეთის შუქი ჩასდგომოდა...

„გრაჯია, შენ ხარ?.. რომელია იმ ორში? თვალი აღარ მიჭრის. ამდენ ხანს რატომ არა ჩანს მზე?“

სამმა ზარმა დარეკა. ფანჯარასთან ბელურები ყივიყივებდნენ, კრისტოფს მოაგონებდნენ, რომ მოწვეულიყო ის დრო, როცა საუზმისაგან მონარჩენ ნამცეცებს უყრიდა ხოლმე ჩიტუნებს. კრისტოფს ესიზმრა ბავშვობისდროინდელი პატარა ოთახი... რეკავს ზარები, საცაა გარიყრაყი მოატანს. ნარნარი ხმები იღვრება გამკვირვალე პაერში. შორიდან მოდის ის ხმები, აგერა იმ სოფლებიდან... სახლის უკან ყრუდ მიხმაურობს მდინარე. კრისტოფი თავის ხავს ხედავს: კიბის თავზე დამდგარი ფანჯარაში გადაყრდნობილა. მთელი ცხოვრება წყალუხვ რაინივით თვალწინ ჩაუვლის. მთელი მისი ცხოვრება, განუყოფელი თანაარსნი, ლუიზა, გოტფრიდი, ოლივიე, საბინა...

„დედა, სატრფონი, მეგობრები... რა ჰქვიათ მათ? სიყვარულო, სადა ხარ? სადა ხართ, სულნო ჩემნო? ვიცი, აქა ხართ, მაგრამ ვერ ვახერხებ, ხელი მოგავლოთ“.

„შენთანა ვართ. დაწყნარდი, საყვარელო!“

„აღარ მინდა, დაგკარგოთ. ისე დიდხანს გეძიებდით!“

„ნუ ღელავ! აღარ მიგატოვებთ“.

„ვავლახ! დინებას მივყავარ“.

„მაგ მდინარეს შენთან ერთად ჩვენც მივყავართ“.

„საით მივექანებით?“

„ნავსაყუდარისკენ, იქ შევერთდებით“.

„მალე იქნება ეს?“

„გახედე“.

უკანასკნელი ძალა მოიკრიბა კრისტოფმა და თავი წამოსწია (ღმერთო, როგორ დამძიმებია!). წამოსწია და დაინახა ნაპირებს გადმოსული მდინარე, ველ-მინდვრები რომ დაეტბორა; წყნარი იყო აღიღებული მდინარის ზედაპირი, ზვიადად და მღვორედ დიოდა. თვალსაწიერზე კი გამოკრთოდა მზეზე მოციმციმე ვერცხლოვან ზვირთთა გრეხილი. ფოლადისებრ მოლაბლაპე ზოლივით გაჭიმული ის გრეხილი თითქოს მდინარის შემოსაგებებლად მოისწრაფოდა. ყურთასმენას სწვდებოდა ოკეანის გუფუნნი... და განაბულმა გულმა კრისტოფისამ იკითხა:

„იგია?“

ნანდაურთა ხმებმა უპასუხეს:

„იგია“.

დაბინდულ გონებას გაუელვა:

„განიხვანა ბჭენი... აჰა, ის აკორდი, რომელსაც ვეძიებდი!.. ნუთუ ეს ბოლოა? რა სიერცე გაშლილა წინ... ხვალ გავაგარძელებთ...“

პოი. სიხარულო, სიხარულო, ადრულო იმის შეგნებით, რომ შეერთი ღვთაების უზენაეს სიმშვიდეს, ღვთაებისა, ვისადმი\* მსახურებასაც მთელი შენი სიცოცხლე ესწრაფოდი!

„ზეციერო, ხომ არ მირისხდები მსახურს შენსას? მე ხომ ისე `ცოტა რამ აღვასრულე! არ ძალმედვა მეტის ქმნა... ვიბრძოდი, ვეწამებოდი, ვცდებოდი, ვკმნინდი. მომათქმევინე სული, მამაშვილურად ჩამიკარ გულში. როდისმე კვლავ აღვდგები ახალ ბრძოლათათვის“.

მოგრიალე მდინარეცა და ბობოქარი ზღვაც მასთან ერთად იგალობდა:

„კვლავ აღდგინდები. განისვენე! ყოველივე ერთ გულში შერწყმულა .უკვე. ღიმილით გადახლართულან ღამე და ღღე. ჰარმონია ღვთაებრივი წყვილია სიყვარულისა და სიძულვილის. ვუგალობ ღმერთს, ორ მძლავრ ფრთაზე მონა-ნავეს. ოსანა სიცოცხლეს! ოსანა სიკვდილს!“

წმიდა ქრისტოფორი მდინარის წიალ მიტოპავს. მთელი ღამე დინების საპირისპიროდ მიიწევს. უზარმაზარი, გოლიათურ მხარბეჭიანი, იგი ტინივით წამომართულა წყალზე. მარცხენა მხარზე უზის სუსტი და მძიმე ყრმა. წმიდა ქრისტოფორი ძირიანად ამოგლეჯილ ფიჭვს დაბჯენია, ფიჭვი იდრიკება. თავადაც წელში გაზნეჭილა. ისინი, ვინც ნახა, როგორ დაადგა იგი გზას, ამბობდნენ, ვეროდეს მიატანსო გაღმა ნაპირს; დიდხანს მიაცილებდა იმათი ქირდვა და დაცინვა. ჩამოდგა ღამე, და ხალხი მოიქანცა. ქრისტოფორი შორსაა უკვე, მის ყურს აღარ სწვდება ნაპირზე დარჩენილთა გნისი. მდინარის ხმაურში ყრმის წყნარი ხმა ჩაესმის მხოლოდ. ყრმას პაწია მუშტით ჩაუბლუჯავს გოლიათის ხუჭუჭა კულული და იმეორებს: „წინ!“ ისიც მიიწევს, მხრებში მოხრილა, მზერა მრუმე ნაპირისათვის მიუპყრია. მოყვანილობა ციცაბო ნაპირისა უკვე ილანდება შორით.

ანაზღად ზარის რეკვა გაისმის, ცისკრის ლოცვად რომ უხმობს. იღვიძებს წყება ზარებისა და ერთიმეორეს ეჯიბრება. აი, ახალი განთიადი! პიტალო კლდეს მიღმა ამოიწვევრება ოქროვანი შარავანდი უჩინარი მზისა. ქრისტოფორი ბოლოს და ბოლოს ნაპირს მიატანს, ოღონდ ფეხზე ძლივსლა დგას. და იგი ეუბნება ყრმას:

— აჰა, მოვედიო! რარიგ გამიქირდა შენი ტარება! ერთი მითხარ, პატარაე, ვინა ხარ?

და ყრმა მიუგებს:

— ახალი დღე ვარ.

## ბამომშვიდობება ჟან-კრისტოფთან

დავწერე ტრაგედია მიმავალი თაობისა ისე, არა დამიმალავს რა. ვაჩვენე ყოველივე — მანკიერება და სათნოება, მდაგველი ჭმუნვა და სიამაყის ანაზღუ-ული გამოვლენა, გმირული ძალისხმევა და ილაჯის გაწყვეტა ზეადამიანური ამოცანის კირთებისაგან: მთელი ჯამი სამყაროსი, მორალი, ესთეტიკა, რწმენა; ამგვარი იყო ამოცანა. — ამგვარნი ვიყავით ჩვენ.

დღეისდღის ადამიანებო, ახალგაზრდობავ, აწ თქვენი ჯერი დამდგარა! დე, ჩვენი სხეულები ისაფეხურეთ — გადაგვიარეთ და წინ გასწით. იყავით ჩვენზე აღმატებულნი და ბედნიერნი...

მე კი ვეთხოვები ამ ჩემს დრომოკმულ სულს, ცარიელა ნაჰუჭივით მო-ვისვრი. სიცოცხლე მონაცვლეობაა სიკვდილისა და აღდგინებისა. მოვკვდეთ, კრისტოფ, რათა კვლავ აღვდგეთ!

**რომენ როლანი.**  
**1912 წ. ოქტომბერი.**



## შ ი ნ ა ა რ ხ ი

ნაწილი მეორე	.	71
წიგნი მეათე. ახალი დღე. — თარგმან ნათელა მეტრეველმა		
ნაწილი პირველი	ჭ	. 158
ნაწილი მეორე	.	. 190
ნაწილი მესამე		. 244
ნაწილი მეოთხე	.	. 273
გამომშვიდობება ჟან-კრისტოფთან		. 306

Ромен Роллан

ЖАН - КРИСТОФ Т. IV

(На грузинском языке)

Детюниздат Грузинской ССР  
«Накадули», Тбилиси, 1979

ს. ბ. № 454

რედაქტორი გ. ბუაჩიძე  
გამომცემლობის რედაქტორი ნ. ლორთქიფანიძე  
მხატვარი ჯ. ყავლაშვილი  
მხატვრული რედაქტორი შ. დოლიძე  
გადაეცა ასაწყობად 20.03.79.  
ხელმოწერილია დასაბუქდად 28.11.79  
ანაწყ. ზომა 7×9  
ქალაქის ზომა 70×90<sup>1/16</sup>  
ნაბეჭდი თაბახი 22,52  
საბ. ქალაქი № 3  
საალრიცხვო-საგამომცემლო თაბახი 20  
ტირაჟი 20.000 შეკვ. № 2556  
ფასი 1 მან. 75 კაბ.

გამომცემლობა „ნაკადული“, თბილისი, მარჯანიშვილის 5.  
Издательство «Накадули», Тбилиси, ул. Марджанишвили 5.

საქართველოს სსრ გამომცემლობათა, პოლიგრაფიისა და წიგნის  
ვაჭრობის საქმეთა სახელმწიფო კომიტეტის თბილისის ი. ჭავჭავაძის  
სახ. წიგნის ფაბრიკა, მეგობრობის გამზირი № 7.

Тбилисская книжная фабрика, им. И. Чавчавадзе, Государст-  
венного комитета Грузинской ССР по делам издательств, по-  
лиграфии и книжной торговли, пр. Дружбы № 7.